

乾隆四十四年

# 西安府志

〔清〕舒其绅等修 严长明等纂

何炳武 总校点 董健桥 审校

西安市地方志办公室

陕西出版集团  
三秦出版社

〔清〕舒其绅等修 严长明等纂

何炳武 总校点 高叶青

董健桥 审校  
党斌

西安市地方志办公室

乾隆四十四年

# 西安府志

陕西出版集团  
三秦出版社



## 图书在版编目(CIP)数据

西安府志: 乾隆四十四年/[清]舒其绅等修; [清]严长明等纂; 何炳武, 高叶青, 党斌校点; 董健桥审校. —西安: 三秦出版社, 2011. 10

ISBN 978-7-80736-905-9

I. ①西… II. ①舒… ②严… ③何… ④高… ⑤党… ⑥董… III. ①西安市-地方志-古代 IV. ①K294. 11

中国版本图书馆CIP数据核字(2010)第263542号

乾隆四十四年

## 西安府志

---

[清]舒其绅等 修 [清]严长明等 纂  
何炳武 总校点 董健桥 审校

出品人 支旭仲  
责任编辑 高峰  
出版发行 陕西出版集团 三秦出版社  
陕西新华发行集团有限责任公司  
社 址 西安市北大街147号  
电 话 (029) 87205121  
邮政编码 710003  
印 刷 西安煤航信息产业有限公司  
开 本 787mm × 1092mm 1/16  
印 张 116  
字 数 1509千字  
版 次 20011年10月第1版  
20011年10月第1次印刷  
印 数 1—2000  
标准书号 ISBN 978-7-80736-905-9  
定 价 580.00元(上下册)

---

网 址 <http://www.sqcbs.com>

## 西安市地方志编纂委员会

主 任 陈宝根

副主任 段先念 何 元

李小六 冯艳阳

委 员 来西京 王忠义 愈树平 郭若为

岳少峰 乔安涛 曾松林 雷英杰

李颖科 陈俐民 王尊敬 肖西平

荆建民 罗亚民 张永安 任立新

冯慧武 周爱全 蒿芒喜 王凯利

秦鸿学 李利民 杨西平 靳秀珍

夏泽民 郝小奇 李长安 姚敏杰

任昆明 张 帜 王 莹 文启湘

陈国庆 甘枝茂 王双怀 张应超

牛 昉 康志祥

## 西安地情资料丛书编委会

主 任 冯艳阳

副主任 姚敏杰 任昆明

张 帆 王 莹

委 员 彭栋为 张 耀 富小云

崔义萍 崔桂琴 杨军亚

姚文东 高长安 高 鹏



# 前言

## 一

西安，古称长安，镇关中沃野，统华夏大地，是古代中国政治、经济、文化的中心，著名的国际性大都市，也是闻名于世的“丝绸之路”的起点。诗圣杜甫云“秦中自古帝王州”，曾叱咤风云、一统寰宇的周、秦、汉、唐，以及先后执掌政权的多个王朝曾在此建都，历时一千多年，西安也因此被誉为“十三朝古都”。

数千年历史源远流长，八百里秦川风起云涌。西安，营造并见证了华夏文明的兴盛与繁荣。

商末周初，周文王、周武王先后在今西安城西南的沣河两岸建立了“丰京”和“镐京”，成为西周王朝宗庙祭祀和政治活动的中心。丰镐作为西周都城，历时近三百年。西周末年，政治动乱，犬戎乘机入侵，在此过程中，原在周王朝西部边陲的秦襄公“将兵救周，战甚力，有功。周避犬戎难，东徙洛邑，襄公以兵送周平王，平王封襄公为诸侯。……襄公于是始国”。

战国时秦献公迁都栎阳，秦孝公徙都咸阳。秦始皇统一六国，仍都咸阳，分天下为三十六郡，内史郡居首，长安当时为其下的一个乡聚。汉初，高祖刘邦采纳娄敬、张良建言，毅然定都关中，

营建长安城。萧何治宫室，惠帝筑城垣，西汉王朝享国二百余年。在此期间，长安城不断发展，丝绸之路开通后，长安成为东方文明的中心，史称“西有罗马，东有长安”。西汉长安城面积约三十六平方公里，大约是同时期罗马城的四倍。城内布局合理、功能齐全，成为当时规模最大的综合性大都市。

东汉定都洛阳，于关中置雍州，后依汉武帝时建置，分设京兆尹、左冯翊、右扶风，仍号“三辅”，长安为京兆尹治所，其在全国范围内的影响仍然十分重大。魏晋南北朝时期，战乱频繁，长安先后成为前赵、前秦、后秦、西魏、北周等多个政权的首都所在。隋朝建立之初，隋文帝杨坚即在汉长安城东南龙首塬南侧“川原秀丽，卉物滋阜，卜食相土，宜建都邑”的地方建造新都“大兴城”。唐代改大兴为长安，并进一步修建和完善。至盛唐，长安城规模盛极一时，唐朝的科技文化、政治制度、宗教习俗、城市建设等，从长安传播至世界各地。西方文化也通过唐长安辗转传至周边的日本、朝鲜、东南亚等国家和地区。唐长安成为东西方商业、文化交流的中心，是当时世界上最大的国际性大都会。其城区面积约八十四平方公里，是现在西安城墙内面积的九点七倍。其形制在当时也影响了邻近国家的都城建设。日本国的平城京（奈良）和平安京（京都），以及唐东北地区的渤海国上京龙泉府，都高度仿效了长安城的建设规划。

唐代以后，国家的政治、经济重心东移，长安失去了国都的地位。五代时，后梁在此设大安府，后唐设西京京兆府，后晋置晋昌军，后汉、后周为永兴军。宋代设永兴军路京兆府。元设安西路总管府，皇庆元年，改名为奉元路。明朝洪武元年，正式更

名为“西安府”，西安之名由此一直沿用至今。在宋、元、明、清权力更迭和政治、经济重心变更的过程中，西安逐渐淡出了国家政治、经济的核心区域。但是，在稳固西部、管理边疆少数民族事务、促进西北地区经济的发展等方面，西安仍发挥着不可替代的重大作用，西安作为西北重镇的地位一直未曾改变。

## 二

遍阅历代方志，内容涉及今西安者卷帙浩繁，诸如汉《三秦记》《三辅黄图》，晋葛洪《西京杂记》，唐韦述《两京新记》，北宋宋敏求《长安志》，南宋程大昌《雍录》，元李好文《长安志图》、骆天骧《类编长安志》，明马理嘉靖《陕西通志》，冯从吾万历《陕西通志》，何景明《雍大记》，以及清代康熙、雍正两部《陕西通志》等等。但专以全面、系统记述西安历史，叙其地理沿革、述其山川古迹、记其风流人物、详其物产民俗者，自宋《长安志》以来，直至清中期尚未出现，致使“七百余年无复有考献征文以继其盛业者”。此与西安千年古都的地位不合，更与清代修志之鼎盛局面形成反差。

清乾隆四十一年，陕西巡抚毕沅赴避暑山庄晋见乾隆皇帝，“请先将关中府志重加修辑，荷蒙俞允”，随即部署《西安府志》纂修工作。由西安知府舒其绅主持，聘请时在陕西的清廷内阁侍读兼《一统志》馆纂修官、著名学者严长明着手编修。

《西安府志》历时四载，至乾隆四十四年（己亥，1779年）编纂完成。全书凡八十卷、卷首一卷，内容涉及古代西安的自然地理、建置沿革、名山大川、人口户籍、贡赋物产、风俗民情、



胜景古迹、艺文金石、历代大事、职官、人物、选举等十五大门，五十一类，号称“上可佐朝廷四库之储藏，下可备西安一郡之文献”，“不独使后之守此土者入境问俗，坐而言者得起而行”，“则此书即为郡守之治谱可也”。

### 三

作为记载西安三千年来历史变迁的资料著述，清乾隆《西安府志》在具备传统地方志基本要素的基础上，更有其突出的特征。

一是权威性。清代是我国地方志编纂的繁荣时期，而乾隆一朝又是清代方志编修的鼎盛阶段。这一时期的方志纂修，无论是修志理论、还是编纂实践，都成果迭出、日臻成熟。大多数地方志书都以现职主官领衔主持，由知名学者执笔完成。这种官方总领、学者参与的修志体制，保证了清代方志较高的质量和品位，因而具有相应的权威性。《西安府志》就是这一时期方志的典型作品。

二是唯一性。在乾隆《西安府志》纂修之前，并没有一部完整的西安地区方志资料可资借鉴。严长明在《略例》中说：“是以今所编述，虽因实创。”乾隆四十四年《西安府志》的编纂完成，可以说填补了方志历史上没有全面、系统记述西安地区志书的空白。

三是资料性。乾隆四十四年《西安府志》是方志编纂中“纂辑派”的代表作品。其所引用的资料，除《大清会典》《大清一统志》等十四种“御制”、“御定”书目外，经、史、子、集都有涉及，包括经部书籍八十八种，正史及编年史书三十八种，地理类书籍一百五十三种，别史等其他史部书籍一百五十种，子部三百一十九种，集部一百七十四种等等，总数约千种之多。

在搜集资料方面，严长明等人做到了凡与西安相关的典籍文献“莫敢或遗”。当然，对于搜集到的大量资料，严长明等人并未不加甄别地使用，而是进行了严格的考证和筛选，其标准在于“莫敢或滥”。从《西安府志》所选用的资料可以看出，严长明等人广征博引、缜密考辨，以儒家正统经书和正史为主，又从历代政书、类书、方志、笔记、各类杂著以及金石资料中再加以广泛搜集。

该志记述内容时间跨度大，上自夏、商、周三代，下迄清乾隆年间；空间范围广，涵盖了清代西安府及所辖长安、咸宁、咸阳、兴平、临潼、高陵、鄠县、蓝田、泾阳、三原、盩厔、渭南、富平、醴泉、同官、耀州等十六个州县，其资料来源广泛，甄别严谨，具有相当高的史料价值和学术价值。

诚然，作为编纂于封建时代的一部志书，清乾隆四十四年《西安府志》也带有它那个时代的鲜明特征，对此，我们应当以历史的角度加以审视，取其精华、去其糟粕，而不苟求于古人。

#### 四

自《西安府志》成书至今，已历二百三十余载，但它对于了解西安的历史，更深刻地认识今天的西安，仍然具有多方面的重要意义。进入新时期以来，中央决策实施西部大开发战略，推进中西部地区快速、协调、可持续发展。在此过程中，《西安府志》所具有的丰富内涵，对于构建西安特色历史文化，推动经济发展，必将显现其应有的价值。

西安地处西北，位于中国中西部两大经济区域结合部，是黄河流域最大的都会，也是新亚欧大陆桥上最大的中心城市。西安

又是西部地区重要的科技、教育、文化、金融、商贸中心和交通、信息枢纽，是实施西部大开发战略的桥头堡。这种优势地位为西安的发展提供了更为广阔空间，也使得本次整理校点《西安府志》的工作有了新的意义。



# 校点说明

一、本次校点整理的八十卷本《西安府志》(以下简称“本志”),是清代乾隆年间西安知府、直隶河间府任丘县(今河北省任丘市)人舒其绅修,内阁侍读兼《一统志》馆纂修官、江宁(今江苏省南京市)籍著名学者严长明主持编纂,于乾隆四十四年(己亥,1779年)编纂完成。该书现存陕西省社会科学院图书馆。

二、本志为纲目体,直排本。本次校点,改为横排,对原书卷、目次序及内容和记述顺序未做变动,但根据横排方式及内容需要,对原书版式做了适当调整,并根据内容层次加以分段。

三、原书所用繁体字改为规范简化字。人名、地名中繁体字,凡属专用字者一般不改,属通用字者改为规范简化字。古字、异体字径改为规范简化字。通假字一般不改,仍依其旧。

四、避讳改字予以纠正,以(代字)[讳字]方式表述,如(元)[玄]、(引)[胤]、(宏)[弘]等。所改之处,均经核查相关资料。首次出现,出校勘记说明。

五、标点符号以国家技术监督局1995年12月13日发布,自1996年6月1日起实施的《标点符号用法》为依据(GB/T15834—1995),但不使用破折号、省略号、着重号、连接号、专名号等标点符号。

六、本志为地方志中“纂辑派”的典型之作,以引述各类文献典籍为记述的主要方式,且一般多为择其要点,间断引述。如对引述文字均加引号,则版面势必引号充斥。故凡不致歧义或误读之处,一般不再使用引号;反之,则使用引号以利界定。

七、本志标题和正文以标宋体、黑体、宋体等字体及不同字号表述,以显示层次上的区别。本志作者穿插于志书正文中的议论性、解释性、说明性

文字，以楷体字表述（原书中多为双行小字）；其在志书正文之外的整段或整句议论性、解释性、说明性文字，同本书正文。

八、本次校点整理清乾隆四十四年《西安府志》，依据历代正史、《清史稿》以及本志内容所涉及的各类文献典籍资料，并标明出处于校勘记中。

九、对发现的原志中脱讹倒衍之处，予以校勘。凡改动原志的地方，用不同字号和方、圆括号表示：圆括号（ ）内表示删去，方括号〔 〕内表示改正或增补，并出校勘记。

十、对疑有脱讹倒衍，但无确凿资料证实者，不做改动，但出校勘记说明。

十一、对原志中史实错误或疑误，出校勘记说明。

十二、本志引用文献典籍，每有省改。凡仅文字表述有出入，但文意通畅且无歧义者，一般尽量保持本志原貌，不据他书改动本志；凡文、意两通而含义不同，或文意、文字表述均有出入者，出校勘记说明；凡本志不误，他书误者，一般不出校勘记。

十三、本志引用典籍书目，或以简称，如《汉书·地理志》作《汉地理志》或《汉志》，《三辅黄图》作《黄图》，《元和郡县图志》作《元和志》，《太平寰宇记》作《寰宇记》，《元丰九域志》作《九域志》，明嘉靖《陕西通志》作《马志》，明万历《陕西通志》作《冯志》，清康熙《陕西通志》作《贾志》，清雍正《陕西通志》作《通志》或《省志》等。整理中均依其称，个别有必要之处，则出校勘记说明。

十四、凡多处校勘所据资料出处相同者，尽量归并为一条校勘记，以“以上据《××××》校改”方式出校。

十五、校勘之处以数码①、②、③等在需要出校的字、词、句后标示，校勘记置于本页末。

十六、本志共出校勘记三千一百七十余条，另有多处校勘点合并出为一条校勘记者，则实际校勘点当大大多于此数。

十七、本志附图，依原图重新清绘，不做改动。图中文字，不加标点，不改为简化字。

十八、对本志作者观点、见解不能苟同之处，不出校纠驳。

# 目 录

## 上 册

序	毕 沅	1
序	尚 安	3
序	刘 增	5
序	浦 霖	7
序	翁 耀	9
序	图萨布	11
序	舒其绅	13
西安府志略例		15
西安府志衔名		19
西安府志总目		21
西安府志恭引		25
西安府志引用书目		26

### 西安府志卷首

#### 天 章

世祖章皇帝 文	1
祭周文王陵文 顺治八年	1
圣祖仁皇帝 诗	1
渭河见终南山	1
冬至抵西安，遥祝皇太后万寿	2

长安行	2
西安偶作	2
文	3
广仁寺碑	3
祭陕西诸帝王陵文 康熙七年	3
祭陕西诸帝王陵文 康熙二十一年	4
祭陕西诸帝王陵文 康熙三十五年	4
祭陕西诸帝王陵文 康熙三十六年	4
祭陕西诸帝王陵文 康熙四十二年	5
西巡祭告诸帝王陵文	
康熙四十二年	5
祭陕西诸帝王陵文	
康熙五十二年	5
祭陕西诸帝王陵文	
康熙五十八年	6
世宗宪皇帝 文	6
祭陕西诸帝王陵文 雍正元年	6
祭陕西诸帝王陵文 雍正二年	6
皇上 诗	7
张若澄灞桥觅句图	7



董邦达辋川雪意·····	7
陕西泾阳县贡生张璘七世同居， 诗以赐之·····	7
陕西巡抚毕沅春报得雨，诗以 志慰，即书赐之·····	7
恭和御制元韵·····	7

### 西安府志卷第一 地理志

西安府·····	9
长安县·····	12
咸宁县·····	13
咸阳县·····	14
兴平县·····	15
临潼县·····	15
高陵县·····	16
鄠县·····	17
蓝田县·····	17
泾阳县·····	18
三原县·····	18
盩厔县·····	19
渭南縣·····	20
富平县·····	20
醴泉县·····	21
同官县·····	22
耀州·····	22

### 西安府志卷第二 名山志 长安 咸宁

西安府 长安县·····	25
--------------	----

咸宁县·····	36
----------	----

### 西安府志卷第三

#### 名山志 咸阳 兴平 临潼 高陵 鄠 蓝田 泾阳

咸阳县·····	43
兴平县·····	44
临潼县·····	44
高陵县·····	50
鄠县·····	51
蓝田县·····	53
泾阳县·····	56

### 西安府志卷第四

#### 名山志 三原 盩厔 渭南 富平 醴泉 同官 耀州

三原县·····	59
盩厔县·····	60
渭南縣·····	63
富平县·····	66
醴泉县·····	70
同官县·····	71
耀州·····	72

### 西安府志卷第五

#### 大川志 水利附 长安 咸宁

西安府 长安县·····	75
咸宁县·····	87

## 西安府志卷第六

## 大川志 附水利 咸阳 兴平 临潼

## 高陵 鄠 蓝田

咸阳县	93
兴平县	96
临潼县	98
高陵县	101
鄠 县	105
蓝田县	109

## 西安府志卷第七

## 大川志 附水利 泾阳

泾阳县	115
-----	-----

## 西安府志卷第八

## 大川志 附水利 三原 盩厔 渭南

## 富平 醴泉 同官 耀州

三原县	135
盩厔县	138
渭南县	144
富平县	147
醴泉县	151
同官县	153
耀 州	154

## 西安府志卷第九

## 建置志 上 城池 公署

西安府	157
-----	-----

城池	157
公署	158
长安县	160
公署	160
咸宁县	161
公署	161
咸阳县	161
城池	161
公署	162
兴平县	162
城池	162
公署	163
临潼县	163
城池	163
公署	163
高陵县	164
城池	164
公署	164
鄠 县	165
城池	165
公署	165
蓝田县	165
城池	165
公署	166
泾阳县	166
城池	166
公署	167
三原县	167
城池	167

公署	168
盩厔县	169
城池	169
公署	169
渭南县	170
城池	170
公署	170
富平县	171
城池	171
公署	171
醴泉县	172
城池	172
公署	172
同官县	172
城池	172
公署	173
耀州	173
城池	173
公署	174

### 西安府志卷第十

#### 建置志 中 镇堡 关津

长安县	175
咸宁县	177
咸阳县	179
兴平县	180
临潼县	181
高陵县	184
鄠县	185
蓝田县	186

泾阳县	188
三原县	190
盩厔县	191
渭南县	193
富平县	195
醴泉县	195
同官县	196
耀州	198

### 西安府志卷第十一

#### 建置志 下 驿传 营伍

西安府驿传	199
西路驿传	199
西北路驿传	200
北路驿传	201
东北路驿传	202
东路驿传	202
东南路驿传	203
[西南路驿传]	203
西安府营伍	204

### 西安府志卷第十二

#### 食货志 上 蠲赈 历代附

蠲赈	207
本朝	207
附:	215
汉	215
后汉	215
晋	216

北魏	216
北周	216
隋	216
唐	217
宋	224
元	224
明	225

### 西安府志卷第十三

#### 食货志 上 户口 田赋

户口 力役附	227
周	227
汉	227
后汉	228
隋	228
唐	228
宋	228
金	229
元	229
明	229
本朝	229
田赋	231
夏	231
周	231
秦	232
汉	232
魏	233
晋	233
北魏	233

唐	234
宋	235
金	236
明	236
本朝	237

### 西安府志卷第十四

#### 食货志 中 积贮 屯运

积贮 和余附	243
汉	243
隋	244
唐	244
宋	246
金	246
元	246
明	246
本朝	246
屯田	248
后汉	248
晋	249
宋	249
金	249
元	249
明	250
漕运	251
汉	251
隋	252
唐	252
宋	255

金	255
明	255
本朝	256

### 西安府志[卷]第十五 食货志 中 经费 课程

经费	261
汉	261
唐	261
元	263
明	263
课程	264
秦	264
汉	264
晋	264
唐	264
宋	266
元	266
明	267
本朝	267

### 西安府志卷第十六 食货志 中 盐钱 茶马

盐钱	271
秦	271
汉	271
魏	271
唐	272
宋	272
金	272

元	272
明	273
本朝	273

周	274
秦	274
汉	274
后汉	275
北魏	276
北周	276
隋	276
唐	276
宋	279
金	280
元	280
明	280
本朝	280
茶马	281
周	281
秦	282
汉	282
后汉	283
唐	283
宋	284
金	284
明	284
宋	285
元	286
明	286

## 西安府志卷第十七

## 食货志 下 物产

谷属	289
果属	292
蔬属	297
药属	301
货属	309

## 西安府志卷第十八

## 食货志 下 物产

草属	313
木属	318
禽属	327
兽属	332
鳞属	335
介属	337
豸属	338

## 西安府志卷第十九

## 学校志

西安府	341
长安县	349
咸宁县	350

## 西安府志卷第二十

## 学校志

咸阳县	351
兴平县	351
临潼县	352

高陵县	353
鄠 县	354
蓝田县	355
泾阳县	356
三原县	357
盩厔县	358
渭南县	359
富平县	359
醴泉县	360
同官县	361
耀 州	361

## 西安府志卷第二十一

## 职官志

汉	363
京兆尹	363
县令	364
后汉	367
京兆尹	367
县令	367
魏	369
京兆郡太守	369
县令	370
晋	370
京兆郡太守	370
县令	370
北魏	372
京兆郡太守	372
冯翊郡太守	372



扶风郡太守	373
咸阳郡太守	373
北地郡太守	373
蓝田郡太守	374
县令	374
参佐	374
北周	374
京兆尹	374
冯翊郡太守	375
咸阳郡太守	375
扶风郡太守	375
延寿郡太守	375
中华郡太守	376
渭南郡太守	376
县令	376
参佐	376
隋	376
京兆尹	376
县令	377
参佐	378

## 西安府志卷第二十二

### 职官志

唐	379
京兆尹	379
京兆少尹	384
县令	385
参佐	392

## 西安府志卷第二十三

### 职官志

五代	397
京兆尹	397
刺史	397
知州	398
宋	398
知京兆府	398
知州	399
县令	401
参佐	405
金	408
京兆府尹	408
耀州刺史	408
县令	408
参佐	410
元	411
奉元路总管府	411
耀州知州	412
县令	412
参佐	415

## 西安府志卷第二十四

### 职官志

明	417
西安府知府	417
耀州知州	419
县令	421

## 西安府志卷第二十五

## 职官志

明·····	435
县令·····	435
参佐·····	457

## 西安府志卷第二十六

## 职官志

本朝·····	465
西安府知府·····	465
耀州知州·····	466
知县·····	467
参佐·····	482

## 西安府志卷第二十七

## 人物志

周·····	485
汉·····	494

## 西安府志卷第二十八

## 人物志

后汉·····	521
三国·····	543

## 西安府志卷第二十九

## 人物志

晋·····	547
宋·····	552
梁·····	553

陈·····	558
北魏·····	559
北齐·····	569
北周·····	569

## 西安府志卷第三十

## 人物志

隋·····	577
唐·····	585

## 西安府志卷第三十一

## 人物志

唐·····	603
--------	-----

## 西安府志卷第三十二

## 人物志

唐·····	647
五代·····	668
宋·····	670
金·····	679
元·····	680

## 西安府志卷第三十三

## 人物志

明·····	685
--------	-----

## 西安府志卷第三十四

## 人物志

明·····	713
--------	-----

## 西安府志卷第三十五

## 人物志

本朝..... 743

## 西安府志卷第三十六

## 人物志 儒林 文苑

儒林..... 775

汉..... 775

三国..... 780

北魏..... 781

唐..... 781

宋..... 784

金..... 786

元..... 787

明..... 788

本朝..... 793

文苑..... 793

汉..... 793

魏..... 798

晋..... 798

南齐..... 799

梁..... 799

北周..... 799

隋..... 800

唐..... 800

五代..... 805

宋..... 805

金..... 806

元..... 806

明..... 807

本朝..... 809

## 下 册

## 西安府志卷第三十七

## 人物志 隐逸 流寓 方伎 释老

隐逸..... 813

汉..... 813

三国..... 815

南[朝]宋..... 816

北魏..... 816

北周..... 816

唐..... 816

五代..... 817

宋..... 817

元..... 819

明..... 819

流寓..... 821

周..... 821

汉..... 822

北魏..... 825

隋..... 827

唐..... 827

五代	828
宋	828
金	829
明	829
方伎	830
周	830
汉	831
北魏	832
隋	832
唐	833
五代	834
宋	834
明	835
释老 人瑞附	835
晋	835
南[朝]宋	838
北魏	838
隋	839
唐	839
五代	844
宋	844
明	844
上古	844
三代	844
秦	845
汉	846
三国	847
南北朝	847

唐	848
五代	850
宋	850
金	851
元	851
明	852
唐	853
明	853
本朝	853

### 西安府志卷第三十八

#### 人物志 列女

周	855
秦	855
汉	856
晋	856
梁	857
隋	857
唐	857
宋	859
金	859
元	859
明	861

### 西安府志卷第三十九

#### 人物志 列女

明	873
---	-----

### 西安府志卷第四十

#### 人物志 列女

本朝	891
----	-----

## 西安府志卷第四十一

## 选举志 上 征荐 诸科

征荐	917
汉	917
魏	918
晋	918
梁	918
北魏	918
北周	918
隋	919
唐	919
后唐	919
后晋	919
后汉	919
宋	919
元	919
明	920
本朝	920
诸科	920
汉	920
魏	922
晋	922
陈	923
北魏	923
北周	923
隋	923
唐	923

宋	926
元	927
明	927
本朝	929

## 西安府志卷第四十二

## 选举志 中 进士

隋	931
唐	931
后梁	933
后唐	933
后晋	933
后周	933
宋	933
金	935
元	936
明	937
本朝	946

## 西安府志卷第四十三

## 选举志 中 举人

宋	951
金	951
元	951
明	951

## 西安府志卷第四十四

## 选举志 中 举人

本朝	975
----	-----

## 西安府志卷第四十五

## 选举志 下 武科 掾史 馆学生

武科	989
明	989
本朝	990
武举	992
唐	992
宋	992
元	992
明	992
本朝	995
掾史	1004
秦	1004
汉	1004
后汉	1004
金	1004
元	1004
明	1005
本朝	1005
馆学生	1005
北魏	1005
唐	1005
宋	1006
明	1006

## 西安府志卷第四十六

## 大事志

夏	1009
---	------

商	1009
周	1011
秦	1018

## 西安府志卷第四十七

## 大事志

汉	1021
---	------

## 西安府志卷第四十八

## 大事志

后汉	1043
蜀汉	1055
魏	1056

## 西安府志卷第四十九

## 大事志

晋	1057
---	------

## 西安府志卷第五十

## 大事志

宋	1081
齐	1081
陈	1081
北魏	1082
北周	1087
隋	1089

## 西安府志卷第五十一

## 大事志

唐	1093
---	------



## 西安府志卷第五十二

## 大事志

唐.....1119

## 西安府志卷第五十三

## 大事志

后梁.....1149

后唐.....1150

后汉.....1151

后周.....1152

宋.....1152

金.....1157

元.....1158

明.....1161

## 西安府志卷第五十四

## 古迹志 上 宫阙

殷.....1169

周.....1169

秦.....1173

汉.....1177

长安故城.....1177

明堂.....1179

长乐宫.....1179

未央宫.....1181

北宫.....1189

桂宫.....1190

明光宫.....1190

建章宫.....1190

甘泉宫.....1194

后汉.....1196

晋.....1197

魏.....1198

后周.....1198

隋.....1199

## 西安府志卷第五十五

## 古迹志 上 宫阙

唐.....1203

京城.....1203

皇城.....1205

西内.....1206

大安宫.....1212

东内.....1212

南内.....1220

华清宫.....1223

## 西安府志卷第五十六

## 古迹志 上 苑囿

周.....1229

汉.....1229

上林苑.....1229

晋.....1235

周.....1236

隋.....1238

唐.....1239

禁苑.....1239

宋..... 1244

### 西安府志卷第五十七

#### 古迹志 中 第宅

汉..... 1245

晋..... 1247

唐..... 1247

明..... 1249

汉..... 1250

后汉..... 1251

魏..... 1251

晋..... 1251

隋..... 1251

唐..... 1252

### 西安府志卷第五十八

#### 古迹志 中 第宅

唐..... 1255

宋..... 1271

金..... 1273

元..... 1273

明..... 1274

### 西安府志卷第五十九

#### 古迹志 中 林垌

上古..... 1275

夏..... 1276

商..... 1276

周..... 1276

秦..... 1278

汉..... 1280

后汉..... 1282

晋..... 1282

宋..... 1283

北魏..... 1283

后周..... 1284

隋..... 1284

唐..... 1284

宋..... 1288

### 西安府志卷第六十

#### 古迹志 下 祠宇

上古..... 1289

夏..... 1289

商..... 1289

周..... 1289

秦..... 1291

汉..... 1293

后汉..... 1297

魏..... 1297

晋..... 1297

北魏..... 1299

北周..... 1299

隋..... 1300

### 西安府志卷第六十一

#### 古迹志 下 祠宇

唐..... 1305

## 西安府志卷第六十二

## 古迹志 下 祠宇

五代	1327
宋	1327
金	1331
元	1333
明	1335
本朝	1345

## 西安府志卷第六十三

## 古迹志 下 陵墓

上古	1353
周	1353
秦	1360
汉	1362
魏	1374

## 西安府志卷第六十四

## 古迹志 下 陵墓

晋	1375
北魏	1375
西魏	1375
北周	1376
隋	1378
唐	1379

## 西安府志卷第六十五

## 古迹志 下 陵墓

唐	1395
---	------

宋	1402
金	1403
元	1403
明	1405
本朝	1414

## 西安府志卷第六十六

## 艺文志 上

赋	1419
论都赋	杜 筠 1419
西都赋	班 固 1422
西京赋	张 衡 1427
西征赋	潘 岳 1434
西都赋	李 庾 1442

## 西安府志卷[第]六十七

## 艺文志 中

诗	1447
雍州	摯 虞 1447
关中诗	潘 岳 1447
长安道	简文帝 1449
长安道	庾肩吾 1450
西游咸阳中	阴 铿 1450
长安道	顾野王 1450
长安道	萧 贲 1450
关陇歌 并序	无名氏 1451
京兆歌	陆 厥 1451
长安有狭邪行	王 褒 1451
奉和赵王西京路春旦	庾 信 1452

望渭水·····	庾 信	1452
奉和春日临渭水应令		
·····	柳 玟	1452
长安道·····	何 妥	1452
长安秋·····	虞 茂	1453
帝京篇十首 并序·····	唐太宗	1453
春台望·····	唐玄宗	1455
临高台·····	王 勃	1456
长安古意·····	卢照邻	1457
帝京篇·····	骆宾王	1458
长安道·····	沈佺期	1460
咸阳览古·····	沈佺期	1460
奉和幸长安故城未央宫		
应制·····	宋之问	1460
游隋故都·····	陆 敬	1461
和洗掾登城南坂望京邑		
·····	袁 朗	1461
过汉故城·····	吴少微	1462
长乐少年行·····	崔国辅	1462
渭城少年行·····	崔 颢	1463
长安道·····	崔 颢	1463
驾出长安·····	王昌龄	1464
喜入长安·····	崔 液	1464
长安道·····	储光羲	1464
望秦川·····	李 颀	1464
渭城曲·····	王 维	1465
送新安张明府归秦中·····	孟浩然	1465
首春渭西郊行呈蓝田张		
二主簿·····	岑 参	1465

忆长安曲二章寄庞淮·····	岑 参	1465
君子有所思行·····	李 白	1466
夕霁杜陵登楼寄韦繇·····	李 白	1466
杜陵绝句·····	李 白	1466
洗兵马·····	杜 甫	1466
收京三首·····	杜 甫	1468
人日城南登高·····	韩 愈	1468
长安道·····	孟 郊	1468
灞上轻薄行·····	孟 郊	1469
长安早春·····	孟 郊	1469
长安羁旅·····	孟 郊	1469
渭上思归·····	孟 郊	1469
长安旅情·····	孟 郊	1469
长安春望·····	武元衡	1470
长安叙怀寄崔十五·····	武元衡	1470
长安道·····	韦应物	1470
津阳门诗 并叙·····	郑 嵎	1471
长恨歌·····	白居易	1479
江南遇天宝乐叟·····	白居易	1481

### 西安府志卷[第]六十八

#### 艺文志 中

诗·····		1483
长安道·····	白居易	1483
秦中吟十首 并序·····	白居易	1483
议 婚·····		1483
重 赋·····		1484
伤 宅·····		1484
伤 友·····		1485

- 不致仕……………1485
- 立碑……………1485
- 轻肥……………1486
- 五弦……………1486
- 歌舞……………1486
- 买花……………1487
- 新丰折臂翁……………白居易 1487
- 杜陵叟……………白居易 1488
- 卖炭翁……………白居易 1489
- 青石……………白居易 1489
- 杏为梁……………白居易 1490
- 官牛……………白居易 1490
- 两朱阁……………白居易 1491
- 长安晓望寄崔补阙……………司空曙 1491
- 南原望汉宫……………司空曙 1491
- 长安路……………皇甫冉 1492
- 长安疾后首秋夜即事  
……………卢纶 1492
- 长安春游……………杨巨源 1492
- 秦关……………司空图 1493
- 登咸阳北寺楼……………张籍 1493
- 初到昭应呈同僚……………王建 1493
- 昭应官舍……………王建 1493
- 昭应官舍书事……………王建 1493
- 长安早春……………王建 1494
- 长安别……………王建 1494
- 屏居整屋……………耿漳 1494
- 整屋客舍……………耿漳 1494
- 晚次昭应……………耿漳 1494
- 长安秋夕……………戎昱 1495
- 上元夜忆长安……………顾况 1495
- 长安道……………顾况 1495
- 长安道……………聂夷中 1495
- 长安道……………鞠信陵 1495
- 长安少年行……………李廓 1496
- 忆长安 正月……………谢良辅 1497
- 忆长安 二月……………鲍防 1497
- 忆长安 三月……………杜奕 1497
- 忆长安 四月……………丘丹 1498
- 忆长安 五月……………严维 1498
- 忆长安 六月……………郑槩 1498
- 忆长安 七月……………陈元初 1499
- 忆长安 八月……………吕渭 1499
- 忆长安 九月……………范灯 1499
- 忆长安 十月……………樊珣 1499
- 忆长安 十一月……………刘蕃 1500
- 忆长安 十二月……………谢良辅 1500
- 长安游……………于鹄 1500
- 长安早春言志……………陈羽 1501
- 过栎阳山溪……………陈羽 1501
- 晚发咸阳 寄同院补遗  
……………李嘉祐 1501
- 长安杂题长句……………杜牧 1501
- 咸阳……………李商隐 1503
- 长安旅夜……………许浑 1503
- 长安岁暮……………许浑 1503
- 咸阳城东楼……………许浑 1503
- 咸阳怀古……………刘沧 1504

咸阳怀古	刘 兼	1504
咸阳怀古	韦 庄	1504
长安感兴	郑 谷	1505
渭阳楼闲望	郑 谷	1505
长安春日	章 碣	1505
新 丰	章 碣	1505
长安惜春	罗 邺	1506
长安春夕旅怀	罗 邺	1506
长安晚秋	赵 嘏	1506
晓发昭应	项 斯	1506
咸阳别李处士	项 斯	1507
经咸阳北原	马 戴	1507
秦原早望	李 频	1507
长安怀古	储嗣宗	1507
长安即事	储嗣宗	1508
登渭南县楼	许 棠	1508
长安书事	张 乔	1508
宿昭应	张 乔	1508
秦 庭	胡 曾	1508
咸 阳	胡 曾	1509
长 安	胡 曾	1509
咸阳有怀	陈上美	1509
长安春日	薛 逢	1509
长安夜雨	薛 逢	1510
渭城春晚	谭用之	1510
长安道中早行	张 泌	1510
长安冬夜书事	任 翻	1510
长安春日	曹 松	1511
题咸阳楼	李 洞	1511

开元即事	徐 夤	1511
闻长安庚子岁事	徐 夤	1512
长安春	崔道融	1512
长安春	崔道融	1512
咸阳怀古	崔道融	1512
登咸阳县楼望雨	韦 庄	1512
长安旧里	韦 庄	1513
长安清明	韦 庄	1513
长安春	韦 庄	1513
长安道	王贞白	1513
九日长安作	王贞白	1514
长安春感	杜荀鹤	1514
长安里中闻猿	吴 融	1514
雪后过昭应	吴 融	1514
长安夜游	袁不约	1515
长安早春	施肩吾	1515
长安道	释贯休	1515
长安早秋	释子兰	1516
秦家行	无名氏	1516

### 西安府志卷第六十九

#### 艺文志 中

诗		1517
再归秦川	寇 准	1517
长安春望感怀	寇 准	1517
长安道中怅然作	宋 祁	1517
长安府舍山楼	韩 琦	1518
别长安	司马光	1518
观嬴秦	邵 雍	1518



观两汉·····邵 雍	1519
恩封渭南伯。唐诗人赵 嘏为渭南尉，当时谓 之赵渭南，后来亦将 以予为陆渭南乎？戏 作长句。 ·····陆 游	1519
次择之韵聊纪秦事·····朱 子	1519
长安怀古·····吴 激	1520
长 安·····方 回	1520
移任云阳·····袁 灼	1520
长安少年行·····元好问	1521
长安陌·····余 阙	1521
客自关辅来有言秦民 东徙者·····雷 琯	1522
咸阳感怀·····杨 奂	1522
送殷孝章赴咸阳教谕 ·····高 启	1522
西京篇·····王廷相	1522
长安道·····薛 蕙	1524
整屋清明·····何景明	1524
渡泾渭·····何景明	1524
渡 渭·····康 海	1525
长安道·····于慎行	1525
咸阳怀古·····谢 贞	1526
咸阳怀古·····马 理	1527
晚渡咸阳·····马中锡	1527
咸阳怀古·····徐 震	1527
长安怀古·····王 越	1527

关西杂咏·····程 诰	1528
发咸阳次醴泉怀古·····龙 膺	1528
国朝·····	1528
咸阳早发·····王士禛	1528
长安道·····吴兆騫	1529
渭川怀古·····许孙荃	1529
池阳即目·····许孙荃	1529
晨过咸阳·····王心敬	1529
诗余·····	1529
忆秦娥·····李 白	1529
酒泉子·····张 泌	1530
阳关引·····寇 准	1530
西 河·····周邦彦	1530
齐天乐·客长安赋·····王易简	1532
蓦山溪·····张信甫	1532

## 西安府志卷[第]七十

### 艺文志 下

诏·····	1533
罢作昌陵诏·····汉成帝	1533
徙请作昌陵大匠诏·····汉成帝	1533
追赐朱勃子谷诏·····后汉明帝	1534
移都城于龙首山诏·····隋文帝	1534
拜昭陵，赦醴泉、免县 租调诏·····唐高宗	1535
褒魏知古谏猎渭川手诏 ·····唐玄宗	1535
免新丰杂科诏·····唐玄宗	1536

以稻田给贫民诏·····唐玄宗 1536	为留守作庆山醴泉表
昭陵皇堂有光,赦京兆、	·····张 说 1549
关辅诏·····唐代宗 1536	为集贤崔相公论京兆
拟幸新丰及同州敕·····苏 頔 1538	除授表·····钱 珣 1550
制·····1538	为京兆第五尹请车驾
幸长安制·····苏 頔 1538	回西京表·····于 邵 1552
幸西京制·····张九龄 1539	京兆府请复尊号表·····柳宗元 1553
减征京畿夏麦制·····常 袞 1539	第二表·····柳宗元 1554
减征京畿丁役等制·····常 袞 1540	为京兆韦尹谢许折杂表
京兆府减税制·····常 袞 1541	·····刘禹锡 1554
放京畿丁役及免税制	为京兆尹捉贼不获谢恩
·····常 袞 1542	表·····韦元甫 1555
减京兆府秋税制·····常 袞 1543	贺栢阳醴泉表·····独孤及 1555
免京兆府税钱制·····常 袞 1544	耀州谢上表·····范仲淹 1556
减京畿秋税钱制·····常 袞 1544	奏记·····1557
德音·····1545	上秦始皇书·····李 斯 1557
赈贷京畿百姓德音	谏除上林苑·····东方朔 1559
·····唐宪宗 1545	上书谏猎·····司马相如 1560
赈贷京畿德音·····唐宪宗 1546	乞种麦限田章·····董仲舒 1561
批答·····1547	讼王尊书·····公乘兴 1561
答京兆府二十四县耆寿	论罢昌陵·····刘 向 1563
《谢赈贷表》·····白居易 1547	请西都关中奏·····王思政 1566
表·····1547	请车驾还京·····郭子仪 1566
贺富平县龙见表·····许敬宗 1547	乞救济陕西饥民·····范仲淹 1567
为凤阁侍郎李元素进	通进司上皇帝书 节
冬堪表·····李 峤 1548	·····欧阳修 1568
为太子请以家令寺地	乞选亲贤为京兆牧·····唐 重 1569
给贫人表·····崔 融 1548	请从祀谥法疏 节·····张邦俊 1569
	状·····1570

- 贺昭陵征应状……………张 说 1570  
 论关中事宜状……………陆 贽 1571  
 请依京兆所请折纳状  
 ……………陆 贽 1574  
 论度支令京兆府折税市  
 草事状……………陆 贽 1575  
 谏驾幸温汤状……………元 稹 1577  
 三月三日谢恩赐曲江  
 宴乐状……………白居易 1578
- 西安府志卷第七十一**  
**艺文志 下**
- 书……………1579  
 与荀彧论关中归民书  
 ……………卫 觐 1579  
 与张岫庵吕侯书……………王心敬 1579  
 檄……………1580  
 宣三辅讨姚苻檄……………郭 质 1580  
 传藩镇会复关中檄……………郑 畋 1581  
 露布……………1582  
 西平王李晟收[复]西京  
 露布……………于公异 1582  
 收复京城奏捷露布……………杨复光 1586  
 议……………1588  
 来 民……………商 鞅 1588  
 幽防议……………文翔凤 1590  
 策……………1592  
 议罢漕运可否……………白居易 1592  
 说……………1593
- 耀州漆沮源流利害说  
 涧谷浊谷清谷附……………张凤鸣 1593  
 论……………1595  
 过秦论一……………贾 谊 1595  
 过秦论二……………贾 谊 1597  
 过秦论三……………贾 谊 1598  
 嬴秦论……………刘 蛻 1599  
 秦 论……………何去非 1600  
 过秦论……………杨 慎 1601  
 对……………1602  
 鄂人对……………韩 愈 1602  
 序……………1603  
 《长安志》序……………赵彦若 1603  
 《游鄂山诗》序……………程 子 1604  
 《长安志图》序……………李好文 1605  
 《长安志》序……………康 海 1606  
 《三辅黄图》序……………颜 敏 1607  
 《西京杂记》序……………颜 敏 1608  
 记……………1608  
 李卫公故物记……………韦端符 1608  
 京兆少尹西厅壁记……………权德舆 1610  
 京兆府司录加秩记……………于 邵 1611  
 颂……………1612  
 京兆樊惠渠颂并序……………蔡 邕 1612  
 京兆尹张公德政碑颂  
 并序……………王 维 1613  
 赞……………1615  
 文王见吕尚赞……………庾 信 1615  
 秦穆公饮盗骏马赞……………庾 信 1615

樊哙见项王赞·····	庾 信	1616
朱云折槛赞·····	庾 信	1616
箴·····		1616
雍州牧箴·····	扬 雄	1616
上林苑令箴·····	扬 雄	1616

### 西安府志卷第七十二 金石志

西安府·····		1617
秦·····		1617
隋·····		1617
唐·····		1618
梁·····		1623
宋·····		1623
金·····		1626
元·····		1626
明·····		1627
长安县·····		1627
唐·····		1627
咸宁县·····		1628
隋·····		1628
唐·····		1628
五代·····		1629
宋·····		1629
金·····		1631
元·····		1631
明·····		1631

### 西安府志卷第七十三 金石志

咸阳县·····		1633
----------	--	------


周·····		1633
唐·····		1633
宋·····		1634
元·····		1634
兴平县·····		1634
隋·····		1634
宋·····		1634
明·····		1634
临潼县·····		1634
后魏·····		1634
宋·····		1635
金·····		1635
元·····		1636
明·····		1636
高陵县·····		1636
唐·····		1636
鄠 县·····		1636
隋·····		1636
唐·····		1636
宋·····		1636
金·····		1637
元·····		1638
明·····		1638
蓝田县·····		1638
宋·····		1638
明·····		1638
三原县·····		1638
唐·····		1638
宋·····		1639


明.....	1639		
盩厔县.....	1639		
唐.....	1639		
宋.....	1639		
元.....	1640		
渭南县.....	1641		
唐.....	1641		
元.....	1641		
富平县.....	1641		
唐.....	1641		
宋.....	1642		
醴泉县.....	1642		
唐.....	1642		
宋.....	1645		
同官县.....	1646		
元.....	1646		
耀 州.....	1646		
宋.....	1646		
西安府志卷第七十四			
拾遗志 地理 山水 建置 食货 学校			
.....	1647		
西安府志卷第七十五			
拾遗志 职官 人物			
.....	1661		
		西安府志卷第七十六	
		拾遗志 人物	
		.....	1683
		西安府志卷第七十七	
		拾遗志 人物	
		.....	1695
		西安府志卷第七十八	
		拾遗志 选举 大事	
		.....	1715
		西安府志卷第七十九	
		拾遗志 古迹	
		.....	1733
		西安府志卷第八十	
		拾遗志 艺文 金石	
		.....	1753
		后 记.....	1771

廐

# 1. Introduction









# 序<sup>①</sup>

毕沅

古者以大臣出为郡守，天子得亲见问，优者辄劳玺书，赐金增职，甚至入为三公。盖谓其承流宣化，实能名实相应，致其事于民也。然一郡之内，古今疆索殊其致，山川民物异其宜，利弊沿革，必先贯串于中而后见之施行，各得其职，是以班氏《汉书》首志地理，诚见夫欲行所知，未有不先以尊所闻者也。西安古称天府四塞，丰镐宅京，而后秦、汉、隋、唐咸建都邑于此，因是掌故甲于寰宇。

余于乾隆癸巳奉天子命，简任封圻，巡抚兹土，七稔于兹。其间名山大川以暨故墟废井、车尘马迹，大半经行，然于山则终南、惇物、太乙、垂山、武功、太白，一实数名；于水则灞、浐、泾、渭、沔、镐、潦、漓，存亡分合，虽孔《传》、班《书》、桑《经》、郦《注》，迄无定论，《锥指》莫繇，其他袭故沿讹，更难究诂。向著《关中胜迹图志》类加辨析，而只议单辞，相羊莫助。岁乙未，江宁严侍读长明以病在告，税驾关中，因以积疑与之上

---

① 原书此处无标题，“序”及署名系校点者所加。以下六“序”同。

下，侍读所见，多与余相吻合。丙申入覲，爰请先将关中府志重加修辑，荷蒙俞允，秉节西旋，乃以首郡属其排纂，武进庄州倅斡佐之。侍读因与原本史裁，发凡起例，商榷既定，复以兹事体大，率臆莫凭，乃携归金陵，搜荟群籍，凡与秦中文献关涉者，计得千数百种，目载卷首，类次区分，文成数万，致力可谓勤矣。犹以事不深于政术，理弗密于时务，史廓经郭事等驳斥者罔焉，因是复诣青门，适榆林舒太守其绅调任首郡，修明政教，百废具举，公余之暇，力任搜扬，阅其所上图册，至于兼两莫能胜载。侍读复详加决录，州次部居，为门一十有五，分类五十有一，统计成书八十卷，剞劂藏事，以全函来上，复请序以弁其首。余时方奉命署理督篆金城，候馆间时复披览，其文则简要而事复赅综，具程大昌之博议而谢其烦芜，擅何景明之雅材而加以典实。盖侍读读书破万，故能衷百论以贯三长，而舒守本实心以行实政。即其甄录所在，而于食货见其勤求政本焉，于建置见其兴举废坠焉，于学校官师知其兴德造而重循良，于忠贞节烈知其阐幽潜而维风教。则是志也，固一郡之献征，即谓太守之治谱可也。

昔京兆尹之盛，无过两汉，今观所载如张敞、翟方进、隽不疑、颜斐诸人，皆起家经术，不徒以文法见长，厥后咸至大官。今当计吏之年，余以太守才猷卓著，为书上考，列荐于朝，肆覲后蒙恩嘉劳，行将蜚英腾茂，允升于大猷。爰为述其颠末，用示郡有良二千石，能以文学被饰吏治，不特长吏与有荣施，兼使列郡诸守亦知所以自效也。

乾隆己亥秋七月朔，赐进士及第、兵部侍郎兼都察院右副都御史、巡抚陕西西安等处地方赞理军务兼理粮饷、署理陕甘总督兼管甘肃巡抚事、军功加七级、镇洋毕沅撰。



# 序

尚 安

国家重熙累洽，久道化成，輶轩所达，山陬海澨，遗书逸典，靡不兼采毕献，以充金匱石室之藏，甚盛际也！余自维樛昧，早岁通籍，仰承恩命，由兵曹观察畿辅，不一岁复荷新纶，旬宣兹土。

夫西安为古雍州形胜之地，丰镐既宅，下逮秦、汉、隋、唐，代建皇畿。神皋奥区，龙兴虎视，其中疆索、山川、民物、政教，因革损益，宪古证今，迥非列郡所能方驾。己亥秋中莅任以后，访宋敏求所修《长安志》于藏书家，不可得，因取州县所修志籍详加披览，率皆近代甄辑，体例杂书，言人人殊，难以征信。未几而郡守舒君以新修府志来上，复请序以弁其端。阅之始知今大中丞毕公于丙申入覲，有修明志乘之奏，是编则江宁严侍读长明所纂辑者也。余与侍读于乾隆戊子岁相与奉笔机廷，后先五载，深悉其娴雅闳通，为当代著作巨手。兹阅是编，甄综群籍，原本史裁，而太守舒君复为参稽案牘，斟酌民言，俾一郡之掌故，眉列掌示，宜于古，不悖于今，信乎！可备是邦之文献而资贤守之设施矣。



昔汉萧相入关，先取图籍，厥后《三辅黄图》《西京杂记》《两京道里》《咸镐故事》诸书，摛文隶事，艳溢缥緲，然存亡率多参半。传者如程泰之之《雍录》、何大复之《雍大记》，或失之烦，或失之简。求能综括古今而复折衷典则如今所著者，方之于古，岂易觐耶？

余自从宦以来，久疏简毕，近岁复奉命从征西南徼外，戎马驰驱，更滋荒率。今者方莅兹土，而皇然大著适观厥成，良深庆幸。微君请，亦将欣然泚笔以序之也。继自今甘露时雨，沐浴湛恩，名山大川，扬诩盛德，上以备四库之储藏，下以佐三辅之化理，胥在于是，不其（祗）[祗]<sup>①</sup>欤！

是为序。

乾隆己亥秋九月望，陕西承宣布政使尚安撰。

---

① 据文意改。祗，美好之意。

# 序

刘 樽

郡邑之有志，所以审疆域，察风土，镜古今，辨因革，观民设教，于是取资，实为治者辅相裁成之一助。而今之有司，往往忽焉不讲，盖以簿书期会，禁令征发，日汲汲焉无须臾之间，又以为此特文人学士用以诮方闻、资博览，而非当务之急者，故郡邑虽旧有志乘，往往听其编残简断，漫漶而不可考。矧无所资藉而欲究古证今，为之创始，以备一方文献，盖綦难矣。

乾隆戊戌，余奉恩命，秉臬是邦，知今大中丞毕公于丙申入觐，有重修关中府志之奏。西安首郡，则太守舒君经纪其事，而严侍读长明方有事于排纂，尚未蒞厥事。余维西安地大物博，兼自成周而后，秦、汉、隋、唐，代建国都，胜迹遗闻，甲于列郡，自非博识通材，莫能胜任。今仰奉恩纶，旬宣南服，行将俶装入觐，而舒公适以成书来上，因为穷日披览，其中取材既博，义例复精，有张茂先之博虚，有刘原父之殚洽，盖几几乎与宋敏求《长安》一志方轨齐驱，至程大昌《雍录》、何景明《雍大记》、焦源清《雍胜略》诸书，有其过之无不及也。

侍读娴雅闳通，向以著作有声馆阁，而太守于政教修明之暇，

复能搜辑旧闻，网罗今宪，使是邦之疆理山川、户口田赋、民物政事，罔不粲若列眉，了如指掌。不独使后之守此土者入境问俗，坐而言者得起而行，而亦足征其布政优闲，不徒以法令文具自暴其贤劳，尤足为牧守所钦式也！因不辞而为之序。

乾隆己亥季秋上浣，陕西提刑按察使、升授江宁承宣布政使、诸城刘墀撰。

# 序

浦 霖

关中天府四塞，古称神皋奥区，丰镐既宅，下逮秦、汉、隋、唐，缔造宏业，分郊画畿。其间山河雄秀，人物瑰伟，意必有闳通娴雅之材，畅演鸿制，以震耀古今耳目。顾余稽之往牒，征诸今宪，自宋敏求《长安》一志而外，七百余年无复有考献征文以继其盛业者，岂其地之无足志欤？抑以兹事体大而才学识不足以相支柱，往往知难而退已尔？

余幼耽坟素，自中岁通籍，由农曹奉使楚蜀，按部持筹，久疏铅槧。今年秋仲，复奉恩命，陈臬是邦。莅任后，知今大中丞毕公辑有《关中胜迹图志》，于丙申入覲，进呈乙览，奉旨缮入《四库全书》。复以国家累洽重熙，而关中为文武遗区，声教易于渐被，因请先将府志重加修辑，荷蒙俞允，秉节西旋。适江宁严侍读长明游寓青门，因以首郡属其编订，而太守舒君其绅为之甄综厥事。余向与侍读同官京师，后先十载，深悉其博虚殚洽、擅著述之三长，兹特方州一志，必能究古证今，以备一方典录。未几，太守以成书来上，因为穷日披览。为门一十有五，分类五十有一，统计八十一卷。其中取材宏富，立义精严，方诸史传，大都取则扶

风，而荟萃鉴裁，尤与宋欧阳氏之《新唐书》相似，非近日操觚家之能事也。然非太守之抱质怀文，公余之暇，举一郡之典章文物为之，斟酌民言，参稽案牍，以赞成厥美，所诣亦安能如是？是作者编摩之椽笔，与述者甄括之苦心，兼听并观，盖有缺一不可者。抑余尝谓都会之地，首重京师，他如建康、临安、洛、汴以暨西安，皆古宅京之所，而纪载胥未前闻。我皇上稽古右文，网罗放佚，以京都首善之区，钦命儒臣重修《日下旧闻》，以备西清掌故，甚盛际也。

余本浙人，而豫与秦中，亦皆宦游所历，窃欲从事于此，今关中之志业已先获我心。侍读端居多暇，于数大都会之未有志者，倘能悉踵成之，用俟輶轩所达，兼采毕献，以充石室金（匮）[匱]之藏，不彬彬乎一时之盛轨欤！余虽自愧不文，他日尚当为君泚笔以序之也。

乾隆己亥冬十月下浣，陕西按察使浦霖撰。

# 序

翁 耀

西安古京兆地，疆土恢廓而博厚，山河奥衍而雄秀，人士瑰伟而英多，古称“天府”，百二之雄，文物风教之盛，岂偶然哉！然则作志者于此将以征核文献，使百代之版章土宇，以及名山大川、城郭沟洫、民物风俗，星罗棋布，巨细具举，而政化之所施，抚驭之所及，由此犁然可考，不綦难欤！

大中丞弇山毕公巡宣是邦，阅兹数载，举凡土物民风，无不备悉，而西安为省会要区，尤加意焉。乾隆丙申夏，入觐避暑山庄，以各属旧志多简而不详，浮而寡要，奏加增辑，天子俞其请。还及秦中，适严侍读长明至，因先以《西安府志》属编纂焉。

夫地志之难，难其与史相表里，而尤要者，在各得其民情土俗之所尚，以稔知乎条教号令之所宜设施，使后之读是书者由其言次第行之而无不协，乃为善耳。今西安自秦、项洎今，或为塞国，或为渭南，或为内史，或为京畿，或为大安，或为安西。所辖州县或出入于冯翊、扶风、北地三郡之间，其疆域、城池变迁较异。至于垂山、惇物彼此互称，武功、太乙、太白、终南一实数号；灞、浐、泾、渭、丰、镐、潦、潏，存湮错置；郑、白、



六辅、龙首、永安，修浚异宜。以讠宫阙、苑囿、第宅、陵墓、祠祀之散见于诸史暨《三辅黄图》《长安志》《雍录》《雍大记》诸书者，或基址偏存，或地分难定，求其博综群书，考符典故，有伦有要者，盖已难言，若其征验民风，资益吏治，有关于上人之政教、民俗之淳庞者，则非通达古今、求至于昔之立言者，不得而知之，亦不得而详之也。

我朝德化覃敷，文明光被，海甸乂安，万方沾沐深仁厚泽，歌咏太平者百数十年。于兹疆境日辟，幅员日广，虽在穷陬荒域，莫不加以教养，凡所以为民暑计者，靡所不至。今中丞公仰体皇仁，敷施美利，使斯民欣悦乐利，上致天和；渐摩敦阜，下成风俗。推厥由来，大抵起于政化之自然而然，作志者宜若难以依拟。侍读此书，乃举其宏纲，条其庶绩，铺陈事势，绘藻情状，蔼然见上下和溢之气象。然则际斯时而作志，将润色鸿业，扬厉盛治，实于是乎在！燿备位兹土，亦乐得而述之。若夫体例之精详，类事之赡具，则又作者之余伎，燿特详言其大者。

乾隆己亥孟冬下浣，陕西粮储道翁燿撰。

# 序

图 萨布

邦国之志，史之属也。唐刘知幾云：“史莫难于志，而志地理尤难。”盖夫疆理山川、土田民物、官师学校，以治以教，胥于此乎取则焉。是以班氏《汉书》首志地理，诚见夫征文考献，治化所先，而记载之不可以已也。然吾观天下郡国之志，或迫于功令勉强为之，若府州县志，往往有数百十年而未尝有成书者，岂其郡邑之事皆无足志耶？毋乃守兹土者有其志而无其才，抑有其才而无其志，故废坠至于此欤？

西安古称“天府”，文武宅京，而后代建国都，地大物博，人物政事，数（陪）[倍]于他郡邑。考古作者，代有纂述，如《关中记》《三辅决录》《咸镐故事》《两京道里》诸书，皆佚不传。幸宋敏求《长安》一志，藏书家尚有副本，堪以据依。嗣是而后，相传明季王绍徽曾辑府志，但其人阉党，是非笔削，未必出于至公，故未久而其书亦湮没也。

我朝重熙累洽，稽古右文，网罗载籍，举凡方州郡邑，偏记琐言，咸得上之阙廷，以备天禄、石渠之采。是以今大中丞毕公于丙申岁入覲滦京，特为奏请将秦中府志重加修辑，荷蒙俞允。

回轅后，适江宁严侍读长明游寓关中，因以首郡属其排纂，而太守舒君为之甄综其事。侍读向官京师，有声馆阁，乙酉岁奉旨重修《大清[一]统志》，陕省实为所分修。兹特一郡之志，宜其证今宪古，条举裕如。而太守抱质怀文，今方以上考列荐于朝，肆覲西旋，行将仰邀，不次迁擢。古所称良二千石，名实相副，赐金增秩，至入为三公者，庸詎知古今人不相及耶？抑余闻之：志者，识也。识大识小，莫不有文武之道焉。今西安为丰镐遗区，太守修明其道，他日允升，而后俾受代者得尊所闻，以行所知，则此书即为郡守之治谱可也。因为书其缘起，并以示异日之继守此土者。

乾隆己亥秋九月既望，陕西盐法道兼署督粮道事图萨布撰。

# 序

舒其绅

《传》曰：“志者，识也，所以记识其事也。”《周礼》：“小史掌邦国之志”，郑氏以《春秋》《周志》《国语》《郑书》释之；“外史掌四方之志”，郑氏以晋《乘》、楚《杻机》、鲁《春秋》释之。厥后班氏首志地理，其析之为一方也。汉有三辅之典，隋有东都之记，沈莹著临海水土，周处撰阳羨土风，皆后来方志之权舆也。然于尺帙之中而欲囊括众有，以备一方掌故源流，商榷弊有数端：逞方隅之见而不详练夫疆索、山川、民物、政教之粲陈，则伐山未周，取材无藉，其失也简；率摭捃之臆，而不斟酌乎古今疑信、因革损益之短长，则事等痴语，辞成泛滥，其失也烦；烦简适中，事增文省，而义例未谐，考核不审，去取或蹈于偏陂，笔削弗衷于文质：纰缪之端，固多术矣。矧西安为成周以来都会之地，风土人事即史汉隋唐正史所牖已，非方匭所能胜载，更欲衷以群言，益以今宪，加以决录，盖綦难焉。是以宋敏求《长安志》后，距今七百余年，仅闻王绍徽一志，书亦不传，且其人阉党，其书即传，亦未必卓然可据也。

我国家重熙累洽，稽古右文。乾隆癸巳，大中丞毕公奉命巡

抚斯土。七稔以来，年谷顺成，百废具举。前于丙申入覲，特奏重修关中府志，上俞所请，旌节旋辕，谕首郡田太守锡莘甄录其事，而江宁严侍读长明、武进庄州佐圻共编辑焉。侍读以西安无旧志可因，而藏书之家复渺，因载归末下，尽发所储，后先一载，辑成长编。复至青门，田守已捐馆舍，未遑卒业。余适承乏此邦，深维兹事体大，恐终不溃于成也。因是斟酌民言，参稽案牘，凡一郡之农田、水利、食货、建置、官师、学校、选举，以及人物之忠孝节烈、官有条章、家相簿籍，恣情披阅，莫敢或遗，亦莫敢或滥。侍读复为甄综史例，抑扬寸心，口沫手胝，又经两载，汗青始竟。上之中丞毕公、督学童公，暨方伯、廉镇、观察、台司长吏，咸以一得见许。爰编次卷帙，付镂木家，于是西安一郡之文献，乃粲乎其大备矣。

余闻之《诗》曰：“芄芃棫朴，薪之櫛之。”又曰：“倬彼云汉，为章于天。”《传》曰：“棫者，白桤；朴者，枹木。皆丛生之小者。然析而薪之，燎而祭之，光亦炳于天焉。”今国家重修《统志》，方成数省，而四库馆亦未竣事，是编实为诸郡嚆矢，行将次第成书，仿古形方训俗之制，上之史氏，用备兰台、蓬观之储。俾他日志籍者知谫陋如余，而治郡餘闲，尚能法古循良，编摩故实，不可谓非，厚幸！然非际今大中丞修明政教，废坠聿兴，而承流望风者，曷能如是？因援笔以志成书岁月，并以庆余之遭也。

乾隆岁次己亥季秋之望，西安府知府任丘舒其绅撰。

## 西安府志略例

一、陕西省为域中形胜之区，西安地当省会，丰镐宅京，而后下汧秦、汉、隋、唐，代建国都，以故山川都邑、人文土物，甲于他郡。前志之相承者，晋有《关中记》《三辅故事》，梁有《两京新记》，后周有《西京记》，唐有《两京道里记》《咸镐故事》，全书皆佚不传，传者惟宋敏求《长安志》，本唐韦述所撰《两京新记》，最为该洽，堪以据依。余如程大昌《雍录》、何景明《雍大记》，尚足以资采择。至今宪则，多原本《大清一统志》暨雍正十三年刘文恪、史文靖奉敕所修《陕西通志》，复参以马忠献、冯恭定、贾中丞三家《通志》。诸书所未备者，则博考经史，旁征图籍，取材既广，卷帙遂多。至府志，旧有王绍徽撰本，其人以阉党，故其书不存。至州县志中，惟高陵、富平、醴泉、耀州尚系明代所修，载引用书目卷。余出近今纂辑，间有取资，难以尽据。是以今所编述，虽因实创。将上以佐朝廷四库之储藏，下以备西安一郡之文献，断不敢就简尚奢，贻讥芜漏。

一、立言期于有序。西安自康熙乙酉圣祖仁皇帝翠华西幸，奎文景铄，墨宝璘玢，谨录篇端，以光万祀。其他分类，原本史裁，折衷群议，离为十有四门。盖王者度地居民，必先画疆分野，地理在所先也。郑樵云：“地理之要，在于山川，山泽既通，首先防御。”故名山、大川、建置次之。有土斯有财，咸则三壤，所以



成赋也，故次之以食货。厚生必正德，敬敷五教，所以明伦也，故次之以学校。然苟非其人，位不虚附，则职官尚矣。官师备位，教养兼行，而后人材出焉，选举行焉。治具聿章，得失期于可鉴，则大事不可不纪也。风徽既往，文献惜其无征，则古迹不可不详也。至诗所以观民风，文所以纪政事，皆致治所不废，故以艺文、金石终焉。若夫野史稗官、郢书燕说，流传已久而诸类不及详者，别为拾遗，聊以资博览、广异闻而已，无关于政教之大也。

一、《传》云：“言有物。”又云：“言之无文，行之不远。”是编征引经籍，悉取原文，言择其雅，事从其核，通计决录，千有余种，另疏书目于后。昔卫湜《礼记集说》称人之著书，惟恐不出于己；吾之著书，惟恐不出于人。矧志乘为一方文献，尤忌率臆无稽，致使后来难以征信。至于考究异同，订证讹舛，及时事之见于案牘者，俱于本条附加按语，以别本书。

一、凡山川、建置、古迹，以今府、州、县为准，首揭其方向里数。叙山自北而西而南而东，盖地形西北高而东南下，水势即以因之，建置复由山川而定者也。方位既定，然后征引群籍，故近代州县志乘多有列于经史之前者，盖义取分明，无嫌倒置也。

一、别类分门，义须赅简，附者取其相近，合者取其相因。如分野列在地理，盖地本于天，沿班史之例也。兵，所以御城池；马，所以利乘传，故统载于建置。风俗，由教化而成，故连缀于学校，义取其相近也。至户口、徭役、榷税、盐钱、茶马、物产，统于食货。宫阙苑囿、第宅林垌、祠宇陵墓，通名古迹，例取其相因也。其中理绪烦芜，复仿班志，于每门分上、中、下卷，俾观者耳目不致混淆。

一、田赋、职官、人物、选举、大事、古迹，旧志皆以州县为序，但古来田制有综该全省者，官师有兼理数县者。至选举、人物，每概称雍秦；隐逸、流寓，多产于异地。他如古迹中汉唐

宫苑，皆跨越数县为之，均难割裂分以属之某州某县，故特为变例，以时代编次后先，至同在一朝，则复以州县为序。

一、关中为历代建都之地，帝王、后妃、太子、公主、朝官、宫（庭）[廷]施設，事关斯土者，犁为大事志。至其事该广远，非专属之西安者不录。若职官内如督抚学政、司道提镇，治绩所著，例非西安一郡所得专私，且其事已具《通志》，未敢复为记载，以侵职守。

一、各志职官、人物，分类多门，如《通志》人物分圣贤、名臣、廉能、勇略、直谏、忠节之类。未臻体要，兹于官师、名宦统为职官。至人物传中名臣巨公，已见正史者多所详节，而搜其隐德，发以幽光，则不妨辞费。至人物未经亡故，列女未经旌表，概不得书，以妨滥溢。

一、《通志》人物类有帝系，有封爵，但以帝王、后妃、太子、诸王、公主分属诸郡县中，义例未安。今人物断自周公以下，至其中有本非著籍西安而封爵在此者，例得附载。如后汉段颍，姑臧人，而封新丰侯；皇甫嵩，朝那人，而封槐里侯之类。又《通志》于帝系中阑入外戚、宦官，未免失伦，是编于外戚中有建树者仍列人物传中，其余并入拾遗卷内。

一、大事志仿照《通鉴》编年。彼此战争关乎疆宇，则从其重者专载一朝之下。如蜀、魏、南北朝、宋、金、元诸代。至于僭窃制度，多不附书，如新莽之改邑不入地理，改官不入职官；苻秦、石赵之臣不入人物之类。史家往例固如（比）[此]也。若天文五行，则仅载其大者，如日食、星聚、地震及水火各灾异。小者附入拾遗。其中机祥占验及泛言秦分者，概不具录。

一、《汉书·艺文志》止载篇目，宋范文穆《吴郡志》网罗一方之文，汇而存之，亦谓艺文，详略固各有宜矣。其例于山川、古迹，题有专属者，分隶各类，以合比事属词之义。至概咏斯土，

无所附丽者，则统为艺文。其中隋唐以前诸家著述甄录，多至十分之七。宋元以后，例有去取，间或节录文中要语，分附各类，如游览入山川，营造入建置，奏议入食货，凭吊入古迹之类。以期不芜不漏云。

一、志以详赡为职，而辞亦尚体要。如文庙儒贤位次，坛壝方圆尺度，祭祀豆笾之数，月吉讲读之文，乡饮宾兴、祀典乐章，凡载《大清会典》者，西安一郡无事专书。至山川内支峰蔓壑，建置内廨宇间架，食货内存留支放细数，职官内学官掾属，选举内明经贡监，人物内乡曲善士，祠宇内里社香火之类，已详载州县志中，概不复缀。

一、是书经始于乾隆丙申秋仲，告成于己亥冬初，后先四载。其鉴裁、甄辑，现任衔名详列卷后。至前任如廉使孙公含中升浙江布政使，王公时薰，宋公丰绶三公并故，太守周公廷俊今任广西驿盐道，具藉匡襄。至于经始厥事，太守汾阳田公已故之力尤多。各州县属如长安令杨君徽今升华州牧，凌君天佑，咸宁令欧君焕舒升留坝同知，咸阳令孙君景燧今升泉州太守，临潼令史君传远升兴安州牧，蓝田令阮君曙，泾阳令方君承保今升赣州太守，三原令任君文溥今升商州牧，盩厔令徐君作梅今调华阴，渭南令邱君佐升宁羌州牧，富平令崔君龙见今升乾州牧，醴泉令张君心镜今调蒲城，搜扬采辑，饮益宏多，例得备书，不敢没其实也。

乾隆己亥冬十月之望，江宁严长明述。

# 西安府志銜名

## 鉴裁

兵部尚书兼都察院右都御史总督陕甘等处地方军务粮饷兼管巡抚事务 勒尔谨

兵部侍郎兼都察院右副都御史陕西巡抚赞理军务兼理粮饷 毕沅  
陕西承宣布政使，今升兵部侍郎都察院右副都御史福建巡抚提督军务兼理粮饷 富纲

提督陕甘学政翰林院侍讲 童凤三

陕西承宣布政使司布政使 尚安

陕西提刑按察使，今升江宁承宣布政使 刘墉

陕西提刑按察使司按察使兼管驿传事务 浦霖

分守陕西西安等处督粮兼管水利道 翁燿

陕西督粮道，今任山东督粮道 观禄

管理陕西西安等处盐法分巡凤郃兼管水利道 图萨布

## 甄辑

西安府知府 舒其绅

长安县知县 丁尹志

咸宁县知县，今升邠州直隶州知州 王朝爵

咸阳县知县 郝敬修

兴平县知县 顾声雷  
临潼县知县 吴忠诰  
高陵县知县 吴棫  
鄠县知县 袁浩  
蓝田县知县 周崧晓  
泾阳县知县 葛晨  
三原县知县 王杏舒  
盩厔县知县 徐大文  
署盩厔县事（侯）[候]补县丞 董椿  
渭南知县 汪以诚  
富平县知县，今升兴安州直隶州知州 吴六鳌  
署富平县事城固县知县 朱休承  
醴泉县知县 蒋骥昌  
同官县知县 任重  
耀州知州 张凤鸣

## 编订

内阁侍读兼《一统志》馆纂修官 严长明

## 协修

候补直隶州判 庄炘

## 参校

候补员外郎 田畿  
咸宁县进士 汪应樑  
吴江县举人 徐晋亨  
江宁县监生 严观

# 西安府志总目

- 卷首 天章
- 卷一 地理志 疆域图 分野附
- 卷二 名山志 长安 咸宁
- 卷三 名山志 咸阳 兴平 临潼 高陵 鄠县 蓝田 泾阳
- 卷四 名山志 三原 盩厔 渭南 富平 醴泉 同官 耀州
- 卷五 大川志 水利附 长安 咸宁
- 卷六 大川志 水利附 咸阳 兴平 临潼 高陵 鄠县 蓝田
- 卷七 大川志 水利附 泾阳
- 卷八 大川志 水利附 三原 盩厔 渭南 富平 醴泉 同官 耀州
- 卷九 建置志上 城池 公署
- 卷十 建置志中 镇堡 关津
- 卷十一 建置志下 驿传 营伍
- 卷十二 食货志上 蠲赈 历代附
- 卷十三 食货志上 户口 力役附 田赋
- 卷十四 食货志中 积贮 屯运
- 卷十五 食货志中 经费 课程
- 卷十六 食货志中 盐钱 茶马
- 卷十七 食货志下 物产
- 卷十八 食货志下 物产



- |       |      |                |
|-------|------|----------------|
| 卷 十 九 | 学校志  | 风俗附            |
| 卷 二 十 | 学校志  | 风俗附            |
| 卷二十一  | 职官志  | 汉 后汉 魏 晋 南北朝 隋 |
| 卷二十二  | 职官志  | 唐              |
| 卷二十三  | 职官志  | 五代 宋 金 元       |
| 卷二十四  | 职官志  | 明              |
| 卷二十五  | 职官志  | 明              |
| 卷二十六  | 职官志  | 本朝             |
| 卷二十七  | 人物志  | 周 秦 汉          |
| 卷二十八  | 人物志  | 后汉 三国          |
| 卷二十九  | 人物志  | 晋 南北朝          |
| 卷 三 十 | 人物志  | 隋 唐            |
| 卷三十一  | 人物志  | 唐              |
| 卷三十二  | 人物志  | 唐 五代 宋 金 元     |
| 卷三十三  | 人物志  | 明              |
| 卷三十四  | 人物志  | 明              |
| 卷三十五  | 人物志  | 本朝             |
| 卷三十六  | 人物志  | 儒林 文苑          |
| 卷三十七  | 人物志  | 隐逸 流寓 方技 释老    |
| 卷三十八  | 人物志  | 列女 周至明         |
| 卷三十九  | 人物志  | 列女 明           |
| 卷 四 十 | 人物志  | 列女 本朝          |
| 卷四十一  | 选举志上 | 征荐 诸科          |
| 卷四十二  | 选举志中 | 进士             |
| 卷四十三  | 选举志中 | 举人             |
| 卷四十四  | 选举志中 | 举人             |
| 卷四十五  | 选举志下 | 武科 掾史 馆学生      |

卷四十六	大事志	夏 商 周 秦
卷四十七	大事志	汉
卷四十八	大事志	后汉 蜀 魏
卷四十九	大事志	晋
卷五十	大事志	南北朝 隋
卷五十一	大事志	唐
卷五十二	大事志	唐
卷五十三	大事志	五代 宋 金 元 明
卷五十四	古迹志上	宫阙
卷五十五	古迹志上	宫阙
卷五十六	古迹志上	苑囿
卷五十七	古迹志中	第宅
卷五十八	古迹志中	第宅
卷五十九	古迹志中	林垌
卷六十	古迹志下	祠宇
卷六十一	古迹志下	祠宇
卷六十二	古迹志下	祠宇
卷六十三	古迹志下	陵墓
卷六十四	古迹志下	陵墓
卷六十五	古迹志下	陵墓
卷六十六	艺文志上	赋
卷六十七	艺文志中	诗
卷六十八	艺文志中	诗
卷六十九	艺文志中	诗 诗余
卷七十	艺文志下	文
卷七十一	艺文志下	文
卷七十二	金石志	

卷七十三 金石志

卷七十四 拾遗志 地理 山川 建置 食货 学校

卷七十五 拾遗志 职官 人物

卷七十六 拾遗志 人物

卷七十七 拾遗志 人物

卷七十八 拾遗志 选举 大事

卷七十九 拾遗志 古迹

卷八十 拾遗志 艺文 金石

# 西安府志恭引

## 御制书目

圣祖仁皇帝御制文集

皇上御制文初集

皇上御制诗初集

皇上御制诗二集

## 御定书目

大清会典则例

大清一统志

仪象考成

明史

朱子全书

全唐诗

赋汇

同文韵统

书画谱

广群芳谱

## 西安府志引用书目

周易

周易正义 孔颖达

尚书序

尚书正义 孔颖达

尚书大传 伏胜

诗序 卜子夏

毛诗笺 郑(元)[玄]<sup>①</sup>

韩诗外传 韩婴

周礼注 郑(元)[玄]

仪礼

仪礼疏 贾公彦

礼记注 郑(元)[玄]

大戴礼

左传

左传正义 孔颖达

公羊传注 何休

穀梁传

周易注 王弼

尚书

尚书传 孔安国

古文尚书序 卫宏

毛诗

毛诗诂训传 毛萇

毛诗正义 孔颖达

周礼

周礼疏 贾公彦

仪礼注 郑(元)[玄]

礼记

礼记正义 孔颖达

春秋

经传集解 杜预

公羊传

公羊传疏 徐彦

穀梁传集解 范宁

<sup>①</sup> 此处系避康熙皇帝玄烨名讳。下同。

穀梁传疏 杨士勋

国语

国语补音 宋庠

尔雅注 郭璞

孝经

孝经疏 邢昺

论语集解 何晏

孟子

孟子疏 孙奭

以上经类

易乾凿度

尚书中候

春秋元命苞

孝经钩命诀

以上纬候

李氏易解 李鼎祚

禹贡锥指 胡渭

苏氏诗解 苏辙

诗缉 严粲

毛诗稽古编 陈启源

五经要义 许慎

经史问答 全祖望

读礼通考 徐乾学

以上经解

春秋外传

国语注 韦昭

尔雅

尔雅疏 邢昺

孝经注 唐(元)[玄]宗

论语

论语疏 邢昺

孟子注 赵岐

易通卦验

诗含神雾

春秋说题解

书经集传 蔡沈

毛诗草木鸟兽虫鱼疏 陆璣

诗经集传 朱子

诗世本古义 何楷

诗疏广要

经义考 朱彝尊

礼记集说 卫湜

四书释地 阎若璩



开成石经

九经字样 唐(元)[玄]度

石经补字 王尧惠等

方言 扬雄

释名 刘熙

广雅 张揖

玉篇 顾野王

尔雅翼 罗愿

以上小学

史记 司马迁

史记索隐 司马贞

史记音义 徐广

汉书注 颜师古

后汉书注 李贤

三国志 陈寿

晋书 房乔等

齐书 萧子显

陈书 姚思廉

北齐书 李百药

南史 李延寿

隋书 魏徵等

唐书 欧阳修等

宋史 脱脱等

五经文字 张参

京兆府学移石经记<sup>①</sup> 黎持

石经考异 杭世骏

方言注 郭璞

说文解字 许慎

博雅 曹宪

埤雅 陆佃

史记集解 裴驷

史记正义 张守节

汉书 班固

后汉书 范蔚宗

后汉书志注 刘昭

三国志注 裴松之

宋书 沈约

梁书 姚思廉

后魏书 魏收

后周书 令狐德棻

北史 李延寿

旧唐书 刘昫等

五代史记<sup>②</sup> 欧阳修

辽史 脱脱等

① 京兆府学移石经记：清杭世骏《石经考异》作“京兆府学新移石经碑记”。本志卷七十二录作“京兆府学新移石经记”。

② 五代史记：即《新五代史》。

金史 脱脱等

以上正史

汉纪 荀悦

资治通鉴 司马光

唐鉴 范祖禹

通鉴纲目 朱子

以上编年

竹书纪年

竹书统笈 徐文靖

路史 罗泌

汲冢周书

东观汉记 刘珍等

魏略 鱼豢

十六国春秋 崔鸿

元经 王通

续元经

开天传信记 郑棨

幸蜀记 李匡文等

国史异纂 刘餗

唐野史

逸史

东都事略 王偁

元史类编 邵远平

以上别史

元史 宋濂等

后汉纪 袁宏

资治通鉴注 胡三省

宋元通鉴 薛应旂

通鉴纪事本末

竹书纪年注 沈约

帝王世纪 皇甫谧

路史注 罗苹

战国策

三国典略 邱悦

晋纪 干宝

大业杂记 杜宝

元经注 薛收

明皇杂录 郑处晦

明皇十七事

国史补 李肇

唐统记

唐阙史 高彦休

南唐书 陆游

(宏)[弘]<sup>①</sup>简录 邵经邦

建文备遗录 张芹

① 此处系避乾隆皇帝弘历名讳。下同。

星躔分野书

以上天文五行

广古今五行志 案鏊

三辅黄图 卷中或作黄图

辛氏三秦记

关中记 葛洪

秦记 裴景仁

西京记 薛稷

两京道里记 韦述

雍行录 程子

雍大记 何景明

雍胜略 李应祥

陕西通志 冯从吾 卷内作冯志

陕西通志 贾汉复 卷内作贾志

陕西通志 刘於义 卷内作通志或省志

关中胜迹图志 毕沅

长安志 宋敏求

长安县志 梁禹甸

咸阳县志 郝敬修

临潼县志 史传远

鄠县志

泾阳县志 葛晨

三原县志

渭南县志 汪以诚

富平县志 吴六鳌

同官县志

耀州续志 汪灏

秦书 车频

关中记 潘岳

西京杂记 葛洪

两京新记 萧贵

周地图杂记

秦中记

雍录 程大昌

雍胜略 焦源清

陕西通志 马理 卷内作马志

长安志图说 李好文

咸宁县志

兴平县志 顾声雷

高陵县志 吕柟

蓝田县志

池阳图经

盩厔县志 徐作梅

富平县志 孙丕扬

醴泉县志 苟好善

耀州志 乔世宁

延绥镇志 谭吉璫

同州府志  
 华州志  
 凤翔府志 周易  
 扶风县志 熊家振  
 城固县志  
 沔县志  
 永寿县志  
 洛川县志 李楷  
 温泉颂 元苕  
 五台山志 乔世宁  
 关中陵墓志 祁光宗  
 昭陵志 范文光  
 昭陵石迹考 林侗  
 游骊山记 都穆  
 泃陂记  
 山海经  
 山海经广注 吴任臣  
 水经注 酈道元  
 风土记 周处  
 述征记  
 十道志 梁载言  
 山河两戒考 释一行  
 太平寰宇记 乐史  
 輿地纪胜 王象之  
 明一统志 李贤等  
 通鉴地理通释 王应麟  
 川渚异同考 顾祖禹

潼关卫志 孟秋  
 韩城县志  
 陇州志  
 汉中府志 郭继仪  
 洋县志 邹溶  
 武功县志 康海  
 雒南县志  
 云阳宫记 王褒  
 关中三山记  
 九峻山志 王方庆  
 昭陵图 游师雄  
 昭陵附蟄图 范文光  
 游城南记 张礼  
 游辋川记 陈文烛  
 雁塔记 李楷  
 山海经注 郭璞  
 水经 桑钦  
 晋地道记  
 征途记 孙景安  
 括地志 李泰  
 元和郡县图志 李吉甫  
 山河两戒考注 徐文靖  
 元丰九域志 王存  
 方輿胜览 祝穆  
 郡县释名 郭子章  
 读史方輿纪要 顾祖禹  
 畿辅通志

河间府志 樊文深

昌黎县志

吴郡志 范成大

扬州府志 金镇

溧阳县志 符衍

豫章志 徐整

浙江通志 赵士麟

福建通志

麻城县志

河南府志

彰德府志

邓州志 张仙

封邱县志

永城县志

襄城县志

孟津县志

通许县志

济南府志 张文炳

四川总志 王元正

南越志 沈怀远

岭表录异 刘恂

云南通志 季凤

名胜志 曹学佺

名山记 何鏊

汉唐宫阙疏 严长明

灵寿县志 陆陇其

江南通志 尹继善

新安文献志 程敏政

松江府志 顾清

山阳县志

江西通志 林廷枏

嘉兴府志 柳琰

湖广通志 魏裳

河南通志 邹守愚

南阳府志 刘汉客

汝州志

祥符县志 李天麟

兰阳县志

鄢陵县志

阌乡县志

荥阳县志

山东通志 陆钱

兖州府志 于慎行

四川通志 郭棐

桂林风土记 莫休符

北户录 段公路

山栖志 刘骏

游名山记 都穆

福地记

园苑疏 卜子阳

庙记

园陵记 李□<sup>①</sup>

以上地理

穆天子传

代宗实录 令狐峘

洪武实录 董伦等

以上记注

拾遗记 王嘉

三辅旧事

五代新说 张询古

开元天宝遗事 王仁裕

垆上记 苏頔

东观奏记 裴庭裕

大唐说纂 李繁

尚书故实 李绰

文昌杂录 庞元英

北梦琐言 孙光宪

杜阳杂编 苏鹗

秦中岁时记 李绰

五代会要 王溥

耳目记 刘□<sup>②</sup>

春明退朝录 宋敏求

古城冢记 皇甫鉴

山陵杂记 杨奂

汉献帝起居注

德宗实录 裴垕

永乐实录 杨士奇等

汉武故事 王俭

西京杂记 葛洪

唐会要 王溥

咸镐故事 韦慎微

朝野僉载 张鷟

大唐新语 刘肃

封氏闻见记 封演

景龙文馆记 武平一

摭言 王定保

桂苑丛谈 严子休

辇下岁时记 李绰

中朝故事 尉迟偓

宋会要 范师道

凤池编

世家旧事 程子

① 此处原缺一字。《宋史·艺文志》：“李氏《大唐列圣园陵记》一卷，不知名。”

② 此处原缺一字。《宋史·艺文志》：“刘氏《耳目记》二卷。”



燕翼(贻)[诒]谋录 王(抹)[林]	挥麈前录 王明清
挥麈后录 王明清	闻见录 邵博 <sup>①</sup>
闻见后录 邵伯温 <sup>②</sup>	闻见近录 王巩
随年杂录 王巩	容斋随笔 洪迈
癸辛杂识 周密	洛中记异 秦再思
中吴纪闻 龚明之	南部新书 钱梦白
辍耕录 陶宗仪	明会典
陕甘资政录 毕沅	关内周咨录 严长明
以上故事	

汉官仪 应劭	唐六典 唐(元)[玄]宗
御史台记 韩琬	唐学士院记 韦处厚
翰林志 李肇	翰林院故事 韦执谊
翰林杂事钞	太学题名碑录
以上职官	

汉武内传	三辅决录 赵岐
三辅决录注 挚虞	圣贤高士传 嵇康
高士传 皇甫谧	续高士传 皇甫湜
耆旧传 陈述	三贤集
曹全碑	庾子山年谱 倪璠

① 应作“邵伯温”。

② 邵伯温：应作“邵博”。

于大猷墓碑

颜鲁公年谱 留元刚

东城父老传 陈鸿

内给事韦□<sup>②</sup>碑 于肃

中尉彭献忠碑 张仲素

十二朝名臣言行录 朱子

孙明道碑记 符禹锡

表忠记

尚友录 杨复亨

李总戎家传 黄文中

列女传 皇甫谧

以上传记

颜鲁公行状 因亮<sup>①</sup>

邳侯家传 李繁

内常侍孙常楷碑 于邵

内侍焦希望碑 吴通微

明道先生行状 程子

国朝名臣事略 苏天爵

藩献记 朱谋玮

续表忠记

河中颂言录

列女传 刘向

梓潼士女志

汉旧仪 卫宏

古今注 崔豹

横渠张氏祭礼 张子

编礼 吕大临

婚丧泊隄 李应策

家礼宁俭 王心敬

以上礼仪

决疑要注 李虞

古今注 伏候

吕氏乡仪 吕大防

家礼纂要 秦可贞

宁俭约 史记事

① 因亮：当作“殷亮”。其《颜鲁公行状》，《全唐文》卷五一四有载。《宋史·艺文志》：“殷亮《颜杲卿家传》一卷。又《颜真卿行状》一卷。”然《新唐书·艺文志》却有“殷仲容《颜氏行状》一卷真卿”。校点者按：殷仲容系颜真卿父颜惟贞之舅，系真卿祖辈。惟贞少孤，为仲容抚养，曾从其学习书法。真卿死时年已七十六，殷仲容早已死去，不可能为真卿作《行状》，《新唐书》此处之误显然。据《新唐书·殷践猷传》，殷亮系殷践猷孙，殷仲容之重侄孙。

② 此处原缺一字。《全唐文》卷三七一于肃《内给事谏议大夫韦公神道碑》未著其名。

泉志 洪遵

商洛转漕图记 严渭絲

以上食货

万姓统谱 凌迪知

姬宗续谱 姬复周

唐国史谱

以上谱牒

文章叙录

书录解题 陈振孙

以上目录

管子 管仲

商子 公孙鞅

范子 计然<sup>①</sup>

董子 董无心

燕丹子

抱朴子 葛洪

以上诸子

新序 刘向

新论 桓谭

正蒙书 张子

陕西赋役全书

河东盐法志

姬宗世谱 姬丰

扬子云家牒

文氏世谱

东斋籍 杜信

列子 列御寇

尸子 尸佼

吴子 吴起

荀子 荀况

淮南子 刘安

金楼子 梁元帝

说苑 刘向

论衡 王充

西铭 张子

---

① 《旧唐书·经籍志》有“《范子问计然》十五卷，范蠡问，计然答”。

伊洛渊源录 朱子  
关学编 冯从吾  
池阳语录 冯从吾  
以上儒家

吕氏春秋 吕不韦  
绪训 陆游  
先正遗风 耿定向  
厚乡录 王承裕  
正俗乡约 王之士  
厚乡录 王嗣美  
崇雅三约 王嗣美  
仁里约 史记事  
风俗志 赵于京  
正俗略 郭传芳  
以上杂家

四时纂要 韩鄂  
旬谚  
星谣  
六月谚  
农书 王(桢)[禎]  
禽经 师旷  
南方草木状 嵇含  
花史 王路  
杏谱  
以上农家

伊洛渊源续录 谢铎  
学翼 冯从吾  
思庵语录 薛敬之

谕蒙 冯伉  
吕氏乡约 吕大防  
过庭录 范公(称)[僞]  
正世要言 王之士  
谕俗约言 邵可立  
申明教化书 王嗣美  
十议书 王嗣美  
关中士夫约 冯从吾  
崇俭书 左懋第  
十约 杨用晦

甲子谚  
云谚  
元宵谚  
中秋谚 李因笃  
耕桑偶记  
草木谱 淮南王  
群芳谱 王象晋  
花寮小史

鼎录 虞荔

唐镜记

评书录 王僧虔

古今书评 袁昂

书断 张怀瓘

集古录跋尾 欧阳修

东坡题跋 苏轼

宝章待访录 米芾

墨池编 朱长文

金石录 赵明诚

隶续 洪适<sup>①</sup>

慈恩寺塔题名 柳珣

(與)[與]地碑记目 王象之

宝刻丛编 陈思

金薤琳琅 都穆

断碑集 杨慎

庚子销夏记 孙承泽

竹云题跋 王澐

潜研堂金石文跋尾 钱大昕

五陵金石志 严长明

草堂寺题名小识 严长明

画断 张怀瓘

画史 米芾

图画见闻志 郭若虚

图绘宝鉴 夏文彦

古今刀剑录 陶(宏)[弘]景

四体书势 卫恒

书品论 庾肩吾

法书要录 张彦远

宣和书谱

集古录目 欧阳棐

书史 米芾

东观余论 黄长睿

广川书跋 董道

隶释 洪适

京兆金石录 田概

诸道石刻录

复斋碑录 王厚之

宝刻类编

寓意编 都穆

石墨镌华 赵崡

汉碑目 顾苓

雍州金石记 朱枫

知白斋金石类签 严长明

慈恩寺塔题名小识 严长明

历代名画记 张彦远

宣和画谱

画继 邓椿

益州名画录 黄休复

续图绘宝鉴 韩昂

① 洪造：即洪适。

古今画鉴

神农本草注 陶(宏)[弘]景

名医别录 释行智

图经本草 苏颂

唐本草 孔志约

开宝本草 李昉

大观证类本草 唐慎微

嘉祐本草 党禹锡

日用本草

吴氏本草

弹碁经 刘向

以上艺术

皇览 何承天

续通典 宋白

初学记 徐坚

册府元龟 王钦若等

太平广记 李昉等

事文类聚 祝穆

群书考索 章如愚

玉海 王应麟

文献通考 马端临

三才图会 王圻

左编 唐顺之

天中记 陈耀文

百家绘

以上类书

神农本草

神农本草补注 党禹锡

别录注 陶(宏)[弘]景

本草拾遗 陈藏器

蜀本草

本草重注 韩宝昇

本草衍义 寇宗奭

食性本草 陈日用

日华本草

本草纲目 李时珍

通典 杜佑

艺文类聚 欧阳询

六帖 白居易

太平御览 李昉等

类要 晏殊

山堂考索 章俊卿

通志 郑樵

说郛 陶宗仪

续文献通考 王圻

图书编 章潢

合璧事类 谢维新

天工开物

群书疑辨 万斯同



- |                     |                       |
|---------------------|-----------------------|
| 博物志 张华              | 世说新语 刘义庆              |
| 世说注 刘峻              | 续世说新语 王方庆             |
| 杜氏新书                | 启颜录 侯白                |
| 龙城录 柳宗元             | 河东记                   |
| 酉阳杂俎 段成式            | 三水小牋 皇甫牧              |
| 潇湘录 柳祥              | 隋唐嘉话 刘餗               |
| 小说 刘餗               | 刘公嘉话录 韦绚              |
| 因话录 赵璘              | 剧谈录 康骕                |
| 谭宾录 胡璩              | 常侍言指 柳玭               |
| 卢氏杂说 卢言             | 云谿友议 范摅               |
| 幽闲鼓吹 张固             | 树萱录 张固                |
| 会昌解颐 张固             | 松窗杂记 <sup>①</sup> 杜荀鹤 |
| 芝田录                 | 玉泉子                   |
| 梦游录 任蕃              | 穷幽记                   |
| 贾氏谈录 张洎             | 清异录 陶穀                |
| 志林 苏轼               | 侯鯖录 赵德麟               |
| 杂志 江休道 <sup>②</sup> | 画墁录 张舜民               |
| 漫笑录                 | 老学庵笔记 陆游              |
| 能改斋漫录 吴曾            | 墨庄漫录 张邦基              |
| 懒真子 马永卿             | 梦溪笔谈 沈括               |
| 补笔谈 沈括              | 麈史 王得臣                |
| 玉堂闲话 王仁裕            | 玉照新志 王明清              |
| 道山清话 王埴             | 墨客挥犀 彭乘               |

① 唐杜荀鹤有《松窗杂记》一卷。然本志所录，实为唐李潜（一作韦叡）《松窗杂录》。

② 江休道：当作“江休复”，即江邻幾。《宋史·文苑传》：江休复，字邻幾。

- |               |                            |
|---------------|----------------------------|
| 豪话录           | 西谿丛语 姚宽                    |
| 丰年录           | 前定录 钟輅                     |
| 广前定录 马鎰       | 定命录 赵自勤                    |
| 续定命录 温奢       | 涪翁杂记                       |
| 洪氏杂录          | 酉阳搜古奇编                     |
| 丹铅总录 杨慎       | 语林 何良俊                     |
| 六研斋笔记 李日华     | 紫桃轩杂缀 李日华                  |
| 悬笥琐探 刘昌       | 己虐编 刘玉                     |
| 避暑录话          | 清暑笔谈 陆树声                   |
| 竹溪杂录          | 阅耕余录 张所望                   |
| 东皋杂记 孙宗鉴      | 庚巳编 陆粲                     |
| 续庚巳编 郭英       | 涌幢小品 朱国祯                   |
| 书蕉            | 宗杂录 陈贞父                    |
| 珍珠船 胡侍        | 陇蜀余闻 王士(正)[禛] <sup>①</sup> |
| 香祖笔记 王士(正)[禛] | 筠廊偶笔 宋肇                    |
| 天禄识余 高士奇      | 觚賸 钮玉樵                     |
| 天香楼偶评         | 述异记 任昉                     |
| 搜神记 干宝        | 孔氏志怪                       |
| 齐谐记 东阳无疑      | 续齐谐记 吴均                    |
| 宣室志 张读        | 原化记 皇甫氏                    |
| 异苑 刘敬叔        | 卓异记 陈翔                     |
| 集异记 薛用弱       | 录异记 杜光庭                    |
| 独异志 李亢        | (元)[玄]怪录 牛僧孺               |

① 此处系避雍正皇帝胤禛名讳。下同。《清史稿·王士禛传》：士禛初名士禛，卒后，以避世宗讳，追改士正。乾隆三十九年，复谕曰：士正名以避庙讳致改，字与原名不相近，流传日久，后世几不复知为何人。今改为士禛，庶与弟兄行派不致淆乱。各馆书籍记载，一体照改。

续(元)[玄]怪录 李复言

嫫嬛记 伊世珍

感通记

灵怪录

括异志 张师正

夷坚别志 王质

异林 朱谋玮

春雪笺

太真外传 乐史

章台柳传

刘无双传

侍女小名录 王铎

丽情集 张君房

酒小史 宋伯仁

香奁杂录

以上小说

莲社高贤传

高僧传 释慧皎

宋高僧传 释赞宁

神僧传 释法显

重修澄观塔记 释印

释氏稽古录 觉岸

传灯录 释道原

京洛寺塔记 段成式

法苑编珠

阴符经注 李筌

稽神录 徐铉

化源记

睽车志 郭象

异闻总录

夷坚志 洪迈

续夷坚志 元好问

五色线

吴谐志 严长明

剑侠传

昆仑奴传

小名录 陆龟蒙

钗小志

教访记 崔令钦

香谱 洪刍

髻鬟品

名僧传 裴子野

续高僧传 释道宣

僧宝传 释德洪

比丘尼传 释宝唱

唐僧匡智碑记 胡铨

五灯会元

指月录 瞿汝稷

法苑珠林 释道世

阴符经

神异经 东方朔

十洲记 东方朔  
 关令尹喜传 鬼谷先生  
 神仙传 葛洪  
 神仙后传 王方庆  
 神仙感遇传  
 列仙全传  
 太极真人传 吕先生  
 田真人碑  
 幽传福寿论 孙思邈  
 遵生八笺 高濂  
 以上释道

昭明文选 萧统  
 玉台新咏 徐陵  
 古文苑注 章樵  
 文苑英华 宋白等  
 唐文粹 姚铉  
 南宋文鉴 严长明  
 元文类 苏天爵  
 文编 唐顺之  
 乐府杂录 段安节  
 古诗纪 冯惟讷  
 唐音统签 胡震亨  
 瀛奎律髓 方回  
 宋诗钞 吴之振  
 中州集 元好问  
 元音 张中达

洞冥记 郭宪  
 列仙传 刘向  
 续神仙传 沈份  
 洞仙传 见素子  
 疑仙传  
 仙传拾遗  
 茅君内传 李遵  
 邱长春本行碑 陈时可  
 云笈七签 张君房

文选注 李善  
 古文苑  
 汉魏百名家集  
 文苑英华辨证 吴缜  
 宋文鉴 吕祖谦  
 学海文钞 庄炘  
 历代名臣奏议 黄淮等  
 明文授读 黄宗羲  
 乐府诗集 郭茂倩  
 唐诗纪 吴琯  
 (木)[本]事诗 孟棅  
 名贤小集 陈思  
 宋诗存 曹庭栋  
 全金诗 郭元钊  
 皇元风雅 孙大雅

元百家诗 顾嗣立

鸣秋合籁 崔龙见

全芳备祖 陈景沂

词林万选 杨慎

词综 朱彝尊

以上总集

扬子云集 扬雄

庾开府集 庾信

张燕公集 张说

曲江集 张九龄

杨盈川集 杨炯

骆宾王集

李翰林集 李白

津阳门诗 郑嵎

昌黎文集 韩愈

河东集 柳宗元

刘宾客中山集 刘禹锡

白氏长庆集 白居易

陆宣公奏议 陆贽

会昌一品集 李德裕

毗陵集 独孤及

沈下贤集 沈亚之

松陵集 皮日休

温飞卿集 温庭筠

宋高宗御集

安阳集 韩琦

明诗综 朱彝尊

花间集 赵(宏)[弘]基

中州乐府 元好问

花草粹编 陈耀文

蔡中郎集 蔡邕

庾开府集注 倪璠

苏许公集 苏頔

王子安集 王勃

幽求子集 卢照邻

王右丞集 王维

杜工部集 杜甫

颜鲁公集 颜真卿

韩文考异 朱子

东野集 孟郊

元氏长庆集 元稹

翰苑集 陆贽

权文公集 权德舆

次山集 元结

李长吉集 李贺

樊川集 杜牧

李义山集 李商隐

甲乙集 罗隐

寇忠愍诗集 寇准

范文正公集 范仲淹

文潞公集 文彦博  
 传家集 司马光  
 二程遗书 程子  
 击壤集 邵子  
 东坡诗注 施宿  
 苏诗补注 查慎行  
 节孝先生集 徐积  
 南轩文集 张栻  
 桐江集 方回  
 许文正公集 许衡  
 陵川集 郝经  
 清容居士集 袁桷  
 勤斋文集 萧𪔐  
 宋学士文集 宋濂  
 大全集 高启  
 穀城山房集 于慎行  
 温恭毅公集 温纯  
 谿田文集 马理  
 泾川别集  
 方山集 薛应旂  
 弇州四部稿 王世贞  
 大复山人集 何景明  
 考功集 薛蕙  
 漾陂续集 王九思  
 东田集 马中锡  
 南濠文集 都穆  
 平田集 管樾

欧阳文忠公集 欧阳修  
 明道先生文集 程子  
 崇文集 张子  
 东坡全集 苏轼  
 东坡诗注 王十朋  
 画墁集 张舜民  
 大全集 朱子  
 渭南文集 陆游  
 清真集 周邦彦  
 道园学古录 虞集  
 圭斋集 欧阳(元)[玄]  
 遗山集 元好问  
 霞外集 马臻  
 王忠文集 王祎  
 怀麓堂集 李东阳  
 王端毅公文集 王恕  
 奏议 余子俊  
 泾川文集  
 苑洛集 韩邦奇  
 升庵集 杨慎  
 弇州续稿 王世贞  
 大泌山人集 李维禎  
 漾陂集 王九思  
 逆旅集 焦源溥  
 邱隅集 乔世宁  
 远志堂集 乔因阜  
 渔石集 唐龙



冯恭定公集 冯从吾

樵山堂集 张恂

云山集

来阳伯文集

愿学堂集 周燦

张文端公集 张英

精华录 王士（正）[禛]

秋笳集 吴兆騫

谷口山房集 李念慈

曝书亭集 朱彝尊

王山史集 王（宏）[弘]撰

丰川续集 王心敬

星斋集 陈兆仑

柘坡居士集 万光泰

覃溪集 翁方纲

慎余堂集 张凤鸣

以上别集

唐诗纪事 计敏夫

唐诗世纪 沈麟

诗评 敖陶孙

宋诗纪事 厉鹗

顾曲杂言 沈德符

以上诗话

罗念庵集 罗洪先

玉笥稿

太微前后集 张治道

学古堂集 韩诗

鹤雪堂诗文集 刘元勋

带经堂集 王士（正）[禛]

汤子遗书 汤斌

二曲集 李颀

受祺堂文集 李因笃

遂初堂集 潘耒

丰川集 王心敬

盛熙祚集

小仓山房集 袁枚

西庄文集 王鸣盛

未堂集 戴祖启

归求草堂集 严长明

全唐诗话 尤袤之<sup>①</sup>

中山诗话 刘攽

艺苑卮言 王世贞

词苑丛谈 徐鉉

① 尤袤之：当作“尤袤”。尤袤，字延之，《宋史》有传。

## 西安府志卷首

# 天 章

## 世祖章皇帝 文

### 祭周文王陵文

顺治八年

自古帝王受天明命，继道统而新治统，圣贤代起，先后一揆，功德载籍，炳如日星。朕诞膺天眷，绍纘丕基，景慕前徽，图追芳躅，明禋大典，亟宜肇隆，敬遣专官，代将牲帛，爰修殷荐之诚，用展仪型之志，伏惟格歆，尚其鉴享！

## 圣祖仁皇帝 诗

### 渭河见终南山

渭水自萦纡，秦川喜清旷。  
山势何岩峩，经过绝尘块。  
马首见层峦，直插青霄上。  
云际有飞泉，朝光明画嶂。  
石险登临难，心寒不可量。  
太乙本仙源，天都聊骋望。

岁岁松柏林，遐睎心神畅。  
问俗戒征途，便欲慰幽访。

### 冬至抵西安，遥祝皇太后万寿

葭管初回日景长，西巡行幸抵披香。  
愿将唐句南山寿，遥捧蓬莱万里觞。

### 长安行

河山天险古金汤，都邑规模溯汉唐。  
陆海膏腴本沃壤，秦风剽悍称岩疆。  
每因睠念劳中夜，忍使时巡后一方。  
远幸冲寒访民隐，终南太华遥相望。  
豳岐不乏耕织业，漆沮尚存蒐狩场。  
重农藏富屡诏谕，雨暘时若歌丰穰。  
雄兵超距贾余勇，野老讴吟多宿粮。  
要令遐陬沾湛露，讵以无事弛边防。  
大阅三军训甲士，来朝诸部趋蕃王。  
蠲租恤下恩未已，共跻仁寿乐且康。  
渭水冰消回暖律，南山烟霭动初阳。  
停銮怀古还披卷，宵旰勤求意不忘。

### 西安偶作

八水源秦陇，山河辅帝京。  
此方文武职，须教尽和平。

## 文

## 广仁寺碑

朕存心天下，眷顾西陲，惟兹关陇之区，实切封疆之重。岁当癸未，特举时巡，省方设教，训吏宁人，已责除租，行庆布德，引年赐帛，奖学兴贤。所过山川，圣哲祠域，遣修祀事，用殚精裡。凡所以裨邦政、厚民生者，靡弗致勤焉。又以运际承平，无忘武备，简稽将士，整饬戎行，发内帑之金钱，普军中之颁给，爰于演武之场，躬亲校阅之典，以建威销萌之义，有观德习礼之风。顾念久安长治，务在因俗宜民，若乾竺之传，言虽殊尚，而利济之道，指有同归。阅武之顷，周览地形，相其爽垲，命创招提，即大赉之余赏，为双林之小筑，厥工匪侈，逾载告竣。斯役也，经营适协乎輿情，铢黍不烦夫民力，将使黄山岩岫，秀比灵山；渭水波涛，凝如定水。洪河浪息，渡法海之津梁；华岳云开，通耆阍之辙迹。五陵六郡之众，回向香城；外蕃属国而遥，群游净土。賁神光之常护，上以祝慈寿于无涯，助王化之遐宣；下以锡民庥于有永，其亦朕绥怀寰宇、顺导烝黎之至意也欤。于是题“广仁”之额，标括三乘；书多宝之碑，昭垂奕叶云尔。

## 祭陕西诸帝王陵文

康熙七年

自古历代帝王继天立极，功德并隆，治统道统，昭垂奕世。朕受天眷命，绍纘丕基，庶政方新，前徽是景，明裡大典，亟宜肇修，敬遣专官，代将牲帛，爰昭殷荐之忱，聿备钦崇之礼。伏惟格歆，尚其鉴享！

## 祭陕西诸帝王陵文

康熙二十一年

自古帝王受天显命，继道统而新治统，圣贤代起，先后一揆，成功盛德，炳如日星。朕诞膺眷祐，临制万方，扫灭凶残，廓清区宇，告功古后，殷礼肇称。敬遣专官，代将牲帛，爰修禋祀之诚，用展景行之志。仰企明灵，尚其鉴享！

## 祭陕西诸帝王陵文

康熙三十五年

自古帝王继天出治，道法兼隆，莫不慈惠嘉师，覃恩遐迩。朕勤恤民依，永期殷阜。迩年以来，郡县水旱，间告年谷歉登，蚤夜孜孜，深切軫念。用是专官秩祀，为民祈福，冀灵爽之默赞，溥乐利于群生。尚鉴精忱，俯垂歆格！

## 祭陕西诸帝王陵文

康熙三十六年

自古帝王受天景命，制治绥猷，必禁暴除残，以乂安黎庶，缅怀往烈，道实同符。朕钦承帝祉，临御九围，兹以狡寇跳梁，亲征漠北，荡涤寇氛，廓清边徼，永消兵革，以与普天率土，乐育太和。敬遣专官，代将牲帛，昭告古先哲后，虔修禋祀，式彰安攘之模，用展景行之志。仰企明灵，俯垂鉴飨！

## 祭陕西诸帝王陵文

康熙四十二年

自古帝王继天立极，出震承乾，莫不道洽寰区，仁周遐迩。朕钦承丕绪，抚驭兆民，思致时雍，常殷惕励，历兹四十余载。今岁适届五旬，宵旰兢兢，无敢暇逸，渐致民生康阜，世运升平。顷因黄淮告成，亲行巡历，再授方略，善后是期。睹民志之欢欣，滋朕心之轸恤。遄回銮驭，大沛恩膏，用遣专官，敬修祀典，冀默赞邕隆之治，益弘仁寿之休。尚鉴精忱，俯垂昭格！

## 西巡祭告诸帝王陵文

康熙四十二年

朕勤求上理，抚育民生，巡行虽历东南，咨访未经西土。兹因观风阅武，察吏安民，不憚冰霜，莅止秦省，稽前代之陵寝，皆密迹于长安。惟帝德在生民，功存当代，芳型昭著，令誉长垂。披览简编，恒深缅想，遣专官而展祭，列俎豆以将诚。灵其鉴知，来歆来格！

## 祭陕西诸帝王陵文

康熙五十二年

自古帝王继天出治，建极绥猷，莫不泽被生民，仁周寰宇。朕躬膺宝历，仰绍前徽，夙夜孜孜，不遑暇逸，兹御极五十余年，适当六旬初届，所幸四方宁谧，百姓乂和，稼穡岁登，风雨时若。维庶征之协应，爰群祀之虔修，特遣专官，式循旧典，冀益赞雍熙之运，尚永貽仁寿之休。俯鉴精诚，用垂歆格！



## 祭陕西诸帝王陵文

康熙五十八年

自古帝王受天景命，建极绥猷，垂万世之经常，备一朝之典礼。朕钦承帝祉，临御九围，夙夜惟寅，敬将祀典。兹以皇妣孝惠仁宪端懿纯德顺天翼圣章皇后神主升祔太庙礼成，特遣专官，代将牲帛，用展苾芬之敬，聿昭禋祀之虔。仰冀明灵，尚其歆享！

## 世宗宪皇帝 文

### 祭陕西诸帝王陵文

雍正元年

自古帝王继天出治，建极绥猷，莫不泽被生民，仁周海宇。惟我皇考峻德鸿勋，媲美前古；显谟承烈，垂裕后昆。朕以渺躬，缵膺大宝，当兹嗣位之始，宜修享祀之仪，特遣专官，虔申昭告。惟冀时和岁稔，物阜民安，淳风遍洽乎寰区，厚德常敷于率土。尚其歆格，鉴此精诚！

### 祭陕西诸帝王陵文

雍正二年

自古帝王体天立极，表正万邦，恺泽遍于寰区，仁风及于奕祀。朕丕承大统，遥契曩徽，兹于雍正元年十一月二十五日，恭奉圣祖合天弘运文武睿哲恭俭宽裕孝敬诚信功德大成仁皇帝主配享圜丘礼成，特遣专官，虔申昭告，惟冀永赞修和之治，益昭安阜之休。鉴此精诚，尚其歆格！

## 皇上 诗

### 张若澄灞桥觅句图

打头笠子冷堆银，携得梅花过冻津。  
谁道古今不相及，又逢觅句灞桥人。

### 董邦达辋川雪意

华子冈头积素多，蹊迷难访故山过。  
画禅亲许参神韵，刻楮无烦较若何。

画禅室贮董香光《名画大观》，册首即王摩诘《雪溪》。

### 陕西泾阳县贡生张璘七世同居，诗以赐之

二南风化久渐人，彼宁斯张皆陕民。  
匕箸七传曾不析，爨炊百口共相亲。  
儿无常父奚惭汜，犬为同牢或似陈。  
表宅宁关一家劝，所希比户洽和淳。

### 陕西巡抚毕沅春报得雨，诗以志慰，即书赐之

秦川千里万民稠，民食全资三府收。  
连日虽霏未成寸，暮春大需始沾优。  
时同齐豫真微幸，泽望京畿转切愁。  
寄语膳章喜雨者，漫称吾德感天庥。

### 恭和御制元韵

黄云弥望绿云稠，指顾秦川又倍收。

其雨濛濛时正好，厥田上上泽皆优。  
民情共庆丰年乐，天意能宽圣主愁。  
总为宸衷符覆载，沐膏万寓尽蒙庥。

臣谨案：《洪范》八，庶征：雨、暘，各以其叙，庶草蕃庥。又曰肃，时雨若；曰乂，时暘若。盖庥征所应，著为农祥，非甚盛德蔑由致也。洪惟皇上，勤恤民隐，罔有遐迹，一视同仁，如天无私覆，地无私载，日月无私照，恺泽覃敷，沦肌浹髓，已四十年于兹矣。

臣以菲材蒙恩，擢抚陕西，夙夜兢兢，惟弗克仰副德意是惧。乃自冬徂春，五月不雨。周原向称陆海，水深土厚，枯燥渐形。又关中以麦为命，百姓容容，望泽孔亟。臣伏稔皇上至诚格天，有所祈请，呼吸立应，爰率文武僚属，步祷西郊。又古传太白龙湫，感应神速，急遣官驰往取水，水未至城三十里，应时澍雨，优渥沾足，连三日夜，遍数千里，壤稿复膏，麦枯尽起，万姓衢歌巷舞，皆云我皇上之福。臣以实入告，圣心悦豫，赐以诗章。臣跪读之下，仰见我皇上宵衣旰食、忧勤惕厉之意，直流露于墨花楮藻之间，而且至德冲抑，让善弗居。天地有大美而不言，四时有明法而不议，是即尧咨汤警，何以加兹！臣不揆樛昧，敬和一篇，非敢妄希赓飏之谊，用以彰臣之謏材陋识，幸膺封疆重寄，犹获奉职循理，不至速戾者，皆圣主陶钧，独化于上，皇天合符，百神受享。臣承其流而不自知，百姓实受其福而莫识谁之为。《易·乾》之《文言》曰：“云行雨施，天下平也。”其在斯时与！臣遭际昌期，钦承墨宝，瞻睿藻之裔皇，感主恩之优渥，敬附数言于御制之末，用志光宠云。

兵部侍郎陕西巡抚臣毕沅恭纪。

## 西安府志卷第一

# 地 理 志

杜氏《通典》曰：言地理者在辨区域，征因革，知要害，察风土。不知地理之废置，则读古不可以通今，征今不可以道古。西安为周、秦、汉、唐以来都会之地，分郊画畿，代因代革，沈约所谓千回百改，画一较难者。今志首述地理，载历代沿革。先分野者，盖地必本于天，沿班史之例也。至王者继天出治，度地居民，则疆域形势尤尚，故并著梗概于篇。概言关中及已见《艺文志》者不具录。凡一卷。

## 西安府

**分野** 郑（元）[玄]《周礼注》：鹑首，秦也。《史记·天官书》：东井、舆鬼，雍州。《汉书·天文志》：舆鬼，秦也。《地理志》：井、鬼，京兆属焉。《后汉书·天文志》：东井，三辅。宿山河两戒，考鹑首之次，井、鬼二宿分野，属雍州。古秦、丰、毕、杜、有扈、崇、亳、骊。《星躔分野书》：西安府在井九度至十三度。《史记·天官书》：北斗：杓，自华以西南。《晋书·天文志》：魁，第一星曰天枢，主秦。《元史·天文志》：安西路<sup>①</sup>，北极出地三十四度半强。按：《历象考成》作三十四度一十六分。

**释名** 《通志》：西安府本元安西路，明改府，即安西意。

---

<sup>①</sup> 安西路：《元史·天文志》作“安西府”。

**沿革** 《长安志》：《禹贡》雍州之域。周武王克商，都丰、镐，为王畿。秦孝公作为咸阳，筑冀阙，徙都之，谓之秦川，亦曰关中。按：《史记·秦本纪》：德公初居雍，献公徙治栎阳。《一统志》：始皇置内史。《汉书·百官表》：内史，周官，秦因之，掌治京师。《地理志》：京兆尹、左冯翊、右扶风，故秦内史。汉元年，项羽分置雍、塞二国，章邯雍王，王咸阳以西；司马欣塞王，王咸阳以东至河；及翟王董翳，为三秦。寻并于汉。二年，改为渭南、河上、中地三郡。渭南即京兆，河上即左冯翊，皆塞国地；中地即右扶风，雍国地。五年，定都于此。九年，罢郡，复为内史。景帝二年，分置左右内史。按：《汉书·地理志》：武帝建元六年分。今据《史记》及《汉书·百官表》。武帝太初元年，改右内史为京兆尹，左内史为左冯翊，主爵都尉为右扶风，按：《汉书·百官表》：主爵中尉，秦官。景帝中六年，改为都尉。武帝太初元年，更名右扶风，治内史右地。谓之三辅，统于司隶校尉。后汉迁洛阳，置雍州于此。寻罢州，以三辅属司隶如故。《关中记》：三辅旧治长安城中，东都之后，扶风出治槐里，冯翊出治高陵。建安中，复属雍州。三国魏，改京兆尹为太守，仍属司隶。晋初仍置雍州，治京兆郡。时扶风移治池阳。后废冯翊，移治临晋，在今同州界。建兴后，历为刘聪、石勒、苻健、姚萇、赫连勃勃所据。后魏亦曰雍州京兆郡。时郡移治霸城。永熙三年，迁都于此，是为西魏。后周明帝二年，改雍州刺史为牧，京兆郡守为尹。隋开皇二年，建新都。三年，罢尹，复置雍州。大业三年，又改州为京兆郡，置尹。唐仍隋都。武德元年，复改郡曰雍州。贞观元年，为关内道治。天授元年，改京兆郡，其年复旧。开元元年，改京兆府。二十一年，置京畿采访使。《唐书·地理志》：唐仍隋都，初曰京城，天宝元年曰西京，至德二载曰中京，上元二年复曰西京，代宗元年曰上都。天祐初，迁都洛，置佑国军节度使于此。五代梁，改府曰大安，军曰永平。后唐复为西京京兆府。晋罢京，置晋昌军。汉改永兴军。周因之。宋复曰京兆府，永兴军节度，



为陕西路治。熙宁后为永兴军路治。金皇统二年，置总管府，为京兆府路治。元初因之。中统三年，置陕西四川行省治此。至元二十三年，改陕西行省。至元十六年，改京兆府为安西路总管府。皇庆元年，复改为奉元路。明洪武元年，改曰西安府。《陕甘资政录》：明万历初，领州六：商、同、华、耀、乾、邠。县三十一：长安、咸宁、咸阳、兴平、临潼、泾阳、高陵、鄠、蓝田、盩厔、三原、渭南、醴泉、镇安、雒南、山阳、商南、朝邑、郃阳、澄城、白水、韩城、华阴、蒲城、同官、富平、武功、永寿、淳化、三水、长武。

本朝因之，又增领潼关卫一。雍正二年，卫废。三年，改商、同、华、耀、乾、邠六州为直隶州，拨县十七，分属之。十三年，复改耀州及所属之同官隶西安府。今领县十五，曰长安、咸宁、咸阳、兴平、临潼、高陵、鄠、蓝田、泾阳、三原、盩厔、渭南、富平、醴泉、同官；州一，曰耀州。

**疆域** 《陕甘资政录》：治在陕西布政使司西。长安、咸宁两县地，东西距三百五里，南北四百四十一里。东至华州界一百六十里，西至乾州武功界一百四十五里，南至商州镇安界一百六十里，北至鄜州宜君界三百七十八里，东南至商州界二百里，西南至汉中府洋县界三百六十里，东北至同州府蒲城界二百十里，西北至乾州永寿界二百里。自府治至京师二千六百五十里。

**形势** 《禹贡》：泾属渭汭，漆沮既从，沔水攸同。荆、岐既旅，终南、惇物，至于鸟鼠。《周礼·职方》：雍州，其川泾汭，其浸渭洛。《战国策》<sup>①</sup>：秦，四塞之国，被山带渭。东有关河，南有巴蜀，西有汉中，北有代马。《汉书·娄敬传》：秦地被山带河，四塞为固，卒然有急，百万之众可具。入关而都此，扼天下之吭而拊其背也。《高祖纪》：田肯曰：“陛下治秦中。秦，形胜之国，带河山之险，县隔千里，持戟百万，秦得百二焉。地势便利，

① 下引实出《史记·苏秦列传》。

以其下兵于诸侯，譬如高屋之上建瓴水也。”《张良传》：关中，左殽函，右陇蜀，沃野千里。南有巴蜀之饶，北有胡苑之利，阻三面而固守，独以一面东制诸侯。〔诸侯〕<sup>①</sup>安定，河、渭漕挽天下，西给京师；诸侯有变，顺流而下，足以委输。所谓金城千里，天府之国。《东方朔传》：汉兴，去三河之地，止霸、产以西，都泾、渭之南，所谓天下陆海之地。《后汉书·寇恂传》：长安道里居中，应接近便，从容一处，可制四方。唐《陆宣公奏议》：凭山河之形势，宅田里之上腴。常袞《京兆尹制》：天府惟雍，神皋作京。当四海之会，同在三辅而尤剧。《方輿纪要》：名山耸峙，大川环流，凭高据深，言形胜者，莫若西京也。且原隰沃衍，则资储易足，地势便利，则战守有余。有事于中原者，未尝不属意于此焉。北魏孝武初，高欢西入洛阳，召贺拔岳于关中，薛孝通说曰：“今以华山为城，黄河为堑，进可以兼山东，退可以封函谷，奈何束手受制于人？”隋末李密谓杨（元）〔玄〕感曰：“关中，天府之国，宜直取长安，据险守之。”及密攻东都，柴孝和亦曰：“秦地，秦、汉所凭以成王业，当西入长安，然后东向以清河洛。”唐自太原举义，先入长安，根本既固，遂以削平群雄。宋初，太祖西巡至洛，欲留都之。帝曰：“迁河南未已，终当居长安。”盖贵形胜也。建炎中，张浚以五路之师败于富平，而关中遂不可复，岂非永兴一路，尤为五路之襟要欤。

## 长安县

**释名** 《黄图》：长安，本秦乡名。《史记·始皇本纪》：王弟长安君成蟜。又卢绾封长安侯。《汉书》：楚怀王封项羽为长安侯，因以名县。

**沿革** 《一统志》：秦咸阳县地。汉高帝五年定都于此。惠帝

① 据《史记·留侯世家》补。



始筑大城，曰长安，置县。在今县西北，为京兆尹治。按：景帝二年，分置奉明县，后汉废。王莽改曰常安，后汉复旧。晋为京兆郡治。后魏以后因之。隋迁县于今治。唐为京兆府治。乾封初，分置乾封县，长安二年，复并入焉<sup>①</sup>。五代梁改曰大安。后唐复旧。宋、金因之。元为奉元路。明为西安府治。本朝因之。

**疆域** 《一统志》：附郭治府西偏。东西距二十七里，南北一百九十里。东至咸宁界二里，西至咸阳界二十五里，南至商州镇安界一百六十里，北至泾阳界三十里，东南至咸宁界三里，西南至鄠县界四十里，东北至高陵治七十里，西北至咸阳界三十里。《通志》：编户四十九里。

**形势** 梁禹甸《县志·序》：长安为雍秦之首邑，帝王之故都。终南峙其前，渭流绕其后。

按：长安置县在汉惠帝初年，咸宁置县在唐（元）[玄]宗末载，故《大清会典》《一统志》及诸家方輿志乘，皆以长安居首，今从之。至陕省《宪纲》、册籍、案牍之文，率皆先以咸宁，未知昉于何日。太守田公屡欲详据宪章议请更正，尚未果也。

## 咸宁县

**释名** 《郡县释名》：唐天宝初改，取“万国咸宁”之义。

**沿革** 《一统志》：本周杜伯国。汉置杜陵、霸陵等县，属京兆尹。后汉因之。晋改霸陵曰霸城，杜陵曰杜县，属京兆郡。后魏以霸城为京兆郡治，改杜县为杜城，属焉。后周明帝二年，分置万年县与长安，并治京城。建德二年，省霸城、杜城二县入之。隋开皇三年，改曰大兴，为京兆郡治。唐武德初，复曰万年。乾

<sup>①</sup> 《新唐书·地理志》作“总章元年，析置乾封县，长安二年省”。《旧唐书·地理志》作“乾封元年，分为乾封县，治怀直坊。长安三年废，复并长安”。

封分置明堂县，长安三年，复并入焉<sup>①</sup>。天宝七载，改为咸宁县。乾元元年，复曰万年。五代梁，改曰大年。后唐复曰万年。宋仍为京兆府治。宣和七年，改曰樊川。金又改曰咸宁。泰和四年，废入长安，寻复置。元为奉元路治。明为西安府治。本朝因之。

**疆域** 《一统志》：附郭治府东偏。东西距四十八里，南北二百八十里。东至临潼界四十五里，西至长安界三里，南至商州镇安界二百五十里，北至高陵界三十里，东南至蓝田界五十里，西南至长安界五十五里，东北至高陵界三十五里，西北至泾阳治七十里。《通志》：编户六十六里。

**形势** 《县志》：几终南，屏渭水，带五冈，襟三川。浐、灞左缠，漓、漓右抱。

## 咸阳县

**释名** 《元和志》：山南曰阳，水北曰阳。县在北山之南，渭水之北，故名。

**沿革** 《一统志》：本秦国都，孝公徙此，后因之。汉高帝元年，更名新城。七年，罢属长安。元鼎三年，更名渭城，属右扶风。后汉省。晋咸和中，后赵置石安县。苻秦兼置咸阳郡。后魏移郡于泾水北，以县属之。隋废入泾阳县。唐武德元年<sup>②</sup>，复置咸阳县，属雍州。五代、宋、金因之。元属奉元路。明属西安府。本朝因之。

**疆域** 《一统志》：在府西少北五十里。东西距五十里，南北五十八里。东至长安界二十五里，西至兴平界二十五里，南至鄠县界二十里，北至泾阳界三十八里，东南至长安界二十五里，西南至盩厔界三十里，东北至泾阳界四十里，西北至醴泉界四十里。

① 此据《旧唐书·地理志》及《元和郡县图志》。《新唐书·地理志》《太平寰宇记》作“总章元年析置明堂县，长安二年省”。

② 武德元年：《旧唐书·地理志》作“武德二年”。

《通志》：编户十里。

**形势** 《方輿胜览》：南临渭水，北倚九峻。《县志·序》：长安控其东，槐里绕其西。

## 兴平县

**释名** 《通志》：唐至德初，置兴平军，寻改为县，即以名之。

**沿革** 《一统志》：本周（犬）丘邑。秦曰废丘。汉为槐里、茂陵、平陵三县地，俱属右扶风。后汉以槐里为右扶风治。三国魏黄初中，改平陵曰始平。晋初并茂陵入始平，于槐里置始平郡。后魏真君中，郡废，二县俱属扶风郡。西魏以始平为郡治。隋省槐里，以始平县属京兆郡。唐天授二年，改属稷州。大足元年，还属雍州。景龙二年，改曰金城。至德二载，改曰兴平。贞元中，尝以神策军屯此，曰兴平镇。宋仍京兆府。金因之。元属奉元路。明属西安府。本朝因之。

**疆域** 《一统志》：在府西一百里。东西距七十里，南北六十里。东至咸阳界二十五里，西至乾州、武功界四十五里，南至盩厔界二十五里，北至醴泉界三十五里，东南至咸阳界三十里，西南至武功界四十五里，东北至咸阳界三十里，西北至醴泉界四十里。《通志》：编户十五里。

**形势** 《县志》：北倚高原而峙九峻，南襟（丰）[沔]、渭而对终南，西由岐、凤以控巴蜀，东迎华岳以联嵩、洛。

## 临潼县

**释名** 《临潼新志》：以临、潼二水分流县左右，故名。

**沿革** 《一统志》：周为骊戎国。秦为骊邑。汉高帝七年，置新丰县，属京兆尹。后汉因之。晋属京兆郡。后魏及隋因之。唐初

属雍州。垂拱二年，改曰庆山。天授二年，属鸿州<sup>①</sup>。大足元年，还属雍州。神龙元年，复曰新丰。天宝三载，析置会昌县。七载，省新丰，改会昌曰昭应。五代因之。宋大中祥符八年，改曰临潼，属京兆府。金因之。元属奉元路。明属西安府。本朝因之。

**疆域** 《一统志》：在府东少北六十里。东西距六十二里，南北一百十五里。东至渭南界四十七里，西至咸宁界十五里，南至蓝田界三十五里，北至富平界七十里，东南至蓝田界六十里，西南至咸宁界二十五里，东北至同州府蒲城界九十五里，西北至高陵界三十里。《通志》：编户四十里。

**形势** 《县志》：西接终南，南走蓝田，北俯渭水，东控鸿门。

## 高陵县

**释名** 《史记》：秦昭王弟封高陵君。《郡县释名》：县南有奉政原，高四五丈，名所由昉也。

**沿革** 《一统志》：秦孝公置县。汉属左冯翊，为左辅都尉治。后汉为左冯翊治。三国魏改曰高陆，冯翊郡治焉。隋大业二年，复曰高陵，属京兆郡。唐天授二年，属鸿州。大足元年，还属雍州。五代、宋、金因之。元属奉元路。明属西安府。本朝因之。

**疆域** 《一统志》：在府东北七十里。东西距三十五里，南北三十里。东至临潼界十五里，西至泾阳界二十里，南至咸宁界二十里，北至三原界十里，东南至临潼界二十里，西南至咸宁界三十五里，东北至三原界七里，西北至三原界十五里。《通志》：编户十三里。

**形势** 《吕志》：泾渭属流于前，山原遥峙于后，清谷在左，洪波在右。

<sup>①</sup> 明嘉靖《陕西通志·建置沿革·临潼县》：天授二年，于县界零口置鸿州，析庆山、渭南两县置鸿门县隶焉。

## 鄠县

**释名** 《元和志》：本夏之扈国。秦改为鄠邑。《汉书训纂》：扈、鄠，一也，古今字耳。

**沿革** 《一统志》：秦鄠邑。汉为县，属右扶风。后汉因之。晋属始平郡。后魏真君七年，改属京兆郡。隋因之。唐属京兆府。五代、宋、金因之。元属奉元路。明属西安府。本朝因之。

**疆域** 《一统志》：在府西南七十里。东西距四十五里，南北五十五里。东至长安界三十里，西至盩厔界十五里，南至长安界终南山二十里，按：山南面复属长安界。北至咸阳界三十五里，东南至长安界一百里，西南至盩厔界三十里，东北至长安界三十里，西北至兴平界二十里。《通志》：编户十五里。

**形势** 《通志》：面拱终南，背倚渭水，沔水绕其东，涝水环其西。

## 蓝田县

**释名** 《元和志》：《周礼》玉之美者曰蓝。县出美玉，故名。

**沿革** 《一统志》：秦置县。汉属京兆尹。后汉因之。晋属京兆郡。后魏真君七年，并入霸城县。太和十一年复置，仍属京兆郡。周闵帝于县置蓝田郡，武帝省。隋仍属京兆郡。唐属京兆府。五代、宋、金因之。元属奉元路。明属西安府。本朝因之。

**疆域** 《一统志》：在府东南九十里。东西距一百七十里，南北一百九十里。东至渭南界一百二十里，西至咸宁界五十里，南至商州镇安界一百四十里，北至临潼界五十里，东南至商州界七十五里，西南至镇安界二百里，东北至渭南界五十里，西北至咸宁界四十里。《通志》：编户二十里。

**形势** 《通志》：南面七盘，北背绣岭，玉山左峙，灞水右环。



## 泾阳县

**释名** 《史记·秦本纪》：昭王弟悝封泾阳君。《通志》：苻秦置县，盖以泾水在县之南也。

**沿革** 《一统志》：汉惠帝四年，置池阳县，属左冯翊。后汉因之。晋初为扶风郡治。苻秦又析置泾阳县。后魏徙咸阳郡治池阳，以泾阳属焉。后周废池阳县。隋开皇初，郡废，以泾阳县属雍州。唐天授二年，改属鼎州。大足元年，还属雍州。五代、金因之。宋属京兆府。元至元二年，并入高陵。三年，复置，属奉元路。明属西安府。本朝因之。

**疆域** 《一统志》：在府西北七十里。东西距五十七里，南北六十五里。东至高陵界二十五里，西至醴泉界三十二里，南至咸阳界十五里，北至邠州淳化界五十里，东南至长安界四十里，西南至咸阳界十五里，东北至三原界十五里，西北至淳化界六十五里。《通志》：编户四十四里。

**形势** 《通志》：东峙唐原，西拱仲山，泾流绕其南，嵯峨镇其北。《县志》：带文川，襟西城，背丰稔，面毕原。有河渠之饶，有岩寨之险。

## 三原县

**释名** 《元和志》：前秦苻坚于骊山北置三原护军，以其地西有孟侯原，南有丰原，北有白鹿原也。

**沿革** 《一统志》：汉池阳县地。后魏太平真君七年置三原县，属北地郡。永安元年，于县置建忠郡。后周建德初，郡废。隋属京兆郡。唐武德四年改曰池阳。六年，又改曰华池，仍分置三原县，属北泉州。贞观元年，省三原县，改华池曰三原，属雍州。天授二年，属鼎州。大足元年，还属雍州。五代唐属耀州。

宋、金、元因之。明嘉靖初，改属西安府<sup>①</sup>。本朝因之。

**疆域** 《一统志》：在府北九十里。东西距四十五里，南北六十三里。东至高陵界三十里，西至泾阳界十五里，南至泾阳界八里，北至富平界五十五里，东南至高陵界二十里，西南至泾阳界十五里，东北至富平界六十里，西北至邠州淳化界五十里。《通志》：编户三十里。

**形势** 《县志》：南据泾渭之流，北倚巖薛之山，仲山拱于西，清水环于东。

## 盩厔县

**释名** 薛综《西京赋注》：盩厔，山名，因名县。《元和志》：山曲曰盩，水曲曰厔。

**沿革** 《一统志》：汉县，属右扶风。后汉省。后魏复置，属扶风郡。后周置周南郡，并置恒州，寻并废。隋属京兆郡。唐武德三年，属稷州。贞观元年，属雍州。天授二年，又属稷州。大足元年，还属雍州。天宝元年，改曰宜寿。至德二载，复故。乾宁中，改属乾州。天复初，改属凤翔府。五代及宋因之。金贞祐四年，升为恒州。元初，州废，县属奉元路<sup>②</sup>。明属西安府。本朝因之。

**疆域** 《一统志》：府西南一百六十里。东西距一百五里，南北二百九十里。东至鄠县界六十五里，西至凤翔府眉县界四十里，南至兴安州石泉界二百四十里，北至乾州武功界五十里，东南至

① 《明史·地理志》：（三原县）弘治三年十一月改属（西安）府。明嘉靖《陕西通志·建置沿革·三原县》：弘治三年，三原民巨海奏称本县为耀州所辖，往复劳费不便。户部题准，遂直隶西安府。明嘉靖《耀州志》卷一：明，州领同官、富平、三原、宜君四县，弘治三年，以三原直隶（西安）府。据此，本志“明嘉靖初，改属西安府”，误。

② 属奉元路：据《元史·地理志》：元初，废恒州，以所领盩厔县隶安西府路。又：《元史·地理志》：皇庆元年，改安西为奉元路。



鄠县界五十里，西南至汉中府洋县界二百里，东北至兴平界五十里，西北至武功界三十里。《通志》：编户四十里。

**形势** 沈亚之《盩厔县丞厅壁记》：道通巴汉三蜀，南极山不尽三十里，北阻渭。短长之补，与南而近。其野半为泽麓。

## 渭南

**释名** 《通志》：县在渭水南，魏以名县。

**沿革** 《一统志》：汉新丰县地。苻秦置渭南县。后魏孝明帝改置渭南郡及南新丰县。西魏废帝二年，又改县曰渭南。后周郡废。隋属京兆郡。唐武德初，改属华州。五年，属雍州。天授二年，于县置鸿州。大足元年，州废，还属雍州。五代周显德三年，改属华州。宋熙宁六年，省入郑县。元丰元年，复置，仍属华州。金、元因之。明万历中，改属西安府。本朝因之。

**疆域** 《一统志》：在府东少北一百四十里。东西距五十六里，南北二百里。东至同州府华州界二十三里，西至临潼界三十三里，南至商州界一百四十里，北至同州府蒲城界六十里。东南至商州雒南界一百五十里，西南至蓝田界七十里，东北至同州界五十五里，西北至富平界六十里。《通志》：编户五十六里。

**形势** 《县志》：南面秦岭，北带渭河，少华峙其左，潏水绕其右。

## 富平县

**释名** 《通志》：晋徙北地郡富平县于今县西南，用其旧名。

**沿革** 《一统志》：秦置频阳县。汉属左冯翊。后汉因之。三国魏徙置富平县于此，属北地郡，频阳仍属冯翊郡。晋因之。后魏景明元年，改频阳，置土门县，与富平俱属北地郡。西魏移北地郡治富平。后周改曰中华郡，寻罢。隋大业初，废土门入富平，属京兆郡。义宁二年，复置土门县。唐初，二县俱属雍州。贞观

十七年，又废土门县。咸亨二年，复以故土门置美原县。天授二年，二县俱属宜州。大足元年，还属雍州。天祐二年，于美原县置鼎州。五代梁改裕州。后唐废裕州，二县俱属耀州。宋因之。金废富平县入美原。元省美原，复置富平县，仍属耀州。明万历三十六年改属西安府。本朝因之。

**疆域** 《一统志》：在府东北一百二十里。东西距七十里，南北八十里。东至同州府蒲城界四十里，西至三原界三十里，南至临潼界二十里，北至同官界六十里。东南至渭南界四十里，西南至三原界三十里，东北至蒲城界九十里，西北至耀州界四十里。《通志》：编户四十里。

**形势** 《汉·薛宣传》：频阳北当上郡、西河，为数郡凑。《通志》：北倚频山，南限漆沮。《县志》：负频面荆，带以石温，浮山凤凰，若左右翼。

## 醴泉县

**释名** 《元和志》：县有周醴泉宫，隋因以名县。

**沿革** 《一统志》：秦谷口邑。汉置谷口县，属左冯翊。后汉废。晋为池阳县地。后魏置宁夷县，属咸阳郡。西魏兼置宁夷郡。后周改郡曰宁秦，后废。隋开皇十八年，改县曰醴泉，属京兆郡。唐武德中省。贞观十年，复置。天授元年，属鼎州。大足元年，还属雍州。乾宁中，改属乾州。五代后唐同光中，还属京兆。宋政和八年，改属醴州。金属乾州。元因之。明万历三十六年改属西安府。本朝因之。

**疆域** 《一统志》：在府西北一百二十里。东西距六十三里，南北一百里。东至泾阳界五十八里，西至乾州界五里，南至兴平界二十里，北至邠州淳化界八十里，东南至兴平界三十里，西南至乾州武功界四十里，东北至泾阳界五十里，西北至乾州永寿界六十里。《通志》：编户十八里。

**形势** 《县志》：终南耸其前，九峻峙其后，襟泔泾，带渭水。

## 同官县

**释名** 《元和志》：苻秦于役祠城东北铜官川置铜官护军，后魏置县，周除“金”，止作“同”字。

**沿革** 《一统志》：汉役祠县地。后魏真君七年置铜官县，属北地郡。隋曰同官，属京兆郡。唐武德初，属宜州。贞观十七年，属雍州。天授二年，属宜州。大足元年，仍还雍州。五代梁改属同州。后唐改属耀州。宋、金、元、明不改。本朝因之。《陕甘资政录》：雍正十三年，耀州改隶西安府，县并属焉。

**疆域** 《县志》：在府东北二百五十里。东西距百里，南北一百二十里。《一统志》：东至同州府蒲城界五十里，西至耀州界四十里，南至耀州界五十里，北至鄜州宜君界六十里。东南至富平界三十里，西南至耀州界五十里，东北至蒲城界六十里，西北至宜君界五十里。《通志》：编户六里。

**形势** 《乔志》：北控神水峡，旁以龙虎诸山为城，以漆水为池，内倚济阳、永宁<sup>①</sup>，足备缓急，其扼阻加于他处。又云：南则关中之襟喉，北则延宁之要害。

## 耀州

**释名** 《郡县释名》：州东有鉴山，年丰则中有光耀，故名。

**沿革** 《一统志》：汉置役祠县，属左冯翊。后汉初废。永元九年复置。三国魏废役祠，侨置泥阳县，兼置北地郡。晋因之。后魏真君七年，并泥阳入富平县。景明元年，复置，仍属北地郡。永熙元年，兼置北雍州。西魏废帝三年，改州曰宜州，又改郡曰通川。隋开皇三年，郡废。六年，改县曰华原。大业三年，州废，

① 明嘉靖《耀州志》卷一：“济阳故寨与永宁新寨，二寨盖县西南城所附者也。”

县属京兆郡。义宁二年，于县置宜君郡。唐武德初，曰宜州。贞观十七年，州废，属雍州。垂拱二年，改县曰永安。天授二年，又置宜州。大足元年，州废，还属雍州。神龙元年，复曰华原。天祐三年，以县置耀州。《唐书·方镇表》：天祐三年，置义胜军节度使，领耀、鼎二州。五代梁贞明五年，改曰崇州。后唐同光元年，复故。《五代史·职方考》：耀州属岐，为义胜军。梁改静胜。唐改顺义。周罢军。《寰宇记》：唐同光三年，罢军。宋亦曰耀州华原郡，属永兴[军]路<sup>①</sup>。《宋史·地理志》：开宝五年，为感义军节度。太平兴国初，改感德军。金属京兆府路。元至元元年，以州治华原县省入，属奉元路。明属西安府。国初因之。雍正三年，升为直隶州。《陕甘资政录》：十三年闰四月，复改属西安府。

**疆域** 《一统志》：在府北一百八十里。东西距六十里，南北一百三里。东至富平界十里，西至邠州淳化界五十里，南至富平界三里，北至同官界二十里，东南至富平界七里，西南至三原界二十里，东北至同官界十五里，西北至邠州三水界九十里。《通志》：编户六里。

**形势** 《方輿纪要》：面凭大阜，北负高原。漆水东经，沮流西绕。控鄜、邠之道，联同、华之原。厚长安之肩背，为邠、岐之指臂。

<sup>①</sup> 据《宋史·地理志》补。



## 西安府志卷第二

# 名山志 长安 咸宁

郑樵云：地理之家，在于封圻，而封圻之要，在于山川。顾大川有时而移，而名山千古不易，则志山其尤要也。西安一府，名山甲于天下。唐一行谓山河之势，存乎两戒，而终南分地络之阴阳，然即此一山，名称错出，已聚讼纷如，矧世代递远，陵谷变迁，蔓壑支峰，曷由殚究。兹列《名山》一门，以境内主山冠首，余以次列。至一山而横亘数邑，不能不为割裂分属，盖《府志》之与《统志》例固殊也。凡三卷。

## 西安府 长安县

**终南山** 《一统志》：在府城南五十里。西自凤翔府眉县入境，连亘长安、咸宁、盩厔、鄠四县之南，又东抵蓝田界。《书·禹贡》：终南。《传》：山名。《诗·秦风》：“终南何有？有条有枚<sup>①</sup>。”《传》：终南，周之名山，一称中南。《左传·昭[公]四年》：中南，九州之险也。《关中记》：中南，言在天下之中，居都之南也，一称南山。《汉书·东方朔传》：南山，天下之阻也。《括地志》：“中南<sup>②</sup>，一名太一山，一名周南山，一名橘山，一名楚山，一名秦山<sup>③</sup>。”

① 枚：《诗经·秦风·终南》作“梅”。

② 中南：《括地志》卷一作“终南山，一名中南山”。

③ 秦山：《括地志》卷一作“泰山”。



又南十里为石鳖谷。一作石壁。《雍大记》：谷口有白圆石，其巨如屋，类鳖。《一统志》：长安、咸宁，以此分界。《咸宁县志》：内有景阳川、梅花洞、九女潭、仙人迹。其西为豹林谷。《一统志》：谷内有东蒙峰，一作东明。《宋史》：种放隐豹林谷东明峰。又西为子午谷。《通志》：在县南百里，长六百六十里。《战国策》：张仪说赵曰：秦一军塞午道。鲍彪注：长安有子午谷。北山是子，南山是午。《汉书·王莽传》：平帝元始五年，王莽通子午道，从杜陵直绝南山，径汉中。《后汉书·顺帝纪》：延光四年，罢子（谷）[午]<sup>①</sup>道。《三国[志]·蜀志》：建兴六年，魏延议假奇兵五千，当子午而北，不十日可到长安。一名子午岭。《雍大记》：子午岭，景祐二年置关，一名蚀中。《汉书·高帝纪》：元年，（杜南）<sup>②</sup>从杜南入蚀中。如淳注：蚀，入汉中道川谷名。《通志》：今此谷正当杜南，疑即蚀中也。

汉班固《终南山赋》：“伊彼终南，岵巖嶙困，概青宫，触紫宸，嵌崱郁律，萃于霞芬。暖噍晦霭，若鬼若神。傍吐飞瀨，上挺修林。（立）[玄]<sup>③</sup>泉落落，密阴沉沉。荣期绮季，此焉恬心。三春之季，孟夏之初，天气肃清，周览八隅，皇鸾鸞鸞，警乃前驱。尔其珍怪，碧玉挺其阿，蜜房溜其巔；翔凤哀鸣集其上，清水泌流注其前。彭祖宅以蝉蜕，安期飡以延年。惟至德之为美，我皇应福以来臻。扫神坛以告诫，荐珍馨以祈仙。嗟兹介福，永终亿年<sup>④</sup>。”北周庾信《陪驾幸终南》<sup>⑤</sup>诗：“玉山乘四载，瑶池宴八龙。鼇桥浮少海，鹤<sup>⑥</sup>盖上中峰。飞狐横塞路，白马当河冲。水奠三川石，山封五树松。长虹双瀑布，圆阙两芙蓉。戍楼鸣夕鼓，山寺

① 据《后汉书·顺帝纪》改。

② 据《汉书·高帝纪》删。

③ 此处系避康熙皇帝玄烨名讳，以“立”代“玄”字。

④ 永终亿年：班固《终南山赋》作“永钟亿万年”。

⑤ 诗题作“陪驾幸终南和宇文内史”。

⑥ 鹤：又作“鹄”。



响晨钟。新蒲节转促，短笋箨犹重。树宿含樱鸟，花留酿蜜蜂。迎风下列缺，洒洒召昌容。且欣陪北上，方欲待东封。”唐太宗《望终南山》诗：“重峦俯渭水，碧嶂插遥天。出红扶岭日，入翠贮岩烟。叠松朝若夜，复岫阙疑全。对此恬千虑，无劳访九仙。”杜审言《咏终南山应制》：“北斗挂城边，南山倚殿前。云标金阙迥，树杪玉堂悬。半岭通佳气，中峰绕瑞烟。小臣持献寿，长此戴尧天。”王维《终南山》诗：“太乙近天都，连山到<sup>①</sup>海隅。白云回望合，青霭入看无。分野中峰变，阴晴众壑殊。欲投人处宿，隔水问樵夫。”祖咏《望终南积雪》<sup>②</sup>诗：“终南阴岭秀，积雪浮云端。林表明霁色，城中增暮寒。”李白《下终南山过斛斯山人宿置酒》诗：“暮从碧山下，山月随人归。却顾所来径，苍苍横翠微。相携及田家，童稚开荆扉。绿竹入幽径，青萝拂行衣。欢言得所憩，美酒聊共挥。长歌吟松风，曲尽星河稀。我醉君复乐，陶然共忘机。”又《春归终南山松龕旧隐》诗：“我来南山阳，事事不异昔。却寻溪中水，还望岩下石。蔷薇缘东窗，女萝绕北壁。别来能几日，草木长数尺。且复命酒樽，独酌陶永夕。”又《望终南山寄紫阁隐者》诗：“出门见南山，引领意无限。秀色难为名，苍翠日在眼。有时白云起，天际自舒卷。心中与之然，託兴每不浅。何当造幽人，灭迹栖绝巘。”高适《秋霁曲江俯见南山》<sup>③</sup>诗：“南山郁初霁，曲江湛不流。若临瑶池前，想望昆仑丘。回首见黛色，渺然江上秋<sup>④</sup>。深沉俯峥嵘，清浅延阻修。连潭万木影，插岸千岩幽。杳霭信难测，渊沦无暗投。片云对渔父，独鸟随虚舟。我心寄青霞，世事惭白鸥。得意在乘兴，忘怀非外求。良辰自多暇，欣与数子游。”韩愈《南山》诗：“吾闻京城南，兹惟群山囿。东西两

① 到：《全唐诗》卷一二六作“接”。

② 《望终南积雪》诗：又作《终南望余雪》。

③ 秋霁曲江俯见南山：《全唐诗》卷二一二作“同薛司直诸公秋霁曲江俯见南山作”。

④ 渺然江上秋：《全唐诗》卷二一二作“眇然波上秋”。

际海，巨细难悉究。山经及地志，茫昧非受授。团辞试提挈，挂一念万漏。欲休谅不能，粗述<sup>①</sup>所经觐。尝升崇丘望，戢戢见相凑。晴明出棱角，缕脉碎分绣。蒸岚相颭洞，表里忽通透。无风自飘簸，融液煦柔茂。横云时平凝，点点露数岫。天雨横修眉<sup>②</sup>，浓绿画新就。孤撑有巉绝，海浴褰鹏噉。春阳潜沮洳，濯濯吐深秀。崖峦虽崒峩，软弱类含酎。夏炎百木盛，荫郁增埋覆。神灵日歆歆，云气争结构。秋霜喜刻轂，磔卓立癯瘦。参差相叠重，刚耿凌宇宙。冬行虽幽墨，冰雪工琢缕。新曦照崕峨，亿丈恒高袤。明昏无定<sup>③</sup>态，顷刻异状候。西南雄太白，突起莫间簟。藩都配德运，分宅占丁戊。逍遥越坤位，诋讦陷乾窦。空虚寒兢兢，风气较搜漱。朱维方烧日，阴霰纵腾糅。昆明大池北，去觐偶晴昼。绵联穷俯视，倒侧困清沍。微澜动水面，踊跃躁猱玃。惊呼惜破碎，仰喜呀不仆。前寻径杜墅，垒蔽毕原陋。崎岖上轩昂，始得观览富。行行将遂穷，岭陆烦互走。勃然思拆<sup>④</sup>裂，拥掩难恕宥。巨灵与夸娥，远贾期必售。还疑造物意，固护蓄精祐。力虽能排斡，雷电怯呵诟。攀缘脱手足，蹭蹬抵积甃。茫如试矫首，堦塞生恟愁。威容丧萧爽，近新迷远旧。拘官计日月，欲进不可又。因缘穷<sup>⑤</sup>其湫，凝湛闭<sup>⑥</sup>阴兽。鱼虾可俯掇，神物安敢寇。林柯有脱叶，欲堕鸟惊救。争衔弯环飞，投弃急哺鷁。旋归道回睨，达枿壮复奏。吁嗟信奇怪，峙质能化贸。前年遭谴谪，探历得邂逅。初从蓝田入，顾盼劳颈脰。时天晦大雪，泪目苦矐眊。峻涂拖长冰，直下<sup>⑦</sup>若悬溜。褰衣步推马，颠蹶退且复。苍黄忘遐睎，所瞩

① 述：《全唐诗》卷三三六作“叙”。

② 天雨横修眉：《全唐诗》卷三三六作“天空浮修眉”。

③ 定：《全唐诗》卷三三六作“停”。

④ 拆：《全唐诗》卷三三六作“坼”。

⑤ 穷：《全唐诗》卷三三六作“窥”。

⑥ 闭：《全唐诗》卷三三六作“闕”。

⑦ 下：《全唐诗》卷三三六作“上”。

才左右。杉篁咤蒲苏，杲耀攢介冑。专心忆平道，脱险逾避臭。昨来逢清霁，宿愿忻始副。峥嵘跻豕顶，倏闪杂鼯鼯。前低划开阔，烂漫堆众皱。或连若相从，或蹙若相斗。或妥若弭伏，或耸<sup>①</sup>若惊雉。或散若瓦解，或赴若辐辳。或翻<sup>②</sup>若船游，或决若马骤。或背若相恶，或向若相佑。或乱若抽笋，或嶮若炷灸。或错若绘画，或缭若篆籀。或罗若星离，或蓊若云逗。或浮若波涛，或碎若锄耨。或如贲育伦，睹<sup>③</sup>胜勇前购。先强势已出，后钝嗔詬。或如帝王尊，丛集朝贱幼。虽亲不褻狎，虽远不悖谬。或如临食案，肴核纷钉逗。又如游九原，坟墓包椁柩。或累若盆罌，或揭若瓠豆。或覆若曝鳖，或颓若寝兽。或蜿若藏龙，或翼若搏鹫。或齐若朋友<sup>④</sup>，或随若先后。或进若流落，或顾若宿留。或戾若仇雠，或密若婚媾。或俨若峨冠，或翻若舞袖。或屹若战阵，或围若搜狩。或靡然东注，或偃然北首。或如火燎焰，或若气饕餮。或行而不辍，或遗而不收。或斜而不倚，或弛而不鞲。或赤若秃鬣，或熏若柴樵。或如龟拆兆，或若卦分繇。或前横若剥，或后断若姤。延延离又属，夬夬叛还遘。喁喁鱼闯萍，落落月经宿。閭閻树墙垣，巖巖架库厩。参参削剑戟，焕焕衔莹琇。敷敷花披萼，闐闐屋摧溜。悠悠舒而安，兀兀狂以狃。超超出犹奔，蠢蠢骇不懋。大哉立天地，经纪肖营腠。厥初孰开张，龟俛谁劝侑。创兹朴而巧，戮力忍劳疚。得非施斧斤，无乃假诅咒。鸿荒意<sup>⑤</sup>无传，功大莫酬侔。尝闻于祠官，苾芬降歆嗅。斐然作歌诗，惟用赞报酹。”刘禹锡《终南秋雪》诗：“南岭见秋雪，千门生早寒。闲时驻马望，高处卷帘看。雾散琼枝出，日斜铅粉残。偏宜曲江上，倒影入清澜。”窦牟《望终南》诗：“日爱南山好，时逢夏景

① 耸：《全唐诗》卷三三六作“竦”。

② 翻：《全唐诗》卷三三六作“翩”。

③ 睹：《全唐诗》卷三三六作“赌”。

④ 朋友：《全唐诗》卷三三六作“友朋”。

⑤ 意：《全唐诗》卷三三六作“竟”。

残。白云兼似雪，清昼乍生寒。九陌峰如坠，千门翠可团。欲知形胜尽，都在紫宸看。”张乔《终南山》诗：“带雪复含<sup>①</sup>春，横天占半秦。势奇看不定，景变写难真。洞远皆通岳，川多更有神。白云幽绝处，自古属樵人。”王贞白《终南山》诗：“千山凝黛色<sup>②</sup>，列翠满长安。地去搜扬近，人谋隐遁难。水穿诸苑过，雪照一城寒。为问红尘里，谁同驻马看。”李洞《终南山二十韵》：“关内平田窄，东西截杳冥。雨侵诸县黑，云破九门青。暂看犹无暇，长栖信有灵。古苔秋渍斗，积雾夜昏萤。怒恐撞天漏，深疑隐地形。蟠根连北岳，转影落南溟。穷穴何山出，遮蛮上国宁。残阳高照蜀，败叶远浮泾。鬬竹烟岚冻，偷湫雨雹腥。闲房僧灌顶，浴涧鹤遗翎。梯滑危缘索，云深静唱经。放泉惊鹿睡，闻磬得人醒。踏著神仙宅，敲开洞府扃。棋残秦士局，字缺晋公铭。一谷势当午，孤峰耸起丁。远平丹凤阙，冷射五侯厅。万丈冰声折，千寻树影停。望中仙岛动，行处月轮馨。叠石移临砌，研胶泼上屏。明时献君寿，不假老人星。”宋韩琦《送秋马上始见终南》诗：“终南频月晦峰峦，一雨民心万事宽。救彻旱苗充岁望，洗开山色与人看。半天横示全秦壮，积雪高连太白寒。欲识众多欣幸意，送秋歌舞满长安。”国朝王士（正）[禛]《望终南》诗：“青绮门边路，终南积翠阴。山河三辅壮，烟树五陵深。朝市几迁改，白云无古今。何如归辋口，水石好园林。”

按：终南之名，于《书》见诸《禹贡》，于《诗》见诸《秦风》，而《小雅》之言南山，则不一而足<sup>③</sup>。又有北山，胡三省《通鉴注》：关中山自甘泉连延至骹蘖、九峻为北山，自终南、太白连延至商岭为南山。《禹贡锥指》：古称终南，止于整屋。自秦襄公取周地为诸侯，徙都于汧，国人作诗美之，以《终南》起兴，说者遂谓

① 含：《全唐诗》卷六三九作“衔”。

② 千山凝黛色：《全唐诗》卷七〇一又作“终朝异五岳”。

③ 《诗·小雅》有《南山有台》《节南山》《信南山》等。



终南远接岍、岐，并以蔽迤南连属之山。故《元和志》自郿县以至万年，每县皆著终南。柳宗元《终南山祠堂碑》：终南西至于褒斜，又西至于陇首，以临于戎；东至于商颜，又东至于太华，以距于关。《雍录》：“终南横亘关中南面，西起秦陇，东彻蓝田，凡雍、岐、郿、鄠、长安、万年，连绵峙踞其南者，皆此一山。”由是终南绵亘所及，几至八百余里，而太一、武功、太白，胥合而为一矣。其以太一为终南者，孔安国《书传》：终南，一名太一山。《五经要义》：太一，一名终南山。《汉书·地理志》：武功，太壹山。古文以为终南。至《水经注》又云：太一，亦曰太白山。在武功县南，去长安二百里。不知其高几何，俗云“武功太白，去天三百”。杜彦达曰：太白山，南连武功。《武功志》亦云：太白山，一名太乙。于是四山一实数名，致成聚讼。今按张衡《西京赋》：于前则终南太一。薛综注：二山名。潘岳《西征赋》：面终南而背云阳。又云：太一隴嵒。李善注：太一与终南，别山。《文献通考》：终南、惇物，二山，在今长安及武功二县。《地理通释》亦云《西京赋》以终南、太乙并列。《唐六典》又以终南、太白并列，明非一山。至以武功为太白，则又以酈《注》语相比附，误合为一耳。总之关中迤南一带，自古统号南山，而终南则止于整屋，太乙当属今之南五台。详见太一山。《汉志》之垂山，则武功也。在旧武功县境，即今郿县。《禹贡》之惇物，则太白也。今以终南、太乙，统载于长安，而缘延起讫所至，则分隶于诸县，庶了如指掌矣。又《汉书·西域传》云于阗南山东出金城，与汉南山相属。《大宛传》复云南山即连终南山。从京南东至华山，过河东北连延至海，即中条山也。从京南连接至葱岭万余里。语更浩唐，不可究诘矣。

又按：关中形势甲于海内，其中庞鸿敦固，扼塞险阻，则终南尤称要领。盖古号终南，实止于整屋。而秦汉以后，史传所载，西自凤翔、郿县，东抵蓝田，统谓南山，故唐一行谓终南分地络之阴阳。《元和志》亦谓终南深远，自昔常为用兵之地。考诸史传，

后汉建武二年，赤眉大掠长安，乃引而西，自南山转掠城邑，入安定、北地。三国时，汉、魏相持，必在南山褒、斜诸谷间。晋大兴四年，终南山崩，时刘曜窃据长安，说者曰此曜亡之兆也。咸康三年，侯子光聚众杜南山，晋时南山在杜县界中。僭称帝，后赵将石广击斩之。《玉海》：南山大谷凡六。谓子午、傥骆、褒斜，南北分列。出奇走险，南连汉中，东通襄、邓，故后秦姚萇拜郝奴为六谷大都督，使备南山之险。义熙十三年，刘裕伐秦，使沈田子等入武关，恐田子众少不敌，遣沈林子将兵自华阳循南山，趋秦岭，往助之。宋元嘉二十二年，魏卢水胡盖吴作乱于渭北，民皆渡渭奔南山。明年，魏发兵屯南山诸谷以备，盖吴窜逸。隋大业末，李渊入关，南山群盗皆起兵应之。武德七年，校猎于鄂之南山，遂幸终南。广德初，吐蕃入长安，亡军叛卒、乡曲无赖，多乘乱为盗。吐蕃去，犹窜伏南山五谷中，乃设南山五谷防御使讨之。兴元初，李怀光叛附朱泚，车驾自奉天幸梁州，怀光遣将孟保等将精骑趣南山邀车驾，保逗留不前，至整屋而还，于是百官从行者皆得达行在。广明以后，长安多故，车驾往往入南山趣兴元。五代梁开平三年，遣杨师厚击叛将刘知俊至华州，长安已为岐守，刘知俊时以同州附李茂贞，复取长安，请兵于岐。师厚因以奇兵并南山，疾驱而进，自长安西门入，遂克之。长安西面三门，延平门最近南山。宋失中原，以南山与金分界。其后蒙古突入山南，而宋与金之患俱急矣。明罗洪先曰：关中虽称四塞，然南山东西通接商、洛、汝、邓、汉、凤、襄、沔，山深谷密，萦纡盘亘，无虑数千里，盗贼往往逋逃其中，潜通声问，不啻萌蘖。故《易》称豮豕牯牛，涣丘解姆。称名取类，义宏远矣。今则道路通达，商旅骈填，傥骆悬车，褒斜绾毂，铮道远通于楚、豫，蚀中直达于商、洋，兼以户设编条，民安耕凿，百数十载以来，有山栖谷饮之安，无犬吠鸡鸣之警。昔人云：在德不在险，其信然哉。

太乙山 《通志》：在府城西南八十里长安县界。《汉·地理

志》作太壹山，又作太一。《三秦记》：太一在骊山西，山之秀者也，一名地肺<sup>①</sup>山。今称南五台山，道由石鳖谷东南竹谷入。《雍大记》：在府南六十里。有太乙谷，《长安志》：一名灵母谷。陆长源《辨疑志》：俗呼为炭谷，中有太乙湫。《咸宁志》：一名南山湫。初在平地，一日风雷移于山上，下湫遂为平地。都穆《终南山记》：一名澄源池。水广数丈，深丈许，锦鳞浮游，人莫敢触，自昔祷雨咸在于此。《城南记》：神禾原皇甫村东旧有乾湫，涸，后炭谷之水遂著灵异。太乙峰，亦在炭谷内，上有吕公洞、黄龙洞，东为玉案峰，下有太乙池。雾岩峰，玉案峰东。日月岩，上有玉泉洞。抱子岩，金华洞，都穆《记》：在山最高处有积水，人不能至。三官洞，雷神洞，太乙殿左。八仙洞，山西壁。都穆《记》：有圆石，明可鉴物，谓之石镜。龙泉。《咸宁志》：相传无坏尊者谈经，有龙出听，故名。一名仰天池。

按：太一山自《禹贡》孔《传》而后，《汉·地理志》及《五经要义》《括地志》并以终南当之。马志云：“太一者，犹（云）[曰天下]<sup>②</sup>第一山也。”今太乙谷西名南五台者，即是南山，神秀惟此为最。《雍大记》：“五台山<sup>③</sup>太乙谷中有太乙元君湫池，汉武帝元封二年祀太乙，于此建太乙宫。”又山有太乙峰、太乙池，证据确凿，则太乙自当属之五台，与终南相为峰、蜀，而不得即谓之终南矣。又《汉·地理志》云：武功，太壹山，古文以为终南。垂山，古文以为惇物。《禹贡锥指》则谓太乙、垂山，皆《禹贡》之惇物。考《贾志》云：武功山在今郿县太白山南，即古垂山，今呼为鳌山者是。其说较允。但《贾志》又谓鳌山即《禹贡》之惇物，则犹未审。盖惇物义取惇大博厚，而关中诸山中最为隆崛，终南而外，无有过于太白者。神禹随山，安得独遗此地？胡氏于

① 地肺：明嘉靖《陕西通志·山川上》转引《三秦记》作“地肺”。

② 据明嘉靖《陕西通志·山川上》改。

③ 《雍大记》卷九“太乙山”条无“五台山”三字。



雍州，谓太乙、垂山皆《禹贡》之惇物，而卷首图内太白山下复注云“太白即惇物”，其说虽少自矛盾，而惇物之为太白，于是乎有定论矣。

**龙首山** 《一统志》：在县北十里，接咸宁界。《山海经》：华山西二百里曰龙首之山。《水经注》：萧何成未央宫，即<sup>①</sup>龙首山营之。山长六十余里，头临于渭，尾达樊川。头高二十丈，尾渐下，高五六丈，土色赤而坚。云：昔有黑龙从南山出，饮渭水，其行道因山成迹。山即基，阙不假筑，高出长安城。《长安志图说》：汉台殿城阙，皆裁山土为之，是以高大，数千年不圯。山之尾城南，皆已堙平。坡陀北出，复见于唐大安宫，东西横亘，迤邐而去，今大安宫城及内苑、后墙、含元殿台一带，俱在山上，下去平地可六七丈，南望城市，俯而视焉。《名山记》：龙首山西北高处为秦长乐、汉未央，稍东南六坡为隋城、唐西内，其东为唐南内兴庆龙池之所，其北为唐东内大明宫含元、宣政、紫宸、蓬莱、金銮诸殿。南内引浐水入城，为龙首渠，入东苑为龙首池。龙首殿皆以是原得名。附近为土蛇岭。《雍大记》：长安城南鼎门西，南北附城有土岭，可二三百步，隐然如城，俗名土蛇岭，即山之余土也。

**毕原** 《通志》：在县西南。《诗·秦风》：“终南何有？有纪有堂。”《传》：堂，毕道平如堂也。《笺》：毕，终南山之道名，边如堂之墙然。《尔雅·释丘》：毕，堂墙。

按：毕原西起武功，东尽高陵，即九峻诸山之麓，绵亘甚广。《三秦记》：长安城北有平原，广数百里。民井汲巢居，井深五十丈，当即指此。顾随地异名，长安而外，在咸阳者，一称毕郢，一称毕陌，一称咸阳，一称洪渚，一称咸阳北阪。在高陵、泾阳者，或称南原，或称石安，或称池阳，或称长平阪，皆毕原也。今就载籍语有专属者，分隶各县。其有关文、武诸陵者，并入《古

① 即：《水经注·渭水》作“斩”。

迹》卷内。

按：《尔雅》：广平曰逵。《周礼·夏官》有逵师。《说文》：逵，高平之野，人所登也。《禹贡》雍州有“原隰”之文，孔《传》不言为地名，《汉志》亦阙。余谓原隰虽在在有之，而关中为多，其利益亦独厚。今以西安诸属言之，著名之原，盖以百数：其在渭北最大者，咸阳、泾阳并有毕原；兴平有始平原；高陵有奉政、鹿苑诸原；三原有清丰、孟侯、白鹿诸原；富平有强梁、中华诸原；耀州亦负高原，故旧以华原著县。《西都赋》曰：“封畿之内，厥土千里。”又曰：“提封五万，疆（场）[場]<sup>①</sup>绮分，沟塍刻镂，原隰龙鳞。”《西京赋》曰：“后则高陵平原，据渭踞泾，澶漫靡迤，作镇于近。”皆谓原之在渭北者也。至渭南之原，则南山之麓，陂陀漫衍者皆是。长安有毕原焉，咸宁有鸿固诸原，蓝田有白鹿诸原，临潼有新丰诸原，渭南并同。《诗·小雅》云：“信彼南山，维禹甸之。畇畇原隰，曾孙田之。我疆我理，南东其亩”是也。惟是诗书所载，原必兼隰。《禹贡》曰：“原隰底绩。”《周诗》曰：“畇畇原隰。”又云：“原隰既平，泉流既清。”又云：“皇皇者华，于彼原隰。”又云：“原隰裒矣，兄弟求矣。”又如：“脊令在原”，“复降在原”，“隰有荷华”，“隰有苕楚”。或言原，或言隰，盖地势高下起伏相因，有原则必有隰，其卑于原者即隰也。故《周礼》大司徒以土会之法辨五地之物生，五曰原隰。《礼记》：孟春之月，善相丘陵、阪险、原隰，土地所宜。而沃野千里，为九州之上腴者，则惟关中甲于宇县。是以《禹贡》特著其文，俾知“厥土[惟]黄壤，厥田[惟]<sup>②</sup>上上”，而“周原膴膴，萁茶如飴”，“度其隰原，彻田为粮”，皆由此出。今志亦于诸原所载特详，盖非好为摭摭，亦欲后之守此土者顾名思义，知此下下高高，实为国家致治之原，生民休戚之本，而非徒资保障之功，助登临之

① 据《后汉书·班固传》改。

② 据《尚书·禹贡》补。

兴，庶不没述者之微忱矣。

**高阳原** 《长安志》：在县西南二十里。又五里为永安陂。《十道志》：秦葬皇子，起冢陂北原上，故名。隋文帝改永安陂，唐复旧。《雍录》：杜诗“天寒皇子陂<sup>①</sup>”，或书为黄，误。

**细柳原** 《通志》：在县西南三十三里。《关内周咨录》：《上林赋》：“登龙台，掩细柳。”郭璞曰：观名。《汉书·游侠传》：万章，长安人，在城西柳市。《后汉书·郡国志》：长安有细柳聚。皆以原得名。按：《元和志》云：此别是一细柳，非亚夫屯军之所。亚夫所屯，在咸阳西南二十里。今考文帝时，徐厉军渭北，刘礼、亚夫军渭南，内外联络，以防御京城，未为不可。《黄图》：“细柳观，在长安西北。《三辅旧事》：‘汉文帝大将军周亚夫军于细柳，今呼古微<sup>②</sup>是也。’”杜佑亦云：细柳，原亚夫屯军于此。

**武将山** 《长安志》：长安城西北有武将山，即前汉末辛孟所隐之处。

**尖丘** 《长安志》：在县西北一十五里，今谓之尖丘社。

**少陵原** 《长安志》在县南四十里，东接万年界，西入县界五里。《通典》：少陵原，汉许后陵。《寰宇记》：即汉鸿固原也。《雍录》：许后葬杜陵南原。颜师古曰：“即今谓小陵者也。”杜甫家焉，故自称杜陵老，亦曰少陵也。唐李白《杜陵绝句》：南望<sup>③</sup>杜陵上，北望五陵间。秋水明落日，流光灭远山。

## 咸宁县

**终南山** 《通志》：在县南五十里。《长安志》：东自蓝田，西入县界。

**石陂谷** 按：谷在县界西南五十五里。以谷水与长安分界，

① 天寒皇子陂：杜甫《重游何氏五首》之二又作“天清皇子陂”。

② 古微：又作“石微”。见何清谷《三辅黄图校注》。

③ 望：李白《杜陵绝句》又作“登”。

东西四十里。《县志》：袤广二百里。

**秦岭** 《一统志》：在咸宁、蓝田二县南，又东接商州界。《史记》：秦岭，天下之大阻也。《县志》：江、河水由此分，南流皆谓江，北流皆谓河。属邑界者，东西约七十里。唐储光羲《登秦岭时陷贼归国作》<sup>①</sup>：“朝出猛兽林，蹊踞登高峰。僮仆履云雾，随我行太空。羲和舒灵辉<sup>②</sup>，倏忽西极通。回首望泾渭，隐隐如长虹。九逵合苍莽，五陵遥瞳蒙。鹿游大明殿，雾湿华清宫。网罗蠃螻时，顾齿熊罴锋。失途走江汉，不能有其功。气逐招摇星，魂随阊阖风。惟言宇宙清，复使车书同。林木被繁霜，合沓连山红。鹏鹗励羽翼，俯视荆棘丛。誓将食鸱鸢，然后归崆峒。”欧阳詹《题秦岭》诗：“南下斯须隔帝乡，北行一步掩南方。悠悠烟景两边意，蜀客秦人各断肠。”

按：《三秦记》：“秦岭东起商洛，西尽汧陇，东西八百里。”王应麟亦谓秦岭北为秦山，南为汉水，周六百二十里。盖通指终南为秦岭也。《方輿纪要》谓南山深处高而大者曰秦岭。《一统志》谓终南山脊为秦岭。庶为得之。

**金銮坡** 《通志》：在县北郭外。《雍录》：金銮坡者，龙首山之支陇。隐起平地，坡陀靡迤，上旧有金銮殿，一名三稜坡。《通志》：京兆（元）[玄]武门外龙首坡上出三稜。

**草场坡** 《县志》：在县南郭外。《城南记》：坡在永乐坊，即横冈之第五爻也。又东南有胭脂坡。《县志》：与翡翠坡接，又县东有开元坡，在兴庆池西，旧为明皇藩邸。

**乐游原** 《长安志》：在县南八里。《县志》：亦龙首杜原之横冈也。《方輿纪要》：秦时宜春苑地。《汉书·宣帝纪》：神爵元年，起乐游苑<sup>③</sup>。又县南二十里有塔坡。《长安志图说》：以其地有浮图，

① 登秦岭时陷贼归国作：又作“登秦岭作时陷贼归国”。

② 辉：储光羲《登秦岭作时陷贼归国》又作“晖”。

③ 《汉书·宣帝纪》作神爵“三年春，起乐游苑”。



故名。在韦曲西，唐何将军山林也。唐杜甫《乐游园歌》：“乐游古园岑森爽，烟绵碧草萋萋长。公子华筵势最高，秦川对酒平如掌。长生木瓢示真率，更调鞍马狂欢赏。青春波浪芙蓉园，白日雷霆夹城仗。阊阖晴开詠<sup>①</sup>荡荡，曲江翠幕排银榜。拂水低回舞袖翻，缘云清切歌声上。却忆年年人醉时，只今未醉已先悲。数茎白发那抛得，百罚深杯亦不辞。圣朝已<sup>②</sup>知贱士丑，一物自荷皇天慈。此身饮罢无归处，独立苍茫自咏诗。”李频《乐游苑春望》<sup>③</sup>诗：“五陵佳气晚氤氲，霸业雄图势自分。秦地山河连紫<sup>④</sup>塞，汉家宫殿入青云。未央树色春中见，长乐钟声月下闻。无那杨花起愁思，满天飘落雪纷纷。”李商隐《乐游原》诗：“春梦乱不记，春原登已重。青门弄烟柳，紫阁舞云松。拂砚轻冰散，开尊绿酎浓。无惊诤诗遣，吟罢更无惊。”又《乐游原》<sup>⑤</sup>诗：“向晚意不适，驱车登古原。夕阳无限好，只是近黄昏。”又《乐游原》诗：“万树鸣蝉隔岸红<sup>⑥</sup>，乐游原上有西风。羲和自趁虞泉宿，不放斜阳更向东。”

**勋荫坡** 《县志》：在县南二十五里，为韦、杜故里，一名牛头山。《城南记》：今牛头寺坡也，寺为遍照禅师居。寺西有龙堂坡，地平衍，中多植杏，谓之杏花坪。又县南有杜坡。《城南记》：即杜固也。唐杜正伦建言凿杜固通水以利人。既凿，川流如血。今所凿处崖堑尚存，俗曰“马崩崖”，或曰“凤皇嘴”。

**神禾原** 《通志》：在县南三十里。《县志》：原南起竹谷东，西北行三十里入长安，为漓水界断。《剧谈录》：晋天福六年，产禾一茎六穗，重六斤，故名。《长安志图说》：上有莲花洞，唐郑駉马所居。

① 詠：杜甫《乐游园歌》又作“咏”。

② 已：杜甫《乐游园歌》又作“亦”。

③ 乐游苑春望：《全唐诗》卷五八七作“乐游原春望”。

④ 紫：李频《乐游苑春望》又作“楚”。

⑤ 乐游原：又作“登乐游原”。李商隐诗。

⑥ 红：李商隐《乐游原》又作“虹”。

**高望原** 《县志》：在县南少陵原北，一名高望堆。《长安志》：潘岳《西征赋》“凭高望之阳隈”。李善注《长安图》曰：高望堆，延兴门南八里。

**凤栖原** 《县志》：在县南少陵原北，汉神爵四年，凤皇十一集杜陵，故名。在唐为安化里。《长安志》：少陵西北三十里皆此原。

**少陵原** 《贾志》：在县南四十里。《长安志》：南接终南，北至浐水，屈曲六十里，入长安县界。《城南记》：凤栖、少陵，其实一本，因地异名耳，汉总谓之鸿固原。《通志》：其下有鸿固坡，迤西为鲍坡，又相近有朱坡。《县志》：丞相朱博故里。《雍大记》：坡瞰南山之胜，少保杜公池亭在焉。唐杜牧《朱坡》诗：“下杜卿<sup>①</sup>园古，泉声绕舍啼。静思长惨切，薄宦与乖睽。北阙千门外，南山午谷西。倚川红叶岭，连寺绿杨堤。迥野翹霜鹤，澄潭舞锦鸡。涛惊堆万轴<sup>②</sup>，舸急转千溪。眉点萱芽嫩，风条柳幄迷。岸藤梢虺尾，沙渚印麕蹄。火燎绀桃坞，波光碧绣畦。日痕絙翠巘，陂影堕晴霓。蜗壁兰<sup>③</sup>斑藓，银筵豆蔻泥。洞云生片段，苔径缭高低。偃蹇松公老，森严竹阵齐。小莲娃欲语，幽笋稚相携。汉馆留馀趾，周台接故蹊。蟠蛟冈隐隐，斑雉草萋萋。树老藤<sup>④</sup>纡组，岩深石启闺。侵窗紫桂茂，拂面翠禽栖。有计冠终挂，无才笔漫题<sup>⑤</sup>。自尘何太甚，休笑触藩羝。”

**龙首原** 《县志》：在县东。《三秦记》：龙首原，起南山东义谷浐水西岸，至长乐坡西北，屈曲至长（乐）[安]古城，六七十里[皆龙首原]<sup>⑥</sup>。隋、唐宫殿皆依此原。《唐六典》：隋大兴城西据

① 卿：《全唐诗》卷五二一作“乡”。

② 轴：《全唐诗》卷五二一作“岫”。

③ 兰：《全唐诗》卷五二一作“澜”。

④ 藤：《全唐诗》卷五二一作“萝”。

⑤ 题：《全唐诗》卷五二一作“提”。

⑥ 以上据刘庆柱《三秦记辑注》改、补。



龙首原。宇文恺营都之初，谓横坡六条，可象《乾》爻者，正龙首山之支脉也。《县志》：龙首起义谷，径可数十武，蟠曲西北行，渐行渐阔。杜陵、鸿固、凤栖诸原，皆其横冈；宜春、芙蓉、曲江诸苑池，皆其洼下。东界浐水，西界樊川，延六七十里，一称小儿原。《长安志图说》：骆氏志载：唐皇子幼则居内，渐长成，于东内苑为大宅，于外为十六王宅，[王宅]<sup>①</sup>外又置百孙苑，王子王孙勿得出外，斗鸡、走狗、蹴鞠、弹射于苑中。或曰今原东有西番浮图，至元中所建，其下是一古冢，经营之始，塹之为基，得一石椁，有篆文云“小儿冢”，意者原名以是，然今亦不知有此名矣。

**北五台山** 《县志》：在县东三里。

**长乐坡** 《长安志》：在县东北一十里。《元和志》：即浐川西岸，旧名浐阪。隋文帝恶其坂，改长乐坡。《方輿纪要》：旧有长乐驿，唐时为迎饯之地。唐白居易《长乐坡送人》<sup>②</sup>诗：“行人南北分征路，流水东西接御沟。终日坡前恨离别，谩名长乐是长愁。”

**铜人原** 《雍胜略》：在县东北十五里。《关中记》：秦为铜人十二，董卓坏以为钱，余二枚。魏明帝欲徙诣洛阳，到霸城，重不可致，今在霸城大道南。唐李贺《金铜仙人辞汉歌并序》：魏明年<sup>③</sup>青龙元年八月，诏宫（宦）[官]牵车，西取汉孝武捧露盘仙人，欲立置前殿。宫官既拆盘，仙人临载，乃潸然泪下。唐诸王孙李长吉遂作《金铜仙人辞汉歌》：“茂陵刘郎秋风客，夜闻马嘶晓无迹。画栏桂树悬秋香，三十六宫土花碧。魏官牵车指千里，东关酸风射眸子。空将汉月出宫门，忆君清泪如铅水。衰兰送客咸阳道，天若有情天亦老。携盘独出月荒凉，渭城已远波声小。”

**狗脊岭** 《县志》：在县东南五里。明张治道诗：岭东在城外，

① 据《长安志图》卷中补。

② 《全唐诗》卷四四一，诗题作《长乐坡送人赋得愁字》。

③ 年：当为“帝”之误。

岭西在城中。《唐书·地理志》：在京城东市，龙首山之支陇也。《方輿纪要》：唐时行刑之地。

**杜原** 《马志》：在县东南十五里，漓水东，浐水西，即杜伯国地。以在秦汉隋唐都城之东，又名东原，汉宣帝陵在其上，又名杜陵原。《雍胜略》：宣帝以杜东原上为初陵，置杜陵县，谓之东杜。按：杜陵故城在县东南。《县志》：杜原为终南之麓，故南高。至乐游原视秦川如掌，至秦杜县处渐卑，则原之尾也。西即韦、杜二曲。

**白鹿原** 《长安志》：在县东南二十里。自蓝田县界至浐水川尽，东西一十五里，南接终南，北至灞川尽，南北一十里。亦谓之霸上。《史记》：王翦伐荆，始皇自送至霸上。汉元年十月，沛公至霸上，遂西入咸阳，还军霸上。应劭《汉书注》：霸水上，地名。《水经注》：霸水合浐水，历白鹿原，原东即霸川之西，故芷阳矣，是为霸上。颜师古《汉书注》：霸上，即今所谓霸头。《三秦记》：昔文帝至霸陵，居北临厕，指新丰路示慎夫人。韦昭曰：高岸夹水为厕。今斯原夹二水也。霸亦作灞。《雍录》：灞水所从来高，故能中白鹿原为道而行乎其下。文帝尝欲驰车下霸西峻阪，因袁盎谏而止，即白鹿原西坡也。《县志》：原高逾龙首，荆谷、神谷，其西南二壑也。西北有孝子岭，俗呼鹞子岭。又七里坡在高桥，路亦达于白鹿原。唐崔涂《灞上》诗：“长安名利路，役役古由今。征骑少闲日，绿杨无旧阴。水侵秦甸阔，草接汉陵深。紫阁曾过处，依稀白鸟沈。”纥干著《灞上》诗：“鸣鞭晚日禁城东，渭水晴烟灞岸风。都傍柳阴回首望，春天楼阁五云中。”

**郊谷 羊谷 锡谷** 《长安志》：三谷俱在县东南六十里。锡谷有路至旧归安镇合义谷，路通兴元府。按：兴元府即今汉中。《县志》：郊谷在炭谷东，谷口有遇仙桥，其上为仰天池。又东为土门谷。又东为羊谷。又白道谷在小义谷东，谷内为五台山，有苍鹰岭。

**大义谷** 《长安志》：在县东南八十里。东南至乾祐县及金、

商等州，西南有路至兴元府。按：乾祐今属镇安，金州即今兴安州。《县志》：谷在白道谷东，有路通兴安。龙首原发脉于此。东有库谷，谷内有大兴山。

北周庾信《终南山义谷铭并序》：周保定二年，岁次壬午，七月己巳朔。大冢宰、晋国公命凿石关之谷，下南山之材。维公匡济彝伦，（宏）[弘]敷庶绩，燮理余暇，披阅山经。以为终南惇物，日月亏蔽，杻干枯柏，椅桐梓漆，年代蕴积，于何不有。乃谋山泽之官，兼引衡虞之匠。东出蓝田，则控灞乘浐；西连子午，则据泾浮渭。派别八溪，流分九谷，铜梁四柱，石关双启。青绮春门，沟渠交映；绿槐秋市，舟楫相通。蓄之则为屯云，泄之则为行雨。青牛文梓，白鹤贞松，运以真宫，崇斯云屋，千栌抗殿，龙首干云。万顷疏苗，蝉鸣再熟，[川后让德，山灵景从]<sup>①</sup>。岂如运石甘泉，才通栢阳之殿；穿渠谷水，直绕金墉之城。将事未劳，为功实重。国富人殷，方传千载。因功立事，敢勒山阿。铭曰：

寥廓上浮，峥嵘下镇。壁立千丈，峰横万仞。桂月危悬，风泉虚韵。乘輿岭阪，举插<sup>②</sup>云根。八溪分注，九谷通源。北涵桐井，南浮石门。模象大壮，规绳百堵。胶葛九成，徘徊千柱。桂栋凌波，柏梁乘雨。疏川奠谷，落实摧柯。事均刊木，功侔凿河。

**丰梁原** 《县志》：在少陵原东南。西为灊川，东为焦戴川。《城南记》：少陵东接丰梁原，浐水出焉；东北对白鹿原，荆谷水出焉。二水合流入渭。一作风凉原，《魏书·地形志》：山北县有风凉原。按：山北故城在县东南。

① 据《全后周文》卷十二庾信《终南山义谷铭并序》补。

② 插：《全后周文》卷十二《终南山义谷铭并序》作“插”。

## 名 山 志

咸阳 兴平 临潼 高陵 鄠 蓝田 泾阳

### 咸阳县

**毕原** 《长安志》：在县北。《史记·周本纪》：在镐东南杜中。又云：毕公高与周同姓，武王封之于毕。《通典》：初，王季都之，毕公高封焉。一名毕郢。《孟子》：文王卒于毕郢。赵岐注：近丰镐之地，一名毕陌。《元和志》：毕原，咸阳县所理。《左传》：“毕、原、鄠、郇，文之昭也。”即谓此地南北数十里，东西二百里，无山川陂湖，亦谓之毕陌，又名咸阳原。《雍大记》：咸阳原在渭水北九峻山南，一名渭城北阪，又名咸阳北阪。又有洪渚原，在县北二里。东西一冈，阔七里许。《马志》：其地有潦池，故曰洪渚。实即毕原地也。

按：毕原绵亘渭川南北，其境甚广。《一统志》谓在咸宁县西南者，为文、武、周公所葬；在长安、咸阳西北者，乃毕公高所封。庶为得之。

**浊谷** 《方輿纪要》：在县北，近九峻山麓。

**短阴原** 《元和志》：在县西南二十里。《水经注》：渭水又东与丰水会于短阴山内。水会，无他高山异峦，所有惟原阜石激而已。《禹贡锥指》：短阴原即短阴山也。秦中诸原，类有山体，故或谓之山，不必峭拔也。

**高阳原** 《县志》：在县东南二十里。秦始皇作阿房宫依此。《马志》：与长安接界。

**鲜原** 《贾志》：在县东二十里。《诗·大雅》：“度其鲜原”。苏氏注：文王既克密须，于是相其高原而徙都，所谓程邑也。朱子《传》：“其地于汉为扶风安陵。”今在京兆府咸阳县。

按：安陵故城在今县东二十一里。《汉·地理志》：右扶风安陵。阡駟以为周之程邑，朱《传》本此。然《史记正义》又云：周王季宅郢，郢故城在咸阳东二十一里，则文王之程即王季之郢，孟子所谓卒于毕郢，亦即此地。详见《陵墓》卷。

## 兴平县

**黄麓山** 《县志》：在县北一里，或谓之黄山。《甘泉赋序》：北绕黄山，濒渭以东。一名始平原。《长安志》：始平原东西五十里，南北八里，东入咸阳北阪，西至武功界武水东岸。《三秦记》：汉时谓之北芒岩。

**马嵬坡** 《县志》：在县西二十五里。孙景安《征途记》：马嵬，人名，于此筑城以避难。《方輿纪要》：唐置马嵬驿，景龙四年，中宗送金城公主入番，别于马嵬驿。天宝末，（元）[玄]宗西幸至马嵬驿，大军不发，因赐贵妃死，葬于坡北。详《古迹》。

## 临潼县

**骊山** 《县志》：在县南里许，即蓝田北山绵亘而东五十余里。《新志》：初名丽山。《路史》：女娲继兴于丽。周骊戎国于其下，因作骊。《汉·地理志》：“新丰，骊山在南，故骊戎国。秦置酈邑。”又名酈山，一曰丽戎之山。《水经注》：“丽戎之山，一名蓝田。其阴多金，其阳多玉。”一名会昌山。一名昭应山。《长安志》：天宝元年，更骊山曰会昌。七载，又改曰昭应。又名肺浮山。《水经注》：泠水出肺浮山，盖骊山连麓而异名也。



山北有女娲氏谷。《长安志》云：女娲治处，又云蓝田谷。《雍录》：山顶有露台乡。唐中宗《登骊山高顶寓目》诗：“四郊秦汉国，八水帝王都。阊阖雄里闾，城阙壮规模。贯渭称天邑，含岐实奥区。金门披玉馆，因此识皇图。”苏颋《奉和圣制登骊山五律》<sup>①</sup>：“仙跸御层氛，高高积翠分。岩声中谷应，天语半空闻。丰树连黄叶，函关入紫云。圣图恢宇县，歌赋少<sup>②</sup>横汾。”《寰宇记》：温泉出山下。详《古迹》。汉张衡《温泉赋并序》：“阳春之月，百草萋萋。余在远行，顾望有怀。遂适骊山，观温泉，峪<sup>③</sup>神井，风中峦。壮厥类之独美，思在化之所原，感洪泽之普施，乃为赋云：览中域之珍怪兮，无斯水之神灵。控汤谷于瀛洲兮，濯日月乎中营。阴<sup>④</sup>高山之比<sup>⑤</sup>延，处幽屏以闲清。于是殊方跋涉，骏奔来臻。士女煜<sup>⑥</sup>其鳞萃，纷杂沓其如烟。乱曰：天地之德，莫若生兮。帝育烝民，懿厥成兮。六气淫错，有疾厉<sup>⑦</sup>兮。温泉汨焉，以流秽兮。蠲除苛慝，服中正兮。熙哉帝载，保性命兮。”北齐刘逖《浴温泉》<sup>⑧</sup>诗：“骊岫犹怀玉，新丰尚有家。神井堪消疹，温泉足荡邪。紫苔生石岸，黄沫拥金沙。振衣殊未已，翻能停使车。”唐（元）[玄]宗：准<sup>⑨</sup>此温泉，是称愈疾，岂予独受其福，思与兆人共之。乘暇巡游，乃言其志：“桂殿与山连，兰汤涌自然。阴崖含秀色，温谷吐潺湲。绩为蠲邪著，功因养正宣。愿言将亿兆，同此共昌延。”又《温汤

① 奉和圣制登骊山五律：《全唐诗》卷七十三作“奉和圣制登骊山高顶寓目应制”。

② 少：苏颋《奉和圣制登骊山高顶寓目应制》作“小”。

③ 峪：张衡《温泉赋》作“浴”。

④ 阴：张衡《温泉赋》作“荫”。

⑤ 比：张衡《温泉赋》作“北”。

⑥ 煜：张衡《温泉赋》作“晔”。

⑦ 厉：张衡《温泉赋》作“疠”。

⑧ 浴温泉：《艺文类聚》卷九作“浴汤泉”。

⑨ 准：作“惟”。



对雪》诗：“北风吹同云，同云飞白雪。白雪乍回散，同云何惨烈。未见温泉冰，宁知火井灭。表瑞良在兹，庶几可怡悦。”王维《和太常韦主簿五郎温泉<sup>①</sup>寓目之作》：“汉主离宫接露台，秦川一半夕阳开。青山尽是春<sup>②</sup>旗绕，碧涧翻从玉殿来。新丰树里行人度，小苑城边猎骑回。闻道甘泉能献赋，悬知独有子云才。”皇甫冉《温泉即事》诗：“天仗星辰转，霜冬景气和。树含温液润，山入缭垣多。丞相金钱赐，平阳玉辇过。鲁儒求一谒，无路独如何。”北魏元苌《温泉颂》：“夫驾轻烟，勒麟凤，驰及奔星，走攀流月。蝉变羽化之民，食露吸霞之士，斯盖有道存焉，自非人世之所覩缕。至若泥行水骤，血食之夫，兴没自天，去来非己，寸阴危于朝露，百龄迅于灭电。一物不谐，则肌赘以生；庶事不康，则风火以败。故圣人□<sup>③</sup>百姓之多疾，撰药石以济之；造物愍苍生之灼毒，设甘饵以救之。盖温泉者，乃自然之经方，天地之元医。出于渭河<sup>④</sup>之南，泄于骊山之下。渊华玉彻，□清□□<sup>⑤</sup>。灵感超异，峻□<sup>⑥</sup>不测。无樵薪之爨，而扬汤沸于楚镬，无□□之□<sup>⑦</sup>，而寒暑调于夏鼎。高唐<sup>⑧</sup>之云，朝发于水湄；巫山之雨，夕收于渊际。青林碧草，含露而匝岸；香风蕙□<sup>⑨</sup>，列锦而环渚。于是左汤谷，右蒙汜，南九江，北□<sup>⑩</sup>海，千城万国之人，怀疾枕疴之客，莫不宿柎而来宾，疗苦于□<sup>⑪</sup>水。

① 泉：作“汤”。

② 春：王维《和太常韦主簿五郎温汤寓目之作》作“朱”。

③ □：或作“怜”。

④ 渭河：或作“河渭”。

⑤ □清□□：或作“悬清数仞”。

⑥ □：或作“极”。

⑦ 无□□之□：或作“无公蔬之糝”。

⑧ 唐：或作“塘”。

⑨ □：或作“色”。

⑩ □：或作“瀚”。

⑪ □：或作“斯”。

但上无天<sup>①</sup>栋，下无环墙<sup>②</sup>，悠悠君子，我将安泊。孤忝发轸咸池，分条紫汉，道属升平。弱年学仕，既历通显，朝望已隆，爰自常伯。出居分陕，地居陆海之饶，禄享封君之厚，而报天之效无闻，恤民之誉安在？每思倾□独□深□<sup>③</sup>，以为斯泉，天实置之而人略未备。乃剪草开□<sup>④</sup>，因林构宇，遂馆来风。清檐驻月，望想烟露，迟羽衣之或顾，愿言□□，□<sup>⑤</sup>因兹以荡秽。乃作颂曰：皇皇山灵，愍我苍生。浴彼温泉，于此丽川。其水伊何？克神克圣。济世之医，救民之命。其圣伊何？排霜吐旭。其神伊何？吞朏去毒。无藉烟炭，谁假樵木。湛若虞渊，沸如汤谷。东枕华山，西拒<sup>⑥</sup>咸阳。连畴接畛，墟落相望。彩林争翠，绿树成行。香风旦起，文灵<sup>⑦</sup>夕张。陂<sup>⑧</sup>彼丽山，望想千里。乃作高堂，鸿飞凤起。三辅之英，五都之士。慕我芳尘，爰居爰止。其德既酋，其声既远。金华屑柱<sup>⑨</sup>，春山九转。目送群羊，手□<sup>⑩</sup>白犬。控鹤来思，俟我于堂。而”下阙二十字<sup>⑪</sup>。唐张说《温泉箴》：“东山少连曰：（元）[玄]冥氏之子曰壬夫，安<sup>⑫</sup>祝融氏之女曰丁芊，俱学水仙，是为温泉之神焉。帝命之救万灵，荡滞结，腑藏达，肤腠泄，下人多赖，上帝是崇。有<sup>⑬</sup>飞廉氏之

① 天：或作“尺”。

② 墙：或作“堵”。

③ 倾□独□深□：此处原缺三字，或作“倾感微寒深责”。

④ □：或作“障”。

⑤ □□□：或作“多士，怨”。

⑥ 拒：或作“亘”。

⑦ 灵：或作“霞”。

⑧ 陂：或作“陟”。

⑨ 柱：或作“桂”。

⑩ □：或作“牵”。

⑪ 校点者按：元苌《温泉颂》文字，本志似据碑拓所录，鲁鱼亥豕，间有缺字。现据有关资料聊以补之，未必为妥，仅供参考。

⑫ 安：张说《温泉箴》作“婁”。

⑬ 有：张说《温泉箴》作“忤”。

佚女，妬之，常欲大恩其功。故入温泉，必齐以洗心，戒以防患，恕以利物，含生之疾，我愿除祓；二神嘉之，吹汤激邪，珠连沕漈，滴汨扬华，此其效也。若入温泉，僻心秽行，恶言淫形，居食失节，动出躁轻，二神丑之，不匡人命，飞廉佚女，以裾褊人，是走<sup>①</sup>疰芒风痼眩之病。夫有意之医，照合神圣；无恒之医，身为欲使，莫之益，伤之者至矣。是以君子慎其微也。”北周王褒《温泉铭》：“挺此温谷，骊岳之阴。白矾上彻，丹砂下沉。华清驻老，飞流莹心。谷神不死，川德愈深。”

按：骊山温泉题咏繁芜，今以唐（元）[玄]宗以前诗附入名山，天宝以后怀古诸作，分载《古迹》卷内。

**东绣岭** 《雍大记》：在骊山右，东有玉蕊峰。又金斧山《县志》：在县东南二十五里。《方輿纪要》：石罅中有石如斧，金色，亦名金谷，中常温。金沙洞《县志》：长生殿南。石瓮谷《雍胜略》：在县东五里南山半腹。《长安志》：石瓮谷有悬泉，激石成臼，似瓮形，因名。《县志》：石瓮谷中尽植兰蕙，亦名芝兰谷。石鱼岩《县志》：石瓮谷上。风谷《马志》：即石瓮谷右涧。艾叶沟《县志》：在骊山东南十二里，中有鳞石。走马岭《县志》：在山东南二十七里，平坦，可乘马。

**西绣岭** 《雍大记》：在骊山左上二里，即老君殿。又饮鹿槽都穆《骊山记》：在岭西南，一名鹿饮泉，今涸。丹霞泉《马志》：老母殿前殿西南饮济泉，即潼水。牡丹沟《马志》：在骊山西，两岸尽植牡丹。燕子龕《县志》：降圣观南。石骆驼峰《县志》：在岭西。磻子谷《长安志》：在县西南七里。蟾谷《拾遗记》：在白鹿观中。凤凰原《县志》：在县西南十五里。《唐·地理志》：清虚原即凤凰原。《长安志》：后汉延光三年，凤凰集新丰西亭，即此原也。亦骊山之别麓。鸛鹑谷《县志》：在县西南二十里，一名韩峪沟。《唐·地理志》：幽栖谷即鸛鹑谷。按：凤凰原、鸛鹑谷并

① 走：张说《温泉箴》作“生”。

见《古迹》。宋邵雍《绣岭》诗：“绣岭岌层峦，岩峤十九盘。微微经雨后，杳杳出云端。往事金舆远，遗踪玉像残。至今临渭水，依旧见长安。”

**普陀原** 《县志》：在县北二十里渭河北岸，即高陵之奉政原，或以为即藕原也。

**荆原** 《县志》：在县北八十里，即荆山脉尽处。一名断原。自三原迤迤至富平、临潼，为漆沮水冲断，因名。

**坑儒谷** 《长安志》：在县西南五里坑儒乡。详《古迹》。唐罗隐《焚书坑》诗：“千载遗踪一窖尘，路旁耕者亦伤神。祖龙算事浑乖角，将谓诗书活得人。”章碣《焚书坑》诗：“竹帛烟销帝业虚，关河空锁祖龙居。坑灰未冷山东乱，刘项元来不读书。”司空图《秦坑儒谷铭》：“秦术戾儒，厥民斯酷。秦儒既坑，厥祀随覆。天覆儒仇，儒祀而族。秦坑儒耶，儒坑秦耶？”

**铜人原** 《县志》：在县西南二十里，接咸宁界。《新志》：即今地窑村。《水经注》：魏文帝黄初元年<sup>①</sup>，徙长安金狄，重不可致，因留霸城南。人有见蓊子训与父老共摩铜人曰：正见铸此时，计其日，似近五百年矣。

**新丰原** 《雍大记》：在县东南二十里。《县志》：西接阴盘，东至泠口，蜿蜒二十余里，与渭南接。

**庆山** 《长安志》：在县东南三十五里。《唐·五行志》：垂拱二年十月<sup>②</sup>，新丰露台乡大风雨，震电，有山涌出，高二十丈。武后名之曰庆山。

**种金原** 《县志》：在县东。《新志》：今大小金山即其处。

**鸿门阪** 《县志》：在县东十七里。《史记·项羽本纪》：羽军在鸿门下，沛公在霸上，相去四十里。从骊山下道芷阳间行，不

① 魏文帝黄初元年：《水经注·渭水》作“魏明帝景初元年”。

② 垂拱二年十月：此据《新唐书·则天本纪》。《新唐书·五行志》作“垂拱二年九月己巳”。



过二十里。《水经注》：新丰县故城东三里有阪，长二里余，塹原通道，南北洞开，有同门状，谓之鸿门。《雍胜略》：北有鸿阪，南有阪口，故曰鸿门。《长安志》：汉旧大道北下阪口名也，即亭尉呵李广处。唐李贺《公莫舞歌》：“方花古础排九楹，刺豹淋血盛银罍。华筵鼓吹无桐竹，长刀直立割鸣箏。横楣粗锦生红纬，日炙锦嫣王未醉。腰下三看宝玦光，项庄掉筩栏前起。材官小臣公莫舞，座上真人赤龙子。芒砀云端抱天回，咸阳王气清如水。铁枢铁楗重束关，大旗五丈撞双环。汉王今日颁秦印，绝膑刳肠臣不论。”王穀《鸿门宴》诗：“寰海沸兮争战苦，风云愁兮会龙虎。四百年汉欲开基，项庄一剑何虚舞。殊不知人心去暴秦，天意归明主。项王足底踏汉土，席上相看浑未悟。”明李东阳《鸿门高》诗：“鸿门高，高屹屹。日光荡，云雾塞。双舞剑，三示玦。壮士入，目眦拆。谋臣怒，王斗裂。网弥天，龙有翼。龙一去，难再得。”

按：《县志》：鸿门阪在新丰南原。又县东十五里有项王营。可证孟康《后汉·郡国志》注“鸿门在新丰东十七里”，盖误指县治而言。

## 高陵县

**奉政原** 《一统志》：在县南十一里。《长安志》：东西长三十里，南北阔三里。《县志》：原自泾阳来，过境，尽于临潼。高者四五丈。泾、渭之不得北徙者，此原障之也。一名降驾原，相传汉文帝自代来，次高陵毘沙镇四日。《通志》：奉政，一作奉正。

**鹿苑原** 《长安志》：在县西南三十里。东西长十五里，南北阔一里。《黄图》：安陵有果园，名鹿苑。《县志》：原自咸阳来，当泾、渭二水间，阳陵之所在也。按：阳陵故城在县西南，亦名奉政原。《通志》：一名鹿台。

**毕原** 《寰宇记》：《关中记》云：高陵北有毕原，秦谓之池

阳原。汉名长平阪，又名石安原。

## 鄠县

**终南山** 《元和志》：在县东南十里。《县志》：山在县境，随地异名。远者三十里，近者二十里，皆终南也。

**涝峪** 《一统志》：在县西南二十里，接盩厔界，本作劳谷。《汉·郊祀志》：宣帝时，“京师近县祠，鄠则有劳谷”<sup>①</sup>。去谷二里有支锅潭，南有卧龙石、十八盘、朝阳洞及桃花磨、石瓦、统银洞诸沟。沿谷两岸，西为盩厔，东为鄠县分界。谷内有苦竹沟、八里坪、犁辕坪三处，土田肥美。

按：秦地多谓谷为峪。考《尔雅·释水》注：溪曰谷。《音学五书》：今人读谷为穀，亦加山作峪，乃读为裕，盖音本相通也。今并从诸志互称，不复更正。

又按：《长安志》：五林山在县境。《汉书》：鄠有五林。《方輿纪要》：五林山，终南支阜。今考《郊祀志》，武帝所兴有五床祠宫。宣帝即位，京师近县祠，鄠则有劳谷五床山。知五林乃五床之讹也。诸志削之，顾氏亦未实指其地。今附识于此。

**栗峪** 《县志》：在县西南二十里。内有马连岔、车辕坡、石墙、东夹、西夹诸沟。山口至黑龙大王岭三十里。相近有**马峪**。又**皂峪**亦在西南二十里，内有黄土坡、子房、洞宾、东平、西平、铁楼诸沟。又**石门**有仙人迹、将军石。山口至上银洞三十里。附近为**直峪**。

**牛首山** 《通志》：在县西南二十三里。《黄图》：甘泉宫有牛首山。《元和志》：山，南接终南，在上林苑中。《县志》：南有层山万仞，小洞在其下，宛若牛伏首。东镇清流尾，西蟠胡岭。又东为**牛心岭**上有晋王池。**樊家山**山西有**华阳峪**，最高者曰将军山。

<sup>①</sup> 《汉书·郊祀志》记宣帝时立祠，此句作“京师近县鄠，则有劳谷、五床山、日月、五帝、仙人、玉女祠。”



按：《山海经》云：牛首之山，滂水出焉。《水经注》又云：滂水出南山滂谷。其地并在县西南，疑牛首与滂谷古为一山也。

**白云山** 《通志》：在县南二十里，与县治对。下有老子泉，相近为**檀峪**、五里坡、李靖泉。又**曲峪**内有莲花山、石灰洞、蒿平潭、石青洞、斑鸠岭，上至一碗泉岭。又**黄柏峪**内有土地岭。又**乌桑峪**内有长仙洞、观音淬、赤干岭。

**圭峰** 《一统志》：在白云山东。其形如圭。东有小圭峰。相近为**太平峪**有长啸洞。

**丫髻山** 《县志》：在县南二十五里。分岐似髻。相近有指壁崖、鸡头山。《长安志》：在县东南三十里。《雍胜略》：俗呼小武当山。又五里有**高冠峪**《县志》：内有高冠潭、老君渴、苍头岔。唐岑参《高冠谷口招郑鄠》诗：“谷口来相访，空斋不见君。涧花然暮雨，潭树暖春云。门径稀人迹，檐峰下鹿群。衣裳与枕席，山霭碧氛氲。”又《还高冠潭口留别舍弟》诗：“昨日山有信，只今耕种时。遥传杜陵叟，怪我还山迟。独向潭上酌，无人林下棋。东溪忆汝处，闲卧对鸬鹚。”又《终南云际精舍寻法澄上人遇，归高冠东潭石淙望秦岭微雨作》：“昨夜云际宿，旦从西峰回。不见林中僧，微雨潭上来。诸峰皆青翠，秦岭独不开。石鼓有时鸣，秦王安在哉。东南云开处，突兀猕猴台。崖口悬瀑流，半空白皑皑。喷壁四时雨，傍村终日雷。北瞻长安道，日夕生尘埃。若访张仲蔚，衡门满蒿莱。”

**太平峪** 《一统志》：在鸡头山东。内有万花山、长啸洞、重云阁诸胜。《县志》：又有药王洞、黄崖洞、草坪。其外即隋太平宫、唐避暑宫遗址。

**紫阁峰 白阁峰 黄阁峰** 《县志》：俱在县东南三十里。《雍胜略》：紫阁峰，旭日射之，烂然而紫。其形上耸若楼阁。然白阁阴森，积雪弗融。又大顶、凌霄、罗汉三峰，俱在三阁东，内有羊圈崖、鱼盘岭。又子房山在紫阁峰北，中有黄石洞，相传张良辟谷处。唐邵谒《紫阁峰》诗：“壮国山河倚空碧，回拔烟霞侵太

白。绿崖下视千万寻，青天只据百余尺。”宋程子《游紫阁峰》诗：“仙掌远相招，紫紆度石桥。暝云生涧底，寒雨下山腰。树色千层乱，天形一罅遥。吏纷难久住，回首羡渔樵。”

**神水峪** 《通志》：在县东南三十里。内有睡佛洞。又太微峰在东南四十里。《一统志》：形胜嵯峨，直接太虚。俗传老子于此升天。下有炼丹峰。又云际山在东南六十里。《县志》：东接长安界。唐岑参《题云际南峰眼上人读经堂》诗：“结宇题三藏，焚香老一峰。云间独坐卧，只是对山松。”宋程子《云际山》诗：“南药东边白阁西，登临身共白云齐。上方顶上朝来望，陡觉群峰四面低。”

## 蓝田县

**终南山** 《县志》：在县西南七十里，与咸宁接界。

**秦岭** 《一统志》：在县南，又东接商州界。《县志》：即南山别出之岭，凡入商洛、汉中者，必越岭而后达。东出即蓝田关矣。

**横岭** 《长安志》：在县北三十五里，自临潼骊山东入县界，横接华州界。《县志》：下有水，名横河，北即桓公堆。《晋书》：桓温伐苻健，[健]<sup>①</sup>遣子生、弟雄等屯峽柳、愁思埏以拒温。《长安志》：后名桓公堆。

按：《唐书》：广德初，回纥、吐蕃入寇长安，郭子仪收兵屯商州，遣长孙全绪为先锋，北出蓝田，至韩公堆，吐蕃引却。又李商隐诗云：“韩公堆上跋马时，回望秦川树如荠。”所称韩公堆疑即此地，盖“桓”与“韩”音相近而讹耳。

**阿福原** 《县志》：在县北四十里。世传为太白神祖居。今有太白祠，相近有下驾原，秦昭王冢在焉。

**白鹿原** 《雍胜略》：在县西二里。《寰宇记》：周平王东迁，

① 据《晋书·桓温传》补。

有白鹿游此原，以是名，盖秦运之象。《雍录》：白鹿原，南山之麓。东西二十五里，南北四十里。霸水行于原上。《三秦记》：昔文帝至霸陵，居此临厕，指新丰路示慎夫人。韦昭曰：高峰夹水为厕。今斯原夹二水也。按：霸陵今属咸宁。东为鹿走沟《县志》：俗名卢子沟。又西十五里有鳧峪，又西五里有獐坡，又龙凤坡在县南二十里，白鹿原之尾也，接咸宁界。

**辋谷** 《长安志》：在县西南二十里。《雍大记》：商岭水流至蓝桥，复流至辋谷，如车辋环凑，落叠嶂，入深潭。有千圣洞、细水洞、茶园、栗岭。唐右丞王维庄在焉。《县志》：辋川口即峽山之口，去县南八里，两山夹峙，川水从此北流入灞。其路则随山麓凿石为之，计五里许，甚险狭，所谓匾路，此第一区也。过此则豁然开朗，团转而南，凡十三区，其胜渐加，计三十里至鹿苑寺，即王维别墅。又县西南三十里有采谷，《长安志》：与辋谷并有细路通上洛。按：上洛今属商州。

**石门谷** 《长安志》：在县西南四十里。《通志》：谷有汤泉，又西南五里有风凉原。《长安志》：南接石门山，北入万年县界。《水经注》：《关中图》曰：丽山之西，川中有阜，曰风凉原，在魄山之阴。雍州之福地也。

**库谷** 《长安志》：在县西南五十里。

按：《唐六典》：库谷在鄠县，就谷在整屋，兼置将作监，掌采伐材木处也。《地理志》复云：蓝田县有库谷，谷有关。今并仍之。

**七盘山** 《长安志》：在县南二十里。《唐·地理志》：贞元七年，刺史李西华患此路之险，自蓝田至内乡开新道七百余里，回山取途，人不病涉，谓之偏路。《县志》：七盘山延亘绵远，西接终南，东通商洛，险峻纡回。又辋坡，在东南。《通典》：七盘十二辋，蓝田之险路也。一称七盘岭。唐沈佺期《夜宿七盘岭》诗：“独游千里外，高卧七盘西。山月临窗近，天河入户低。芳春平

仲绿，清夜子规啼。浮客空留听，褒城闻曙雍<sup>①</sup>。”李商隐《商於新开路》诗：“六百商於路，崎岖古共闻。蜂房春欲暮，虎阱日初曛。路向泉间辨，人从树杪分。更谁开捷径，速拟上青云。”吴融《登七盘岭》诗：“才非贾傅亦迁官，五月驱羸上七盘。从此自知身计定，不能回首望长安。七盘岭上一长号，将谓青天鉴郁陶。近日青天都不鉴，七盘应是未高高。”

**蕘山** 《县志》：在县南十里，其下即辋川口。《汉·高帝纪》：沛公引兵绕峽关，逾蕘山，击秦军蓝田南，遂西入咸阳。又南五里有虎圻山，即辋川之北坨，相近有悟真谷地，为蓝田绝胜处。

**峽山** 一称峽岭。《长安志》：在县南二十里，峽关因此名。《汉书注》：山在上洛北，蓝田南，武关之西。《雍录》：峽山，一名青泥岭。故《水经》曰峽柳城，俗谓之青泥城。

**全山** 《县志》：在县南五十里，与碧仙洞对。洞在蓝桥东，高数十丈，相传为韩湘修真处。又县东北三十里亦有全山。

**王顺山** 《长安志》：在县东南二十里。《县志》：王顺隐此山得道，因名。俗呼“望舜”者，音讹也。相近有蓝谷。

**蓝田山** 《长安志》：在县东南三十里。《括地志》：骊山之阳即蓝田山，一名覆车山。《述征记》：山形如覆车之象。一名玉山。《汉·地理志》：山出美玉。《后魏风土记》：山巅方二里，仙圣游集之所，下有神祠甚严。又西有华胥氏、尊卢氏陵，次北有女娲氏谷，则知此地是三皇旧居之所。《县志》：山有唐公主洞，相传唐时有公主好道，辟此居之。唐于良史《宿蓝田山口寄沈员外》诗：“山暝飞群鸟，川长泛四邻。烟归河畔草，月照渡头人。朋友怀东道，乡关恋北辰。去留无所适，岐路独迷津。”

**倒回谷** 《长安志》：在县东南五十里。谷内通商州洛南界。一名蓝田谷。《水经注》：霸水出蓝田谷。一名鸦谷。《县志》：鸦谷在县东南，即白鷄谷也。

① 雍：沈佺期《夜宿七盘岭》作“鸡”。



按：《一统志》：雅谷<sup>①</sup>在县东南二十里，与倒回谷相距甚远。《县志》谓二谷为一，恐误。

**倾谷 同谷** 《长安志》：倾谷在县东五十里，同谷在倾谷西，又作铜谷、轻谷。《水经注》：蓝田谷西北有铜谷，次东有轻谷，又东十里有阜儿山。《长安志》：俗传尝有禽止此，众鸟随之，因名凤儿山。语讹为阜。

**倒虎山** 《县志》：在县东，接渭南界。《寰宇记》：覆车山北。

按：《汉·地理志》：蓝田县有虎（候）[侯]<sup>②</sup>山。《长安志》引《地道记》亦云虎（候）[侯]山在县境。《通志》云无考。或即倒虎山也。

**金山** 《县志》：在县东北三十里。相传风后逐蚩尤有功，封为金山之神，立祠祀焉。又县南五里有蚩尤岭。

## 泾阳县

**嵯峨山** 《贾志》：在县北五十里。《元和志》：嵯峨山东西二十五里，南北二十里。山上有云必雨，人以为候。《雍胜略》：山东北属三原，西北属淳化，西南属泾阳，一名巖嵯山。《汉·地理志》：池阳巖嵯山在北。按：池阳故城在县西北。《水经注》：郑渠故渎东径巖嵯山南，一名慈峨山。《魏·地形志》：泥阳县有慈峨山。按：泥阳故城即旧役祠县，今属耀州境东北。《云阳宫记》：云阳东有慈峨山，昔黄帝铸鼎于此。《县志》：山在县北，东抵清谷，西抵冶谷，亘二十里。上有三峰：东曰钵盂台，旱祷多应；中曰大台，峰顶有仰天池；西峰有石窟，深五六里，风从内出。金、元之季，人多避乱于此。

**丰稔原** 《一统志》：在县北二里。起仲山麓，东南至高陵始尽。一曰北原。《方輿纪要》：唐永泰初，回纥、吐蕃合兵围泾阳，

① 雅谷：前文作“鸦谷”。

② 据《汉书·地理志》改。

郭子仪拒之，遂屯北原，即此。

**覆车原** 《一统志》：在县西北三十里。起仲山麓，东至冶谷口。《方輿纪要》：又北十里为西城原，自天井渠抵洪门监。按：洪门县西北白渠堰口也，旧设监于此。接醴泉县界，去县七十里。

**冶谷** 《通志》：在县西北六十里。一曰谷口，一曰寒门。《汉·郊祀志》：申公曰：黄帝接万灵明庭。明庭者，甘泉也。所谓寒门者，谷口也。服虔注：黄帝升仙处。师古曰：谷口，仲山之谷口也。汉时为县，今呼冶谷。以仲山之北寒凉，故谓此谷为寒门也。《寰宇记》：《云阳宫记》曰：冶谷去云阳宫八十里。其山出铁，有冶铸之利，因以为名。入谷便洪潦沸腾，清泉激射，两岸皆峭壁孤竖，横盘坎谷，凜然凝沍，常如八九月中。朱明盛夏，当昼暂暄，凉秋晚候，缊袍不暖，所谓寒门者也。《县志》：冶谷亦曰东谷，口与泾水所出之谷口东西相去二十余里。有岩曰郑岩，泉曰郑泉。冶谷水东岸曰百顷原，东西十里；西岸曰丰乐原，东西十五里；南北各五六里。东南岸曰清凉原。俱逶迤嵯峨，山前宜黍稷。

按：泾阳、醴泉《志》并谓谷口郑岩即郑子真隐处。考郑朴，字子真，褒中人。《輿地纪胜》：褒城县箕山有道人谷，即子真隐处。其说较为有据。

**仲山** 《通志》：在县西北七十里。《长安志》：《云阳宫记》云：宫南三十里有仲山，山有竹箭生焉。俗谓高祖兄仲所居，有仲子庙。一作中山。《封禅书》：武帝获宝鼎于汾阴，将荐之甘泉，迎至中山，嚙𤑔<sup>①</sup>有黄云盖焉。徐广《音义》：关中有中山，非冀州也<sup>②</sup>。《索隐》：山在冯翊谷口县西，近九峻山。按：谷口县今属

① 嚙𤑔：《史记·封禅书》作“嚙𤑔”，《长安志》作“晏温”，《水经注·渭水》作“氤氲”。

② 此句《史记集解》作：徐广曰：“关中亦复有中山也，非鲁中山。”此条自“封禅书”至此，引自《水经注·渭水》。



**醴泉。**《河渠书》：郑国凿泾水自中山西。《水经注》：郑渠东径中山南。俗谓之仲山，非也。又有小仲山，《长安志》：在云阳县西北四十里。《方輿纪要》：山东北接嵯峨西麓，中隔冶谷，西南连九峻山，泾水径其中，故曰中山。或曰以山在冶水西、泾水东也。

《县志》：山麓有虎坪，相近有石蛇山，临江潭上有古石，类蛇首，因名。下即郑岩。

**甘泉山** 《通志》：在县西北。《路史》：云阳氏都于雍之甘泉山。注：甘泉山亦曰云阳。《战国策·范雎说秦》：北有甘泉谷口。《长安志》：一名石鼓原，俗名摩石岭。在云阳县西北九十里，周六十里。《关中记》曰：甘泉宫在其上。又县西北三十八里有车箱阪。《水经注》谓之长箱阪，即冶谷口。

按：甘泉山北属淳化，汉时宫阙在其北，今不录。

**石安原** 《长安志》：在县西南七里。《元和志》：高二十丈，东西三十八里，南入咸阳界。《县志》：即毕原，又谓之南原。西自武功，东讫高陵，在泾、渭之间，绵亘二三百里。晋时石勒置石安县以此。按：石安县今属咸阳境。其北陲傍泾者，入县境，东西三十八里。

**长平阪** 《县志》：在县西南十里。《汉·宣帝纪》：甘露三年，上自甘泉宿池阳宫，登长平阪。如淳注：阪在池阳南。上原之阪，有长平观，去长安五十里。颜师古注：泾水南原，眭城阪是也。《元和志》：亦名长平坡。《方輿纪要》：秦时置狱处也。

**金锦峪** 《县志》：在县东南二十里南原。《通志》作金线峪。东南有台，即唐瀛洲故址，东西相向。

## 西安府志卷第四

# 名 山 志

三原 盩厔 渭南 富平 醴泉 同官 耀州

### 三原县

**嵯峨山** 《通志》：在县西北四十里。《贾志》：山东峰属县界，一名巖嶭山。颜师古《汉书注》：巖嶭山在三原县西。《元和郡[县]志》：天齐原在县西北二十五里。《雍胜略》：嵯峨在天齐之上，特出云表，登其巅，则泾、渭、黄河，皆在目前。《县志》：山分三面，西南泾阳，西北淳化，东北属三原。三峰并列，盖邑之主山也。上有灵湫，旱祷辄应。

**孟侯原 清酆原 白鹿原** 《县志》：俱在县北四十里。西连嵯峨，东至断原，连亘四十里。清酆，一名丰原，在旧县北、浊谷口东。孟侯，在旧县西；白鹿，在旧县东；终县东西界。又有浮山，在县北二十里。按：三原故城在今县北。

**清峪** 《寰宇记》：在县西北，一名鬼谷。昔苏、张师事鬼谷先生处。

按：清峪即清水峪。《长安志》载入华原。《十道志》：晋《太康地记》云：扶风池阳县有鬼谷。裴秀《雍州记》亦云在池阳。今三原即池阳境。而司马彪乃云鬼谷在嵩山，虞喜《志林》又云在陇关，未详孰是。又《方輿纪要》谓天齐，一名鬼谷。

**尧门山** 《县志》：在县西北三十里。《括地志》：尧门山俗名

石门。上有路，其状若门，故老云尧凿山为门，因名之。

按：周显王五年，秦献公取三晋之师于石门，其地属邠州三水、淳化界内。《方輿纪要》谓即三原之尧门山，误矣。胡三省《通鉴注》于彼处之石门山，又引《括地志》此文，亦非。又《唐·地理志》：云阳有尧山。疑即此。

## 盩厔县

**终南山** 《长安志》：在县南三十里。《县志》：山东接鄠县，西接郿县，枝峰别岭，随地异名。北周庾信《温汤碑》：“咸池浴日，先应绿甲之图；砥柱浮天，始受（元）[玄]夷之命。仁则涤荡埃氛，义则激扬清浊，勇则负山余力，弱则鸿毛不胜，仲春则榆莢同流，三月则桃花共下。其色变者，流为五云之浆；其味美者，结为三危之露。烟青于铜浦，色白于铅溪。非神鼎而长浮<sup>①</sup>，异龙池而独涌。洒胃湔肠，兴羸起瘠。秦皇余石，仍为雁齿之阶；汉武旧陶，即用鱼鳞之瓦。山间涌水，实表忠诚；室内江流，弥彰纯孝。岂若醴泉消疾，闻乎建武之朝；神水蠲疴，在乎咸康之世。嵩岳三仙之馆，不孤擅于天池；华阴百丈之泉，岂独高于莲井。”

按：《隋·地理志》：盩厔县“有太一山，有温汤”。开府碑文，当即指此。倪璠《庾子山年谱》以此文属诸（宏）[弘]农，恐非。

**韦谷** 《县志》：在县西南五十里，与郿县接界，俗讹为泥谷。又南三十里有扫帚岭，北十里为仓谷，又北有故县谷，东五里有安乐山，又东七里有底保谷。今名丰谷。车谷南十五里为翠峰巅，有唐仙姑祠，谷东三里为强弩谷，今名强谷。在县西南三十八里。又东五里为稻谷，又东四里为耐山，又东四里为骆谷。

**骆谷** 《县志》：在县西南三十里。又南八十里为十八盘，又南十里至河底为故骆谷关，通洋县。《元和志》：骆谷道，汉魏旧

① 浮：《全后周文》卷十二作“沸”。

道也。武德七年复开。《地理通释》：谷长二百二十里。谷之东五里为新口谷，谷东有黑凤山。又东二里为熨斗谷，又东二里为虎谷，又东五里为黑水谷。《方輿纪要》：近骆谷有关家洞。唐岑参《酬成少尹骆谷行》：“闻君行路难，惆怅临长衢。岂不惮险艰，王程剩相拘。忆昨蓬莱宫，新授刺史符。明主仍赐衣，价直千万余。何幸承命日，得与夫子俱。携手出华省，连镳赴长途。五马当路嘶，按节投蜀都。千崖信萦折，一径何盘纡。层冰滑征轮，密竹碍隼旟。深林迷昏旦，栈道凌空虚。飞雪缩马毛，烈风擘我肤。峰攒望天小，亭午见日初。夜宿月近人，朝行云满车。泉浇石罅坼，火入松心枯。亚尹同心者，风流贤大夫。荣禄上及亲，之官随板舆。高价振台阁，清词出应徐。成都春酒香，且用俸钱沽。浮名何足道，海上堪乘桴。”章孝标《骆谷行》：“扪云袅栈入青冥，鞿马铃骡傍日星。仰踏剑棱梯万仞，下缘冰岫沓<sup>①</sup>千寻。山花织锦时聊看，涧水弹琴不暇听。若比争名求利处，寻思此路却安宁。”韩琬《骆谷晓望》<sup>②</sup>诗：“秦川如画柳<sup>③</sup>如丝，去国还家一望时。公子王孙莫来好，岭花多是断肠枝。”

**黑水谷** 《通志》：在县南二十五里，一名芒谷。《水经注》：芒谷水侧山际有石室，世谓之玉女房。《长安志》：玉女洞，门崇四尺，阔三尺。《县志》：芒水色黑，因以芒谷为黑水谷。其南三里仙游潭，北有玉女洞。又潭傍为罗汉洞，东侧有马融读书石室。又南一百八十里即秦岭也。又芒谷口内三里为韩谷，口外稍东为黄谷。又东四里为团标谷，有石笋卓立如塔，可十丈余，顶有双柏树。又东五里为马岔谷，又东二里为龙谷。宋苏轼《留题仙游潭》：中兴寺东有玉女洞，洞南有马融读书石室。过潭而南，山石益奇。潭上有桥，畏其险，不敢渡。“清潭百尺皎无泥，山木阴阴

① 沓：《全唐诗》卷五〇六作“沓”。

② 骆谷晓望：《全唐诗》卷五六五作“骆谷晚望”。

③ 柳：《全唐诗》卷五六五作“渭”。

谷鸟啼。蜀客曾游明月峡，秦人今在武陵溪。独攀书室窥岩窦，还访仙姝款石闺。犹有爱山心未至，不将双脚踏飞梯。”又《玉女洞》诗：“洞里吹箫子，终年守独幽。石泉为晓镜，山月当帘钩。岁晚杉枫尽，人归雾雨愁。送迎应鄙陋，谁继楚臣讴。”又《马融石室》诗：“未应将军聘，初从季直游。绛纱生不识，苍石尚能留。岂害依梁冀，何须困李侯。吾诗慎勿刻，猿鹤为君羞。”

**沈岭** 《长安志》：在县南五十里，一名姜维岭。蜀后主延熙二十年，大将军姜维率众出骆谷，经沈岭向长安。《通鉴注》：自骆谷北出扶风，隔以终南山，其间有三岭：一曰沈岭，近芒水；一曰衙岭；一曰分水岭。

**就谷** 《通志》：在县东南三十里。《唐六典》：就谷在盩厔，置将作监，掌采伐材木处也。《县志》：西有吾老洞，石穴深邃莫测，听有风声。相传中有玉匣，即老子墓。洞上有殿，奉老子石像。谷东三里为飞升谷，又东二里为西观谷，有佛塔，俗呼为塔觉谷。又东二里为东观谷。其东为卧牛池，西为化女泉，泉下有晒丹石。又楼子山，去塔峪之十里。唐大慧禅师父为武功令，武三思欲交之，因隐于此，上有洞。

**太微峰** 《县志》：在县东南三十五里，东观谷东一里。形势嵯峨，相传老子飞升于此。下有炼丹峰、上善池，在说经台之麓。又东侧为闻仙谷，其东崖为吕公洞，相传唐吕岳隐处。谷东二里即田谷。《通志》：田谷在县东南三十五里。《县志》：谷南五里为仰天池，在山顶，池广二亩余，水深数尺，旱祷有应。又南五里有十老洞，洞中有石像十。自谷而南六十里为金井，又南百二十里为秦岭，又南六十里即柴沟关。

**石楼山** 《雍胜略》：在县东南三十七里，形重叠如楼，一名楼观。《水经注》：就水北径大陵西，世谓之老子陵是也。《方輿纪要》：唐开元末，得（元）[玄]元像于楼观山，即此。又东南三里为五福山。《一统志》：五峰耸峙。自此而南，鸟道萦纡，可通洋县。



**赤谷** 《通志》：在县东南五十里。《县志》：谷南五里，曰迎阳洞，相传为钟离权修炼之所。又谷东过岭为牛谷，今名牛角岔。又东三里为檀谷。按：《通志》：檀，一[作]坛，又作潭。今名大渠谷。谷之南有红石洞，檀谷之东三里为耿谷。《县志》：今讹为景谷。耿谷南六十里为高山岭，有池，周五里。

**甘谷** 《通志》：在县东南七十里。《一统志》：唐武德八年，幸鄠县，校猎于南山甘谷，即此。盖近鄠县境也。《县志》：甘谷在耿谷东十里。东为望仙坪，西为遇仙观，中有老子石像，甚工。又东南十里为五泉岭，岭北十里有石镜谷，在甘谷东四里，岭半有石，方丈余，明莹如镜，远照长安。谷西为佛谷堆。又东为清凉山，又东四里为涝谷，接鄠县界。

## 渭南县

**倒虎山** 《通志》：在县南七十里<sup>①</sup>，一名侧虎山，一名倒兽山。《长安志》：《十六国春秋》曰：王嘉隐东阳谷，凿崖穴而居，弟子传业者数百人。石季龙兵乱，弃其徒众，至于长安，潜隐终南山，结庐而止。门人闻而复随之，乃迁于倒兽山。即此。《县志》：在凤皇山南，亦名大峪。峪之西又有小峪山。

按：《法苑珠林》：“渭南县南山倒狗<sup>②</sup>谷，崖有悬石，文状倒狗。”疑即此山。《元和志》作“倒兽山，一名（元）[玄]象山。”避唐讳也<sup>③</sup>。

**神川原** 《县志》：在县城东南，俗名小原。有东西二坡，附城盘折而下者曰西坡，附泰宁宫而下者曰东坡，坡底有井，清冽。

① 《长安志》卷十七：“倒兽山，一名玄象山，在县东南三十七里。”毕沅注：“《元和郡县志》《太平寰宇记》皆云在县东南五十里。”

② 倒狗：《法苑珠林》卷三十六作“倒豹”。下文亦为“文状倒豹”。

③ 唐高祖李渊祖父名李虎，唐人避“虎”字讳，改倒虎山为“倒兽山”。据陈垣《史讳举例》。



**丰草原** 《县志》：在县城北秦村西南。其土润，其植蕃，故名。西北抵富平之石川河，东南至龙背寨。

**梁店坡** 《县志》：在县西二十里。又西十里为城店坡，又东为驹儿岭，在马峪东。

**灰塼** 《长安志》：在县西南五里。崇三十尺，周一百步。《通志》：俗传为秦始皇焚书之所。《县志》：灰塼之西为罗家坡，又西曰双城坡，又西曰芝山，又西曰沈家坡，有杜化谷。

**新丰原** 《长安志》：在县西南二十里，一名青原。《县志》：在县南小原之南。其地水旱尝丰，故又名常稔原。东西亘县境，接临潼界，南抵灵台、（元）[玄]象诸山。酒水经其中，东曰东原，有五指山，其巘凡五；西曰西原，即新原也。《方輿纪要》：一名明光原。

按：《通志》明光原在县东南四里，与新丰别为一原。考后魏置南新丰县于明光原西偏。隋开皇中，以其地无水，移县于今治。则《方輿纪要》谓明光原即新丰者近是。再考明光谷在县东南，一曰三娘坡。坡北曰仓堡嘴，以旧有仓堡城，故名。《县志》以名同误合为一。至志又云东原为丰原，西原为青原，酒水经其中，不连接。今考新丰原本与临潼接界，而临潼在西，苟以西原别为青原，则新丰原不得与于临潼接矣。此盖后人因酒河之隔，遂以丰原属东，青原属西，其实本一原也。

**羝羴坡** 《长安志》：在县西南二十里。东西三十里，南北接山三十里，一名羝羴坡。《县志》：坡在青原东坡之下，即青涧头。

**石鼓山** 《县志》：在县西南五十里，一名石楼山。《元和志》：酒水出县西南，石楼山相近，为分水岭。《一统志》：岭东北麓水流入酒水，西南麓水流入蓝田界。又相近有墩子岭，其西北曰牛思岭，东北麓曰严坡，有严谷，俗传汉严光隐处。南有马鞍岭，又望竿岭，亦在县西南花园川西。

**龙尾坡** 《县志》：在县南五里胡城坡东北。上有朝元洞，又有秦女峰。西当酒川口，曰风门。《三秦记》：风门在新丰县，

东南两阜相对，其中多风。按：新丰县今属临潼。又南十里为胡城坡。《长安志》：东西一十五里，南北接山三十里。《县志》：丰原西北隅。

**蟪蛤塍** 《长安志》：在县南二十里。崇三十尺，周二百步。又南四十里为孟家塍，崇一百尺，周四百步。

**黄狗峪** 在县南六十里。《县志》：峪在小峪西，小峪在大峪西南。黄狗峪入，折而东南有二山，曰南月圆、北月圆，清水河经其中。南月圆山四面悬崖，仅通一径。山上有仰天池，池旁有田千余亩。又南十里有阮峪，在分水岭东南。峪东南有南古庄、北古庄。峪中曰白杨沟、曰铁洞岔、曰松柏岔。南古庄之南曰七岭，逾岭，即大岭之南北川也。

**大岭**<sup>①</sup> 《县志》：在县南七十里。自青冈口<sup>②</sup>至东西川之南皆是。东南曰小秦岭，岭南属商州界。

**广乡原** 《长安志》：在县东南十里。《县志》：原北有东阳、西阳二谷。车颍《秦书》：王嘉在东阳谷口凿岸为穴而居之，诸从学者人各一穴，遂至数百穴。又东南七里为钓鱼峰。《一统志》：峰东濒赤水，相传王嘉常钓于此。相近有侯柳坡。《长安志》：坡东西十里，南北接山三十里。一作侯柳坡<sup>③</sup>。

**凤皇山** 《通志》：在县东南四十里。相近为箭峪岭，一作箭谷山。《县志》：与华州接界，东南曰青冈坪。《通志》：岭南通商洛一带，东南通武关。又东南二十里为灵台山。《名胜志》：山顶方平，故以台名。《雍胜略》：上有七星塔，又谓七星山。《县志》：其稍西而低者曰半截山，东曰羊峪，又东曰黑掌峪，又东曰葫芦峪。灵台之北曰寺峪，峪口有泉凡十，故村曰十泉村。又有坡曰雾子坡。灵台西南曰曹峪，西北曰伴红坡，曹峪水经其右。又灵

① 清道光《重辑渭南县志》卷六：大岭，又名大秦岭。

② 此处原缺一字。清道光《重辑渭南县志》卷六作“青冈坪”。

③ 侯柳坡：《长安志》卷十七作“柳侯坡”。

台相近者曰塌山。

**杜原** 《通志》：在县东北五十里。《一统志》：在故下邳城西。按：下邳故城在县东北。自三原界迤邐至此。后以寇莱公葬此，改曰仕原。其西南曰杜桥岭。

## 富平县

**荆山** 《贾志》：在县西南十里。《书·禹贡》：“荆、岐既旅”，“导岍及岐，至于荆山”。《传》：荆山在岐山东。《史记》：黄帝铸鼎于荆山下，鼎成上天，因名其处曰鼎湖。《帝王世纪》：禹铸鼎于荆山，在冯翊怀远<sup>①</sup>之南，今其下有荆渠也。《汉·地理志》：怀德，《禹贡》北条荆山在南，下有强梁原。《长安志》：一名掘陵原。

《括地志》：荆山在雍州富平县，今名掘陵原。《元和志》：在县西南二十五里。按：唐富平县在今治东北。

按：《禹贡锥指》：《史记》：周勃从定三秦，赐食邑怀德，寻置怀德县。《括地志》：怀德故城在同州朝邑县西南四十三里。至富平县亦有怀德故城，《通典》：晋自彭原移富平于今县西南怀德城。《寰宇记》：“怀德故城在今富平西南十一里，非汉怀德县也。”因是胡氏遂谓荆山当在朝邑县境，而以邑之西北朝坂当之。窃意朝阪形势靡迤，不足以当山名。倘谓此即荆山，则富平之隆崇崔萃者将何以名之？若云汉之怀德不在富平，恐又不然。盖汉县疆域本宽，原可远接富平，且其中相距之同州，汉时并未置县，白水一县，景帝始置栗邑。而怀德为高帝时周勃食邑，则怀德县境当日直抵富平，亦未可知。若谓朝阪之麓直抵河壖，故经文谓至于荆山，逾于河。若在富平，则与经意不合。不知神禹身历九州，目营四海。富平东距大河，不过二百余里，安得为远？故今于荆山仍属富平。至《马志》复谓富平掘陵原为唐高祖显陵，而禹迹

① 怀远：《帝王世纪》作“怀德”。怀德，县名，为西汉左冯翊领县。本志下文亦作“怀德”。

之荆山即三原之嵯峨。考刘昭注补《郡国志》云：云阳县有荆山。故伯循本之，以为其乡重，不知刘说本《帝王世纪》，是书迂诞，实为考古之蠹，安可据以说经？至谓唐之显陵即掘陵原，胡云岂有园陵所在而袭此恶名者？故附辨之于此。

**旷野原** 《一统志》：在县北二十里。相传周宣王田猎于此。相近有黄金埧。《县志》：即通关以西，雷村以东，土山之隆起者。一名黄金阜。又北十里为龙泉山。《耀州志》：有五泉涌出，故名。《贾志》：一名凤皇山。《长安志》：一名屏风山。又北十里为月窟山。《一统志》：山有泉深数仞，旱祷必应。《县志》：山南三十步有王石洞，世传王仙隐处。又右有玉女洞，左有仙人洞，深俱不测。山东有古蜂洞，在悬崖中，密流如瀑。又东北十里为瓮金山。《贾志》：一名虎山，状如虎踞。《通志》：一作金瓮山。

**东西女学洞** 《通志》：在县北。《录异记》：定陵后通关乡，入谷二十余里有二洞，一名东女学，崖壁悬绝，跻攀不及，夜往往闻读书声。相传山前有神鹄，常护洞门，人或犯者，击之。西女学洞有一石室，秉炬可行一二十里，近闭不通。又山顶有天井，直下深二丈许，底傍有崖龕。梯磴而土<sup>①</sup>，屈曲甚广。龕内有道经置柏床上，有石人俯首凭案而坐，形如生。又北行二十余里有三泉山，谷内有三石盆，各广丈余，光滑殆非人工，泉水常满，古<sup>②</sup>老云时有仙人浴此。大都此山，有犯者即立致雷电伤稼。

**铁牛山** 《耀州志》：在县北七十里，相近有牡丹山。《县志》：锦屏山东南十里为蟠桃山，上有三泉。折而东北三里为老君山，今称铁牛山<sup>③</sup>。南有铁牛洞。又北三里为左服山，山右有老君洞。又东二里为石窝山，山北有盆倾峪、车辋窑。又西一里有牛窑。又东二里为底店山，一名立地山，下有三泉峪。峪北为中岭，其

① 土：似应为“上”。

② 古：似应为“故”。

③ 今称铁牛山：清乾隆《富平县志》卷一作“一名铁牛山”。



下亦有流泉，止一里。又东二里为龙眼山，下有药泉峪。

**北虜原** 《长安志》：“在县西北一十里。”下为北虜川<sup>①</sup>，即张浚战处。

按：《魏·地形志》频阳县有南卤原。即此。盖频阳故城在今县东北，故称南原。卤，古与“虜”通。《通志》谓卤当以有盐而名，非也。《耀州志》又作北陆原。

**中山** 《方輿纪要》：在县西北十五里，与泾阳接界。

**天乳山** 《通志》：在县西北三十里。《长安志》：两峰相对如乳形。又西北五里为檀山<sup>②</sup>。《长安志》：傍为邑子山，有马跑泉，相近有锦屏山<sup>③</sup>。《一统志》：山巅有王翦庙<sup>④</sup>，亦名将军山。傍为高阳峰。《县志》：一名走马岭，在邑子山东一里。

**紫金山** 《长安志》：在县西北四十里。又西北十里有虎头山。《耀州志》：即紫金之支陇。相近为椅子山。《县志》：一名邑山，山后有目连塔。又东五里为五龙山，山阴五泉合流为小河。

**万户塿** 《长安志》：在县西三十里。

**迤山** 《县志》：在县西南二十五里。《方輿纪要》：孔氏谓之靡迤。昔周迁，以岐、丰之地赐秦，遂有周畿内八百里，东至迤山是也。《通志》：俗名瓦窑头山。

**盘龙原** 《县志》：在县南，石川河所经。

**中华原** 《通志》：在县东南三十里。《一统志》：以后周中华郡得名。按：中华故城在县南。《县志》：一名石婆原，其高处曰华原头。相近有羊蹄原。《县志》：自贺兰观东至高堂村。

① 《长安志》卷十九：“北虜川，在县北五里”。

② 《长安志》卷十九：“坛山，在县西北三十里”。坛山，该卷“代宗元陵”条又作“檀山”。

③ 此语《长安志》未见。明嘉靖《耀州志》卷二：“坛山傍为邑子山，有马跑泉，西北三十五里为锦屏山。”

④ 《长安志》卷十九：“秦王翦庙，在县东北三十里。”与此处所引《一统志》云在县西北三十五里锦屏山异。

**八公塬** 《通志》：在县东四十里。《寰宇记》：其塬两畔各有小谷，像“八”字，中心有塬，像“公”字，因以为名。亦谓之八公原。

**浮原** 《县志》：在县东北二十五里，又名浮山。

**土门山** 《耀州志》：在县东北七十里。山豁如门，与耀州接。《魏·地形志》：土门县有土门山。按：土门故城在县北。一名频山。《水经注》：频阳城北有频山。《元和志》：频山有二土阙，状似门，后魏以此名县。一名明月山。《寰宇记》：明月山在美原县西北二十里。《县志》：明月山南有频山神庙，中有高阜，仅数亩许，九山环抱，若拱向然。西北麓一小山陡出，曰堡子山。其北麓曰千尺崖，壁立百仞，鸟道可通，下有千尺泉。其东麓曰赵老峪，一名玉镜山，一名金丝山，两傍峪如两门，即古土门山也。山巅之阳凿其半，东西二百步，南北半之。世传秦苻坚作离宫于此。《耀州志》：山与同官鳌背山相接，南有频阳故城、王翦故宅，下有勾谷涧。

按：《元和志》以频山为土门。今考美原故城在县东北六十里，而频山在美原西北十一里，适当县东北七十里，则频山之作为土门无疑。《一统志》于频山下，既引《元和志》文，复分土门为二，似未审。

**揣天山** 《县志》：在县东北玉镜山北。又西一里为星宿坡，东为小水峪。又西崖有洞曰风洞。又县东北七十五里为玉女山。《耀州志》：山之东即玉镜山，又东有大小石谷涧。

**高石崖** 《县志》：在县东北赵老峪北十里，崖下有苻坚插剑走马遗迹。西为清水峪，东为车辐峪；西为寇莱公河，东北为峪头河。高石崖东北五里为十二盘岭，又东北五里为三尺岭。

**石叠山** 《县志》：在县东北，一名楼子山。其东麓为大水峪，峪东为万斛山。《县志》：石如斗斛者数万，下有三泉谷涧，又西北二十里为熨斗坪。

**金粟山** 《县志》：在县东北九十五里。一名紫金山，一名菩



萨山，一名灵泉山。山有龙泉，每岁清明，人多取其水以祈年。其巅有高禰祠，又山之东有刘仙洞，题曰碧云岛。又万斛山北三十里为岳山。《县志》：其东麓为石坡峪，接蒲城界。

## 醴泉县

**九嵎山** 《通志》：在县东北五十里。《汉·地理志》：谷口县，九嵎山在西。按：谷口故城在县东北。《唐六典》：九嵎，关内道之名山也。《长安志》：九嵎山东连仲山，西当泾水出处，故谓之谷口。高六百五十丈，周回十五里，广一里。《县志》：山有九峰峻耸，其南麓即咸阳北阪。《方輿纪要》：山以北谓之岭北，晋以后新平、北地、安定诸郡皆为岭北地。

**泥泉谷** 《通志》：在县北城下。又北二十里为安谷。《县志》：明嘉靖四年，谷中出水灌田。又北十里为武将山。《通志》：一名五将山。《唐·地理志》：一名冯山。《雍胜略》：山即汉末辛孟隐处。

**无劳山** 《县志》：在县北五十里。旁有敬德洞，相近有五峰山，在无劳山西，与永寿接界，上有灵湫，旱祷辄应。一名温宿岭。颜师古《汉书注》：温宿岭在醴泉县北。《长安志》：汉时温宿国人内附，令居此地田牧，因名。《隋·地理志》作温秀岭，后魏置温秀护军，唐温秀县，俱以此名。相近有两水谷。《长安志》：承阳山西有两水谷。《县志》：一名石泉谷。又北十里为承阳山。《方輿纪要》：左右有水，合流入甘河。

**巴谷** 《县志》：在县北八十里，稍西为白水谷。

**泔谷** 《府志》：在县西北五里。

按：《长安志》有甘谷在县西南八十里，甘水出焉。非此泔谷也。

**岩谷** 《县志》：在县东北三十里。谷后有石洞，在观音堂右。《一统志》：岩谷有泉从石罅出，与巴谷等水合，溉田数十顷。又

东北十里为凤凰山。《县志》：附丽九峻。相传周时凤翔于此。又东北十里为方山，一作芳山。《唐·地理志》醴泉县有芳山。

**谷口** 《通志》：在县东北七十里。《元和志》：“九峻山东、仲山西，当泾水出谷之处，谓之谷口。”相近有波水谷，傍有豆卢谷。又县东北十里有黑狗谷。

## 同官县

**虎踞山** 《一统志》：在县治西北，状如虎踞。县城依于其麓，下有石泉，引流入县治中。一名虎头山。

**济阳山** 《一统志》：在县治西南。上有寨，下有方泉，甘可酿酒。相近有嶂山，皆为县城所附。

**龙蟠山** 《一统志》：在县东门外，蜿蜒如龙，与虎踞山对。稍北一里为频山。

**润山** 《一统志》：在县北十里。中有石，每润则雨。一名圣水山。

**马兰山** 《通志》：在县北三十里。

按：马兰山，《通志》云：一作马栏。盖俗偶加木为“栏”耳。旧志云其山绵亘，接同州白水界。《一统志》以马兰属之同官。马栏属之白水，非也。

**女回山** 《通志》：在县北四十里。《州志》：有西高山，在县北三十里，其东为女回山，横遮无路，忽道从峡口出。又东即神水峡，两山峻峭险阻，并于石门，东北通榆林，西北通宁夏、甘肃。《方輿纪要》：旧设金锁关巡司。

按：《魏书·地形志》同官县有关山，疑即此。

**北高山** 《通志》：在县北四十里，上有哭泉，一名女华山。《寰宇记》：女华山高峰秀出，每大风雨，多从华岳至此，故老云华岳女君在此山，因立祠，水旱祈祷有验。《通志》：女华神庙，旧志谓之北高山，漆水所出，与宜君接界。

**石盘山** 《通志》：在县北四十里，一作石槃。《魏·地形志》：铜官县有石槃山。

按：晋建兴三年，刘曜攻北地太守麴昌，麴允来救，溃还，曜追，败之于礪石谷，允奔还灵武。所称礪石谷，疑即此山。又北魏孝文时，北地民支酉聚众起兵于石山，追至浊谷，向长安。顾祖禹谓石山亦即石盘[山]，偶失“盘”字耳。

**金山** 《耀州志》：在县西北三里。有姜女祠，山下有济众泉。《通志》：泉在山西麓，自石罅中涌出，旱祷有应。

**西高山** 《县志》：在县西北三十里。又西北十里有文王山。《雍大记》：“文王射丰<sup>①</sup>，即此。”又西为武王山，与耀州耙楼山接界。武王山东有白马山，南接耀州。

**飞仙山** 《一统志》：在县南三十里。有洞，传为葛洪升仙处。又东南为凤凰原。

**兔窝岭** 《通志》：在县南三十里。相传唐太宗为秦王时猎兔于此，石上有兔形、矢迹。《县志》：南有金牛岭，俗传有牧儿遇虎，一黄牛与格斗，得免。会秦王擒刘黑闥归，亲射其虎于岭上，因名。

**三泉山** 《县志》：在县东南三十里，与耀州将军山接。又东有鳌背山，与富平明月山接。

## 耀州

**五台山** 《乔志》：在州东三里，五山并峙，顶平如台，东曰瑞应，南曰起云，西曰升仙，北曰显化，中曰齐天。在终南者曰南五台，此号北五台。《五台山志》：有石洞在显化台，曰太（元）[玄]，唐孙思邈隐居处，洞西有洗药池。洞东北八里有孙家原，即真人籍里。显化台东通天桥。《续州志》：国初人建，东有遇仙

① 射丰：《雍大记》卷九作“射豊”，即射礼。

桥。康乃心《五台山记》：太（元）[玄]洞深不可测，或曰真人疗龙，既愈，龙为穿此，达同官可四五十里。下有聚虎坪，即真人伏虎处。又山石可为磬，故一名磬玉山。《贾志》：磬玉山东有巨穴，每风从穴出，名风洞山。《长安志》：风孔山在华原县东五里。按：华原故城在今州北。《通志》：五台山下有尹师涧，羽流尹师居之。《州志》：五台山石洞南三里，有山自东而西，为东乳山，亦名<sup>①</sup>落星原。自西而东南为西乳山。两山环抱州城，漆、沮水会于山下，从山隙中出，又名鸛鹑谷。《雍胜略》：中断如门，俗谓之岔口。出谷口为富平界。又安召山<sup>②</sup>，在州东五里，又东为将军山，又东为锁山。一名宝锁山<sup>③</sup>。

**石皋山** 《通志》：在州北四十里。又北二里为树子山，又北三里为把楼山，一作耙楼。又北五里为高山。

**木门山** 《一统志》：在州北六十里，有上、中、下三门，相去各三里。相近为九龙寨。《州志》：神水岭东，山有九峰，又有九泉，故名。又东南为唐家堡，堡东五里为笠子山。又木门山八里为玉女山，有玉女堡<sup>④</sup>。

**三石山** 《通志》：在州北八十里。三峰突兀，山麓有奇峰洞，滴水成泉，谓之天浆。又东南为石嘴山，又东为神水岭。

**牛耳山** 《州志》：在州西北十八里，东西两山对峙，形如牛耳。又西北四十二里为凤翼山。《州志》：一名车盖，西接淳化界。又西北十里为金圭山，北为棋盘岭，有寒山仙迹。相近为负高原，俗名高窑原。《禹贡锥指》：耀州有负高原，故县名华原。

① 明嘉靖《耀州志》卷二无“亦名”二字。

② 安召山：明嘉靖《耀州志》卷二作“安君山”。

③ 宝锁山：明嘉靖《耀州志》卷二作“宝鉴山”，“年丰则山有光如鉴，州得名以此。”故上文“锁山”亦应为“鉴山”。本志卷一：耀州“州东有鉴山，年丰则中有光耀，故名”。

④ 此处未明方位，疑缺字。明嘉靖《耀州志》卷二作木门山“西北十里为天活堡，又北十五里为玉女山，有玉女堡”。

**大唐山** 《州志》：在州西北七十里。又西北十里为石门山。《通志》：有石如门，为西北要害。《州志》：在分水岭西北。今属三水县。又分水岭，在故宁谷镇西北，筑有峰门，为石门重关。相近有箭干山，在姚萇殿东北。又有锥子山，在魏王楼东，皆以形似名。又楼东南十里有照金山，俗传山有光，雨后照人衣如金，其西北为七里川。

**小三石山** 《州志》：在州西北百十里横岭东，三峰屹立如塔形。又东为摩天岭，一名钻天岭，高二十里。又东有鸿鹑岭、太子石。小三石山相近有箭穿崖。《通志》：在桃儿堡东。《州志》：相传明帝与诸将校射，中孔，因名。又西有张果老崖，有张果坟，与淳化接界。又西北十五里为横岭，在长条岭北，即金杨达夫遇害处，有庙。

**清水谷** 《长安志》：在县西三十里石门乡。《十道志》：即鬼谷先生所居，水自云阳界来。按：云阳今属淳化县。

**嵯峨山** 《通志》：在州西南。

**土门山** 《方輿纪要》：在州东南。



## 西安府志卷第五

# 大川志 水利附 长安 咸宁

关内大川据天下上流，而西安实为八川所臻，高源下泽，络络其间，钟水丰物，号称陆海。顾自西周而后，历代建都，凿引诸川，以便挽输而滋苑囿，遂致水道经流，尽失其旧。亦犹东汉、魏、晋相继作都于洛阳，穿凿滋多，而西涧东灇，皆非禹绩也。是卷首列大川，其余支派，并依次以载。至于巨浸所暨，即水利所资，故凡古今渠堰，悉附于篇。昔欧阳文忠作《唐·地理志》，凡一渠之开，一堰之立，无不记于其县之下。兹窃取其义，亦欲守斯土者勤思民事，知利害可资田功，宜即所谓以百里之才而创千年之利也。凡四卷。

## 西安府 长安县

**渭水** 《方輿纪要》：在府北三十里，自咸阳县流入境，径长安、咸宁二县北。《书·禹贡》：导渭，东会于沔，又东会于泾。《周礼·职方氏》：雍州，其浸渭。《洪范五行传》：渭水，秦大川也。《淮南子》：渭水多力宜黍。《关中记》：渭与泾、洛为关中三川，又泾、渭、灃、泾、鄠、镐、灋、漓为关中八川。《水经注》：渭水径槐里县故城南，东合甘水。又东，丰水从南来注之。按：《地说》渭水[又东]与丰水会于短阴山[内]<sup>①</sup>。丰水今自长安

<sup>①</sup> 此按语为《水经注·渭水》原文。原文无“按”字，并据补“又东”及“内”字。



界西北流径咸阳东南三里注于渭。又东北与镐水合，按：水上承镐池于昆明池（西）北<sup>①</sup>。入渭在今咸阳界。又东北径渭城南，按：今咸阳东北十七里有渭城县故城。沔水注之。按：沔水入渭，在今县界。又东分为二水。按：水上有桥曰渭桥，《元和志》：在咸阳西南千里<sup>②</sup>。又东与沔水枝津合。又东径长安城北。今县西北十三里有长安故城。又东合昆明故渠，又东径霸陵县北，霸水合浐水，从县西北流注之。按：霸陵今属咸宁。北周庾信《望渭水》诗：“树似新亭岸，沙如龙尾湾。犹言吟暝浦，应有落帆还。”唐杨凝《夜泊渭津》诗：“飘飘东去客，一宿渭城边。远处星垂岸，中流月满船。凉归夜深簟，秋入雨馀天。渐觉家山小，残程尚几年。”金刁白《渭水》诗：“渭水秋天白，骊山晚照红。行人迷古道，老马识新丰。烟霜满归鬓，乾坤犹转蓬。愁来成独酌，醉袖障西风。”

按：关中八水，渭水最巨。《汉志》：渭水出鸟鼠同穴山，东至船司空今华阴县入河。过郡四，天水、扶风、京兆、冯翊。行千八百七十里，汉漕渠所经也。元光六年，郑当时言：异时关东漕粟从渭上，度六月罢，道九百余里。若引渭穿渠，起长安，旁南山下，至河三百余里，可令三月罢；渠下民田万余顷，又得以溉。上令水工徐伯穿漕渠，渠成，水大便利。杜笃《论都赋》“洪渭之流，经入于河。大船万石，转漕相过”是也。建安十六年，曹操击马超、韩遂，自蒲阪渡西河，超等自潼关退拒渭口，操多设疑兵，潜以舟载兵入渭，为浮桥。夜分兵结营渭南，既而进军，悉渡渭，与超等战，破之。晋义熙十三年，刘裕伐姚秦，王镇恶等至潼关，请帅水军自河入渭，径趋长安。后魏太和二十一年，自长安还洛阳，泛渭入河。隋开皇元年，诏郭衍为漕渠大监，部衍凿渠，引渭水经大兴城北，东至潼关，

① 此按语为《水经注·渭水》原文。原文无“按”字，据删“西”字。

② 千里：当为“十里”之误。《元和郡县志》：便桥，在咸阳县西南十里，架渭水上。

漕运四百余里，名富民渠。四年，又以渭水多沙，深浅不常，诏宇文恺凿渠引渭，自大兴城东至潼关三百余里，名广通渠。又开县西北渭水兴成堰，见咸阳县。初名富渠，仁寿年改永通渠。唐天宝三载，陕州刺史韦坚开漕河，自苑西引渭水，因古渠至华阴入渭，名广运潭。太和元年，岁旱，河涸，挽漕者掙沙而进，米多耗。咸阳西十八里有兴成堰，秦、汉故漕渠也。咸阳令韩辽请疏之，东抵潼关二百里<sup>①</sup>，可以罢车挽之劳，从之。天复四年，朱全忠劫迁车驾于洛阳，毁长安宫室、百司及民间庐舍，取其材，浮渭沿河而下，长安自此邱墟，而漕渠之利亦废不讲。浚仪王氏曰：渭川自大散关在凤翔府宝鸡县西南以北，达于岐、雍，夹渭南北岸，沃野千里，谓之秦川。关中有事，沿渭上下可渡者不一处，守御之宜，所在皆急，诚都城之襟带，畿辅之塹防也。故详著之。

又按：关中巨浸，首号八川。《上林赋》云：终始灞、浐，出入泾、渭，沔、镐、潏、滈，纡余委蛇。经营乎其内，荡荡乎八川分流，相背而异态。释之者曰：长安之地，潏、镐经其南，泾、渭绕其后，灞、浐界其左，沔、潏合其右，此禹、周之故道也。西周而后，以迄西汉、隋、唐，建都于此，历代相承，凿引诸川，以便挽输，资汲取、溉田亩、灌苑囿，津梁交午，离合不常，渭南诸川，尽失其旧。沔水自汉鸿嘉中，王商穿长安城引内沔水注第中，其流即徙，故《诗》云“丰水东注”。而《汉志》云“北过上林入渭”，则是北流而非东注矣。又郑当时开漕渠及灵轺、富民、昆明诸渠，皆横绝沔、镐为之。唐贞观中，堰沔、镐入昆明池，又于京城西北引沔水为漕渠，合镐水北流，由禁苑入渭。太和以后，石閼堰

① 此处所言自咸阳西十八里之兴成堰，“东抵潼关二百里”，疑有误。前文所述隋郭衍开富民渠，“引渭水经大兴城北，东至潼关，漕运四百余里”；及在此基础上宇文恺凿广通渠引渭，“自大兴城东至潼关三百余里”。则在大兴城以西数十里的咸阳兴成堰，东抵潼关当不止二百里。以实地度之，兴成堰距潼关，亦应不少于三四百里。

废而昆明池涸，沔、镐亦俱断流。又唐贞元四年，灞水溢，《县志》云“自后迁徙无常”。又霸、浐旧合流入渭，自隋堰浐水为渠，二水亦翻故道。涝、漓旧各自入渭，今涝水下流亦合漓水入渭。是八川中惟泾、渭二水尚可寻其故道。至于现行水地经流脉络，亦俱纷错茫如，安得桑、郦诸子复生，相与锥指蠡测，以寻求禹绩之旧也哉。

**丰水** 《通志》：在县西南四十里。自鄠县界流入，又北至咸阳入渭，一作沔水。《书·禹贡》：“沔水攸同。”《诗·大雅》：“沔水东注。”又作酆。《汉·地理志》：沔水出鄠县东南，北过上林苑入渭。《汉书音义》张（揖）[揖]曰：丰水出南山丰谷。《长安志》：源阔十五步，下阔六十步，深三尺。自鄠县界来，终<sup>①</sup>县界，由马坊村入咸阳，流至宋村入渭<sup>②</sup>。《雍胜略》：丰水出丰谷口北流，其西高冠、太平二谷水入焉，东则雪谷、龙嬴、西和、白石、罗什诸谷水入焉，为西交河，又北有东交河，水入焉。唐韦应物《观沔水涨》诗：“夏雨万壑凑，沔涨暮浑浑。草木盈川谷，澶漫一平吞。槎梗方弥泛，涛沫亦洪翻。北来注泾渭，所过无安源。云岭同昏黑，观望悸心魂。舟人空敛棹，风波正自奔。”

按：《诗》曰：“沔水东注，维禹之绩。”渭南诸川，惟沔为大。考《水经》无沔水之目，其附见《渭水》篇中者，曰渭水自槐里故城南，槐里县即今兴平。又东合甘水，水出南山甘谷，北流至鄠县。又东，丰水从南来注之。惟是关中诸水自周而后，历代建都凿引，诸川多失禹绩之旧。东樵胡氏谓：禹当日，沔西之涝，沔东之镐、漓、灞、浐，当悉合沔川入渭，是以得成其大。以今计之，则禹导渭，东会于沔，当在汉霸陵县北，霸、

① 终：《长安志》卷十二作“经”。

② 由马坊村入咸阳，流至宋村入渭：《长安志》卷十二作“由马坊村入咸阳，合渭水”。卷十三作“自长安县界来，流至宋村，合入渭水”。

浐入渭之处<sup>①</sup>。

**漓水** 《一统志》：在县南二十里。源出南山石鳖谷，自咸宁界流入，西北入渭水。《括地志》：一名石壁谷水，一作沈水。许慎云：漓水在杜陵，即沈水也。按：漓或作沔字，与沈相似，因讹。《水经注》：沈水上承皇子陂于樊川，西北流注<sup>②</sup>杜县之杜京西，又西北径下杜城，按：下杜城今属咸宁。又西北支合故渠，渠有二流，上承交水，合于高阳原，而北径河池陂东，北注沈水。又北与昆明故池会，又北径竭水陂东，又北径长安城西，与昆明池水合。又北径凤阙东，分为二水，一水东北流，一水北径神明台、渐台，北流注渭。亦曰高都水。前汉末，五侯王氏大治池沼<sup>③</sup>，引高都水入长安城，百姓歌之曰：“五侯初起，曲阳最怒。坏决高都，竟连五杜。”《长安志》：漓水东自万年界流入交水。又漕河在咸阳县南十五里，自万年界来，经咸阳界五里入渭。一名漕水，《寰宇记》：漕水即沈水也。一称坑河，《游城南记》注：漓水今不至皇子陂，由瓜洲村附神禾塹，上穿申店。而原愈高，凿原而通，深至八九十尺，谓之坑河。一名皂河，《通志》：即漕河之讹。自牛头寺入县境西北至八丈沟<sup>④</sup>。按：沟在县西南十五里，即漕河岸最深处。一分流为通济渠，一西北流径三桥镇入渭。又沈水支津，《水

① 此处所云胡渭《禹贡锥指》之语，不合水流实际。浐、漓在东，沔水在西，中隔咸宁、长安两县，相距七八十里。浐汇入漓，在今西安东北入渭；沔水在今咸阳东南、西安西北入渭。以地势观之，沔水不可能合浐、漓而“在汉霸陵县北”入渭。文献亦未见有引沔入浐、漓或引浐、漓入沔之记载。南宋程大昌《雍录》卷一：“《诗》曰：‘沔水东注，维禹之绩。’沔源发南，而其末流投北入渭，未尝东也。其曰‘东注’者，渭正流东，沔已入渭则遂与之俱东也。”陕西师范大学地理系编《西安地理志》（陕西人民出版社，1988年）经对历史上河道变迁之考察及卫星照片分析，亦指出：“沔水东注接纳了浐水和漓水的说法是可疑的。”

② 流注：《水经注·渭水》作“流径”。

③ 五侯王氏大治池沼：《水经注·渭水》作“王氏五侯大治池宅”。

④ 八丈沟：疑为“丈八沟”之误。其下按语为“在县西南十五里”。后文“通济渠”条即有“县西南十五里丈八沟”之记载。今西安市西南仍有丈八沟地名。



经注》：沈水东北流径邓艾祠南，又东分为二水，一水东入逍遥园注藕池，一水北流于渭。

按：《汉·地理志》：“鄠有漓水，北过上林苑入渭。”今鄠县无此水，此水汉时当属京兆尹长安。

**交水** 《一统志》：在县南三十二里。源出咸宁县南山，西北流至县界，入丰水。《长安志》：一作郊水。《水经注》：交水西南流与丰水枝津合，其北有汉故渠，又西至石碣，分为二水，一水西流注丰，一水[自石碣]<sup>①</sup>北径细柳诸原，北流入昆明池。又坑谷<sup>②</sup>水，在县南二十七里，自万年界流径本县五里合交水。又榧梓谷水出南山，北流合成国渠，又西北豹林谷水入焉。又西北流至县东南三十里入交水。其豹林谷水出南山，北流三里，有竹谷水自南来会，又北流二里，有子午谷水自东来会。自此以下，亦谓之子午谷水。又有龙骧谷水、太和<sup>③</sup>谷水，皆流合于交水<sup>④</sup>。《游城南记》：樊川御宿之水交流，故名交水。西合于丰，北入于渭。一名豹水。《寰宇记》：福水即交水也。《通志》：一作溷水。

**镐水** 《通志》：在县西南。《诗》：“考卜维王，宅是镐京。”《书传》：文王作丰，武王理镐。郑康成云：镐在丰水之东，相去盖二十五里，一称漓池。《史记·秦始皇本纪》：三十六年，有人持（璧）[璧]遮使者曰：为吾遗漓池君。《集解》孟康曰：长安西南有漓池。徐广曰：昆明池北有镐陂。《黄图》：《庙记》云：漓池在昆明池北，周匝二十一里<sup>⑤</sup>。《水经注》：镐水上承镐池，又北流与漓池合，北径汉灵台<sup>⑥</sup>西，又径磁石门西北，径于

① 据《长安志》卷十二补。

② 坑谷：《长安志》卷十二毕沅注：“坑，即沉字之俗，亦漓水也。”

③ 和：《长安志》卷十二作“河”。

④ 此条自“水经注”以下，系《长安志》引述文字。

⑤ 二十一里：何清谷《三辅黄图校注》作“二十二里”。清谷校：各本同，惟《玉海》卷一七一《苑囿》引《三辅黄图》作“二十一里”。

⑥ 汉灵台：《水经注·渭水》作“清泠台”。

渭<sup>①</sup>。《括地志》：漓水源出长安西北漓池。今按漓池水北流入永通渠，不复入渭<sup>②</sup>。《十道志》：镐池，一名（元）[玄]阨，在昆明池北，始皇毁之。汔汉武穿昆明池，而周京故址盖无可究。《雍胜略》：漓水源出太乙山西谷中，北流迤西，得七姑谷水，又西得漆谷、磻谷、鸿兴、竹谷、桐梓、石鳖、豹林诸谷水，过御宿川北，香积寺南，西合漓水，为东交河，又西入丰水。

**御宿川** 《通志》：在县西南四十里。《汉·扬雄传》：武帝广开上林，（东）<sup>③</sup>南至御宿、昆吾，或作籓宿。《汉·元后传》：莽欲（广）[虞]<sup>④</sup>太后乐，令夏游籓宿、鄠杜之间。颜师古注：籓宿在樊川西。《马志》：御宿川北岸之西，漓水来会，为东交河，南岸之西为西交河。又西为丰水，又北至定昆池，为丰镐之间，又北为镐入丰处，御宿之地尽矣。其形逶迤，自东南而西北。《方輿纪要》：唐广德初，吐蕃入长安，郭子仪自御宿川循山而东，将趋商州。即此。

按：《通志》：御宿川，宿，一作羞。《汉·百官表》：武帝元鼎二年，置御羞禁圃令、丞。如淳注：御羞，地名，在蓝田。又《元后传》：夏游籓宿。颜师古注：即今长安城南御宿川也。不在蓝田。羞、宿，声相近耳。今按：御羞地已无考，不能必其果在蓝田。考《黄图》，御宿苑在长安城南御宿川中，汉武帝为离宫别馆，禁御人不得出<sup>⑤</sup>入。往来游观，止宿其中，故曰御宿。其说较长。又《三秦记》云：樊川，一名御宿川。《雍录》从之。今考樊川在咸宁县南，不得与御宿合而为一。

① 径于渭：《水经注·渭水》作“注于渭”。

② 此处“今按”文字为《括地志》原文。此段文字《括地志》卷一作“漓水源出雍州长安县西北漓池。酈（道）元注《水经》云：‘漓水承漓池，北流入渭。’今按：漓池水流入永通渠，盖酈元误矣。”

③ 据《汉书·扬雄传》删。

④ 据《汉书·元后传》改。

⑤ 《三辅黄图·苑囿·御宿苑》无“出”字。



**滌池** 《通志》：在县西北二十里。《诗·小雅》：“滌池北流，浸彼稻田”。《传》：滌，流貌。《笺》：丰、镐之间，水北流也。《魏·地形志》：长安县有滌池水。《水经注》：滌池水出镐池西，而北流入于镐，一作冰池。《黄图》：冰池在长安西，一名圣女泉。《长安志》：泉出昆明池北平地上，周十步，西北流五十步，与牧猪泉合。《说文》：滌池，一作滌沱。

**布政司井** 《通志》：在布政司库内，相传即昊天观水。又刘公井，在按察司署内，扶沟刘自强莅官时凿。

已上大川<sup>①</sup>。

**通济渠** 《通志》：自县西南十五里丈八沟闸北，西北流过丈八头至南窑头，皆系地渠。又北过甘家寨至外城郭，俱系土堤，高一丈二三尺，阔倍之。又东至安定门桥，凡二十六里。由洞口入瓮城内南流，由水门出瓮城外，沿城而南，过一敌楼，复入城，至牌楼南，又正东流入地下砖渠。旧分三派，一从广济街北流，过钟楼折而西，过永丰仓前入贡院，现今流通；一从县东流过广济街，又东过大菜市、真武庵流出城，注于东城濠；一从广济街直北，过麻家十字街口，汇入莲花池，今并淤塞。明项忠《通济渠记略》：陕西为西北巨藩，西安府即宋永兴军。大中祥符间，知军事陈尧咨尝引龙首渠水自城东入，以便人用。堤倚高原，日见削损，城中军民争汲，汰清然后可用。成化改元，予忝巡抚，父老言：去城西南十五里，地名丈八沟，俗名交、皂二河。按：丈八沟乃皂水立闸处，今并言交河者，缘碌轴堰堰滴水入皂，滴水下流，一名交河也。若能疏导自西入城，人用之余，可泄之池，以环厥城；再余，泄九龙池，入于浐。予闻而相视，原隰具实。疏闻上，可其奏。用是工役云兴，地之高者，掘而成渠，卑者筑而起堰，不三旬，水遽入城，命名曰通济渠。余子俊《通济渠记略》：通济渠水出咸宁大义谷。正派合小义谷、炭谷之水为漓河，

① 据记述内容，“已上大川”四字应置于“布政司井”条之前。

即交河。支派第一派为龙首渠，□<sup>①</sup>派东北流。二派无名，三派为胡公堰。引水经流咸宁义峪里，与阿谷泉合流为皂河。经韦兆、韦村、杜阳、高望、韦曲，长安县塔坡、杜城、沈桥、木塔诸里，至丈八头作闸，引水入府西城壕，为通济渠。王恕《通济渠记略》：通济渠乃兵部尚书余公子俊知西安府时，因龙首渠水不足用，访得义峪等河水，经杜曲、御宿川等处至丈八头入皂河。乃于丈八头造石闸，穿渠引水，西流至郭村转东，筑堤为渠，自西关入城。用砖甃砌一千五百五十丈。甃未周处，亦有损坏，都御史周公季麟檄西安守马炳然，相度于余公甃砌未周处，以砖甃砌七百二十丈。城外土渠亦疏浚修筑二十五里。

按：秦地据百川上流，导引甚易。明参政刘麟谓陕西无地不可兴举水利，故渠堰视他省为多。今统计西安等府、州所属四十州、县，共渠一千七十一道，灌田六千四百五十余顷。至西安府城渠道，东有龙首，西有通济，两渠同出于大义谷第一派之水。盖大义谷水分三派，第一派与狗枷、荆溪、库谷、采谷诸水合流为浐，北行又转而东，由咸宁东长乐门入城，为龙首渠；详咸宁。第三派为胡公堰与阿姑泉合流为漓，西行至沈家桥而南，过丈八头闸，由长安西安定门入城，为通济渠。盖关中土厚水深，宋陈尧咨谓城内井泉大半咸苦。二渠分流壅闰，民间汲引，利赖实殷，固不仅为田亩输灌之所资也。通济一渠，自明成化元年开通而后，至明末未经疏决。

本朝康熙三年，贾中丞汉复始议修浚，六年，重修，旋复堙塞。今中丞毕公以此渠与龙首并为会城日用饮食所关，利泽可资，蓄泄宜备。于是顺水性，相土宜，专委观察王公时熏督办，将绕城壕沟挑挖深阔，俾堙废者渐次兴修，而流通者灌溉优渥，岂非万世永赖之利哉！

**太平峪水渠** 《通志》：在县西南四十里。自鄠县来，至南郭

① 此字漫漶，不可辨识。疑为“此”字。

村入县界，分三派。又西南二十里为草堂堰，引高官峪水在西岸开渠。又东北流为萧家堰，又东北为新渠。其在东岸开渠者为陈家渠。

按：旧志诸渠各注灌田亩数，核之多未准的。县册可稽，志内无庸琐缀。后仿此。

**高桥渠** 《通志》：一名韩家庄渠，在县西四十里。引丰河水，经流马池头、槽房里、东西马房，至咸阳梁家庄入渭。丰水又北流一里许为阎家古渠，经流习家村、张家庄、马家村，又自北而东，仍入丰河。渠西席家等村，渠东党家桥等处。

按：阎家渠于乾隆三年堙塞，中丞崔公入告，动帑增修涵洞一眼，计长十二丈，两面高一丈二尺，顶底均宽六尺。

**金家堰** 《通志》：在县南五十里石鳖谷水出口。北流经过咸宁王渠镇入县界。在西岸首为金家堰，经流曹村、水寨儿等处。谷水又北流里许，为校尉渠。折而西流，南岸掘引灌田者有高渠、吴家、刘家、孟家、张家、梁家等渠，其北岸则首唐家渠，次田家、杨家等渠。谷水又西过夹肋村，为马家渠。又西至香积寺为头道、二道等渠。又西合漓水为东交河碌轴堰。《通志》：在县南二十里水磨堡，漓河北岸。砌碌轴为堰，堰漓水北流，复由东北转西南七折，下流入于皂河。皂河源出大义谷，第三派水经流咸宁义谷里，会阿谷泉，又西北流至木塔里，会碌轴堰水，又西流过杜城南沈家桥，至丈八沟立闸，闸口放水南下，复自西折而北流者，为皂河正身，经汉故城入渭。下流今淤。自闸口逼水北土<sup>①</sup>，为通济渠。

按：乾隆三年，中丞崔公奏开马营儿渠一道，石涵洞一眼，长十四丈，渠洞两面高一丈二尺，顶底均宽六尺。又麻池头渠一道，石涵洞一眼，长十二丈，渠洞两面高九尺六寸，顶底均宽六尺。合前阎家渠，计动帑一千九百二十两有奇。其故渠之在长安

① 土：疑应为“上”。

者，一曰

**漆渠** 《长安志》：在县西南二十里。旧自坑河分水，经县界二十里入漕河。《汉书》云穿此渠通漆水。故曰漆渠。《括地志》：胡亥筑阿房宫，开此渠以运南山之漆。今考丰河东岸普济桥下，直北十余里径汉城西，渠形犹存，即漆渠入渭处也。一曰

**石阙堰** 《长安志》：在县西南三十二里。《水经注》：交水西至石碣，汉穿昆明池所造。《通鉴注》：武帝堰交水为池，疏列三派，按：三派谓昆明故渠、明渠、竭水陂也。城内外皆赖之。唐太和后，堰废，昆明池亦涸。一曰

**昆明故渠** 《通志》：在县西南。《水经注》：渠上承昆明池东口，亦曰女观陂。又东合沈水，亦曰漕渠。一曰

**明渠** 《通志》：在县西北。一名王渠。《水经注》：沈水枝渠入城东为沧池，又东径未央、桂宫之间，谓之明渠。又东出城分为二渠，即王渠也。一曰

**竭水陂**<sup>①</sup> 《通志》：在县西。《水经注》：昆明渠水东北流注竭水陂，陂水北出，又东注沈水，沈水又北分为二水，一水东北流，据《长安图经》，此东北流者即飞渠入城之水。一水北径渐台注渭。一曰

**漕渠** 《通志》：在县南，又东入咸宁界。《河渠书》：元光中，以郑当时言，引渭穿渠，三岁而通。《水经注》：汉漕渠自昆明池，南傍山原，东至于河，且田且漕，大以为便。《隋·郭衍传》：开皇元年，征郭衍凿引渭水通漕，名富民渠。《隋·食货志》：开皇四年宇文恺凿渠引渭，名广通渠，即此渠。《元和志》：天宝三年，韦坚开广运潭，灞、浐二水会于漕渠。《唐·地理志》：天宝二年，京兆尹韩朝宗引渭水入金光门，以贮材木。大历元年，《会要》作永泰二年。京兆尹黎幹自南山开漕渠，抵景风、延喜门入苑，以漕薪炭。一曰

① 竭水陂：当作“竭水陂”。



**永安渠** 《长安志》：在县南。隋开皇三年引交水入城，过芳林园，又北流入苑注渭。《雍录》：开皇开永安渠，后交水、沈水始入城入苑，不与汉世流派相应，盖皆有堰壩之类，压而入之。《会要》：元和八年四月，发神策军士修城南交渠。《长安志》有香积渠，隋开皇三年筑引交水，自赤阑桥经第五桥西北入城。今考其地，应即永安渠也。一曰

**清明渠** 《长安志》：自万年县界流入。开皇初，引沈水入城，经城内诸处，又北流入宫城。一曰

**清渠** 在县西五十里。自鄠县界来，经县界十里注渭。《十道志》：其源即太平峪水。一曰

**丰河渠** 《通志》：在县西南四十里。《括地志》：丰水渠一名贺兰渠，东北流注交水。《通志》谓即此渠，恐非。自鄠县流入，北合滌池，俗名张王渠。

本朝康熙六十年，居民自陶家庄开渠引水，过许村，至喇家村，合滌池水，又北流二里，退入漆渠故道，又北注于渭。渠长九里，堰口高三丈，宽五尺。傍渠田地，因势穿溉，颇获其利。后因丰水冲决，旋废。今许村佛寺有碑记。又有国草渠，今并堙废。

又按：自古关中水利，首先漕运，尤重耕屯。汉张良云：河渭挽漕天下，西给京师。东方朔曰：丰镐之间，号为土膏，其贾亩一金。虞诩曰：雍州厥田惟上，水春河漕。晋潘岳曰：黄壤千里，沃野弥望。唐杜佑曰：雍州之地，厥田上上。鄠杜之间，号称陆海。《唐·志》<sup>①</sup>：长安有兴成咸阳、五门或云在醴泉、六门武功、龙首咸宁、泾堰即白渠、滋堤即霸水凡六堰，皆有丞，贞观六年废。贞元四年，京兆尹郑叔则言：泾阳有三白渠限口，其六县分水之处，泾阳、云阳、三原、富平、高陵、栎阳。实为利害，请准诸堰例，置监掌之。十三年，以昆明池俯近都城，蒲鱼所产，诏韩皋光使修堰。十六年，以东渭桥纳给使兼白渠、漕渠、

① 指《新唐书·百官志》。

升原凤翔宝鸡县、成国武功等渠[堰]<sup>①</sup>使，自是岁常修治。盖自秦、汉以来，皆因八川之流，环绕畿辅，用以便漕利屯。隋建新都，八川渐移其旧。唐人踵之，而渠堰之制备，然灌溉之利，去秦、汉时远甚。宋以西夏之扰，关中多故，屯田足食之计，乍修乍辍。

本朝漕挽之利，不复取给于兹。所有大泽名川，正可广事耕屯，取为挹注。何以古来所有渠堰，日就堙淤，且一废而不可复举者，其故皆由于秦地高印，岁多乾暵，小民争尺寸之利，一遇沟渠枯竭，从而艺植其间，为上者或私其租税之入，不为厉禁。一渠堙塞，则上下皆断流，而大川皆付之无用矣。是以种植所资，惟资雨泽，岂知水日干而土日积，山泽之气不通，恒暘之咎，其能免乎？明魏呈润云：《传》曰：雨者，水气所化。水利修，乃致雨之术也。然其故亦不自今始，盖自战国开阡陌，尽地力，使地无尺寸不耕，民无尺寸不征，于是陂泽尽废为田。昔贾让言：内黄有泽，方数十里，环之有堤。太守以赋民，民起庐舍其中。其后翟方进坏汝南鸿隙陂，而郡人怨之。谢灵运求会稽回踵、峒埳二湖以为田，而太守不许。古人之有识如此。夫子之论政也，曰：未见小利，见小利则大事不成。夫废泽以为田，而百川决溢，岁数不登，皆见小利之害也。

兹卷以现行水利附于大川，而渠堰所在，昔有而今废者，亦备书于后，俾有心民事者知所考焉。诸县并仿此。

## 咸宁县

**渭水** 《通志》：在县北三十里。自长安界流入，又东径高陵入临潼界。《水经注》：渭水自<sup>②</sup>合昆明故渠，又东径霸陵县北。霸水合浐水，从县西北流注之。又东会成国故渠，又东与高陵分水。按：霸陵故城即霸县，在今县东。

① 据《读史方輿纪要》补。

② 自：《水经注·渭水》作“东”。



**漓水** 《通志》：在县南三十里，西北流入长安界。《黄图》：漓水在杜陵，从皇子陂西北流径昆明池入渭。《长安志》：义谷水自乾祐县下流，入山一百里至谷口，西北流二十里合锡谷、羊谷水入坑河，西流十五里入长安界。又郊谷水，北流十里合锡谷水，自谷口北流十里为坑河，入长安界。又石陂谷水，北流十五里，复西流十里入长安界。又漕水，由县界坑河分水约五里西流。《马志》：漓水自石壁谷东得东西二义谷水、锡谷水，北流西得羊谷水，又西得土门、太乙、炭谷水为河，西径杜曲、樊川南，又西过韦曲、华严川<sup>①</sup>南，又过下杜城南、神禾原，至香积寺西南与镐水合，为东交河。今按<sup>②</sup>：漓水自南山下分为二：一西北流，会镐水为交河；一自东岸北流入城，为通济渠。

按：《水经注》以交水为上源，漓水为下流；《长安志》则以漓为源，交为流。其实二水本为一也，因酈《注》各有名目，故亦两存之。

**交水** 《贾志》：在县南三十里。西流至石碣，遂分为二，一注泮水，一入昆明池。

**樊川** 《雍胜略》：在县南三十五里。一名后宽川，一名华严川，即漓水所经也。《十道志》：樊川即杜陵之樊乡。汉高祖以樊哙灌废丘功，赐食邑于此。《三秦记》：秦岭额根<sup>③</sup>，水流为秦川，一名樊川<sup>④</sup>。《城南记》：樊川在漓水河北渠南，西北为杜曲、韦曲，又西为华严寺，寺西有雁陂，西北有第五桥，又迤北为镐池，樊川之地尽矣。《县志》：自义谷西北四十里至塔坡川，入长安界。唐释子兰《华严寺望樊川》诗：“万木叶初红，人家树色中。疏钟摇雨脚，秋水浸云容。雪磧回寒雁，村灯促夜春。旧山归未得，

① 华严川：明嘉靖《陕西通志》（即“马志”）卷二《山川上》作“华严寺”。

② 此为《马志》按语。

③ 秦岭额根：明嘉靖《陕西通志》引《三秦记》作“长安正南秦岭根”。

④ 《史记·樊哙列传》《索隐》：“《三秦记》曰：长安正南，山名秦岭，谷名子午，一名樊川，一名御宿。”

生计欲何从？”宋文彦博《雨后游华严川马上作》：“雨后城南路，无泥未有尘。因观曲江树，更忆杏园春。草色遥侵水，山光翠逼人。劝农兼访古，揽辔缓朱轮。”

**浐水** 《通志》：在县东十五里。自蓝田界来合灞水。《水经注》：长水出杜县白鹿原，亦谓之荆溪。西北[左]<sup>①</sup>合狗枷川水，又北入霸县<sup>②</sup>，疑作霸水。温泉入焉，水发自原下，入荆溪水，乱流注于灞，俗谓之浐水<sup>③</sup>。《括地志》：浐水在万年，即荆溪、狗枷之下流。《长安志》：库谷水北流二十五里，合采谷水，下流入荆谷水，号浐水。又下流二十五里合灞水，又北流二里入渭。又采谷水自蓝田[县界]西北[流]<sup>④</sup>三十里入县界，又二十里合库谷<sup>⑤</sup>水为浐水，又北流四十里入灞水。又石门谷水自蓝田北流十里入县界，合采谷水，又北流十五里合库谷水，为浐水。又荆谷水一名荆溪，自蓝田流至康村入县界，西流二十里出谷至平川，合库谷、采谷、石门水为荆谷水，一名浐水。《通志》：城东南三十里。焦戴川自东南来，灊川自西南来，相合为浐，与樊川、御宿号为三川。

**灞水** 《长安志》：在县东二十里。自蓝田来，合浐水，北流入渭。《水经注》：霸水径蓝田县，左合浐水，历白鹿原东，又北，长水注之，又北会两川，又北径枳道，左纳漕渠，又北入渭。

**八角井** 《县志》：在长乐坊赵景公寺前。又**二龙寺井**《通志》：在永宁坊，唐开元时创。按：今在县治北寺佛像南。又**曹氏井**《县志》：在参政曹韩别墅。以水味甘，名甘泉。后为马氏所有，一

① 据《水经注·渭水》补。

② 北入霸县：《水经注·渭水》作“北径霸县”。本志此处误以“径”为“入”，下文之“疑作霸水”亦因此误而出。

③ 俗谓之浐水：《水经注·渭水》作“俗谓之浐水，非也”。

④ 以上据《长安志》卷十一补。

⑤ 库谷：《长安志》卷十一作“采谷”。疑《长安志》误。

夕变为咸卤。人异之。又水井<sup>①</sup>在县西一里许，寒冽如水<sup>②</sup>。又涌珠泉在白鹿原。阔数丈，深不见底。流百步，落高崖为瀑布。下有石龕，名喷雪崖。下流入员庄。又鸣犊泉《贾志》：在鸣犊镇。

《城南记》：泉在少陵东冈下，浐水西岸。

**龙首渠** 《贾志》：在府城东南。《长安志》：一名浐水渠。《玉海》：唐时导水入城之渠有三：曰龙首、永安、清明。《县志》：龙首渠，隋初堰浐水至大兴城东南入城。唐分为二渠，一西入通化门，入南内兴庆宫景龙池，又西入西内太极宫；一北入东苑，在大明宫之东。至龙首殿为龙池，又注凝碧、积翠二池，又西北入大明宫后灌太液池。五季后，渠涸。《宋·河渠志》<sup>③</sup>：大中祥符七年，陈尧咨知府事，以城内井泉咸苦，乃相度城东二里之龙首渠清甘，可五六十丈，开引入城，散流廛閤，民咸赖之。按：隋唐分东西二渠，宋止修西渠故道，东渠堙废。明王恕《修龙首渠记略》：龙首渠始凿于隋初，引浐水经倪家村、龙王庙、滴水崖、老虎窑、九龙池，至长乐门入城。分为三渠：一从〔元〕〔玄〕真观南流，转羊市，过咸宁县总府，西流转北，过马巷口；一从真武庵北流；一从羊市分流，过书院坊，西入秦府。成化间，虽有人修浚，惟总府前二十丈有砖甃砌，余皆土渠，用板木棚盖以土覆之，常有损坏。巡抚周公季麟檄西安守马炳然，俱用砖甃砌。城外申家渠等处，造桥架槽，引水入渠，遂免冲激之患。又将城外土渠六十里亦疏浚深阔，筑岸高厚，以防走泄。《通志》：浐水入县境，合采峪、库峪、荆峪及大义峪第一派之水，北流至留空村，于西岸筑堰。西至亭子头，皆凿原穿洞而过。又西流径申家湾，又西流十里入城。分三派：一经流郃阳府前；至西分一渠，经流大菜市，往北入临潼府；一经流京兆驿并永兴府，至西转北，经马巷口入莲花池。

① 水井：据文意，似应作“冰井”。

② 水：疑为“冰”之误。

③ 下引实见《读史方輿纪要》卷五十三。

按：《长安志》云：“万年龙首渠，《史记》曰穿渠得龙骨，故名<sup>①</sup>。”今考《河渠书》，“庄熊罴言：临晋民愿穿洛以溉，自征引洛水至商颜，穿渠得龙骨。”此渠在今同州府西三十里。《元和志》：其地有龙坑，龙首渠之尾也。又《通志》：同州镰山燕脂寨下有沟，相传为古引洛处。敏求之说盖误<sup>②</sup>。

又按：此渠自明成化间修，后至本朝康熙初，贾中丞汉复复加疏浚，未几，而入城旧道堙塞。今中丞毕公与通济渠并加修浚，水势疏通，既济田功，更资汲取，民间实利赖焉。

**田家湾渠** 《通志》：浐水北流，至田家湾有渠。又下为史家湾渠，又北流入灞。

**宋家渠** 《通志》：在县东二十里。灞水来自蓝田，至新街子入县境。引流灌溉，首为宋家渠，下为王家、胡家等渠，又下为曹家堰，又下为上堰、中堰等渠。

**东堰渠** 《通志》：在县南五十里。引石陂谷水，即镐水。一名大瓢河。出峪口北流，东岸为东堰渠，西为西碌轴堰，又下为李家堰。河水又北流十二里至王渠镇，西岸为连江渠，下为西官渠，东岸有大磨渠，下为水磨渠，又东为河东偏堰。河水又北至皇甫村，西南岸有寨岭堰，下为董刘堰，又下为杨家、高家等堰，西流入长安界。

**赵家渠** 《通志》：在县南五十里大义谷。水分三派：第一派为龙首渠之源；三派为通济渠之源；第二派无名。其水自东而西，两岸皆可灌溉。南岸首为赵家渠，西十里至江村为王家堰，又西至张义村为贾家堰，至樊村为洪夫官堰，至师家村为师家堰，至卢家堡为王家堰，至岳村为柳巷堰。又西为新渠，至刘思村为白沙渠，至小张村为渭渠，又下为官堰，为杨家、白家等堰，西流至瓜张村为郭家堰。其在北岸者首为路家堰，西为关家堰，至东

① 《长安志》卷十一作：“龙首渠，一名浐水渠。《汉书》曰：‘穿渠得龙骨’，故名龙首渠。”

② 《长安志》卷十一“龙首渠”条毕沅注：“汉龙首渠引洛水，在今同州；隋龙首渠引浐水，在此。名偶同耳，敏求误合为一。”



江坡为姚家堰，至樊村为李家堰。又西入泮水。

**翁家渠** 《通志》：在县南六十里。源出南山白道谷东，直北流，出口灌田，复伏入地中，至申店又出，下流入于漓。又县南五十里沐峪水，又县南二十五里荆峪水，俱来自蓝田界。入县境，又钟家堰，在县南六十里。有泉八眼，相近有白沙泉。又阿翁泉，在县南金釜坡下。又腰泉，在县南朱家坡下。又老官泉，在县南四府堡。又双猪扁泉，在县南二十五里。

**海子** 《通志》：在县东南六十里。采、库二峪水入县境合流，聚为深潭，居民引以灌田。

**年儿渠** 《通志》：在城南。镐旁漓岸地势低下，随地有水，可资灌溉。其在馮兆村者为年儿渠，在余村者为木槽堰，在杨村者为邢家堰，又在西江坡者亦名邢家堰，在四坡底者为马道堰，在杨安坡者为侯家堰，相近有安家堰。在徐者寨者为徐家堰，在新村者为连家堰，在杜曲者为过街堰，稍下有余渠堰，每逢雨足，则退水入漓河。

按：县东灞、浐之隈，居民随地掘水灌田，但旋置旋废，名无一定，且所灌甚微，故不具载。

**灞堤** 《通志》：在县东二十里浐东。灞北尝被水患，修堤数重，每山水发决，淹没至数十村。康熙二年，县令黄家鼎因旧地，令民间以瓮贮土，掘沙易石，堤始完固，至今安澜。

按：古渠在咸宁者为漕渠。《通志》：在县南。又王渠，在县东北，俱自长安流入。又黄渠，《长安志》：通善坊有杏园黄渠。又万年县黄渠，自义谷口分水入此渠。一入库谷，一入樊川，又西入坑河。《雍录》：唐文宗太和九年，发左右神策军淘曲江。先是，郑注言秦中有灾，宜以土功厌胜之，帝又以杜甫诗有“江头宫殿锁千门”句，遂思复升平故事。曲江在都城中，固为空隙，然亦缘黄渠可引，故游观者乐之也。《县志》：黄渠自义谷堰水，至杜陵南为二渠，一灌鲍陂，一北流十里入曲江。今韦曲高望里东南，即唐黄渠转东投北，注曲江之处。今并堙废。

## 西安府志卷第六

# 大川志 附水利

咸阳 兴平 临潼 高陵 鄠 蓝田

### 咸阳县

**渭水** 《禹贡锥指》：在县南一里。自兴平界流入，径县南，合丰水，又东径鄠县界入长安界。《水经注》：渭水合甘水，又东，丰水从南来注之，又东北与镐水合，又东北径渭城南，按：渭城故城在县东北十七里。沔水注之，又东分二水，又东与沔水枝津合，又东径长安城北。

**潦水** 《县志》：在县西南二十里。源自鄠县来，北流径县境入渭<sup>①</sup>。潦，今作涝。

**泥渠水** 《县志》：在县南十五里，一名扈水。出鄠县化羊谷，流入县境，又东北径钓鱼台入渭。

**沔水** 《县志》：在县东南三里。源自鄠县终南山丰谷，流入长安界，又径县境，北流入渭。《水经注》：《地说》云：渭水与丰水会于短阴山。《长安志》：丰水在县西十一里，自长安界来，流至宋村入渭。其水缘南山，郊水合流，又有祥谷、白谷水俱合于沔。《禹贡锥指》：沔水东北流径故长安城西，又北至咸阳县东南

---

① 北流径县境入渭：清乾隆《咸阳县志》卷一作“由宋村北流十里入咸阳之马堡，又五里入渭”。



三里注渭，《经》所谓“东会于沔”也。

**泾水** 《方輿纪要》：泾水南历醴泉之谷口，东南流过咸阳县北四十里入泾阳县界<sup>①</sup>。《书·禹贡》：“泾属渭汭。”《诗·邶风》：“泾以渭浊，湜湜其沚。”《释文》：泾，浊水也。《周礼·职方氏》：雍州，其川泾汭。《山海经》：高山，泾水出焉，东流注于渭。《汉志》：泾水出泾阳开头山，东南至阳陵入渭，行千六百里。按：汉泾阳属今平凉，阳陵属今高陵。《县志》：泾水在毕原下，流至咸、泾之交曰鹿台，东注高陵。秦中八水，咸阳有四焉。

**野韭泽** 《县志》：在县南八里。其地坦鹵，不生五谷，惟野韭自生。东西平开一道，阔十步，长五六里，可耕。《长安志》：即汉牛首池也。《史记》：秦上林苑傍牛首池，有自生韭。

**陈涛泽** 《通志》：在咸阳县东，一名陈涛斜。《通鉴》注：陈涛泽，其路斜出，故曰斜，一作陈陶斜。《一统志》：唐至德初，房琯与安守忠战败于陈陶斜。兴元初，李晟讨朱泚，自东渭桥移军，与李怀光会于陈陶斜。即此。《旧志》：一曰咸阳斜。

按：《春明退朝录》唐宫人墓谓之宫人斜，然则陈涛斜岂亦因宫人所葬地而名之耶？

**双井** 《县志》：在县北二里。其水甘冽，又要册泉《贾志》：在县北八里，水凉不竭。

已下水利。

按：《魏·地形志》：石安县有窦氏泉。《水经注》：“成国故渠径平陵故城南，渠南有窦氏泉。”今考石安故城在县东，平陵故城今属兴平，此泉未知何在。

<sup>①</sup> 清顾祖禹《读史方輿纪要》卷五十二：泾水“又南历谷口，至醴泉县东，又东南流过咸阳县东北、泾阳县南，至高陵县西南二十里而合渭水。”

**东泉** 《通志》：在县西十里。又五里有西泉。又马跑泉在县西二十五里。《县志》：相传唐太宗猎此，马跑地泉出，因名。《通志》：与县西北李村泉合，又相近有下村泉三泉。

按：古渠在咸阳者为漆渠《通志》：在县西南，自整屋流入，东入长安界。又**成国渠**在县北，魏尚书左仆射卫臻征蜀所开也<sup>①</sup>。《水经注》：成国故渠东径茂陵县故城，南注于渭。又**升原渠**《通志》：在县西北，自兴平流入县界，合成国渠入渭。又**兴成堰**《长安志》：在县西十八里。《唐·食货志》：天宝元年，长安令韦坚为水陆转运使，治汉、隋运渠，起关门，抵长安，通山东租赋。于咸阳拥渭水作兴成堰<sup>②</sup>，绝灃、浐水，傍渭东注，至关西（水）[永]<sup>③</sup>丰仓下与渭合。又咸阳令韩辽请疏兴成堰（之），自咸阳抵潼关三百里，关中赖其利。《李石传》：李石奏韩辽治兴成渠，东抵永丰仓，起咸阳，抵潼关，无车挽劳，辕下牛尽可耕，永利秦中。兴成堰即漕渠上源，东流入长安界。又**清渠**《通志》：在县东，自兴平流入县界，入渭。以上诸渠皆废。又《县志》云：咸阳居丰、渭之汇，易于冲决，不敢开河放水，修筑渠堰，为功颇难，惟沿河掘井，稍稍济旱。然桔槔之用力甚劳而利亦甚细，留

① 此据《水经注·渭水》。成国渠实开自西汉。《汉书·地理志》：“郿，成国渠首受渭，东北至上林苑为蒙笼渠。”《汉书·沟洫志》：“关中灵轵、成国、漳渠引诸川。”三国魏时，又自陈仓引汧水东流，和汉成国渠相接，总称成国渠。《晋书·食货志》：“青龙元年，开成国渠自陈仓至槐里；筑临晋陂，引汧洛溉舄鹵之地三千余顷，国以充实焉。”杨守敬、熊会贞《水经注疏》云：“成国渠承渭水于郿，纪汉渠所起也。后云卫臻所开之成国渠，承汧水于陈仓，别纪魏渠所起也。盖汉但引渭，魏更引汧耳。而一言自郿径武功，一言自陈仓径郿及武功，其无异道可知矣。”

② 《新唐书·食货志》《韦坚传》等记有韦坚“治汉、隋运渠”，“占咸阳，壅渭为堰”等事。但尚未明指此即兴成堰。言韦坚于咸阳筑兴成堰事见《旧唐书·韦坚传》：“天宝元年三月，擢（韦坚）为陕郡太守、水陆转运使。自西汉及隋，有运渠自关门西抵长安，以通山东租赋。奏请于咸阳拥渭水作兴成堰，截灃、浐水，傍渭东注，至关西永丰仓下与渭合。”

③ 据《旧唐书·韦坚传》改。

心民事者，又不可不知也。

## 兴平县

**渭水** 《通志》：在县南二十里。自武功流入，与盩厔分界，又东入咸阳界。《水经注》：渭水合浴谷之水，又东芒水从南来注之。按：芒水在盩厔东南。又东径槐里县南，按：李奇谓之小槐里，县西城也。又东与芒水支流合，又东北径黄山宫南，就水注之，又东合田溪水，按：水出南山，北流径盩厔故城西，注渭。又东径槐里县故城南，按：城在今兴平东南十一里。又东合甘水。《元和志》：渭水南去兴平县二十九里。

**雍水** 《通志》：今名川河，在县西南，渭河之北，自武功川口流入。有三支：自武功西北来者曰漆水，俗名游丰河。潦<sup>①</sup>出麟游；自武功东北来者曰沮水，亦名浴水，俗名沐浴河。源出永寿；自武功西南来者曰漳水，俗名浑水河。源出凤翔县。漆、沮二水合流于武功县东五里，其下流又合漳川水，经川口东，流入本县界胡浹桥，又东至清化坊东南入渭。

**马牧泽** 《元和志》：在县东南二十里。南北广四里，东西二十里。《县志》：其地明代属于秦藩。

**浪井** 《贾志》：在县西三里耿祠乡。唐贞元五年涌出，有疾者饮之多愈。又**龙泉**在县西十七里。《水经注》：成国故渠，东径龙泉北。《长安志》：又名姜子泉，周数十步，深不测，一名温泉。《魏·地形志》：始平县有温泉。按：始平故城在县南。又**泾龙泉新泉**《马志》：在县西，相去十余步。

**清水泉** 《县志》：在县西南二十五里胡浹桥，久湮。顺治十五年，县令徐开熙、典史洪廷宪开浚，因名徐洪泉，又名永济。

**灵宝泉** 《长安志》：在县东南二十里，周数十步。《县志》：

① 潦：似应作“源”。

旧《图经》曰：汉边韶得灵宝符于此泉，祈祷有应，因名。又玉女泉在县东五里高居寨。

已下水利。

**汤台泉** 《通志》：在县西十里。东南流，分东西两派。又西十里有**板桥泉**《魏·地形志》：槐里县有板桥泉。《长安志》：深百尺，相近有西泉。又**马嵬泉**《马志》：在县西二十五里，俗名娘娘泉。《长安志》：周数十步，深百尺，流入白渠。又镇西北有五龙泉，又西十里有史家泉。

按：兴平与武功连界之马坊村有堤捍水，乾隆二年，两县会修，计长七百二十丈，动帑九百三十两有奇，迄今完固。至古渠，在兴平者为**成国渠**《长安志》：成国渠在县北一里，西自武功界流入县界，凡六十里。又东流入咸陽界，即古白渠也<sup>①</sup>。《水经注》：成国故渠径槐里县北。又**毕原渠**《长安志》：在县南十五里，西自武功县流入县界，凡六十里，在六门堰东合成国渠，东流入咸陽。按：六门堰在武功、兴平二县界。又**普济渠**在县南十里，自武功县流入县界，凡六十里。又**清渠**在县南二里，东流入咸陽界。按：《县志》：清渠引县南清水。又**百顷泊**在县西二十五里，周一十六里。**宋泊**在县西二十里，周四里。**曲陌**<sup>②</sup>在县西南十五里，诸泊皆渭水所溢，并有蒲鱼之利。隋开皇十三年，筑堤防护。又**醴泉**《长安志》：在县东南二十里，周数十步，深不测。《县志》：旧《图经》曰：泉在扶风乡。唐贞观十二年涌出，其味如醴，饮之疗疾。又**朱章堤**《县志》：在县东十五里西吴村，县令朱文修。嘉靖二十四年，县令章评又修，故名。今并堙废。又《通志》云：西吴村地近北原，每过久雨，则北原之水皆汇聚于村旁，大为民累，是

① 《长安志》按语作：“唐李石记咸通十三年夏四月戊子，京兆府奏修六门堰毕，其渠合韦川、莫谷、香谷、武安四水，溉武功、兴平、咸陽、高陵等县田二万余顷，俗号‘渭白渠’，言其利与泾白渠相上下。”

② 曲陌：似应为曲泊。



以筑堤捍御。今原上田塍开闢，水皆四散，而堤亦废。

## 临潼县

**渭水** 《禹贡锥指》：在县北十五里。自咸宁流入，又东入渭南界。《水经注》：渭水自霸陵县东北，左合泾水，东径鄠县西；按：临潼东北有鄠县故城，后魏分万年县置。又东，得白渠枝口；又东，与五丈渠合；按：渠旧在万年界。又东<sup>①</sup>径新丰故城北，按：城在临潼东北十四里。东与鱼池水会，又东径鸿门北；又东，石川水南注焉；按：石川水在富平南。又东，戏水注之；又东，泠水入焉；又东，合首水。《县志》：渭水与泾水合，至临潼而益大，每水涨，弥漫不可渡。

**水磑河** 《长安志》：在县西五里。《县志》：源出磑子谷，至县西北流入渭。

**石涧河** 《县志》：在县西二里。源出骊山南涧，谓之冷水，以别温泉也。

**潼水** 《县志》：在县西半里。源出骊山南谷中，即饮济泉也。流至县西门外数百步，合县东之临河入渭。

**新丰河** 《通志》：在县东十五里新丰镇，一名鱼池水。《水经注》：鱼池水出丽山，本东流，始皇造陵取土，其地污深，水积成池，周回四里，西北流径始皇冢北，又径鸿门西，又径新丰县故城东，世谓为阴槃水。又北绝漕渠沟注渭。《长安志》：鱼池水在始皇陵东北五里。又阴槃水在县东北十四里，源出县北阳村社<sup>②</sup>。

按：酈《注》鱼池即阴槃水，而宋《志》以鱼池、阴槃为二。今考验地状，本属二水。宋氏说为长。

**戏水** 《雍胜略》：在县东二十七里。颜师古《汉书注》：戏在新丰东，今有戏水驿。其水出蓝田北界横岭，至此北流入渭。《两

① 东：《水经注·渭水》作“右”。

② 阳村社：《长安志》卷十五作“杨村社”。

京道里记》：周幽王与褒姒游于此，故名。水至浊。《水经注》：戏水出丽山冯公谷，东北流，又北径丽戎城东，又北右总三川，径鸿门东，又北径戏亭东，又北分二水注渭。

**市谷水** 《长安志》：在县东三十里。流入渭，一名玉桥河。《县志》：玉桥河即市谷水下流。

**漆沮水** 《通志》：在县东北四十里渭水北。自富平流入，又南入渭。《书·禹贡》：渭水又东过漆沮，入于河。《魏·地形志》：万年县有漆沮水。按：万年即栌阳，在县东北。《水经注》：沮水自绝白渠，东径万年县故城北，为栌阳渠。阚骃曰：栌阳北有小河，谓此水也。其水又南屈，更名石川水。又西南径郭蕤城西，与白渠枝渠合，又南入渭。《长安志》：石川河在栌阳县东三十里。自华原、富平两县界来，入县界，合渭水。按：华原今属耀州。《县志》：石川河在县东北八十里，中多圆石，故名。自富平流径断原入县境，东径康桥，受葡萄河水，又折而南至相桥，与清河合流，西南至交口入渭。其葡萄河发源富平之温泉，至康桥西流入漆沮，其水微温，冬月不冰，中多蟹蛤。《马志》：交口河北经张家村，俗名张家河。

**清谷水** 《通志》：在县北五十里。自高陵界来，东流合石川河入渭。《水经注》：清水东南入万年县，谓之五丈渠。又径藕原东，东南流注于渭。《长安志》：即冶谷水下流也。自三原、高陵界来，入白渠，至县界合渭。《县志》：清河在县北，自三原界随荆山东下，至黑策桥折而南至栌阳镇，一名五丈河。复折而东，至相桥入石川河。

**冷水** 《通志》：在县东四十里，接渭南界。《水经注》：冷水南出肺浮山，北会三川，统归三壑，历阴槃、新丰两原之间，北流注渭。《寰室记》<sup>①</sup>：冷水，别名百丈水。《长安志》：冷水，一作零水。《县志》：零水源出渭南南山北，西北流径新丰原之右，

<sup>①</sup> 寰室记：当作“寰宇记”，即宋《太平寰宇记》。《太平寰宇记》卷二十六：“百丈水，即冷水之别名。”



又北径零口镇入渭。

**温泉** 《通志》：在县东南骊山下。详《古迹》。

**煮盐泽** 《通志》：在县北三十五里。《唐·地理志》：栎阳县有煮盐泽。《元和志》：泽多盐卤，苻秦时于此煮盐。

按：今县走马村水多咸苦，或即其地。

**鸣犊泉** 《通志》：在县西北十五里。《雍胜略》：泉在独孤村，有东西二泉，俗云有犊没东泉，牛母悲鸣，其犊自西泉出，故名。《县志》：今西泉涸。又县西北十里有**响泉**，崖下有声如笙簧。又**八角井**在县西十五里窑村，又**蠡澄泉**《长安志》：在县西南五里。

**平泉**《县志》：在县东五十里。又**石塔泉**在县东南十五里。又**喝咩泉**，按：喝咩，一作蝎蚌，疑字误。《长安志》：在县东北七里官道侧。又**阿姑泉**《县志》：在县东北二十五里。

已下水利。

**洪沙渠** 《通志》：在县北六十里。自三原高家堡分中白渠水，东流入县境，至吴家堡注于清河。其正流之中白渠自高陵常家村入县界，又东南流至交口入渭。《汉·沟洫志》：白渠尾，入栎阳。《水经注》：白渠东南径藕原下，径鄠县故城北，东南入渭。今无水。曰渠<sup>①</sup>又东枝渠出焉，东南径高陵故城北，又东径栎阳城北。又**中南渠**《通志》：自中白渠支分东北流，由高陵白家堡东入县境，又东南流至任家堡入渭。其自中南渠支分者，一为**昌连渠**，由高陵郭桥村入县境，注渭。今渠流微细，至高陵墨张村止。一为**高望渠**，由高陵樊家庄入县境，至雷家堡注渭。一为**襦南渠**，昔亦经县境入渭，今渭河冲徙，奉政原高，水不能进，在高陵船张村入渭，不复经县界矣。

按：《通志》：临潼处诸渠下流，得水颇艰，傍渠田亩，灌溉无多，亦无修渠利益。至古渠在临潼者，**漕渠**在县北，自咸宁流

① 曰渠：疑应作“白渠”。

入，又东流入渭南界。又清渠《长安志》：在县西清冶峪水下流，自三原、高陵界来入白渠，至县界入渭。又石川河《长安志图说》：栎阳除泾水所溉之外，其东北境颇高，泾不能及，遂引石川河径断原东，过白渠西南以溉。《县志》：河名寇公渠，自富平绕断原而南。盖莱公堰漆沮以溉田者。又柝波渠《通志》：自中南渠支分，旧在县境入渭。又饮马泉《县志》：在县东北三十五里。今并堙废。

## 高陵县

**渭水** 《通志》：在县南十里。《长安志》：渭水来自咸陽，又东入栎阳界。按：栎阳今属临潼。《书·禹贡》：渭水又东会于泾。《水经注》：渭水东径霸陵县北，按：霸水入渭在今咸寧界东。与高陵分水，按：今县西南二里有高陵故城。又东，泾水注之，按：《汉志》：泾水东南至阳陵入渭。今县西南有阳陵故城。又东径鄠县。《县志》：渭水每遇泛涨，弥漫县南十余里。北岸则数年一圯，不过一二丈，故曰高陵。

**泾水** 《县志》：在县西南二十里。《水经注》：泾水径泾阳县南，又东南径高陵县西南入渭。《禹贡锥指》：泾水至高陵西南三十里与渭水合，《经》所谓又东会于泾也。《县志》：泾水入县境，东行十里至船张村入渭。

**清水** 《通志》：在县东北。自三原流入，又东南入临潼界。《水经注》：清水东南入高陵县，径黄白城西，又南绝白渠，又屈而东流，谓之曲梁水。又东南，径高陵县故城北；又东南，绝白渠枝渎而东南入万年县。

**渭北沟** 《县志》：在县南奉政原上。

**御井** 《贾志》：在县西十里，唐高祖时龙跃宫中井也。今龙泉寺八角井是。

已下水利。

**彭城闸** 《通志》：来自泾阳中限，中白渠东流二十里入县界，为彭城闸，在县西北三十里，今闸址犹存。《唐·地理志》：高陵

有白渠，宝历元年，县令刘仁师请更水道，渠成，名曰刘公渠。新堰成，名曰彭城堰。《长安志》：白渠自泾阳县[界]<sup>①</sup>三限下，中限为一渠，流至县界彭城堰，下分四渠，并溉民田。

唐刘禹锡《县令刘仁师去思记》<sup>②</sup>：县内大夫，鲜有遗爱在其去者。非有卓然异绩，安能久而愈思<sup>③</sup>？太和四年，高陵人李仕清等六十三人，具<sup>④</sup>前令刘君之德，诣县请刻金石。县令以状申府，府以状考于明法吏。吏上言：谨按宝应诏书，凡以政绩将立碑者，具所纪之文上尚书考功，有司考其词，宜有纪者，乃奏。明年八月庚午，诏曰：可。令尚书其章<sup>⑤</sup>，明有以结人心者，扬<sup>⑥</sup>揭于道周云。

泾水东行，注白渠，酺而为三，以沃关中。按《[水]部式》<sup>⑦</sup>：决泄有时，畎浍有度，居上游者不得壅泉而颺其腴，每岁少尹一人行视，以诛不式。兵兴以还，寢失本根<sup>⑧</sup>，泾阳人壅而颺之，私开四窦，泽不及下，泾田独肥，他邑为枯，地力既移，地征如初。人或赴诉，泣迎尹马，而占泾之腴（类），皆权幸家，[荣]<sup>⑨</sup>势足以破理，诉者复得罪，由是咋舌不敢言。

长庆三年，高陵令刘君励精吏治，视人之瘼如皽疽在身。乃循故事，考《式》文暨前后谁<sup>⑩</sup>条，又以新意请更水道入于我里。杜私窦，使无弃流；遵旧令，使无越制。别白纤悉，列上便宜。

① 据《长安志》卷十七补。

② 县令刘仁师去思记：中华书局《刘禹锡集》作“高陵令刘君遗爱碑”。

③ 非有卓然异绩，安能久而愈思：中华书局《刘禹锡集》作“盖邑居多豪，政出权道，非有卓然异绩结于人心，浹于骨髓，安能久而愈思？”

④ 具：中华书局《刘禹锡集》作“思”。

⑤ 令尚书其章：中华书局《刘禹锡集》作“今书其章”。

⑥ 中华书局《刘禹锡集》无“扬”字。

⑦ 据中华书局《刘禹锡集》补。

⑧ 寢失本根：中华书局《刘禹锡集》作“寢失根本”。

⑨ 以上据中华书局《刘禹锡集》删、补。

⑩ 谁：中华书局《刘禹锡集》作“诏”。

掾史<sup>①</sup>依违不决。居三岁<sup>②</sup>，宝历元年，端士郑覃为京兆，秋九月，始具以闻，事下丞相、御史，御史属元谷实司察视，持诏书诣白渠上，尽得利病，还奏。上以谷奉使有状，乃俾太常撰日，京兆下其符。主簿谭孺直实董之。冬十月，万众云奔，愤与喜并，口谣手运，不屑鞮皮<sup>③</sup>。揆功十七八。而泾阳人以奇计赂术士上言：白渠下，高祖故墅在焉，子孙当恭敬，不宜以畚鍤近阡陌。上闻，命京兆立止[绝]<sup>④</sup>。君驰诣府控告，具发其以赂致前事。又谒丞相，请以颡血污车茵。丞相彭原公敛容谢曰：“明府真爱人，陛下视元元无所吝，第未周知情伪耳。”即入言上前。翌日，果有诏许讫役。

仲冬，新渠成。涉季冬二日，新堰成。孺直告已事，君率其僚，躬劳徕之。僮徒欢呼，奋袂而舞，咸曰：“吾恨六十年，明府雪之。”（摘）[摘]奸犯豪，卒就施为。请名渠曰刘公，堰曰彭城。”按股引而东千七百步，其广四寻而深半之。两涯夹植杞柳万本，下垂根以作固，上生材以备用。仍岁旱沴，而渠下田独有秋。渠成之明年，泾阳、三原二邑又拥其冲为七堰，以析<sup>⑤</sup>水势，使下流不厚。君诣京兆索言之，府命从事苏持<sup>⑥</sup>至水滨，尽撤不当拥者。由是邑人享其长利，生子以刘名之。

君讳仁师，字行舆，彭城人。既有绩于高陵，转昭应令，俄检校水曹员外郎，充渠堰副使，赐朱衣银章。时<sup>⑦</sup>相爱其能，表为检校屯田郎中兼侍御史。幹<sup>⑧</sup>池盐於蒲，锡紫衣金章。岁余，以课就

① 掾史：中华书局《刘禹锡集》作“掾吏”。

② 居三岁：中华书局《刘禹锡集》作“居二岁”。据本文记事，亦应作“居二岁”。长庆三年到宝历元年，为两年。

③ 鞮皮：中华书局《刘禹锡集》作“鞮鼓”。

④ 据中华书局《刘禹锡集》补。

⑤ 析：中华书局《刘禹锡集》作“折”。

⑥ 苏持：中华书局《刘禹锡集》作“苏特”。

⑦ 时：中华书局《刘禹锡集》作“计”。

⑧ 幹：中华书局《刘禹锡集》作“幹”。



加[司勋正郎]、中执法。理人为循吏，理财为能臣，一出于清白故也。先是，高陵[人]<sup>①</sup>蒙被惠风而惜其舍去，发于胸怀，播于声诗。今采其旨而变其辞，志于石。文云：噫！泾水之逶迤，溉我公兮及我私。水无心兮人多僻，镗上游兮干我泽。时逢理兮官得材，墨绶移<sup>②</sup>兮刘君来。能爱人兮恤其隐，心既公兮言既尽。县申府兮府闻天，积愤刷兮沉痾痊。划新渠兮百亩流，行龙蛇兮止膏油。遵《水式》兮复田制，无荒区兮有良岁。嗟刘君兮去翱翔，遗我福兮牵我肠。纪成功兮镌美石，永<sup>③</sup>信词兮昭懿绩。

**中北渠** 《县志》：在县西北三十里。《水经注》：白渠枝渠，径高陵县故城北。《长安志》：中白渠东西长三十五里<sup>④</sup>。《通志》：自彭城闸北限分水东流至西王村，入三原官村，至高家堡支分为洪沙渠，入临潼。其正流复由官村入县境常家村，又东亦入临潼界。旧从北岸支分者有宁玉渠，今废。彭城闸南岸为小王等斗，北岸为雷家等斗，各十一。彭城闸南曰中南渠，在县西北三十里，东西长三十五里。自彭城闸限分水，东南流至磨子桥，磨子桥至闸口五里，乃中南与高望、藕南分水处。南岸斗六，北岸斗八，东入临潼界。中南渠至磨子桥又分二渠，东南曰高望渠，在县西北二十五里，东西长三十五里，南岸斗七，北岸斗五，东入临潼界。西南曰藕南渠，在县西二十五里，东西长四十里，南岸斗三，北岸斗二，旧入临潼界，今在县境船张村注渭。中南渠至张市里又分二渠，其北分曰析波渠，今废。南分曰昌连渠，在县北二十里，分中南渠水东流经县城北门外。县令王珪尝引水入城，资民食用，今犹有渠迹。渠南岸斗一，北岸斗二，昔时亦入临潼，今下流（微）[微]细，至县东五里墨张村止。

① 以上据中华书局《刘禹锡集》补。

② 移：中华书局《刘禹锡集》作“蕊”。

③ 永：中华书局《刘禹锡集》作“求”。

④ 三十五里：《长安志》卷十七作“三十里”。



按：古渠在高陵者，有**樊惠渠**。蔡邕《樊惠渠頌序》：“陽陵縣東，其地衍隩，土氣辛螫，嘉谷不植，而涇水長流。光和五年，京兆尹樊君勤恤民隱，乃立新渠，向之鹵田，化為甘壤。”今地無考。又**飲馬泉**，《縣志》：在縣西十五里，相傳漢文帝飲馬于此。又**蓮池**，在縣治東偏，元至元中，縣令王珪引昌連渠入城注之。今并廢。

## 鄠縣

**渭水** 《通志》：在縣北三十里。自鰲屋流入，又東入長安界。  
《水經注》：渭水自合漏水，又東合甘水，又東，丰水南來注之。

**潦水** 《縣志》：在縣西二里。流入咸陽界，一名滌水。《山海經》：牛首之山，滌水出焉。李善《上林賦》注：潦，即滌水也。  
《水經注》：滌水出南山滌谷，北徑漢宜春觀[東]，又（東）<sup>①</sup>北徑鄠縣故城西，際城北出，合漢陂水，又北流入渭。《長安志》：滌水至縣北之元村入渭。

按：《山海經》：滌水西流，注于漓水。《說文》：滌水出扶風鄠縣，北入渭。知滌于漢時已合漓水矣。漢陂水流至長安界，入漓水，蓋承《山海經》之訛，與今自行入渭水道不合。

**耿谷水** 《通志》：在縣西，接鰲屋界。

**甘谷水** 《長安志》：在縣西南二十二里。與耿谷水皆北流入興平界注渭。《書》孔傳：馬融云：甘，有扈南郊地也。又水名，今在鄠縣西。《雍大記》：甘水出縣南甘谷。《書》曰：“啓與有扈戰于甘之野。”即此。至甘河鎮合于渭。

**漢陂水** 《元和志》：在縣西五里。《水經注》：漢陂水出宜春觀北，東北流注滌水。《說文》：漢陂周十四里。《十道志》：本五味陂，魚甚美，因誤名之。《長安志》：漢陂出終南山諸谷，合胡公泉為陂。唐寶曆二年，敕漢陂令尚食使收管，不得雜人採捕，

① 以上據《水經注·渭水》補、刪。

其水任百姓溉灌，勿废碾硃之用。刘士龙《漾陂记》：山谷之水并胡公、白沙诸泉合而北注，漾陂受之，自陂头南至曲抱村，可数里许，高岸环堤，一泓荡漾，层峦叠嶂，影落其间。《县志》：自瓜牛台北至漾陂二里许，元季以陂鱼可治痔，游兵决取之，陂遂废，其地皆为水田。明末知县张宗孟重加障筑。陂西有锦绣沟，即漾陂之上游。唐岑参《与鄠县群官泛漾陂》诗：“万顷浸天色，千寻穷地根。舟移城入树，岸阔水浮村。闲鹭惊箫管，潜蚪<sup>①</sup>傍酒樽。暝来呼小吏，列火俨归轩。”杜甫《漾陂西南台》诗：“高台面苍陂，六月风日冷。蒹葭离披去，天水相与永。怀新目似击，接要心已领。仿佛识鲛人，空濛辨鱼艇。错磨终南翠，颠倒白阁影。嵒崖增光辉，乘陵惜俄顷。劳生愧严郑，外物慕张邴。世复轻骅骝，吾甘杂蛙黾。知归俗可忽，取适事莫并。身退岂待官，老来苦便静。况资菱芡足，庶结茅茨迥。从此具扁舟，弥年逐清景。”《漾陂行》：“岑参兄弟皆好奇，携我远来游漾陂。天地黯惨忽异色，波涛万顷堆琉璃。琉璃汗漫泛舟入，事殊兴极忧思集。鼉作鲸吞不复知，白风恶浪何嗟及。主人锦帆相为开，舟子喜甚无氛埃。舂鸪散乱棹歌发，丝管啁啾空翠来。沈竿续蔓深莫测，菱叶荷花净如拭。宛在中流渤澥清，下归无极终南黑。半陂以南纯浸山，动影袅窕冲融间。船舷暝戛云际寺，水面月出蓝田关。此时骅骝<sup>②</sup>亦吐珠，冯夷击鼓群龙趋。湘妃汉女出歌舞，金支翠旗光有无。咫尺但愁风雨至，苍茫不能<sup>③</sup>神灵意。少壮几时奈老何，向来哀乐何其多！”韦应物《任鄠令漾陂游眺》诗：“野水滟长塘，烟花乱晴日。氤氲绿树多，苍翠千山出。游鱼时可见，新荷尚未密。屡往心独闲，恨无理人术。”司马札《漾陂晚望》诗：“远客家水国，此来如到乡。何人垂白发，一叶钓残阳。柳暗鸟

① 蚪：岑参《与鄠县群官泛漾陂》又作“虬”。

② 骅骝：杜甫《漾陂行》又作“骊龙”。

③ 能：杜甫《漾陂行》又作“晓”。

乍起，渚深兰自芳。因知帝城下，有路向沧浪。”

**扈阳谷水** 《通志》：在县东二十里，北流入咸陽界。《水经注》：扈水上承扈阳池<sup>①</sup>。《十道志》：扈水今名马腹陂。《县志》：鄠南化羊谷，按：化羊终扈阳之讹。有水出焉，其水流至咸陽，为泥渠之上源。

**丰水** 《通志》：在县东三十里，流径长安，入咸陽界。《汉·地理志》：鄠县，丰水出东南，北过上林苑入渭。《奇义》<sup>②</sup>：泮水出鄠县南山丰谷。《元和志》：丰水自县东南终南山发源，北流径县东二十八里，又北流入渭。《县志》：自紫阁而下，径秦渡镇，北入渭。

**太平谷水 高冠谷水** 《长安志》：俱在县东南三十里。太平水阔七步，深二尺。高冠水阔三步，深一尺。其底并碎沙石。北流入长安界，合丰水。《寰宇记》：一名林谷水，源出南山，即清水渠之上流。《县志》：太平谷中有凤池，即水源。高（观）[冠]水源出高（观）[冠]谷，谷有石穴、石潭。潭最灵，旱祷辄应。

**满池泺** 《长安志》：在县东北二十八里，周三里。《县志》：即瀉水源，东北流入长安冯席村。

**八部泽** 《长安志》：在县东南十八里。《元和志》：周回五十里。

**龙台泽** 《元和志》：在县东北三十里，周回二十五里，泽中有马祖坛。《寰宇记》：一名观水，在丰水西北。

**丹阳井** 《贾志》：在县东三十里，相传为马丹阳炼药处。

已下水利。

**太平峪东渠** 《通志》：在县东南三十里。太平峪水出峪口，分二派，正河东北流至大良村开渠，灌南城寨、南波堡等处田。其支分西北流者为太平峪西渠，经流重云寺、宋村至黄堆堡，下流入小泥河。

① “《水经注》：扈水上承扈阳池”之语见于《长安志》卷十五。毕沅按：“《水经注》无文，而《太平寰宇记》亦引之。”

② 奇义：疑应作“音义”，《汉书音义》：张揖曰：丰水出鄠县南山丰谷。

**涝河东渠** 《通志》：在县西南二十五里。涝峪水出峪口，分二派，正河东北流，径流白云寺、罗什寺、木家庄等处灌田。其西北流者为涝河西渠，经流水磨头、龙家寨、班竹园等处灌内<sup>①</sup>。又县西南五里割耳庄有白沙泉。又西南十里丈八村有胡公泉，上有陈胡公庙，故名。相近有美泉，合白沙、美泉二水，经流曲抱村西。诸渠、泉俱下流入涝。

**化羊里潭** 《通志》：在县东南二十里。化羊里地势洼下，居民掘潭引流灌溉。相近孙谷村有没猪泉。《长安志》：俗传有野猪没而为泉。《图经》按：《说文》猪亦豮也，水所停曰豮。《禹贡》：雍州有猪野。今鄠实终南之隈。没，汨没也，盖泉泽即水所停耳，俗神之，非也。又县东南十五里双庄有冷泉，又县南三十里有阿福泉。俗讹为阿姑泉，并建有阿姑庙。

**徐公渠** 《通志》：在县东。邑东兆丰桥，毘连二十余村，地势卑下。旧有渠宣泄积水，奈浅隘，久雨，每至淹没。邑令徐云捷疏凿，深五尺，宽一丈，直达于渭，二十余村咸赖其利。

**金公堤** 《县志》：在西关外。涝水经县西门外，有石桥以通来往，岁久河水迁徙，置桥而西行，水涨，田苗每被淹没。邑令金廷襄筑堤凡二百丈，自是久雨河涨，田禾不伤。

按：古渠堰在鄠者有檀谷水，《十道志》：长乐渠之上流也，源出终南山檀谷。《县志》：檀谷河灌安善田数十亩。又古泉，在县东南化羊里。又紫阁河，在县南。又明万历中，县令吕仲信引檀峪、皂谷、阿福泉诸水，经县东关北折而西入涝水，称吕公河。县令白应辉复疏浚，又凿栗谷、直谷诸水为新河，流入吕公河，称白公河。后渐堙废。崇祯间，知县张宗孟以寇警复浚深广，宽二丈，深一丈，增开西南二面引涝水，自白云山起，由天和村、罗什寺、木家庄至南关外，入新河及城壕。本朝康熙间，县令康如珪重修。又三里河，自南涝店迤南引涝水，径涝店镇，分渠灌

① 内：似应作“田”。



田，自龙台坊入渭。亦县令张宗孟开。今并堙废。

## 藍田縣

**灞水** 《通志》：在县南，又西北入咸宁界。《汉·地理志》：灞水出蓝田谷，北入渭。《元和志》：灞水东南自商州上洛界流入，又西北合浐水入渭。《通志》：《图经》：源出县东南秦岭倒回谷，西北流九十里入万年县界骞村，岸阔六十尺，一名蓝谷水。《封禅书》注：蓝谷水即秦岭水之下流，一名滋水。《水经注》：滋水，秦穆公更名霸水，以显霸功。水出蓝田谷，西北有铜谷水，次东有轻谷水<sup>①</sup>，二水合而西注之。又西流入渼水<sup>②</sup>，渼水又西北流入霸。[霸水]又北历蓝田川，径蓝田县[东]<sup>③</sup>，又左合浐水，历白鹿原东，即霸川之西，故并阳<sup>④</sup>矣。

按：言灞源者其说不一，盖南北水道皆由秦岭而分，东南入商州境者为丹，西北入蓝田者为灞，即牧护关水也。《商州志》：商州牧护关水发源秦岭，西出蓝田，即灞水之源是也。又《十道志》：灞水为荆溪、狗枷二水下流。《咸宁志》云：灞川、焦戴川及汤谷、石门诸谷水皆会，不独二水。盖秦岭西北诸水皆集于此，各就所见言之，故不免歧出耳。

**刘峪水** 《通志》：在县东南。《水经注》：出蓝田山东谷，俗谓之刘谷，西北与石门水合<sup>⑤</sup>。《长安志》：一名泥水。又铜谷（未）[水]出县东铜谷，合（轻）[辋]<sup>⑥</sup>谷水，西注泥水。《雍胜略》：一

① 轻谷水：《水经注·渭水》作“辋谷水”。

② 渼水：《水经注·渭水》作“渼水”。下同不校。

③ 以上据《水经注·渭水》补。

④ 并阳：《水经注·渭水》作“芷阳”。

⑤ 今本《水经注》无此记载。此语实出《长安志》卷十六。毕沅按：“《水经注》但云辋谷水又西流入泥水，泥水又西径峽关北。此所引皆无之，盖今本脱文？”校点者按：陈桥驿注释《水经注》（浙江古籍出版社，2001年），毕沅所言此句中“北”字属下句，即“渼水又西径峽关，北历峽柳城。”

⑥ 以上据《长安志》卷十六改。



名青泥水。《水经注》：青泥水历峽柳城南<sup>①</sup>。即此。

**蓝谷水** 《通志》：在县东南三十里。《雍胜略》：发源秦岭，北径蓝关、蓝桥，过王顺山下，西北流入灞水。《县志》：蓝水径悟真寺，一名清河。

**白马谷水** 《长安志》：白马谷水出县东白马谷南，流径县南，又西北流入灞水。《县志》：在县东半里，源出石鼓山，会里峪诸涧水，西流入县界。

按：《县志》：白马谷水混浊不清，故一名土胶河。今讹为土桥河。

**辋谷水** 《通志》：在县南八里。《长安志》：辋谷水出南山辋谷，北流入灞。又有蓼子涧水，在县南三里，出南山，西北流入辋谷水。又岐谷水，出县西南岐谷南，流入灞水。《贾志》：辋川在县南峽山之口，其水沦涟如车辘然，故名，一名渥水<sup>②</sup>。《水经注》：渥水西绕<sup>③</sup>峽关，北历峽柳城，又西北流入霸水。唐王维《答裴迪辋口遇雨忆终南之作》：“淼淼寒流广，苍苍秋雨晦。君问终南山，心知白云外。”钱起《游辋川至南山寄谷口王十六》诗：“山色不厌远，我行随处深。迹幽青萝径，思绝孤霞岑。独鹤引过浦，鸣猿呼入林。褰裳百泉里，一步一清心。王子在何处，隔云鸡犬音。折麻定延伫，乘月期招寻。”李端《雨后游辋川》诗：“骤雨归山尽，颓阳入辋川。看虹登晚墅，踏石过春泉<sup>④</sup>。紫葛藏仙井，黄花出野田。自知无路去，回步就人烟。”

**锡水** 《县志》：在县南三十里。相传有高僧以锡杖自益桥山下通之，其水遂由山穴经洞前流入辋谷河。

**漪水** 《县志》：在县北三里。又北二里有注水，源出青冈凹。

① 青泥水历峽柳城南：《水经注·渭水》作“渥水又西径峽关，北历峽柳城。”

② 渥水：《水经注·渭水》作“渥水”。下同不校。

③ 绕：《水经注·渭水》作“径”。

④ 春泉：李端《雨后游辋川》作“青泉”。

又北十五里有沙河。其水并流入灃。

按：《通志》云《长安志》有白牛谷水，出县西北白牛谷，西南流入灃水。现行水、地无此名，疑即漪、注等水也。

**浐水** 《通志》：在县西南。《水经》：浐水出蓝田谷，北入于霸。《注》：《地理志》曰：浐水西北流，与一水合，水出西南莽谷，东北流注浐水。浐水又北历蓝田川，北流注于霸水。《雍录》：浐，源出蓝田县境西，（梢）[稍]<sup>①</sup>北行至白鹿原西，即趋大兴城，按：大兴城今属咸宁。直至灃陵乃始合灃。其力比灃差小而与之对行，故言灃者，多举浐而与之俱也。《雍胜略》：浐水出蓝田南山谷，西北流至咸宁界，得荆谷、广谷水，又得采谷、石门、库谷水，过白鹿原西，又过省城东，合灃水，北入渭。

按：《汉·地理志》：南陵县沂水出蓝田谷，北至霸陵入霸水。考验地状，当即今浐水。南陵，今属咸宁。

**狗枷川水 荆谷水** 《通志》：俱在县西南五十里。《水经注》：狗枷川水有二源，西川上承磈山之斫槃谷，次东有苦谷，二水合而东北流，径风凉原西。右合东川水，水出南山石门谷。次东有孟谷、大谷、雀谷、土门谷，五水北出谷，西北历风凉原[东]，又北与西川会。原为二水之会，又北径宣帝许后陵东，斯川于是有狗枷之名。（以）[川]<sup>②</sup>水又北迳杜陵东，又北注荆溪，荆溪水又北径霸县，有温泉入焉，乱流注于霸。按：杜陵今属咸宁。《长安志》：狗枷东川水出县西南终南山。又有石门谷、采谷水，俱自秦岭出，北流三十里入万年县界。又有库谷水亦（目）[自]<sup>③</sup>南山出，北流入万年界。又有金谷水，出终南山金谷，东北流注浐水，又北流入灃。按：金谷水即《水经注》之荆溪。《马志》：荆谷水自蓝田来，至咸宁平川合广谷水入浐。《咸宁县志》：荆谷水，一名荆溪，自蓝田至康村入

① 据《雍录》卷六改。

② 以上据《水经注·渭水》补、改。

③ 据《长安志》卷十六改。

县界，下流合采谷、石门水为浐。《县志》：荆峪水发源秦岭荆峪，西北合广峪、库峪、石门峪诸水，经白鹿原东流入浐。又库峪水，在县西南五十里。又嘉川，在县西南。又石门汤泉，在县西南四十里。《通志》：旧《图经》曰：唐初有僧止此，见雪融不积，曰：必温泉也。掘之，泉果涌出。有泉五，曰玉女、融雪、连珠、漱玉、濯缨，病风湿者浴之，多愈。又焦岱河，在县西三十里。采谷水，在县西南三十里。其水俱北流合浐入渭。

按：荆溪即长水也。考灞水之西，咸宁之东，惟荆溪、狗枷二水源流差远，可与灞匹。《魏·地形志》云：山北县有苦谷，浐水源出此。山北县今属咸宁。而《括地志》《长安志》诸书又合荆溪、狗枷诸水为浐，于是长水之名遂隐，故韦述《两京记》谓长水以避姚萇讳，改名荆溪，因此失其本名，虽以颜师古之博而不能正。窃意浐水、狗枷、荆溪皆异源而同流。自《魏志》之苦谷，后人不知确属何地，故浐源无从指证，而遂以下流当之，或云苦谷即今库谷。

**木峪沟水 双溪水** 《县志》：俱在县西二十里。《通志》：木峪沟水下流入堰儿沟，经咸宁界入浐。双溪水自獐坡流来，入鲸鱼沟，经咸宁之高桥入浐。

**冰池** 《长安志》：在县东南六十里。唐凿冰之所。莲花池《县志》：在县东五里。又淹池在县东北三十五里。

**咽瓠泉** 《县志》：在县北十五里，即李筌遇骊山老母处。又桂泉《长安志》：在县东北四十里。泉畔旧有桂一株，因名。

**玉浆井** 《县志》：蓝田山下。深丈余，本无水，有疾者虔祷之，悬瓶井中，即得，水白味甘，饮之辄愈。又**冰井**《通志》：在县西，近咸宁界。《城南记》：雾岩、玉案二峰间有冰井，长安夏则取冰于此。《格致镜原》<sup>①</sup>：井深数丈，水落井中，辄作冰，经

<sup>①</sup> 格致镜原：当作《格致镜原》。《清史稿·艺文志》：“《格致镜原》一百卷，陈元龙撰”。

夏不消。長安不藏冰，于此井取之。

已下水利。

**田家渠** 《通志》：在縣西南五十里。引庫谷水于東西岸開渠灌田。北流為楊家渠，又北為弓家渠，又北為黃甫川老安堰。

**石門堰** 《通志》：在縣西四十里。引石門峪水灌田。《冊府元龜》：高祖武德六年，寧民令顏旭開渠引南山水入京城，至石門谷，有溫泉涌出。相近有袁家堰。《通志》：湯峪出峪口，于西岸筑堰灌田者首為袁家堰，經流石佛寺北，為堯家渠。于東岸筑堰灌田者首為白家堰，經流白家村北，為苟家渠、劉家渠，又北為石牌坊焦老堰。又縣西二十里有芦子溝堰，引本溝水分小渠三，相近有雙溪渠，引獐坡泉水；沐峪溝渠，引沐峪溝水。又西十里為焦岱老安堰，引焦岱河水，北為鬼神岔、陝家渠。

**侯家渠** 《通志》：在縣西南四十里。引采峪水，經流侯家村。又北為史家渠。

**張家堰** 《通志》：在縣南十里，引沙河水，在河口作堰，經流本村，又支分小渠三道。相近有南民堰，引輞谷水在西岸筑堰灌田。北為西原坡李家堰。其在岸東者首為薛家堰，北為焦馬堰。又五里為悟真谷渠，引悟真谷水，即清河水。在西岸悟真寺前開渠，經流陳家灘。北為軍劉堰，從陳家灘開渠，經流本村。又北為蓮花池堰，在清河下流開渠。又北為張軍堰，今名窟陀堰。從韓家寨開渠，經流窟陀村、張軍寨。其在岸東者為紅水堰，從峪口開渠。北為陳家堰，亦在峪口開渠。

**曹家堰** 《通志》：在縣東南二十五里。引散峪水于峪口筑堰開渠，經流胭粉台北。又二十五里為穆家堰，引倒回峪水，渠首起豐盈寺，經流本村，下分小渠三道。相近有孫家渠，引桐峪水，從峪口開渠，經流本村。

**安溝小堰** 《通志》：在縣東二十五里。引劉家溝水，經流安溝村。又東十五里為玉山馬家堰，引玉山水灌田。

**三里渠** 《通志》：在縣北三里。引漪水河，經流三里鋪至青



原庄。又北二里为沈家堰，引五里河，经流白杨寨。又北七里为席家堰，引磨李沟水经流十里铺。又北二十三里为红河堰，引红河水，渠起支家沟，经流双水磨等村，灌溉田亩。

**潘家小渠** 《通志》：灞水入县境，居民分两岸疏引灌田。在南岸者为潘家小渠，距县东三十里。灞水又西流，会散峪水为郭把堰，从石头滩开渠，经流马家湾，下分小渠三道。灞水又西为蔡家渠，从胭粉台开渠，经流橙槽村，又西北会辋峪水，为红坡崖渠。其在灞北者首为桐峪里李家渠，在县东五十里，从曲子镇开渠。又西北为谢家堰，渠引灞河水经流褚家庄。西北为翟家堰，从翟家村开渠。又西为元君庙雷家渠，从成家村开渠。又西为老人仓李家渠，从马家楼开渠。又西为秋树庙小堰，在安沟渠入灞处，经流梁斜村。又西为石狮村小渠，从石头滩起，经流村北。又西为青泥坊杜榜堰，在胭粉台开渠，经流约六七里。又西为罗李堰，在青泥坊开渠，经流罗李村，下支分小渠三道。又西会上胶河<sup>①</sup>水，至县南门外西寨村为叶家堰，堰在土胶河入灞处，经流县南关外。又西为马家堰，堰在县南关外，稍西有加河堰、马家渠。又西为樊家堰，堰接加河堰，其对岸乃辋峪水入灞处，经流本村。灞水又折而西北流，为席家小堰，在县青原庄开渠，以近席家堰，故名，经流白杨寨。又西北为高家堰，在县北十里铺开渠，经流席家河至泄湖镇。又西北为张家渠，在县红河入灞处，经流斜里村。自潘家小渠，至此皆分灞水成渠，以为灌溉者也。

按：古渠在蓝田者，《通志》有马家湾、夫车村、厚子镇三渠，俱引泉水灌田。又县东一里有土胶河渠，明嘉靖二年，邑令王科凿引河水入城，东入西出，民享其利。本朝顺治间，县令顾介石改令入东南隅，出西北隅，功未竟。后令郭显贤复加修浚，渠成，较前利更倍。今渠仍流入城内，但无灌溉之利。

<sup>①</sup> 上胶河：当作“土胶河”。前文有“白马谷水混浊不清，故一名土胶河。今讹为土桥河”之语，后文亦见“土胶河”。



## 大川志 附水利 泾阳

### 泾阳县

**泾水** 《通志》：在县南，自醴泉流入。《隋·地理志》：云阳县有泾水。《元和志》：泾水在云阳县西南二十五里。又径泾阳县南七里，又东南入高陵界。《寰宇记》：《水经注》云：泾水东流历峡，谓之泾峡。又东南径瓠口，郑、白二渠出焉。《长安志》：泾水在泾阳县西北界。《县志》：泾水自仲山、九峻之间出谷口，始落平壤，以在县南，故以名县。

**五龙谷水** 《通志》：在县西北，自淳化界来，其流入泾。

**焦获泽** 《通志》：在县西北六十里。《诗·小雅》：“整居焦获。”《诗世本古义》：获，通作护。《尔雅》：十藪，“周有焦护。”郭璞注：今扶风池阳县瓠中是也。《汉·沟洫志》：韩水工郑国说秦，令凿泾水，自中山西抵瓠口为渠。《北征赋》：夕宿瓠口<sup>①</sup>之（元）[玄]宫。注：即焦获也。《水经注》：中山西有瓠口，所谓瓠中也。《元和志》：焦获藪亦名瓠口。《县志》：泾水出山东南流，两岸阻大原，中衍为川，迤邐而开，其形如瓠。一名洪门，又名洪口。

按：《诗集传》：焦获，地名。焦，未详所在；获，郭璞以为

---

① 瓠口：班彪《北征赋》作“瓠谷”。

瓠中，在耀州三原县。何楷云：今其地有焦吴里，焦吴即焦获之讹。朱子分焦、获为二，非是。

**冶谷河** 《贾志》：在县西北五里。自淳化流入，又东南入三原界。《水经注》：郑渠自中山东，径舍车宫南，绝冶谷水。《长安志》：冶谷河自淳化界来，径云阳县嵯峨、武康、青龙等乡。《县志》冶谷河当仲山东、嵯峨山西，出谷处为临江潭，在县西北六十里。瀑布飞激，俗呼龙潭。流至县东北辛管汇，东合清谷水。《通志》：潭东有文川水，北接百顷原，水村花卉，望之甚丽。

**清谷水** 《县志》：在县东北。自三原来，径嵯峨东麓出谷南流，径清凉原至窦村西折四里，谓之靖川，唐李卫公故居也。又南至辛管汇后谢家村合冶谷水。《雍大记》：清水自县东南流入高陵。

以下水利。

按：《魏·地形志》：云阳县有蒲池水。《元和志》：龙泉坡在县南三里，周围六里，多蒲鱼之利。又《县志》：流金泊在县东北三十里峨山之南。今并湮没。

**龙洞渠** 《关中胜迹图志》：在泾阳县西北六十里。凿仲山龙洞引龙洞泉，东会筛珠洞泉，又东会琼珠洞泉，按：数泉中此泉最大。又东过水磨桥，按：此桥与下大旺、小旺、野狐、赵家四桥俱防北山雨涨，引水从桥上注泾，使渠身不致冲塞。西会倒流泉。按：此泉今半入渠，半入泾。水磨桥之西有大小梯子崖，崖下有中渠井。又东至水磨桥、大旺桥会倒流泉水。按：此泉在大旺桥下，与筛珠洞下者另一泉。又东会碧玉、喷玉、暗流、鸣玉、调琴五泉，过倚虹桥，又东为退水槽。按：退水槽乃水足之时，渠水由槽入渠<sup>①</sup>之所。又东为涵碧池，旧名天涝池。又东为野狐桥，又东至赵家桥，又东南为樊坑渠，过马道桥渠。至此始出山，就

① 渠水由槽入渠：似应作“渠水由槽入河”。下文《龙洞渠图说》：退水槽者，于渠岸开槽，酌与水平，涨满则泄渠于河也。

诸城悉溃，遂逼长安。义熙十三年，刘裕伐秦，王镇恶自河入渭，秦主泓遣其将姚彊等合兵屯泾上拒之，为镇恶所败，其时泾水左右皆战地矣。宇文周以后，渠堰之利复起。唐永徽六年，长孙无忌奏开白渠。天宝以后，泾、渭之间屡遭寇乱。广德四年，回纥、吐蕃逼奉天，还攻泾州，而是时势豪之家多引泾水营私利，民田益困。大历十三年，敕毁白渠支流碾硖，以溉民田。杜佑曰：秦、汉时郑渠溉田四万顷，白渠溉田四千五百顷。唐永徽中，两渠灌浸不过万顷，大历初，减至六千顷，亩腴一斛，岁少四五百万斛。复两渠之饶，诱农夫趣耕，屯田蓄力，河陇可复也。岂徒自守而已哉？刘禹锡曰：泾水东行注白渠，酺而为三，以沃关中。按《水部式》，决泄有时，畎浍有度，少尹一人行视之，白渠之利不废，关中可无硗瘠忧也。《宋史》：淳化二年，泾阳民杜思渊请修石翼堰水。乾德至大观间，屡加修复，惟大观中溉田三万五千余顷，差与秦等。元大统八年，复疏导之，至大初，御史王琚请于丰利渠上更开石渠。明洪武中修复。永乐以还，项忠、余子俊、阮勤等并凿石通水，引泾入渠，水分三限，皆立斗门以均其利。

本朝顺治九年，邑令金汉鼎重修广惠，就谷口上流分泾入渠。后泾水奔泻，石堰遏之，其怒愈甚，土石承委不得不崩。渠高水低，势不能引。后凿石渠，深入数丈，泉源喷涌而出，四时不竭，涓涓滔滔，经络诸邑，其利倍于泾水。康熙八年，邑令王际有修之，厥后淤塞。雍正五年二月十六日奉上谕：“朕闻得陕西郑渠、白渠、龙洞渠向来引泾河之水，溉田甚广，因历年既久，疏浚失宜，龙洞与郑渠渐致淤塞，堤堰大半坍塌，醴泉、泾阳等县水田仅存其名，深为可惜。朕特令该督岳钟琪详酌兴修。今据该督亲勘奏称，龙洞急宜挑挖，郑、白渠务当疏浚，更须修筑堤堰，建设闸口，以俾坚久。已于西安布政司库贮公用羨余银先动一千两，委员将龙洞、郑、白渠及时挑浚，其建闸工料约估银七千两，请亦于司库存贮羨余银内动用等语。朕惟兴修堤堰，乃于民生大有裨益之事，着动用正项钱粮，俟一切工程告竣，造报工部查核，

务期渠道深通，堤堰坚固，俾农田得以永赖，以副朕保惠元元之至意。钦此。”督臣岳钟琪遵旨筑浚，自龙洞渠以下淤塞尽去，计增高水堤四百三十五丈余，石堤一百三十七丈余，土堤一千八百丈，费帑五千三百六十余两。泾阳、醴泉、三原、高陵、临潼五县皆饶灌溉。七年，总督查郎阿以渠工需员专理，题请西安管粮通判改董水利，驻扎王桥镇，俾得随时修葺，无废厥工。乾隆二年、三年，两次奉旨修浚，计高水堤五百五丈余，石堤九十一丈余，土堤千七百六十丈余，共费帑五千三百七十余两，迄今保固无虞。惟是郑国开渠之始，渠与河平，泾水顺流而入，又东合冶、清、浊三谷及薄台、石川诸河，东北注洛，故能溉田四万余顷。自郑渠废而白渠兴，循泾而流，东南注渭，其所灌者，才及郑渠什一耳。自是而后，河流日下，渠身益高，宋之丰利，元之王御史渠，明之广惠、通济，皆刊山凿石，力争上流，其始未尝不灌溉优渥，而后卒不继者，总由泾水在山，势甚汹涌，木石圉堰，旋没旋冲，兼之诸渠石隘，泾水泥多，司事者又以岁修动项有限，视为故事奉行，以致阅年既久，滓泥积叠，渠底高印，水源旁溢，近今所灌下流田亩，册报仅称五百六十六顷九十八亩而已。倘再不为经画，必至淤塞断流，使数千年之利渐至湮没，良可惜也！

乾隆乙未春三月，中丞毕公以护送川师入蜀，回次泾阳，率同大令，由赵家桥蹑屣沿堤攀跻分寸二十余里，直至仲山洪口，周览相度。余时追随左右，稍悉情形。大约古今势异，引泾入渠之说，断不能行。中丞归，与省僚集议，酌古准今，相时度势，具奏观察翁公耀专司其事。先为疏浚下流，务令渠底深通，自龙洞至王屋一斗，计开通二千三百九十四丈，水行一百三十四里，分灌醴泉、泾阳、三原、高陵地亩，计得一千余顷。将来增高倍薄，尽收两岸之泉，渐次开道凿山，再引上流之水，则浸灌之泽，岁计有余，无难超轶宋、元与元鼎、太始之间，方其美利矣！故卷中备载历代修浚之方，并前人利弊诸议，俾留心沟洫者有所考焉。至冶渠独溉邑西北田，清渠与三原相错，间或聚讼，然河流无壅遏之患，渠身无艰涩之虞，非若泾渠之工大而费烦也，故从略云。



## 西安府志卷第八

# 大川志 附水利

三原 盩厔 渭南 富平 醴泉 同官 耀州

### 三原县

**清谷水** 《通志》：一名曲梁水，在县南、北两城之中，自耀州流入，又东南径泾阳，复径县境，入高陵界。《水经注》：清水自历县南原出<sup>①</sup>，谓之清水口，东南流，绝郑渠，又东南，入高陵。《县志》：亦名清河，自耀州来，至县西北十五里许出谷口西南，冶谷水自淳化来会，又东径县北门外，东流至临潼界入石川河。

**浊谷水** 《通志》：在县北，自耀州流入。《水经注》：浊水上承云阳县东大黑泉，东南流，谓之浊谷水，又东南出原注郑渠，又东与沮水合。《耀州志》：浊谷水南至三原，曰楼底河，又东至张村，分数渠灌田，至唐村，无复河道。《县志》：在县北清谷水东。自耀州界出浮山峪口，南下东流，其水峻急浑浊。

**赵氏河** 《县志》：在县东北。其上源曰涧谷河，自耀州流入，下流至富平界科子头，与石川河会。

---

① 本志录《水经注》此句疑有误。《水经注·渭水》关于清水的记载如下：“水出云阳县石门山，谓之清水。东南流，迳黄陂山西，又南入殽翎县，历原南出，谓之清水口。东南流，绝郑渠，又东南，入高陵县。”据《陕西省志·行政建置志》（三秦出版社，1992年）：殽翎，西汉景帝时置县，武帝时属左冯翊，辖区约为今耀州及铜川部分地区。



**焦获泽** 《雍胜略》：在县西五里。《朱子诗传》：焦，未详；获，在三原县。《县志》：即今之渠口。

**五龙泉** 《县志》：在县东北三十里五龙村。五泉合流，方一里许。

已下水利。

**大白渠** 《通志》：即北白渠。自泾阳北限分水，东入西关内。支分南流者为石囤斗。又东经县城内，出东关外。支分南流者为平皋、大小等斗。今按：此渠昔时东北入富平，今至大召村丘。大白渠之下，则为邢堰。《长安志图说》：堰不知所起。因北限地高，水势不及，遂引清、冶二谷水，经三原龙桥镇以东至邢村，截河为堰，其水与泾合流，下分二渠，中有深沟，即古白渠故道也。《县志》：县西北里许，清河南岸，古渠一道，南抵白渠。又清河上流东岸，亦有古渠，绕县北关，迤迤东北而去，明宣德间遗迹尚存。亦谓之邢堰，旋废。邢堰之下又分二渠，北曰务高，今废。南曰平皋。按：平皋渠即今白渠之经流县城者。

**中白渠** 《通志》：在县南官村。自高陵入县界，东流至高家堡，支分为洪沙渠，东入临潼界，其白渠正流复入高陵常家村。

**毛坊渠** 《县志》：在县北三十五里洪水镇南、清峪河北岸作堰，清峪河又自西而南为原成渠，在闫村清河上流西岸作堰，按：清河自耀州入县境毛坊里，西流数十丈后折而南，故毛坊渠在北岸，原成渠在西岸。其下流入泾阳。峪水又南为工进渠，于杨杜村清峪河东岸作堰，经第五村，又从东支分而南，凡四斗，其渠正身则东南穿泾阳之鲁桥镇，与下五渠合。

**五渠** 《通志》：渠首在泾阳峪口西北，清峪河东岸。穿鲁桥镇，会工进渠，折而东流入县界，经潘家等堡，又支分为斗门。渠身正东流至无量庙前，会浊峪水，东过西阳镇北，又东北经康马堡北，为翟家堰。又折而南，从北岸支分者凡三斗，南岸支分

者凡五斗。又西流入西阳镇之东门，又分二支：一支北流出镇北门，与先过西阳镇北之渠身合；一支西南流，出镇南门复西流，为荐福堰。

**木涨渠** 《通志》：渠首在泾阳鲁桥镇西谷口下，清峪河东岸五渠之下。先时，河底<sup>①</sup>渠高，水不能行，王端毅恕命乡人从谷口以上开渠，与木涨接，后因河水泛涨，渠口冲坏。其子承裕尚书复于上流开新渠，水得通行。旧时作堰，俱用小石，易于冲决，梁中书希贲输三千金购大石，垒砌宽厚，名曰滚堰，涓滴不漏，灌田七万余亩。

**小毛堰** 《通志》：在县北二十里。引浊谷水，于上流南岸作堰，经周家堡复东流，（子）[于]<sup>②</sup>北岸作堰，曰长孙堰，按：浊水来自耀州，入县界，先南流，后折而东，故小毛堰在南，长孙渠在北。经流九郎庙。《长安志图说》：三原北境高印，泾水不及，今引浊峪水，分为六渠，以溉近山之地。

**乌龙泉** 《通志》：在瓦窑沟。又黄龙泉，在二郎庙左。又龙尾泉，在老虎沟，一泉在上，属富平；一泉在下，属县。又白龙泉，在贾家陂。居民并导以溉田。

**神泉** 《通志》：在县东北四十里，一名白马泉，上有白马神祠。《县志》：泉有云气覆其上，一名白龙泉。焦源溥《记》：池阳之间有白龙谷，白龙之水出焉。有物居之，其状如龟，见则数雨。崇祯七年，秦中大旱，邑令张缙彦吁祀之，雨三日，岁乃大熟。又樊泉，《县志》：在县北二十里冯村山半，味甘冽。又天寿泉，在张村里。又孙家泉，在孙家村。又娘娘庙泉，在罗汉堡。又无名泉六：一在王村北，一在小王村观音寺，一在蔷薇寺后，一在苏家坡东，一在李张村东，一在蘧家坡西。诸泉积水，一昼夜可灌田三四亩。

① 底：似应作“低”。

② 据文意改。

## 盩厔县

**渭水** 《禹贡锥指》：在县北五里。自郿县流入，又东径兴平入郿县界。《水经注》：渭水东径郿坞南，按：郿坞在今郿县东北十五里。又东合洛谷水，按：洛，当作骆，在县西南。又东，芒水从南来注之，按：水在县东南。又东径槐里县南，又东与芒水枝流合，又东北径黄山宫南，就水注之。又东合田溪水，又东径槐里县故城南，按：城在今兴平东南十一里。又东合甘水。《县志》：渭河由郿县青化堡入境，东流径凤泉里四十里过县，北为武功界。又东流六十里入兴平界。

**韦谷水** 《长安志》：在县西南三十五里。自南山流下，至青化店入渭。《县志》：源出韦谷，其正流西径郿县境，支流东引为韦谷渠，散没县界。又韦谷东之寻罗、瓦庙二沟及马跑泉三水合流至闹庄，又北至油房头，合于凤泉水。又安乐山东之火炉山、红崖二沟水北至鸭口合流，又合海子沟、凤皇泉二水，至油房头合闹庄水，经哑柏镇西北入渭。

**强谷水** 《县志》：在县西二十里。源出强弩谷，北流五里合稻谷水，又北径阳化铺为阳化河，东北入渭。《长安志》：曲河在县西五里，其水合乱泉，北流入渭。《通志》：暖泉在县西南二十里，径南旺里，流三十里入渭。又耐山寺前有泉，至阎家舍合暖泉水。

按：《隋·地理志》盩厔县有温汤，疑即今之暖泉也。

**骆谷水** 《通志》：在县东二里。《水经注》：洛谷水出南山洛谷，北流径长城<sup>①</sup>西，入渭。《长安志》：沙河，在县东。自终南山北流，径县界三十五里入渭。《县志》：骆谷水正流为沙河，至人远村南合新口谷水，又北径县东尖村北入渭。其支流北至西关，

① 据《长安志》，盩厔县西南有长城戍。

引为城壕，东西分流。又合马家村河，北入渭。又清凉寺泉下流至淳沱寨，合时家山泉，入于沙河。

**黑水河** 《通志》：在县东十六里。《水经注》：芒水出南山芒谷，北流径玉女房，又北径竹圃，分为二流，一水北流注渭，其支流自竹圃西北入渭<sup>①</sup>。《县志》：黑水源出黑水谷，即芒水也。合韩谷、黄谷诸水，流至红崖，分为卢家河，又东北至沙谷堆，分为泥河，又东北径司竹局黑河湾北入渭。其卢家河自红崖北流，又有熨斗谷水北流至马召村北，合虎谷水，至火烧庄北合新口谷枝水，又径高店西北入卢家河，又东北入渭。其泥河则自沙谷堆北入渭。

按：《长安志》有韩水，在县南三十里，出南山蒲涧，北流二十五里入渭。疑即韩谷水也。

**就谷水** 《通志》：在县东。《水经注》：就水出南山就谷，北径大陵西，[历竹圃]北，与黑水合。水上承三泉。就水之右，三泉奇发，言归一渎，北流，左（径）[注]就水，[就水]<sup>②</sup>又北流注于渭。《县志》：就谷水流至三清殿军寨之东，为沙河，又径焦家巷西合飞升谷水，径大谷村北，合西观谷水，又径大坚社，入于黑河。

**田谷水** 《通志》：在县东二十里。《水经注》：田溪水出南山田谷，北流径盩厔故城西，按：故城在县东。又东北与一水合。水上承南泉<sup>③</sup>，又北注田溪水，又北流注于渭。《长安志》：田谷河出终南山下，北流至大坚社，为万里河，入于黑河。其西支流为磨渠，至楼观村，合闻仙谷水。又至省村，合东观谷水，北流至辛庄入黑河。其东支流为金水渠，北径

① 《水经注·渭水》作“一水东北为支流，一水北流注于渭也。”

② 以上据《水经注·渭水》补、改。

③ 南泉：《水经注·渭水》作“南源”。



终南里东，入黑河。<sup>①</sup>

按：田谷水今自流入渭，不合黑水。

**赤谷水** 《通志》：在县东南，一名漏水。《水经注》：漏水出南山赤谷，东北流，耿谷水注之，又北注渭。《县志》：赤谷水自赤谷北流，牛谷水注之，水出牛谷，东北合檀谷水，又径马蓬头，合赤谷水，至南寨涧为涧河，北入渭。

**耿谷水** 《通志》：在县东五十里。《水经注》：水发南山耿谷，北流与柳泉合，又东北与赤水会。《长安志》：耿谷水在鄠县西南三十里，阔三步，深一尺，其底并砂石。北流入兴平界合渭水<sup>②</sup>。

《县志》：耿谷水一名白马河，其正流径槐道诸村，至临川寺五里入渭。

**甘谷水** 《通志》：县东六十里，接鄠县界。《水经注》：甘水出南山甘谷，东合涝水。《长安志》：水在县<sup>③</sup>西南二十二里，阔三步，深一尺，北流入兴平界合渭水。《县志》：甘谷水北流至李家寨分二支，其西支流径双溪镇西，为沙河，至宋村东北入渭；其东支流径双溪镇中，为瑞福河，至史家庄入渭。

**涝谷水** 《县志》：在县东七十里。谷岸西为本县境，东为鄠境。北流至涝店入兴平界。

**仙游潭** 《县志》：在县南三十里，即黑水潭。宽二丈，号五龙潭。宋时每岁降中使投金龙祀之，旱祷多应。潭上有石壁峭绝，相传宋苏轼、章惇同游，惇履险以漆墨书壁处。又仙游泽，在县东十五里，周十二里，今淤。宋苏轼《仙游潭》诗：“翠壁下无路，何年雷雨穿。光摇岩上寺，深到影中天。我欲然犀看，龙应抱宝眠。谁能孤石上，危坐试僧禅。”

① 本条所引《长安志》文字，今本《长安志》未见记载。《长安志》卷十八“田谷河”条仅记：“在县东南三十五里，出终南山下，北流入黑水河。”疑本志此条文字录自《县志》。

② 《长安志》记耿谷水于《鄠县》。

③ 县，指鄠县。《长安志》记甘谷水于《鄠县》。



**望仙泽** 《寰宇记》：在县东南三十七里。《水经注》：漏水又北径苇园西，亦谓之仙泽。《元和志》：泽中有龙尾堆。《周地图记》：望仙宫南泽中有石盘龙两所，鳞甲动，有云气，声如鸣钟。《长安志》：泽周十里。《县志》：檀谷南有红石洞，洞有止泉，洞口有石盘龙，其东有富谷堆。疑即龙尾堆也。

**白龙泉** 《长安志》：在县东北一里。又没底泉，在县北一里。俱北流三里入渭。

**永女泉** 《通志》：一作涌女泉。《县志》：在县西七里。又玉女洞泉，在县西南三十里中兴寺。玉女，秦弄玉也。泉甘冽，饮之愈疾。即宋苏轼置调水符处。

**金井** 《贾志》：在县南三十里马召村。《县志》：有东西二井，相传隋文帝尝饮此，人呼为“御井”。又东南六十五里有六耳泉，今存其一。

已下水利。

**观音渠** 《通志》：在县西南二十里。引暖泉水，东北流经南晤堡。又西南五里为**兴隆渠**，知县梁克顺浚广济渠东岸支流，以溉新寺、南望等处田。按：此渠今仅供民间食用，无灌溉之利。相近为**新口渠**，引新口谷水，东流经枣林、人远二村火烧庄，又西南五里为**广济渠**，引西骆谷水，北流经雷神寨诸处，至西关入城壕，又北流入渭。《重浚广济渠碑记》：南山西骆谷水引入县治，循郭而东入渭，元末<sup>①</sup>堙塞。正统癸亥，郑公达来宰是邑，明年岁旱，井泉俱涸，汲者行六七里始得水。公访求故道，亲为区画，军民争操畚鍤恐后，渠道大闢，奔注于壕，乃复（岐）[歧]之为二，郭东、西民利赖焉。《县志》：后淤塞，县令骆钟麟复疏浚之。又西南五里为**圣泽渠**，《通志》：雍正四年，引黑营沟水，北流径方家山至高庙、斜里等堡，以供食用。又西南五里为**天河渠**，引车峪水及凤皇泉水，北流经上宝峪、昌谷坊、哑柏堡灌田。

① 未：当作“末”。

**红崖渠** 《通志》：在县南二十里卢河西岸开渠灌田，北流三里为二渠，又北三里为李家渠，又北二里为周家渠，又北二里为卢家渠，又北二里为艾家渠，又北二里为蔡家渠，又北二里为上官渠。按：八渠凡五堰。

**复盛渠** 《通志》：在县东南十五里卢河东岸开渠作堰灌田。又东南十里为黄家堰，渠在黑河东岸，开渠作堰，河水北流为刘家渠，在县东十里。又北为李王渠，在县东北十五里。又北为阿岔渠，在县东北二十里。又县东北十里有赵家渠，引淤泥泉水。

**就峪渠** 《通志》：在县东南三十五里，引就峪水西支为渠。

**贡院泉渠** 《通志》：在县东十五里，引贡院泉水。相近有龙泉渠，引龙泉水。又东五里有苇园渠，引天井泉水。又东五里有让泉渠，引苇园水。又让泉北有堰曰龙湾。二泉渠，在县东北二十里，流经黑河湾。

**磨渠** 《通志》：在县东南三十里田峪水西岸引水，西北流至楼观村，合闻仙谷水，至省村，合东观谷水。其在田峪水东岸引水东北流者为金水渠。按：后分水又改入下堰，亦名金水渠。又赤峪渠，在县东南四十五里，引赤峪水。又东南五里为东磨渠，引耿谷水东流，其在耿谷水西岸者为西磨渠，其下流为白马河。《县志》：河东北行者淫两岸圯，冲决为害，知县骆钟麟修浚，水循故道。其正北行者至官家庄冲决，钟麟复为修筑。

**乾沟河** 《通志》：在县西南二十五里，即强谷水下流。章泰《乾沟新河记》：河源出翠凤山，即俗所称娘娘山也。由山麓发源，迤邐东行以渐而北至七渠寺，则地平土疏，易于冲漫，每常夏秋水骤至，洪流四布，恣纵奔腾。明天启间邑令梁克顺留心沟洫，导水东行，绕六屯之南、槐花之东，曲折十余里以入于渭，既经途纡远，失其自然之性，又岁久淤积，河身浸高，以故在在泛滥，荡析田庐。余初归此地，相度地势，另辟新河，由七渠寺直达渭河。不但河中之水不能旁溢为灾，并平地沮洳低洼泥淖之道俱成燥土，遂使六十年之涂泥泽国顿改乐郊。

**沙河** 《通志》：在县东二十里，沙泉流出。县令章泰以南淇水以下，黑水湾以上，首尾六七里，河身仅宽数尺，水不能容，泛滥为患。康熙二十年春，开广三丈，浚深一丈，两岸坚筑高堤，水行堤中，止及其半，稻田大稔，花谷倍收。

按：盩厔故渠计三十有一，而例报册内仅载二十一道。因观音等渠水流微细，灌溉无多故也。惟广济一渠，发源西骆谷，历黄甫寨等十三村，直注县西城壕，既利田功，更资汲取，所关甚巨。乾隆三年，曾经动帑兴修，计长五千四百丈，宽八尺，深六尺，销银五百五十两。至二十年以后，久未疏浚，渐致淤塞。三十八年，徐大令作梅亲加履勘，见水源甚旺，挹注无资，因劝谕疏通。居民争操畚鍤从事，渠道大开，灌田无算，余水仍注城壕。并责成水老启闭疏泄，毋使淤填，以资利赖。又县有园碁寨堤一道，长三百二十丈，宽五尺，高一丈七八尺，亦于乾隆二十年修筑，计销银四百两。至古渠堰在县者有漆渠，《长安志》：在县南五里。又灵轺渠，《通志》：在县北。《河渠书》：关中灵轺引诸水。《汉·沟洫志》作引诸川水。《汉·地理志》：盩厔县灵轺渠，武帝穿。《水经注》：盩厔县北有蒙茏源<sup>①</sup>，上承渭水于郿县，东径武功县为成林源，东径县北，亦曰灵轺源。《通志》：源<sup>②</sup>在故上林苑中，今堙。又韦谷渠，在县西南四十五里<sup>③</sup>盩厔、(郡)[郿]县界，自扫帚岭流出，经塔庙渠，至青花镇，今虽堙没，渠形尚存。《长安志》：韦谷渠自南山流下，至青花店。疑即《寰宇记》县境之漳水也<sup>④</sup>。又红龙渠，《县志》：在县西南三十五里，引车谷水西流入涝池。又中望渠，在县西南，引耐山寺泉及暖泉水。又斑竹园泉，

① 蒙茏源，及下述之成林源、灵轺源，《水经注·渭水》作“蒙茏渠”、“成林渠”、“灵轺渠”。

② 源：亦当作“渠”。

③ 四十五里：《长安志》卷十八作“三十五里”。

④ 《长安志》卷十八“韦谷渠”条毕沉按：“《太平寰宇记》漳水在今县北五里者，或是雍水。”

《通志》：在县东三十里。又稻峪水，在县西南三十里。又莲花池、清泉，在县东南二十五里。今并湮废。

## 渭南县

**渭水** 《禹贡锥指》：自临潼界来，东径县北四里，又东入华州界。《水经注》：渭水自合冷水，又东得首水，又东得西阳、东阳二水，又东与竹水合。《县志》：渭水自临潼交口渡入县境，城北曰上涨渡，又东南流至仓堡嘴，曰下涨渡，又东北流至大李渡，入华州境。按：上涨、下涨二渡今湮。

**冷水** 《县志》：在县西四十里。发源马峪老池头，北流径南洛底。又白庄沟水，出驹儿岭北，西北流与冷水合，又西北合三岔河，径临潼之零口镇北入渭。

**杜化谷水** 《马志》：在县西南十里。《长安志》：水出零谷。《县志》：零谷口水在县西步高宫东，历新丰原北入渭。

**酒水** 《通志》：在县西门外。《水经注》：首水<sup>①</sup>南出倒虎山，南<sup>②</sup>总五水，单流北注入渭。《元和志》：酉水出县西南石楼山，北入渭。朱可弼《酒水桥记》：酒水，古首水也。源出石鼓山麓，与武渠、小峪、羊峪、曹峪、清水、石泉诸水合流于清涧头，迤迤而北，径邑城西、北二门，东注于渭。《县志》：酒水，山<sup>③</sup>石鼓山，北流径石泉岩峪，又径望竿岭西武渠沟至清涧头。有羊河，源出（元）[玄]象山之太峪。又有小峪河，源出小峪山，流径花园村，东合于清水河，河一名花园川，以曹后花园名，在县南三十里。一名清涧，源出黄狗峪，径南北月圆山，合小峪水。又有曹峪水，源出曹峪，流径伴红坡，俱北流入于酒水。又北径丰原北麓之口，又北径密時台之右，循县城西北入渭。

① 首水：《水经注·渭水》作“酒水”。

② 南：《水经注·渭水》作“西”。

③ 山：似应作“出”。



按：“酋”与“首”，疑因字形似而讹，然字书酒水名在雍州，则其来已久。又滔，亦音滔也。

**明光峪水** 《县志》：在县东三里，源出明光峪。相传昔时崖畔有光。其水北流入渭。

**西阳水** 《通志》：在县东八里，源出西阳谷，其东为东阳水，源出东阳谷。《水经注》：二水并南出广乡原北垂，北入渭。《县志》：阳谷水在县东，其水北流至官路，突起如脊，名分水岭，东、西流入渭。

**大赤水** 《贾志》：在县东二十里华、渭之界，一名竹水。《水经注》：竹水南出竹山，北流径郿加谷<sup>①</sup>，历广乡原东，俗谓之大赤水，北流注于渭。《县志》：一名清水河，相传晋周处斩蛟于此。又县东南有羊峪水，东有黑掌峪水、葫芦峪水，俱东北流入赤水。

按：《水经注》赤水有二，竹水为大赤水，在西；灌水为小赤水，在东。《寰宇记》：大赤水，一名箭峪水。盖以水出竹山，竹、箭之义相通也。《华州志》以小赤水为出箭峪，混二水为一，误矣。

**大岭川** 《通志》：在县西南百五十里。《县志》：自青冈坪至东西川南，总谓大岭川。

**万寿涡** 《通志》：在县北渭河北。《寰宇记》：在下邽县南四十里，此涡或兴雾起云，时有牛马猪羊变见形状游沙渚间。今涸。

**王尚泽** 《长安志》：在县西十五里。

**齐家滩** 《县志》：在县东北十里龙背寨东北。

**吕家沟** 《县志》：在县东南二十里。又东南五里坳底村有灵池。《长安志》：后魏永熙元年，水自涌成池，周八十步。

**涌泉** 《县志》：在城北，径百余亩，中蒔荷芰。

**袁公泉** 《县志》：在襟酒门外官路北。

**梁泉** 《长安志》：在县东南百五步。《县志》：龙尾坡东有梁

① 郿加谷：《水经注·渭水》作“媚加谷”。



泉，西有姜泉，又有甘泉。

按：《长安志》甘泉在县城内，以渭南故城在今县东南也。今泉在县神川原东南。

**蔡泉** 《县志》：在县城东，亦名蔡顺井，又名蔡孝子井。神川原北麓旧有井九，一曰魏王井，相传西魏都长安时所斲，余井湮塞。

**龙泉** 《县志》：在县西南四十里清涧。又灵源泉，在龙泉西南，即西魏置灵源县处。按：灵源故城在县西南。又县西南五十里马峪口有石泉。一作十泉。

**东西咸井** 《县志》：在县东北四十里甘泉社。

已下水利。

**东阳谷水渠** 《通志》：在县东十里。引东阳谷水自康家沟，流经候马等村灌田。

**杜化谷水渠** 《通志》：在县西十里，引杜化谷水灌田。

**瑞泉** 《通志》：在县南五里，当龙尾坡之半，悬流如线，旱祷多应。又南十五里有龙泉，又南二十里有清水河渠，引清水河。又南十里有小谷水渠。

按：古渠堰在渭南者，有漕渠，《长安志》：在县北一里。《县志》：自临潼来，东入华阴界。又白渠，《通志》：在县北，自临潼县流入，入渭水。《水经注》：白渠东径秦孝公陵北，又东南径居陵城北、莲勺城南，又东注金氏陂，又东南注于渭。按：《隋·地理志》载华阴有白渠，即此。《长安志》以白渠在栎阳入渭。今考《水经注》云白渠东注金氏陂，而《唐·地理志》亦载武德二年引白渠水灌下邳金氏陂，则县境白渠唐时尚流，至宋后始废也。又金氏陂，《通志》：在县东北。《隋·地理志》：下邳县有金氏陂。《寰宇记》：汉昭帝时，以金日磾有功，赐其地，因名。即今渠西废陂是也。唐武德二年，引白渠入陂，贞观三年，于陂侧置监，十二年，废监，以其田赐王公。古云此陂水满，则关内丰稔。陂西又有东陂，又南有月陂，形如月，皆名金氏陂。又义堤，《通志》：

在县北渭河岸，邑人光禄卿史记事筑。又赤水堤，在县东。南轩《赤水堤碑记》：赤水镇西堡田，旧称膏腴。嘉、隆中奔流冲决，堡壩渐圯，畦陇变为沙汀不啻千亩。张令栋观水度势，植柳筑堤，下穿水眼，以通灌溉。自堡东北隅开渠至西北隅，汇于北门左之古渠，于是水不为堡患，田亦有秋。又澇水，《县志》：澇水西湄，人恒筑堰作渠，自风门达之西关，北至槐衙，灌田可数十顷。又县东关北崖下昔有稻田数百亩，崖下有泉十余，又间穿井取水以灌。又西阳谷水，《贾志》：可资灌溉。又古湫池，《县志》：在渭南县城东北五十里交斜镇。又盐池，《通志》：在县东北六十里。《汉·宣帝纪》：宣帝尝困于莲勺卤中。如淳注：莲勺有盐池，纵横十余里，其乡人曰卤中。莲勺故城在县东北。《县志》：莲花池，在县东北来化镇，即莲勺县故址。今并涸。

## 富平县

**漆沮水** 《通志》：在县南，自耀州流入，又南入临潼界。《水经注》：沮水历土门南原下，东径怀德城南，按：城在县西南，非朝邑之怀德故城也。又东径汉太上皇陵北，按：《元和志》：陵在栎阳县东二十五里。东注郑渠。分为二水，一水东南出，即浊水也，至白渠与泽泉合，俗谓之柴水<sup>①</sup>，又谓之柴沮水，绝白渠，东径万年县故城北；其一水东出，即沮水也，东与泽泉合，又循郑渠，东径当道城南，又东径莲勺县故城北。按：当道城在县东北，莲勺今属渭南。《括地志》：沮水一名石川水，源出富平，东南入栎阳。《长安志》：漆沮水在县西北四十五里，过义亭、脾阳、丰润三乡。《县志》：漆沮水从县西而南至盘龙原，涧谷水入之。又东流历荆山之阴，自断原口而南，温泉河入之。

**金定河** 《通志》：在县西十八里，一名赵氏河。《县志》：即

① 柴水：及下文之柴沮水，《水经注·沮水》作“漆水”及“漆沮水”。

耀州涧谷河之下流。自田家营入境，至程家堡入石川河，计流县境十里。

**泽多泉** 《通志》：在县西北，即泽泉水。《水经注》：泽泉水出沮东泽中，与沮水隔原，相去十五里，俗谓是水为漆水也。东流径薄昭墓南，又径怀德城北，东南注郑渠，合沮水。《长安志》：泽多泉在县西十三里永润乡温泉村，东入薄台川三十里。按：薄台川在县南八里。东南入漆沮河。《县志》：一名温泉河，源出县西北中山麓，隆冬不水<sup>①</sup>。又涧头泉，在县西北十里，流径怀德城西，泽多泉入之，为薄台河。又流至县北，北泉入之。又至窰村，丰泉入之。按：丰泉俗称稻地泉，今涸。又东至南阳村，北陆川入之，按：北陆川在县东北五里。即军塞西泉也。又至安头南入石川河。

**频水** 《通志》：在县东北七十里。源出频山，即大小石谷二涧水。《长安志》：大石谷涧在美原县北十五里，小石谷涧在县北十里。《县志》：频水微甚，出山不一二里即涸。山前为通川，一名锦川，秦（主）[王]翦求美田<sup>②</sup>，即其地。又梁丘涧，在县北五十里。

**卤泊滩** 《通志》：在县东，即盐池。《魏·地形志》：频阳有盐池，一名盐池泽。《唐·地理志》：富平有盐池泽。《元和志》：盐池泽在县东南二十五里，周回二十里。《县志》：白马泉在咸泉东十里，即阴村右泉。东流至张北里东南，与龙泉水合而东流五里，为卤泊滩，一名明水滩，一名东滩。冬夏不竭，可煮盐。又县西二十里为臧村滩，岁旱，其土可煎盐，谓之西滩。又县东十里有盐泉，曩时味咸，近甘可饮。

**五龙泉** 《县志》：在县西北。

已下水利。

① 水：当作“冰”。

② 事见《史记·王翦列传》。

**官渠** 《县志》：漆沮水历县西北隅，曰岔口河，自北而南，水滨皆可导灌田亩。其由东滨而南者，初曰官渠，一名判官渠。在县西北五十里。按：此渠今失修浚。次文昌渠，《长安志》：文昌渠在县西北十七里永闰乡。自义林乡引漆沮河水，溉民田十里。又南为通镇渠。又南为永济渠。《长安志》：永济渠在县西北二十五里，引漆沮河水，灌民田十里<sup>①</sup>。又南为石惠渠。又南为自在渠。又南为永兴渠。又南为新渠。又南为顺阳渠。又南为石水渠。《长安志》：石水渠在县西北二十五里，引漆沮河，溉民田十里。

**永润渠** 《县志》：起木节口，抵故漏泽园，近则水至南关。南为广济渠。又南为永丰渠。又南为溢水渠。又南为遗爱渠。又南为千年渠。河水又自南而东流，为阳九渠。《长安志》：阳渠在县西南二十八里，引漆沮水，溉民田十五里。《县志》：一名广惠渠，遇雨泽时降，则引石川河水，旱则由金定渠筑堰，借引赵氏河水，此石川东滨之灌田者。其由西滨而南者，最北曰偃武渠。《长安志》：偃武渠<sup>②</sup>在县西北四十五里义林乡，来自华原县，流经县界，溉民田八里。南为中渠，按：石川诸渠，旱甚则流亦微细，惟堰武、中渠长流不竭，以兼引梁家泉水故也。又南为小白马渠，又南为大白马渠。《长安志》：白马渠在县西北四十里义林乡信义村。引漆沮水，溉民田十五里，又南为永兴渠。

**洞子渠** 《县志》：起十八坊灌田，南为河西广济渠，雍正三年开。又南为永寿渠，又南为长泽渠。《长安志》：长泽渠在县西北三十里义林乡西阳村，引漆沮水，溉田十五里。

**金定渠** 乔因阜《金定渠记》：渠起县西十里盘龙湾，引赵氏河水。抵义城石川，深二丈五尺，阔一丈八尺，长二十余里。又渠堰为障水，计长十二丈，底阔一丈五尺，顶阔八尺，邑令刘兑

① 十里：《长安志》作“一十二里”，《类编长安志》作“二十里”。

② 偃武渠：《长安志》作“堰武渠”。本志下文按语亦作“堰武”。下同不校。



开。又西十里为直城渠。《长安志》：直城渠，一名簿台河<sup>①</sup>，在县西南二十里，溉民田二十里。《县志》：邑水灌田，次者温泉河也。引泉水历南岸灌齐堡村者，为直城渠，东流与泽多泉合。由北岸引以灌田者，为怀德渠，支分为顺城渠，起老堰，止焦村。傍河易崩损，县令刘兑分怀德渠水，由温泉石桥槽而南，至于县隍，更渠名玉带。复横穿温泉河而南，至县北门外，经流窰村。又东为圃田渠。

**顺阳渠** 《通志》：在县东北频山下。山后同官界，地势甚高，诸山之水皆自频山下注。分东西二河，东河自赵老峪出，分为二派，东曰顺阳渠，西曰薛家渠。按：薛家渠旧灌薛家沟等十二村田，今渠口犹存，而各村堡支分小渠大半圯废，利益无多。西河出山南流，其在河东者为孙家渠，弘治<sup>②</sup>间开浚，在河西者为朝阳渠。

按：富平渠堰皆资漆沮、赵氏、温泉三河，故渠凡三十有七，久未修浚，日渐湮塞，崔大令龙见重加勘视疏通。昔《志》所载自在、新开二渠久废，其广济、大白马、新渠、永济、杨家、清泉、小判官、永兴、遗爱、长泽十渠，灌田如旧。文昌、石惠、通镇、永济、永兴、永丰、广泽、永昌、溢水、石水、千年、永润、偃武、小白马、兴隆、中渠、永寿十七渠，计今灌田二百七十二顷六十一亩，数皆视昔有加。《县志》旧称中渠灌田千亩，永寿灌田二万亩，皆妄。此漆沮河渠现在二十七道之情形也。又赵氏河自县西乡盘龙湾抵交口入漆沮，为渠二，一曰广惠，灌田十二顷；一曰金定，灌田十顷。温泉河渠六，曰怀德、顺城、即旧志之直城。玉带、即旧志之顺城。倒回、宏济、圃田，灌田数目与前略同。又顺阳河一道，开渠名直城者，自西乡神下村发源，至齐堡村，灌田四十亩。按：即前志

① 簿台河：上文作“簿台河（川）”。《长安志》无“一名簿台河”五字。

② 本志此处“弘”字缺末笔，以作避讳。



之顺阳、薛家二渠，非温泉河之直城也。又大水峪古渠，灌田六顷三十亩。统计境内渠三十七道，今并时加浚治，一律深通。至渠名及经流村落，志乘每互有异同，良以渠道非大川可比，多凭农民口述及案牒流传，留心履勘，自能画一也，他县并仿此。

至古渠堰在富平久已堙废者，有郑渠，《通志》：在县北，自三原流入，又东入蒲城界。又北白渠，《周·文帝纪》：大统十六年，泾州刺史贺兰祥修富平堰，开渠引水，东注于洛。《长安志》：渠在县南二十里，来自三原，溉富平民田四十里。其水东入漆沮河。又龙门堰、石川堰，并在县南二十里。常平堰，在县东南二十五里。又寇莱公渠，《县志》：在县东南，南入临潼界，有故迹。世传莱公修者。又潼河，《县志》：在县北三尺岭北，说者谓导潼河水而南，由赵老峪出，借顺、薛二渠，灌山前田，岁可一二千顷。潦不灌时，引水令历盖村而西，从河故道至于后坡，旱、潦可恃无恐。明县令时泰屡议疏凿，未成而罢。

## 醴泉县

**泾水** 《通志》：在县东北五十里。自淳化界流入县境，又东南入泾阳界。《水经注》：泾水东径九峻山东，仲山西。《县志》：泾水入县界，泔水流入焉。东岸则郑白渠所出也。

**泔河** 《通志》：在县北十里。自乾州流入，又东合于泾水。一作甘河。《长安志》：甘河自县西北甘北镇来，至县东北泾甘渡入泾水，又作甘泉。《魏·地形志》：宁夷县有甘泉。《隋·地理志》：醴泉县有甘泉水。

**石泉谷水** 《县志》：在县西北四十里。水自石出，两水合流入于泔。民因其流为水磨。一名浪水。《隋·地理志》：醴泉县有浪水。《寰宇记》：承阳山有石泉，《黄图》谓之浪水。

**白水谷水** 《通志》：在县北八十里。又波水谷、豆卢谷二水，俱在县东北七十里。又巴谷水，流径昭陵之右，并南流入于泔水。

按：《隋·地理志》：醴泉县有波水。当即波水谷水也。

**泥河** 《通志》：在县城北。源出泥泉，东流入泔水。北岸有志公泉，相传梁僧宝志卓锡于此。

**岩谷水** 《通志》：在县东北观音堂，水出石罅中，南流入泔水。

**湫池** 《县志》：在县东南十五里显圣庙南，水清而深，祷雨有应。

**醴泉** 《贾志》：在县东南三十里。周数十步，深不可测。汉宣帝时涌出，隋置县于此。

**麻池** 《通志》：在县东五十里。

**郑公泉** 《县志》：在县城西北。县令郑廷秀修望乾桥，有泉涌出，因名。

**郑泉** 《县志》：在县东北七十里。

按：《县志》：“郑子真躬耕谷口，挹泉于此。”考子真谷口在褒城箕山，今云在醴泉，盖误，详见前。

已下水利。<sup>①</sup>

**龙洞渠** 《通志》：在县东北六十里。《长安志图说》：醴泉本汉谷口治所，在泾水西，今犹有田在于泾东，与其灌溉，夫役不及。宋修石渠，六县夫无醴泉。《泾阳志》：醴泉在渠上游，所溉之田甚少。今分泾阳王屋斗内水，灌田三千三百余亩。

按：古渠堰在醴泉者，有安谷水，《县志》：在县北二十里，明嘉靖四年，谷中出水，居民引以灌田。又巴谷水，在县北八十里，经昭陵右。万历间，邑人赵云璧创渠于此。又岷峪河，在县南。又观音泉，在县东北，与巴谷水合流溉田。今皆无灌溉之利。

① “已下水利”四字原在“郑泉”条之后，据文意，移至该条按语之后。

## 同官县

**沮水** 《通志》：在县西四十余里。自宜君界径耀州流入县界，又南流复入耀州界，即宜君水也。《耀州志》：宜君水自州西北受府西河，南入同官境，为梁寨河，又南受吕村河，又西南受沙罗水，又南复入州境。

**铜官川** 《通志》：在县东北一里。西南流合漆水，入耀州界。太元九年，苻秦堰铜官川水以困姚萇，即此。《水经注》：铜官水出役翎县东北，西南径铜官川，谓之铜官水。又西南流径役翎县东。《县志》：亦谓之同水，源出哭泉，自县北南流与漆水合。

**漆水** 《县志》：在县东北五十里。源出北高山，西南流合铜官川，又南受雄同川水，按：《长安志》：水在县东四十里。又西南受雷平川水，按：《通志》：水在县西二十里。又西南入州界。其水善溢，甚为邑害。

**乌泥川** 《县志》：在县东北十五里，源出车挽沟。又有汉井泉水，在县东北三十里，南流合乌泥川，东入蒲城界。《通志》：乌泥川源出鳌背山，径县东南流入白水縣，为白水，又入蒲城县为南河水，又东南入洛。又东北十五里为大石盘川<sup>①</sup>，又有小石盘川，在县北四十里。《耀州志》：循马兰山北而东流，合大石盘水。《长安志》：川东流入坊州宜君县界。

**清廉泉** 《贾志》：在县署。又芹井，《通志》：在儒学，味甘，比他井斤重二两。洪武二年，开平王常遇春行军至此凿。

**柏榆泉** 《长安志》：在县西南一里。又三山泉，《通志》：在县东南，疗宿疾。又亭子泉，《长安志》：在县东一里。

已下水利。

**护城堤** 《县志》：在县城东。起金山之东环城，东南接嶂山

① 《长安志》卷二十：“大石盘川水在县东北五十里马栏山北。”

之麓。明万历二十一年，县令马铎以漆、沮二水为城患，筑堤障之。四十五年，县令刘泽远增筑完厚，水去城百丈许。

## 耀州

**沮水** 《通志》：在州西门外。自同官界流入，又东南入富平界。《水经注》：沮水径宜君川，世谓之宜君水，按：水在鄜州宜君界。又得黄嶽水口，按：水出云阳县石门山黄嶽谷，东南流注宜君水。云阳，今淳化县。东南流径役翎县故城西，按：城在今耀州东一里。又南合铜官水，又南出土门山西，谓之沮水。《禹贡锥指》：沮水出中部子午岭，径州西而东会漆水。《州志》：沮水自宜君东北界来，一出银儿坪，一出太子石，俱西南至杨秀川合流为宜君水。又南受郑川水，又过唐家店，受大峪河水。又南过耙楼山，受纸房河水，又南受姚谷河水，又南受石觜河，又南受府西河水，又南入同官境合诸水，又南至苏家店复入州境，为堰头河。又南受胡思泉，始名沮水。过锦阳川，径州城西，循西乳山，受梁家泉水，东会漆水，合流出鹳鹑谷，入富平界，通名为石川河。

**漆水** 《通志》：即铜官水。《禹贡锥指》：在州东门外。水出同官县东北，西南注铜官水，又西南至州南与沮水合。《水经注》：铜官水，又东南<sup>①</sup>流径役翎县东，西南流径其城南原下，而西南注宜君水。《长安志》：漆水，同官界来，经县十五里，南流入富平界合沮水，俗名石川水。《州志》：自同官西南入州境，尹师涧水入焉，按：涧在五台山北五里。又南径城东五台山西，至乳山下合沮水。

**涧谷河** 《通志》：一名金定河，在州西南十五里。水清见石，又名见底河。《州志》：水出州西北孝义乡焦岩村，东南过牛村，

① 东南：《水经注·漆水》作“西南”。

名申家河，又东南名鱼池河，又东南入三原界。

**浊谷水** 《通志》：在州西南。《水经注》：浊水上承云阳县东大黑泉，东南流，谓之浊谷水，又东南出原注郑渠。《州志》：水出州西北甲池堡南马鞍口，南流二十里为宝泉河，又南为凉泉河，又南至三原曰楼底河。

**清谷水** 《通志》：一名清河，在州西三十五里，自三水县流入，又南入三原界。《水经注》：清水流径黄嶽山西，又南入役翎县，历原南出，谓之清水口。《州志》：水一名清河，出州西北石门山麓，南至小丘合环河，南经泾阳、三原，至临潼之相桥入石川河。又州境有三谷水，皆流入峡中，石上往往有凿孔，深广尺许，盖旧时碾础遗迹也。又环河，在州西北六十里，源出大唐山，流过金圭、车盖二山，东南与清谷水合。

**绣女房沟** 《通志》：在州西北百十里，有石洞。相传后周明帝为宜州刺史，采女于此。

**凉泉** 《通志》：在州西南三十里凉泉里，其水极凉。又州境有御池泉、五龙泉，俱自山顶涌出。

已下水利。

**漆水渠** 《州志》：在州东南五里，南为退滩渠。漆水经同官，终县境，无灌溉利。流经耀州城东南，始有二渠，俱明成化时知州邓真开，灌城东南负郭地。

**新开渠** 《通志》：在州西北二十里，引沮水灌田。南为烟雾渠，在州西北十里。又南为甘家中渠。二渠俱嘉靖中知州李廷宝开。又南为甘家渠，又南为通城渠，灌北关田，入城中，灌在城园田，名洒街水，盖金、元故渠。永乐初，州判华子范开，成化时知州邓真重修。又南至阴家村，为水磨渠。又南至城西为越城渠，灌城西南负郭田。沮水又南合漆水，入富平界。

按：古渠堰在耀州者，有强公渠，《通志》：在州西南。《唐书·强循传》：循仕雍州司士参军，华原无泉，人畜多渴死。循教民凿渠浸田，一方利之，号强公渠。又州东有漆水堤，《宋·河



渠志》：熙宁七年，知州阎充国募民治漆水堤。《州志》：成化中，漆水啮州东城。嘉靖二十五年，知州周廷傑作东城石堤，或以为就宋堤治之也。今并堙废。

## 西安府志卷第九

# 建置志 上 城池 公署

关中建置之盛，自周官三百，各树厥宅，而后下讫汉、唐，陞戟百重，周庐千列，所谓各有典司，星罗棋布者，大半已成古迹，不可复问矣。兹卷特志其现理者。城池所以卫民，公署所以临民，故先之。次之以关镇，次之以邮传，皆建置所有事也。至军政，虽非太守所职，然驻扎分防，皆其所辖之地与所治之人，故附载焉。仿《汉志》例，分上、中、下卷。

## 西安府

### 城池

**府城** 《通志》：即隋、唐京城。隋文帝厌长安制小，纳苏威谏，召高颉等创建新都，其地在汉故城东南，南直终南子午谷，北抵龙首山以据渭水，东临灞、浐。唐永徽五年，筑罗城。天祐元年，匡国军节度使韩建改筑，约其制，谓之新城。宋、金、元皆因之。明洪武初，都督（沐）[濬]<sup>①</sup>英增修门四：东曰长乐，西曰安定，南曰永宁，北曰安远。四隅角楼四，敌楼九十八座。嘉靖五年，巡抚王荃重修城楼。隆庆二年，巡抚张祉甃以砖。崇祯末，巡抚孙传庭筑四郭城，闯寇入关，焚东门楼及南月城楼。本朝顺治十三年，巡抚陈极新修葺如制。康熙元年，雨圯，总督白

<sup>①</sup> 据清雍正《陕西通志》卷十四改。濬英，《明史》有传。

如梅、巡抚贾汉复重修。长安、咸宁二县附郭。

按：西安，省城。《通志》云：周四十里，高三丈。以今尺度之，周遭计长四千三百二丈，实二十三里九分。外砖内土，均高三丈四尺，底厚六丈，顶厚三丈八尺。于乾隆二十八年中丞鄂公奏修，计动帑费一万八千九十四两有奇，至今完固。至周城河，共长四千五百丈，旧深二丈，广八尺。今中丞毕公以此濠与龙首、永济二渠实相资辅，于三十九年议加开浚，加深四尺，面宽六丈，底宽三丈，逾年毕工。计动工费银八千两有奇。

**钟鼓二楼** 《通志》：在城内，东西相距半里许。明洪武十七年建，正统五年修，本朝康熙三十八年复修。

**满城** 《通志》：在府城东，西界钟楼。本朝顺治六年，即故明秦府基改筑，以居八旗官军。门五：东仍长乐，西南因钟楼，西北曰新城，南曰端礼，西曰西华。《一统志》：周九里。

## 公署

**总督部院署** 《通志》：在府治西南。旧驻固原镇，顺治初移西安，总督孟乔芳创建。康熙元年，总督白如梅复因正学书院旧址拓修。二十三年，以汉中为川陕适中地，移建制府，以便兼辖，后仍还原署。四十二年，圣祖仁皇帝西巡，赐总督博济署额曰“保厘秦陇”。

按：陕甘总督旧驻西安，后以西陲办理军务，移驻肃州，以便调遣。大功告成后，于乾隆二十九年三月初六日，奉上谕：“肃州距西安会城较远，于腹地属员案牍控驭转多隔碍，著将兰州巡抚衙门改为督署，令该督移驻并兼管巡抚事，毋庸更设巡抚。所有原设抚标，即改为督标，其旧设西安督标，改为提标。即令固原提督回驻西安管辖。钦此。”时总督移驻兰州府，所有西安府城院署，仍复时加修，为制军行台焉。

**巡抚部院署** 《通志》：在府治北，明宣德七年建。嘉靖二十一年，巡抚赵廷瑞增修。复导通济渠，由西垣入，东垣出。本朝康熙二十四年，巡抚鄂恺重修。《资政录》：四十一年，圣祖仁

皇帝赐抚臣鄂海“召棠郇雨”额，“百二山河歌保障，三千礼乐辅经纶”联。四十二年，翠华西幸，赐抚臣鄂海“永绥秦壤”额，“衣冠累世王公胄，柱石三朝社稷臣”联。又赐抚臣鄂海“为政宽恕”额，“三秦地阔荣开府，二华峰高比重臣”联。恭悬署内。

按：抚标中军参将署，《通志》：在咸宁所二坊。城守营参将署，在长安所一坊。其余武职公署，不具载。

**将军署** 《通志》：在满城吉茂巷。康熙四十二年，圣祖仁皇帝西巡，赐将军臣博济“列雅著赞”额，“长为士心思鼓舞，肯因国事惜勤劳”联。

**副都统署** 《通志》：在满城东北。按：满城各职官公署不具载。

**会府** 《通志》：在满城西南。

**陕西提督署** 《陕甘资政录》：在府治西南。

按：陕西提督，旧称固原提督，驻固原州。乾隆二十九年，奉旨移驻西安，所有官署，即督标中军副将署址改建者。

**布政使司署** 《通志》：在府治东。相传为秦穆公故府。唐为尚书省，一云为于志宁、郭汾阳宅基。金即其地为行署。元为行省，延祐间修。明洪武七年，改为司署，设僚属廨舍。十七年，增修。正统八 years 左布政使郭坚，嘉靖二十九 years 左布政使葛守礼继修。本朝顺治五年左布政使刘宏遇，康熙四年布政使颜敏重修。广积库在大堂旁。四十二年，圣祖仁皇帝西巡，赐布政使臣鄂洛“清慎勤”、“云峰”二额。

按：经历司、理问所、广积库、大使廨，《通志》：俱在布政司大门内东偏。

**按察司署** 《通志》：在府治西。明洪武初，因元御史台为治，在布政司东，后并入秦府，移建今署。正统十年按察使邓棨，成化十年按察使王朝远，十三年按察使刘福拓修。本朝康熙四十二年，圣祖仁皇帝西巡，赐按察使臣何嘏“清慎勤”额。狱在署内西偏。雍正七年，按察使硕色葺。

按：经历司、司狱廨，《通志》：俱在按察司署内。

**粮盐道署** 《通志》：在布政司署左，旧为左参政署。康熙四十二年，圣祖仁皇帝西巡，赐参议臣黄明“清慎勤”额。五十四年，参议祖允焜葺东园于署左，后改道署。

按：大使廨在仓内。

**驿传道署** 《通志》：在府治西北。先是，道署在按察司内，明成化十三年改建。本朝康熙二十一年裁缺，署废，三十一年复设，副使张霖徙今治重建。

按：今治本巡按署，顺治十八年裁缺，署废，后改今治。

**西安府署** 《通志》：在布政司西元奉元路址。明洪武二年建，永乐间葺。正统四年知府邓晟，天顺四年知府余子俊拓修。八年，重建。（宏）[弘]治十五年知府马炳然，嘉靖十三年知府夏雷，二十四年知府吴孟祺，二十六年知府胡汝辅修。《陕甘资政录》：本朝乾隆八年知府朱闲圣，三十二年知府克尔图，四十年知府周廷俊，四十一年知府田锡莘继修。狱在堂西南。

按：经历司署，《通志》：在府堂西。照磨所，在经历司南。知事厅，在府堂西北。司狱司，在府署中门西偏。皆明嘉靖十三年知府夏雷易西隅民房改建。二十四年知府吴孟祺复分建廨舍，丞处其东，倅处其西。

**理事同知署** 《陕甘资政录》：在府治西，为旧裁分守道署。乾隆三十八年同知海尚阿修。

**清军同知署** 《陕甘资政录》：旧在府署内东偏，乾隆三十二年改为库厅署，今移府治东南旧裁都司署，乾隆三十八年同知田高修。

## 长安县

### 公署

**县署** 《通志》：在府治西。唐天祐间韩建筑西郭小城为县治，



宋、金、元皆因之。明洪武四年，移建今治。明末圯。本朝康熙元年，知县梁禹甸改建。《陕甘资政录》：乾隆三十一年知县潘时选，三十七年知县钱人龙继修。库在堂西，狱在西南，复有小仓以羁轻犯，皆梁禹甸建。

**县丞廨** 《通志》：在县堂东。**典史廨**在丞廨南。

按：长安旧无主簿，乾隆三十八年，中丞毕公奏请增置。驻斗门镇。

**迎宾馆** 《通志》：在西关外。

**养济院** 《通志》：在西关外。《陕甘资政录》：乾隆二十九年，知县潘时选修。

## 咸宁县

### 公署

**县署** 《通志》：在府治东南三里许。唐天祐间韩建筑东郭小城为县治，宋、金因之。元泰定、至正间，县尹唐兀、王义修。明洪武初，因拓城，移建今治。嘉靖二十三年知县马佩，万历十二年知县李生芳，三十四年知县满朝荐，崇祯五年知县阎思学继修。土地祠，在仪门右。本朝康熙三年，知县黄家鼎以狱分轻重，度狱东南隙地，建仓一所。《陕甘资政录》：乾隆二十八年知县龚元朱，三十六年知县杨嗣衍复修。库在堂西，狱在仪门内西。

**县丞廨** 《通志》：在县堂右。**典史廨**在丞廨南。

**迎宾馆** 《通志》：凡三所，二在东关外，一在北关外。

**养济院** 《通志》：在城内西北。《陕甘资政录》：乾隆二十九年知县龚元朱修。

## 咸阳县

### 城池

**县城** 《通志》：旧在杜邮西，明洪武四年，县丞孔文郁迁

今治，筑城浚濠。以南临渭水，冲崩为患，景泰三年知县王瑾修，正德十三年知县底蕴复修。河岸制桩板，沿堤覆翼。嘉靖九年，巡抚刘天和复修。二十六年，巡抚谢兰拓东、西、北三隅，门九：东曰朝阳，西曰望贤，南曰渭阳，北曰五陵，学道门曰文明，上各建楼。又有西北、小北、小南及新城门。万历丁亥，堤圯，水浸及城，知县樊镛修筑。崇祯中，知县张名世重筑。

按：咸阳县城土筑，周遭共长一千四百二十二丈三尺，计七里九分。城身均高二丈四尺，顶厚一丈一尺，底厚二丈。乾隆十四年，知县臧应桐修葺，动项一万九千三百二十八两有奇。池深一丈五尺。又城南渭河每虞汕刷，乾隆七年，知县姚世道请于南门外东，筑护城石堤一道，长一百三十丈，高九尺五寸，宽三尺五寸。又南门外西，筑石堤一道，长五十丈，高九尺，迄今完固。每值河水涨溢，不为城患。

### 公署

**县署** 《通志》：旧在城西北，今在城中。明洪武四年，县丞文郁建。本朝顺治中，知县江山秀修。《陕甘资政录》：乾隆三十五年知县舒其绅，三十九年知县孙景燧继修。库在堂东，狱在西南。

**县丞廨** 《通志》：在县堂东。典史廨在县堂西。

**养济院** 《通志》：在县治北门外。

## 兴平县

### 城池

**县城** 《通志》：隋大业九年建。明成化十三年知县王琮修筑，嘉靖三十一年知县刘贤引泉溉土筑之，完固（陪）[倍]昔。三十五年知县朱文环堞筑台起舍，建四门楼。三十八年知县章评改建谯楼于东南城上。四门：东曰喜雨，西曰喜丰，南曰喜晴，北曰喜

雪。本朝顺治中，知县徐开熙重修。

按：兴平县城土筑，共长一千六十五丈七尺，计五里九分有奇。城身均高三丈三尺，顶厚一丈八尺，底厚三丈。乾隆十七年，知县刘琪详修，动项一万五千四百七十五两有奇。池深一丈。

## 公署

**县署** 《通志》：在城内东南，元至正十二年建。明洪武十二年知县沈讷修。成化中知县王琮，嘉靖中知县郭孔完增修。乙卯岁地震，倾圮，知县朱文修，章评拓修。《陕甘资政录》：本朝乾隆三十二年知县张锡龄，三十六年知县姜兴周相继增修。库在堂左，狱在仪门内东偏。

**县丞廨** 《通志》：在县堂东。**典史廨**在县堂西。

**养济院** 《通志》：在县西街。

# 临潼县

## 城池

**县城** 《通志》：在骊山之阴，汤泉回绕西北。唐天宝六载建。明洪武初增筑门四：东北曰集凤，西曰永丰，南曰华清，北曰临渭。万历十一年，改建北门于西北隅，城楼五。本朝顺治十年，塞北门。康熙中，知县赵于京建临渭亭于城上子方。

按：临潼县城土筑，周围共长七百八十丈，计四里三分有奇。城身均高二丈七尺，顶厚一丈六尺，底厚二丈八尺。乾隆八年，知县刘士夫详修，动项三千五百二十一两有奇。池深一丈五尺。

## 公署

**县署** 《通志》：在城内中街之东。明洪武二年建，（宏）[弘]治癸亥修，嘉靖甲辰，知县李裔芳增修。本朝康熙二年知县孟长人，三十七年知县赵于京，乾隆三十五年知县尤近思继修。库在堂左，狱在仪门内西偏。

**县丞 典史廨** 《通志》：俱在县堂西。

**养济院** 《通志》：凡二所，一在城隍庙左侧，一在县东南抵城下。

## 高陵县

### 城池

**县城** 《通志》：隋大业七年建，周二里百二十步，今曰土城，为儒学射圃北垣。明景泰元年，知县张锦增筑门四：东曰距河，西曰迎翠，南曰接蜀<sup>①</sup>，北曰通远。东、南二门，知县杨清甃以砖。天顺中，佥事张绅筑敌台。嘉靖中知县邓兴仁闢水门一，甃以砖石。

按：高陵县城土筑，周遭共长八百三十丈，计四里六分有奇。城身均高三丈，顶厚七尺，底厚一丈七尺。乾隆十八年知县萧大中详修，动项二千七百七十三两有奇。池深二丈五尺。

**谯楼** 《通志》：在东门内转南城下。

### 公署

**县署** 《通志》：在城中，宋政和间知县李文开建。元延祐元年知县卢佐修。明正统十四年知县张锦重建。景泰三年[知县]杨清增建。成化十年知县张傑，(宏)[弘]治初知县刘安，正德十四年知县翟清，嘉靖四年知县邓兴仁修。乙卯地震，倾圮，知县李翰重葺。本朝顺治初知县胡昌期，康熙三十四年知县王綦溥继修。库在堂东西，狱在仪门外。

**典史廨** 《通志》：在县堂西。

**养济院** 《通志》：在县东门内迤南城下。

① 西曰迎翠，南曰接蜀：清光绪《高陵县续志》卷一作：“西接蜀，南迎翠”。

## 鄂县

### 城池

**县城** 《通志》：旧在县南二里。陈大业十年<sup>①</sup>，徙置城中。金大定二十三年<sup>②</sup>，县令刘某修门四：东曰宜春，西曰通济，南曰仁智<sup>③</sup>，北曰望威，旧俱有楼。明崇祯九年，知县张宗孟重修，建楼两层，竖四隅敌楼、悬楼四十二座<sup>④</sup>。本朝康熙二十年，知县康如璫继修。

按：鄂县城土筑，周遭计长七百七十四丈，计四里三分，城身均高三丈，顶厚八尺，底厚一丈五尺。乾隆十一年，知县李文汉率邑人捐修，计用银四百三十七两有奇。池深一丈五尺。

### 公署

**县署** 《通志》：在城东，明洪武八年，知县许诩建。正统中知县徐纯修。本朝康熙二十一年知县康如璫继修。《陕甘资政录》：乾隆三十六年，知县李本想复修。库在堂东西，狱在西南。

**典史廨** 《通志》：在县署西南。

**千总署** 《通志》：在县治东。

**寅宾馆** 《通志》：明洪武八年，知县许诩建。《关内周咨录》：庭有双槐，宋程明道先生手植。

**养济院** 《县志》：在县东门。

## 蓝田县

### 城池

**县城** 《通志》：本名峽柳城，亦名青泥城。旧城门二。

① 陈大业十年：当作“隋大业十年”。清乾隆《鄂县新志》卷二作“隋大业十年”。

② 二十三年：清乾隆《鄂县新志》卷二作“二十二年”。

③ 仁智：清乾隆《鄂县新志》卷二作“保康”。

④ 四十二座：清乾隆《鄂县新志》卷三作“二十四座”。



明嘉靖二年，知县王科拓修门四：东曰绣岭回春，西曰白鹿呈祥，南曰灞水环清，北曰玉山映翠。二十年知县吕好古闢水门于西南隅。三十二年知县杨绍先易女墙以砖。万历中知县王邦才增筑北门瓮城，建门楼，西向，甃以砖。崇祯中知县雷鸣时甃北城以砖。本朝顺治七年知县杨行健，十六年知县郭显贤继修。

按：蓝田县城土筑，周遭共长八百六十五丈一尺，计四里八分有奇。城身均高二丈五尺，顶厚一丈二尺，底厚二丈。乾隆十七年知县郑琦详修，动项八千五百九十八两有奇。池深二丈，阔一丈。

### 公署

**县署** 《通志》：在城中，明洪武四年知县徐诚建。嘉靖二年知县王科，二十二年知县赵思道增建。二十七年知县吕好古鼎新之。万历十四年<sup>①</sup>知县沈国华重修。《陕甘资政录》：本朝乾隆三十一年知县舒元烺修。库在堂东西，狱在仪门外。

**典史廨** 《通志》：在县堂东南。

按：《昌黎集》有《蓝田县丞厅壁记》，考故县在今县西三十里，有谓今典史廨即当日丞廨者，非也。

**寅宾馆** 《通志》：在县署前，明万历初知县何思建。

**养济院** 《通志》：在南关街西。

## 泾阳县

### 城池

**县城** 《通志》：秦苻坚创建。元至正二十七年，张思道令右丞魏文佐守御修筑。明景泰元年，知县曾玉重建东西二门：东曰宣文，西曰宁武。成化间，巡抚余子俊增闢南北二门：南曰临川，

<sup>①</sup> 万历十四年：清雍正《蓝田县志》卷一作万历“四十四年”。本志卷二十五即记有万历四十一年始任蓝田县令之沈国华。

北曰拱辰。嘉靖二十六年增置东西郭。崇祯四年，城圯，知县梁士淳重修。八年知县王琨增修北门瓮城。本朝顺治九年知县王际有继修。

按：泾阳县城土筑，周遭计长九百七十三丈三尺，计五里四分有奇，城身均高二丈八尺，顶厚一丈一尺，底厚一丈九尺五寸。乾隆二十八年知县罗崇德详修，动项九千五十两有奇。池深七尺。

**鼓楼** 《通志》：在县治前。**钟楼**在圣果寺前。

### 公署

**县署** 《通志》：在县城南门迤东，创建无考。元大德间，集贤学士萧𣊢葺。明（宏）[弘]治间知县宋鉴修。万历初知县傅好礼复新之。《陕甘资政录》：本朝乾隆三十六年知县孟政，四十年知县方承保继修。库在堂东，狱在东南。

**水利通判署** 《通志》：在县北五十里王桥镇。雍正七年，改西安府粮厅为水利通判，移驻于北街，署建自乾隆元年。

**县丞廨** 《通志》：在县堂东。**典史廨**在县署南。

**养济院** 《通志》：在城隍庙西。

## 三原县

### 城池

**县城** 《县志》：本旧龙桥镇，元至元二十四年，徙县治于此。门四：东曰宾阳<sup>①</sup>，西曰西达甘凉，南曰高山远翠，北曰凝瑞。东北隅有月城。白渠流绕城中。水门二，其北临清河，深十丈，岸易崩圯。明崇祯七年，知县张缙彦添筑砖垛，邑人刘曰俊修马墙，高八尺。本朝乾隆十一年，邑人李道生、胡瑛捐修城东隅。二十六年，邑人王楠等修城东、西、南三面。其西郭城，《通志》：明初筑，周一里六分，为邑右翼，门二：西曰

① 宾阳：清乾隆《三原县志》卷二作“宾阳”。

翼挹仲山，西南曰遥迎太白。城池高深与县城等。又北郭城，明嘉靖三十六年，巡抚谢兰筑，周四里四分，高三丈，池深如之。万历间，少保温纯重修，建石梁，南与县城相连。门四：东曰永泰，西曰永安，南曰永清，北曰永宁。又东郭城，明崇祯八年，贡生赵希献等捐筑，周三里三分，高三丈五尺，池深三丈五尺，门二：东曰朝阳，东南曰迎巽。又南郭城，《县志》：无增建年月。本东西通衢，市廛稠密，西抵县城，亦邑南面之屏障也。本朝顺治初，知县李溥修。

按：三原县城土筑，北临清河，东、西、南三面周遭计长六百一丈四尺，计三里三分有奇，城身均高三丈，顶厚一丈，底厚二丈五尺。白渠绕城中，东、西、南三面有池，深三丈，阔五丈余。四郭并详旧志。乾隆十一年，绅士捐修，用银一千八百余两。

**钟楼** 《县志》：在县治北归仁坊，元至正二十六年县尉张祖建，明洪武十八年知县林洪博修。本朝雍正三年知县吕瑚，乾隆三十三年知县张象魏继修。

## 公署

**提督学院署** 《通志》：在县治北大街西，旧为关内道行署，明洪武二年，县丞仰山建。十年知县吴自当，天顺六年知县莫谦修。《县志》：督学，明为提学道署，在按察司东偏。本朝康熙四十六年改为督学院，未有公署，以西安关中书院为之。六十一年，总督年羹尧题请移驻三原。乾隆二十年，知县蔡维勤修试院，在署西。诸生坐号，旧系席舍，明万历四十五年，知县雷起龙始建瓦房。本朝康熙四十二年知县李瀛修，乾隆十九年知县金世綍重修，易诸生坐号土塹以木。

**县署** 《通志》：在县城南门内东街。元至元二十四年县尹郭贞<sup>①</sup>建。明洪熙元年知县宋麟修。本朝康熙四十二年，知县李瀛拓

① 郭贞：清乾隆《三原县志》卷二作“郭真”。

修。《陕甘资政录》：乾隆三十八年，知县顾华修。库在堂东，狱在仪门东偏。

**县丞廨** 《通志》：在县堂东。典史廨在丞廨东。

**养济院** 《陕甘资政录》：乾隆三十四年建。

## 盩厔县

### 城池

**县城** 《通志》：本隋、唐旧址，东西长，南北狭，象鱼形，四面皆重门，东曰迺曦，西曰萃金，南曰迎熏，北曰拱极。明嘉靖中，知县李春芳于内外东门及西内南外各建楼，北内楼则知县黎元续成之。本朝康熙元年知县骆钟麟修。十八年知县章泰浚壕，甃瓮城以砖，改建城楼，复新城北女墙。

按：盩厔县城土筑，周遭计长九百五十四丈，计五里三分，城身高二丈五六尺不等，顶厚一丈二三尺不等，底厚二丈五六尺不等。旧引广济渠由隍西南，东西两面夹流，南深一丈，广三丈五尺，东西较狭而深。乾隆二十六年，知县傅治倡率捐修，计费四千二百九两有奇。

**谯楼** 《通志》：在县治前。雍正二年知县董霭修。

### 公署

**县署** 《通志》：在城内东北，即宋、元旧治，明洪武二年修。（宏）[弘]治时知县萧选，嘉靖中知县李春芳、知县何起鸣，万历中知县梁克从增修。本朝康熙元年知县骆钟麟鼎新之。十九年知县章泰重修。《陕甘资政录》：乾隆三十一年知县夏秉衡，三十七年知县左彝勗继修。库在堂西，狱在西南。

按：柳宗元《盩厔县新食堂记》：贞元十八年五月，新作食堂于县内之右，始会食也。《马志》：今遗址不存。

**县丞廨** 《通志》：在县署西。典史廨在丞廨西。

**守备署** 《通志》：在城内。

**养济院** 《通志》：在大清观西庵内。

## 渭南县

### 城池

**县城** 《通志》：隋大业九年建。元至正二十一年，元帅扩廓将商鬲修。明洪武初，县丞吴云拓修门四，东西各有楼。嘉靖中知县梁沂建北门楼。乙卯地震，倾圮，知县李希雒重筑，东、南、北三面又加拓焉。议塞南门，甃睥睨敌台，会被征中止。隆庆初知县崔廷试复闢南门，增飞楼。二年，知县梁许增角楼四，敌楼十二，并砖甃。万历初，知县褚顺起门闾与城颠齐，甃睥睨、水道以砖，易门额曰引华、襟渚、带渭、抱丰。万历末知县徐吉重修。本朝顺治间知县尚九迁，康熙间知县孙焙、黄培继修。雍正七年知县岳冠华重筑北城十二丈，睥睨俱甃以砖，东西门重建吊桥。

按：渭南县城土筑，周遭共长一千三百十四丈，计七里三分，城身高一丈九尺至三丈一尺不等，顶厚一丈五尺至七尺不等，底厚二丈五尺至三丈不等。乾隆十四年知县柳廷基捐修，计费四百九十六两有奇。池深一丈五尺。

**谯楼** 《通志》：在县治前。

### 公署

**县署** 《通志》：在城中，明洪武二年，县丞吴云建。成化中知县周宁修。正德中知县王鉴复新之。嘉靖乙卯地震，倾圮，知县李希雒重葺，知县赵云程、知县刘翺、隆庆中知县帅祥、万历中知县崔邦亮继修。库在堂东，狱在仪门西。

**县丞廨** 《通志》：在县堂东。典史廨在县堂西。

**寅宾馆** 《通志》：在署前，明隆庆中知县帅祥建。

**养济院** 《通志》：凡二所，一在东关北巷，一在东门外神川原北。



## 富平县

### 城池

**县城** 《通志》：本名窑桥头<sup>①</sup>，元末张良弼移县治于此。明正统初，知县高应举始筑土为城，门三。（宏）[弘]治中知县陈阔<sup>②</sup>闢西门。嘉靖中，巡抚谢兰增筑城外敌台，知县胡志夔易雉堞以砖。乙卯地震，城圯，知县赵桐缮之，知县崔举葺四门，知县史燦竟工。门四：东曰华翔，西曰荆距，南曰石盘，北曰金屏<sup>③</sup>。万历间，知县刘兑始创东郭。本朝康熙元年，知县郑崑<sup>④</sup>修。

按：富平县城土筑，周遭共长五百五十二丈六尺，计三里一分。城身高三四尺<sup>⑤</sup>至二丈不等，顶厚七尺，底厚一丈至一丈三四尺不等。乾隆十八年知县李世垣详修，动项三千九百四十二两有奇。绕城濠为明万历间知县刘兑引玉带渠水南入隍中，深一丈。

**谯楼** 《通志》：在县治东。

### 公署

**县署** 《通志》：在城中，明洪武三年，主簿陈忠信建。天顺中知县王傑新之。成化十八年知县郭镕，知县张本增建。嘉靖乙卯地震，倾圯，知县张桐复建。隆庆中知县史燦，万历中知县杨守川修。《陕甘资政录》：本朝乾隆三十六年知县苏燕，三十九年知县崔龙见继修。库在堂西，狱在堂西南。

**县丞廨** 《通志》：在县堂东。典史廨在丞廨东。

① 窑桥头：清乾隆《富平县志》卷二作“窑桥寨”。

② 陈阔：清乾隆《富平县志》卷二作“陈润”。本志卷二十五亦记有明弘治知县陈润。

③ 金屏：清乾隆《富平县志》卷二作“带温”。

④ 郑崑：清乾隆《富平县志》卷二作“郑崑壁”。本志卷二十六亦记有清顺治十七年任富平知县郑崑壁。

⑤ 三四尺：疑应作“一丈三四尺”。清乾隆《富平县志》卷二作“高三丈”。

**守备署** 《通志》：在县治北东察院，康熙十五年修建。

**养济院** 《通志》：在县治东南。

## 醴泉县

### 城池

**县城** 《通志》：即古仲桥城，元行枢密院副也先速迭儿增筑土城。明成化四年知县撒俊增筑东、西、南三面外城，北则修旧城，阻小河之水险。万历四年知县姚燭建城楼、敌台。五门：东曰阳和；西内曰西城，外曰永安；南内曰南熏，外曰迎恩；北曰永定；西北内曰远馭，外曰永平。崇祯中知县韩景芳重修。

按：醴泉县城土筑，周遭计长一千六百七十四丈，计九里三分有奇。城身均高二丈五尺，顶厚一丈二尺，底厚一丈五尺。乾隆十四年，知县宫耀亮详修，动项一万三千一百九十五两有奇。池深二丈，阔倍之。

### 公署

**县署** 《通志》：本在旧城，元延祐六年县尹严承直修。明洪武二年县丞楚玘徙于今城内近南。正统四年知县胡琰重建。万历四年知县姚燭拓修。《陕甘资政录》：本朝乾隆三十九年知县金兆琦复修。库在堂东西，狱在仪门内西偏。

**典史廨** 《通志》：在县堂西。

**养济院** 《通志》：在县治东北。

## 同官县

### 城池

**县城** 《通志》：周武帝建德四年建。明景泰元年知县樊荣始为筑浚。知县傅鼐，成化十九年知县颜顺始续成之。（宏）[弘]治元年，漆水冲崩，知县王恭易以石基。嘉靖三十二年知县亢庆鸿

增修。万历元年知县吴洸修丽谯，甃雉以砖。门四：东曰望函，西曰控羌，南曰文明，北曰迎恩。又东凿二水门。十八年，水崩北门，知县屠以钦改置正北，题曰镇远。二十一年，知县马铎以北门直突，筑北瓮城，建宣威门。东门圯于水，久塞。四十一年知县梁善士复闢之，题曰启元。崇祯末，移居山寨，城圯。本朝康熙二十五年，知县雷之采裁旧城之半，建筑新城。

按：同官县城土筑，周遭长四百六十四丈三尺，计二里五分八厘。城身均高一丈八尺，顶厚八尺，底厚一丈五尺。乾隆十八年知县曹世鉴详修，动项一千五百两有奇。池深一丈。

## 公署

**县署** 《通志》：在城内西北隅，明洪武二年建，宣德三年修。景泰初知县樊荣、知县马铎重建。万历三十年知县董廷范，四十五年知县刘泽远增建。《陕甘资政录》：本朝乾隆三十六年知县王锡朋修。库在堂东西，狱在西南隅。

**典史廨** 《通志》：在县堂西南。

## 耀州

### 城池

**州城** 《通志》：本华原县。元末兵燹，城圯。明景泰初重建，四门。成化时，漆水啮东面，颓其半。嘉靖二十五年知州周廷傑作东城石堤。三十三年知州李廷宝增修，作南门楼。三十七年知州江从春增修，高、厚倍三之一，创东、西、北三门，上各建楼，砖甃水沟、女墙。门四：东曰丰门，西曰远门，南曰雍门，北曰寿门。

按：耀州城土筑，周遭共长一千九十丈，计六里五分有奇。城身均高三丈二尺，顶厚一丈三尺，底厚二丈五尺。乾隆三十三年知州杨东临请修，动项二万五千五百七十两有奇。池深八尺，护城有石堤。《州志》：明崇祯三年，关内道翟时雍修筑。本朝康熙二十五

年，沮水溃其西。乾隆十四年，漆水溃其东。署州事钟一元议开河以泄水，筑坝以护堤。十五年知州田邦基继修，工未毕，旋被异涨，先后动捐项四百十两。十六年夏，霖雨，河淤坝决堤，刷去数丈，议于河水东流西岸，别开引河，计八十五丈，口宽二十丈，中四之一，尾半之，深一丈。直趋南下，并疏十四年新开之河，动项九百四十余两。十八年工竣。二十六年，河水又溢，知州汪灏修筑如故。堤通计长二百六十丈，高一丈三尺，宽二尺。乾隆三十一年补砌十五丈，至今完固。又护城石坝共十四道。

又按：耀州一城，漆、沮二水环抱合流。自明正统己巳筑城，三百年来，屡啮屡崩，筑堤修坝，终难免于冲激。本朝乾隆二十五年，水冲坝断，刷去石堤，城根崩陷十余丈，经知县汪灏捐赀，将乱石筑坝一道，权为保护。旋经巡抚鄂弼奏请，于沮水分流之处堵筑石堤，再于城之西北旧有石岸处添筑滚坝三道，城之西南亦砌筑石堤，东城之北筑石滚坝三座，东门以南补筑长堤一道，石滚坝二座。石堤、滚坝俱用溪中乱石砌筑，逐处防护城根，堵御河流。俟数年之后，河身渐徙渐远，城基日淤日高。三十一、二年，共加修筑堤坝十四道，计长三百七十丈有余，宽二尺至三丈不等，高四尺至一丈二尺不等，迄今完善，城身亦得巩固无虞。

**谯楼** 《通志》：在州治前，明（宏）[弘]治五年知州任奎创修。

## 公署

**州署** 《通志》：旧在城中，元末兵毁，寄治州南二十里之渔池。明洪武二年知州侯必兴重建。嘉靖十八年知州温秀，三十二年知州李廷宝，本朝康熙中知州李铨修。《陕甘资政录》：乾隆三十五年知州王汝恂继修。库在堂东西，狱在仪门内右侧。

**吏目廨** 《通志》：旧在州署西南，后移堂西州判旧廨。

**守备署** 《通志》：旧在金锁关，今移驻州城内守道旧署。

**养济院** 《通志》：在城隍庙东。

## 西安府志卷第十

# 建置志 中 镇堡 关津

### 长安县

**郭杜镇** 《通志》：在县城南三十里。又南五里为贾里镇，又南五里为黄良镇，又南十里为姜村镇，又南五里为子午镇。《长安志》：宋景祐三年置，以南山子午谷名，旁为杜角镇。

按：子午镇旧有子午关。《三秦记》：长安正南，山名秦岭，谷名子午。《元和志》：王莽通子午道，因置此关。《通鉴注》：唐广德二年，吐蕃既去，亡军逃卒犹窜伏南山子午等五谷为患。南山西接岐山界，东抵虢州界，大者有子午、骆谷、斜谷、蓝田、衡岭五谷。《地理通释》：梁王神念以旧路沿山避水，桥梁多毁，别开乾路，更名子午道。即此路也。旧道在今金州安康县界，语曰：山水险阻，黄金子午。魏张郃由子午欲攻汉中。曹真从子午南入汉中。桓温伐秦，命司马勋出子午道。汉平帝正始五年，王莽通子午道，从杜陵直绝南山，径汉中，因置关。宋于子午谷口置阳岭寨，西城路置渭门寨、分水寨，皆备御之要。今并废。至子午谷口之阳岭寨、骆谷口之石佛堡，俱在洋县，乃二谷出汉中之南口也。互见《名山》卷。

**西乾河镇** 《通志》：在县西南三十五里。又五里为东乾河镇。

按：《金·地理志》：终南有甘河镇。甘河当即乾河。

**三桥镇** 《通志》：在县西二十里。又西十五里为斗门镇。又



西十里为马坊镇。

按：长安旧有莎城镇。《通鉴》：乾宁二年，上出启夏门，趣南山莎城。注：在长安城南近郊之地。《长安志》云：今废。

**第五桥** 《通志》：在县南二十里沈桥里。《游城南记》：第五桥在韦曲西，与沈家桥近，亦以姓名。

**梁家桥** 《通志》：在县西南四十里。通鄠县，跨泮水上，梁少保敏壮公建，雍正九年修。

**三桥** 《通志》：在三桥镇。《唐·李晟传》：兴元元年，上自兴元还长安，李晟戎服谒见于三桥。《通鉴》：乾宁二年，上幸石门，李克用遣骑三千，驻三桥为备御。

**皂河石桥** 《通志》：在县西北十五里。

**中桥渡** 《长安志》：在县西北二十五里中渭桥所。《高陵县志》：中渭桥柱，（合）[今]<sup>①</sup>水落犹见一二。

按：《括地志》：中渭桥本名横桥，架渭水上，桥对横门，故名。《史记·文帝本纪》：代王至渭桥。苏林曰：在长安故城东三里。《索隐》曰：咸阳宫在渭北，兴乐宫在渭南，秦通两宫之间，作渭桥。《张释之传》注：文帝行出中渭桥，有人从桥下过，惊乘舆马。《索隐》：渭桥有三所：一在城西北咸阳路，曰西渭桥；一在东北高陵路，曰东渭桥；其中渭桥在故城之北。《黄图》：渭水贯都，以象天汉；横桥南渡，以法牵牛。潘岳《西征赋》：骛横桥而旋轸。注：《关中记》：秦作渭水横桥。《水经注》：渭水经长安县北，水上有梁，谓之渭桥，秦制也。桥广六丈，南北二百八十步<sup>②</sup>，六十八间，七百五十柱，一百二十二梁。南北有堤激，立石柱，柱南，京兆立<sup>③</sup>之；柱北，冯翊立之。桥之北首，垒石水中，谓之石柱桥。后董卓入关，焚此桥。魏武帝更造桥三丈六尺。《通

① 据明嘉靖《高陵县志》卷一改。

② 二百八十步：《水经注》作“三百八十步”。

③ 立：《水经注》作“主”。下文同。

鉴》：晋永和十二年，秦王生发三辅民治渭桥。《元和志》：刘裕入关，又毁之，后魏重造。贞观十年，移于今所。《雍录》：旧止名渭桥，因西有便门桥，东有东渭桥，故加“中”以别之。

**北津店渡** 《长安志》：在县西四十里泮水上。又五里有南泮店渡。

按：古津梁之在长安者有横桥。《黄图》：在长安城下有池周绕，广三丈，深二丈，石桥各六丈，与街等。《雍录》：汉都城北横门外有横桥，予初以为三桥之数，已而考《黄图》，则此桥乃跨池为桥，池即城壕，不跨渭，非即中桥也。又饮马桥，《水经注》：城东八里。潘岳《西征赋》：戾饮马之阳桥。注：阳，谓桥之阳也。又青门桥，《水经注》：王渠水经杨桥下，即青门桥。又沈家桥，《游城南记》：内家桥之西有沈家桥。《马志》：下杜城有丈八沟、沈家桥、赖家桥。又赤栏桥与第五桥相近。隋开皇（三）〔二〕<sup>①</sup>年，引香积（厨）〔渠〕<sup>②</sup>水，自赤栏桥经第五桥入城。又下马桥，《通鉴》：唐薛元赏为京兆，命左右擒神策将军，俟于下马桥。注：桥在建福门北。又崔公桥，《通志》：后魏崔亮于渭水为桥，以利百姓，名崔公桥。又段留渡，《长安志》：在县东北二十六里。《雍录》：长安以船渡者三：中桥、段留、嘉麦。嘉麦渡详咸阳。

## 咸宁县

**霸桥镇** 《长安志》：在县东二十里。《通志》：明置递运所于此。又王曲镇，在县南三十五里。又高桥镇，在县东南二十五里。又东南五里为三赵镇、杜曲镇。又东南十五里为引驾回镇、鸣犊镇。《长安志》：镇西原下有鸣犊泉，故名。武宗猎于太白原，即镇西原也。《马志》：在两川口，有汉武鸣犊泉。又新住镇，《通志》：在县东北三十里，亦曰新筑镇。

① 据《隋书·高祖纪》改。

② 据明嘉靖《陕西通志》卷二改。

按：昔时寨堡之在咸宁者有九曲寨，《通志》：在县东北。《唐·朱泚传》：兴元初，李晟屯东渭桥，泚将张光晟屯九曲寨，相距十余里。又狄寨，《县志》：在县东南四十里。又曲牢堡，在县南。《晋·苻登载记》：太和十六年<sup>①</sup>，登攻后秦将金荣<sup>②</sup>于范氏堡，克之，遂渡渭水，攻后秦京兆太守韦范于段氏堡，不克，进据曲牢。又义谷镇，《长安志》：在县南八十里，入乾祐路，俗曰谷口镇。《金·地理志》：乾祐镇属咸宁。又城东镇、城南镇、义界镇，《九域志》：并在万年县。

**霸桥** 《通志》：在县东北二十里，跨霸水上。《水经注》：霸水有桥，谓之霸桥。《初学记》：汉作霸桥，以石为梁。《汉·王莽传》：地皇三年，霸桥灾，莽恶之，更名长存桥。《黄图》：霸桥跨水作桥，都人送客至此，折柳赠别。《雍录》：隋以石为之。《元和志》：开皇三年造。《长安志》：唐景龙二年，仍旧所，为南北两桥。《开元遗事》：霸桥来迎去送，至此黯然，故人呼销魂桥。《贾志》：汉霸桥在长安城东二十里霸店，南北两桥以通新丰道。唐灞陵桥，在京兆通化门东二十五里，元时山东唐邑人刘彬修筑，凡一十五虹，长八十余步，阔二十四尺，中分三轨，旁翼两栏，筑堤五里，栽柳万株。《县志》：宋时桥圯，韩缜修，元季复修。明成化六年，布政使余子俊增修。今桥已断，遗址仅存。

按：霸桥自明成化间修筑以后，圯塞不时。本朝康熙六年，造大小船各一，水夫给绝军屯田。水落架木桥，水涨船渡。有霸桥入蓝田路，官渡，水夫一名。《长安志》：入蓝田路有横桥官渡，在万年县东南。疑即此。乾隆二十九年，西安、同州、凤翔三府绅士捐修石墩木面桥一座，并于北岸东西两面修砌石堤八十丈，

① 此处依东晋正朔，然作“太和十六年”，误。东晋太和仅六年，无十六年。据《晋书·苻登载记》，苻登于东晋“太元十一年僭即皇帝位，大赦境内，改元曰太初”。在位九年，于东晋太元十九年被姚兴所杀。则此处“太和十六年”当作“太元十六年”。

② 金荣：《晋书·苻登载记》作“金温”。

又东面土堤三丈。三十五年，水涨，石堤冲坏三十三丈五尺，土堤尽被冲卸。署咸宁令陆维垣详修，砌包石堤十一丈，东西两面石堤六十丈，里厢土堤六十丈，共动项四百三十一两有奇。又灞河旧有渡船二只，陆维垣复请增设二只，每船一只，水手四名，每名口食银六两。

**光大门渡** 《长安志》：在县东二十里浐水上，入高陵、耀州路。

按：古津梁之在咸宁者，有金锁广济桥，《县志》：在县东二十里浐水上。又申店桥，在县南二十五里漓水上，俱万历时造。又渭桥渡，在万年县东北二十里。

## 咸阳县

**河南街堡** 《县志》：在县南二里。又东西坊堡，在县西十五里。又西十里有马跑泉堡，交兴平界。又北杜堡，在县东北三十里。又东北十里有睦村堡。又押枝堡，在县西北三十里。已上六堡，俱嘉靖二十六年巡抚谢兰、分巡道刘志建。

**窑店镇** 《通志》：在县东三十里。

**马庄镇** 《通志》：在县西北三十里。

**南贺镇** 《通志》：在县东北二十里。

**七里桥** 《县志》：在县东七里，明永乐十二年建。

**新店桥** 《通志》：在县西十五里新店镇。

**丰桥** 《贾志》：在县东南三里，跨丰水。《县志》：一名三里桥，明永乐十二年建，（宏）[弘]治五年，知县赵璫修，高丈五尺，阔二丈余。

**王对村桥** 《县志》：在县南十五里泥渠上，明万历三十二年建。

**泥渠桥** 《通志》：在县西南三十里泥渠上。

**安阳渡** 《贾志》：在县西七里。又两寺渡，《长安志》：在县



西十五里。

**西渭桥渡** 《县志》：在县东南百步，即西渭桥所。

按：《汉·武帝纪》：建元三年，初作便门桥。服虔注：在长安西北，茂陵东，去长安二十里<sup>①</sup>。师古曰：便门，长安城南面西头第一门<sup>②</sup>，作桥跨渡渭水，以趋茂陵，其道易直，即今所谓便桥也。《水经注》：渭水上有便门桥，与便门对直。《通典》：因号便门桥，亦曰便桥。《雍录》：武帝作茂陵，在渭北兴平县西南十里，秦世已有中桥可趋兴平，迂回难达。便门在长安西面，于趋陵便。汉元帝欲御楼船，用薛广德谏，舍船从桥，即此。唐太宗初即位，幸城西，与颉利盟于便桥之上，则桥在城西。《长安志》：唐末废，乾德四年重修，后为暴雨所坏。淳化三年，徙置孙家滩。至道二年，复修于此。《县志》：汉名便桥，唐名咸阳桥。

又按：渭桥亦以渡名，《县志》：旧时秋后作桥，夏间水涨用船。自明嘉靖间，以舟为浮桥，又曰渭阳古渡，今仍其制。凡三渡：渭河渡，船五只，水夫五十九名；中桥渡，船一只，水夫十名；迁家渡，船一只，水夫十名。

**嘉麦渡** 《马志》：在县东二十五里渭河上。

按：古渡之在咸阳者，有安刘渡，《长安志》：在县东。《县志》：在渭河上。因安、刘二氏近渡，故名。又西阎渡，《通志》：在县西南三十里，西有阎村，故名。又仇里渡，《县志》：苏不韦能报父仇，以渡近其家，故名。

## 兴平县

**郭村堡** 《县志》：在县西南十五里，知县刘贤建。又西十五里为马嵬堡，又西十里为桑家镇。

**马村镇** 《通志》：在县东二十里。

① 《汉书·武帝纪》服虔注无“去长安二十里”语。有苏林注：“去长安四十里”。

② 《汉书·武帝纪》颜师古注作“便门，长安城北面西头门，即平门也”。



**店张镇** 《通志》：在县东北三十里。《县志》：北通固原，最为冲要。

按：古堡戍之在兴平者，有刘回堡，《通志》：在县西南。《晋·赫连勃勃载记》：义熙十二年，刘裕灭秦，赫连勃勃遣其子璜向长安，沈田子拒之战，不利[而]<sup>①</sup>退，屯刘回堡。

**望斗桥** 《县志》：在县城东门外，知县章评修。

**板桥** 《县志》：在县西二十五里板桥泉上。

**胡家桥**<sup>②</sup> 《县志》：在县西南四十里，有渡。丰<sup>③</sup>、沐浴<sup>④</sup>、韦川三水合流处，交武功界。

**清化坊渡** 《通志》：在县西南二十五里渭河、川河合流处。又西南三里川河上有川河坎子渡。又西南七里为龙光渡。《长安志》：在渭水上。《册府元龟》：唐至德二载，关内节度使王思礼北征，奏师渡渭水于龙光渡，睹水忽浅，既济，水复深一丈。

**哨张村渡** 《县志》：在县南十八里渭河上。

**张镇村渡** 又**杨村渡** 《县志》：俱在县东南十五里。又东南五里为柳树屯渡。又东南十里为田阜村渡，交咸阳界上。四渡俱在渭河上。

按：古桥梁之在兴平者，县西有废桥，《晋·苻登载记》：太元十九年，苻登自六陌趋废桥，姚兴遣尹纬拒登，败之。又石桥，《长安志》：在县西二十里马嵬店。

## 临潼县

**鸿门堡** 《通志》：在县东三十里。《史记·项羽本纪》：沛公

① 据《晋书·赫连勃勃载记》补。

② 胡家桥：本志卷六作“胡浹桥”。

③ 丰水源出鄠县，在咸阳入渭，不涉兴平地界。此处之“丰”，当为本志卷六所述之“漆水，俗名游丰河”者。

④ 沐浴：本志卷六作“沐浴”，即“沮水，亦名浴水，俗名沐浴河”。

从百余骑见项王，至鸿门。孟康注：在新丰[东]<sup>①</sup>十七里，旧大道北下阪口名也。《雍录》：鸿门，丽山北十里，新丰东十九里。地有阪，横亘大道，中凿隧路以为门径，不知何世立此关隘。唐新丰在府东五十里，凡自长安东出而趋潼关路，必由此。故项羽东入即驻鸿门也。

**项王营** 《马志》：在县东南十五里。

**三镇堡** 《县志》：在县北八十里，系三原北路。

**油坊街堡** 《通志》：在县东北六十里。

**马崖镇**，一作马额镇，《县志》：在县东四十里。

**铁炉镇** 《通志》：在县东南四十五里。

**斜口镇** 《县志》：在县西十里。

**北田镇** 《通志》：在县西北十五里。

**栎阳镇** 《县志》：在县北五十里，即塞王司马欣所都。自高祖移都长安，废为镇。《长安志》：栎阳镇在郭下，又北三十里为阎梁镇。《县志》：在荆原下。

**新丰镇** 《县志》：在县东北二十里，即汉高帝所立新丰故地。明嘉靖三十二年寇警，筑新丰、零口、相桥、康桥、田市五堡。《史记·高祖本纪》：十年，更命酈邑曰新丰。《水经注》：高祖象旧里，制新邑，立城社，树粉榆，令街庭若一。又东北十里为雨金镇。《长安志》：雨金堡周八百步，东有雨金泊。秦献公十六年<sup>②</sup>，雨金栎阳，后因以名堡，其地古栎阳界也。《寰宇记》：有一泊，每天雨，水流入，似金色，故呼雨金。又东北五里为万寿镇，又东北五里为零口镇。《通鉴》：唐天复初，朱全忠入关，自赤水进至零口西。《续通典》：昭应县界有零口，盖古鸿门地。《县志》又曰：泠口，泠水至此入渭。又东北十里为辛街镇、交口镇。又东北五里为景渡镇。又东北十五里为广阳镇。《县志》：界清、沮两河之间，旧

① 据《史记·项羽本纪》孟康注补。

② 十六年：《长安志》作“十八年”。

名广阳屯。明万历二十三年置镇，今一名武家屯。按：《魏·地形志》：景明元年，冯翊置广阳县，盖即今镇地。广阳镇旁为相桥镇、田市镇。《县志》：田市镇西属临潼，东属渭南。又东北十里为康桥镇。又东北十里为关山镇，界蒲、富、临、渭之交，旧名上寨，明万历初改为镇。建城池，为抚民厅驻扎，后废。

按：古营镇之在临潼者，有李靖营。《马志》：在县东二十里。又栗邑镇，《金·地理志》：栎阳有栗邑镇。

**戏河桥** 《县志》：在县东三十里戏水上。

**板桥** 《县志》：在县东南三里，跨石瓮寺涧。又东南二里有五里桥，跨风谷水上。

**斜口桥** 《县志》：在县西十里韩谷水上。

**迎仙桥** 《县志》：在县西南二里。

**行者桥** 《县志》：在县北十里，东西二桥相望。又北四十里有东阳桥，《通志》：栎阳镇之东，一名栎阳桥，跨清河。《县志》：桥通渭北要路，总制武之望建。又北十里有相桥，跨清水，宋寇忠愍公建。又北二十里有康桥，明刘瑾陷李梦阳，康海救之，有义声，归里时，临潼令为桥于漆水渡之，因名。

**暗桥** 《县志》：在县东北十五里芷阳沟。汉高祖间道还灞上，由此。《通志》：相传汉高祖入关伏兵处。又东北二十五里有零口桥。《县志》：泠水上，为川陕要津。又东北二十里有巷里桥，跨清峪河，吏部刘曾倡建。

**李家渡** 《县志》：在县北二十里渭水上，旧置官船二只，水夫八名。

**北田渡** 《县志》：在县西北十五里渭河上，旧置官船一只，水夫四名。

**交口渡** 《县志》：在县东北五十里，清峪、漆沮合流入渭处。由泾阳、三原入渭南出关之通途。旧置官船三只，水夫十二名。又耿渡，在交口东十里渭河上，与渭南界，亦曰景渡。《县志》：旧置官船一只，水夫四名。又东北三十里有栗邑渡、相桥渡。《长

安志》：在石川河上。《县志》：二渡在漆沮，夏潦水涨，不终日而消，人可徒涉，故舟楫不具。

按：古津梁之在临潼者，有望仙桥。《天宝遗事》：在华清宫。又分襟桥，《马志》：在木涨渠上，乃前马处士尚宾师处士维学讲学相别之所。又《长安志》：渭水有田王渡、田家渡、周夏渡、圣力渡、万安渡、孟渡。

## 高陵县

**渭桥镇** 《通志》：在县南十五里。《长安志》：即唐李晟屯兵处。

按：《金·地理志》：高陵有渭城镇。疑即渭桥镇。

**毗沙镇** 《长安志》：在县西南十八里。《县志》：相传汉文帝生于毗沙镇，故从代来，复次于此。

按：古戍之在高陵者，有鹿台戍，《通志》：在县西南二十五里鹿苑原上。《马志》：元季李思齐筑以屯兵处。

**郭桥** 《县志》：在县东十里，昌连渠经其下。

**阿石桥** 《县志》：在县西门南一里。又东八里有张桥，皆高望渠所经。

**高桥** 《县志》：在县北三里，中南渠所经。

**新开渡** 《县志》：在县西南十里，渭桥西二里渭河上。又西南十里有黄家渡，在阳官寨前泾水上。又西南十里有孙张渡，在良村铺前渭水上。又上马渡在县西南泾入渭处。《汉<sup>①</sup>·章帝纪》：建初七年，东幸至高陵，造舟于泾而渡。

按：新开渡、孙张渡并新置渡，船三只，水夫各十二名。黄家渡，船二只，水夫八名。

**渭桥渡** 《县志》：在县南十五里渭水上。

① 汉：当作“后汉”。

按：《史记·景帝本纪》：景帝五年，作阳陵渭桥。《索隐》曰：渭桥在长安东北，通高陵路。《雍录》：在万年县北五十里，灞水合渭之地。《初学记》：汉造西渭桥、东渭桥，以木为柱。

《通鉴》：唐建中四年，刘德信入援，以东渭桥有积粟，进屯此桥。兴元元年，韩滉运米百艘饷李晟，进至东渭桥。沈亚之《东渭桥给纳使新厅记》：渭水东赴河输流，逶迤于帝垣之后，倚垣而跨为梁者三，名分中、东、西。东渭津傍控甸邑诸陵道。

又按：《贾志》：东渭桥，今废，用舟济，故以渡名。《县志》：渡北通蒲城、富平二县，各有一舟协济。今县复置渡船二只，水夫八名。

## 鄂县

**南沙河寨** 《县志》：在县东十五里，军寨也。

按：县东有南沙河、北沙河等十寨，西有留村、石桥等五寨，南有麦章、宋家等十六寨，北有韩村、青阳等八寨，皆旧时屯田之所。又县东乡有安仁、安略等三十一团，西乡有永康、永赖等七团，南乡有保善、保仁等二十八团，北乡有宁治、宁利等十七团，皆明崇祯八年知县张宗孟创立，为保聚之计。今民犹赖其利。

**秦渡镇** 《县志》：在县东三十里泮水西，一名秦杜镇。

**大王镇** 《通志》：在县北十五里。又有大王镇西堡。

**涝店镇** 《通志》：在县西北十五里。

**赵王镇** 《通志》：在县东北二十五里。

**兆丰桥** 《县志》：在县东五里吕公河上。

**涝店桥** 《县志》：在县西北十五里涝水上。万历四十六年，邑生刘芝募修。

**太史桥** 《县志》：在县西关外涝水上。明嘉靖二十一年，太史王九思修。石桥高丈六尺，阔三丈六尺，长二十丈，为十空。本朝康熙六年，知县刘文燦修。



按：古津梁之在鄠县者，有广济桥。《县志》：在县东三十里泮水上，通省大道，太监卢广协修。万历二十四年知县王九皋重修，造木桥，长亘里许，为百空，高三丈余，阔二丈。今废。

## 蓝田县

**蓝田关** 《元和志》：在县东南九十八里。《括地志》：即秦峽关也。《史记·高帝本纪》：秦王子婴遣将拒峽关，沛公引兵绕峽关，逾黄山，击秦军，大破之<sup>①</sup>。应劭注：峽山之关。《晋地道记》：关当上洛县西北。《水经注》：（渥）[渥]水西径峽关，北历峽柳城。《魏土地记》：峽关，地名。峽柳道通荆州。《唐·地理志》：蓝田关，故峽关。《雍录》：蓝田县即峽柳城也。峽山在前，又名峽关，亦名蓝田关。《寰宇记》：后周明帝元年，自峽关徙置青泥故城侧，改曰青泥关，武帝建德二年，改为蓝田关。《长安志》：隋炀帝大业元年，徙复旧所。唐皮日休《蓝田关铭<sup>②</sup>并序》：六年，皮子副诸侯贡士之荐，入京兆，至蓝田关<sup>③</sup>，睹山形关势，回抱于天，秀欲染眸，危将惊魄，意！将造物者心是而加力耶？不然者，何壮观若斯之盛也！《易》曰：“王公设险，以守其国。”信矣哉。若为天下之枢机，万世之阃域者，非兹关而莫守也。因陈其规，是为《蓝田关铭》：天辅唐业，地造唐关。千岩作锁，万嶂为拴。难图其形，莫状其秀。双扉未开，天地如斗。轧然划<sup>④</sup>启，人流如济。似画秦国<sup>⑤</sup>，铺于马底。嶮不可侵，惟王之心。矧夫兹关，独可规临。

**普化寨** 《通志》：在县东十里，相近有尚可堡，俗称稠水河。

① 此段实出《汉书·高帝纪》。

② 此处原字漫漶，不可辨识，据《全唐文》卷七九七补“铭”字。

③ 皮子副诸侯贡士之荐，入京兆，至蓝田关：《全唐文》卷七九七作“皮子副诸侯贡士之荐入京，程至蓝田关”。

④ 划：皮日休《蓝田关铭》作“昼”。

⑤ 秦国：《全唐文》卷七九七作“秦图”。

**黄栌堡** 《长安志》：在县北三十里。《通志》：今名黄巢堡。又北十里有鸡子堡，土坡如鸡子，因名，今名鸡家湾。

**屏峰镇** 《通志》：在县东三十里。又东二十里有墩子镇。[墩]，一作厚。《长安志》：在渭南西南，与蓝田接。以南山多虎，故斥墩于此。

**蓝桥镇** 《通志》：在县东南四十里。又东南五十里有新店镇。前卫镇、吴村庙镇，《通志》：并在县西二十里。

**新街镇** 《通志》：在县西北四十里。

**泄湖镇** 《长安志》：在县北二十里。

按：古关镇之在蓝田者，有大昌关。《通志》：在县西南四十里石门谷之南。《唐·崔湜传》：景龙中，崔湜言山南可引丹水通漕至商州，自商州镌山出石门，抵北蓝田，可通挽道。中宗以湜充使，开大昌关，役徒数万，竟不能通。又石门镇，在石门谷。《通鉴》：乾宁二年，上幸南山莎城，寻徙石门镇。又明市堡，《长安志》：在县西南四十里。又将帅堡，《贾志》：在县南白鹿原十里，汉长水校尉屯兵处，与黄山接，前数里即长水。又狗枷堡，在县西五十里。《三秦记》：白鹿原上有狗枷堡，秦襄公时，有天狗来下其上，有贼，天狗吠而获之。又焦戴镇，见《九域志》。

**会波桥** 《马志》：在县东门外，会诸涧水，引渠入城。

**蓝桥** 《贾志》：在县东南五十里蓝峪水上。《通鉴》：唐中和元年，监军杨复光与朱温战，败之，逐至蓝桥而还。注：蓝桥在蓝田关南。《通志》：即唐裴航得玉杵臼，娶云英。尾生期女子不至，抱柱而死处。《县志》：桥久废，明羽士王天枝募铁为练，飞控如虹，行人便之。钱受祺《蓝桥碑记》：蓝桥介商、蓝之间，三秦扼塞，豫楚要冲。古有桥，重修铁练，明季毁于贼，本朝康熙乙巳重修。亘八丈六尺，南岸即鸡头关，北凭山峡，垒石为马头，增二练，上翼阑干，下支巨木。

**干涧桥** 《马志》：在南关外，蓝田东流诸水皆由此合流入灞。

**鹿原桥** 《马志》：在县西门外大寨，水通石门汤泉。

**故景桥** 《通志》：在县西北四十里，跨黑沟。

**蔡王村桥** 《通志》：在县北二十里，跨三里头河。又北十五里有毓圣桥，《县志》：在华胥渚上，传伏羲母居此。

按：蓝田津渡二：一在南门外灞河上，一在辋峪口。各置渡船一只，水夫一名。

## 泾阳县

**永乐镇** 《县志》：在县东二十二里，一名月洛镇。

**临泾镇** 《通志》：在县西南三十里。《长安志》：在宜善乡，白渠贯其中。

**石桥镇** 《通志》：在县西北三十里。又西北十里有百谷镇，一名王桥镇。又西北二十里有冶峪镇。

**云阳镇** 《贾志》：在县北三十里。后魏改置云阳县地，镇东有故城址。《通鉴》：唐乾宁二年，史俨败邠宁兵于云阳镇，擒镇使王令诲等。

按：古寨镇之在泾阳者，有智愍寨。《贾志》：在县西北四十五里，北临冶谷水，崖高五十余丈。《通鉴》：唐中和时宦者曹智愍，本华原富家子。黄巢陷长安，智愍聚壮士据嵯峨山南为堡自固，贼不敢近。又温韬寨，《县志》：在县西北七十里百顷原。《通鉴》：梁开平中，华原贼帅温韬聚众嵯峨山。又仲山寨，《贾志》：在县西北八十里仲山巅，泾水绕其下，可屯兵，相传汉高祖兄所居。又孟店镇，《金·地理志》：云阳孟店镇。《县志》：在县东北三十里，旧传李靖屯兵处，又名靖川镇。又曲牢镇，在县东南三十里泾河南岸。又长街镇，在县西北五十里，即旧鼎州。

**殿下桥** 《县志》：在县北三十里嵯峨山前冶谷河上，汉武帝幸甘泉尝宿于此，其时有殿宇，故名。

**鲁桥** 《县志》：在县东北四十里，跨靖河，俗传鲁班所修。

**清河桥** 《通志》：在县北三十里靖川水上。

**赵家桥** 《县志》：在县西北二十里。乾隆十六年，巡抚陈宏谋题请修筑。又西北为小暗桥、大暗桥。又西北为野狐桥。又西北过大退水槽为小旺桥、大旺桥。又西北过小退水槽、梯子崖为水磨桥。俱跨龙洞渠上。

按：水磨桥东为王御史口，桥西为筛珠洞口，并有石堤，俱乾隆十六年巡抚陈宏谋题请修筑。又《通志》：龙洞渠上桥梁，有筛珠洞桥，小梯子崖桥，大梯子崖桥，周家桥。今并废。

**铁眼成村桥** 《通志》：在县西北十里。又西北三里有马桥。又西北二里有王六十桥。又西北十里有马家桥。又西北二十一里有马道桥。又西北四里有王桥。俱跨泾渠上。

**苻家桥** 《县志》：在县东北十五里白渠上，自有白渠，即有木桥于上。明（宏）[弘]治初，居人苻琚甃以石，因名。

**黄家桥** 《通志》：在县北十五里跨下白渠。东为全家桥。又魏家桥，在赵家桥东，交三原界。二桥俱跨北白渠。又党家桥，在东北二十里，跨中白渠上，通三原，以桥为界。

**狄道渡** 《县志》：在县西北六十里，通乾州。

**临泾渡** 《县志》：在县西三十里，通醴泉。

**畦城渡**<sup>①</sup> 《县志》：在县西南十五里<sup>②</sup>，通咸阳。《贾志》：《左传·襄公十四年》诸侯伐秦，所次即今渡，系汉、唐通津。

**花池渡** 《县志》：在县南十里，通长安。

**宋村渡** 《县志》：一名宋家渡，在县东南三十里，通临潼。

按：已上五渡，俱在泾河上。今狄道渡设渡船一只，水夫二名。临泾、花池二渡，各设渡船一只，水夫十名。宋家、修石二渡，各设渡船一只，水夫十五名。又有张家渡，设渡船一只，水夫四名。至泾河古渡，有百光、宁甘、泾甘并县西南。刘洪在县

① 畦城渡：清乾隆《泾阳县志》卷二作“修石渡，即古畦城”。本志下文按语即作“修石”。

② 十五里：清乾隆《泾阳县志》卷二作“十里”。

南东。张茹、郭渡、孙渡，并县东南。俱见《长安志》。

## 三原县

**王店镇** 《县志》：在县东三十里东北隅。南临清河，北枕乾沟。又东十五里有大程镇。

**陂西镇** 《县志》：在县东南四十里。基址广袤，市廛稠密，为邑首镇。

**陵前镇** 又**洪水镇** 《县志》：并在县北四十里。又北十里有马额镇。

**楼底镇** 《县志》：在县东北二十里。又西阳镇，清、浊二水渠道贯城而逾，市廛亦胜。

**龙桥** 《县志》：在县城北门外。两城对峙，中贯清水河，河上有桥。宋建隆四年，清河泛涨，桥圯，再建。明万历二十年，少保温纯倡建大石桥，三洞，高八九丈，袤十余丈，旁冀石栏，南北有坊。《明一统志》：下有龙潭。

按：《金·地理志》三原有龙桥镇，今镇废而桥尚存。

**通远桥** 《县志》：在城西门外转南。跨白渠，旧架以木。明正德乙亥，医士管韶捐貲易以石。

**西津桥** 《县志》：在花园巷口，跨白渠。元中统二年，邑人姚敦仁、敦义建，八世孙义官重祿修。

**东津桥** 《县志》：在织罗巷口，跨白渠，邑人李廷臣建。

**通济桥** 《县志》：在谯楼北，跨白渠。元中统四年，万户扬子江<sup>①</sup>建，十世孙廷臣、侄时敏等修。

**广济桥** 《县志》：一在城东门内，跨白渠；一在城东门外，跨高渠。邑人常节、孙世英等建。又东门外有宾阳桥，跨白渠，邑人张友恭建。

① 扬子江：此据明嘉靖《重修三原志》卷一。清乾隆《三原县志》卷二作“扬子江”。



**登高桥** 《通志》：在县东北二十里楼底镇，跨浊峪河。明正德时修，万历间圯，天启间重建，改名望峨。又东北三十里有普济桥，跨赵氏河，康熙丙辰，崔可泰等建。四十九年，屠海元等修。

**许渠桥** 《县志》：在县东四十里，跨清河。明崇祯初，中丞焦源清捐八十金<sup>①</sup>倡建。因流寇，石栏面未完。本朝康熙三十年，大水，桥几倾。三十九年，布政使鄂海倡捐，并谕焦中丞孙暨里人修葺。

按：古津梁之在三原者，有义梁桥，《县志》：在龙阳宫前，跨清河，义民来子春建。又美人桥，在县东北武官坊，跨五渠。明嘉靖七年，本坊李演建。又留运桥，在县北大白渠上。《唐·肃宗纪》：至德二岁，郭子仪及贼将李归仁战于留运桥，败之。又火烧桥，《通志》：在县西北，跨泾渠上。又通政桥。今并废。

## 盩厔县

**柴家关** 《县志》：在县南微东三百六十里，自黑水谷历桃李坪、烂柴湾、石牛滩，逾柳叶河，登峻逾险，至老虎坡、梨树坪、小王涧、一堵墙，越秦岭六十里，置关，道通洋县。明正德十六年，知县王昞请设巡司。今裁。

**十八盘关** 《县志》：在县西南，入骆谷八十里十八盘岭上。仿前骆谷关故境，稍有变置，道通西乡、凤县。明正德十六年，知县王昞请设巡司及弓手。先是山险人稀，盗贼肆害，设官后患息。今裁。

**骆谷关** 《贾志》：在县西南一百二十里。《三国·曹爽传》：魏正始四年<sup>②</sup>，曹爽发六七万人从骆谷入，行数百里，不得进。《元

① 八十金：清乾隆《三原县志》卷二作“八千金”。

② 四年：《三国志·魏书·曹爽传》作“五年”。

和志》：甘露三年<sup>①</sup>，蜀将姜维出骆谷，围长城<sup>②</sup>，亦此道也。又骆谷，汉、魏旧道也，武德七年，开以通梁州。按：在今关北九里，贞观四年移于今所。《雍录》：高祖于此立关，通梁州，名骆谷关。西抵兴元府一百二十里。《续通典》：自长安取骆谷路至兴元府六百五十二里。《寰宇记》：东北自郿县界，西南径盩厔县，又西南入骆谷，出谷入洋州兴势县界。按：兴势今属洋县。《地理通释》：南口曰傥谷，北口曰骆谷。《县志》：西骆谷在县西南三十里，谷南八十里为十八盘岭。又南下十里至河底为故骆谷关。《一统志》：明设二巡司，隆庆中，盗贼窃发，巡司不能禁，路遂塞。

**临川堡** 一作林川。《通志》：在县东五十里。

**青花堡** 《通志》：在县西四十里。

**终南镇** 《通志》：在县东三十里。又东二十里为尚村镇。

**焦家镇** 《通志》：在县东南二十五里。又东南三十五里为双溪镇，一名祖庵镇。又东南五里为甘河镇。按：《长安志》作甘泉镇。

**亚柏镇** 《通志》：在县西二十五里。

按：古关砦之在盩厔者，有罗开山砦。《长安志》：在县南六十五里。又嶧洞山砦，在县南九十五里。又解保砦，在县东北三十里。又长城戍，《水经注》：骆谷北流径长城西。魏甘露二年，姜维出骆谷，围长城，即此地。《通鉴》：晋永和五年，司马勋出骆谷，破赵长城戍壁于悬钩。注：戍去长安二百里，即司马望、邓艾据之以拒姜维之地。

**通仙桥** 《通志》：在县东十五里冯尚铺。又东十里终南镇有母猪江桥，跨二泉渠。又东二十里疙瘩头有东河桥。又东十五里

① 甘露三年：本志下文按语所引《水经注》作“甘露二年”。陈桥驿注释《水经注》（浙江古籍出版社，2001年）则作“甘露三年”。据《三国志·蜀书·姜维传》，姜维“率数万人出骆谷”，事在蜀延熙二十年，即魏甘露二年。

② 据《长安志》，盩厔县西南有长城戍。

原马店有映柳桥，跨沙河。又东五里郝村西有白沙桥、响桥。又东五里有涝河桥，跨涝，接鄠县界。

**太古桥** 《通志》：在县东南五十里龚家庄。相近吕马村有环水桥，赤谷、甘谷水经其下。又东南十里甘河镇有遇仙桥，跨甘河，通鄠县，为王重阳遇仙处。相近双溪镇有通济桥，赤谷、甘谷水经其下。祖庵镇瑞福河上有瑞福桥，韩村白马河上有白马桥，俱去县东南六十里。又东南十里甘峪河上有浮水桥。

**陈姑坊桥** 《县志》：在县西南十五里陈姑坊堡，跨观音渠，系通道，旧有木桥。顺治十六年，耆民赵自强倡建石桥。康熙十八年圯。自强子尔养重修，复败于水，知县章泰改建。

**天渠桥** 《通志》：在县西三十里亚柏镇，一名亚柏桥。通连云栈，跨天河渠。

**涧河桥** 《通志》：在县东北四十里西塞堡。

**卢家河渡** 《县志》：在县东十里唐村堡，每遇雨水激，不能建桥。知县何起鸣造船二只，僦夫二名。又东十里油坊头堡有黑河渡。

## 渭南县

**赤水镇** 《九域志》：县有赤水西镇。《长安志》：在县东。

按：镇在县东二十五里，西镇属渭南，东镇属华州。

**丰原镇** 《通志》：在县东南十五里。又东南五里有长收镇，又东南十里有崇宁镇。

**三张镇** 《通志》：在县西南十五里。又西南十五里有盛店镇。又西南五里有员曲镇。又西南五里有阳郭镇。

**黄家屯镇** 《通志》：在县西十五里。又西五里有杜化镇。

**大吉镇** 《通志》：在县西北二十里。又西北十里有田市镇，东属渭南，西属临潼。又西北二十里有秦桥镇、蔺家镇、刁刘镇。又西北十里有阳右曲镇、官底镇。

**新市镇** 《通志》：在县北二十一里。又北二十九里有下邽镇。

**上涨镇** 《通志》：在县东北十里。又东北二十里有小石镇、苍头镇、巴邑镇。又东北十里有孝义镇、故市镇、定通镇。又东北十里有交斜镇。又东北十里有来化镇。按：即《金·地理志》之素化镇。又东北十里有凭信镇。

**明光桥** 《马志》：在县东三里。《县志》：跨明光峪。康熙九年，知县孙熿建。又东五里有西阳桥，跨西阳谷；东阳桥，跨东阳谷。又东十七里有赤水桥，一名法济桥。

按：赤水桥于乾隆十四年，知县齐士雄详修，石墩木面，后冲卸。二十五年，知县潘纬率邑绅砌石，至今完固。

**潜水桥** 《通志》：一名万里桥，在县西门外，跨潜水。万历三十一年，知县王九叙建。甃石为梁，广二丈二尺，高一丈五尺，长二十丈，下为门者十。后令杨所修，增筑十余丈。本朝顺治乙未，知县尚九迁增修十二眼，计十三丈。又三岔桥，亦在县西，跨三岔河。又西二十里有杜化桥，跨杜化谷。

**沙河渡** 《通志》：在县西北十五里。又五里有方家渡。

**上涨渡** 《马志》：在县北十里<sup>①</sup>。

**下涨渡** 《马志》：在县东北十里<sup>②</sup>。又东北二十里有蔡渡<sup>③</sup>。

按：《县志》：三渡俱在渭河上。上涨、下涨各设官船一只，水夫各十名<sup>④</sup>。蔡渡，民船。至古津梁之在渭南者，有关门桥。《县志》：在县东郭门外，后水泄于北滩，桥废。又东冷水桥，在县西三十里，引冷水灌田，故名。后水泄于渭，桥亦废。又板桥、秦

① 在县北十里：明嘉靖《陕西通志》卷二作“在县北七里”。明嘉靖《渭南县志》作“在县北七里上涨渡镇”。

② 在县东北十里：明嘉靖《陕西通志》卷二作“在县东北四里”。明嘉靖《渭南县志》作“在县东北五里水手寨之东南”。

③ 又东北二十里有蔡渡：明嘉靖《陕西通志》卷二作“蔡渡，在县东北三十里赤水镇”。

④ 明嘉靖《渭南县志》作（上涨、下涨）“二渡官船各二只，水夫各十二人”。

桥、杜桥，俱在渭北石川河上，河旋西流，诸桥皆废为村。

## 富平县

**张桥堡** 《县志》：在县东南四十里。

**王寮镇** 《通志》：在县东十五里。又东十里有刘集镇、留古镇。

**都村镇** 《通志》：在县西十五里。又西二十里有觅子镇。

**庄里镇** 《通志》：在县西北三十里，即王翦故屯兵处。

**曹村镇** 《通志》：在县北三十里。又有流曲镇。《县志》：即故通川，后魏建北地郡址。又北三十里有底店镇。

**道贤镇** 《通志》：在县东北三十五里。又东北十里有庄子镇，交蒲城界。《贾志》：镇有王翦别业。又东北十五里有美原镇。《县志》：即唐美原县址，当宜君、白水、蒲城、富平四县之交。洪武三年设巡检司，寻裁。

按：张桥、庄里、流曲、道贤、美原五堡，俱嘉靖丙午巡抚谢兰建。又古戍镇之在富平者，有军寨，《县志》：在县东十里，宋张浚战场。又田家营，在县西十五里，元张思道屯兵处。又王侯堡，《长安志》：在县西北四十五里，《贾志》：王翦屯兵之所。又棘店镇，《长安志》：在县南二十里。又有永安镇。

**东门桥** 《县志》：在县东门外，跨玉带渠。

**李公桥** 《贾志》：在县北门外温泉水上，亦名带温桥，明邑人鸿胪卿李道源建。

## 醴泉县

**西张堡** 《通志》：在县东三十里。

**永兴镇** 《通志》：在县东五十里，即阡东镇。相近有南屯、北屯二镇。

**赵村镇** 《通志》：在县西北二十里。



**陂北镇** 《县志》：在县北四十里。又北十里有叱干镇。

按：古镇之在醴泉者，《九域志》：醴泉县有甘北镇。《长安志》：北醴泉镇，在县北二十里。《县志》：县东北十里有泔北镇，即此。

**望乾桥** 《通志》：在县西北城外泥河上。沈梦斗《碑记》：泥河经醴泉城西北二门，有桥曰望乾，以乾陵在望故也。接城之门之阴，迤北遂通大道。嘉靖三十四年地震，圯，两修两坏，移于门之西北隅。万历丁亥，复索故址，取废石以固其底，架木覆土，广可三丈，长七丈。《县志》：后知县芮质田复倡建石桥，甲辰秋，暴涨，尽毁。本朝康熙年，知县郑廷秀修，有泉涌出。

**仲桥** 《通志》：在县北门外。《晋·刘曜载记》：咸和四年，石赵克长安，刘（引）[胤]自上邽趋长安，军于仲桥。《通鉴注》：郑国渠经仲山，渠上有桥，谓之仲桥，在九峻之东。《县志》：明嘉靖元年知县焦端建，水冲。十三年，知县刘佐修。

按《县志》，唐县古仲桥城，在今县东北十里，则刘（引）[胤]所屯，当在仲桥城而非仲桥也。《元和志》：九峻在县东北二十五里。古仲桥在其处，亦非今北门外之仲桥。

**刘医家渡** 《县志》：在县北六十里泾河上。

**狄道渡** 狄，一作地，一作递。《县志》：在县东北五十里。

按：渡在泾河上，新置渡船一只，水夫一名。

**泾泔渡** 《县志》：在县东五十里泔河合泾处。又有名光渡，亦在泾河上。

## 同官县

**金锁关** 《县志》：在县北三十里神水峡，有东西二路，一通延绥、榆林，一通宁夏、甘肃。道从石峡出，绝壁千尺，为榆塞、秦关襟喉要地。嘉靖三十年，巡抚张珩议以鄜州南下省城，金锁

关至为冲要，宜筑城戍守，以防套寇突犯，从之。《耀州志》：三十二年，知县亢庆鸿始筑关城，置巡司，后裁。

**西梁堡** 《县志》：在县南三十里。昔人据险守御处，故址尚存。

**济阳寨** 《县志》：在县治西南隅济阳山上。元末张良弼遣院判虎林赤等筑山寨为据守计，有土城，高丈余，县依为固。有洞旁穿，取水于下。近修寨，得古窖，尚有藏粟。

**永宁寨** 《县志》：在县治西山上，与济阳为犄角，皆明嘉靖中知县亢庆鸿筑。

**南古寨** 《县志》：在县东北二十里。四面皆山，仅通一径，其顶宽平，有池及井，昔人避兵之地。

**陈炉镇 立地镇** 《县志》：俱在县东南三十里。又东南十里为上店镇。

**黄堡镇** 《贾志》：在县南四十里，金时为重镇，明嘉靖三十五年筑堡。

按：《晋·姚襄载（纪）[记]》：升平初，姚襄自杏城进据黄洛堡，秦苻生遣苻黄眉等击败之。当即此地。又古关隘之在同官者，有赵氏北坞，《晋·苻坚载记》：太元九年，姚萇屯北地，苻坚讨之于赵氏坞。《通鉴注》：坞近同官川。

**临漆桥** 《县志》：在县东街之北。又钟楼桥，在县明远街。并济阳山水所经，明万历三十四年修。

**义济桥** 《县志》：在县北虎溪庵。万历四十年，邑人习童、蒙曰木新建。

**虎溪桥** 《县志》：在县北门外虎头山下，泉水所经。万历十八年，知县屠以钦修。

**龙溪桥** 《县志》：在县南门外济阳山下，泉水所经。万历三十六年修。又县南一里有镇南桥，障山南瀑水所经。又南十九里有虾蟆桥，兔窝岭水所经。又南十里有通济桥，众山瀑水所经，俱本朝修。

## 耀州

**夏侯堡** 《州志》：即今鱼池堡，在州南二十里。元末州治毁，治事于此，后空。明嘉靖二十五年复筑堡城。

**小丘堡** 《州志》：在州西北四十里，嘉靖二十五年筑。又西北六十里分水岭上有岸门城。嘉靖二十三年寇警，参政张涣筑。后以险隘，行者多由七里川，不经此门。

**九龙寨** 《州志》：在州北六十里石觜山。东有九峰，峰有泉，合为九泉，故名。《贾志》：相传三水门夭桃及九龙寨皆姚襄遗迹，九龙寨尚有寨门、地牢基址。

按：昔时堡镇之在耀州者，有天活堡，《州志》：在州西北木门山西北十里，四面石崖峻绝，上有薪水，金陕西行省李兴尝治兵于此。田者尝得遗镞、折戟。又玉女堡，在天活堡北十里玉女山上。又桃儿堡，在玉女堡北十里桃儿堡，东为箭穿堡，相传后周明帝与诸将较射，岩上有孔。又宁谷镇，《长安志》：在华原县西北八十里。《州志》：照金山西北为七里川，即故宁谷镇地。

**通济桥** 《马志》：在州北五里漆水滨，通榆林路。

**东门桥** 《通志》：在州东门外，跨漆水。又西门桥，在州西门外。又南门桥，在州南门外。并跨沮水。

## 建置志 下 驿传 营伍

### 西安府驿传

《资政录》：西安府共六路<sup>①</sup>，西：长安、咸阳、兴平、醴泉；西北：泾阳；北：三原、耀州、同官；东北：高陵、富平；东：咸宁、临潼、渭南；东南：蓝田；西南：鄠县、盩厔。置驿十，无驿者设有递马。除抽拨协济夫、马外，实存驿递马六百匹，夫三百十名，铺递九十三所，铺兵三百六十名，扛夫九百七十九名。岁支详各县。并归各州县管理。

#### 西路驿传

**长安县京兆驿** 《资政录》：在县署东南。额设马五十六匹，马夫三十三名。岁支工料、支直、修理银二千五百三十九两六钱。又县马十匹，岁支银二百二十六两。

**递运** 《资政录》：额设所夫二百十名，岁支银三千四百七十七两六钱。

**铺司** 《资政录》：总铺在府治东，城外郭村、祝村、枣林、泗池四铺。额设铺兵二十三名，岁支银一百三十八两。

已上长安。

---

① 六路：下文实列七路。

按：夫、马岁支银两，遇闰俱照数增加，不具载。后各州县仿此。

**咸阳县渭水驿** 《资政录》：在城中。额设马八十匹，马夫四十三名。岁支工料、支直、修理银三千一百二十八两四钱。又县马五匹，岁支银一百十三两。

**递运** 《资政录》：额设所夫一百二十名，岁支银一千七百二十八两。

**铺司** 《资政录》：总铺在城内，城外河南、宫字、泉下、上照、双照五铺。额设铺兵二十六名，岁支银一百五十六两。

已上咸阳。

**兴平县白渠驿** 《资政录》：在城内。额设马五十九匹，马夫三十三名。岁支工料、支直、修理银二千一百十八两四钱。又县马五匹，岁支银一百十三两。

**递运** 《资政录》：额设扛夫七十名，岁支银七百五十六两。

**铺司** 《资政录》：总铺在城内，城外朱曹、汤台、马嵬、店张四铺。额设铺兵二十五名，岁支银一百五十两。

已上兴平。

**醴泉县店张驿** 《资政录》：在县东南。额设马七十二匹，马夫三十九名。岁支工料、支直、修理银二千七百三十两六分七厘。又递马三匹，马夫三名，岁支银一百二十二两一分六厘。

**递运** 《资政录》：额设所夫七十三名，岁支银七百八十八两四钱。

**铺司** 《资政录》：总铺在城内。城外雒村、晏村二铺。额设铺兵十三名，岁支银七十八两。

已上醴泉。

## 西北路驿传

**泾阳县** 《资政录》：额设递马十一匹，马夫五名。半岁支工料、支直、修理等银四百二两二钱。



**递运** 《资政录》：额设扛夫二十四名，岁支银二百五十九两二钱。

**铺司** 《资政录》：总铺在城内，城外永乐、宋村、党家桥、寨头、张家、马家、冶峪、千夫、百谷九铺。额设铺兵三十名，岁支银一百八十两。

## 北路驿传

**三原县建忠驿** 《资政录》：在城内。额设马十二匹，马夫六名。岁支工料、支直、修理银四百三十七两四钱。

**递运** 《资政录》：额设扛夫二十四名，岁支银二百五十九两二钱。

**铺司** 《资政录》：总铺在城内，城外孙村、曹师、陵前、阳村、西阳五铺。额设铺兵二十四名，岁支银一百四十四两。

已上三原。

**耀州顺义驿** 《资政录》：在城内。额设马九匹，马夫四名。半岁支工料、修理银二百六十八两二钱。

**递运** 《资政录》：额设扛夫十二名，岁支银一百二十九两六钱。

**铺司** 《资政录》：总铺在城内。额设铺兵五名，岁支银三十两。

已上耀州。

**同官县漆水驿** 《资政录》：在城内，额设马九匹，马夫四名。半岁支工料、修理银二百六十八两二钱。

**递运** 《资政录》：额设扛夫十二名，岁支银一百二十九两六钱。

**铺司** 《资政录》：总铺在城内，城外飞仙、朝阳、丰泽、曲掌、神水、渠赤六铺。额设铺兵二十九名，岁支银一百七十四两。

已上同官。

## 东北路驿传

**高陵县** 《资政录》：额设递马九匹，马夫四名。岁支工料、支直、修理银三百三十一两八钱。

**递运** 《资政录》：额设扛夫十二名，岁支银一百二十九两六钱。

**铺司** 《资政录》：总铺在城内，城外姚子、梁村二铺。额设铺兵十二名，岁支银七十二两。

已上高陵。

**富平县** 《资政录》：额设递马六匹，马夫五名。岁支工料、支直、修理银二百十八两四钱九分三厘。

**递运** 《资政录》：额设扛夫十二名，岁支银一百二十八两五钱二分二厘。

**铺司** 《资政录》：总铺在城内，城外牛村、庄子、都村、坡峪、觅子、横水六铺。额设铺兵二十一名，岁支银一百二十六两。

已上富平。

## 东路驿传

**咸宁县京兆驿** 《资政录》：在县署南。额设马五十六匹，马夫三十三名。岁支工料、支直、修理银二千五百三十九两六钱。又县马十匹，岁支银二百二十六两。

**递运** 《资政录》：额设所夫一百四十名，岁支银二千三百十八两四钱。

**铺司** 《资政录》：总铺在城内，城外浐河、灞桥、留村、豁口、永辛、草店、大峪、陈沟、车河九铺。额设铺兵四十六名，岁支银二百七十六两。

已上咸宁。

**临潼县新丰驿** 《资政录》：在县东二十里。额设马八十四匹，马夫四十五名。岁支工料、支直、修理银三千七百四十八两四钱。

又县马五匹，岁支银一百十三两。

**递运** 《资政录》：额设所夫一百三十五名，岁支银二千二百三十五两六钱。

**铺司** 《贤政录》：总铺在城内，城外阴盘、新丰、戏河、零口、建平五铺。额设铺兵二十五名，岁支银一百五十两。

已上临潼。

**渭南丰源驿** 《资政录》：在城内。额设马八十四匹，马夫四十五名。岁支工料、支直、修理银三千七百四十八两四钱。又县马五匹，岁支银一百十三两。

**递运** 《资政录》：额设所夫一百三十五名，岁支银二千二百三十五两六钱。

**铺司** 《资政录》：总铺在城内，城外新安、赤水、胡村、杜化、盛店、孝义、凭修七铺。额设铺兵三十名，岁支银一百八十两。

已上渭南。

## 东南路驿传

**蓝田县** 《资政录》：额设递马四匹，马夫二名。岁支工料、修理银一百十八两八钱一分。

**铺司** 《资政录》：总铺在城内，城外七盘、北渠、蓝桥、新店、开张、故景、储景七铺。额设铺兵二十五名，岁支银一百五十两。

已上蓝田。

## [西南路驿传]<sup>①</sup>

**鄠县** 《资政录》：额设递马三匹，马夫二名。半岁支工料、修理银一百十六两三钱七厘。

① 本志未列“西南路驿传”目，据本卷小叙及实际方位补。

**铺司** 《资政录》：总铺在城内，城外庞村、秦渡二铺。额设铺兵十名，岁支银六十两。

已上鄠县。

**整屋县** 《资政录》：额设递马三匹，马夫一名。半岁支工料、修理银八十九两二钱七分五厘。

**铺司** 《资政录》：总铺在城内，城外红花、界尚、冯尚，灰渠四铺。额设铺兵十六名，岁支银九十六两。

已上整屋。

## 西安府营伍

《资政录》：满兵营属将军辖。抚标左、右二营属巡抚辖。西安城守一营属提镇辖，分防长安、咸宁二县，并驻札府城。其分防西安属各州、县者，西凤协、潼关协。整屋、富平二营，并属西凤协辖；金锁关一营，属潼关协辖。

按：关内自《周礼·夏官》分职而后，车邻驷铁<sup>①</sup>，代不乏材。汉制京师有南北军之屯，九月，太守会都城课殿最，嗣是皆以武臣掌之。唐初虽有府兵之名，领之者实以骠骑将军，则营伍固非太守所有事也。然防守以卫其所治之民，驻札则屯其所辖之境，是其梗概不可不书，而各属之民壮亦附载焉。至于满营兵马数目以及绿营操防规制、钱粮支放、马匹喂养等事，载在《八旗通志》《会典》《通志》诸书，兹不具录。

**巡抚部院标** 《通志》：驻府城。《资政录》：中军左营参将一员，右营游击一员，守备二员，千总四员，把总八员，经制外委千把八员，额外外委八员，马步战守兵一千一百二十七名，内马兵二百九十一名，步兵三百九十三名，守兵四百四十三名。

按：抚标二营，额设兵数内，除驻防库车马步战守兵一百十

<sup>①</sup> 驷铁：当作“驷驥”。《诗经·秦风》有《车邻》《驷驥》。

一名，库车弁员养廉兵六名，本营各官步战兵六十三名，各官养廉兵五十名额外，外委养廉兵八名，公费兵二十四名，扣留公粮兵一百五名，又除乾隆四十三年换防兵一百三名，实在营差操马兵一百六十三名，步兵一百九十九名，守兵二百九十五名。

**大教场** 《通志》：在西郭。**小教场**在西门内。

**西安城守营** 《通志》：驻西安府参将一员，守备一员，马兵一百二十五名，步兵一百二十一名，守兵六十二名。分防长安县千总一员，马兵二十名，步兵三十名，守兵三十名，长安河马兵一名，守兵十名。分防咸宁县把总一员，马兵二十五名，步兵三十名，守兵三十五名。

**演武场** 《通志》：在府城西门外。

**西凤协营** 《通志》：分防咸阳县把总一员，马兵十四名，守兵七十名。分防兴平县外委把总一员，马兵七名，守兵五十二名。分防醴泉县外委把总一员，马兵七名，守兵五十名。

按：西凤协营副将、都司各一员，并驻凤翔府，兼防乾州、武功、扶风、岐山、郿县、麟游。各属所有官兵数目不具截。

**潼关协营** 《通志》：分防临潼县把总一员，马兵二十五名，步兵十二名，守兵二十四名。分防渭南县把总一员，马兵十二名，步兵九名，守兵二十五名。

按：潼关协副将、都司各一员，并驻潼关，兼防同州府、朝邑、华州、澄城、华阴及大庆关等处。所有官兵数目不具载。

**整屋营** 《通志》：驻整屋县都司一员，马兵二十二名，守兵一百七十一名。分防鄠县千总一员，马兵五名，守兵七十四名。分防蓝田县把总一员，马兵四名，守兵六十五名。

**演武场** 《通志》：在整屋县城西门外。

**富平营** 《通志》：驻富平县都司一员，马兵三十七名，守兵六十五名。分防泾阳县把总一员，马兵十一名，守兵三十五名。分防三原县外委把总一员，马兵四名，守兵二十七名。分防高陵县外委把总一员，马兵四名，守兵二十七名。



按：富平营兼防蒲城、白水及永丰塘。所有官兵数目不具载。

**演武场** 《通志》：在富平县北郭外。

**金锁关营** 《通志》：驻耀州都司一员，马兵八名，守兵九十三名。分防同官县外委千总一员，马兵三名，守兵五十二名。分防金锁关在同官外委把总一员，守兵二十名。

按：金锁关营兼防淳化县。所有官兵数目不具载。

**演武场** 《通志》：在州署前道。

**附：**

**民壮** 《资政录》：长安县三十八名，咸宁县三十八名，咸阳县三十八名，兴平县三十四名，临潼县三十八名、县丞四名，高陵县二十二名，鄠县二十二名，蓝田县二十二名，泾阳县二十四名，三原县二十四名，盩厔县十九名，渭南三十八名，富平县二十四名，醴泉县三十七名，同官县二十二名，耀州三十三名。

## 西安府志卷第十二

# 食货志 上 蠲赈 历代附

《洪范》：一曰食，二曰货。《传》谓食所以厚民之生，而货所以利民之用也。关中厥土黄壤，厥田上上，穗秸输将，而后下逮邠岐，彻田分井，九式聿颁，所以劳民劝相者至矣。慨自阡陌是开，而租庸调并征于后。宋、元既降，饥馑师旅，史不绝书，于是周馥乃僦焉，其不堪命。是编首之以蠲赈，以见我朝休养生息百数十年，恩普德洋，非振古所可企也。有人斯有土，有土斯有财，故次之以户口、田赋。至于积贮、屯运、经费、课程以及盐钱、茶马，裕国实边，皆食货所有事，故又次之。若夫神皋陆海，材器万端，则又秦民衣食之源而国家财货之所自出，故以是终焉。仿《汉志》例，分上、中、下卷。

## 蠲赈

### 本朝

谨按：我朝深仁厚泽，洋溢弥纶，赐复蠲租，史无虚岁。但恩旨所及，统属全秦，而西安首郡，被泽尤先。故凡概言陕西以及西安等府者，俱为敬谨编载。至历代诏旨有称关内及三辅者，文义未能裁节，亦视此例。

《通志》：顺治二年四月初十日诏：西安等府州县遭寇焚掠，应听按抚官察明。顺治二年，钱粮应全免者全免，应半征者半征，

钦此。

《通志》：顺治五年，抚臣具题奉旨：陕西被灾一等者蠲一年额数，二等者免一年之半，三等者免三分之一。钦此。

《通志》：顺治七年九月，督抚臣会题奉旨：豁免西安等府州属无著荒地十二万六千三百九十八顷六十四亩零，逃亡丁五十九万四千三十零。钦此。

《通志》：顺治八年十月，督抚臣会题奉旨：豁免西安等府州属荒地一万四千七百四十八顷七十一亩零。钦此。

《通志》：顺治十五年四月，抚臣具题奉旨：豁免西安府属续荒地一百八十六顷七十一亩零。钦此。

《通志》：顺治十六年，抚臣具题奉旨：豁免西安府属之耀州续荒地七十五顷五十六亩零。钦此。

《通志》：康熙三年诏：直省顺治十五年以前拖欠各项银米药材、绉绢布匹等项钱粮，概行豁免，钦此。

《通志》：康熙八年正月，督抚臣会题奉旨：豁免西安、凤翔、汉中、兴安四府州属均徭银二千七百五十六两零。及西、延、汉、兴四府州流寓回籍死伤等丁一万八千五百五十零。又豁免棉花五百二十九斤，及蓝田竹枝鲜笋折价。钦此。

《通志》：康熙十年诏：免直省康熙四、五、六年旧欠地丁等项钱粮。钦此。

《通志》：康熙十一年，陕西抚臣具题奉旨：豁免民屯更名地内各细色粗粒五千三百石零，又免棉花九百四十五斤零折价。钦此。

《通志》：康熙十四年，靖逆侯张勇具题奉旨：准免康熙十四年分起存项下未征银三千九百六十二两零，又起存米四百五十四石零。钦此。

《通志》：康熙十五年，抚远大将军图海具题奉旨：蠲免历年拖欠并被陷失耕地土钱粮。钦此。

《通志》：康熙十六年，抚臣具题奉旨：豁免西安等府杀伤人

丁一千零。钦此。

《通志》：康熙二十年诏：蠲直省康熙七年起至十七年旧欠地丁等项钱粮。钦此。

《通志》：康熙二十二年十二月十七日，奉上谕：陕西西安等处前当大兵征剿之时，一应军需取给闾里，今既荡平，朕心时切轸念，所有康熙二十三年应征地丁各项钱粮，着蠲免三分之一。钦此。

《通志》：康熙二十六年十一月二十六日，奉上谕：陕西钱粮前虽已行蠲免，但该省人民，用兵之际，转输餽饷，效力可念。所有康熙二十七年应征地丁各项钱粮及二十六年未完钱粮，俱着蠲免，钦此。

《通志》：康熙三十一年十月初四日，奉上谕：陕西西安等处连岁凶荒，继以疾病，自去岁冬月以来，颁发帑金，蠲免正赋，挽输积谷，转运漕粮，屡遣大臣察勘赈济。今虽薄有秋收，但民间匮乏已极，非格外加恩，无以使积困尽甦，转徙尽复。陕西巡抚所属府、州、县、卫、所，康熙三十二年地丁银米，着通行免征，从前所有积欠、未完钱粮，亦着通行蠲豁。钦此。

《通志》：康熙三十四年十二月十七日诏：陕西省康熙三十三年以前历年积欠及带征未完银米，俱着豁免。钦此。

《通志》：康熙四十二年十一月十七日，奉上谕：秦省为天下要地，曩者连岁荒旱，所司未经奏报，朕访闻得实，即多方筹画运米拯救。但秦省关系最重，抚绥尤宜加意，故不禅隆冬，跋履风霜，远临兹土，凡巡幸所至，必大沛恩膏。今将陕抚所属地方康熙四十二年以前各项积欠银米草豆钱粮，尽行蠲免。钦此。

《通志》：康熙五十年十月初三日，奉上谕：朕前四十九年颁旨，欲将五十年天下钱粮通行蠲免。以诸臣集议，恐需用兵饷，拨解之际，兵民驿递，益致烦苦，故自五十年为始，三年之内，全免一周。其陕西省五十一年应征地亩人丁银，著察明全免，并历年旧欠，俱着免征。钦此。

《通志》：康熙五十六年十一月二十六日。奉上谕：朕抚驭寰宇五十余年，各省正赋屡经全免，历年积欠，亦已蠲征。民力虽已稍舒，然念分年带征银两，若不格外优宽，则小民一岁所获，分纳二年之赋，以其赢余，养赡室家，断难充足，宜更加殊恩，通行豁免。所有西安等处带征地丁、屯卫银两，概免征收。钦此。

《通志》：康熙五十九年十月十五日，奉旨：陕西地方现有军务，今岁粮谷适又缺收。朕预颁谕旨，着总漕施世纶将运米路径勘视具奏，除陕西历年钱粮屡经蠲免，明岁钱粮另颁谕旨蠲免外，今虽动支常平仓粮散给，而地方官大半俱在军前办事，人员殊少，应照曩年差官赈济山东百姓，遣往赈济。着九卿詹事科道会议具奏，钦此。旋据九卿詹事科道等议，得陕甘地方不通水路，此次赈济，应分三路，差大臣三员，动户部库银五十万两：兰州二十万两，西安、延安各十五万两。由驿运送，散赈地方。会同督抚等率领地方官，将现今陕属常平仓存贮粮六十九万二千石零，甘属常平仓存贮粮六十七万二千石零之内，就近动用。自散赈日起以至麦收，大口每日米三合，小口每日米二合，务使百姓均沾实惠，再无论。旗民有情愿效力，自备银米散赈者，事竣，从优议叙。再查施世纶具题奉旨：截留六十年漕米二十三万三千三百八十八石，但西安地方紧要，米石必得多贮，除施世纶运送米十万石外，将截留六十年漕米内再拨十万石，交河南巡抚运至西安存贮备用。钦此。等因具题，十月二十五日奉旨：所议甚好，不必差遣堂官，着派司官将银两交与施世纶总管，公同赈济，余依议。钦此。

《通志》：康熙五十九年十月十七日，奉上谕：迩年西陲用兵，师行粮从，转输必需，民力劳苦，宜恤。曾将康熙五十八年陕甘所属额征地丁、历年旧欠，康熙五十九年沿边州、县、卫、所额征银，浹沛恩纶，屡行蠲免。近闻二年歉收，民间办赋急公，力何能支？着将陕甘通省各州、县、卫、所，除应征米豆草束外，康熙六十年应征地丁银一百八十八万三千七百四十两零，通行蠲



免。钦此。

《通志》：雍正元年三月二十二日，奉上谕：陕省自军兴以来，大兵驻扎，运送粮饷，供支草豆，无一不需民力，皇考每为軫念。今当大沛恩膏，所有康熙六十年以前，陕省除借给籽种，着该督抚查议，分年带征外，其余凡有民屯卫所未完银米豆草，悉予蠲免，钦此。

《通志》：雍正元年六月十三日，奉上谕：朕闻陕甘各州、县、卫、所，地丁银两每钱额外征收三厘，米每斗额外征收三合，以为备荒之用。此项徒有加赋之名，而无赈济之实。着自雍正元年始，将额外征收银米永行停止，如有旧欠，亦悉予蠲除。钦此。

《通志》：雍正六年四月初五日，奉上谕：据岳钟琪奏，前因陕甘两省丁银偏累，据照各省例请，将丁银于全省地粮内通计均摊，已奉旨允行。惟是各属册籍繁多，未能一时核定，而该年钱粮已准部咨拨充兵饷，是以各州县仍照旧额征收等语。着照所请，但此项银两，既系陕民输纳之物，着留贮陕省，于地方公事如积贮、兴修之类有裨益于民间者，该督抚酌量奏闻，动支不必拨充兵饷。钦此。

《通志》：雍正七年二月初二日，奉上谕：陕省兵丁，年来效力甚多，朕深为軫念。伊等出征之时，若因已给行粮遂扣其坐粮，则妻子在家，难以养赡。嗣后出征兵丁，于照例支給行粮外，仍给坐粮银米，以为养赡家口之资。钦此。

《通志》：雍正七年六月十二日，奉上谕：数年以来，用兵西藏，西安各属地方亦有预备军需之事，着将庚戌年额征钱粮蠲免十分之三，共计银四十七万九千九百两零。钦此。

《通志》：雍正七年六月二十六日，奉上谕：岳钟琪奏称：陕属设立社仓，于雍正四、五两年司库耗羨内，发各州县十四万五千八百余两，共采买谷麦三十九万八千七百五十五石零，州县小者二三千石，大者七八千石。每年借放之本，尚存银八万八千七百两，分发各处，盖造社仓，约以京斗一千石为一社，每社仓

一所，不拘房屋间数，总以足贮二千京石为率。请敕督抚于各州县四乡分社建仓，令同社村堡老民公举仓正、仓副经管。合计陕属约买粮四十万石，应建社仓四百余处等语。从前岳钟琪在京，请于通省加二火耗内，应行裁减每两五分之数，暂行征收，采买谷石，分贮社仓，俟买足后即行裁减。是于暂收耗羨之中，隐寓劝输之法，实则应行酌减之。耗羨即小民切己之资财，而代民买贮之仓粮，即小民自捐之积贮，此藏富于民之良法。着督抚将此旨刊石颁布，俾各州县乡社小民，咸知朝廷经营设法之盖藏，实百姓自为敛散之资用。倘地方官于此次谷石创议，交官不交百姓，或指称原系公项，预为公事侵那<sup>①</sup>之地，俱以扰挠国政，贻误民生论，从重治罪。其岳钟琪奏拨社仓条约，着户部抄交诸督抚，分发给各州县，刊刻木榜，竖立社仓，以为承久程式。钦此。

《通志》：雍正七年八月十一日，奉上谕：西安六七月间苦旱，今年已蠲银四十万两，庚戌年着再免地丁钱粮四十万两。钦此。

《通志》：雍正八年十月十八日，奉上谕：陕西地方民风淳朴，历年逋赋甚少。查每年征收钱粮之期，四月完半，十月全完。朕思四月、十月既届纳课之期，小民必须预先经营，是麦谷未收之时，即为输将之计，或因称贷而受剥于富豪，或因预采而大亏其价值，著将四月完半者，宽至六月，十月全完者，宽至十一月，俟夏麦秋禾登场纳稼之后，从容完课，俾民力纾徐，以副朕爱养黎元之至意。钦此。

《通志》：雍正九年正月初三日，奉上谕：陕省经理军需数年，民人踊跃趋事，甚为可嘉。年来屡降蠲免之旨，兹特再布恩膏，将雍正九年西安所属额征地丁银蠲免十分之三，共计银四十七万九千九百两零。钦此。

《通志》：雍正九年二月二十六日，奉上谕：年来征剿准噶尔，三秦绅士庶民，知感国恩，兼明大义，踊跃趋事，志切急公，二

① 侵那：清潘杓燦《未信编·钱谷》注：暗中剥蚀谓之侵，移彼应此谓之那。

十年来如一日，朕实嘉赏之。查雍正九年西安所属额征钱粮，前降旨蠲免四十万两，着再蠲免四十万两，以昭朕体恤之恩。钦此。

《通志》：雍正十二年十一月二十六日，奉上谕：陕西今岁仲秋闻有雨少，州县如西安所属临潼、渭南、高陵、泾阳、三原、醴泉、富平等处，朕心深为軫念。特谕该督抚速筹蠲免之策，务使贫民不致失所。兹据史贻直、硕色奏称，西安所属于九月内大沛甘霖，明岁夏收可望。至本地钱粮，百姓感戴皇仁，已经完纳十之八九，无庸加恩蠲免。惟从前借巢仓粮，应于秋后还仓。今既薄收，若再催还借巢之项，诚恐市价增长，民力维艰等语。西安等府州属百姓所借仓粮，俱着赏给，明年不必交还。钦此。

《资政录》：乾隆十年六月初六日，内阁奉上谕：我朝列圣相承，深仁厚泽，无时不加意培养元元，以期家给人足。百年以来，薄海内外，物阜民康，共享升平之福。朕临御天下十年，于兹抚育烝黎，民依念切，躬行俭约，薄赋轻徭，孜孜于保治之谟，不敢稍有暇逸，常守节用爱人之训，凡以为民也。今寰宇敕宁，既鲜糜费之端，亦无兵役之耗，所有解部钱粮，原为八旗官兵及京员俸饷之所需，计其所给，较之宋时养兵之费，犹不及十之一二。至于各处工程为利民之举者，取给于存公银两。即朕偶有巡幸，赏赉所颁，亦属无几，是以左藏尚有余积。数年来，直省偶有水旱，朕加恩赈济，多在常格之外。如前年江南被水，抚绥安插，计费帑金千余万两，凡此皆因灾伤补救而沛恩泽者。朕思海宇乂安，民气和乐，持盈保泰，莫先于足民。况天下之财，止有此数，不聚于上，即散于下。仰唯我皇祖在位六十一年，蠲租赐复之诏，史不绝书，又曾特颁恩旨，将天下钱粮普免一次。我皇考旰食宵衣，勤求民瘼，无日不下减赋宽征之令，如甘肃一省正赋全行豁免者十有余年，此中外所共知者。朕以继志述事之心，际重熙累洽之候，欲使海澱山陬，一民一物，无不均沾大泽，为是特降谕旨，将乾隆丙寅年直省应征钱粮，通行蠲免。其如何办理之处，著大学士会同该

部即速定义具奏。钦此。

《资政录》：乾隆三十五年正月元旦，内阁奉上谕：朕寅承丕绪，抚有万方，申旦求衣，无日不以勤恤民依为念。是以劬农省岁，减赋追征，不靳多费帑金，蕲闾阎共臻康阜。溯在乾隆十一年丙寅，朕御宇周旬，肇敷闾泽，曾恭依皇祖普免天下钱粮恩例，蠲除直省额征正赋二千八百万两有奇。越在三十一年丙戌，际当必世兴仁，益惟比户饶裕是计，复下诏将应征漕米省分，照康熙年例概蠲一次，俾各仓箱盈衍，倍积耕余。迩年以来，寰宇乂宁，民气和乐，惟上天孚佑我邦家，浚锡康年，颂符绥履。朕祇膺昊苍鸿眷，其可不究泽推仁以与我海内元元，答兹嘉贶。我国家席全盛之模，内外经费度支，有盈无绌，府库所贮，月羨岁增。因思天地止此生财之数，不在上，即在下，与其多聚左藏，无宁使茅檐蔀屋自为流通。乃者仰绍列祖貽庥，化成熙洽，为民藏富，欣际斯辰。且今年为朕六十诞辰，明岁恭逢圣母八旬万寿，普天忭祝，庆洽频年，尤从来史册所未有。是宜更沛非常之恩，以协天心而彰国庆。兹用乘春颁令，诞布阳和，著自乾隆三十五年为始，将各省应征钱粮通行蠲免一次，其如何分年递蠲之处，著大学士会同该部即速详议具奏。钦此。

《资政录》：乾隆四十二年正月二十四日，内阁奉上谕：前因圣母万寿，特宏锡类之仁，普蠲各直省钱粮，以昭庆惠。朕本欲俟恭祝圣母九旬万寿之年，再溥恩施一次，兹者仙驭升遐，此后更无可推广慈仁之处。现在部库帑项，又积至七千余万，著再加恩：自戊戌年为始，普蠲天下钱粮，仍分三年轮免。俾寰宇亿兆人民，仍得共被慈恩，永申感慕。而朕终天罔极之忱，虽不能仰酬万一，庶几藉兹稍展。其如何轮派年分，着户部即速悉心核奏遵行。钦此。

谨按：则壤成赋，奉上之正供。赐复追征，推恩之盛，则我朝列圣相承，重熙累洽。圣祖仁皇帝六十余年，恺泽湛恩，覃敷区夏。世宗宪皇帝十有三载，宵衣旰食，廑念烝黎。皇上御极以



来，绍庭阐绎，笃念持盈，保泰足食为先，体天颺而普予施仁，法祖德而益期藏富，于乾隆十年特颁谕旨，将天下钱粮普蠲一次。三十五年，以国家叠逢庆典，锡类推恩，再行通免。四十二年，复以皇太后仙驭升遐，万方哀慕，广遗泽于无穷，洽群心为大孝。举凡恩施稠叠，浹髓沦肌，实臣民不敢冀倖之渥膏，尤史册从来未有之盛事。伏查恩旨三次，经户部议覆，均照康熙五十年例，分作三年全免一周。陕省乾隆十年一次，于十一年丙寅蠲免；三十五年一次，于三十六年辛卯蠲免；四十二年一次，于四十三年戊戌蠲免。是以化成熙洽，户庆丰绥。至于裕民食而缓征带征，恤偏灾而赐全赐半，推仁究泽，岁不绝书。以帙隘，未能恭载全文，谨先识其大者，以昭盛轨云。

## 附：

### 汉

《宣帝纪》：本始三年，旱，令三辅民就贱者，且毋收事，尽四年。注：晋灼曰：不给官役也。师古曰：收，谓租赋也；事，谓役使也。尽本始四年止。

《宣帝纪》：本始四年正月诏：农者兴德之本也。今岁不登，已遣使者赈贷困乏，其令大官损膳省宰，乐府减乐人，使归就农业。丞相以下至都官令、丞上书入谷，输长安仓，助贷贫民。民以车船载谷入关者，得毋用传。

《宣帝纪》：地节三年十月诏：池籩未御幸者，假与贫民。流民还归者，假公田，贷种、食，且勿算事。

### 后汉

《安帝纪》：元初元年十月诏：除三辅三岁田（租）[租]<sup>①</sup>、更赋、口算。

<sup>①</sup> 据《后汉书·安帝纪》改。



《献帝纪》：兴平元年，三辅旱。使御史<sup>①</sup>侯汶出太仓米豆，为饥人作糜粥，经日死者无数<sup>②</sup>。帝乃亲于御坐前量试作糜，乃知非实，使侍中刘艾出让有司，侯汶杖五十，自是多得全济。

## 晋

《惠帝纪》：永平八年正月诏：发仓廩赈雍州饥人。

## 北魏

《太武帝纪》：神䴥三年十一月，赦秦雍之民，赐复七年。

《文成帝纪》：太安五年十二月诏：朕承洪业，统御群有，思恢政化，以济兆民。故薄赋敛，以实其财；轻徭役，以纾其力。欲令百姓修业，人不匮乏。而二雍偏遇灾旱，年谷不收，其遣开仓廩以赈之。有流徙者，谕还桑梓；欲市余他界，为关傍郡，通其交易之路。若典司之官分职不均，使上恩不达于下，下民不瞻于时，加以重罪，无有攸纵。

《孝文帝纪》：承明元年八月，长安二蚕多死，丐民岁赋之半。

《孝文帝纪》：太和三年六月，雍州民饥，开仓赈恤。十二年五月，诏关内六郡各修水田，通渠溉灌。十一月，雍州民饥，开仓赈恤。

## 北周

《宇文椿传》：关中民饥，椿表陈其状，玺书劳慰，令所在建仓赈恤。

## 隋

《食货志》：开皇五年五月，工部尚书长孙平奏：去年亢阳，关内不熟。陛下哀愍黎元甚于赤子，运山东之粟，置常平之仓，开发仓廩，普加赈赐。

《高祖纪》：开皇六年八月，关内七州旱，免其赋税。《食货

① 御史：《后汉书·献帝记》作“侍御史”。

② 无数：《后汉书·献帝记》作“无降”。

志》：命司农丞王亶发广通之粟三百余万石，以拯关中。又发故城中周代旧粟，贱糶与人。买牛、驴六千余头给贫者。令往关东就食。

《炀帝纪》：大业三年四月，关内给复三年。

《食货志》：大业十三年，百姓饥谨。义师入长安，发永丰仓赈之。

## 唐

《高祖纪》：武德二年闰二月，皇太子及秦王世民、裴寂巡于畿县。《册府元龟》：诏：隋末道消，运为阳九，盗贼蜂起，饥谨荐臻。是以上天降鉴，爰命朕躬，绥静黎元，克定凶丑。然年谷不登，民多困乏，一物失所，有甚纳隍，宜加存问，救其疾苦。可令皇太子建成巡京城侧近诸县，秦王巡京城以东，右仆射裴寂巡京城以西，诣彼闾阎，见其耆老，观省风俗，廉察吏民，乏绝之徒，量加赈给，如有冤滞，并为申理。

《册府元龟》：武德七年，关中旱，遣使赈给之。

《太宗纪》：武德九年八月，即位，免关内二岁租。

《太宗纪》：贞观十一年正月，免雍州今岁租赋。

《册府元龟》：贞观十三年正月，帝朝于献陵，免三原县一年租赋。

《太宗纪》：贞观二十二年二月，蠲京城今岁半租，畿县三[之]<sup>①</sup>。

《高宗纪》：贞观二十三年六月，即位，给复雍州一年。

《册府元龟》：永徽二年正月诏：去岁三辅之地颇被蝗螟，百姓之间致有罄乏，今献岁肇春，东作方始，粮廩或窘，事资赈给，其遭虫水处，量以义仓，赈贷贫乏。雍州遣郎中一人，充使巡问，务尽哀矜之旨，副朕缱绻之心。

《高宗纪》：永徽六年正月，拜昭陵，赦醴泉免今岁税调。

① 据《新唐书·太宗纪》补。

《册府元龟》：上元二年正月，敕雍州给复一年。

《旧书·高宗纪》：永隆元年正月诏：雍州六等以下户，宜免两年地祝<sup>①</sup>。

《高宗纪》：开耀元年正月，免雍州二岁税。

《武后纪》：垂拱二年十月<sup>②</sup>，有山出于新丰，诏为庆山，给复一年。

《武后纪》：长安元年十月，给复关内三年。

《册府元龟》：景龙三年，关中旱，遣大理少卿侯令德等分道抚问赈给。《旧书·中宗纪》：十一月，免关内今岁赋。十二月，如温汤，赦新丰给复一年。

《旧书·中宗纪》：景龙四年二月，赦咸阳、始平给复一年。

《(元)[玄]宗纪》：开元元年十月，幸温汤，免新丰来岁税。

《旧书·(元)[玄]宗纪》：开元二年正月，关中自去秋至于是日<sup>③</sup>不雨，人多饥乏，遣使赈给。

《册府元龟》：开元四年九月诏：关中田苗今正成熟，若不收刈，便恐飘零。缘顿差科，时日尚远，宜令并功收拾，不得妄有科唤，致妨农业。

《旧书·(元)[玄]宗纪》：开元二十一年，久雨，京师饥。诏出太仓粟二百万石赈给之。

《册府元龟》：开元二十二年十一月敕：闻京畿及关辅有损田，百姓等属频年不稔，久乏粮储，虽今岁薄收，未免辛苦。州县不急之务，差科徭役并积年欠负等，一切并停。

《册府元龟》：开元二十三年五月诏：关辅蚕麦，稍胜常年，百姓所收，才得自给，若无优假，还虑艰弊。其先欠百司职田及

① 《旧唐书·高宗纪》作（永隆）“二年春正月，诏雍、岐、华、同民户宜免两年地税”。

② 此据《新唐书·则天本纪》。《新唐书·五行志》作垂拱二年九月。

③ 是日：《旧唐书·玄宗纪》作“是月”。

诸色应合，至蚕麦时征，已有处分讫。其公私旧债，亦宜停征。

《(元)[玄]宗纪》：开元二十六年正月，以京兆稻田分给贫民。七月，免京畿下户今岁租之半，赐民酺三日。

《册府元龟》：天宝十载正月制：京兆府百役殷繁，自今已后，应差防丁屯丁，宜令所繇，支出别郡。

《册府元龟》：天宝十三载秋，大霖雨，米价涌贵。诏出太仓米百万石，于城中分十场贱粜与贫人。

《册府元龟》：乾元三年二月，京兆米贵，令中使于西市煮粥，以饲饿者。

《册府元龟》：永泰二年十一月敕：爱人之体，先以博施。富国之源，必在均节。朕自临宸极，比属艰虞，边事犹殷，戎车屡驾，军兴取给，皆出邦畿。乃者尊冉有之言，守周公之制，什而税一，务于行古。今则编户流亡，而垦田减税，计量入之数，甚倍征之法，纳隍之惧，当宁軫怀，虑失三农，忧深万姓。其京兆府所奏今年秋税八十二万五千石数内，宜减放一十七万五千石，其青苗地头钱，亦宜三分放一。先欠永泰元年地头钱一十四万九千一百四十一贯，并宜放免。朕当躬俭节用，恤我黎元。中夏渐宁，庶有康济，宣示百姓，知朕意焉。

《代宗纪》：大历四年三月，免京兆今岁税。四月，连雨，至八月，京城米斗八百文。官出米二万石，减估粜，以惠贫民。《册府元龟》：十一月诏：京兆府今年税量放十万石，其诸司丁役及掌闲、彍骑等，宜委中书门下勘会，其先出资并官出钱充，不须更有科率。

《册府元龟》：大历十二年八月，以京城水旱，分命御史巡苗。《旧书·代宗纪》：十月，京兆尹黎幹奏水损田三万一千顷，度支使韩滉奏所损不多。渭南令刘藻、御史赵计检渭南田，并附滉云不损。上曰：水旱咸均，不宜渭南独免。复命御史朱敖检之，渭南损田三千顷。上叹息曰：县令职在字人，不损亦宜称损，损而不闻，岂有恤隐之意耶？藻、计皆贬官。

《德宗纪》：兴元元年正月，大赦，给复城中十年。《陆宣公奏议》：制曰：京畿之内，属此寇戎，攻劫焚烧，靡有宁室，王师仰给，人以重劳。特宜减放今年夏税之半。

《册府元龟》：贞元元年正月诏：关畿之内，连岁兴戎，荐属天灾，稼穡不稔，谷麦翻贵，烝黎困穷，仓廩空虚，莫之赈赡。宜令度支取江西、湖南见运到襄州米十五万石，搬赴上都，以救荒馑。二月，诏：诸道节度观察使所进耕牛，委京兆府勘责，有地无牛百姓，量其产业，以所进牛均平给赐，其有田五十亩以下人，不在给限。《陆宣公奏议》：诏曰：春阳布和，万物畅茂，实兆庶乐生之日，农夫致力之时。今兹吾人则异于是，迫以荒馑，愁怨无憀。有离去井疆，业于庸保；有乞丐途路，困于死亡。东作愆时，西成何望？为人父母，得不省忧？虽国计犹虚，公储未赡，济人之急，宁俟盈丰？京兆府百姓并宜赐种子二万硕，委州长吏即与度支计会，亲至村闾，随便给付，仍加劝课，勿失农时。诸仓所有远年粟麦，宜令节度更分二万硕，京兆尹即差官逐便般载，赈赐贫人。呜呼！朕德之不敷，诚之不感，上帝降割丁宁，厥躬元元，何辜罹此灾害！思欲拯救，未知其方。长人之官，委任斯重，所宜极虑，与我同忧。勉敷惠和，以育疲瘵，佇闻良术，称朕意焉。

贞元二年诏：京兆尹应科征诸色名目，一切并停。如有能减有均无、赈救贫乏者，授以官秩。

《德宗纪》：贞元六年闰四月，免京兆府夏税。《册府元龟》：以岁旱，诏：京兆府诸县田合征夏税者，除水利地外，一切放免。其回种秋苗者，亦不在收税。限七月召京兆府诸县令对延英殿，问人疾苦，各赐衣一袭。又以麦不登，赐京兆府种五万石。《陆宣公奏议》：十一月诏：畿内百姓委京兆尹切加慰抚，除正统正役外，征科差遣并宜禁绝。

《册府元龟》：贞元七年三月，以关辅牛疫，遣中使市以给之。



《册府元龟》：贞元十二年十月诏：京兆府所奏奉先等八县旱损秋苗一万顷，计予<sup>①</sup>三万六千二百石，青苗钱一万八千二百贯。比缘春夏少雨，秋稼或伤，况畿甸之内，供应实繁，须有优矜，以宽疲瘵，其所奏损，特宜放免。

十四年六月诏：访闻烝庶之间，米价稍贵，念兹贫乏，每用忧怀。今令度支出官米十万石，于街东西各五万石，每斗贱较时价，粦与百姓<sup>②</sup>。乙巳，以旱俭，谷贵人流，出太仓粟赈恤京兆府诸县。七月，令赈给京兆府百姓麦种三万石。十月，以岁凶谷贵，出太仓粟三十万石，令京兆府开场，粦以惠民。

《册府元龟》：贞元十五年二月，以久旱岁凶，出太仓粟十八万石，于京畿诸县贱粦以救贫人。

《册府元龟》：贞元十九年七月，贷京畿百姓麦种。二十年二月诏：去夏迄秋，颇愆时雨，京畿诸县，稼穡不登，朕用轸虑。今宿麦未收，其逋租宿贷六十五万贯石，宜蠲除之。礼化之本，系乎京师，副朕忧人，属于长吏，宜勉务农桑，各安生业，以慰朕怀。

《册府元龟》：贞元二十一年正月，顺宗即位，诏京畿诸县今年秋夏青苗钱并宜放免。

《册府元龟》：元和元年，诏京畿诸县今年青苗钱及榷酒钱并宜放免，地税每斗量放二升。四年六月，渭南县暴雨发溢，漂损閭舍二百一十三户，秋田十六顷，命京兆府发义仓赈给。

《旧书·宪宗纪》：元和六年二月，以京畿民贫，贷常平义仓粟二十四万石。《文献通考》：制：京畿旧谷已尽，宿麦未登，宜以常平义仓粟二十四万石贷百姓。诸道州府有乏粮处，依例借贷。

《册府元龟》：闰十二月敕：畿内百姓，顷以秋稼旱损，农收不登。

① 《全唐文》卷五十三无“予”字。

② 自“防闻烝庶之间”至此，为《出官米平粦诏》。

其粟及大豆，见在百姓腹内<sup>①</sup>者，宜令全放；青苗钱欠在百姓腹内者，量放一半。

《册府元龟》：元和七年二月，赈贷京畿百姓。制详《艺文》。九年二月制：善为国者，务蓄于人。百姓未康，君孰与足？去岁旬服，气序愆和，夏属骄阳，秋多苦雨，三农爽候，五稼不滋。产于地者既微，出于力者宜困。既牵公上之税，荐迫输送之期。四方桢干，属在京师，念兹矜人，良深愧叹。今土膏方动，东作其勤，逋赋未蠲，种饷何望？宜加惠渥，式俾厚生。应京畿百姓所欠元和八年税斛斗、青苗钱、税草等，在百姓腹内者，并宜放免。仍以常平义仓斛斗三十万石，委京兆府条疏赈给，务及贫人。近岁已来，屡（宏）[弘]德泽，邦畿千里，上号腴田，阜安疲黎，亦在循政。咨尔京邑长吏，泊于宰字之官，各宜叶心，将我诏意，戒之以扰，授之以仁，宣示朕怀，咸使知悉。五月，以旱谷贵，出太仓粟七十万石，开六场粜之。并赈贷外县百姓，至秋熟征纳，便于外县收贮，以防水旱。《宪宗纪》：以旱，免京畿夏税。《册府元龟》：计免夏税大麦、杂菽合三十万石，并随地青苗钱五万贯。

《宪宗纪》：元和十一年三月，免京畿二岁逋税。《册府元龟》：制曰：疆理宇内，必先于京师；惠绥四方，亦始于中国。盖以千里之壤，百役是资，俾其不足，吾孰与足。顷自春及夏，时泽未降，恐失顺成之道，或生歉俭之灾。是以仰瞻昭回，俯察田亩，喜获朝济之润，方宽夕惕之忧。思遂康宁，尽蠲逋负。其京畿百姓，所有积欠元和九年、十年两税，及青苗折籴、折纳斛斗及税草等，除在官典所由，腹内者并放免。

《册府元龟》：元和十二年四月诏：出太仓粟二十五万石，粜于两京，以惠饥民。

《册府元龟》：元和十四年五月敕：京畿之内，供亿所丛，虽

① 腹，或作“复”。腹内，谓应纳而未纳者。

年谷比登，而人食尚寡。其京兆府及诸县，今年夏税大麦等共九万四千六百九十四石，并宜放免。

《穆宗纪》：元和十五年闰正月即位。《册府元龟》：四月敕：京畿二十二县，欠元和十四年京百司职田二十二万九千一石束贯等。京畿百姓，顷差搬运军粮，今又修营陵寝，虽应缘驱役，皆给价钱，而屡有牵召，颇妨农亩，岂可更征悬欠，重使忧愁。所欠并宜蠲免。其合受纳所欠职田，或见在官班各请厚俸，或近终考秩稍有余资，宜体朕怀，以宽人力。

《敬宗纪》：长庆四年正月即位。《册府元龟》：二月，诏：闻京城米谷翔贵，百姓乏食，宜出太仓陈粟四十万石，委度支京兆府会减时价，于东西街置场出粜。三月，诏：京畿诸县应今年夏青苗钱并宜放免，秋青苗钱每贯放二百文。其京兆府除所放青苗钱外，更放钱五万贯，斛斗五万石。

《册府元龟》：宝历元年十二月诏：农功所切，实在耕牛，疲甿乏此，理须给赐。宜委度支于东镇、武、灵、盐、夏州分市耕牛万头，交付京兆尹，均给畿内贫下百姓，其价以户部绫绢充。

《文宗纪》：太和元年二月，免京兆今岁夏税半。《册府元龟》：八月诏：三原县百姓今年秋青苗钱并放免，高陵县量放一半。

《文宗纪》：太和三年八月，以旱，免京畿九县今岁租。《册府元龟》：十一月，京兆上言奉先、富平、美原、云阳、华原、三原、同官、渭南等八县旱雹，损田稼二千三百四十顷。有诏蠲免。四年十二月，京畿大小官出米赈给，蠲免其田稼官租。五年十月，京兆府上言渭南县今年夏，风、电、暴雨害田稼，请蠲其租，可之。

《文苑英华》：太和六年正月制：京兆府诸县，宜令以常平义仓量事赈济，仍先从贫下户给。其京城内鳏寡孤独不能自济，暗聋跛蹙穷无告者，亦与京兆尹、两县令量加赈恤，务令均赡。七

年正月，以旱，诏京兆府赐粟十万石，委本州府长吏明作等第，差官吏对面宣赐，先从贫下起给。又诏京兆府，太和六年青苗、榷酒钱及秋税已前诸色逋悬，其在百姓腹内者，并放免。

《文宗纪》：开成元年正月，免京畿今岁税。

《册府元龟》：开成二年七月诏：以时旱，减入内水十分之九，赐百姓灌田。从京兆尹崔珙请也。

《文苑英华》：开成三年正月制：京兆诸州府应有蝗虫，米谷贵处，宜以常平义仓量加赈赐。灾旱之余，抚养尤切，眷兹长吏，必在得人。刺史委中书门下精加访察，如有烦苛暴虐、贪浊懦弱，即须与替。邦畿之内，徭役殷繁，言念疲人，固资矜恤。京兆府今年夏青苗钱，宜量放一半。应遭蝗虫及早损州县乡村，百姓公私债负，一切停征。其遭蝗虫及早损处，准敕添贮义仓，每亩九升斛斗。去秋合征在百姓腹内者，并宜放免。

《武宗纪》：会昌三年九月，以雨，免京兆府秋税。

《文苑英华》：大中元年正月制：京畿之内，频岁辛勤，遭罹颠沴，须免租赋，以慰疲人。京兆府今年夏青苗钱，及中和<sup>①</sup>十五年以后，至会昌三年终，已前应有诸县欠日掌闲，并宜放免。

《昭宗纪》：乾宁元年八月，减京畿赋役。

## 宋

《太宗纪》：淳化元年八月，京兆长安八县旱，赐今年租十之六。

《真宗纪》：大中祥符四年五月，京兆旱，诏赈之。《李行简传》：陕西旱蝗，命往安抚，发粟救乏绝。又蠲耀州积年逋租。又八年八月，诏京兆贷贫民麦种。

## 元

《世祖纪》：至元二十七年七月，终南等屯霖雨害稼万九千六

<sup>①</sup> 中和：《全唐文·宣宗四》作“元和”。中和系唐僖宗年号，时在武宗会昌年及宣宗大中年之后，且只五年。当元和为是。



百余亩，免其租。

《成宗纪》：大德九年五月，以渭南、栌阳诸县去岁旱，蠲其田租。十一年七月，安西等郡旱饥，以粮二万八千石赈之。

《武宗纪》：至大三年十月，诏陕西大司农司劝课农桑。

《仁宗纪》：延祐二年五月，奉元路饥，发廩赈粜。

《英宗纪》：至治二年三月，赈奉元路饥。

《泰定帝纪》：泰定元年六月，奉元诸路雨伤稼，赈粮二月。二年六月，奉元等路暑雨伤稼，蠲其租。三年三月，奉元路饥，赈粮二月。七月，赈钞七万锭。八月，奉元水，发粟赈之。四年二月，奉元路饥，赈粮有差。四月，赈粮两月。九月，赈粜有差。

《泰定帝纪》：致和元年五月，奉元等处饥，赈钞十四万三千余锭。六月，赈钞四千八百九十锭。

《文宗纪》：天历二年二月，奉元临潼、咸阳二县告饥，陕西行省以便宜发钞万三千锭赈咸阳，麦五千四百石赈临潼，遣使以闻，从之。

《文宗纪》：至顺二年四月，行省言：终南屯去年大水，损禾稼四十余顷，诏蠲其租。七月，奉元属县蝗，免今年田租。

## 明

《太祖纪》：洪武三年正月，西安饥，耆民宋昇等来言，命往赈。户部奏须运粟以济。太祖曰：“民旦夕待哺，如涸鱼之欲水。若待运粟，死者多矣。况今东作方兴，民无食而废耕，其患益甚。”即令户部主事李亨驰驿往赈，户给粟一石，计三万六千八百八十九石。

《成祖纪》：永乐十年六月，西安等府老人诣阙谢赈济恩，命赐道里费，遣还。又诏问今岁禾稼，对曰：“来时甚茂。”上曰：“禾稼虽茂，民力未甦。凡所借用官粮，俟下年丰熟乃偿。”咸叩谢。

《英宗纪》：十年三月敕镇守陕西右都御史陈镒：近闻陕西咸



阳、渭南、富平等县逃窜趋食，其饬令正佐能干官分巡所属，量发仓廩，不急之务，悉为停止。

《续文献通考》：隆庆二年五月，礼科何起鸣奏：西安郡县地震经月，乞赐赈恤。户部奏以本省织造羨余银八千八百三十两，并预备仓粮，相兼赈济。

《通志》：万历十四年，陕抚奏三原民王一正输银三百两，麦百石赈饥。赐义官冠带，命抚按旌其闾。

## 西安府志卷第十三

# 食货志 上 户口 田赋

### 户口 力役附

#### 周

《汉·食货志》：秦用商鞅法，月为更卒，已，复为正一岁，屯戍一岁，力役三十倍于古。注：更卒，给郡县一月而更者。正卒，给中都官者。率计今人一岁之中，屯戍及力役之事，[三十]<sup>①</sup>倍多于古也。《商君传》：卫鞅定变法之令，民有二男以上，不分异，倍其赋。《正义》：民有二男，不别为居者，一人出两课。

#### 汉

《地理志》：京兆尹户一十九万五千七百二，口六十八万二千四百六十八。

《高祖纪》：二年二月，蜀、汉民给军事劳苦，复勿租税二岁，关中卒从军者，复家一岁。五月，发关中老弱未傅者悉诣军。五年夏五月，诏诸侯子在关中者，复之十二岁。十一年四月，令丰人徙关中者皆复终身。六月，令士卒从入蜀、汉、关中者皆复终身。十二年三月，诏吏二千石，入蜀、汉，定三秦者，皆世世复。注：复者，除其赋役也。

---

① 据《汉书·食货志》颜师古注补。

## 后汉

《郡国志》：京兆尹户五万三千二百九十九，口二十八万五千五百七十四。

《安帝纪》：元初元年十月，诏除三辅三岁田租、更赋、口算。

## 隋

《地理志》：开皇中，京兆郡户三十万八千四百九十九。

## 唐

《地理志》：天宝元年，京兆府领户三十六万二千九百二十一，口百九十六万一百八十八。《元和志》：元和中，京兆府雍州户二十四万一千二百二。

《册府元龟》：宝历元年四月制：京畿百姓，多属诸军诸使，或户内一人在军，其父子兄弟皆不受府县差役。

## 宋

《食货志》：庆历中，令陕西裁捐役人，给使不足，益以厢兵。

司马光《乞免青苗役钱疏》：陕西累岁奉边，民力凋弊。伏望圣慈特免永兴军一路青苗、免役钱，以爱惜民力，专奉边费。

按：事在熙宁三年。

《食货志》：熙宁七年，永兴比之他路，民贫役重。诏提举司并省冗役，次第蠲减，当留三分<sup>①</sup>宽剩，以为水旱阁放之备。

《文献通考》：元祐初，御史论陕西转运司吕大中假支移之名，实令农户计输脚钱十八，百姓苦之。乃下提刑司[体量]<sup>②</sup>，均其轻重之等：以税赋户籍在一、二等者，支移三百里；三、四等二百里；五等一百里。不愿支移而愿输道里脚钱者，亦酌度分为三，各从其便。

① 三分：《宋史·食货志》作“二分”。

② 据《文献通考·田赋考五》补。

《食货志》：五年，户部请陕西乡差衙前，以投募人所得雇直为则，而减半给之。投名衙前惟差耆长，他投<sup>①</sup>皆免。

《地理志》：崇宁中，京兆府户二十三万四千六百九十九，口五十三万七千二百八十八。

## 金

《地理志》：陕西京兆府户九万八千一百七十七。

《食货志》：皇统四年十一月，陕西饥，百姓流落。典雇为奴婢者，官给绢，赎为良丁，放还其乡。男三匹，妇人、幼小二匹。

## 元

《地理志》：至元二十七年，奉元路户三万三千九百三十五，口二十七万一千三百九十九。

《续文献通考》：宪宗时制：为士者无隶奴籍。京兆多豪强，废令不行。廉希宪至，悉令著籍为儒。

《世祖纪》：至元九年七月，诏分阅京兆等处探马赤奴户名籍。

《续文献通考》：十八年六月，敕（宣慰司）<sup>②</sup>安西等处军站，凡和雇和买，与民均役。

《成宗纪》：大德二年六月，诏陕西诸色户与民均当徭役。

## 明

《续文献通考》：正统元年，令西安等府州县造逃户周知文册，督令复业。

《马志》：嘉靖初，西安府户一十八万一千九百二，口一百五十七万九千一百十六。

## 本朝

《资政录》：长安县民数：男大小口共八万七千一百二十有一，

① 投：中华书局《宋史·食货志》作“役”。校勘记：“‘役’原作‘投’，据《宋会要·食货》六五之六〇、《长编》卷四四八改。”

② 此处引述疑有误。《元史·世祖纪》：至元十八年六月己卯，“以顺庆路隶四川东道宣慰司。安西等处军站，凡和顾和买，与民均役。”此处仅引前句“宣慰司”三字，当为衍，据删。

女大小口共五万九千九百八十有九。

《资政录》：咸宁县民数：男大小口共二十一万五千零十有二，女大小口共十三万七千三百十有五。

《资政录》：咸阳县民数：男大小口共六万三千八百十有二，女大小口共四万零七百六十有八。

《资政录》：兴平县民数：男大小口共八万九千四百十有一，女大小口共五万四千三百二十有九。

《资政录》：临潼县民数：男大小口共十一万二千六百三十有七，女大小口共八万一千六百二十有六。

《资政录》：蓝田县民数：男大小口共五万零二百有二，女大小口共三万八千四百十有五。

《资政录》：泾阳县民数：男大小口共六万零八十有二，女大小口共三万一千六百八十有一。

《资政录》：三原县民数：男大小口共九万一千三百十有九，女大小口共七万一千零八十有六。

《资政录》：高陵县民数：男大小口共三万零八百五十有七，女大小口共二万二千四百三十有一。

《资政录》：鄠县民数：男大小口共七万六千四百五十，女大小口共五万四千七百七十有五。

《资政录》：盩厔县民数：男大小口共十三万零六十有八，女大小口共十万零四千二百六十有三。

《资政录》：渭南县民数：男大小口共十五万七千九百四十有二，女大小口共十一万九千五百六十有四。

《资政录》：富平县民数：男大小口共十三万一千六百四十有四，女大小口共九万六千四百三十有七。

《资政录》：醴泉县民数：男大小口共六万九千三百八十有一，女大小口共五万三千零六十有六。

《资政录》：同官县民数：男大小口共二万零八百十有六，女大小口共一万二千八百四十有七。



《资政录》：耀州民数：男大小口共三万零一百四十有三，女大小口共二万七千八百七十有九。

按：自昔户口，以隋之开皇、唐之开元为极盛。我朝重熙累洽，休养生息百五十年。今据乾隆四十三年抚臣年终奏报之数，西安一府乃至二百四十二万三千三百六十有八名口，是古称极盛时，尚不逮十分之一，其凋弊者又无论。已考古者计口出赋，所谓力役之征。自租庸调并征，而民乃不堪命。唐肃宗乾元元年，长安、万年两县有备钱收利，以充和雇之敕。见《文献通考》。宋神宗熙宁三年，永兴军有青苗、免役钱。明嘉靖初，始一并征银。《食货志》载有力差、如门禁、隶库、司兵、钟鼓、斗级等夫之类。银差如祭祀、孤贫、柴薪、茶药之类。诸名目，嗣是因之。本朝编审原额有三门九则不等，共折下下人丁，每丁征银，西安一郡各属多寡不一。康熙五十二年三月恩诏：后遇编审之期，但据康熙五十年丁册，定为常额，续生人丁，永不加赋。雍正五年复奉谕旨：以粮载丁，凡有滋生，均摊入地粮征解。嗣是举凡一切度支征调，民间皆不复与闻。壤皆咸则，吏乏催科，异数殊恩，三古以来所未有也。故兹编于本朝户口，只载数目，而一切征输、起运、存留，名色载在现行《赋役全书》者，并皆编入地粮，不复更缀。

## 田赋

### 夏

《禹贡》：雍州厥土惟黄壤，厥田惟上上，厥赋中下。《孔传》：田第一，赋第六，人功少。

### 周

《秦本纪》：孝公十二年，为田开阡陌。十四年，初为赋。

《汉·食货志》：秦用商鞅之法，除井田，民得卖买，富者田连阡陌，贫者无立锥之地。《汉·地理志》：孝公用商君，制辕田。

注：辕，与爰同。易也。《商君列传》：卫鞅定变法之令，令僇力本业，耕织致粟帛多者复其身。《册府元龟》：鞅以三晋地狭人贫，秦地广人寡，于是废井田，制阡陌，诱三晋之人，任其所耕，不限多少，数年之间，国富兵强，天下无敌。《唐·突厥传》：杜佑谓：周制，百步为亩，亩百给一夫。商鞅佐秦，以为地利不尽，更以二百四十步为亩，百亩给一夫。

## 秦

《始皇本纪》：三十一年，使黔首自实田。

## 汉

《高祖本纪》：二年，故秦苑囿园池，令人皆得田之。

《孝景纪》：后二年十月，租长陵田。

《武帝纪》：建元元年，罢苑马，以赐贫民。注：师古曰：养马之苑，旧禁百姓不得刍牧，今罢之，赐民为田。《食货志》：武帝役费并兴而民去本，以董仲舒奏，诏大司农，使关中民益种宿麦，后功费甚，帝悔之<sup>①</sup>，以赵过为搜粟都尉。过能为代田，一亩三圳，按：师古曰：圳，陇也。岁代处，故曰代田。按：师古曰：代，易也。过使教田太常、三辅，大农置工巧奴与从事，为作田器。民或苦少牛，无以趋泽<sup>②</sup>，故平都令光教过以人挽犁，过奏光以为丞，教民相与庸挽[犁]<sup>③</sup>。三辅、太常民皆便代田，用力少而得谷多。至昭帝时，流民稍还，田野益辟，颇有蓄积。

《昭帝纪》：元凤六年，诏曰：谷贱伤农。今三辅、太常谷减贱，其令以菽粟当今年赋。注：应劭曰：太常掌诸陵园，皆徙天下豪富民以充实之，后悉为县，故与三辅同赋。

《晋·食货志》：成帝时，遣轻车使者汜胜之督三辅种麦，而

① 《汉书·食货志》作“武帝末年，悔征伐之事”，非指“使关中民益种宿麦”事。

② 无以趋泽：《汉书·食货志》作“亡以趋泽”。

③ 据《汉书·食货志》补。

关中遂穰。《玉海》：汜胜之使教田三辅，有书十八篇。

《哀帝纪》：丞相孔光、大司空何武奏请<sup>①</sup>：“诸侯王、列侯皆得名田国中，列侯在长安，公主名田县道，及关内侯、吏民名田，皆毋过三十顷。期尽三年，犯者没入官<sup>②</sup>。”注：如淳曰：名田国中者，自其所食国中也，既收租税，又自得私有田三十顷。名田县道者，令甲，诸侯在国，名田他县，罚金二两。今列侯有不之国者，虽遥食其国租税，复自得田于他县道，公主亦如之，不得过三十顷。

### 魏

《晋·食货志》：黄初中，济北颜斐为京兆太守。京兆自马超之乱，百姓不专农殖，乃无车牛，斐课百姓，令闲月取车材，转相教匠。无牛者令养猪，投贵卖以买牛。一二年中，编户皆有车牛，田役省赡，遂以丰沃。

《钟繇传》：太和初，钟毓以上“宜复关内荒地，使民[肆]力于农”。事[遂]<sup>③</sup>施行。

### 晋

《苻坚载纪》：苻坚时，以境内旱，课百姓区种。王猛课农桑，减田赋，兵强国富，垂及升平。

### 北魏

《食货志》：太和八年，户增帛三匹，后增调外帛满二匹，所调各随其土所出。其雍秦万年，冯翊郡之莲勺<sup>④</sup>，咸阳郡之宁夷，北地郡之三原、云阳、同官，皆以麻布充税。

① 《汉书·哀帝纪》此处作“有司条奏”。前文有“丞相孔光、大司空汜乡侯何武益封各千户”等语，疑本志此处误引。

② 《汉书·哀帝纪》作“诸名田、畜奴婢过品，皆没入县官。”无“期尽三年，犯者没入官”之语。

③ 以上据《三国志·魏书·钟繇传附钟毓传》补。

④ 雍秦万年，冯翊郡之莲勺：《魏书·食货志》作“雍州冯翊郡之莲勺县”。

## 唐

《地理志》：关内道厥赋：绢、绵、布、麻。京兆调绵，余州布、麻。厥贡：毛、羽、革、角、布、席、弓、刀。又京兆府贡：水土稻、麦、粳、紫杆粟、隔纱、粲席、靴毡、蜡、酸枣仁、地骨皮、樱桃、藕粉。

《册府元龟》：开元二十二年七月敕：自今已后，京兆府关内诸州应征庸调及资课，并限十月三十日毕。《食货志》：二十五年，以关中蚕桑少，菽帛<sup>①</sup>常贱，乃命庸、调、资课皆以米。凶年乐输布绢者，亦从之。

《册府元龟》：永泰元年五月，京畿大稔，京兆尹第五琦奏请每十亩官税一亩，效古什一之义，从之。后民多流亡，代宗停什一税法。大历五年，定京兆府夏税，上田亩税六升，下田亩税四升。秋税上田亩税五升，下田亩税三升。荒田开佃者亩率二升。八年正月，诏青苗地头钱天下诸州每亩率十五文，比以京师烦剧，加至三十文。自今已后，宜准诸州例。

《册府元龟》：贞元八年五月，初增税，京兆青苗亩三钱，以给掌闲、彍骑。十八年十月诏：京畿诸县百姓应今岁青苗钱，其中有便于纳粟者纳之，如便于纳钱，亦听。委京兆府专督其务。国家经计，当有储蓄，百姓征赋，深可优矜。所期便人，亦冀均济，咨尔长吏，宜悉朕怀。

《册府元龟》：元和六年六月，命京兆府两税宜以粟麦，丝绢折纳。十年三月，京兆府奏：恩敕蠲放百姓两税及诸色逋悬等，伏以圣慈忧軫疲氓，屡蠲逋赋，将行久远，实在均平。有依倚权豪，因循观望，忽逢恩贷，全免征徭。至于孤弱贫人，里胥敦迫，及期输纳，不敢稽违，旷荡之恩，翻不沾及。亦有奸猾之辈，侥幸为心，时雨稍愆，已生觊望，竞相诱煽，因致逋悬。若无纲条，实恐滋弊。自今后忽逢不稔，或有恩荡，伏请每贯每石内分数放

① 菽帛：《新唐书·食货志》作“菽粟”。

免，输纳已毕者，准数折免来年租税，则恩泽所加，强弱普及，人知分限，自绝奸欺。从之。十一年六月，京兆府奏：今年诸县夏税折纳绫绢、絁、丝绵等，并请依本县时价，只定上、中、下等<sup>①</sup>，每匹加饶二百文，绵每两加饶十五文，丝每两加饶二十文，其下等物不在纳限。小户本钱不足，任纳丝绵、斛斗，须是本户，如非本户，辄合集[钱]<sup>②</sup>买成匹段代纳者，所由决十五，枷项令众。敕旨：依奏。

《册府元龟》：开成元年二月<sup>③</sup>，度文<sup>④</sup>奏：“每年供诸司并畿内军粮等，计粟麦一百六十余万石，约以钱九十六万六千余贯余之。畿内百姓每年纳两税见钱五十万贯，约以粟麦二百余万石粟之。是度支余以六十，而百姓粟以二十五。农人贱粟，利归商徒；度支贵余，贿行黠吏。今请以度支贵余钱五十万贯送京兆府，充百姓一年两税，勒二十三县代缗输粟八十万石、小麦二十万石，充度支诸色军粮。则开成二年<sup>⑤</sup>以后，似每岁放百姓一半税钱，又省度支钱一十万贯，劝农减费，物理昭然。仍请百姓广开田亩，更不加税，行之有节，富庶可期。”诏付京兆府夏季以前先造户帖，务使平允。凡折纳之术，行于丰年，斯惠农务。苟非丰登，人用苦之，盖输缗易而输粟难也。

## 宋

《地理志》：京兆府贡靴毡、蜡、席、酸枣仁、地骨皮。

《食货志》：景祐初，陕西用兵，民赋（卒）[率]<sup>⑥</sup>多支移，因增取地里脚钱，民不能堪。五年，诏特蠲之，且令后勿复取。

《文献通考》：元祐元年，永兴军民庶进状言：“兴平县有地

① 上、中、下等：《唐会要》卷八十三作“上、中二等”。

② 据《唐会要》卷八十三补。

③ 二月：《全唐文》卷九六七作“一月”。

④ 度文：当作“度支”。

⑤ 开成二年：《全唐文》卷九六七作“开成三年”。

⑥ 据《宋史·食货志》改。



二百四十余顷，久输二税。熙宁五年，本县抑令退为牧地。”诏提刑司审定。如他州县更有以税地改牧地者，亦具以闻。提刑司乞与免纳租钱，给种如故。

《食货志》：建炎四年，陕西夏税五月一日起纳，七月十五日毕；秋税九月一日起纳，十二月十五日毕。后又并加一月。或值闰月，其田蚕亦有早晚不同，有司临时奏裁。

### 金

《食货志》：泰和初，民诉水旱应免者，京兆夏田四月，秋田七月，水田通以八月为限，遇闰则展期半月，限外诉者不理，非时之灾，则无限。损十之八者全免，七分免所伤之数，六分则生征<sup>①</sup>。桑被灾<sup>②</sup>，则免丝绵绢税，诸路雨雪及禾稼收获之数，月以健<sup>③</sup>步申户部。五年三月，谕宰臣曰：陕西地寒，稼穡迟熟，夏税限以七月为初。

《食货志》：兴定五年，敕令户部按行州郡，地有可开水田者，诱民赴功，其租止依陆田，不复添征。陕西除三白渠设官外，亦宜视例施行。

### 明

《马志》：嘉靖初，西安府夏地九万六千九百六十五顷四十亩七分一厘有奇，夏粮三十八万九千八百八十六石六斗七升四合二勺有奇。秋地四万四千九百二十五顷六十四亩六分六厘有奇，秋粮四十五万九千九百六十六石六斗五升五合八勺有奇。草五十七万四千五百五十束，农桑绢六千七百七十三匹八尺九寸，布一十一万六千六十匹二丈八尺八寸，丝棉一百六十一斤一十五两五钱，棉花一万五千四百三十一斤一十二两七钱，药物九种，皮张二千二百八十三张，绵羯羊五百只，大尾羊五百只。

① 六分则生征：《金史·食货志》作“六分则全征”。

② 《金史·食货志》“桑被灾”后有“不能蚕”三字。

③ 健：《金史·食货志》作“捷”。

《会典》：隆庆二年，题准西安府州县岁派甘肃镇赏军布花改征折色。

《食货志》：西安府原额粮银四十九万一千八百四两八钱七分零，内除减等参罚邠州、同官二州县银，实该四十七万一千一百二十一两一钱八分。

### 本朝

《资政录》：长安县民田额分体、国、经、野四等。通计实熟地六千二百十九顷七十九亩六分，实征起运银三万三千五百一十四两二钱九分三厘有奇。屯卫田通计实熟地一千八百八十九顷六分八厘，额征本色粮八千一百二十二石二斗五升五合七勺，银二千一百二十六两二钱二分五厘。更名田通计实熟地一千一百五十八顷一亩三分一厘，额征本色粮六千六百四十六石六斗一合二勺，银一千八百二十两一钱五厘。

《资政录》：咸宁县民田额分体、国、经、野四等。通计实熟地一万二千三百七十九顷三十五亩八分五厘，实征起运银三万四千八十七两二分八厘九毫有奇。屯卫田通计实熟地一千七百八十八顷八十二亩一厘三毫，额征本色粮七千四百六十四石七斗七升五合二勺，银二千一十两八钱九分三厘。更名田通计实熟地九百二十七顷六十三亩二分九厘四毫，额征本色粮五千三百一十一石二斗九升六合一勺，银一千六百三十四两五钱八分六厘。

《资政录》：咸阳县民田额折正一等。通计实熟地三千九百八十二顷五十四亩八分七厘九毫有奇，实征起运银八千六百五十八两九钱五分六厘二毫有奇。屯卫田通计实熟地一千五百四十四顷三十四亩一分三厘八毫有奇，额征本色粮六千六百五十七石四斗五升五合六勺，银一千六百九十九两四分六厘。更名田通计实熟地一千二百一十八顷六十八亩一分九厘二毫，额征本色粮五千七十七石二斗五升二合五勺，银一千一百三十三两八钱八厘。

《资政录》：兴平县民田额凡六等，通计实熟地五千九十一顷六十三亩八分五厘五毫有奇，实征起运银二万三千八十八两七钱

二分九厘三毫有奇。屯卫田通计实熟地五百二十六顷二十三亩九分二厘九毫有奇，额征本色粮二千一百一十七石七斗五升九合，银五百六十八两八钱二分三厘。更名田通计实熟地一千七顷五十七亩七分八厘，额征本色粮四千三百五十七石四斗二升六合，银六百九十九两九钱三分二厘。

《资政录》：临潼县民田额折正一等，通计实熟地九千三百二顷一亩五分一毫有奇，实征起运银七万六十四两四钱六分一厘八毫有奇。屯卫田通计实熟地二千四百三十九顷三十九亩三分六厘有奇，额征本色粮一万三百二十五石一斗六升五合七勺；银二千六百七十七两七钱六分。更名田通计实熟地四百五十四顷五十七亩五分九毫有奇，额征本色粮二千五百二石四斗八升九合六勺，银一百四十五两六钱五分六厘三毫有奇。文潼卫屯田，通计实熟地九十八顷二十四亩一分三厘，额征银五百一十二两一钱一分七厘三毫有奇。

《资政录》：高陵县民田额折正一等，通计实熟地二千七百五十九顷三十七亩九分三厘五毫有奇，实征起运银二万三千四百六十六两五钱八厘二毫有奇。屯卫田通计实熟地二百九十顷一十三亩九分三厘六毫，额征本色粮一千一百八十八石四斗三升二合，丁条马草银等项银三百一十五两六钱一分八厘。更名田通计实熟地四百三十七顷四亩三分三厘八毫有奇，额征本色粮二千六百二十七石五斗三升二合八勺，均折银六百二十九两八钱三分。

《资政录》：鄠县民田额凡七等，通计实熟地二千四百五十顷五十六亩三分三厘五毫有奇，实征起运银二万四千五百一十九两七钱四分二厘有奇。屯卫田通计实熟地一千八百二十顷九十五亩二分四厘，额征本色粮七千七百四十九石二斗六升九合九勺，银一千九百七十六两二钱二分六厘。更名田通计实熟地六百二十九顷二十六亩四厘，额征本色粮二千九百六十九石一升二合八勺，银三百九十七两九钱七分八厘。

《资政录》：蓝田县民田额分天、时、地、利、人、和六等，

通计实熟地四千四百四十二顷二十二亩七分一厘五毫有奇，实征起运银一万九千二百六十五两六钱六毫有奇。屯卫田通计实熟地二千四十四顷二十七亩一分八厘，额征本色粮八千六百九十二石九斗四升八合四勺，银二千二百三十三两八钱九厘。更名田通计实熟地七十九顷三十八亩八分一厘，额征本色粮三百七十一石八斗六升九合八勺，银一百七十二两二钱二分五厘。

《资政录》：泾阳县民田额分上水、中水、下水、平川、平原、高原、滩坡七等，通计实熟地八千二百三十顷四十九亩七分九厘二毫有奇，实征起运银五万五千三百九十八两七钱一厘七毫有奇。屯卫田通计实熟地二百一十顷七亩五分六厘五毫，额征本色粮八百六十四石九斗四升六合九勺，银二百二十六两四钱五分八厘。更名田通计实熟地七十二顷八十四亩八厘三毫，额征本色粮二百六十三石三升四合七勺，银四十八两八钱三分三厘。

《资政录》：三原县民田分六则，通计实熟地五千二百八十五顷二十亩二分四厘，实征起运银四万二千九百二十一两八钱六分九厘七毫有奇。屯卫田通计实熟地五百顷七十三亩五分三厘三毫有奇，额征本色粮二千四十四石四升九合六勺，银五百四十五两六厘。更名田通计实熟地二百三十一顷二十亩八厘七毫，又山坡陡地二百四十八段，无顷亩。额征本色粮一千一百一十五石二升六合六勺，银二百四十五两九毫。

《资政录》：盩厔县民田凡五等，通计实熟地四千六百四顷七十九亩五分三厘，实征起运银三万六千七百八十二两七钱五分九厘一毫有奇。屯卫田通计实熟地二千五百三十六顷五亩一分八厘，额征本色粮一万三百一十三石三斗四升五合，银二千八百八十两三钱一分二厘。更名田通计实熟地五百三十一顷六分九厘，额征本色粮二千七百五石八斗六升一合一勺，银三百一十两四钱六分一厘。

《资政录》：渭南縣民田凡五等，通计实熟地一万二千四百八十二顷五十五亩八分二厘九毫有奇，实征起运银八万七千三百八



十两四钱四分四毫有奇。屯卫田通计实熟地一千六百五十三顷三十五亩四分六厘七毫有奇，额征本色粮六千四百九十二石四升五合九勺有奇，银一千七百七十八两六钱二分九厘。更名田通计实熟地一百五十二顷一十一亩四分九厘一毫，额征本色粮六百五十一石九斗一升七合四勺，银七十八两二钱五厘。又潼卫屯田通计实熟地六十三顷七十八亩八分三厘，额征银三百三十二两四钱八分三毫。

《资政录》：富平县民田分金、银、铜、锡、铁五等，通计实熟地一万二千六百四十七顷八十一亩五分有奇，实征起运银八万九千五百六两一钱六厘二毫有奇。屯卫田通计实熟地三十一顷二亩四分九厘，额征本色粮一百一十九石四斗五升九合六勺，银三十二两九分八厘。

《资政录》：醴泉县民田凡九等，通计实熟地七千八百三十一顷二十亩六分二厘六毫有奇，实征起运银二万六千六百四十七两五钱九分四厘四毫有奇。屯卫田通计实熟地一千六百六顷一十二亩四分七厘，额征本色粮六千六百九十六石八斗五升七合三勺，银一千七百四十七两六钱三分。更名田通计实熟地二百二十八顷四十五亩九分六厘，额征本色粮八百五十二石五斗六升九合四勺，银七百二十五两九钱二分九厘。

《资政录》：同官县民田折正一等，通计实熟地一千七百二十四顷六十一亩九分七厘，实征起运银三千一百六十八两六钱四分一毫有奇。

《资政录》：耀州民田凡六等，通计实熟地三千九百九十八顷三十七亩七分五厘有奇，实征起运银一万三千三百七十五两九分五厘四毫有奇。

按：西安府各州县属民田，据乾隆四十四年《赋役全书》，通计十万三千四百三十二顷五十九亩九分七毫，额征起运银通计五十九万一千八百四十六两五钱二分七厘。屯卫田通计一万九千四十二顷五十六亩一分六厘一毫，额征起运银通计二万一千六百六



十三两一钱三分六毫，起运粮通计七万八千八百四十八石七斗六升五合八勺。更名田通计七千一百二十七顷七十九亩五分八厘五毫。又山坡陡地二百四十八段，额征起运银八千四十二两五钱四分九厘二毫，起运粮三万五千四百五十一石八斗九升。其人丁旧额于雍正五年奉旨以粮载丁，所有丁银，均入地粮征解，故令祇<sup>①</sup>载田赋，其户口应征行差均徭等银，不复更缀。至各项银两并归州县征收，除存留各属项下如俸工、官员俸薪、胥役岁支等项。杂支、祭祀、乡饮等项。驿站、孤贫之类，余并起运解送布政司库存贮。至屯更地亩，征收本色麦粟粳糯各粮，悉运交督粮道，于永丰、敬录二仓屯贮支放。满汉兵丁粮饷，再征收地丁银两。《赋役全书》并载丝、忽、微、纤、尘、渺、沙、漠细数。乾隆三十四年奉旨，嗣后钱粮凡有此等数目，归并一厘。是以卷内银数厘、毫以下不著。其粮米所有抄、撮、圭、粟、糠、粃等数，亦并以合、勺为断。

<sup>①</sup> 祇：疑应作“祇”。



## 西安府志卷第十四

# 食货志 中 积贮 屯运

### 积贮 和余附

#### 汉

《高祖纪》：七年二月，萧何治未央宫，立太仓。

《黄图》：长安西、渭[水]北，右徼<sup>①</sup>西有细柳仓，[城]<sup>②</sup>东有嘉仓。

《食货志》：建元中，汉兴七十余年，太仓之粟陈陈相因，充溢露积于外。居官者以为姓号。注：《货殖传》仓氏、庾氏是也。

《宣帝纪》：本始四年正月诏：丞相以下至都官令、丞入谷，输长安仓，助贷贫民。

《食货志》：五凤中，岁数丰穰，谷至石五钱，农人少利。大司农中丞耿寿昌奏言：“故事，岁漕关东谷四百万斛以给京师，用卒六万人。宜余三辅、（宏）[弘]农、河东、上党、太原郡谷，足供京师，可以省关东漕卒过半。”天子从其计。寿昌白令边郡皆筑仓，以谷贱时增其价而余，以利农；谷贵时减价而糴，以赡贫民，名曰常平仓。民便之。下诏赐寿昌爵关内侯。

---

① 右徼：《三辅黄图》卷六作“古徼”。何清谷《三辅黄图校注》：“古徼即石徼，即石堤。”

② 以上据《三辅黄图》卷六补。

## 隋

《食货志》：开皇三年，以京师仓廩虚，于河西劝百姓立堡，营田积谷，京师置常平监。

## 唐

《会要》：永徽六年，京东、西二市置常平仓。

《六典》：开元二年，渭南置仓。

《杨慎矜传》：慎矜主长安仓。

《文献通考》：开元七年，敕关内道置常平仓。

《百官志》：开元十九年，以监察御史莅太仓，其后以殿中侍御史上一人为监太仓使。

《六典注》：开元二十四年，于京城内大置常平仓。

《食货志》：开元二十五年，牛仙客为相。有彭果者，献策广关辅之粟，京师粮廩益羨。

《文献通考》：天宝八载，和巢米数：太仓七万一千二百七十石，常平仓三十七万三千五百七石。

《食货志》：岁以钱六十万缗赋诸道和粟，斗增三钱，每岁短递输京仓者百余万斛。米贱则少府加估而粟，贵则贱价而巢。

《名臣奏议》：建中初，京兆府应征地税草数至一千万束。陆贽论状：别和市草五百万以充贮备。状详《艺文》。

《册府元龟》：贞元二年十月，度支奏：京兆等州府秋夏两税青苗等[钱]<sup>①</sup>物，悉折粟粟麦，所在储积，以备军食。京兆兼给钱收粟，每斗于时估<sup>②</sup>外更加十钱，纳于太仓。诏可其奏。自是，每岁行之，[以]赡军[国]<sup>③</sup>。十一月，度支奏：请于京兆府折明年夏秋税钱二十二万四千贯文，又请度支給钱添成四十万贯，令京兆府今年内收粟粟麦五十万石，以备军食。从之。

① 据《册府元龟》卷五〇二补。

② 估：《册府元龟》卷五〇二作“价”。

③ 以上据《册府元龟》卷五〇二补。

《文献通考》：贞元四年，诏京兆府于时价外加估和籴，差清强官先给价直，然后贮纳。续令所司自搬运载至太仓，并差御史访察，有违敕文，当重科贬。先是，京畿和籴多被抑配，或物估逾于时价，或先敛而后给直，追集停拥，百姓苦之，及闻是诏，皆忻便乐输。

《食货志》：贞元初，吐蕃劫盟，诸道兵十七万戍边，月给粟十七万斛，皆籴于关中。八年，宰相陆贽以“关中谷贱，请和籴可至百余万斛，计诸县船车至太仓，谷价四十有余，米价七十，则一年和籴之数，当转运之二年，一斗转运之资，当和籴之五斗。减转运以实边储，存转运以备时要。江淮米至河阴者罢八十万斛，河阴米至太原仓者罢五十万，太原米至东渭桥者罢二十万。以所减米赈江淮水灾州县，斗减时五十，以救之。京城东渭桥之籴，斗增时三十，以利农。以江淮米及减运直市绢帛送上都。”帝乃命度支增估籴粟三十三万斛，然不能尽用贽议。

《册府元龟》：贞元十六年十月，敕京兆府今年和籴粟一百万数内，宜减三十万。

《食货志》：永贞元年，李巽为诸道转运、盐铁使，自刘晏后，江淮米至渭桥寝减，至巽乃复之。《李巽传》：巽莅职一年，较所入如晏最多之年，明年过之，又明年，增百八十万缗。

《食货志》：宪宗即位初，有司以岁丰熟，请畿内和籴。当时府、县配户督限，有稽违则迫蹙鞭撻，甚于税赋，号为和籴，其实害民。

《名臣奏议》：元和中，白居易《论和籴状》曰：以臣所观，若有司出钱，开场自籴，比于时价，稍有优饶，利之诱人，人必情愿。且本请和籴，只图利人，人若有利，自然愿来，利害之间，可以此辨。必不得已，则不如折籴，折籴者，折青苗税钱，使纳斛斗，免令贱糴，别纳现钱。况度支比来所支和籴价钱，多是杂色匹段，百姓又须转卖，然后将纳税钱。至于给付不免侵偷，货易不免折损，所失过本，其弊可知。今若折量税钱，使纳斛斗，



既无贱糶麦粟之费，又无转卖匹段之劳，利归于人，美归于上。由是而论，则配户不如开场，和籴不如折糶<sup>①</sup>，亦甚明矣。

《会要》：元和九年，诏出太仓粟九十万石，开六场糶之。

《册府元龟》：开成元年闰五月，帝御紫宸殿，谓宰相曰：“京兆府请开场收麦，何如？”郑覃曰：“不强其所不欲，加价收籴，人自乐输。”

《册府元龟》：大中六年六月敕：禁断京兆北（所一）[斛斗]<sup>②</sup>入京，如闻百姓多端以面造麴，入城贸易，所费亦多，宜所在严加觉察，不得容许。

## 宋

《食货志》：景德三年，陕西立常平仓。政和元年，建四都仓，西安曰裕边<sup>③</sup>。

## 金

《章宗纪》：明昌三年十二月敕：京兆栌阳县置粟邑镇仓，设仓草都监一人领之。

## 元

《文宗纪》：天历二年，奉元路命所在官置常平仓。

## 明

《会典》：正统五年三月，镇守陕西都督同知郑铭奏：西安府仓贮粮二十二万四千九百六十石有奇，河南等府又输绵布二十五万，请令所司增置仓房。从之。

## 本朝

《资政录》：长安县常平仓，原额贮京斗谷七万五千石，又添

① 折糶：《全唐文》卷六六七白居易《论和籴状》作“折籴”。

② 据《册府元龟》卷五〇二改。

③ 西安曰裕边：《宋史·食货志》作“西安州曰裕边”。据《宋史·地理志》：“西安州，元符二年，以南牟会新城建为西安州。东至天都砦二十六里，西至通会堡十五里，南至宁安砦一百里，北至啰没宁堡三十五里。”其地在今宁夏，并非清西安府地。此处疑本志望文生义而误引。

贮府仓京斗谷一万三千五百六十三石。社仓十九所，共贮本息京斗谷三万七千五百九十八石八斗二升一合四勺。

《资政录》：咸宁县常平仓，原额贮京斗谷七万五千石，又添贮府仓京斗谷一万一千三百十八石四升。社仓三十所，共贮本息京斗谷三万三千二百二十九石二斗七升四合二勺。

《资政录》：咸阳县常平仓，原额贮京斗谷五万石，又添贮府仓京斗谷八千石。社仓十五所，共贮本息京斗谷一万九千四十八石六斗六升五合八勺。

《资政录》：兴平县常平仓，原额贮京斗谷四万五千石，又添贮府仓京斗谷四千石。社仓十一所，共贮本息京斗谷九千八百三十石九斗二升三合八勺。

《资政录》：临潼县常平仓，原额贮京斗谷五万石，又添贮府仓京斗谷六千石。社仓十九所，共贮本息京斗谷二万一千八百六十二石三斗三升五合五勺。

《资政录》：蓝田县常平仓，原额贮京斗谷四万石，又添贮府仓京斗谷四千石。社仓八所，共贮本息京斗谷一万三千八百五十七石三斗三升五合一勺。

《资政录》：泾阳县常平仓，原额贮京斗谷四万石。社仓十四所，共贮本息京斗谷一万四千九百二石三斗九升九合八勺。

《资政录》：三原县常平仓，原额贮京斗谷四万五千石，又添贮府仓京斗谷四千石。社仓十所，共贮本息京斗谷一万五百七十九石四升六合二勺。

《资政录》：高陵县常平仓，原额贮京斗谷三万石，又添贮府仓京斗谷一千二百石。社仓六所，共贮本息京斗谷八千六百二十九石六斗九合四勺。

《资政录》：鄠县常平仓，原额贮京斗谷四万石，又添贮府仓京斗谷五千石。社仓十四所，共贮本息京斗谷一万三千二百二十六石一升二合四勺。

《资政录》：盩厔县常平仓，原额贮京斗谷五万石，又添贮府

仓京斗谷四千石。社仓十三所，共贮本息京斗谷二万一千三百五十二石五斗五升九合。

《资政录》：渭南常平仓，原额贮京斗谷五万石，又添贮府仓京斗谷六千石。社仓十三所，共贮本息京斗谷一万八千三百六十石四斗六升七合五勺。

《资政录》：富平常平仓，原额贮京斗谷五万石，又添贮府仓京斗谷四千石。社仓十一所，共贮本息京斗谷八千三百九十一石六斗二升七合八勺。

《资政录》：醴泉常平仓，原额贮京斗谷四万石，又添贮府仓京斗谷六千一百一十八石九斗六升二勺。社仓九所，共贮本息京斗谷六千七百七十四石八斗五升六合八勺。

《资政录》：同官常平仓，原额贮京斗谷八千石，又添贮府仓京斗谷二千八百石。社仓六所，共贮本息京斗谷六千四百八十六石五斗二合三勺。

《资政录》：耀州常平仓，原额贮京斗谷三万石。社仓十一所，共贮本息京斗谷一万一千二百四十一石三斗四升六合。

按：西安十六州县，据乾隆四十二年册报，常平仓粮共额贮京斗谷七十一万八千石，又添贮府仓京斗谷八万石有奇。社仓共二百九所，贮本息京斗谷二十五万五千三百四十四石七斗八升三合。常平每岁呈请藩司动项买贮，以时糴粜，社仓则民间自为捐置者也。

## 屯田

### 后汉

《文献通考》：永建四年，仆射虞诩疏：“雍州厥土惟上，且沃野千里，谷稼殷积。夫弃沃壤之饶，损自然之财，不可谓利。”书奏，帝乃复三郡，激河浚渠为屯田，省内郡费计岁一亿。

## 晋

《扶风王骏传》：武帝初，骏为镇西[大]<sup>①</sup>将军，都督雍、梁等州。劝督农桑，与士卒分役，己及僚佐并将帅兵士等，人限田十亩，具以表闻。

## 宋

《仁宗纪》：庆历元年九月，置陕西营田务。

《文献通考》：庆历间，范仲淹大兴屯田于陕西。

## 金

《宣宗纪》：元光元年正月<sup>②</sup>，诏徙中京、唐、邓、商、虢、许、陕等州屯军赴京兆就粮屯。

## 元

《续文献通考》：初，海内既一，行省皆立屯田，以资军饷。

《地理志》：渭南屯田一千二百二十二顷有奇。临潼、泾阳各屯田一千二十顷有奇。盩厔屯田九百四十三顷有奇。

《长安志图说》：至元十一年，立陕西河渠营田使司，安置屯田。

《世祖纪》：正月，以安西王府所管编民二千户，立栌阳、泾阳、终南、渭南屯田。十五年十二月，鸭池等处招讨使钦察所领南征新军不能自赡者千人，命屯田于京兆。十八年十月，命安西王府协济户及南山隘口军，于安西等处屯田，增陕西营田粮十万石。

《兵志》：陕西等处万户府[屯田]<sup>③</sup>：至元十九年二月，以盩厔南系官荒地，发归附军，立孝子林、张马村军屯。二十年，以南山把口子巡哨军人八百户，于盩厔之杏园庄屯田。计孝子林屯三百一户，田二十三顷八十亩。张马村屯三百一十三户，田七十三顷八十亩。杏园庄屯二百三十三户，田一百十八顷三十亩。

① 据《晋书·扶风王骏传》补。

② 正月：中华书局《金史·宣宗纪》作“二月壬午”。校勘记：原脱“二月”二字。按“正月庚戌朔”，壬午当在二月。

③ 据《元史·兵志》补。

《世祖纪》：至元二十四年六月，以陕西[泾]<sup>①</sup>、邠、乾及安西属县闲田，立屯田总管府，置官属，秩三品。

《长安志·屯田图说》<sup>②</sup>：至元二十八年，陕西屯田四十八。终南九屯：怀数<sup>③</sup>、皋平<sup>④</sup>、忠力、曲泉、乐成、利泽、奉上、栾村、安化。渭南一十六屯：怀德、怀仁、丰济、善庆、润泽、永便、皂角<sup>⑤</sup>、亭利、信陵、严应、南金<sup>⑥</sup>、安阳、安庆、郃阳、南永寿、北永寿。泾阳九屯：丰润、里仁、昭义、富安、永昌、广备、仁受、安信、华原。栌阳九屯：归厚、安仁、安业、丰乐、万全、广盈、阜盈、大有、安陵<sup>⑦</sup>。

《兵志》：至元二十九年，以安西王所管编民，立栌阳等处屯田。三十年，更为民屯。栌阳七百八十六户，田一千二十顷九十九亩。泾阳六百九十六户，田一千二十顷九十九亩。终南七百七十一户，田九百四十三顷七十六亩。渭南八百一十一户，田一千二百二十顷三十一亩。

《续文献通考》：至元三十年，商挺为安西王相。许楫言京兆之西荒野数千顷，宋、金皆尝置屯。如募民立屯田，岁可得谷，给王府之需。挺以其言入对，三年，屯成，果获其利。

## 明

《续文献通考》：洪武四年，诏陕西等屯田三年，后每亩收租一斗。二十年，令陕西屯军五丁抽一，税粮照民田例。又令屯军种田五百亩者，岁纳粮五十石。

《图书编》：明初，陕西都司并所属卫、所，屯田共二万九千

① 据《元史·世祖纪》补。

② 《长安志·屯田图说》：应作“《长安志图·设立屯田》”。

③ 怀数：《长安志图》卷下《设立屯田》作“怀教”。

④ 皋平：《长安志图》卷下《设立屯田》作“乐平”。

⑤ 皂角：《长安志图》卷下《设立屯田》作“皂角穹”。

⑥ 南金：《长安志图》卷下《设立屯田》作“雨金”。

⑦ 安陵：《长安志图》卷下《设立屯田》作“定陵”。



四百四十四顷二十二亩零。

《会典》：永乐五年，令陕西按察司增置佥事二员，盘量屯粮。

《会典》：宣德二年，令巡按陕西监察御史兼理屯田。

《续文献通考》：正统元年奏准，陕西旗军余丁，所种屯田五十亩之外，每亩纳粮五升。

《会典》：正统二年，添设陕西按察司佥事一员，提督屯田。

《马志》：嘉靖初，西安府军卫户一万五千七百六十八，口三万九千九百一，屯地二万七千二百三十九顷九十七亩三分四厘八毫，屯粮一十六万九千一百九十一石五斗六升一合九勺，屯草二十万六千一百九十一束，地亩银二千六百五十九两九钱。

按：西安一府各州县属，本朝屯卫地亩，据乾隆四十四年《赋役全书》所载，计一万九千四十二顷五十六亩一分六厘一毫，所有额征银粮，统载上卷《田赋》，不复缀。

## 漕运

### 汉

《留侯世家》：关中阻三面而守，独以一面东制诸侯。诸侯安定，河、渭漕挽天下，西给京师。诸侯有变，顺流而下，足以委输。

《萧相国世家》：高祖二年，汉与楚相守荥阳数年，军无见粮。萧何守关中转运，给食不乏。

《平准书》：高祖时，漕转山东粟，以给中都官，岁不过数十万石。《索隐》：中都，犹都内。

《河渠书》：元光中，大司农郑当时言：“异时关东漕粟从渭中上，度六月而罢，漕水道九百余里，时有难处。引渭穿渠，起长安旁南山下，至河三百余里，径，易漕，度可令三月罢；而渠下民田万余顷，又得以溉。损漕省卒，而益肥关中之地。”天子以为然。令齐人水工徐伯表，悉发卒数万人穿漕渠，三岁通。漕，大便利。

《平准书》：天子益置左右辅诸官。河漕度四百万石。按：《索隐》：度，运也。

《平准书》：元封元年，置平准于京师，都受天下委输。按：《索隐》：大司农属官有平准令、丞者，以均天下郡国输敛。贵则粜之，贱则买之，平赋以相准输，归于京都。桑（宏）[弘]羊请令吏得入粟补官，及罪人赎罪。令民能入粟甘泉各有差，以复终身，不告缗。他郡国各输急处，而诸农各致粟，山东漕益岁六百万石。一岁之中，太仓、甘泉仓满，民不益赋而天下用饶。

### 隋

《食货志》：开皇三年，以京师仓廩虚，议备水旱，诏漕关东及汾、晋之粟，以给京师。

《册府元龟》：初，帝每忧转运不给，柱国于仲文请决渭水开渠漕。帝使仲文总其事，又命郭衍为开渠漕大监，宇文恺部率水工凿渠，引渭水经大兴城北，东至潼关三百余里<sup>①</sup>，名广通渠。转运通利，关内赖之。

### 唐

《食货志》：唐都长安，而关中号称沃野。然其土地狭，所出不足以给京师，常转漕东南之粟。高祖、太宗之时，用物有节，水陆漕运，岁不过二十万。高宗以后，岁益增多而功利繁兴，民罹其弊。

《食货志》：开元二十一年，京师雨水，谷踊贵。裴耀卿为京兆尹，请罢陕陆运而置仓河口，使江南漕舟至河口者，输粟于仓而去。县官雇舟，分入河、洛。置仓三门东西，漕舟输其东仓，而陆运以输西仓，复以舟漕，避三门之险。（元）[玄]宗拜耀卿为黄门侍郎、同中书门下平章事，（焉）[兼]<sup>②</sup>江淮都转运使。漕晋、

① 三百余里：《册府元龟》卷四九七作“四百余里”。《隋书·食货志》作“三百余里”。

② 据《新唐书·食货志》改。

绛、魏、濮、邢、贝、济、博之租输诸仓，转入渭。凡三岁，漕七百万石。

《文献通考》：唐都关中，转漕东南，东南之粟，必先至东都，然后浮河、渭以入关中，其至也甚难。故开元以前，岁若不登，天子移蹕，就食东都。自牛仙客献策和籴，然后始免此行。

《食货志》：天宝元年，长安令韦坚为陕郡太守兼水陆转运使，治汉、隋运渠，起关门，抵长安，通山东租赋。乃绝灊、浚，并渭而东，至永丰仓与渭合。又于长乐坡濒苑墙凿潭于望春楼下，以聚漕舟。坚因使诸舟各揭其郡名，陈其土地所产宝货诸奇物于楸上。先时，民间俚歌曰“得体乞那邪”。其后得宝符于桃林，于是陕县尉崔成甫更《得体歌》为《得宝（宏）[弘]农野》。坚命舟人为吴、楚服，大笠、广袖、芒屨以歌之。成甫又广为歌辞十阙，自衣阙后绿衣、锦半臂、红抹额，立第一船为号头唱，集两县妇女百余人，鲜服靓妆，鸣鼓吹笛和之。天子望见，大悦，赐潭名“广运”。是岁，漕山东粟四百万石。

《元和志》：天宝中，每岁运米二百五十万石入关。大历后，陆运米四十万石入关。

《食货志》：广德二年，凡漕事皆决于刘晏。晏即盐利雇佣分吏督之，随江、汴、河、渭所宜。未十年，人人习险，岁转粟百一十万石，无升斗溺者。《刘晏传》：晏岁输始至，天子遣卫士鼓吹迓东渭桥，驰使劳曰：“卿，朕鄴侯也。”凡岁致粟四十万斛。自是关中虽水旱，物不翔贵。

《册府元龟》：大历元年九月<sup>①</sup>，帝御安福门楼，观新漕渠。初，京兆尹黎幹以京城木炭价重，请自南山谷口凿渠，通于城内，至荐福寺东街，北抵景（凤）[风]<sup>②</sup>、延喜门，入于苑。幹潜贮舫

① 大历元年九月：《册府元龟》卷四九七作“永泰二年九月”。唐代宗永泰二年十一月改元大历，九月当作“永泰二年”为是。

② 据《册府元龟》卷四九七改。

船楫师，以为水戏<sup>①</sup>，冀悦于帝。久之，竟无成功<sup>②</sup>。

《食货志》：大历八年，以关内丰穰，减漕十万石。度支和籴，以优农。

《册府元龟》：大历八年十一月，诏京官职田，一切官为收籴。度支奏估直五万贯，诏加至八万贯，以宠百官。

《食货志》：贞元初，关辅宿兵，米斗千钱。太仓供天子六宫之膳不及十日，禁中不能酿酒。以飞龙驼负永丰仓米给禁军，陆运牛死殆尽。德宗以给事中崔造为相，造奏诸道观察使、刺史选官部送两税至京师。增江淮之运，诏浙江东、西节度使韩滉，淮南节度使杜亚运至东、西渭桥仓。陕虢观察使李泌为入渭船，方五板，输东渭桥太仓米至，凡百三十万石。

《食货志》：太和初，岁旱，河涸，掇沙而进，米多耗，抵死甚众。秦、汉时故漕兴城堰东达永丰仓，咸阳县令韩辽请疏之，自咸阳抵潼关三百里，可以罢车挽之劳。宰相李固言以为非时，文宗曰：“苟利于人，阴阳拘忌，非朕所顾也。”议遂决。堰成，罢挽车之牛以供农耕，关中赖其利。

《裴休传》：开成初<sup>③</sup>，岁漕江淮米四十万斛，至渭桥仓者才十三，舟楫溃败，吏乘为奸。户部侍郎裴休为使，乃命在所令长兼董漕，褒能者，谪怠者。由江抵渭，旧岁率雇缗二十八万，休悉归诸吏，敕巡院不得侵牟。居三年，粟至渭桥仓百二十万斛，无留壅。

《类要》：咸通中，宰相晋国公王铎为丞郎时，李骈判度支，每年江淮运米至京，水陆脚钱斗计七百，京国米价每斗四十。议欲令江淮不运米，但每斗纳钱七百。铎曰：“非计也。若于京国籴米，必耗京国之食，若运米关中，自江淮至京，兼济无限贫民也。”时籴米之制已行，都下官籴，米果大贵，未经旬而度支请罢，以

① 潜贮舸船楫师，以为水戏：《新唐书·黎幹传》作“密具舸船，作倡优水嬉”。

② 竟无成功：《新唐书·黎幹传》作“渠不就”。《旧唐书·代宗纪》则作“渠成”。

③ 开成初：《新唐书·裴休传》作“大和后”。

民无至者故也。铎卒以此大用。

## 宋

《会要》：景德三年正月，戚纶上封事，请于陕西等置常平，以逐州户口多少，量留上供钱一二万贯，小州或一二千贯<sup>①</sup>，付司农寺系帐。委输运司<sup>②</sup>并本州选募职州县官清干者一员，专掌其事。每年秋夏加钱收籴，遇贵减价出粜，以三年为界。所有钱谷羨利，止委本寺与掌。

《食货志》：大中祥符初，陕西诸州菽粟，自黄河三门沿流入沛，以达京师，置发运司领之。

《食货志》：大中祥符间，陕西等阙兵食，州县括民家所积粮市之，谓之推置；取上户版籍，酌所输租而均籴之，谓之对籴。皆非常制。

《食货志》：旧制：陕西籴谷，岁预给青苗钱。至天圣中，罢不复给。

《食货志》：治平二年，（内京师）<sup>③</sup>陕西、河东运薪炭至京师，薪以斤计一千七百十三万，炭以（称）[秤]<sup>④</sup>计一百万。

按：宋时关内本无漕挽，南渡后陕饷率皆取给川中，挽输不及京兆。

## 金

《把胡鲁传》：兴定四年，把胡鲁行尚书省、元帅府于京兆，时陕西岁运粮以助关东，民力寢困。胡鲁言：“若以舟揖自渭入河，顺流而下，度可稍纾民力。”从之。

## 明

《续文献通考》：洪武六年冬，浚开封漕河。明年春，转漕粟

① 一二千贯：《宋会要》作“二三千贯”。

② 输运司：《宋会要》作“转运司”。

③ 内京师：此三字在《宋史·食货志》作“由京西”，在本志当为衍。可删。

④ 据《宋史·食货志》改。



于陕西。

《会要》：洪武十七年，户部言潼关卫见贮军饷可给三年，其余米五十二万四千二百七十二石，宜运贮西安府仓。

《会典》：嘉靖八年，题准西安等府应解甘肃钱粮，免其民运，每粮一石征脚价一钱，连粮折银、布交收府库。收银至二万两，布至二千匹，委官沿途递运。

《续文献通考》：嘉靖三十三年，议延绥所属粮储，酌处本色收贮。西安府本色四分，折色六分，解赴绥德广盈仓交收。《畿辅志》：万历中，陕西岁荒，司农欲移京粟万石余，由漕运达河南，更陆运以给之。户部郎中邢孔阳上书司农曰：“移粟之役，是以三千钟而致一石，有害于豫，无济于秦。何若驰一吏，采粟关内，京粟航至中州巢之，以其镗补关内借支之数。是万夫不胜者，一吏代之足矣。”从之。

### 本朝

严渭丝《商洛转漕图记》：康熙三十一年，关中西、凤二郡洊饥，谷粒翔贵。敕诸邑招商购运，割吴、楚漕储，溯黄河，遵伊、洛，船辇入关者三十万石。三十二年，又饥，复将襄阳存仓米二十万石，由丹水运至商州，转运西安，减巢济民。命学士德珠，楚督丁思孔，襄镇殷化行董其事。造舟浚流，于二月六日自襄装发，三月杪，达龙驹寨，四月初，转递至西安开巢。会时和麦登，谷价骤平，流散者悉归，始报罢。时山中食货腾贵，每五斗运一站，给银五分，通水陆脚价，每石费银一两七钱。米每五斗盛以布囊。夫有长，司站有官押送，有兵收发，有单递相换验，旦昏勾稽，石称斛量，无敢侵耗。

《通志》：康熙五十九年十月，漕臣施世纶题准，由黄河挽运豫粮入秦。自河南府至陕州之太阳渡，计程三百零五里，用车装运，计期五日，每车装米八石，日给脚价三钱五分。自太阳渡至西安府党家马头，船只通行，每石给水脚银一钱三分。再，运谷二十万石，止得十万之米，一半糠粃，徒费脚价。应以二谷易一

米，照数运送至陕。又请将湖广荆州等处各仓米十万石，由襄阳水运至商州龙驹寨，每石需水脚银一两，由龙驹寨陆运至西安，每石需夫役银二两。接济荒民。

《通志》：康熙六十年，漕臣施世纶复奏：请拨豫粮十万石接济陕西，惟自河南府陆运至陕州。时因春夏农忙，每石时价百里增给银一钱。

《通志》：雍正九年二月十六日，奉上谕：“陕、甘二省连年丰稔，官仓存贮既多，民间亦家有盖藏，采办易便。是以军兴以来，储粮充裕而民食亦宽然有余。但天时不可预，必当于既富之时，先筹有备之道。而欲储数年之积蓄，不得不藉资于邻省。查邻省如山西、河南之米石，若由陆路输挽，所费甚多，且恐劳民。若由水运，则有三门砥柱之险。闻从前曾以湖广米石由水运至商州，转运于西安。上年，湖广岁收甚熟，今可否于湖广采买米石，循旧运之道，运贮商州，以备转运？着大学士等议奏。钦此。”

议得从前运米自荆州府至襄阳，由汉江溯流而上，虽路经二千里，大船可以装载，需用水脚无多。自襄阳汉江进小江口，入丹江，江流浅狭，只容百石之船。至河南所属之淅川县荆子关<sup>①</sup>，虽滩高水浅，用小舢舨扒河等船，可以挽拽而上。又自荆子关至陕西商州之龙驹寨，溪流泻急，间有滩石，随时挑浚，亦可行运。自小江[口]<sup>②</sup>至龙驹寨，共计水程六百二十余里。再于龙驹寨陆运，经熊耳、秦岭、七盘等山，计程四百七十里，遂由蓝田县至西安。皆系山行小路，不通车辆。从前运送米石，催募人夫，每人背米五斗，日行五六十里，大约骡马驴只驮载，亦尚可行。查康熙五十九年奏册，自襄阳至龙驹寨，水运脚价及打造船只、挑浚滩河之费，每石计需银一两。自龙驹寨至西安，每石需夫役银

① 荆子关：当作“荆紫关”。下同。

② 据上文补。

二两。是湖广运送米石既有成效，事在可行。今运米贮商州，既可省陆运之费，将来设有用处，转运亦易。应照康熙五十九年之例，今<sup>①</sup>湖广督抚水运米十万石至商州。寻因署陕督查郎阿疏奏西安连年丰收，仓廩储积有余。商州地方褊小，难以久贮，暂停运送。

《通志》：雍正十年十二月，经略陕甘军务大学士伯鄂尔泰奏准，陕省存仓谷九十余万石，散贮五府十州。历来酌拨军糈，惟取给西、凤二府及邠、乾、耀、华、同五州。目今五州之谷，只可自供储备，是为军需民食计，挽输备贮，皆当亟为筹画。查雍正九年奉旨，令于湖广采办米石运送商州，以备转运。续据陕督查郎阿奏请停止。再查康熙三十二年并五十九年，两次将湖广米石运送西安，俱著有成效。查楚省今岁丰收，每米一石不过六七钱。其造船、疏浚滩河及僱募驮脚等费，每石不过二两有零，是现今运米一石约需三两，若下次接续运送，则造船、浚河之费，尚可稍减。而源源挽运，蓄积充盈，于民食、兵粮两有裨益。令湖广督抚于明春先运米十万石，或动拨仓廩，或就近于襄阳等属米贱地方采买，酌量办理。

《通志》：雍正十一年正月，陕抚史貽直奏准，豫、楚二省各拨运米十万石，水陆并进。陕省差员于潼关接收豫米，龙驹寨接收楚米，并收豫、楚口袋，转运西安，或减价平糶，或借给穷民，临时办理。此次拨运，一切食物、草料倍昂。从前河南府陆运至陕州，每石百里一钱者，应照军需案内，每石百里给脚价一钱六分。其自陕州灵宝、阌乡僱民船运送，由三河口分载渭、洛、黄河各水次交卸者，每石百里给水脚银四分。自水次入仓，远近不等，按里数每石十里给脚价银一分六厘。其楚米由襄阳至龙驹寨，亦无庸打造船只，若僱民船运送，则原议每石二两，尚可节省一钱。自龙驹寨起旱，或骡驮，或人负，

① 今：似应作“令”。

原议每石二两，尚可节省一两。临时咨商，豫、楚督抚酌量增减，据实报销。

《资政录》：乾隆四十三年四月初四日，奉上谕：“本年河南省因春雨短少，恐麦收不无歉薄。业经叠降恩旨，倍加抚恤。因思直隶、山东两省春膏亦未深透，未必能接济河南，而陕西省昨据毕沅奏称，自二月至三月，屡得透雨，远近普霑，是该省麦收自必丰稔。陕西与河南接壤，且有黄河一水可通，若令陕西采买麦石，运赴河南以济民食，则市粮即可充裕。且该省殷实之户，不致囤积居奇，势必争先出粜，豫省市价自可渐平。此事着交毕沅、郑大进彼此会商妥办。如果能以陕省之有余，补河南之不足，于民间生计大有裨益。并将会办情形，一面办理，一面速奏。钦此。”

当经具奏，酌请先于附近水次州县现贮常平仓谷，酌拨麦十万石运往河南，俟麦收后，令各属照数就地买补还仓。一面派员于渭河水次雇募船只，将各属分拨麦石均匀配载，由渭入河，一水前进。其水陆运费，逐一核明，飭司照例给发。复查陕州境内三门山，即《禹贡》之砥柱，为舟行最险之地，重运难通。一面飞移河南抚臣，酌定交兑之处，另派接运之员预备车辆，齐集水次，随到随运，以免守候稽迟。仰蒙俞允。后因夏间京畿麦价渐昂，复奉谕旨：“令将陕省常平所贮麦石酌拨五万，转运京城，以备平糴之用。”当即筹办，陆续运到。发厂平糴，市价渐平。即将余麦三万石存贮在仓备用。

四十三年十二月二十一日，复奉上谕：“现在京师麦价昂贵，因谕部臣即将前麦发厂平糴。数日以来，市麦价值渐平，于民食甚为有益。今岁豫东二省已普种秋麦，明岁可望有收，但现距麦收为期尚远，当此青黄不接之时，商贩尚不能流通转运，不可不预为筹办。著传谕毕沅，迅速查明常平麦石内能否再酌拨麦四五万石，解京备用，即速据实奏闻。如能再拨若干万石，即于河路可行时，仍照今年之例，由豫省转运。一面办理覆奏，一面知照豫省备办接运。钦此。”

钦遵。复将附近水次各属常平仓贮，如前拨运五万石。雇觅车脚运赴水次，由渭入河，分起押解，衔尾前进，仍在前次交收之陕州会兴头地方，令豫省委员接收，转运赴京。



## 食货志 中 经费 课程

### 经费

#### 汉

《晋·食货志》：永初三年，天下水旱，以用度不足，三公奏请令吏民入钱谷，得为关内侯。

#### 唐

《食货志》：高祖武德初，京司及州县皆有公廩田，供公私之费。其后以用度不足，京官有俸赐而已。《册府元龟》：高祖平京师，倾府藏以赐勋人。既患国用不足，太原人刘义节进计曰：“今义师数十万，并在长安，樵贵而布帛贱，若伐街衢及苑中之树为樵，以易布帛，岁取数万匹，可立致也。又藏内缁绢，匹皆有余轴之，使申裁取剩物，以供杂费，动盈十余万段矣。”从之，大收其利。

《食货志》：贞观初，以地租春秋给京官，岁五十万一千五百余斛。十八年，以京兆府、岐、同、华、邠、坊州隙地、陂泽可垦者，复给京官职田。二十二年，置京诸司公廩本钱，捉以令史、府史、胥史。永徽元年，废之。以天下租脚直为京官俸。

《食货志》：永徽中，置公廩本钱，以典史主之，收赢十之七，以供佐史以下不赋粟者常食，余为百官俸料。京兆等府钱三百八十万，京兆等府京县一百四十三万，畿县八十二万五千。

《食货志》：光宅元年，以京官八品、九品俸薄，诏八品岁给庶仆三人，九品二人。

《食货志》：开元十八年，复给京官职田。二十九年，以京畿地狭，计丁给田，犹不足，于是分诸司官在都者，给职田于都畿，以京师地给贫民。

《食货志》：《六典》太仓令：凡京官之禄，发京仓以给<sup>①</sup>。

《食货志》：乾元元年，京官给手力课。上元元年，复令京官职田以时输送，受加耗者以枉法赃论。其后籍为军粮。

《食货志》：永泰元年<sup>②</sup>，分天下财赋，置二使。京畿、关内以京兆尹、判度支第五琦领之。取州县官及折冲府官[职田]<sup>③</sup>苗子三之一，市轻货以赈京官。大历二年，复给京兆府及畿县官职田，以三之一供军饷。

《食货志》：户部侍郎赵赞判度支，行借钱令，约罢兵乃偿之。京兆尹韦贞<sup>④</sup>、长安丞薛萃搜督甚峻，民不胜其冤。然总京师豪人田宅、奴婢之估，裁得八十万缗。减百官料钱以助军。

《册府元龟》：贞元元年，自春大旱。度支奏：京师经费及关内外征讨士马月须米盐五十三万石，钱六十万贯，草三百八十三万围，春冬衣赐，元日冬至，立仗赐物，不在其中。时漕江东租赋百余万贯，在江陵度支主吏宋栖桐无部署，遇火焚之，国用益窘。关中百姓蒸蝗去翅、足食之，人心大恐。

《食货志》：阅辅宿兵，以永丰仓米给禁中。[建中]<sup>⑤</sup>三年，李泌为相，增百官及畿内官月俸，复置手力资课，岁给钱六十一万六千余缗。泌以度支有两税钱，盐铁使有筦榷钱，可以拟经费，中外给用，每贯垫二十，号“户部除陌钱”，复有阙官俸料、职田

① 此条实出《唐六典·卷十九·司农寺》。《新唐书·食货志》未见引录。

② 永泰元年：《新唐书·食货志》作“永泰二年”。

③ 据《新唐书·食货志》补。且《新唐书·食货志》记此事为“永泰末”。

④ 京兆尹韦贞：《新唐书·食货志》作“京兆少尹韦桢”。

⑤ 据《新唐书·食货志》补。

钱，积户部，号“户部别贮钱”，御史中丞专掌之，皆以给京官，岁费不及五十五万缗。京兆和籴，度支給诸军冬衣，亦往往取之。

《文献通考》：初，德宗居奉天，储蓄空窘，尝遣卒视贼，以苦寒乞襦，不能致，剔亲王带金鬻之。朱泚既平，乃属意聚敛，常赋之外，进奉不息。

《食货志》：元和中，祠祭、蕃夷赐宴、别设，皆长安、万年人吏主办。二县置本钱，配纳质积户收息以供费。

《百官志》：比部：京师仓库，三日<sup>①</sup>一比。诸司、诸使、京都，四时勾会于尚书省，以后季勾前季。

《册府元龟》：长庆四年五月敕<sup>②</sup>：“近日访闻京城米价稍贵，须有通变，以便公私。宜令户部应给百官俸料，其中一半合给匹段者，回给官中所籴粟，每斗折钱五十文。其匹段委别收贮，至冬籴粟，填纳大仓。”时以为便。

《册府元龟》：开成元年正月诏：京兆府一年所支用钱物、斛斗、草等，并勒盐铁使以开成元年直进绫绢充还。辛酉，盐铁使、左仆射令狐楚请以罢修曲江亭子绢一万三千七百匹，回修尚书省。

## 元

《续文献通考》：宪宗七年，命刘太平等会计京兆财赋，大加钩考，其贫不能输者，帝为代偿之。

## 明

《会典》：永乐元年，令陕西布政、按察司官俸米钞兼支，及所属府州县等官俸，全支钞者，俱仍旧。令陕西各府州县教官、生员俸粮，俱米钞中半兼支。

《会典》：成化十三年，令陕西三司并卫、所首领及府、州、县等官五品以上二八兼支，六品以下三七兼支，不够二石者，照旧支本色。又令延绥巡抚官照甘肃例，出巡每日支廩给米五升，

① 三日：《新唐书·百官志》作“三月”。

② 四年五月敕：《册府元龟》卷五〇二作“四年七月乙丑丁卯敕”。

在仓支五升，回日通在仓支一斗。

《续文献通考》：隆庆元年诏：陕西织绒，遵奉遗诏，既已停止，其原行征办织造采买银两，通应解部。

按：西安府属州县各项经费，本朝悉行均入地丁钱粮征收，存留各属，按照岁时支放。

## 课程

### 秦

《二世本纪》<sup>①</sup>：少府。注：《汉·百官表》：少府，秦官。应劭曰：掌山泽陂池之税，名曰禁钱，以给私养，自别为藏。少者，小也。

### 汉

《食货志》：王莽居摄，于长安及五都立五均官，更名长安东、西市，东市称京，西市称畿。工商能采金、银、铜、锡，登龟、取贝者，皆自占司市钱府，顺时气而取之。诸取众物、鸟、兽、鱼、鳖、百虫于山林、水泽及畜牧者，嫗妇桑蚕、织纆、纺绩、补缝，工匠、医、巫、卜祝及他方技、商贩、贾人坐肆列里区、谒舍，皆各自占所为于其所在之县官，除其本，计其利，十一分之，而以其一为贡。敢不自占、占不以实，尽没入所采取。

### 晋

《苻坚载记》：永兴中，开山泽之利，公私共之。

《姚兴载记》：（宏）[弘]始中，以国用不足，增关津之税，盐、竹、山木皆有赋焉。群臣咸谏，以为天殖品物，以养群生，王者子育万邦，不宜节约以夺其利。兴曰：“能逾关梁，通利于山水者，皆豪富之家。吾损有余以裨不足，有何不可？”

### 唐

《高祖纪》：武德二年，以谷贵，禁关内屠沽。《册府元龟》：

<sup>①</sup> 《史记》未著“二世本纪”，秦二世事迹见于《秦始皇本纪》。

闰二月诏：酒醪之用，表节制于欢娱；刍豢之滋，致肥甘于丰衍。然而沉湎之辈，绝业亡资；惰窳之民，骋嗜奔欲。方今烽燧尚警，兵革未宁，年数不登，市肆腾踊，趋末者众，浮冗尚多。肴羞（餼）<sup>①</sup>藁，重增其费，救弊之术，要在权宜。关内诸州官民，具断屠沽。

《食货志》：乾元元年，京师酒贵，肃宗以廩食方屈，乃禁京城酤酒，期以麦熟如初。

《食货志》：建中三年，以京师四方所凑，罢榷。《册府元龟》：闰正月，初榷酒，天下悉令官酿。斛受直一千<sup>②</sup>。米虽贱，不得减二千。委州县综领。酤簿私酿，罪有差。以京师王者都，特免其榷。

《食货志》：京兆尹韦贞<sup>③</sup>取僦柜纳质钱及粟麦粃于市者，四取其一，长安为罢市，市民相率遮邀宰相哭诉，卢杞疾驱而过。韦贞惧，乃请钱不及百缗、粟麦不及五十斛者免，而所获裁二百万缗。赵赞请诸道津会置吏，阅商贾钱，每缗税二十，竹、木、茶、漆税十之一。复请税间架，算除陌<sup>④</sup>。及泾原兵反，大呼长安市中曰：“不夺尔商户僦质，不税尔间架、除陌矣。”于是间架、除陌、竹、木、漆、铁之税皆罢。贞元二年，复禁京城畿县酤酒。

《册府元龟》：建中初，十二月<sup>⑤</sup>，度支请于京城及畿县[行]<sup>⑥</sup>榷酒之法，每斗榷一百五十[文]<sup>⑦</sup>，其酒户并蠲免差

① 据《册府元龟》卷五〇四改。

② 斛受直一千：《旧唐书·食货志》作“斛收直三千”。

③ 京兆尹韦贞：《新唐书·食货志》作“京兆少尹韦桢”。

④ 《新唐书·食货志》：其法：屋二架为间，上间钱二千，中间一千，下间五百；匿一间，杖六十，告者赏钱五万。除陌法：公私贸易，千钱旧算二十，加为五十；物两相易者，约直为率。

⑤ 建中初，十二月：《册府元龟》卷五〇四记此事在贞元二年十二月。

⑥ 据《册府元龟》卷五〇四补。

⑦ 据《唐会要》卷五十九补。



役<sup>①</sup>。从之。

《食货志》：元和六年，罢京师酤肆。《文献通考》：京兆府奏：榷酒钱除出正酒户外，一切随两税、青苗钱据贯均率。从之。

《食货志》：太和八年，罢京师榷酤。《册府元龟》：二月诏：京邑之内，本无榷酤，属贞元用兵之后，费用稍广，始定店户等第，令办纳榷。况万方所聚，私酿至多，禁令既不可施，榷利自无所入，徒立课额，殊非惠人。其长安、万年两县，见征榷酒钱一万五千一十贯八百文。若先欠者，并宜放免。其榷酒钱，今亦宜停。

《食货志》：昭宗世，以用度不足，易京畿边<sup>②</sup>镇鞠法，复榷酒以赡军。凤翔节度使李茂贞方颺其利，按兵入奏利害，天子遽罢之。

## 宋

《文献通考》：熙宁十年以前，商税岁额：五万贯以上，京兆，十二务；三万贯以下，耀，九务。酒课：二十万贯以上，京兆，二十三务；五万贯以上，耀，五务。

## 元

《世祖纪》：至元三年六月，申严陕西竹禁。陕西课程岁办万九千锭。

《食货志》：竹之所产在陕西者，京兆有在官竹园。国初，立司竹监掌之，每岁令税课所官以时采斫，定其价为三等，易于民间。至元四年，始命制国用使司印造竹引，凡发卖皆给引。

《世祖纪》：十八年，京兆等路岁办课额，自万九千锭增至五万四千锭。《食货志》：二十年<sup>③</sup>，命陕西竹课提领司差官于辉、怀办课。

《成宗纪》：大德五年三月，罢陕西路拘榷课税所。

① 差役：《唐会要》卷五十九作“杂役”。

② 边：《新唐书·食货志》作“近”。

③ 二十年：《元史·食货志》作“二十三年”。

《食货志》：天历元年，竹[苇]<sup>①</sup>课：奉元路，三千七百四十锭<sup>②</sup>三两六钱。

## 明

《会典》：初设陕西税课司、局。西安府税课司、三原县税课局。

《马志》：嘉靖初，西安府商税课程钞折银二千三百二十四两三钱二分。

《续文献通考》：万历十年，题准裁革咸阳县皮布税。

## 本朝

《资政录》：长安县额外课程，铺户所办。银二十两九钱二分。遇闰加一两七钱四分三厘有奇。地税，买房地业主所办。七十九两六钱八分九厘。当税，当商所办。一百九十两。牙税，牙行所办。四十六两六钱一分。畜税，买骡马户所办。四十一两四分。

《资政录》：咸宁县额外课程银三十七两六钱五分，遇闰加三两一钱三分七厘五毫。地税二百三十九两九钱一分三厘，当税六百四十两，牙税八十五两九钱，畜税五十二两三钱二分六厘。

《资政录》：咸阳县额外课程银二十一两四钱二分六毫，遇闰加一两七钱八分三厘三毫。地税一百四十三两三钱九分七厘，当税一百两，牙税三十二两五分四厘，畜税六十五两八钱八分一厘，筏税八百四十六两一钱一分八厘。

《资政录》：兴平县额外课程银三十四两五钱，遇闰加二两八钱七分五厘。地税二百二十八两一钱三分二厘，当税八十五两，牙税二十五两一钱，畜税三百三十三两二钱七分。

《资政录》：临潼县额外课程银三十八两四钱四分，遇闰加三两二钱三厘三毫。地税一百六十一两四钱，当税三百五十五两，

① 据《元史·食货志》补。

② 四十锭：《元史·食货志》作“四十六锭”。

牙税四十五两九钱九分一厘，畜税一百一十五两五钱三分。

《资政录》：高陵县额外课程银二十六两二钱八分，遇闰加二两一钱九分。地税一百五两，当税五十两，牙税二十二两八钱七分，畜税二十三两八钱。

《资政录》：鄠县额外课程银十九两九钱三分，遇闰加一两六钱六分八毫。地税七十二两六分，当税一百四十五两，牙税四十一两一钱，畜税一百二十两一钱五分。

《资政录》：蓝田县额外课程银八两五钱二分，遇闰加七钱一分。地税二百二十七两四分<sup>①</sup>一分八厘，当税七十五两，牙税一十二两六分，畜税六十一两九钱八分。

《资政录》：泾阳县额外课程银二十二两一钱六分，遇闰加一两八钱四分六厘六毫。地税二百八十八两三分六厘，当税一百九十五两，牙税九十七两三钱，畜税四百二十一两九钱五分。

《资政录》：三原县额外课程银三十四两二钱七分，遇闰加二两八钱五分五厘八毫。地税二百一十二两四钱三分三厘，当税二百九十五两，牙税四十五两，畜税二百三两八钱五分。

《资政录》：盩厔县额外课程银三十一两八钱六分，遇闰加二两六钱五分五厘。地税一百九十二两九钱三分，当税一百四十五两，牙税三十二两三钱九分五厘，畜税六十三两七钱五分。

《资政录》：渭南县额外课程银九十六两一钱，遇闰加八两八厘三毫。地税一百一十五两三钱五分九厘，当税二百九十两，牙税六十一两四钱，畜税四百五十七两八钱三分。

《资政录》：富平县额外课程银五十五两三钱七分，遇闰加四两六钱一分四厘一毫。地税一百三十六两八分六厘，当税五百六十五两，牙税五十二两六钱一厘，畜税八十一两八钱四分。

《资政录》：醴泉县额外课程银一十一两三钱二分，遇闰加九

① 四分：应作“四钱”。

钱四分三厘三毫。地税七十一两六钱四分，当税一百五十五两，牙税五十四两四钱，畜税五十八两六钱五分。

《资政录》：同官县额外课程银二十二两八钱七分，遇闰加一两九钱五厘八毫。地税一十六两七钱三分一厘，当税一十两，牙税一十九两五钱，畜税二十八两七钱一分，矾税二两四钱。

《资政录》：耀州额外课程银一十一两六分，遇闰加九钱二分一厘六毫。地税八两五钱八分，当税一十两，牙税八两，畜税一十二两四钱八分。

按：西安府州县属课程，均据乾隆四十四年《赋役全书》所载编入。





## 西安府志卷第十六

# 食货志 中 盐钱 茶马

### 盐钱

#### 秦

《汉·食货志》：盐铁之利，二十倍于古。

#### 汉

《宣帝纪》：莲勺县有盐池，纵横十余里，其乡人名为卤中。

《平准书》：大农上盐铁丞孔仅、咸阳言：山海，天地之藏，皆宜属少府，陛下不私，以属大农佐赋。愿募民自给费，因官器作煮盐，官与牢盆。浮食奇民欲擅管山海之货，以致富羨，役利细民。其沮事之议，不可胜听。敢私铸铁器煮盐者，釡左趾，没入其器物。

《晋·食货志》：建安初，关中百姓流入荆州者十余万家，及闻本土安宁，皆企望思归，而无以自业。于是卫顗议：“盐者，国之大宝，自丧乱以来放散，今宜如旧置使者监卖，以其直益市犁、牛，百姓归者以供给之，勤耕积粟，以丰殖关中，远者闻之，必多竞还。”于是魏武遣谒者仆射监盐官，移司隶校尉居（宏）[弘]农。流人果还，关中丰实。

#### 魏

《晋·食货志》：嘉平四年，关中饥。宣帝表兴京兆盐池，以益军实。

## 唐

《地理志》：富平、栌阳，并有盐泽。

《食货志》：盐池皆隶度支。蒲州安邑、解县有池五，总曰“两池”，岁得盐万斛，以供京师。

《册府元龟》：永贞元年，度支奏：久雨，车辇不通，京师盐贵，请巢出贮库盐二万石。

## 宋

《河东盐法志》：至道中，京兆食解州颗、末盐，皆以五斤为斗。颗盐之直，每斤自四十四至三十四钱，有三等。

《食货志》：咸平以来，听商人辇盐贸易，官为下其价予之。

《食货志》：庆历二年，禁永兴、耀州军商盐，官自辇运，以衙前主之。

《食货志》：庆历八年，以范祥为陕西提点刑狱兼制置解盐事，祥卒，转运副使薛向继之。向请即永兴军置卖盐场，又以边费钱十万缗，储永兴军为盐钞本，继又增二十万。

《食货志》：熙宁七年，令秦凤、永兴盐钞，岁以百八十万为额。

《食货志》：崇宁四年，诏陕西旧钞易东南末盐，每百缗用见钱三分，旧钞七分。

## 金

《续文献通考》：大定二十五年，令解盐行陕西。

《食货志》：贞祐四年，乌古论庆寿上言：“盐乃官物，有司陆运至河，复以舟达京兆、凤翔，以与商人贸易。而陕西行部每石复邀余二斗，是官物而自余也。乞彼此一听民便，则公私皆济。”从之。

## 元

《食货志》：中统二年，立陕西转运司，仍置解盐司于路村。

《食货志》：至元二十九年，减大都盐课一万引，入京兆盐司

添办。是年五[月，又]<sup>①</sup>革京兆盐司一，止存盐运司。

## 明

《河东盐法志》：洪武间，河东行盐地方属陕西者四府，西安其一。

《会典》：嘉靖三十四年，奏定陕西行盐地方每盐二百斤为一引，每引收银四钱五分，于年终汇解花马池管粮衙门交收，备防秋兵马支用。

## 本朝

《通志》：西安府属食解池盐。

《通志》：西安府属岁额销河东引五万八千二百零二道。内额引：长安六千八百十一道，咸宁七千八百五十七道，咸阳二千二百七十八道，兴平二千道，临潼三千八百道，高陵一千七百五十五道，鄠县一千七百四十二道，蓝田三千六十道，泾阳五千六百三十四道，三原三千五百道，盩厔三千四百七十五道，渭南七千二百六十五道，富平五千二百三十六道，醴泉二千六百道，同官三百五十道，耀州八百三十九道。商领商缴。

《通志》：西安府属分输课额银岁二万四千四十一两零四厘。内额课：长安二千八百十三两三钱六分一厘，咸宁三千二百四十五两四钱二分四厘，咸阳九百四十两九钱五分四厘，兴平八百二十六两一钱二分三厘，临潼一千五百六十九两六钱三分三厘，高陵七百二十四两九钱二分二厘，鄠县七百一十九两五钱五分三厘，蓝田一千二百六十三两九钱六分八厘，泾阳二千三百二十七两一钱八分八厘，三原一千四百四十五两七钱一分五厘，盩厔一千四百三十五两三钱八分八厘，渭南三千两八钱九分一厘，富平二千一百六十二两七钱九分，醴泉一千七十三两九钱五分九厘，同官一百四十四两五钱七分一厘，耀州三百四十六两五钱五分八厘。

已上盐法。

<sup>①</sup> 据《元史·食货志》补。

## 周

《汉·食货志》：太公立九府圜法，钱圜函方，轻重以铢。

《秦本纪》：惠文王立二年，初行钱。

## 秦

《平准书》：秦中一国之币为三等，黄金以镒名，为上币；铜钱，识曰“半两”，重如其文，为下币。

## 汉

《平准书》：[汉]<sup>①</sup>兴，为秦钱重难用，更令民铸钱。注：《食货志》曰：铸荚钱。《索隐》：秦钱半两，径寸二分，重十二铢，荚钱重三铢。《钱谱》：文为“汉兴”。

《平准书》：汉兴七十余年，府库余货财，京师之钱累巨万，贯朽而不可校。

《平准书》：孝文时，荚钱益多，轻，更铸四铢钱，其文为“半两”。令民纵得自铸钱。

《食货志》：建元以来用少，县官往往即多铜山而铸钱，民亦盗铸，不可胜数，钱益多而轻。有司言曰：金有三等：黄金为上，白金为中，赤金为下。今半两钱法重四铢，而奸或盗摩钱质而取镕，钱益轻薄，按：注：许慎云：镕，铜屑也，摩钱漫面取其屑，更以铸钱。乃更请铸五铢钱，周郭其质，令不可摩。

《平准书》：禁苑有白鹿，乃以白鹿皮方尺，缘以藻绩，为皮币，直四十万。

《平准书》：元鼎二年，公卿请令京师铸钟官赤侧，一当五，赋官用非赤侧不得行。注：如淳曰：以赤铜为其郭也。

《平准书》：悉禁郡国无铸钱，专令上林三官铸钱。令天下非三官钱不得行，诸郡国前铸钱皆废销，输其铜三官。注：《汉书·百官表》：“水衡都尉，武帝元鼎二年置，掌上林苑，属官有上林均

① 据《史记·平准书》补。

输、钟官、办<sup>①</sup>铜令。”然则上林三官，其是此三令乎？

《食货志》：元狩五年，三官初铸五铢钱。至平帝元始中，成钱二百八十亿万余云。

《平准书》：初，大农管盐铁官布多，置水衡，欲以主盐铁。及杨可告缙钱，上林财物众，乃令水衡主上林。上林充满。

《食货志》：桑（宏）[弘]羊为大农，（幹）[幹]<sup>②</sup>天下盐铁，请置大农部丞数十人，分部主郡国，各往往置均输盐铁官，令远方以其物相灌输。置平准于京师，受天下委输。

《汲黯传》：汲黯为右内史，后免官，隐于田园。居数年，会更五铢钱，民多盗铸钱。按：事在元狩五年。

《义纵传》：会五铢钱白金起，民为奸，京师尤甚，乃以义纵为右内史。

《食货志》：县官以盐、铁、缙钱之故，用稍饶矣。益广关，置左右辅。

## 后汉

《册府元龟》：光武时，长安铸钱多奸巧，京兆尹阎兴署主簿第五伦为督铸钱掾，领安市。伦平铨衡，民悦服。时长安市未有秩，又铸钱官奸宄所集，无能整齐之，兴署伦督铸钱掾，领安市。其后小人争讼，皆云第五掾所平市无奸枉。

《晋·食货志》：献帝作五铢钱，有四道连于边缘，识者曰：“岂京师破坏，此钱复出也。”及董卓劫驾，西幸长安，悉坏五铢钱，尽取长安及洛阳铜人、飞廉之属，以充鼓铸。时人以为秦始皇见长人于临洮，乃铸铜人。卓，临洮人也，兴毁不同，凶讹相类。《[三国志·魏书]·董卓传》：初平二年，悉椎破铜人、钟簴及坏五铢钱，更铸为小钱，大五分，无文章，肉好无轮郭，不磨鑿，于是货轻而物贵，谷一斛至数十万，自是后，钱货不行。

① 办：《汉书·百官表》作“辩”。

② 据《汉书·食货志》改。



## 北魏

《食货志》：延昌三年春，有司奏长安骊山有银矿，二石得银七两。

## 北周

《隋·食货志》：保定元年七月，铸布泉之钱。

《隋·食货志》：建德三年，更铸五行大布钱，以一当十，大收商估之利，与布钱并行。

《隋·食货志》：建德四年，以边境人多盗铸，乃禁五行大布，不得出入四关。布泉之钱，听入而不听出。

## 隋

《食货志》：高祖受周禅，铸新钱，背面肉好，皆有周郭，文曰“五铢”，而重[如其文]。每钱一千，重四斤二两。

《食货志》：开皇三年四月，诏四面诸关，各付百钱为样。从关外[来]<sup>①</sup>，勘样相似，然后得过。样不同者，即坏以为铜，入官。

《食货志》：开皇十年，奸狡私铸，杂以锡钱，乃下恶钱之禁。京师邸肆立榜置样，不中样者，不入于市。京师以恶钱贸易，为吏所执，有死者。数年之间，私铸颇息。

## 唐

《食货志》：高祖入长安，民间行线环钱，其制轻小，八九万才满半斤。

《食货志》：武德四年，铸“开元通宝”，径八分，重二铢四参，积十钱重一两，得轻重大小之中。《通考》：高祖入关，铸“开元通宝”，其文给事中欧阳询制，书字八分、篆、隶三体，其词先上后下，次左后右，回环读之，其义亦通。郑虔《会粹》：询初进蜡样日，文德皇后掐一甲迹，故钱上有掐文。每两二十四铢，则一钱重二铢半以下。古秤<sup>②</sup>比今秤三之一也，则今钱为古秤之七铢

① 以上据《隋书·食货志》补。

② 秤：似应作“秤”。下同。

以上，古五铢则加重二铢以上。

《食货志》：先天之际，两京钱益滥。开元初，宰相宋璟请禁恶钱，行二铢四参钱。毁旧钱不可用者。

《食货志》：开元二十六年，置钱监，两京用钱稍善。其后，钱又渐恶，诏出铜所在置监，铸“开元通宝”钱。京师库藏皆满，天下盗铸益起，京师权豪岁取之。

《食货志》：开元时，两京钱有鹅眼、古文、线环之别，每贯重不过三四斤，至剪铁而缙之。李林甫请出绢布三百万匹，平估收钱，物价踊贵，诉者日万人。杨国忠欲招权以市恩，扬鞭市门曰：“行当复之。”明日，诏复行旧钱。

《食货志》：天宝十一载，又出钱三十万缗，易两市恶钱。出左藏库排斗钱，许民易之。国忠又言：“钱非铁锡、铜沙、穿穴、古文，皆得用之。”是时增调农人铸钱，非所习，内作判官韦伦请厚价募工，由是役用减而鼓铸多。天下炉九十九，每炉岁铸钱三千三百缗。

《文献通考》：乾元元年，户部侍郎第五琦以国用未足，币重货轻，乃请铸“乾元重宝”，钱径一寸，每缗重十斤，以一当十，与“开元通宝”参用。及琦为相，又铸重轮乾元钱，一当五十，每缗重十二斤，与三品钱并行。法既屡易，物价腾踊，斗米至七千。初，有“虚钱”，京师人人私铸，并小钱，坏钟、像，犯禁者愈众。郑叔清为京兆尹，数月拷死者八百余人。上元元年，减重轮钱以一当三十，开元旧钱与乾元十当钱，皆以一当十。碾硃鬻受，得为实钱，虚钱交易皆用十当钱。由是钱有虚实之名。

《食货志》：永泰二年，分天下财赋、铸钱、常平、转运、盐铁，置二使。京畿、关内以京兆尹、判度支第五琦领之。

《食货志》：永泰间，诸道盐铁转运使刘晏以江、岭诸州，任土所出，皆重粗贱弱之货，输京师不足以供道路之直。于是积之江淮，易铜铅薪炭，广铸钱，岁十余万缗，输京师。

《食货志》：德宗相杨炎岁敛钱九百五十余万缗，以供京师。

《食货志》：贞元初，骆谷、散关禁行人以一钱出者。十年，州县禁钱不出境，商贾皆绝。浙西观察使李若初请通钱往来，而京师商贾资钱四方贸易，不可胜计。诏复禁之。

《食货志》：宪宗以钱少，复禁用铜器。时商贾至京师，委钱诸道进奏院及诸军、诸使富家，以轻装趋四方，合券乃取之，号“飞钱”。京兆尹裴武请禁与商贾飞钱者，搜索诸坊，十人为保。

《食货志》：元和四年，京师用钱缗少二十及有铅锡钱者，捕之；非交易而钱行衢路者，不问。

《旧书·食货志》：元和十二年四月<sup>①</sup>敕：“泉货之设，古<sup>②</sup>有常规，将使轻重得宜，是资敛散有节，必通其变，以利于人。今缗帛转贱，公私俱弊，宜出现钱五十万贯，令京兆府拣择要便处开场，依市价交易，必使事堪经久，法可通行。”又敕：“近日布帛转轻，见钱渐少，皆缘所在壅塞，不得通流。宜令京城内自文武官僚，不问品秩高下，并公郡县主、中使等，下至士庶、商旅、寺观、坊市，所有私贮见钱，并不得过五千贯。如有过此，限一月内市物收贮，如钱数校<sup>③</sup>多，处置未了，亦不得过两月。如有违犯，白身人等，宜付所司决杖处死。其文武官及公主等，并委有司闻奏，当重科贬。戚属、中使，亦具名衔闻奏。”时京师里闾区肆所积，多方镇钱，王鐸、韩（宏）[弘]、李惟简，少者不下五十万贯。于是竞置第宅，以变其钱。多者竟里巷佣僦以归其直。而高货大贾，多依倚左右军官钱为名，府县不得穷验，法竟不行。

《册府元龟》：元和十四年六月敕：应属诸军诸使，有犯时用钱每贯除二十文、足陌内欠钱[及]有铅锡[钱]<sup>④</sup>者，宜令京兆府枷项收禁，牒报本军本使府司，看决二十。

① 四月：《旧唐书·食货志》作“正月”。

② 古：《旧唐书·食货志》作“故”。

③ 校：《旧唐书·食货志》作“较”。

④ 据《旧唐书·食货志》补。

《泉志》：武宗敕：铸钱之所，各以本州郡名为背文。京兆府以“京”字在穿上，蓝田县以“蓝”字在穿右。

《食货志》：淮南节度使李绅请天下以县名铸钱，京师为京钱，大小径寸，如开元通宝。交易禁用旧钱。《玉海》：会昌五年，铸开元钱，节度使李绅请背加“昌”字，以表年号。

《食货志》：昭宗末，京师用钱八百五十为贯，每百才八十五。

## 宋

《食货志》：陕西都转运使张奎、知永兴军范雍请铸大铜钱，与小钱兼行，大钱一当小钱十。又请因晋州积铁铸小钱。及奎徙河东，又铸大铁钱，亦以一当十，助关中军费。未几，三司奏罢河东铸大铁钱，而陕西复采仪州竹尖岭黄铜，置博（入）<sup>①</sup>济监铸大钱。

《天禄识余》：文彦博知永兴军。起居舍人毋湜，鄠人也，至和中上言：“陕西铁钱不便于民，乞废之。”其乡人多知之，争以铁钱买物，卖者不肯受，长安为之乱，民多闭肆。僚属请禁之，彦博曰：“如此是愈使民间扰惑也。”乃召丝绢行人出其家缣帛数百匹使卖之，曰：“纳其直者尽以铁钱，勿以铜钱也。”于是众知铁钱不废，市肆复安。

王巩《随年杂录》：陕西每铜钱一贯，用铁钱一贯三十文可换。后因常平司指挥诸州勿出铜钱，诸司效之，家家收蓄铜钱，轻用铁钱，由是钱贱而物加贵。

《徽宗纪》：建中靖国四年闰二月，置陕西监，铸当二夹锡铁钱。

《食货志》：崇宁二年，许天启为陕西转运副使，请令以岁所铸小平钱增科<sup>②</sup>改铸当五大铜钱，以“圣宋通宝”为文。

《文献通考》：崇宁二年初，令陕西铸折十铜钱并锡钱。

《食货志》：靖康元年，罢政和敕陕西路用铜钱断徒二年、配千里法。初，蔡京主行夹锡钱，诏铸于陕西，亦命转运副使许天

① 据《宋史·食货志》删。

② 科：《宋史·食货志》作“料”。

启推行。其法以夹锡钱一折铜钱二，每缗用铜八斤，黑锡半之，白锡又半之。

《高宗纪》：绍兴九年六月，置钱引务于永兴军。八月，命陕西复行铁钱。

## 金

《食货志》：正隆二年十月，括民间铜鑄器，陕西者输京兆。

《海陵纪》：正隆三年二月，京兆初置钱监。《食货志》：京兆监一，曰利用，文曰“正隆通宝”，轻重如宋小平钱，而肉好过之，与旧钱通用。

《食货志》：大定元年，命陕西路参用宋旧铁钱。

《食货志》：泰和七年十一月，命陕西路院务诸税及诸科名钱，并以（钞）<sup>①</sup>三分为率，一分纳十贯例者，二分五贯例者，余并收见钱。

## 元

《世祖纪》：至元二十四年十月，立陕西宝钞提举司。

《顺帝纪》：至正十八年二月，中书省臣奏：以陕西军旅事剧，京师道远，供费艰难，请就陕西印造宝钞为便。遂分户部宝钞库管<sup>②</sup>官，置局印造。

## 明

《续文献通考》：洪武二十六年，各处炉座钱数：陕西三十九座[半，每岁铸钱二千三百三万六千四百文]<sup>③</sup>。

## 本朝

《会典》：顺治元年，置宝泉局，铸“顺治通宝”钱，每文重一钱。

按：宝泉局，陕西省旧设延绥镇，顺治五年停止，今置西安府。《会典》名宝陕局。

① 据《金史·食货志》删。

② 管：《元史·顺帝纪》作“等”。

③ 据《大明会典》卷一九四补。



《通志》：顺治二年，总督孟乔芳题请：西安原有钱法同知一员司铸局，宜令开铸，资军需。铸钱每文重一钱二分，每十文准银一分。旧钱每十四文准银一分。

《通志》：顺治十年，题准铸造制钱，背铸“一厘”两字，陕西添“陕”字。

《户部则例》：康熙八年，户部具题各省镇炉座。先因钱贱，于康熙元年奉旨停止。康熙六年，复照旧鼓铸。康熙九年，陕西抚臣疏称停止。后复议开，以补国用。

《会典》：康熙十九年，差官往陕西临潼等处开采银矿。

已上钱法。

按：康熙二十二年复停陕西开采，宝陕局率用滇铜，其不足者于宁羌等处诸山开采增补。乾隆四十年，复以旧厂产铜不旺，于略阳另开新厂，铜斤优裕，足资鼓铸。

## 茶马

### 周

《周礼·夏官》：校人：掌王马之政。辨六马之属，种马一物，[戎马一物]，齐马一物，道马一物，田马一物，驽马一物。凡颁良马而养乘之：乘马一师四圉；三乘为皂，皂一趣马；三皂为系，系一驭夫；六系为厩，厩一仆夫；六厩成校，校有左右。驽马三良马之数；丽马一圉，八丽一师；按：八皆为六字之误。八师一趣马，八趣马一驭夫。趣马：掌赞正良马，而齐其饮食，简其六节。巫马：掌养疾马而乘治之。牧师：掌牧地，皆有厉禁而颁之。庾人：掌十有二闲之政教。圉师：掌教圉人养马。[圉人：掌养马]为牧之事，以役圉师。马质：掌质马，[马]量三物，[一曰戎马，二曰田马，三曰驽马。皆有物贾]<sup>①</sup>。驭夫：分公马而驾治之。

① 以上据《周礼·夏官司马》补。

《汉·刑法志》：周因井田而制军赋，故四井为邑，四邑为丘，四丘为甸。天子畿方千里，提封百万井，定出赋六十四万井，戎马四万匹。

《秦本纪》：秦非子居犬丘，按：地在今兴平。好马及畜，善养息之。犬丘人言之周孝王，孝王召使主马汧、渭间，马大蕃息。

## 秦

《诗·秦风》：“有车粼粼”。《正义》：此美秦仲初有车马之好也。《驷（铁）[驥]》<sup>①</sup>：《正义》：言襄公马既肥大而又能良民善也<sup>②</sup>。

《小戎》：《正义》：国人夸兵车之善也。“四牡孔阜”。《正义》：国人夸马之善也。

《尔雅注》：秦有駉蹄苑。

## 汉

《百官表》：太仆，秦官，掌舆马，有两丞。属官有大厩、未央、家马三令。

《黄图》：未央宫有九厩：金厩、輅轡厩、果马厩、輶梁厩、骑马厩、大宛厩、胡河厩、騊駼厩，俱在长安城内<sup>③</sup>。

《括地志》：霸昌厩，在雍州万年东北三十八里。

《谷永传》注：交道厩，去长安六十里，近延陵。

《平准书》：孝景时，益造苑马以广用。

《景帝纪》：中四年春二月<sup>④</sup>，御史大夫绾奏：禁马高五尺九寸以上，齿未平，不得出关。

① 据《诗·秦风》改。

② 此句中“民”字疑衍。《毛诗正义》作“言襄公乘一乘驷驥色之马，甚肥大也。马既肥大，而又良善”。

③ 此处实列八厩。何清谷《三辅黄图校注》：“清谷曰：目录为九厩，本文实有八厩。”且所列八厩中无金厩而有翠华厩，輅轡厩作大輅厩。何注指《长安志》引《黄图》有金厩，毕沅本据《长安志》补金厩。则共为九厩。又：何注《黄图》原文作“皆在长安城外”。

④ 春二月：《汉书·景帝本纪》作“春三月”。

《食货志》：武帝时，告缗没入奴婢，分诸苑养马。

《武帝纪》：建元元年，罢苑马以赐贫民。

《平准书》：武帝盛养马，马之来食长安者数万匹，卒牵掌者关中不足，乃调旁近郡。

《平准书》：建元中，众庶街巷有马，阡陌之间成群，而乘字牝者俟而不得聚会。

《汲黯传》：元鼎中，匈奴浑邪王率众来降，汉发车二万乘，县官从民贳马，民匿马，马不具。上怒，欲斩长安令，汲黯曰：“令亡罪，独斩臣黯，民乃肯出马。”上默然。

《李陵传》：陵为建章监，监诸骑。

《文献通考》：始元四年诏：往时令民共出马，其止勿出。诸给中都官者，且减之。

《昭帝纪》：始元五年，罢马弩关。注：孟康曰：旧马高五尺九寸以上<sup>①</sup>，齿未平，弩十石以上者，皆不得出关。今不禁也。

《昭帝纪》：元凤二年诏：颇省乘舆马及苑马，以补边郡三辅传马，令郡国勿敛今年马口钱。

《元帝纪》：初元元年九月，诏太仆减谷食马。[《汉书·贡禹传》]：<sup>②</sup>贡禹言高祖、文、景节俭，厩马百余匹。今厩马食粟万匹，惟深察古道，无过数千匹<sup>③</sup>。乃下诏[令]太仆[减食谷马]<sup>④</sup>。

## 后汉

《杜笃传》：建武十九年，作高车厩于长安。

## 唐

《百官志》：诸牧监：凡马五千为上监，三千为中监，不及为下监。园苑有官马坊，每岁河陇群牧进其良者以供御。六闲马，

① 旧马高五尺九寸以上：《汉书·昭帝纪》注作“孟康曰：旧马高五尺六寸”。

② 以下实出《汉书·贡禹传》，据补。

③ 数千匹：《汉书·贡禹传》作“数十匹”。

④ 以上据《汉书·贡禹传》补。

以殿中监及尚乘主之。

《玉海》：高宗时，京师厩马万匹，张文瓘谏，为减数千。

《兵志》：永泰元年，大搜城中百官、士庶马输官，曰团练马。下制禁马出城者。

《兵志》：建中元年，市关辅马三万实内厩。

## 宋

《玉海》：咸平六年，诏陕西振武兵立社马，官给直以市之。

《兵志》：康定初，诏陕西路括市战马四尺六寸至四尺二寸，其直自五十千至二十千，凡五等。

《兵志》：康定六年，诏陕西社马死者，本营鬻钱以助马直。

《仁宗纪》：康定六年，诏陕西市蕃部马。

《兵志》：嘉祐中，始以陕西转运使兼本路监牧买马事，后又以制置陕西解盐官同主之。

《仁宗纪》：嘉祐五年，置陕西估马司。

《兵志》：治平元年，薛向请永兴军养马务，如原州、德顺军并渭州同判，三年为任，悉以所市马多少为殿最。二年，陕西广锐、劲勇等军，相与为社，每市马，官给直外，社众复裒金益之，曰马社。军兴，籍民马而市之以给军，曰括买。三年，诏陕西广锐，蕃落阙马，复置社买，一马官给钱三十千。久之，马不至，乃增置如庆历诏书，第三等三十五千，第四等二十八千。

## 金

《续文献通考》：泰和三年，陕西设提举圉牧所。

## 明

《续文献通考》：洪武中，立茶马司于陕西等处。

《会典》：二十二年，定茶易马例。

《会典》：永乐初，增置苑马寺于陕西<sup>①</sup>，寺六监二十四

① 据《明史·职官志》：永乐四年，置苑马寺于平凉。时平凉府属陕西。

苑<sup>①</sup>。设官视行太仆监<sup>②</sup>，监正、副各一人。

《会典》：（宏）[弘]治四年，陕西苑马寺孳牧马匹，每三年差官点阅。嘉靖二十二年，复令巡茶御史督理。

《续文献通考》：隆庆五年，裁陕西行太仆寺、苑马寺寺丞，各增设少卿一员，俱兼按察司佥事职衔，听巡茶御史铃束。

已上马政。

按：西安本朝马政略具《建置》门内《营伍驿传》卷，不复更缀。

### 宋<sup>③</sup>

《食货志》：至道初，西京作坊使杨允恭言：商人市诸州茶，新陈相（揉）[糅]。陕西诸州，风土各有所宜，非参以多品则少利，罢（榷）[榷]务令就茶山买茶不可行。

《食货志》：大中祥符九年，李迪、凌策、吕夷简与三司同议条制。时以茶多不精，给商人罕有饶益，行商利薄，陕西交引愈贱。知秦州曹玮请于永兴府官出钱市之。诏可。

《文献通考》：元丰八年，陕西卖茶，为场三百三十二，税息至李稷加为五十万，及陆师闵为百万云。

《食货志》：元祐二年，秦凤路茶仍官为计置，永兴路许通商，凡以茶易谷者听[仍旧]<sup>④</sup>。

《食货志》：宣和元年，邠州通判张益谦奏：“陕西非产茶地，

① 据明嘉靖《陕西通志·马政》，六监：长乐、灵武、同川、威远、熙春、顺宁；二十四苑：开城、安定、弼隆、广宁、清平、万安、定边、庆阳、天兴、永康、嘉静、安胜、武安、陇阳、保川、泰和、康乐、凤林、香泉、会宁、云驥、升平、巡宁、永昌。后有增革。

② 行太仆监：疑应作“行太仆寺”。《明史·职官志》：洪武三十年，置行太仆寺于陕西。永乐四年，许令寺官按治所辖卫、所、镇、抚首领官吏。

③ 此以下为“茶政”，原志无标题，故空一行以区别之。

④ 以上据《宋史·食货志》改、补。



奉行十年，未经立额，岁岁比较，第务增益，稍或亏少，程督如星。州县惧殿，多前路招诱豪商，增价以幸其来，故陕西茶价，斤有至五六缗者，或稍裁之，则批改文引，转之他郡。及配之铺户，安能尽售？均及税农，民实受害，徒令豪商坐享大利。”言竟不行。

## 元

《续文献通考》：至元五年，榷成都茶于京兆，置局发卖。[私]<sup>①</sup>自采卖者，罪与私盐同。

《食货志》：元制：每茶商货茶，必令赍引，无引者与私茶同。引之外又有茶由，以给卖零茶者。初，每由茶九斤，收钞一两，至是自三斤到三十斤分为十等，随处批引局（司）[同]<sup>②</sup>，每引收钞一钱。

## 明

《续文献通考》：洪武中，立茶马司于陕西等处，听西蕃纳马易茶。

《会典》：洪武二十二年，定茶易马例，上等马每匹百二十斤，中马七十斤，下马五十斤。

《会典》：永乐十三年，遣御史三员巡督陕西等处茶马司，收贮官茶，易换蕃马。

《会典》：正统八年，令陕西仓所收茶折支军官俸给，每斤折米一斗五升。

《会典》：成化三年，令差御史一员于陕西巡茶，一年更代。定粗茶百斤收银五钱，芽茶三十五斤亦量收五钱。无银，收丝绢等项。

《会典》：（宏）[弘]治十六年，令取回巡茶御史，凡一应茶法，悉听督理马政都御史兼理。十七年，令于按察司拣宪臣一员，巡禁私茶，一年为满。

① 据《续文献通考》补。

② 据《元史·食货志》改。

《会典》：正德二年，仍设巡茶御史一员，兼理茶马。

已上茶政。

按《会典》，本朝茶法：顺治初年，陕西茶课六千七百五十五两六钱，定额二万二千四百引。初差御史巡视，后归巡抚兼理，嗣是递有增减。以办理率归延、榆及汉中等属，非西安所有事，不具录。



## 食 货 志 下 物 产

### 谷 属

**黍** 《诗·周颂》：“丰年多黍多稌。”《大雅》：“维秬维秠。”《尔雅》：“秬，黑黍。秠，一稂二米也。”《马志》：饭黍、酒黍两种，酒黍黏，饭黍不黏。饭黍惟关中有之，晋人种饭黍，于地三年，皆黏，不可饭。种类有紫盖黍，有罩篱糜，有鹑鸽卵，有牛尾串，其黑者曰秠、曰秬，其黏者酿酒，关东所谓黄米酒也。不黏者炊饭，关西所谓黄米饭也。《咸阳志》：糜似黍而小，有酒糜、饭糜二种。穗舒散如衫袖，夏种秋熟，先谷早成。《高陵志》：糜惧雾，雾迟早糜获，雾早迟糜获。

按：糜即黍也。苏恭、高诱诸人以黍之不黏者为稷，并谓关中谓稷为糜。《尔雅翼》亦沿其误，盖止见酒黍，未见饭黍故也。

**稷** 《诗·周颂》：“黍稷茂止。”《唐·地理志》：京兆贡紫秆粟。《马志》：关中处处有之，其名有竹叶青，有牛尾黄，有紫秆禾，有棒杵穗，有栌花谷，有狼尾，有驴尾。稷之黏者曰秠，秠有野鸡红，有红猫蹄，有白猫蹄，有猪矢黑，有老来变，有隔沟抻。然大率黏、不黏两种。黏者酿酒，不黏者炊饭，关西所谓粟米、小米、谷米者皆是。《咸宁志》：稷，粟谷也，有黏粟，味软美色，人多酿酒作糕。《渭南志》：粟种类颇多，佳者名狼尾，又名紫罗带，又有名金裹银、银裹金者，又有名疾谷者。晚种早熟，其穗坚硬如铁，故又名铁轴。

按：《尔雅》：粢，稷。《曲礼》曰：稷，曰明粢。郭璞曰：天下所谓粟米，正稷米也。故今于稷之外，不更列粟。

**稻** 《诗·小雅》：“滌池北流，浸彼稻田。”《周颂》：“丰年多黍多稌。”《尔雅》：黍<sup>①</sup>，稻。《唐·地理志》：京兆贡稻。《马志》：有数十种，有米粒如霜而有线稜者，为线稜稻，出樊川；其次色青者为青稻，红者为桃花稻，为赤甲稻；其黏者为糯，出御宿川、樊川及蓝田诸川。大率黏者酿酒，不黏者炊饭。《咸宁志》：《字林》云糯，黏稻也。可酿酒。稻不黏者，又曰粳，三川俱产，有线稜者佳。《渭南志》：稻产花园及大岭川者佳，潯河川次之。

按：粳、稻本一物，《本草》岐为二，非是。又稻，即稷字，今不别出。

**粱** 《诗·大雅》：“维糜维芑。”《集传》：糜，赤粱；芑，白粱。《周礼》：犬宜粱。《马志》：关中处处有之，青者为青粱；白者形如芝麻，为白粱，亦曰芝麻粱。白粱即芑；赤粱，藟也；黄粱穗大毛长，谓之竹根黄。

**小麦** 《诗·周颂》：“貽我来牟。”《尔雅》：小麦，秣。《唐·地理志》：京兆贡麦。《本草拾遗》：小麦出关中者为上品。《图经本草》：出关中者味甘，微寒。《马志》：关中有黑芒麦，无芒者为和尚麦，色白者为白麦，紫者为紫麦，色白而粒肥大者为御麦，早熟者为三月黄：皆小麦也。《咸阳志》：麦生毕原者上品。

《渭南志》：出渭河北者粒小，食之易化；河以南者粒差大，而色不光鲜，然一种名三月黄者，细腻洁白，河北弗如也。《高陵志》：小麦后种者曰穉谷，其六十日成者曰疾谷。

**大麦** 《尔雅》：大麦，麰。《唐·地理志》：京兆贡麰。《唐本草》：大麦出关中，味咸，温微寒。《马志》：随处有之，以秦川为佳。有早熟者，三月辄可食。穗有六稜者，为六稜麦；有红皮者，为酒麦。《尔雅翼》曰：生于杏二百日而秀，秀后五十日而成，

① 黍：《尔雅·释草》作“稌”。



宜为饭，又可为醋，其蘖可为饧。《高陵志》：大麦种在小麦之后，后十日者为植，后一月者为穧。《渭南志》：大麦，渭南者皮粗粒大。

**青稞麦** 《本草拾遗》：似大麦，天生皮肉相离，秦陇种之。王祯《农书》：有大小二种，似大小麦而粒大，皮薄多面，无麸，西人种之。《咸阳志》：麦有露仁者，为青稞，可酿酒。

**荞麦** 《广群芳谱》：一名苽麦，一名乌麦。立秋前后下种，密种则实多，稀则少。八九月熟，惟畏霜。《咸阳志》：中伏种者最上，立秋后种者次之。《渭南志》：荞麦作面不甚佳，可备诸谷之不熟。

**燕麦** 《唐·刘禹锡传》：禹锡作《(元)[玄]都观》诗<sup>①</sup>言：始谪十年，还京师，道士植桃，其盛若霞。又十四年过之，无复一存，唯燕麦动摇春风耳。《唐本草》：一名雀麦，苗叶似小麦而弱，实似穧麦而细。

**大豆** 《诗·大雅》：“藿之荏菹。”《广雅》：大豆，菽也。《本草纲目》：有黑、白、黄、褐、青、斑数色，黑者名乌豆，可入药。

《马志》：关中处处有之，大豆以二月中旬种者为上。《咸宁志》：菽，五色各出，形味不一，黄、白、青、黑者，皆可为腐。《渭南志》：黑豆有大小二种，大者早种，小者晚种，同时熟。

**赤小豆** 《本草纲目》：宗奭曰关西多食之。枝叶似豇豆，荚比绿豆荚稍大，三青二黄时取收之。

**绿豆** 《开宝本草》：圆小者佳，大者名植豆。《渭南志》：绿豆性凉，煮饭益气除热，亦可作粉。

**豌豆** 唐陆贽《状》：京兆府先奏当管虫食豌豆，请据数折纳大豆。《广群芳谱》：豌豆，一名荳，一名胡豆，《农书》云大者为淮豆。《渭南志》：豌豆，或粒煮，或和煮米粥，又可为粉。诸畜赖之茁壮。

① 刘禹锡诗为《再游玄都观》。

**蚕豆** 《本草纲目》：二月开花如蛾状，结角似蚕形。《马志》：关中有蚕豆。

**豇豆** 《广群芳谱》：荚有红、白、紫、赤、斑驳数色，生必两两并垂，子微曲，如人肾形。《马志》：关中有之。

**藊豆** 《广群芳谱》：一名沿篱豆，一名蛾眉豆。子有黑、白、赤、斑四色。《渭南志》：扁豆可杂炊米麦。

**脂麻** 《本草纲目》：胡麻，即脂麻，有迟、早二种，黑、白、赤三色，有四稜、六稜、七稜、八稜者，皆随土地肥瘠而然。《咸阳志》：三月种，九月熟，味甘寒，可榨为油。

**麻子** 《毛诗传》：苴麻子也。《本草纲目》：一名汉麻，以别胡麻也。《尔雅翼》：麻之属，总名麻，别而言之，则有实者名苴，无实者名枲。《马志》：出南北山。

**薏苡仁** 《本草纲目》：有二种，粘牙者尖而壳薄，米白色如糯，即薏苡也。圆而壳厚坚硬者，即菩提子，其米少即粳粳也。《关内周咨录》：产整屋者佳。

## 果属

**梅** 《诗·召南》：“摽有梅。”《周礼·天官》：馈食之笱，其实干蓐。注：干蓐，梅也。《西京杂记》：上林苑梅七：朱梅、紫叶梅、紫萼梅、同心梅、丽枝梅、燕梅、猴梅。《纂要》：李白游慈恩寺，僧献绿萼梅。

**杏** 《西京杂记》：上林苑有蓬莱杏，又有文杏，谓其树有文彩也。《杏谱》：金杏大如梨，黄如橘，武帝上林苑遗种也，一名汉帝杏。《广群芳谱》：巴旦杏，一名八担杏，关西诸处皆有。《咸宁志》：花千叶者曰文杏，又曰巴旦杏；又有梅杏，似李而大。

**桃** 《诗·周南》：“桃之夭夭，灼灼其华”，“有蕢其实”。《西京杂记》：上林苑有秦桃、绀核桃、桴桃、金城桃、绮叶桃、紫霜桃、文桃。《开元天宝遗事》：明皇禁苑中有千叶桃盛开，帝曰：“不独萱草忘忧，此花亦能销恨。”《图经本草》：桃，陕西者尤大而美。

《咸宁志》：有甘核者名巴旦桃，又有扁桃、李光桃，味佳。花有千叶者曰碧桃、绛桃、绯桃，唯山桃花开最早。《三原志》：桃出张村里者佳。

**李** 《诗·召南》：“华如桃李。”《小雅》：“北山有李。”《西京杂记》：上林苑有紫李、绿李、朱李、黄李、青绮李、青房李、同心李、含枝李、金枝李、颜渊李、羌李、燕李、蛮李、侯李。《述异记》：杜陵有金李，李大者谓之夏李，尤小者谓之鼠李。《耕桑偶记》：终南山出好李，贵侯富民以千金买种，有致富者。《类要》：贞观中，玉华宫李树连理，隔涧合枝。《咸宁志》：李有赤、黄二种。《咸阳志》：李有赤、青、绿、黄数色。《渭南志》：李称御黄者佳。

**梨** 《西京杂记》：上林苑有青梨、芳梨、大谷梨、细叶梨、缥叶梨、金叶梨、瀚海梨、东王梨、紫条梨。《三秦记》：武帝御宿园出大梨如五升瓶，落地则破，其取梨先以布囊承之，号曰含消。《云阳宫记》：云阳车箱坂下有梨园一顷，梨数百株，青翠繁密，望之如车盖。庾肩吾《启》<sup>①</sup>：新丰箭谷，枝悬六斤。《马志》：昔人言梨以京兆为称。《本草纲目》：耀州产者佳。《渭南志》：梨名香水者佳。《盩厔志》：梨间重至斤，难久贮。

**山梨** 《诗·秦风》：“隰有树檟。”《传》：檟，赤罗也。《疏》：一名山梨，人谓之杨檟；一名鹿梨，一名鼠梨。《西京杂记》：上林苑檟十株。《上林赋》注：张揖曰：亭，山梨也。

**棠梨** 《诗·召南》：“蔽芾甘棠。”《传》：杜也。《疏》：郭璞曰：今之杜梨。又曰“杜赤棠白”者，棠。《西京杂记》：上林苑棠四：赤棠、青棠、白棠、沙棠。注：张揖曰：沙棠状如棠，黄华赤实，其味似李，无核。

**楂** 《西京杂记》：上林苑楂三：蛮楂、羌楂、猴楂。《本草纲目》：一名木桃，一名和圆子，一名木梨，一名木李。《广群芳

<sup>①</sup> 庾肩吾有《谢赐梨启》。

谱》：处处有之，小于木瓜，更酢涩，色微黄，蒂核皆粗。

**棣** 《诗·小雅》：“常棣之华。”陆疏：白棣树也，又有赤棣树。《尔雅》郭注：关西有棣树，子如樱桃，可食。

**樱桃** 《史记·叔孙通传》：孝惠帝曾春出游离宫，叔孙生曰：“古者有春尝果，方今樱桃熟，可献。”《上林赋》注：一名含桃。《西京杂记》：上林苑楔四株。《唐·中宗纪》：上游樱桃园，引中书门下五品以上诸司长官、学士等入芳林园，尝樱桃。《地理志》：京兆府贡樱桃。《咸宁志》：一名莺桃，莺多衔食，故名。

**枇杷** 《上林赋》注：枇杷，樛柿。张揖曰：枇杷似榭树而长，叶子如杏。《西京杂记》：上林苑枇杷十株。《德宗纪》：大历十四年，罢山南贡枇杷。

**柰** 《西京杂记》：上林苑柰三：白柰、紫柰、绿柰。紫柰大如升，核紫花青，其汁如漆，着衣不可浣，名脂衣柰。《本草纲目》：有白、赤、青三色，皆夏熟。关西人以赤柰楸子取汁涂器中，名果单。《广群芳谱》：一名频婆，西土最丰。《渭南志》：大而不酸者佳。

**苹果** 《广群芳谱》：果如梨而圆滑，生青，熟则半红半白。

按：《本草》：柰与苹果为一物。而《群芳谱》谓为一类二种。朱彝尊又谓苹果即《召南》所称甘棠。

**林檎** 《西京杂记》：初修上林苑，群臣远方各献名果异树，有林檎十株。《述异记》：林檎佳美，关辅乃有。

**枳椇** 《诗·小雅》：“南山有枸。”陆疏：其状如栌，官园种之，谓之木蜜。《关内周咨录》：《古今注》：枳椇子，一名树蜜。杜工部《入乔口》诗：“树蜜早蜂乱”，即此。秦中呼为拐枣。

**蒲萄** 《上林赋》注：蒲陶，似燕巢，可作酒。《博物志》：张骞使西域，还得蒲萄。《南部新书》：太宗破高昌，收马乳蒲萄，种于苑中。并得酒法，仍自损益，造酒成绿色，芳香酷烈，味若醍醐。《酉阳（雅）[杂]俎》：蒲萄在汉西京似亦不少，杜陵田五十亩中有蒲萄百树，今在京兆，非止禁林也。《后凉录》：龟兹国蒲



萄，汉使取实来，离宫别馆傍尽种。《咸宁志》：唐太宗收马乳蒲萄酿酒，长安始识。

**枣** 《汉·王吉传》：吉少时学问，居长安东，家有大枣树垂吉庭中。《汉武内传》：西王母为帝设玉门之枣。《西京杂记》：上林苑有弱枝枣、玉门枣、棠枣、青华枣、赤心枣、西王枣。《渭南志》：马牙者佳。

**柿** 《酉阳杂俎》：慈恩寺中柿树，是法力上人手植。《咸宁志》：柿为类甚多，实可备饥。《渭南志》：重台与小而圆者佳。《三原志》：柿出豆村者佳。

**棬柿** 《西京杂记》：上林苑有青棬、赤叶棬、乌棬。《广群芳谱》：一名漆柿，一名花棬。柿之小而卑者。

**软枣** 《西京杂记》：上林苑有栲枣。《广群芳谱》：一名糯枣，其木类柿而叶长，但结实小而长，一种圆如指大者尤美。

**木瓜** 《明皇杂录》：元献皇后思食酸味，明皇以告张说，因进经，袖出木瓜以献。《本草纲目》：叶光而厚，实小如瓜，圆小味酢者为木桃；大于木桃，味涩者为木李，亦曰木梨。

**安石榴** 《西京杂记》：上林苑有安石榴十株。《博物志》：汉张骞使西域，得涂林安石国榴种以归，故名。《洪氏杂录》：温汤七圣殿绕殿石榴，皆太真所植。《北户录》：郑虔云：石榴堪作胭脂，睿宗女代国公主常为之取其实。于禁中丛生成林。《昭陵志》：近昭陵南山下多石榴，结实大而甘美，传为唐陵种。《咸宁志》：实有红、白二种，花有千叶、单叶。《渭南志》：子软而色淡者佳。《盩厔志》：榴重至斤，难久贮。

**栗** 《诗·秦风》：“隰有栗。”陆疏：栗，五方皆有，周秦特饶。《集传》：栗，周土所宜木。《范子》：栗出三辅。《史记·货殖传》：燕秦千树栗，其人与千户侯等。《西京杂记》：上林苑有侯栗、榛栗、瑰栗、魁栗、峯阳栗。《三秦记》：御宿园出栗，十五枚一升。

**榛** 《诗·大雅》：“榛桔济济。”《礼记》郑注：榛似栗而小，



关中正多。《尔雅翼》：关中，秦地也。榛之从秦，盖取此意。《咸宁志》：实似栗而小，味美于栗。

**胡桃** 《西京杂记》：上林苑有胡桃。《图经本草》：汉张骞使西域，始得种还，植之秦中。大树厚叶多阴，实亦有房，秋冬采之。《类要》：开元中，长安物价大减，胡桃肉十钱一秤。《咸宁志》：出南山。《渭南志》：核桃瓢绵者佳。

**羊桃** 《诗》陆疏：苕楚，今羊桃，或曰鬼桃。《蜀本草》：花叶皆似桃，子细如枣核，根似（牧）[牡]丹。《通志》：长安、咸宁俱有之。

**猕猴桃** 《本草衍义》：永兴军南山甚多。《本草纲目》：一名猕猴桃梨，其形如梨，其色如桃，而猕猴桃喜食，故有诸名。

**银杏** 《本草纲目》：一名白果，又名鸭脚子。《鄂志》：南山银杏甚佳。

**橘** 《黄图》：扶荔宫有甘橘百余本。《风土记》：唐于蓬莱殿九月九日赐群臣橘。

**金橘** 《上林赋》：“卢橘夏熟。”李诗：卢橘为秦树<sup>①</sup>。《涪翁杂记》：“黄甘橙棣”，有一种小橘名棣。疑即金橘。《广群芳谱》：一名金柑。

**柑** 《上林赋》注：黄甘，橘属，而味精。《清异录》：天宝年，内中柑树结实，帝日与贵妃赏御，呼为“瑞圣奴”。《燕翼（贻）[诒]谋录》：鼎州贵<sup>②</sup>柑子，尚方多不过千，少或百数。《全唐诗话》：唐上元夜，多以黄罗包柑遗近臣，谓之传柑宴。

**橙** 《西京杂记》：上林苑有橙十株。

**松子** 《本草衍义》：关右亦有，但细小味薄。

**无花果** 《广群芳谱》：一名映日果，一名优昙钵。最易生，在处有之。《咸宁志》：果有无花果。

① 李白：《宫中行乐词》。

② 贵：《燕翼诒谋录》卷五作“贡”。

**菱** 《说文》：秦谓之薢茳。《洞冥记》：武帝甘露池西灵池中有浮根菱，根出水上，叶沉波下，霜降弥美，因名青冰菱。《拾遗记》：昭帝元始元年，穿琳池，中有倒生菱，茎如乱丝，一花千叶，名紫菱，食之不老。

**芡** 《周礼·天官》：加笱之实，芡、栗、脯。《地官》郑注：莲芡之实有橐韬。《西征赋》：唼喋菱芡。《渭南志》：芡可供祭祀。

**荸荠** 《日用本草》：小者名鳧茈，大者名地栗。《通志》：长安、咸宁俱有之。

**瓜** 《史记》：邵平者，故秦东陵侯。秦破，为布衣，贫，种瓜于长安城东。瓜美，世谓之东陵瓜。《长安志》：西瓜出定州村及青门者佳。《咸宁志》：葠则有西瓜、甜瓜、金银瓜之类。西瓜产东陵乡，近长乐坡亦产，味胜。

**甜瓜** 《本草纲目》：叶大数寸，五六月开黄花，六七月熟。其类有（圃）[圆]、长、扁、尖，大径尺，小或一捻，色有青、绿、黄斑、糝斑。《通志》：陕地多有之。

## 蔬属

**秦椒** 《名医别录》：秦椒生秦岭上。《唐本草》：蓝田有之。《本草纲目》：秦椒，花椒也，始产于秦，生青熟红，大于蜀椒。

**姜** 《东方朔传》：关中土宜姜。《上林赋》：茝姜蘘荷。注：张揖曰：茝姜，子姜也。

**藿香子** 《马志》：亦名茴香，《本草》不载所出。今三原人家园圃种之。

**韭** 《周礼·天官》：朝事之豆，其实韭菹。《尔雅疏》：韭生山中者名藿。《临潼志》：古谚：栎阳家家种韭。《通志》：临潼温泉之旁皆种韭，俗呼嫩韭，味异他处。《醴泉志》：水韭，醴泉出。

**葱** 《蜀本草》：冬葱，即冻葱，夏衰冬盛，茎叶俱软美，山南有之。《咸宁志》：三川皆产，樊川者佳。《咸阳志》：葱有冬、汉、胡、茗四种。《醴泉志》：水葱，醴泉出。

**蒜** 《伏侯古今注》：蒜，茆蒜也，俗谓之小蒜；十子一株者名胡蒜，俗谓之大蒜。《蜀本草》：涇阳产者皮[赤]<sup>①</sup>，甚辣。《咸宁志》：处处有之，产耀州者更辛辣，作汁经宿不败。三川皆产，惟樊川者更美。

**蓴菜** 《本草纲目》：俗呼蓴菜。《咸阳志》：一名胡蓴。

**苜蓿** 《史记·大宛传》：马嗜苜蓿，汉使取其实来，于是天子始种苜蓿肥饶地，离宫别馆傍苜蓿极望。《西京杂记》：乐游苑多苜蓿，一名怀风，时人或谓之光风，风在其间常萧萧然，日照其花有光采，故名。茂陵人谓之连枝草。《本草纲目》：陶隐居云：长安中有苜蓿园，北人甚重之。寇宗奭曰：陕西甚多，用饲牛马，嫩时人兼食之。《咸宁志》：民间多种以饲牛。

**蔓菁** 陆疏：葍，关西谓之芜菁。《方言》：蔓菁，芜菁也。《马志》：味甘，根叶俱可食。《咸宁志》：根叶蓄可御冬，子为油资，用甚广。《渭南志》：味甘美，结蕊时作菜用，香辣有味。

**同蒿** 《群芳谱》：一名蓬蒿。《咸阳志》：性平和，能令气满，不可多食。

**白菜** 《咸宁志》：黄绍无丝者佳，更霜愈美，所谓秋末晚菘也。《临潼志》：无丝，白，最佳。

**芥** 《咸宁志》：三川皆产，樊川者美。《咸阳志》：芥似菘而有毛，味辛，可为菹，有青、紫、白三种，夏种秋成。

**菠薐** 《咸宁志》：一名赤根菜，作羹，叶浮羹上，故名。《咸阳志》：《刘禹锡嘉话录》<sup>②</sup>：本自颇陵国流入中国，语讹耳。性冷能解酒毒<sup>③</sup>。《临潼志》：菜中有水银，多食坠气。

按：《唐会要》：太宗时，尼波罗国献菠薐菜，类红蓝[花]<sup>④</sup>，

① 据《本草纲目·菜部》《集解》补。

② 《刘禹锡嘉话录》：书名作《刘宾客嘉话录》，唐韦绚撰。

③ 今本《刘宾客嘉话录》未见此语。

④ 据《唐会要》卷一百补。

实如蒺藜，火熟之，能益食味。即此。

**苋** 《蜀本草》：苋六种：赤苋、白苋、人苋、紫苋、五色苋、马苋也。《咸阳志》：马齿苋味寒，一名五行菜。

**葵** 《诗集传》：葵，菜名。王维《辋川庄》诗：松下清斋折露葵。《本草纲目》：葵为五菜之主。古人采葵，必待露解，故曰露葵。

**苦菜** 《诗·大雅》：“堇荼如飴。”陆疏：荼，苦菜。生山田及泽中，得霜甜脆。《本草纲目》：苦菜即苦苣也，其茎中空，折之有白汁。

**芑** 《诗·小雅》：“薄言采芑。”《大雅》：“丰水有芑。”陆疏：芑菜似苦菜。

**菘菹** 《蜀本草》：苗高三四尺，茎若蒴藋，夏盛冬枯。《本草纲目》：叶似白菘，实如茱萸椹。《咸阳志》：性冷，多食破腹。

**芸苔** 《本草纲目》：形色微似白菜，近有油利，种者甚广。

**香菜** 《嘉祐本草》：一种似紫蕪叶，一种叶大，二十步内即闻香，一种堪作生菜。《本草纲目》：罗勃，一名香菜。《咸阳志》：性平，与诸菜同食，味香辟腥，干之可调羹。

**薇** 《诗·召南》：“陟彼南山，言采其薇。”孔疏：薇，山菜也。《盩厔志》：薇颇佳。

按：《诗疏》以为迷蕨，误。

**蕨** 《诗·召南》：“陟彼南山，言采其蕨。”《传》：蕨，鼈也。陆疏：周秦曰蕨荠。《明皇杂录》：高力士诗：“两京作斤卖，五溪无人采。”《本草纲目》：最细小者名沙荠；大荠科、叶皆大而味不及，茎硬有毛者名析蓂，味不佳。《咸阳志》：荠生田野中，作菹羹最佳。《酉阳杂俎》云：荠早生，主丰年。

**大荠** 《尔雅》：薪蓂，大荠也。《名医别录》：生咸阳山泽及道旁。《马志》：似荠，细叶，俗呼曰老荠。《咸阳志》：俗呼辣荠。

**藜** 《诗·小雅》：“北山有藜。”《集传》：草名，叶香可食。《广群芳谱》：藜，一名莱，一名红心灰藿，一名落藜，老则可

为杖。

**灰藿** 《诗·大雅》：“周原膴膴，萁茶如飴。”《广雅》：萁，藿也，今三辅之言犹然。《本草纲目》：一名灰条菜。

**芹** 《诗·小雅》：“言采其芹。”笺：芹菜也，可为菹。《周礼》：芹菹。《龙城录》：魏徵好嗜醋芹，太宗召，赐食，有醋芹三杯，公见之喜。《咸宁志》：有二种，荻芹取根，白色；赤芹取茎叶，并可作菹及淪食。《临潼志》：华清宫芹为最。

**山药** 《范子》：藟蓂出三辅，白色者善。《吴氏本草》：秦名玉延薯蓣，唐改名薯药，宋名山药。

**芋** 《东方朔传》：关中土宜芋。《酉阳杂俎》：天芋生终南山，叶似荷而厚。《唐本草》：芋有六种：青芋、紫芋、真芋、白芋、连禅芋、野芋也。

**萝卜** 《唐本草》：嫩叶为生菜食，大叶可熟啖，秦最多。《咸宁志》：有赤、白二种，赤者佳，可为羹。《渭南志》：盈田坊者佳。

**胡萝卜** 《本草纲目》：有黄、赤二种，长五六寸，大者盈握。《通志》：今陕地多有之。

**莴苣** 《合璧事类》：苣有数种：白苣、苦苣、紫苣。彭乘《墨客挥犀》：莴菜自周国来，故名。《咸宁志》：今人多翻栽成笋，为蔬中极品。

**菜瓜** 《诗·小雅》：“疆场有瓜，是剥是菹。”《传》：剥瓜为菹也。《咸宁志》：有青、白二色，细而长者曰稍瓜。

**黄瓜** 《本草纲目》：名胡瓜，张骞使西域得种，故名。陈藏器《本草》：北人避石勒讳，改呼黄瓜。杜宝《拾遗录》：隋大业四年，避讳，改胡瓜为黄瓜。

**冬瓜** 《清异录》：果中子繁者惟冬瓜，故嗜果者目瓜为百子瓮。《咸宁志》：味清芳，更霜始美。

**南瓜** 《咸宁志》：形色味俱不一，斑者曰番瓜，黑者曰北瓜。

**苦瓜** 《本草纲目》：一名锦荔枝，一名癞葡萄。皮上痒痛如荔枝壳状，内有红瓢，甘可食。《通志》：今陕地多有之。



**壶卢** 《本草纲目》：匏之短柄大腹者为壶。《咸宁志》：干可作瓢。

**瓠子** 《诗·小雅》：“甘瓠累之”，又“幡幡瓠叶，采之亨之。”《广群芳谱》：瓠子就地蔓生，处处有之。《咸阳志》：味苦寒，先壶卢成。《盩厔志》：惟西郭之瓠早茹。

**茄子** 《咸阳志》：《[本草]衍义》曰：出新罗国，味甘冷，不可多食。

**芥蓝** 《马志》：叶似蓝靛，结实叶下根上，味甜脆。《延绥镇志》：或谓之撒蓝，能去煤毒。《蓝田志》：一名樗莲。

**刀豆** 《本草纲目》：蔓引一二丈，叶如豇豆，结荚似皂荚，扁而剑脊，三稜。《咸阳志》：咸阳有之。

**木耳** 《本草纲目》：各木皆生，其良、毒亦随木性。《马志》：生木上，如耳，可食。南山多有之。

**笋** 《诗·大雅》：“维笋及蒲。”《周礼·天官》：醯人加豆之实，有笋菹。《诗传》：竹萌也。《唐·百官志》：司竹监掌植竹，岁以笋供尚食。《盩厔志》：山笋颇佳。

## 药属

**甘草** 《图经本草》：陕西州郡皆有之。

**黄耆** 《图经本草》：陕西州郡多有之。

**长松** 《本草拾遗》：生关内山谷中，草似松叶。

**黄精** 《福地记》：日食三寸，绝谷不饥，久之度世。陶先生谓之“西岳佐命”。《（谓）[渭]南志》：大岭庙出。视其苗之白，以别钩吻。

**肉苁蓉** 《三才图会》：陕西州郡多有之，西人多用作食品。

**天麻** 《梦溪笔谈》：赤箭，即今之天麻。《渭南志》：出大岭庙。

**术** 《范子》：出三辅，黄白色者善。《图经本草》：陶隐居言有二种，《尔雅》所谓枹蓟，即白术也。《渭南志》：苍术诸山皆出，灵台山者佳。《临潼志》：术出骊山最上品。

**贯众** 《图经本草》：陕西州郡皆有之，又名凤尾草。《渭南志》：灵台、（元）[玄]象、石鼓诸山俱出。

**远志** 《图经本草》：陕西州郡有之。《马志》：苗名小草。《渭南志》：出龙尾、灰埵诸坡。

**元蓂** 《太平御览》：出三辅，色青者善。

**地榆** 《渭南志》：出严坡。

**丹参** 《图经本草》：陕西州郡有之。

**紫蓂** 《范子》：出三辅，有三色，以青、赤色为善。《唐·方技传》：姜抚言终南山有旱藕，饵之延年，状类葛粉。右骁卫将军甘守诚能铭药石，曰：旱藕，杜蒙也，方家久不用，抚易名以神之。《渭南志》：旱藕出渭河滩。

按：《本草纲目》：紫参，一名杜蒙。王孙，一名杜蒙，一名旱藕。是旱藕、王孙，亦一物也。

**白及** 《图经本草》：今陕汉诸州有之。《渭南志》：诸山皆出。

**黄芩** 《图经本草》：陕西近郡皆有之。

**柴胡** 《名医别录》：叶名芸蒿，辛香可食。《图经本草》：关陕近道有之。《渭南志》：石鼓山、牛思岭、白崖寺坡俱出。

**防风** 《渭南志》：出灰埵坡者佳。

**升麻** 《图经本草》：陕西州郡皆有之。《本草纲目》、张揖《广雅》、吴普《本草》并云：一名周升麻，盖指周地所出，如呼川升麻之义。《渭南志》：灵台、石鼓诸山皆出。

**苦蓂** 《渭南志》：出黄狗谷者佳。

**延胡索** 《渭南志》：出仓堡嘴。

**贝母** 《尔雅》：蔞，贝母。陆疏：蔞，贝母也。《咸宁志》：咸宁有之。

**山茨菰** 《本草拾遗》：生山中湿地，叶如车前，根如慈姑。《蓝田志》：磁谷即山茨菰。

**石蒜** 《图经本草》：水麻，生鼎州，根名石蒜。《本草纲目》：处处下湿地有之。古谓之乌蒜，俗谓老鸦蒜、一枝箭是也。

**木细辛** 《本草拾遗》：生终南山，冬月不凋。

**蛇床** 《别录》陶注：花叶似靡芜。《临潼志》：临潼出。

**藁本** 《上林赋》：藁本射干。注：藁本，藁茺也。

**白芷** 《西山经》：号山，[其]<sup>①</sup>草多药、藁。《鄂志》：鄂县出。

按：郭氏《山海经注》：药，白芷别名。又《吴氏本草》曰：白芷，一名藁。是药、藁，皆白芷也。

**青木香** 《唐本草》：叶似羊蹄而长大，花如菊花，结实黄黑，所在有之。

**白豆寇** 《醴泉志》：醴泉出。

**香附子** 《本草纲目》：莎草，其根名香附子。《咸阳志》：香附味甘微寒，和血。《渭南志》：随地俱出。

**泽兰** 《名医别录》：生于泽旁，故名泽兰。《本草纲目》：一名水香，一名孩儿菊。《临潼志》：临潼有之。

**薄荷** 《甘泉赋》：攢并闾与茺菰。注：茺菰，草名。《本草纲目》：薄荷，俗称也。陈士良《食性本草》作菰藁。《渭南志》：出牛思岭、灌子村诸沟。

**紫苏** 《尔雅》：苏，桂荏。《方言》：关之东西或谓之苏，或谓之荏。《本草纲目》：紫苏、白苏二种，白苏即荏也。《咸阳志》：荏状如苏，研子杂米作糜，甚肥美，亦可榨油，和漆用。《渭南志》：园种者佳。

**艾** 《隋·酷吏传》：屈突盖为武侯驃骑，严刻。长安为之语曰：“宁茹三升艾，不逢屈突盖。”《图经本草》：处处有之。《咸阳志》：味苦，主灸百病，三月、五月采。

**庵闾子** 《名医别录》：生雍州川谷，十月采实。

**茺蔚** 《尔雅》：茺茺。郭注：今茺蔚也，又名益母。《（谓）[渭]南志》：今出灵台、（元）[玄]象、石鼓、大岭庙诸山。

① 据《山海经·西山经》补。

**夏枯草** 《临潼志》：临潼出。

**茵陈蒿** 《本草拾遗》：蒿类，经冬不死，更因旧苗而生，故名茵陈。《日华本草》：出南山岭上，一名石茵陈。

**旋覆花** 《酉阳杂俎》：金钱花，一名毘尸沙。梁武帝时始进入中国。《长安志》：有金钱花。

**大小蓟** 《别录》陶注：大蓟是虎蓟，小蓟是猫蓟。《唐本草》：大蓟生川谷，小蓟生平泽。《高陵志》：高陵出。

**葫芦巴** 《嘉祐本草》：春生苗，夏结子，作细荚，至秋采。《通志》：临潼有之。

**藁耳** 《诗·周南》：“采采卷耳。”孔疏：郭璞曰：《广雅》云泉耳，亦云胡泉，或曰芩耳。陆璣疏：子如妇人耳中瑯，或谓之耳瑯。陆疏：今人通谓苍耳。《（谓）[渭]南志》：苍耳出渭河北滩。

**豨薟草** 《临潼志》：临潼出。

**藺荷** 《上林赋》：茝姜藺荷。《说文》：一名菑苴。《古今注》：似芭蕉而白色。

**麻黄** 《广雅》：龙莎，麻黄。狗骨，麻黄根也。《渭南志》：出罗家东坡。

**地黄** 《名医别录》：生咸阳川泽，黄土地者佳。《别录》陶注：咸阳即长安也。生渭城者乃有子，实如小麦。《渭南志》：随地俱有。

**紫菀** 《图经本草》：耀州有之。

**龙葵** 《唐本草》：关河间名苦菜，非荼也，所在有之。生青熟黑。《本草纲目》：一名天茄子，一名老鸦眼睛草，其子生青熟赤者为龙珠。《渭南志》：天茄子，随地俱出。

**淡竹叶** 《本草纲目》：又名鸭跖草、竹鸡草、蓝姑草、耳环草、碧蝉花、碧竹子、竹叶菜。《通志》：今陕俗亦呼翠蛾儿、翠蝴蝶。《咸宁志》：有翠蛾。

**款冬花** 《范子》：出三辅。《唐本草》：出雍州南山溪水。《马

志》：耀州有之。《渭南志》：出牛思岭。

**车前** 《诗·周南》：“采采芣苢。”《毛传》：芣苢，马舄。马舄，车前也。陆疏：一名当道，喜在牛迹中生。《咸阳志》：生道旁，味甘性冷。《渭南志》：随地俱有。

**马鞭草** 《唐本草》：一名凤颈草，穗类鞭梢，故名马鞭。《图经本草》：一名龙牙草。《渭南志》：诸河滩皆有。

**连翘** 《唐本草》：有两种，大翘生下湿地，小翘生冈原上。山南人并用之，今长安惟用大翘子，不用茎花。《渭南志》：灵台、（元）[玄]象、大岭庙、石鼓诸山俱出。

**蒺藜** 《诗·小雅》：“楚楚者茨。”《毛传》：茨，蒺藜也。

**商陆** 《名医别录》：生咸阳川谷，如人形者有神。《图经本草》：《尔雅》谓之蓊蕘，《广雅》谓之马尾，《易经》谓之苋陆。《广群芳谱》：《本草》云：别名蕘，今关西亦呼为蕘。《渭南志》：出白崖寺、灵源坊诸沟。

**千金子** 《开宝本草》：一名续随子。《咸宁志》：咸宁有之。

**藜芦** 《马志》：陕西长安有之。一名葱苒，一名葱蒺，一名山葱，一名鹿葱。

**草乌头** 《太平御览》：出三辅中，白者善。《整屋志》：乌头亦可疗饥。

**附子** 《名医别录》：春月采为乌头，冬月采为附子。

按：《本草纲目》别有草乌头、白附子，此则俗呼为黑附子、川乌头也。

**天南星** 《图经本草》：天南星即《本草》虎掌也。《本草纲目》：虎掌因叶形似之；天南星因根（图）[圆白，形]<sup>①</sup>如老人星状，故名。《渭南志》：出石鼓山。

**半夏** 《名医别录》：生槐里川谷。《渭南志》：诸山俱出。

**射干** 《荀子》：西方有射干，茎长四寸，生于高山之上。《上

① 据《本草纲目·草部》删、补。



**林赋**：藁本射干。注：司马彪曰：射干，香草也。《土宿真君本草》：一种紫花，一种黄花。《本草纲目》：紫花者呼为紫蝴蝶花，一名乌扇，一名凤翼，一名仙人掌，俗亦呼扁竹。

**莞华** 《太平御览》：出三辅。《本草纲目》：俗因其气恶，呼头痛花，根名黄大戟。《渭南志》：莞花，黄、紫二色。黄者遍地生，利入药；紫者出石鼓山，误用杀人。

**莞花** 《名医别录》：生咸阳川谷，六月采花。《唐本草》：苗似胡荽，茎无刺，花细，黄色，与莞花全不相似也。《蜀本草》：所在有之，以雍州者为好。

**断肠草** 《本草纲目》：钩吻，即胡蔓草，今人谓之断肠草。春夏嫩苗，毒甚；秋冬枯老，稍缓。《广群芳谱》：吴普曰：秦钩吻，一名除辛。《昭陵志》：一坡名罔草坡，出断肠草。

**兔丝子** 陆疏：蔓连，草上生，黄赤如金。《渭南志》：随地俱有。

**五味子** 《唐本草》：出蓝田山中。《图经本草》：陕西州郡尤多。《渭南志》：灵台、（元）[玄]象、石鼓、大岭庙诸山俱出。

**覆盆子** 《图经本草》：蓬藂是覆盆苗，处处有之，秦尤多。《本草纲目》：俗名插田蕪。

**木鳖子** 《开宝本草》：其核如鳖蟹状，故名。《蓝田志》：蓝田出。

**马兜铃** 《图经本草》：关中州郡皆有之。《渭南志》：石鼓山黄狗谷、分水岭俱出。

**牵牛子** 《本草纲目》：因其蒂似茄，蜜饯为果食，呼天茄。《渭南志》：有黑白二种，园种者佳。

**旋花** 《本草衍义》：今关陕田野中甚多，最难锄艾，治之又生。《本草纲目》：状如军中所吹鼓子，故有旋花鼓子之名，千叶者俗呼缠枝牡丹。

**栝蒌** 《诗》毛传：果羸，栝蒌也。《本草纲目》：一名瓜蒌，根名白药，又名天花粉。《渭南志》：出牛思岭。

**天门冬** 《唐本草》：一种苗有刺而涩，一种无刺而滑，皆是门冬。《渭南志》：随地俱出。

**何首乌** 《图经本草》：在处有之。赤者雄，白者雌。《本草纲目》：凡诸名山深山产者，即大而佳。《通志》：临潼有之。

**千岁藟** 《诗·周南》：“葛藟累之。”陆疏：一名巨苾，延蔓生，叶如艾，其子赤，可食。《本草衍义》：开元末，召隐民姜抚至集贤院，言服常春藤使白发可黑，长生可致。藤生终南，帝遣使多取以赐老臣。甘守诚云：常春藤乃千岁藟也，抚易名以神之。

**金银花** 《本草纲目》：即忍冬，一名鸳鸯藤。《渭南志》：灵台、（元）[玄]象、石鼓诸山俱出。

**泽泻** 《图经本草》：今陕有之。《图书编》：生盩厔县北浅水中。

**别羈** 《名医别录》：一名别枝，生蓝田川谷。

**紫给** 《名医别录》：一名野葵，生高陵下地。三月三日采根，根如乌头。

**葶藶** 《图经本草》：有黄、红、白数种。《蓝田志》：蓝田出。

**蒲公英** 《本草纲目》：一名金簪草，一名黄花地丁，关中谓之狗乳草。《渭南志》：俗名金刚花，其津能点恶疮。

**吴茱萸** 《西京杂记》：九月九日佩茱萸，饮菊酒，令人长寿。《唐·文艺传》：王维别墅在辋川，有茱萸泚。《太平御览》：出三辅。《广群芳谱》：又有食茱萸，一名藪，一名楸，一名欒子。《渭南志》：吴茱萸，大岭庙出。

**厚朴** 《图经本草》：陕西山谷中往往有之。

**苦楝子** 《本草纲目》：一名金铃子。《临潼志》：出临潼。

**槐角子** 《本草纲目》：凡采得，去单子并五子者，只取两子、三子者。《通志》：渭南、临潼俱有之。

**酸枣仁** 《唐·地理志》：京兆贡。《宋·地理志》：京兆永兴军贡。《本草衍义》：小则为枣，大则为酸枣，其实一本也。今陕西临潼山野所出亦好。《咸阳志》：生坡坂、城垒间，味甘平，

入药。

**山茱萸** 《范子》：出三辅。《渭南志》：灵台、（元）[玄]象、石鼓、大岭庙诸山俱出。

**山楂子** 《唐本草》：赤瓜木，赤楂也。《渭南志》：出牛思岭。

**枸杞** 《诗·小雅》：“集于苞杞。”陆疏：杞，枸櫞也，一名苦杞，一名地骨。《唐·地理志》：京兆贡地骨皮。《宋·[地]理志》：永兴军贡地骨皮。《本草纲目》：丘陵、坂岸者皆可用，后世惟取陕西者良。《马志》：地骨皮，枸杞根也。

**茯苓 茯神** 《范子》：出三辅。《唐本草》：雍州南山亦有，不如华山。《长安志》：石瓮寺前有孔雀松，下有赤茯苓，入土千年，则成琥珀。

**石膏** 《图经本草》：耀州、兴元有之。

**消** 《本草纲目》：煎炼入盆，凝结在下，粗朴者为朴消，在上有芒者为芒消，有牙者为马牙消。《渭南志》：出渭北滩卤地。

**元明粉** 《本草纲目》：元明粉<sup>①</sup>。《传》曰：唐明皇闻终南山道士刘（元）[玄]真服食多寿，诏问之，（元）[玄]真曰：“臣按《仙经》修炼朴硝，号（元）[玄]明粉。”上服此方，遂无病长生。《渭南志》：马牙硝可炼元明粉。

**桑螵蛸** 《蜀本草》：螳螂卵也，三四月中出。《临潼志》：出临潼。

**蝉蛻** 《本草纲目》：一名枯蝉，一名金牛儿。《渭南志》：随地俱出。

**蛇蛻** 《名医别录》：五月五日、十五日取之良。《临潼志》：出临潼。

**麝香** 《名医别录》：麝生雍州山中，春分取香，生者益良。《渭南志》：出南山中。

① 元明粉：《本草纲目》作“玄明粉”。此处为避康熙皇帝玄烨名讳而改。今已通称作“元明粉”。

**鹿茸** 《抱朴子》：南山多鹿角，解之时，猎人以索系住取茸。

## 货属

**绵** 《唐·地理志》：京兆调绵。开元二十五年，以关辅寡蚕，诏纳米粟。

**苧** 《上林赋》注：张揖曰：苧，三稜也。《广群芳谱》：凡麻丝之细者为絰，粗者为纆。《通志》：蓝田、三原俱有。

**大麻** 《唐·地理志》：关内道赋麻。《咸阳志》：《尔雅翼》曰麻，其缕可为布，虽不及南北山、凤翔诸处佳，而亦可供用抄纸。

**𦉰麻** 《尔雅翼》：𦉰或作𦉰，𦉰《周礼》：典臬麻草。注：草，葛𦉰也。《本草纲目》：苧麻，一作𦉰麻，今白麻也。《咸阳志》：苗高六七尺，叶似苧而薄，可包麦蘖，作𦉰；梗沤作麻，或绩布、抄纸、打绳索用。

**葛** 《诗·周南》：“葛之覃兮。”《集传》：葛，草名，蔓生，可为絺绤者。《周礼》：掌葛以时，征絺绤之材于山农。

**木棉** 《广群芳谱》：其种由外蕃入于关陕。《马志》：西安府境多有之，土人织纺为业。《咸宁志》：絮芒细软而修，产三川间，亦无多。《咸阳志》：春种秋收，黄花白子，子成，蒙茸吐出，收时最难，可纺为布，其子可榨油。《临潼志》：有黄、白二色。《渭南志》：棉花河之南不甚宜，河北东乡尤宜，故其种尤多。

**布** 《咸宁志》：布出鸣犊镇者佳。《临潼志》：布有高机、平机之名。

**缣** 《艺文类聚》：素出三辅。《释名》：素，朴素也，已织供用，不复染也。《咸宁志》：素，缣也。《临潼志》：有黄、白之分。

**纱** 《唐·地理志》：京兆土贡隔纱。

**褐** 《毛诗笺》：褐，毛布也。孔疏：毛布，用毛为布，今作褐，皆织毛为之。

**毡** 《唐·地理志》：京兆贡。《宋·地理志》：京兆永兴军贡。

**红花** 《马志》：西安府境皆有，惟泾阳桥底者良。《咸阳志》：秋种春发夏乃花，下作棣棠，多刺，花蕊出棣，土人承露采之，采已复出，至尽而罢。其花可染红。《盩厔志》：邑之产以红花为第一，贾人有“盩花”之号。

**蓝** 《诗·小雅》：“终朝采蓝。”郑笺：染草也。《尔雅》：葢，马蓝。《咸宁志》：古云葢，大蓝；又有小蓝，叶花似蓼，皆可为靛。《咸阳志》：有二种：其叶大如匙，铺地无梗，俗呼为蓝叶；叶小而圆，茎高一二尺，曰小蓝。俱靛染物。

**金** 《水经注》：丽戎之山，一名蓝田，其阴多金。《关中三山记》：终南多金。《明一统志》：金出终南山。

**银** 《魏·食货志》：延昌三年春，有司奏长安骊山有银矿，二石得银七两。《关中三山记》：终南多银。《明一统志》：银出终南山。《府志》：山阳白云洞出矿砂。

**铜** 《三秦记》：蓝田有川方三十里，其水北流，出铜。《关中三山记》：终南多铜。

**铁** 《汉·地理志》：京兆有铁官。《关中三山记》：终南多铁。《图书编》：铁出终南山。

**锡** 《昭陵志》：九峻山前出黑锡，牧儿时有从土穴得之者。

**玉** 《禹贡》：厥贡惟球、琳、琅玕。《周礼》：雍州其利玉石。贾疏：蓝田见有玉山，出玉石，以为利者也。《范子》：玉英出蓝田。《汉·地理志》：京兆蓝田山出美玉。《东方朔传》：南山出玉石。《水经注》：丽戎之山，一名蓝田，其阳多玉。《名医别录》：玉髓生蓝田玉石间；玉屑如麻豆；玉泉，一名玉札，生蓝田山谷。《太平御览》：蓝田出玉，色如蓝，故曰蓝田。《证类本草》：后魏李预得餐玉法，乃采访蓝田，掘得若环璧杂器形者大小百余枚。《图经本草》：蓝田今不闻有玉。《马志》：青玉生蓝田，一名谷玉。张华云：合玉浆用谷玉，大如升，小如鸡子，取穴中者，非作器物



用也。

**琅玕** 《书》蔡注：琅玕，石之似珠者，可为冠冕之饰。《禹贡锥指》：《传》云：石而似玉，或云似珠。玉，言其质；珠，言其形也。

**升水石** 《临潼志》：骊山有升水石，可作清玩。苏文忠《寄子由沉泥研》诗<sup>①</sup>有“自采临潼绣岭山”句。

**青石** 《长庆集》：青石出自蓝田山。《马志》：出富平北山下，其石软细坚润，可作碑碣，他山之石不及也。《富平志》：北山青石坚润，可镌字、琢磬、砌堂阶，人号墨玉。

**磬石** 《开天传信记》：太真妃最善击磬，明皇令采蓝田绿玉为之。《富平志》：紫金山出磬石。《耀州志》：磬玉山出青石。唐天宝中，取为磬，其后，郊庙乐遂废泗滨磬。白居易《新乐府》讥之。今东山石扣之皆铿铿声，然取磬处不知何所矣。

**骊山石** 《临潼志》：可作础，有沙者可作砺。

**石硫** 《耀州志》：同官有之。

**矾红** 《本草纲目》：西安出绿矾，煨过变赤则为绛矾，入圻塿及漆匠家多用之。《耀州志》：同官有矾红，人赖以治生。

**白土** 《马志》：甘泥，白且细，可为磁器，出陈炉村。《富平志》：明月山出白土如银，又出泔泥，同官磁器以此为之。

**贵妃粉** 《筠廊偶笔》：马嵬坡有杨妃冢，冢生白石，可为粉，名贵妃粉。《马志》：出马嵬坡上，妇女面有黑点者，以水和粉洗之，即除。

**漆** 《诗·秦风》：“阪有漆。”《西京杂记》：上林苑蜀漆树十株。

**稷** 《甘泉赋》：攢并闾与茝荂。

**蜡** 《唐·地理志》：京兆贡蜡。《宋志》同。

① 寄子由沉泥研：诗题作《次韵和子由欲得骊山澄泥砚》。

**纸** 《螯屋志》：为纸则有楮构。

**酒** 《国史补》：酒有富平之石洞春，京城之西市腔、虾蟆陵、郎官清、阿婆清。《酒小史》：长安[新]丰市酒，富平石冻[春]<sup>①</sup>，灞陵崔家酒。

**席** 《唐·地理志》：京兆贡席。《宋志》同。

**磁器** 《宋·地理志》：耀州感义军贡。《清异录》：耀州陶匠创一等平底深碗，状简古，号小梅瓿。《老学庵笔记》：耀州出清磁器，谓之越器，以其类余姚县秘色，极粗朴耐久。《马志》：出同官陈炉村。《富平志》：明月山有白土磁器。

**砂器** 《富平志》：尚书村陶器，人以治生。

**靴** 《宋·地理志》：京兆永兴军贡。

**炭** 《螯屋志》：民以佐税贍家，惟紫炭数物。《耀州志》：耀州同官薪炭作业。

**石炭** 《天工开物》：有三种：有明煤、碎煤、末煤。明煤大块如斗许，秦、晋生之。《耀州志》：同官山出煤。

① 以上据宋伯仁《酒小史》补。

## 食 货 志 下 物 产

### 草 属

**蓍** 《史记·龟策传》：蓍生满百茎者，其下必有神龟守之，其上常有青云覆之。《咸阳志》：周文王陵在毕原上，陵生蓍草，衍《易》者恒取诸此。

**芝** 《拾遗记》：蟾井在骊山白鹿观中，有一金色蝦蟇，三足，贺兰先生见之，曰：“此肉芝也。烹而食之，白日飞升。”《类要》：四皓避秦入蓝田山，采芝而歌曰：“光光紫芝，可以疗饥。”《涌幢小品》：明世宗诏采芝，鄠县民聚芝百八十本为山以献，内有茎一尺八寸者数本，号曰仙应万年芝山。

**蘼芜** 《上林赋》：被以江离，糝以蘼芜。《名医别录》：蘼芜，一名江离，芎蒭苗也，生雍州川泽。

**薰草** 《上林赋》：掩以绿蕙。注：张揖曰：蕙，薰草也。《本草纲目》：一名香草，一名燕草。

**藹车** 《上林赋》：藹车衡兰。注：郭璞曰：一名芎藭，香草也。

**留萸** 《上林赋》：杂以留萸。注：张揖曰：留萸，新萸也，善曰香草。

**兰** 薛综《西京赋注》：兰，香草也。《西京杂记》：汉时池苑种兰以降神。《曲江春宴录》：霍定与友生游曲江，以千金募人窃贵侯亭榭兰花，插帽兼自持往罗绮丛中卖之，士女争抛掷金钱。《咸

宁志》：一茎数花，出南山。

**芍药** 《范子》：出三辅。《董子》：一名将离。《本草纲目》：白者名金芍药，赤者名木芍药。《马志》：今三原亦有之。《咸宁志》：根资药物，赤、白二种。

**萱花** 《说文》：萱名忘忧。《咸宁志》：一名宜男花，叶可食。

**蜀葵** 《西京赋注》：戎葵，今蜀葵。陈虞繁《蜀葵赋》：“惟兹珍草，怀芬吐荣，挺河渭之膏壤，吸昴井之元精。”《本草纲目》：有千叶、单叶之异。《咸阳志》：黄、红、白、紫，色类不同，茎叶亦异，皆向日。

**菟葵** 《嘉祐本草》：似葵而小，叶状如藜。《唐·刘禹锡传》：刘禹锡复游（元）[玄]都观<sup>①</sup>，惟菟葵、燕麦动摇春风耳。

**玉簪** 《广群芳谱》：武帝宠李夫人，取玉簪搔头，后宫人皆效之，玉簪花之名取此。

**荷花** 《黄图》：汉昭帝琳池中植分枝荷，一茎四叶，状如骈盖，日照则叶低荫根，若葵之卫足，名曰低光荷。实如（元）[玄]珠，可以饰佩。花叶虽萎，芬馥之气彻十余里，宫人或剪以为衣。

《上林赋注》张揖曰：莲根则藕。《初学记》：昭帝柳池有芙蕖，素色，大如斗，花叶甘，可食。《开元天宝遗事》：明皇太液池有千叶白莲，秋盛开，帝与贵戚宴赏焉。《文苑英华》：德宗贞元十八年，西内神龙寺前水渠生合欢莲，其花一茎两房。《唐·地理志》：京兆贡藕粉。《寰宇记》：雍州产藕粉。《清异录》：崔远家墅在长安城南，就中襖池产巨藕，相传曰襖宝，又曰玉臂龙。《咸宁志》：莲有红、白二种。

**向日莲** 《广群芳谱》：花色或黄或白，叶浮水上，形如菱花，开则随日所在，日入辄敛藏于叶下。《长安志》：长安有之。

**菊花** 《名医别录》：生雍州川泽。《澄怀录》：《终南五老洞碑记》：墨菊，其色如墨，古用其汁以书字。

① 刘禹锡有《再游玄都观》诗。

**蓼花** 《诗·周颂》：“以薊荼蓼。”《传》：蓼，水草。

**水仙** 《花史》：唐（元）[玄]宗赐虢国夫人红水仙十二盆。

**夹竹桃** 《广群芳谱》：花淡红，类桃花；叶狭长，类竹。《长安志》：长安有之。

**珍珠花** 张舜民《珍珠花》诗：“莫道长安贫似磬，绿阶绕砌尽珍珠。”《延绥镇志》：珍珠花，一名米壳。

**紫金蟬** 《广群芳谱》：叶如菖蒲，紫萼五出。《长安志》：长安有之。

**万年竹** 《咸宁志》：可供盆景清玩。

**秋海棠** 《广群芳谱》：一名八月春。有二种，叶下红筋者为常品，绿筋者更雅。《长安志》：长安有之。

**醑醑** 《景龙文馆记》：唐制：召侍臣、学士饮醑醑酒。《长安志》：长安有之。

**蔷薇** 《贾氏说林》：武帝与丽娟看花，时蔷薇始开，态若含笑，帝曰：“此花绝胜佳人笑也。”丽娟遂取黄金百斤，作买笑钱奉帝。

**凌霄** 《诗·小雅》：“苕之华。”《集传》：即今之紫葳，蔓生，附乔木上，亦名凌霄。《太平御览》：紫葳，出三辅。

**棣棠** 《广群芳谱》：花若金黄，春深与蔷薇同开，单叶者名金碗。《长安志》：长安有之。

**南天烛** 《咸宁志》：白花密实，实若赤珠，经霜始艳。

**茅** 《诗·召南》：“白茅包之。”《合璧事类》：丛生荒野间，野人刈以覆屋。

**蓬** 《诗·召南》：“彼茁者蓬。”毛传：草名。《三辅决录》：张仲蔚与魏景卿俱隐不仕，所居，蓬蒿至于没人。

**白蒿** 《诗·召南》：“于以采繁。”毛传：繁，皤蒿。

**角蒿** 《诗·小雅》：“菁菁者莪。”陆疏：莪，蒿也，生田泽渐洳之处。《陆疏广要》：一名萝蒿，一名角蒿。

**水蒿** 《诗·周南》：“言刈其萎。”孔疏：马云：萎，蒿也。郭云：似艾，生水泽中。



**菰** 《上林赋注》：蒋，菰也。《西京杂记》：太液池边皆是，彫胡、绿节之类。菰之有米者，长安人谓为彫胡；菰之有首者，谓之绿节。《马志》：出西安陂池，蒋草也。生水中，叶如蔗荻，至秋则为米，长安人谓彫胡菰芦之米。

**蒲** 《诗·小雅》：“依于其蒲。”《大雅》：“维笋及蒲。”《汉·郊祀志》：五帝庙临渭，其北穿蒲池沟水。《唐本草》：香蒲即甘蒲。菖蒲，臭蒲也。《咸宁志》：产渭川，可作蓑笠、纆绳，亦可饭牛。《咸阳志》：蒲可为席，亦可作扇，居人不能，止为炊薪。

**芦** 《诗·召南》：“彼茁者葭。”毛传：葭，芦也。《集传》：亦名苇。《西京杂记》：葭芦之未解箨者，长安人谓之紫葍。《咸宁志》：三川间多有。《咸阳志》：状似竹而叶抱茎生，有节无枝，种水泽傍，秋采以织席。

**荻** 《诗·秦风》：“蒹葭苍苍。”孔疏：蒹，水草也，初生为荻，长则为葭，成则名为萑。《咸宁志》：三川间多有，中席箔用。

**荇** 《诗·周南》：“参差荇菜。”毛传：荇，接余也。《杜工部集》：“春光淡沲秦东亭，渚蒲芽白水荇青。”《本草纲目》：荇与蓴一类二种，叶径一二寸，有一缺而形圆如马蹄者，蓴也；似蓴而稍尖长者，荇也。

**蘋** 《诗·召南》：“于以采蘋。”毛传：蘋，大萍也。《本草纲目》：白蘋生水中，青蘋生陆地。

**萍** 《周礼·秋官》：萍氏掌国之水禁。《诗》陆疏：小者曰萍。《范子》：水萍出三辅，色青者善。《本草纲目》：一种面背皆绿者；一种面青背紫者，谓之紫萍。《咸阳志》：三月三日采，阴干以沐浴，生毛发。

**藻** 《诗·召南》：“于以采藻。”《小雅》：“鱼在在藻。”陆疏：藻，水草也。《酉阳杂俎》：汉武昆明池中有水网藻，枝横侧水上，长八九尺，有似网[目]<sup>①</sup>。鳧鸭入此草中，皆不能出，因名。

① 据《酉阳杂俎》卷十九补。

**菅** 《诗·小雅》：“白华菅兮。”《尔雅》：茅，菅。白华，一名野菅。《西京赋注》：郭璞曰：菅，茅属。又《西京赋注》：蒯亦菅类。《声类》曰：蒯草中为索。

**菖蒲** 《周礼·天官》：朝事之豆，其实昌本。《周礼注》：昌本，菖蒲根，切之四寸为菹。《吕氏春秋》：文王嗜菖蒲菹。《黄图》：汉武扶荔宫有菖蒲百本。

**虎须蒲** 《咸宁志》：可供盆玩。

**吉祥草** 《广群芳谱》：丛生，不拘水石间皆可种。

**运草** 《咸宁志》：可供盆玩。

**四季槐** 《临潼志》：叶似槐而有花，可供盆玩。

**莎草** 《诗·小雅》：“南山有台。”陆疏：台草有皮，坚细滑致，可为簦笠，南山多有。《集传》：即莎草也。《上林赋》：欝戾莎。《西京赋注》：《尔雅》曰：台，夫须，又曰蓐。《咸阳志》：《离骚》云青莎杂树，古今诗人多以比兴。

**王刍** 《诗·小雅》：“终朝采绿。”郑笺：绿，王刍也。《西京赋注》：郭璞曰：今菴蓐也。

**葦荔** 《西京赋注》：《说文》曰：荔草似蒲。

**结缕** 《上林赋》：（专）[布]<sup>①</sup>结缕。注：郭璞曰：结缕蔓生，如缕相结。

**石长生** 《名医别录》：生咸阳山谷，近道亦有。细草，紫色，叶如龙须草，黑如光漆，不与余草杂。

**青蘋** 《上林赋》：蒋茅青蘋。《广雅》：青蘋似莎，大雁所食。

**绣墩草** 《长安志》：长安有之。

**虎耳草** 《本草纲目》：一名石荷叶，生阴湿处。《长安志》：出长安。

**黄白草** 《临潼志》：生山中，可饲牛。

**马兰** 《本草拾遗》：生泽旁，如泽兰而气臭。《临潼志》：临

① 据《汉书·司马相如传》载《上林赋》改。

潼出。

**佛指甲** 《本草纲目》：多附石，向阳而生，似马齿苋而细长。《临潼志》：临潼有之。

**苔** 《酉阳杂俎》：慈恩寺唐三藏院后檐阶有苔，状如苦苣。初生砖上，色如蓝绿，轻软可爱。

**瓦松** 唐崔融《瓦松赋》：崇文馆瓦松者，产于屋霤之上。以其形似松，生必依瓦，故曰瓦松。

**离合草** 《西京杂记》：终南山多离合草，叶似江蓠而红绿相杂，茎皆赤色，气如罗勃。

**醒醉草** 《开元天宝遗事》：兴庆池南有草数丛，叶紫而心殷。有醉人过于草傍，不觉失其酒态，后有醉者摘草嗅之，其酒立醒。

**积雪草** 《酉阳杂俎》：咸阳有之。《马志》：一名地钱，一名连钱。《图经》云：生咸阳下湿地，叶如钱，茎细而劲蔓延。

## 木属

**松** 《诗·大雅》：“松柏斯兑。”《寺塔记》：不空三藏塔多老松，岁旱则官伐其枝为龙骨以祈雨，盖三藏役龙意也。《咸宁志》：松产南山，不一种。《鄠志》：南山有白骨松。

**柏** 《黄图》：汉文帝霸陵不起山陵，稠种柏。《长安志》：大兴善寺东廓素和尚院庭，有柏四株，至夏月有汗汗人衣，如脂不可浣。元和中，相国郑相谓素曰：“弟子为伐此树，各植一松也。”素戏祝曰：“我种汝三十余年，汝以汗为人所恶，来岁若复有汗，我必薪之。”自是无汗。《本草衍义》：予官陕西，登高望柏，千万株皆一一西指，盖此木受金之正气所制也。《老学庵笔记》：《平泉草木记》有蓝田龙柏。《寰宇记》：耀州云阳出柏板。《贾志》：整屋升天台上有再生柏。世传老子说经于此，见二柏枯，以针炙之，复生。今尚郁茂。《咸宁志》：产龙首原者佳，丛而致者曰千枝柏，叶长而锐者曰茨柏。填园圃又有四季柏，四时皆花，枝叶苍秀如盖，蔚牛头寺。

**桧** 《西京杂记》：上林苑桧十枝。《西京赋注》：桧，柏叶松身。

**枞** 《西京杂记》：上林苑枞七株。《西京赋注》：枞，松叶柏身。

**杉** 《西京杂记》：太液池西有孤树池，池中有洲，洲上黏树一株，大十余围，望之童童如盖，故取为名。《广群芳谱》：杉，一名黏。

**梓** 《诗·小雅》：“维桑与梓。”《尚书大传》：商子曰：南山之阳有木名桥，北山之阴有木名梓。《史记·秦本纪》：秦文公二十七年，伐南山大梓。

**鼠梓** 《诗·小雅》：“北山有桤。”毛传：桤，鼠梓。《集传》：亦名苦楸。

**豫章** 《上林赋》：“木兰豫章。”《述异记》：汉武帝立豫章宫于昆明池中，作豫章木殿。

**桤** 《诗·秦风》：“终南何有？有条有梅。”陆疏：桤叶大，可三四叶一丛，木理细致于豫章，荆州人曰梅。终南多桤，终南与上庸、新城通，故亦有桤也。《西京赋注》：《尔雅》：梅，桤。郭璞曰：桤木似水杨。《西京杂记》：上林苑桤四株。

**石楠** 《太真外传》：上发马嵬，行至扶风，道旁有石楠树团圞，爱玩之，因呼为端正树。《唐本草》：叶似茜草，凌冬不凋，关中者叶细为好。《图经本草》：关陇间出者叶青黄色，皆有紫点，雨多则并生，长及二三寸。韩保昇《本草重注》：终南斜谷有石处其饶。

**桐** 《诗·大雅》：“梧桐生矣，于彼朝阳。”《西京杂记》：上林苑梧桐三：椅桐、梧桐、荆桐。《黄图》：青梧观有三梧桐树。

《晋·苻坚载记》：植桐数十万株于阿房城。《长庆集》：忽见紫桐花，怅望下邳，明日是清明。《马志》：桐，三原有之。

**榆** 《西京杂记》：上林苑白榆十株。《黄图》：长安故城树宜榆。

**槐** 《西京杂记》：上林苑槐六十四株，守宫槐十株。《晋·苻坚载记》：长安故城水泉深二十余丈，树宜槐，自长安至于诸州，皆夹路树槐。《隋唐嘉话》：云阳县界多汉离宫故地，有似槐而叶细，土人谓之玉树。《长安志》：尚书省都堂南门道东有古槐，垂阴至广，相传夜深闻丝竹之音。省郎有入相者，俗谓之“音声树”。祠部<sup>①</sup>呼为本厅<sup>②</sup>，言其清且冷也。《中朝故事》：天街两畔槐树俗呼为“槐衙”。《酉阳杂俎》：长安持国寺门前有槐树数株，金监买一株，别理解之，每片一天王，塔戟成就。《唐·吴凑传》：吴凑为京兆尹，街榆悉易以槐。《马志》：骊山下玉女殿东有槐，两树相并，上干相连。《咸宁志》：木中车器，花可作黄角资药物，又有叶昼合而夜布者，名守宫槐。《咸阳志》：叶大而黑者名榿槐，叶细而青者但谓之槐。《兴平县志》：明皇幸蜀，至马嵬，手植槐焉。及肃宗即位，銮舆返京，见之曰：“此太上槐也。”俗讹为“老君槐”。

**檀** 《诗·小雅》：“乐彼之园，爰有树檀。”《上林赋注》：孟康曰：榿，檀。檀别名也。《本草纲目》：有黄、白二种。

**駁马** 《诗·秦风》：“隰有六駁。”陆疏：駁马，梓榆也。

**楸** 《诗·秦风》：“终南何有？有条有梅。”陆疏：条，栝也，今山楸也。《咸宁志》：有山、水二种，木多纹理。

**枫** 《上林赋注》：张揖曰：枫，樛也，脂可以为香。《西京赋注》：枫，香木也。《西京杂记》：上林苑枫四株。《广群芳谱》：关陕甚多，树高大似白杨，有赤、白二种，霜后月<sup>③</sup>。《咸宁志》：似杨，叶圆，有脂而香，名枫香。隋唐多植宫庭，故谓宸居曰枫宸。

① 祠部：《长安志》卷七作“都堂”。

② 本厅：《长安志》卷七作“冰厅”。

③ 霜后月：《广群芳谱》卷七十五作“霜后丹”。宋《证类本草》卷十二有枫“至霜后，叶丹可爱”之语。



**楮** 《诗·小雅》：“其下维穀。”《集传》：穀，今之楮树也。

《汉·郊祀志》：于官社后立官稷，稷种穀树。《咸宁志》：皮可作纸，实入药。《咸阳志》：田荒芜久则穀自生，叶有花瓣，无曰构<sup>①</sup>，可做纸。

**椿** 《本草纲目》：椿、樗、栲，一类三种。《咸阳志》：红椿木香，叶可为菜。

**樗** 《诗·豳风》：“采荼薪樗。”毛传：樗，恶木也。《咸阳志》：白椿木臭，干可为栋。

**山樗** 《诗·小雅》：“南山有栲。”《集传》：栲，山樗。

**栌** 《诗·秦风》：“山有苞栌。”《大雅》：“柞栌拔矣。”陆疏：秦人谓柞为栌。《黄图》：五柞宫，汉之离宫也，在盩厔。宫有五柞树，因名五柞。皆连抱，上枝覆荫数亩。《本草纲目》：栌有二种：不结实者曰栌，其木心赤；结实者曰栌，其实为橡。

**柳** 《诗·小雅》：“有苑者柳。”《晋·苻坚载记》：自长安至于诸州，皆夹路树柳。《唐·文艺传》：王维别墅在辋川，有柳浪。《中朝故事》：曲江池畔多柳，号为柳衙，意谓其成行列，如排衙也。《地輿志》：送行者于霸桥折柳赠别，名消魂桥。《咸宁志》：柳金线者，园囿多蒔之。

**桤柳** 《诗·大雅》：“其桤其梲。”陆疏：桤，河柳。生水旁，一名雨师，枝叶似松。《三辅故事》：汉苑中有柳，状如人形，曰人柳，一日三眠三起。《广群芳谱》：俗所称“三春柳”也。

**水杨** 《诗·秦风》：“隰有杨。”《黄图》：长杨宫中有垂杨数亩，因为宫名。长安御沟谓之杨沟，谓植高杨于其上也。《闻见前录》：长安地多杨。

**白杨** 《本草衍义》：白杨，陕西甚多，永、耀间居人修盖多此木也。《咸宁志》：劲叶逐风作声。《咸阳志》：生泽旁，叶圆，微风动摇，声若大雨。

① 唐段成式《酉阳杂俎》卷十八：田久废，必生构。叶有瓣曰楮，无曰构。

**扶栒** 《诗·召南》：“唐棣之华。”《秦风》：“山有苞栒。”毛传：栒，唐栒，移也。《本草拾遗》：一名扶移，无风叶动，花反而后合。

**女贞** 《上林赋》：豫章女贞。《本草纲目》：今人不知女贞，但呼为“蜡树”。一名冬青，与冬青同名异物。女贞叶长者四五寸，子黑色；冻青，叶微团，子红色。

**冬青** 宋卢多逊诗：“太液池边看月时，好风吹动万年枝。”《广群芳谱》：一名冻青。

**枸骨** 《诗·小雅》：“南山有杞。”《西京赋》：昆明、灵沼、黑水、（元）[玄]沚，周以金堤，树以柳杞。注：杞即榎木也。

**牡荆** 《诗·周南》：“言刈其楚。”《秦风》：“止于楚。”《汉·郊祀志》：以牡荆画幡日、月、北斗、登龙。如淳注：牡荆，荆之无子者。《本草纲目》：其生成丛而疏爽，故谓之楚。

**棘** 《诗·小雅》：“在彼杞棘。”《周礼·秋官》：左九棘，孤、卿、大夫位焉；右九棘，公、侯、伯、子、男位焉。《马志》：《别录》云：生雍州川谷，一名棘针，一名棘刺。

**赤棘** 《诗·小雅》：“隰有杞桋。”毛传：桋，赤棘也。

**皂荚** 《名医别录》：生雍州山谷，如猪牙者良。《墨客挥犀》：唐华清宫，今灵泉观也。七圣殿之西南隅数十步间，有皂角一株，合数人抱，枝干颇瘁。相传明皇、贵妃共植于此，每岁结实，必有十数荚合欢者。京兆尹令老卒数十守视之。移接于他枝，则不复合欢也。《马志》：双皂荚，在骊山下临崖玉女殿西，其背相合，故名。《咸阳志》：秦人多树之以为社。

**灵寿木** 《诗·大雅》：“其怪其楮。”毛传：楮，櫟也。《汉·孔光传》：光称疾辞位，太后诏赐灵寿杖。注：木似竹，有节，长不过八九尺，围三四寸，有合杖制，不须削理，令人延年益寿。

**娑罗木** 《酉阳杂俎》：慈恩寺殿庭大娑罗树，大历中安西所进，其木椿赐此寺四擗，大德行逢自种之。

**柎** 《诗经·小雅》：“北山有柎。”《诗缉》：柎，櫟也。今官

园种之，名曰万岁，或谓之牛筋。《尔雅》郭注：关西呼柎子，一名土樗。

**栲** 《诗·大雅》：“栲栲济济。”《草木疏》：茎似荆而赤，其叶如蓍。

**栲华** 《图经本草》：长安山中有之，其子谓之木栲子。

**楮** 《上林赋注》：楮似桤，叶冬不落，楮木处处山谷有之。

**榦** 《诗·召南》：林有朴榦。《尔雅》郭注：榦，榦别名。《本草纲目》：榦二种：丛生小者名枹，高者名大叶栎树。

**桤** 《诗·大雅》：“桤桤拔矣。”郑笺：桤，白桤也。

**楸** 《唐本草》：有雌、雄二种。雄者无子，根赤；雌者有子，根白。《咸阳志》：类紫荆，微白。

**朴** 《诗·大雅》：“芄芃朴朴。”毛传：朴，枹木也。

**椅** 《诗·大雅》：“其桐其椅。”《本草纲目》：梓之美文者为椅。《鄂志》：出南山。

**桑** 《诗·秦风》：“阪有桑。”《文苑英华》：京兆万年县大宁坊有桑树一株，暮秋生子，秋冬堪熟。《咸宁志》：桑有数种：叶沃者曰沃桑，不实；可饲蚕结椹者，亦有黑、白二种。

**栗** 《诗·大雅》：“其栗其柘。”毛传：栗，山桑也。《盩厔志》：中山有之。

**柘** 《周礼·考工记》：弓人为弓，取干之道七，柘为上。《清异录》：张曲江里第之侧有古柘，尝因狂风发其一根，解为器，其花纹甚奇，人又以公之手笔冠世，目之曰“文章树”。《咸宁志》：柘亦可饲蚕。

**牡丹** 《国史补》：长安贵游尚牡丹，每春暮，车马若狂，以不就玩为耻。《摭异记》：开元禁中初重木芍药，即今牡丹也。得数本，红、紫、浅红、深白者，移植于兴庆池东沉香亭前。《酉阳杂俎》：开元中，裴士淹奉使幽、冀，过汾州众香寺，得一株白牡丹，移植长安。至德中，马仆射总镇太原，又得红、紫二色者。今则多与戎葵比矣。长安兴善寺素师院牡丹绝佳，元和末，

一枝花合欢。又兴唐寺牡丹一窠，元和中着花一千二百朵，其色有正晕、倒晕、浅红、浅紫、深紫、黄白檀等，独无深红。又有花叶中无抹心者、重台花者，花面径七八寸。《广群芳谱》：开元中，天下太平，牡丹始盛于长安。《咸宁志》：牡丹色名错出，约百余种。

**海棠** 《阅耕余录》：宋淳熙间，秦中有双株海棠，其高数丈，与江淮所产绝不类。徐积《海棠花序》：海棠，秦中者为次，其株偻然如出尘，高步俯视众芳，有超群绝类之势。《咸宁志》：千叶者佳，子为秋实。

**玉蘂** 《剧谈录》：上都安业坊唐昌观旧有玉蘂花，甚繁，每发若瑶林琼树。《雍录》：唐昌观玉蘂花，长安惟有一株，或诗之曰：“一树珑鬆玉刻成”，则其葩蘂形似略可想矣。春花盛时，倾城来赏，至谓有仙女降焉。元、白皆赋诗以实其事。曾端白<sup>①</sup>曰：韦应物帖云：京师重玉蘂花。

**木兰** 《上林赋》：櫨檀木兰。《太真外传》：上宴诸王于木兰殿，时木兰花发，皇情不悦，妃醉中舞霓裳羽衣一曲，天颜大悦。

《太平广记》：长安敦化坊百姓家太和中有一木兰一树，花色深红。

**辛夷** 《唐书·文艺传》：王维别墅在辋川，有辛夷坞。《广群芳谱》：一名辛雉，一名木笔。

**绣球** 《广群芳谱》：春月开花，百花成朵，团圞如毬。《通志》：蓝田有之。

**紫荆** 《齐谐记》：京兆田真兄弟三人共议分财，堂前一株紫荆树，共议欲破，其树即枯死，状如火燃，真大惊，因不复解，树应声荣茂。《鄠志》：有紫荆、白荆二种。《渭南志》：紫荆之花，清烈而美。

**紫薇** 《唐·百官志》：开元元年，改中书省曰紫薇省。《广群芳谱》：一名百日红，四五月始花，一枝数颖，一颖数花。

① 曾端白：《雍录》卷十作“曾端伯”。



**梔子** 《上林赋》：“鲜支黄栌。”注：司马彪曰：鲜支，支子也。《沔县志》：薝蔔花，剪刀六出，刻房七道，一作瞻博花。

**杜鹃** 《长庆集》：“商山秦岭愁杀人，山石榴花红夹路。”《容斋随笔》：王建宫词云：“敕赐一窠红踯躅，谢恩未了奏花开。”其重如此。《广群芳谱》：杜鹃，一名红踯躅，一名山石榴。

**木槿** 王维《辋川庄》<sup>①</sup>诗：山中习静观朝槿。

**夜合** 《唐本草》：叶似槐，秋实作荚。西京第宅、山池间亦有种者，名合昏。

**岩桂** 《上林赋》：“桂椒木兰。”《西京杂记》：上林苑栲桂十株。《拾遗记》：昭帝元凤二年，于琳池之南起桂台，以望远气。东引太液之水，有一连理桂树，上枝跨于渠水，下枝隔岸而南生，与上枝同一株。

**山茶** 《本草纲目》：深冬开花，红瓣黄蕊。《广群芳谱》：以叶类茶，经冬不凋，故得茶名。《咸宁志》：实，为花木瓜。

**蜡梅** 《西京杂记》：上林苑有蜡梅，隆冬而花。《类要》：元稹为翰林承旨，朝退，行至廊下，初日映九英，隙光射稹，有气勃然，百僚望之曰：岂肠胃文章映日可见耶？《广群芳谱》：蜡梅虽盛开，常半含，名磬口梅，次曰荷花，又次曰九英。

**迎春** 《广群芳谱》：一名金腰带。《通志》：西安府县俱有之。

**丁香** 《梦溪笔谈》：鸡舌香，即今丁香是也。《三省故事》：郎官日含鸡舌香。《本草纲目》：丁香有雌、雄，雄为丁香，雌为鸡舌香。《咸宁志》：为种不一，花大者曰荆。

**灵雀** 《遵生八笺》：春初开黄花，状飞雀。《蓝田志》：蓝田有之。

**琼花** 元遗山《续夷坚志》：郾县南十里炭谷，入谷五里有琼花，树大，四人始合抱，逢闰即花，以初伏开，末伏乃尽。花白如玉，中有玉蝴蝶一，高出花上。花落不着地，乘空而起。

<sup>①</sup> 王维此诗题作《积雨辋川庄作》。



**紫藤** 《本草拾遗》：四月生紫花，长安人亦种饰庭池。

**南藤** 《杜工部集》：“不见高人王右丞，蓝田丘壑蔓寒藤。”  
《图经本草》：南藤即丁公藤，生南山山谷。

**瓔珞藤** 《类要》：终南山出，叶甚小，子累累然缠固其上，似瓔珞。

**竹** 《诗·小雅》：“如竹苞矣。”《西山经》：竹山，竹水出焉，北流注于渭，其阳多竹箭。《史记·货殖传》：渭川千亩竹，其人与千户侯等。《汉·地理志》：秦地有鄠杜竹林。《西京赋》：涤荡敷衍，编町成篁。《西征赋》：林茂有鄠之竹。《三辅故事》：窦将军有青竹田。《三辅决录》：蒋诩舍种竹，下开三径。《开元天宝遗事》：太液池岸有竹数丛，牙笋未尝相离，帝与诸王步于竹间，谓诸王曰：“人世父子兄弟尚有离心，睹此可以为鉴。”因呼为“义竹”。《唐·文艺传》：辋川有竹里馆。《图书编》：竹出咸宁、蓝田、鄠县、盩厔、渭南。《咸宁志》：凤尾竹中簾杖甜竹，即义竹。桓竹出南山，小者曰松花。竹中织器用墨竹，色淡者曰紫竹。《蓝田志》：辋川北垞有金丝竹数丛，即竹里馆也。《盩厔志》：周穆王游（元）[玄]池，植竹，竹皆成斑，其大如椽，其密如箒。按：（元）[玄]池在盩厔。

**丹青树** 《西京杂记》：终南山有树，直上百尺，无枝，上结丛条，如车盖，叶一青一赤，望之斑驳如锦绣，长安谓之丹青树，亦云华盖树。

**千年长生树 万年长生树** 《西京杂记》：上林苑并有十株。

**七叶树** 《游城南记》：杜佑城南樊川有桂林亭，其地有七叶树，每朵七叶，因以为名。罗隐诗所谓“夏窗七叶连檐暗”是也。

**模木** 《淮南王草木谱》：生周公冢上，其叶春青夏赤，秋白冬黑，以色得其正也。

**净土树** 《明一统志》：在鄠县南，三月开花，如桃花，八月结实，状如小栗，壳中皆黄土。俗传鸠摩罗什憩此，覆其履土中所生。

**琵琶** 《李绅集诗注》：骆谷生，花明艳似杜鹃花，樵者识之曰“早花杀人”。

**不灰木** 杨慎《丹铅录》：《寰宇记》云：俗多为铤子，烧之成炭而不灰，其叶如蒲草。今人束以为燎，谓之万年大把<sup>①</sup>。《通志》：今南山深谷中间有之，入油，虽数十烧不灰，惟见水则易坏。

**燃支木** 《上林赋》：枇杷燃柿。注：郭璞曰：燃，燃支木也。

## 禽属

**凤凰** 《诗·大雅》：“凤凰于飞，翯翯其羽；凤凰鸣矣，于彼高冈。”《论语注》：文王时，鸣于岐山。《周语》：周之兴也，鸛鸛鸣于岐山。《汉·宣帝本纪》：凤凰降集京师，群鸟从以数万。《黄图》：五凤三年，凤集长乐宫东阙树上。又神爵二年，凤凰集柘翊县。

**鹤** 《诗·小雅》：“鹤鸣于九皋。”陆疏：多纯白，亦有苍色者。《临潼志》：鹤间有之。

**鹭** 《诗·小雅》：“有鹭在梁。”《玉篇》：水鸟也，一名扶老。《本草纲目》：状如鹤而大，青苍色，喙下有胡袋，如鸕鹚状。

**鸕鹚** 陆疏：鸕，水鸟。《尔雅》郭注：好群飞，沉水食鱼，故名洿泽，俗呼之“淘河”。《西京杂记》：太液池边多平沙，沙中鸕鹚，动辄成群。

**雁** 《诗·小雅》：“鸿雁于飞。”毛传：大曰鸿，小曰雁。《方言》：自关而西谓之鸣鹅。《说文》<sup>②</sup>：秦穆公得百里奚，公孙支归取雁以贺。《西京赋注》：驾鹅<sup>③</sup>，野鹅。

**鹄** 《西京杂记》：《说文》：鹄，黄鹄也<sup>④</sup>。始元元年，黄鹄下

① 大把：《本草纲目》卷九引杨慎《丹铅录》作“火把”。

② 以下引文实出刘向《说苑》卷二。

③ 驾鹅：张衡《西京赋》作“鸕鹚”。

④ 今本《西京杂记》无“《说文》：鹄，黄鹄也”等语。

太液池，上为歌曰：“黄鹄飞兮下建章。”

**鳧** 《诗·大雅》：“鳧鷖在泾。”《咸阳志》：野鸭也。

**鸳鸯** 《诗·小雅》：“鸳鸯于飞。”《本草纲目》：一名黄鸭，有文采，其交不再。《咸阳志》：性有定偶。

**鸕鶿** 《禽经》：睛交而孕。《上林赋注》：郭璞曰：似鳧而脚高有毛，冠辟火灾。《西京杂记》：太液池边多鸕鶿。

**旋目** 《上林赋注》：司马彪曰：旋目，鸟名。《本草纲目》：大如鹭而短尾，红白色，深目。

**鹭鹭** 《诗·周颂》：“振鹭于飞，于彼西雍。”《尔雅》：鹭，春锄。《咸阳志》：生沙堤水洲，色白。

**鸥** 《诗·大雅》：“鳧鷖在泾。”孔疏：《苍颉解诂》云：鷖，鸥也。一名水鸥。《咸阳志》：悠悠水上，人以比忘世君子。

**鸕玉** 《西都赋》：天子登属玉之馆。《上林赋》：驾鹅<sup>①</sup>鸕玉。《黄图》：属玉似鸭而大，紫紺色。

**鸕鹚** 《上林赋注》：卢，鸕鹚也。《本草纲目》：善没水取鱼，日集洲渚，夜巢林木。《咸阳志》：形似鹤，灰色。

**鸕鶿** 《诗·小雅》：“脊令在原。”陆疏：杜阳人谓之连钱。《集传》：脊令、雍渠，水鸟也。《上林赋注》：庸渠似鳧，灰色而鸡脚，一名章渠。《尔雅翼》：唐明皇时，有脊令数十，飞集麟德殿廷木，翔栖浹日。魏光乘作颂，以为天子友悌之祥。

**雉** 《诗·小雅》：“雉之朝雉。”《黄图》：《汉书》：鸿嘉二年，雉飞集承明殿屋。《咸宁志》：雉供祀典。

**鸕雉** 《诗·小雅》：“有集维鸕。”《集传》：微小于翟，走而且鸣，其尾长，肉甚美。

**鸕鹚** 《西京杂记》：太液池边平沙上多鸕鹚。

**鸕** 《西京杂记》：太液池边多平沙，沙上鸕、鸕动辄成群。《上林赋注》：杜预曰：鸕，水鸟也。

① 驾鹅：司马相如《上林赋》作“駕鵞”。

**阿滥堆** 《中朝故事》：骊山多飞禽，名阿滥堆。明皇御玉笛，采其声为曲子名，当时左右皆传唱之。张祐诗：至今风俗骊山下，村笛犹吹阿滥堆。

**黄鹂** 《诗·周南》：“黄鸟于飞。”《秦风》：“交交黄鸟。”陆疏：黄鸟，黄鹂留也，或谓之黄栗留。一名仓庚，一名商庚，一名鷦黄，一名楚雀，关西谓之黄鸟，当甚熟时，来在桑间。《开元天宝遗事》：明皇每于禁院中见黄莺，常呼之为“金衣公子”。赵德麟《侯鯖录》：黄鹂，关中谓之楚雀。

**斑鸠** 《诗·小雅》：“翩翩者鸞”，“宛彼鸣鸠”。孔疏：鸞，《春秋》云祝鸠。郭璞曰：今鹑鸠也。《草木疏》：鸣鸠，斑鸠也。《方言》：鷦其鸞鸠，谓之鸞鷦。自关而西，秦汉之间谓之鸞鸠，其大者谓之鸞鸠，其小者谓之鸞鸠，或谓之鸞鸠，或谓之鸞鸠，或谓之鸞鸠。《本草纲目》：小而无斑者鸞。《咸宁志》：有斑鸠、秋鸠二种。

**鸣鸠** 《诗·召南》：“维鸠居之。”毛传：鸠，鸣鸠，鸞鷦也。《集传》：今之布谷也。《西山经》：南山鸟多尸鸠。《方言》：尸鸠自关而西谓之服鷽，或谓之鷽鷽。郭注：按《尔雅》，鷽鷽即布谷，非戴胜也。《山阳县志》：布谷，一名郭公鸟。

**睢鸠** 《诗·周南》：“关关睢鸠。”毛传：睢鸠，王睢也。《集传》：水鸟，状类鳬鷖。

**鸞鷦** 《韵会》：唐明皇呼为飞奴。《咸宁志》：色名不一。

**慈乌** 《旧唐书·柳公绰传》：柳仲郢每迁官，群乌大集于升平里第，庭树戟架皆满，凡五日而散，家人以为候。《咸阳志》：乌鸦反哺，人谓之慈乌。

**乌鸦** 《诗·小雅》：“弁彼鸞斯，归飞提提。”《尔雅》：小而腹下白，不反哺者谓之鸦乌。《说文》：鸦，楚乌也，一名鸞。秦谓之雅<sup>①</sup>。《咸阳志》：颈白而小，不能反哺。

① 雅：当作“鸦”。

**山鸟** 《本草纲目》：似鸦乌而小者，山鸟也，一名鷦，生西方。《咸宁志》：乌有赤嘴穴乳者。

**乾鹊** 《诗·周南》：“维鹊有巢。”《汉·东方朔传》：孝武坐未央前殿，东方朔执戟阶旁，屈指独语，上见朔，呼问之，曰：“殿后柏树上有鹊立枯枝，东向而鸣。”使视，果然。《咸阳志》：其翼左覆右为雄，右覆左为雌，人谓之喜鹊。

**燕** 《本草纲目》：一名乙鸟，一名天女。《别录》曰：紫胸轻小者是越燕，斑黑声大者是胡燕。《咸宁志》：燕有大小二种。

**瓦雀** 《通志》：以色名麻雀。以常在阶除，名宾雀；以居檐中，名瓦雀。

**鹌** 《本草纲目》：大如鸡雏，头细而无尾，夜则群飞，昼则草伏。《通志》：人养之斗。

**蜡嘴** 《诗·小雅》：“交交桑扈。”孔疏：俗呼青雀嘴。《陆疏广要》：此鸟今谓之蜡嘴。

**练雀** 《本草纲目》：禹锡曰：似鸚鵡而小，黑褐色。时珍曰：其尾长，白毛如练带，俗呼为“拖白练”。《咸宁志》：咸宁有之。《临潼志》：鸟有名托白者。

**鷽鷽** 《[诗]·周颂》：“肇允彼桃虫。”陆疏：桃虫，今鷽鷽是也，微小于黄雀，其雏化而为鷽，故俗语鷽鷽生鷽。孔疏：鷽鷽，一名鷽鷽，关西谓之桑飞。《方言》：桑飞自关而西，或谓之憊爵。郭注：桑飞即鷽鷽也，又名鷽鷽。憊爵言憊截也。

**相思鸟** 《通志》：长安、咸宁皆有之。小而灰色，置雌、雄各一于笼中，或放其一，雄鸣则雌归，雌鸣则雄归，俱放则皆飞去。

**鹰** 《诗·小雅》：“𪔐彼飞隼。”陆疏：隼，鸢属也，或谓之雀鹰。春化为布谷。《西京杂记》：茂陵少年李亨以鹰鸢逐雉兔，皆为之佳名，鹰则有青翅、黄眸、青冥、金距之属，鸢则有从风鸢、孤飞鸢。

**鸛** 《诗·秦风》：“𪔐彼晨风。”毛传：晨风，鸛也。陆疏：



似鸱，青黄色。

**鸱** 《本草纲目》：似鹰而大，尾长翅短，土黄色。鸱悍多力，盘旋空中，无细不睹。

**鸱** 《寰宇记》：同州旧贡鸱，华州采鸱于金氏陂。按：陂在渭南。柳宗元《鸱记》<sup>①</sup>：有鸱穴于长安荐福浮图，冬之夕，取鸟之盈握者完而致之，以燠其爪掌，旦则执而上浮图之跂焉者，纵之，其去苟东矣，则是日不东逐。《本草纲目》：小于鸱而最敏捷。《咸宁志》：鸱善击鸱。

**鸱** 《诗·大雅》：“鸱飞戾天。”郑笺：鸱，鸱类。《因话录》：明皇数登勤政楼，每来，鸱必集楼上，号“随驾老鸱”。《本草纲目》：一名隼，一名鸱，一名鸱。鸱生三子，一为鸱。鸱，似鹰而稍小。

**鸱** 陆疏：自关而西，谓梟为流离。《本草拾遗》：鸱，即梟也，一名鸱。《天中记》：训狐，关西呼训猴。《山阳县志》：鸱，土人名衅猴，昌黎作训狐。其首如猫，又呼树猫。

**鸱鸺** 《本草纲目》：《说文》谓之角鸱，《尔雅》谓之怪鸱。大如鸱鹰，黄黑斑色，头目如猫，有毛角两耳，昼伏夜出，声如老人，初或呼，后若笑。

**鬼车鸟** 刘恂《岭表录》：出秦中，春夏之交，遇阴晦则飞鸣而过，声如刀车鸣。爰入人家，铄人魂气，血滴之家，必有凶咎。

**鸱** 《天中记》：僖宗好斗鸱，数幸六王宅、兴庆池，与诸王斗鸱。《耀州志》：同官无鸱，以二羊易一鸱。

**鸱** 《周礼·春官》：庶人执鸱。《[礼记]·曲礼》孔疏：家鸱曰鸱。《上林赋注》：郭璞曰：鸱，鸱属。

**鸡** 《周礼·春官》：工商执鸡。《周礼·[春官]·鸡人》：鸡人掌共鸡牲，辨其物。大祭祀，夜呼旦以叫百官。《方言》郭注：鸡雏，关西曰鸱。

① 柳宗元此文题作《鸱说》。

**鼯鼠** 《上林赋注》：张揖曰：鼯鼠也，其状如兔而鼠首，以其髯飞。郭璞曰：鼯，鼯鼠也。江邻幾《杂志》<sup>①</sup>：司马君实竹园中得，如蝙蝠，巨如大鸱，莫有识者。有自南山来者云：此鼯鼠也。一名飞生，飞而生子。每欲飞则缘树至颠，能下不能高也。

## 兽属

**麟** 《诗·周南》：“麟之趾。”《上林赋》：兽则麒麟。《汉书·终军传》：武帝幸雍祀五畤，获白麟，一角而五蹄。

**驺虞** 《诗·周南》：“吁嗟乎驺虞。”毛传：白虎黑文。《滑稽传》：建章宫后阁重栊中有物焉，其状似麋，诏东方朔视之，朔曰：所谓驺牙者也。其齿前后若一，齐等无牙，故谓之驺牙。《淮南子》：屈商拘文王于羑里，散宜生乃以千金求天下之珍怪，得驺虞以献。《埤雅》：白虎黑文，西方之兽也。

**虎** 《诗·大雅》：“有猫有虎。”《方言》：自关而西，谓之北都。《马志》：虎出南北山。

**豹** 《诗·大雅》：“赤豹黄熊。”《西山经》：南山多猛豹。郭注：豹似熊而小，毛浅有光泽。《列女传》：陶谷子<sup>②</sup>妻曰：南山有（元）[玄]豹，雾雨七日不下食者，何也？欲以泽其衣毛，成其文章也。《穆天子传》：穆王猎漆泽，得（元）[玄]豹。《笔谈》：秦人谓豹为程。《马志》：文豹初生无文，稍长，隐雾雨中，七日则文彩蔚然。（元）[玄]豹毛泽而色黑，美于文豹。出终南山中。

**貔** 《诗·大雅》：“猷其貔皮。”陆疏：似虎，或曰似熊。一名执夷，一名白狐，其子为貉。《方言》：关西谓之狸。

**熊** 《诗·大雅》：“有熊有羆。”《名医别录》：生雍州山谷。

**黄腰** 《上林赋注》：貉，似鼬而大，腰以后黄，一名黄腰。食猕猴。《醴泉志》：似黄鼠而大。

① 江邻幾《杂志》：或作《江邻幾杂志》。此处据本志《引用书目》。

② 陶谷子：刘向《列女传》作“陶荅子”。

**豪彘** 《山海经注》：狙猪也，能以脊上毫射物，亦自为牝牡。  
《长杨赋》：发民入南山捕熊羆、豪猪。《图经本草》：陕、洛诸山中并有。

**猕猴** 《诗·小雅》：“毋教猱升木。”陆疏：猱，猕猴也。《冯志》：唐昭宗时，养一猴，衣以俳優服，谓之猴部头。朱温既篡，引至坐侧，仍赐衣为俳優，猴忽号擲，自裂其衣，温叱，令杀之。《马志》：出南山。

**猿** 陆疏：猴长臂者为猿。《上林赋》：（元）[玄]猿素雌。《索隐》：（元）[玄]猿，猿之雄者，黑色；素雌，猿之雌者，素色。《马志》：出南山。

**鹿** 《诗·召南》：“野有死鹿。”《小雅》：“麀鹿麀麀，漆沮之从。”《抱朴子》：南山多鹿。《宋高僧传》：唐京师安国寺什元康<sup>①</sup>贞观中游，养一鹿，角分八岐，乘而致远，曾无倦色。《清异录》：华清官一鹿，十年精俊不衰，人呼曰“角仙”。《马志》：出南北山。

**麋** 《上林赋注》：似水牛。《西京赋注》：麋子曰麋。《名医别录》：生南山山谷。《兴平志》：顺治五年，兴平河得一物，色青黑，头角如鹿，尾如马之秃者，目下别有二窍，深寸余，夜能视物，识者云麋也。

**麇** 《诗·周南》：“野有死麇。”《草木疏》：麇，麇也。《朱子集传》：鹿属，无角。

**麝** 《名医别录》：似麇而小，黑色。《马志》：终南诸山多群麝，不敢遗迹他所，虑为人获，人以是掩群而取之。

**麀** 《上林赋注》：似鹿而大。《名苑》：鹿之大者曰麀，群鹿随之，皆视麀尾所转为准。《马志》：出终南诸山。

**麂** 《图经本草》：山林处皆有，獐类也。《螯屋志》：皮可为靴。

<sup>①</sup> 什元康：当作“释元康”。《宋高僧传》卷四《唐京师安国寺元康传》：“释元康，不详姓氏。”

**狸** 《本草纲目》：一名野猫，大小如狐，毛杂黄黑。《通志》：《咸宁志》有之。

**狐** 《诗·秦风》：“锦衣狐裘。”《小雅》：“有芃者狐。”《穆天子传》：穆王猎漆泽，得白狐。《咸阳志》：狐皮毛恶薄，不堪为裘。

**獾** 《方言》：獾，关西谓之獾。《本草纲目》：獾猪，獾也；獾狗，獾也。二种相似而略殊。《渭南志》：出终南山。

**狻** 《本草拾遗》：生山南山谷中。《辟寒录》：杨文公曰：狻类鼠而大，尾长而金色，甚爱其尾，既被履，则啮断其尾以掷之，恶其为身患。

**狼** 《通志》：处处山中有之。

**豺** 《尔雅》：豺，狗足。《通志》：狼属。

**牛** 《诗·小雅》：“尔牛来思，其耳湿湿。”《周颂》：“维羊维牛。”《上林赋注》：沉牛，水牛也，能沉没水中。《南越志》曰潜牛。《咸阳志》：牛白头黄身者为牛中之王，农家畜此，主大富，纯黄者尤为上乘。

**马** 《诗·秦风》：“有马白颠”，又“駉驪孔阜”，又“驾我骐驎”，又“骐驎是中，騊駼是骖”。《张仪传》：秦马之良，探前跌后蹄间三寻腾者，不可胜数。

**羸** 《上林赋》：駃騠驴羸。

**驴** 《后魏<sup>①</sup>·公孙表传》：太武将北征，发民驴以运粮，使轨部诣雍州，轨令驴主皆加绢一匹。《香祖笔记》：陕西民家有千里驴，腰有肾六。

**羊** 《诗·召南》：“羔羊之皮。”毛传：小曰羔，大曰羊。《史记·平准书》：卜式牧羊上林中。《唐本草》：羖羝羊，出陕西。

**豕** 《诗·召南》：“壹发五豝”，又“壹发五豝”。毛传：豕，牝曰豝。《集传》：豝，一岁豕。《方言》：猪，关西或谓之

① 指《魏书》。

彘，或谓之豕。《本草纲目》：猪，天下畜之而各有不同，生梁、雍者足短。

**犬** 《诗·召南》：“无使龙也吠。”《秦风》：“载猵歇骄。”毛传：龙，狗也。猵、歇骄，田犬名，长喙曰猵，短喙曰歇骄。《西京杂记》：茂陵少年李亨好驰骏狗，逐狡兽，为之佳名。狗则有修毫、厘睫、白望、青曹之号。又杨万年有猎狗名青駮，买之百金。

**兔** 《诗·周南》：“肃肃兔置。”《小雅》：“有兔斯首，炮之燔之。”《咸宁志》：兔可供祀典。《咸阳志》：多食损阳。

**鼠** 《诗·召南》：“谁谓鼠无牙？”《史记·张汤传》：张汤，杜人也，其父为长安丞，出，汤为儿守舍，还而鼠盗肉，其父怒笞汤，汤掘窟得盗鼠及余肉，劾鼠掠治。

**刺猬** 《本草纲目》：一名毛刺，一名猬鼠。头嘴似鼠，刺毛似（毫）[豪]猪，蜷缩则形如栗房。《醴泉志》：醴泉有之。

## 鳞属

**龙** 《灵怪录》：房琯尝修学终南山谷中，忽闻声若戛铜器之属，问父老，云：此龙吟也。

**蛟** 《拾遗记》：汉昭帝常游渭水，使群臣渔钓为乐。时有大夫任绪钓得白蛟，长三丈，若大蛇，无鳞甲，头有一角长二寸，牙出唇外。帝命太官为鮓，骨青肉紫。

**蛇** 《西山经》：多众蛇。《咸阳志》：蛇有数种，大毒。

**反鼻蛇** 《元和志》：浣谷口多反鼻蛇。

**青磼蛇** 《元和志》：浣谷口多青磼蛇，一名焦尾蛇。常登竹木上，能十数步磼入。中此蛇者即须断肌去毒。

**蟒蛇** 陈贞父《宗杂录》：南山有蟒，嘘气成云，人入其中辄僵。

**鲤** 《诗·小雅》：“𩚑鰈鲤。”《咸宁志》：出三川门。《咸阳志》：赤色。《鰈屋志》：美惟黑河之鲤。

**鲙** 《诗·小雅》：“鱼丽于罟，鲙鲙。”《上林赋注》：鲙，一



名黄颊。《西京赋注》：蒺胝也。

**鲫** 《咸宁志》：出三川间。《咸阳志》：似鲤，色黑而体促，和莼作羹良。

**鳊** 《诗·周南》：“鲂鱼赀尾。”陆疏：广而薄肥，恬而少力，细鳞。

**鳊** 《本草纲目》：一名𩚰鱼，一名石桂鱼。《临潼志》：有沙鳊鱼。

**鲌** 《诗》毛传：鲌，白鲌也。《咸阳志》：鲌，白色，其形长而小。

**鳢** 《诗·小雅》：“鱼丽于罟，魴鳢。”陆疏：似鲤，颊而厚，《尔雅》曰鳢𩚰也。

**鱣** 《诗·周颂》：“猗与漆沮，潜有多鱼，有鱣有鲔。”陆疏：鱣身形似龙，锐头，口在颌下。《西京赋注》：《尔雅》：鱣似𩚰。

**鲔** 陆疏：似鱣而色青黑，上龙门，入漆沮。《本草纲目》：《诗》传：鲔似𩚰。郭璞云：大者名王鲔，小者名𩚰鲔，李奇曰：周洛曰鲔𩚰。《诗·小雅》：“鱼丽于罟，𩚰鲤。”《周颂》：“𩚰𩚰鲤。”毛传：𩚰，𩚰也。《咸阳志》：𩚰似𩚰而小，色黑。

**飞鱼** 《明一统志》：陕西鄠县涝水出飞鱼，状如鲋，食之已痔疾。

**金鱼** 《咸宁志》：有三尾金𩚰，可为盆池之玩。

**漾陂鱼** 苏轼《漾陂鱼》诗：“霜筠细破为双掩，中有长鱼如卧剑。紫荇穿腮气惨悽，红鳞照坐光磨闪。”《鄠县志》：漾陂鱼甚美。唐宝历二年，敕漾陂令尚食使收管<sup>①</sup>，不得杂人采捕。

**鳊** 《本草纲目》：一名白𩚰，一名蛇鱼。《整屋志》：美惟莫底泉之鳊。

**𩚰** 《博雅》：大𩚰谓之𩚰。《咸宁志》：出三川间。《咸阳志》：似𩚰而细长。

① 《旧唐书·敬宗纪》：宝历二年七月“敕鄠县漾陂尚食管系”。

**鱖** 《本草纲目》：似鰕而小。《咸宁志》：出三川间。

**蛙** 《汉·武帝纪》：秋，蛙、虾蟆斗。《东方朔传》：长安水多蛙鱼，得以家给人足。师古注：蛙似虾蟆，人亦取食之。《东皋杂录》：汉、唐皆都雍，东方朔言水多蛙鱼，是汉都人食蛙也；颜师古言人亦取食之，是唐都人食蛙也。《本草纲目》：一名田鸡，一名青鸡，关中常食之如鱼。

## 介属

**龟** 《西京杂记》：太液池中多紫龟。《本草衍义》：秦地山中多老龟，极大而寿。《咸阳志》：龟与蛇交有毒。

**蟪蛄** 《尔雅》郭注：绿甲，文似玳瑁。《唐本草》：即秦龟也。《食性本草》：秦人呼蟪蛄为山龟。

**鳖** 《诗·大雅》：“烹鳖鲜鱼。”《周礼·天官》：鳖人掌取互物，以时簋鱼鳖。《西京杂记》：太液池中多绿鳖。《马志》：关中诸水皆有之。《咸阳志》：三爪者谓之能，食之令人化水。

**贝** 《诗·小雅》：“成是贝锦。”《集传》：贝，水中介虫，有文彩似锦。《西京赋注》：赤电黑云，谓之紫贝。

**蟹** 《马志》：出南北山流泉石下。《咸宁志》：介则有螃蟹。《鄂志》：出泮陂。

按：沈括《笔谈》云：关中无蟹，土人怪其形状，收干者悬门辟疟，不但人不识，鬼亦不识也。此特嘲之云尔。今关内近水郡县有之，但差小。《尔雅》所谓蟪蛄也，土人谓之石蟹。

**蛤** 《汉·地理志》：蛤似蚌而圆。《通志》：咸宁有之。

**蚌** 《周礼·天官》：春献鳖蜃。《西京赋注》：蜃，蛤蚌也。《说文》：蜃，秦谓之牡（厉）[蛎]。《本草纲目》：曰蛤，长曰蚌<sup>①</sup>。肉可食，其壳可以为粉。

① 《本草纲目·介二·蚌》：蚌与蛤同类而异形。长者通曰蚌，圆者通曰蛤。

**螺蛳** 《鄠志》：螺出泮陂。

**虾** 《鄠志》：出泮陂。

## 豸属

**蚕** 《周礼·天官》：中春，诏后帅外内命妇始蚕于北郊。《咸宁志》：民不多育。《咸阳志》：民饲蚕作丝。

**蜜蜂** 《本草纲目》：蜂三种，蜜蜂小而微黄。《咸宁志》：蜂类多酿蜜者贵。《咸阳志》：蜂，酿蜜者，民亦养之。

**螟蛉** 《诗·小雅》：“螟蛉有子。”陆疏：犍为文学曰：桑上小青虫也。

**蠋螋** 《诗·小雅》：“果臝负之。”陆疏：一名蒲卢，似蜂而小腰，故许慎云细腰也。

**蟋蟀** 《临潼志》：一名促织。

**负蝥** 《诗·召南》：“趯趯阜螽。”陆疏：阜螽，蝗子。一名负蝥。《本草纲目》：阜螽，一名蚱蜢，在草上者曰草螽，在土中者曰土螽。似草螽而大者曰螽斯，似螽斯而细长者曰蝥螋。

**螽** 《诗·周南》：“螽斯羽。”毛传：螽斯，蚱蜢也。《尔雅》邢疏：蜎螽，《周南》作螽斯，《七月》作斯螽，虽字异文倒，其实一也。

**蝉** 《大雅》：“如蜩如螗。”陆疏：蜩，蝉也；螗，蝉之大而黑色者。《方言》：秦、晋之间谓之蝉。《酉阳杂俎》：秀才韦翹家在杜曲，尝冬中掘树根，转化<sup>①</sup>附于朽处，怪之，村人言：蝉固朽木所化也。翹因剖一视之，腹中犹实烂木。

**蜩螗** 《本草纲目》：一名蜩螗，一名推车客，一名夜游将军。（宏）[弘]景曰：其类三四种。《通志》：今各县有之。

**蜉蝣** 《方言》：秦、晋之间谓之蜉蝣。

① 转化：《酉阳杂俎》卷十七作“复育”。此句前有“蝉，未脱时名复育”等语。

**斑蝥** 《本草纲目》：一名斑猫，《本草经》云：春食芫花为芫青，夏食葛花为亭长，秋食豆花为斑蝥，冬入地中为地胆。《通志》：临潼有之。

**蟋蟀** 《方言》：秦谓之蟋蟀，或谓之蟋蟀，或谓之蟋蟀。《本草衍义》：立夏后夜鸣。如蚯蚓。<sup>①</sup>《月令》“蟋蟀鸣”者是也<sup>②</sup>。

**守宫** 《方言》：秦、晋谓之守宫，或谓之蟪蛄。

**蜥蜴** 《方言》：秦、晋或谓之蜥易，其在泽中者谓之易蜴。《蜀本草》：山南处处有之。

**蝎** 《方言》：蟪蛄。梁、益之间谓之蝎，或谓之蝎，或谓之蛭蝎；秦、晋之间谓之蠹，或谓之天蝎。《图经本草》：陕郡皆有之。《醴泉志》：醴泉老军营有蝎子冢，人不动土无蝎，如动土，蝎出无数。

**蜻蜓** 《蜀本草》：所在有之，六足四翼，好飞水际。

**蝴蝶** 《本草纲目》：大曰蝶，小曰蛾。蝶美于须，蛾美于眉，故又名蝴蝶，俗谓须为胡也。其种甚繁，所在有之。

**蝇** 《诗·小雅》：“营营青蝇。”《汉·成帝纪》：建始元年六月，有青蝇无万数集未央宫殿中朝者坐。《方言》：自关而西，秦、晋之间谓之蝇。

**萤** 毛传：熠熠磷磷，萤火也。

**蚊** 《本草纲目》：处处有之。

**蜘蛛** 《方言》：鼯鼯，鼯螯也。自关而西，秦、晋之间谓之鼯螯。

**壁钱** 《本草拾遗》：虫似蜘蛛，作白幕如钱贴墙壁间，北人呼为壁萤。《通志》：各县俱有之。

**蝇虎** 崔豹《古今注》：蝇狐也，善捕蝇，一名蝇豹。《通志》：

① 此处疑有阙文。《逸周书·时训解》：“立夏之日，蟋蟀鸣。又五日，蚯蚓出。”

② 《礼记·月令》：孟夏之月，“蟋蟀鸣，蚯蚓出，王瓜生，苦菜秀。”

处处有之。

**壁鱼** 《本草纲目》：衣鱼，一名蠹鱼，一名壁鱼。《别录》曰：生咸阳平泽。

**土鳖** 《本草纲目》：一名地龟，生墙壁下土中湿处。

**蜈蚣** 《本草纲目》：生南山川谷及土石间、人家屋壁中。

**蝥蛄** 《本草纲目》：一名木蠹，一名蝥蛄，食木虫也。《醴泉志》：醴泉有之。

**蚁** 《周礼·天官》：祭祀，共蜚、羸、蜺，以授醢人。《方言》：西南梁、益之间谓之（元）[玄]蚺。《西京赋注》：韦昭曰：蜺，蚁子也，可以为醢。《酉阳杂俎》：秦中多巨黑蚁，好斗，俗呼为马蚁。

**颠当** 《酉阳杂俎》：成式书斋前多颠当，窠深如蚓穴，网丝其中，土盖与地平，大如榆荚。常仰捩其盖，伺蝇蠖过，辄翻盖捕之。秦中儿童戏曰：“颠当牢守门，蠖蛄寇汝无处奔。”

**碎车虫** 《酉阳杂俎》：状如唧聊，苍色，好栖高树上，其声如人吟啸，终南有之。

**天牛虫** 《酉阳杂俎》：黑甲虫也。长安夏中，此虫或出于篱壁间，必雨。成式七度验之，皆应。《本草纲目》：一角者名独角仙。

**蛭** 《本草纲目》：处处有之，墙屋烂草中尤多。一名入耳，一名蛭蛄。

**蜗牛** 《日华本草》：即负壳蛭蛄也。《通志》：各县有之。

**蝙蝠** 《方言》：自关而西，秦、陇之间谓之蝙蝠。

**虾蟆** 《咸阳志》：五月五日取，阴干。东行者佳。



## 学 校 志

三代之学，备于成周。其后三雍立于汉，四门肇于唐，皆国学也。郡邑之有学，自宋代始，元、明而后，逮暨我朝，教泽深厚，积累涵濡，班固所谓“庠序盈门，俎豆莘莘，下舞上歌，蹈德咏仁”者庶几见之。作《学校志》，首列辟雍者，盖以诸君子岂弟作人、薪樗棫朴，期与三代同风也。若书院所以造士，贡院所以兴贤，皆学校所有事，依次书之。附已废之绩，冀修复于来者。凡二卷。

### 西安府

**三代学** 《礼记注》：周立三代之学，学《书》于有虞氏之学，《典》《谟》之教所以兴也；学舞于夏后氏之学，文武中也；学《礼》《乐》于商之学，功成治定，与已同也。

**周辟雍** 《诗·大雅·灵台》：“于乐辟雍。”《文王有声》：“镐京辟雍。”张子曰：灵台辟雍，文王之学也。镐京辟雍，武王之学也。《黄图》：文王辟雍在长安西北四十里。《马志》：在鄠县东三十里。

**汉学** 《长安志》：灵台、明堂、辟雍，武帝造，长安城南。《水经注》：昆明故渠东有明堂，南辟雍。《汉·礼乐志》：武帝时，犍为郡水滨得古磬十六枚，刘向说帝宜兴辟雍。《黄图》：武帝元光五年冬十月，河间王德来朝献雅乐，武帝对之三雍宫。应劭曰：三雍者，灵台、明堂、辟雍也。平帝元始四年，王莽奏修复明堂、辟雍。又曲台，如淳曰：行射礼于曲台。晋灼曰：曲台，天子射

宫也。西京无大学，故于此行射礼。又大学，《汉书》：王莽为宰衡，复大学弟子书舍万区，起市郭上林苑中，其门东曰修仁之门，南修礼之门，西守义之门。《三辅旧事》：汉大学中有市有狱。《关中记》：汉大学在长安（咸）[城]<sup>①</sup>南，安门之东、杜门之西。

**前秦学** 《晋书》：苻坚亲临太学，考试诸生，问难《五经》。

**后秦学** 《晋书》：姚萇立太学以礼贤士。又律学，姚兴所立。

**唐学** 《长安志》：在务本坊。监中有孔子庙，贞观四年立。领国子（监）[学]<sup>②</sup>、太学、四门、律、书、算六学。

**宋学** 《通志》：在府治东南。宋《景祐二年中书札子》：侍郎范雍奏：昨知永兴军前资寄住官员颇多，子弟辈不务肯构，惟恣轻薄，盖由别无学校励业之所致。到任后奏建府学兼赐九经书，差官主掌，每日讲授。据本府分析，见有修业进士一百三十七人在学，关中风气稍变。权节度掌书记陈谕管勾。乞降敕命，令常遵守。

**金** 因之。

**元学** 《通志》：至正间，行省平章廉希宪即宋学重修。

元虞集《重修奉元路庙学记》：集闻之兹土也，昔者周公尝治而教之矣。礼乐其具也，出于宗庙、朝廷之上，行之乎学校、井田之间。因其秉彝好德之懿，而咏叹夫天命之不已；因夫卦画示人之蕴，而发挥乎变通之无穷。致严于闺门衽席之微，而推至乎天地神明之著。致察乎时物衣食之末，而究极乎辅成化育之功。耕禄之均，施之四海而无不准也；祭祀之达，传之子孙而无不保也。三代以降，人文莫过焉。

世移俗易，汉、唐之遗迹无复存者。至宋，程子得周子之传而起于洛，横渠张子特起于关中，其学一原也，而尤有意于制作之事。程子言有《关雎》《麟趾》之意而后可以行《周官》之法度，此周

① 据《关中记·太学》改。

② 据《新唐书·选举志》改。

公之遗意而张子之志也与！《正蒙》之书，学者受读，《订顽》之铭，推极乎事亲事天之诚。程子以为其智勇所造，非振古之豪杰，孰能与于此？而其言曰：“贫富不均，教养无法，虽欲言治，皆苟而已。”议与学者买田画井，而其疆界不失公家之赋，而立敛法、广储蓄、救灾恤患、厚本抑末，以见先王之遗意而当今可行也。又曰：“今欲以正经为事，自古圣贤莫不由此而始远者，大者有所未及而可于家庭见之。”又曰：“学者且须识礼，可以滋养德性、集义养气，盖有所据依即有常业可以见诸行事。”其端绪可见如此。方是时，关、洛相望，表里经纬，孟子以来，未有盛于此时者。

世祖皇帝初年覃怀文学，许文正公尚书与师友讲明斯道，儒者之效遂大见于当时。矧[其]风气，四塞之地，土厚水深；其生人也，质直而忠厚，文王四公<sup>①</sup>之教尤易推行。学于斯者，思周公之为治，以极于孔子之道；因横渠之学，而博通乎濂、洛之原，则化行俗美，贤才众多，岂不于吾雍学而见之乎？《诗》曰：“南山有台，北山有莱。乐只君子，邦家之基。”请以诸大夫君子而与其都人士共讲焉<sup>②</sup>。

中有成德堂。《马志》：府学成德堂高敞雄壮，元末毁，明宣德中建为明伦堂。

**明学** 《通志》：成化九年，巡抚马文升即宋、元学修，万历二十一年，长安令沈听之、咸宁令李得中重修。

**本朝西安府学** 《通志》：顺治十年，提学田厥茂即明代旧址增修学制。大门前有坊，内有泮池，仪门内当甬道为魁星楼，中为明伦堂，两旁四斋，曰志道、据德、依仁、游艺。东西号舍各三十六楹。堂后为尊经阁，阁后神器库。射圃亭在长安县学右，教授、训导廨在明伦堂后。《会典》：教授一员，复设训导一员。

① 四公：又作“周公”。

② 虞集《重修奉元路庙学记》载于数种典籍，其文字间有互异，然其意一也，恕不一一出校。

又《通志》：阴阳学在府治东，医学在府治西。

**文庙** 《通志》：在府治东南。建自宋初，元至正间行省平章廉希宪修，明成化间巡抚马文升，嘉靖间巡抚王尧封，万历癸巳长安令沈听之、咸宁令李得中先后增修。前有坊，内为棂星门，次戟门，次两庑，各十七间。中大成殿，殿内恭悬本朝康熙二十三年十月御书“万世师表”额、雍正四年三月御书“生民未有”额。咸宁学之东为崇圣祠。各州县学如制，不具载。《关内周咨录》：正殿后为碑林。俗称碑洞。碑林经始于宋元祐庚午龙图阁学士吕大忠。见黎持《京兆府学新移石经记》。明成化癸巳，中丞马文升修。见商辂《重修儒学碑》。万历癸巳，首令沈听之、李得中复修。见周宇《重修儒学碑》。

本朝康熙庚子，候补令徐朱燝重加辑治。盛熙祚《重修西安府学碑林记》：唐文宗开成二年，宰相郑覃判国子祭酒，勘定九经，勒于太学。先是，大历间司业张参撰五经文字，岁久传写，点画参差，翰林待诏唐（元）[玄]度依司业旧本复撰《九经字样》。既成，表请附五经之末，兼请于国学创立石经。是石经虽郑覃辈成之，而其议实始于（元）[玄]度。当韩建筑新城，石经弃于野矣。朱梁刘鄩守长安，幕吏尹玉羽请辇入城，得置尚书旧省。宋元祐五年，龙图吕大忠领漕陕西，始置于此学官。黎持作《新移石经记》，曰：“分为东西，比次成列，明皇注《孝经》及建学碑立于中央，颜、褚、欧阳、徐、柳之书，下迨偏旁、字源之类，则分布于庭之左右。”今历考之，惟建学碑及褚书不存，然其遗规宛然元祐之旧，是知碑林端自龙图始。又曰：“金石之固，不得其人以护持之，亦难必其可久，此吕公为有功于圣人之经。”又曰：“使后之君子知古人之用心而不废前功，庶斯人之有寄。推其意，直欲千百世下，好古之士相与宝此翰墨之渊藪也。”嗟乎！关中汉、唐碑版不可枚举。宋天圣间，诏建浮图，姜遵知永兴军，取汉碑之坚好者，以代砖甃，有县尉具言不可，遵以故隔朝命按罢之。时何斯举作诗云：“长安古碑用乐石，螭尾银钩擅精密。缺讹横道



已足哀，况复镌裁代砖甃。有如天吴与紫凤，颠倒在衣吁可惜。”则元祐以前碑版之厄，亦不知凡几。而九经岿然灵光，屡厄不磨，所谓神物呵护，洵不诬矣！

今名“十三经”者，在唐惟九经，并《孝经》《论语》《尔雅》，康熙七年，中丞贾汉复补刻《孟子》七卷，遂合为十三经。今上天纵多能，精摩古人书法，群工勒石建御书之亭，宛琰之光，超越今古，此又当代之文明也！自金、元以来，好事者又往往重勒旧本，而能书家亦各摹片石于其中。栋宇虽存元祐之旧而朽于风雨，殆不可支。吾里徐君来游于秦，摩挲其侧，仰而叹曰：“石经行且委瓦砾，龙图之功于斯废矣。斯文所寄，予且新之。”遂倾其橐鸪工焉。三阅月而告成，故都壮观复在于目。其有功于圣人之经，龙图之后，又何多让？余乐观其成，不可不书也。

君名朱燮，字孚尹，浙之秀水人。博学好古，负才具，将令县云。

乾隆壬辰，中丞毕公复鼎新焉。《陕甘资政录》：西安郡学后旧有碑林，置唐、宋以来石刻，岁久未修，墙宇倾圯，兼以俗工日事捶拓贞珉，将有日损之势。余简任封圻，莅止斯土，释奠之始，议加改建，不一岁而工毕。为堂五楹，恭奉我朝列圣御书贞石。南为敬一亭，又南建庭并左右廊庑数十楹，砌置《开成石经》及宋、元以前碑版，又南置《石台孝经》。以上屋宇，并周以阑楯，其锁钥有司掌之，帖估不得恣意摹拓，庶旧刻得以垂诸永久。至明代及近人碑刻，则汰存其佳者，别建三楹于敬一亭之西为之安置，兼以资拓工口食焉。

**入学额数** 《会典》：西安府大学岁科试额进文生员二十名，岁试额进武生员二十名。

**学田** 《通志》：府学廩饩及贫生银两，俱于长安、咸宁二县学租内支給，不另设田。

**贡院** 《通志》：在府治西北，明景泰间左布政使许资奏建。嘉靖四年，巡抚王荩、巡按郑气以号舍旧为蓆棚，悉易以木。又



拓增数百间，筑内外缭垣。又引通济渠于五星堂下。十九年，巡按张光祖兴修明远楼，在中，北为至公堂，又北为外帘，又北为聚奎堂，又北为主考厅，五经房列左右。本朝康熙五十六年，布政使萨穆哈增建南号舍。雍正元年，巡抚噶世图续建，易以瓴甍。

**关中书院** 《通志》：在府治东南。明万历三十七年，布政使汪可受，按察使李天麟，参政熊应占、闵洪学，副使陈宁、段猷显为冯从吾讲学建。《一统志》：本朝康熙二年重修。乾隆二十一年秋，皇上赐额曰“秦川浴德”。

按：西安旧有正学书院，李东阳《记》云：在府治西南，盖宋横渠张子倡道之地，吕大钧等皆得其传。元许鲁斋主学事，亦多造就。省臣建议为书院，合祀横渠、鲁斋及乡贤杨元甫。入明百余年，遗址无存。（宏）[弘]治九年，提学杨一清卜地重建。《贾志》：（宏）[弘]治中，提学王云凤于正学书院建楼，广收书籍，以资诸生诵览。嘉靖中，士趋诡异，督学唐龙复新书院，选士肄习其中，划其奇靡而约诸理道。其所登进，多为名臣。《关学编》：万历乙酉，许孚远督关中学，聘礼三原王之士<sup>①</sup>，多士兴起。

本朝巡抚贾汉复重修。至关中书院旧为督学使署，康熙六十一年，督学改驻三原旧行署，此地仍为书院，其正学书院亦并入焉。今中丞毕公乾隆辛卯莅任伊始，即念移风易俗，教化为先，因重事修建。延致经师江宁戴进士祖启主席其间，复于通省生徒中选其有德造者，俾潜心教学，共获观摩。旬有试，日有课。不数载，关中乡会中式膺馆选者，大半皆书院之士，一时称盛事。顾中丞之意，则惟愿诸生讲求经术，道达事理，出可以仔肩巨任，处可以佑启后人，于以仰副国家、稽古右文、造士作人之至意焉。

昔范文正经略西事时，一见横渠张子，即授《中庸》，其后坐

① 三原王之士：《关学编》卷四《秦关王先生》条：“先生名之士，字欲立，号秦关，学者称‘秦关先生’。其先咸宁人，五世祖志和迁居蓝田，其后子孙因家焉。”本卷后文即有“蓝田王之士”之语；本志卷三十六亦作“王之士，字欲立，蓝田人”。

拥皋比，开来继往，自蓝田诸吕，后以汧本朝二李诸君，关学之传，希踪濂、洛，然其原实，文正有以启之，故为详著于卷，俾各属之州牧、令长，咸能克广德心，振兴文教，则班固所云“洪化惟神，永观厥成”者，其在此时欤！

**风俗** 《周礼·职方氏》：雍州，其民三男二女，其畜宜牛马，其谷宜黍稷。《诗[纬]·含神雾》<sup>①</sup>：秦处仲秋之位，男懦弱，女高臄，白色身，音中商，其言舌举而抑，声清而扬。《春秋说题辞》：秦金积坚，故秦俗亦坚。《朱子诗传》：雍州土厚水深，其民厚重质直，无郑、卫骄惰浮靡之习，以善导之，则易于与起而笃于仁义；以勇驱之，则其强毅果敢之资，亦足以强兵。力农而成富强之业。《管子·水（道）[地]》<sup>②</sup>篇：秦之水汧[最]而稽，淤滞而杂，故其民贪戾，罔而好事。《吴子》：秦性强，其地险，其政严，其赏罚信，其人不让，皆有斗心。《史记·货殖传》：文王作丰，武王治镐，其人犹有先王遗风。好稼穡，植五谷，地重，重为邪。汉都长安，四方辐辏，地小人众，其民玩巧而事末。又都国诸侯所聚会，故其民纤俭习事<sup>③</sup>。《商鞅传》：商君定变法之令，行之十年，家给人足。民勇于公战，怯于私斗。《李斯传》：击瓮叩缶，弹筝搏髀，而歌呜呜者，秦之声也。《汉·地（里）[理]志》：汉都长安，徙齐诸田，（起）[楚]昭、屈、景，及功臣、吏二千石、高訾富人、豪杰并兼之家于诸陵。是故五方杂厝，风俗不纯，其世家则好礼文，富人则商贾为利，豪杰则游侠通奸。又郡国辐辏，浮食者多，民去本就末，列侯贵人车服僭上，众庶仿效，羞不相

① 《后汉书·樊英传》李贤注：七纬者：“《诗》纬《推度灾》《记历枢》《含神雾》。”据补“纬”字。

② 《管子》无“水道”篇，有《水地》篇，下引即出该篇，据改。

③ 据《管子·水地》补。房玄龄注：“最，绝也。”

④ “都国诸侯所聚会，故其民纤俭习事”一句，系《史记·货殖列传》说“昔唐人都河东，殷人都河内，周人都河南”之“三河”间民俗，非指秦地也。本志误引于此。

⑤ 据《汉书·地理志》改。

及。嫁娶尤崇侈靡，送死过度。贾谊《陈政事疏》：秦人家富子壮则出分，家贫子壮则出赘。借父耰锄，虑有德色；母取箕帚，立而诃语。抱哺其子，与公并倨；妇姑不相悦，则反唇而相稽。匡衡《政治得失疏》：太王躬仁，邠国贵恕。今长安习俗，无以异于远方，郡国来者，无所法则，或见侈靡而仿效之。《魏·崔浩传》：关中华、戎杂错，风俗劲悍，欲以荆、扬之化施之函、秦，此无异解衣包火，张罗捕虎<sup>①</sup>。《隋·地理志》：京兆，皇都所在，俗具五方，人物混淆。去农从商，争朝夕之利；游手为事，竞锥刀之末。贵者崇侈靡，贱者薄仁义，豪强者纵横，贫窶者窘蹙。桴鼓屡惊，盗贼不禁。《宋·地理志》：陕西其民慕农桑，好稼穡。鄠杜南山，土地膏沃，二渠灌溉，兼有其利。大抵夸尚气势，多游侠轻薄之风，甚者好斗轻死。《广皇輿考》：西安府，其俗男耕女桑，先勇力，尚气概。王维祯《与王南溟书》：关中故俗，其人质直尚气，鲜儇黠诡佞之习。乃今渐浇古朴，闾阎构讼，百伪朋兴。薛敬之《思庵野录》：读《秦风》，喜得无淫奔之诗，见得秦俗好。

按：古今致治之源，在于人心风俗。而所以整顿风俗、转移人心者，其端先自学校始。向见书册所称秦俗，率谓其士习狃薄，民俗剽悍。余往来关中四载，见其士，则温文而知礼；让其农，则俭朴而安耕凿。乐事劝功，尊君亲上，丰镐之遗，犹可想见其一二，是非沐浴于圣朝教泽之深而能如是耶？故以风俗著于学校后，其概言雍秦者不录。至若礼从宜、施从俗，《通志》于《风俗》内著《礼仪》《化导》二门，立意殊善，以束于卷帙，不能具载。昔唐醴泉令京兆冯伉有《谕蒙书》十四篇，未见全本。此外如张子所撰《横渠张氏祭礼》一卷，《吕氏乡仪》一卷，《乡约》一卷，《宋史·传》：吕大防“尝为《乡约》”，陈氏《[直斋]书录解题》及《宋·艺文志》称吕大钧撰。《编礼》

<sup>①</sup> 此段文字实出《资治通鉴·晋义熙十三年》（卷一一八）。《魏书·崔浩传》所载与此文字有异。

三卷，宋吕大临编。《正俗乡约》《正世要言》明蓝田王之士撰。《家礼纂要》十六卷，明咸宁秦可贞撰。《婚丧泊隄》一卷，明蒲城李应策撰。《宁俭约》《仁里约》明渭南史记事撰。《谕俗约言》明商州邵可立撰。《家礼宁俭》二卷，明鄠县王心敬撰。《厚乡录》《申明教化书》一卷。《崇雅三约》谓丧葬、婚姻、宴会。《十议书》一卷，俱明三原王嗣美撰。《关中士夫约》明长安冯从吾撰。《风俗志》临潼令赵于京撰。《崇俭书》明韩城令左懋第撰。《正俗略》明郃阳令郭传芳撰。《十约》谓教化、蒙养、冠、昏丧、往来、宴会、揖让、房室、仆从<sup>①</sup>，明杨用晦撰。诸书，皆有关于秦中风教。有化导之责者，苟能汰其冗复，令切于日用、今可行者汇为一编，俾闾师里长家喻而户晓之，未始非移风易俗之一助也。

## 长安县

**县学** 《通志》：旧在县治西，明成化九年，巡抚马文升议徙府学西。万历三十七年，知县杨鹤修。本朝顺治八年，知县樊鸿、训导张宏业重修，旁为教谕、训导廨。《会典》：教谕一员，复设训导一员。

**入学额数** 《会典》：长安大学岁科试额进文生员十五名，岁试额进武生员十五名。

**学田** 《陕甘资政录》：计三顷四亩五分八厘，租一百二十二石九升九合。又旧置按院学田一顷十六亩九分二厘九毫，租四十六石一斗六升。

**青门学舍** 《陕甘资政录》：在西关内，乾隆三十八年即旧蚕馆改建。又社学六所。《通志》：在严家渠、周家庄、席房村、湾村、香积寺、姜村堡各一区。

<sup>①</sup> 此处只列九约，另有“立德”一约未列。



**风俗** 《魏书·陆俟传》：长安险绝之土，民多刚强。《唐国史补》：长安风俗，自贞元侈于游宴，其后或侈于书法、图画，或侈于博弈，或侈于卜祝，或侈于服食，各有所蔽。《闻见前录》：长安尚有秦、汉游侠之风。《县志》：士尚气节，人多醇朴。市交不欺，多集商贾。衣履布素，屋宇质陋，器用瓦瓷。冠婚丧祭，悉遵《会典》《家礼》。

## 咸宁县

**县学** 《通志》：旧在县治西，明成化九年，提学副使伍福奏徙府学东，知府余子俊修。嘉靖十一年知府李文极，万历十三年知县李生芳，十八年知县李得中继修。本朝顺治十二年知县余国柱，康熙三年知县黄家鼎增修。旁为教谕、训导廨。《会典》：教谕一员，训导一员。

**入学额数** 《会典》：咸宁大学岁科试额进文生员十五名，岁试额进武生员十五名。

**学田** 《陕甘资政录》：计六顷四亩七分三厘二毫，租二百五十石八升六合。又旧置按院学田地一顷二十九亩五分四厘九毫，租六十九石七斗六升六合。

**春明学舍** 《陕甘资政录》：在东关内，乾隆四十年即文昌祠建。又社学，《通志》：凡四所：新住镇、香湖湾、黄渠头、狄寨镇各一区。

**按**：咸宁旧有鲁斋书院。《元史·仁宗纪》：延祐元年，京兆为故儒臣许衡立。《续文献通考》：在县治东北，今废。其地尚名书院坊。

**风俗** 《县志》：荐绅鲜干谒，无侈田广宅。士多兼农，择师远游者鲜。农勤耕作，百工不尚技巧，惟商贾多事奢侈，外似富而内无深藏。至于性刚语直，遵守法令，征税易完，则古今如一辙焉。



## 学 校 志

### 咸阳县

**县学** 《通志》：在县治西，明洪武四年，县丞孔文郁建。天顺二年知县贾仁，正德元年知县孟统继修。旁为教谕、训导廨。《会典》：复设教谕一员，训导一员。又《通志》：阴阳学、医学俱在县治西南。

**入学额数** 《会典》：咸阳大学岁科试额进文生员十五名，岁试额进武生员十五名。

**学田** 《通志》：计地三十九亩二分，租二十石六斗四升。

按：咸阳学田于乾隆二十年河水冲崩，所有租税俱经蠲免。

**渭阳书院** 《陕甘资政录》：在城内，乾隆十一年建。又社学四所，《通志》：一在县治，其三所在贾村、双照等里。

**风俗** 《县志》：县治十里，居高原者九，居下隰者一。士民守法令，甘辛苦，安俭素，好礼度，征税易完。

### 兴平县

**县学** 《通志》：在县治西，明洪武三年沈讷建。成化十年知县王惊，（宏）[弘]治九年知县朱瑄，正德间知县李应阳，嘉靖间知县郭孔完，四十年知县朱文继修。本朝顺治十五年知县徐开熙重建。教谕、训导廨，俱在敬一亭后。《会典》：复设教谕一员，

训导一员。又阴阳学、医学，俱在县治前。

**入学额数** 《会典》：兴平中学岁科试额进文[生]员十五名，岁试额进武生员十二名。

**学田** 《陕甘资政录》：计地一顷，租三十五石。

**槐里书院** 《陕甘资政录》：在县署东南隅。

**风俗** 《县志》：民朴直负气，激之挺险则粗莽不驯，渐之礼教则节义可致。

## 临潼县

**县学** 《通志》：旧在县城北，宋咸平中知县赵恪改建。元至元二十九年知县马忙、至正十五年冬官尚书赵公谅修。明洪武二年重建。成化间知县刘聪、高垣继修。嘉靖间地震，学圯。万历十二年知县刘应聘增修。本朝康熙四十二年教谕张钟捐俸徙建于庙东。教谕、训导廨，《通志》：俱在县治北。《会典》：教谕一员，复设训导一员。又《通志》：阴阳学在县治北，医学在县治东。

**入学额数** 《会典》：临潼大学岁科试额进文生员十五名，岁试额进武生员十五名。

**学田** 《陕甘资政录》：计地九十六亩八分，租十七石三斗四升五合。

**横渠书院** 《通志》：在县治东南。赵于京《横渠书院记》：临潼旧有横渠先生祠，今废。康熙三十七年，于京将事，即察院废址捐俸筑书院，俨先生像，以时讲学于中。刻东、西两《铭》于石。

又社学二所。《通志》：一在横渠书院，一在骊山书院。

按：临潼旧有骊山书院。《通志》：在骊山下。即古白鹿书院旧址。又居善书院，在县北栎阳，元工部尚书赵公谅建。元欧阳（元）[玄]<sup>①</sup>《赵氏乡学碑记》略：至正十五年夏四月，栎阳赵

<sup>①</sup> 欧阳玄，《元史》有传。

公谅允升以书抵京师，曰：赵氏先世，以至元庚午，自冀宁交城徙奉元栌阳，遂卜居儒学西偏，今八十余年矣。国朝经画郡邑，以栌阳并入临潼，由是县学日废。公谅每过旧学，念之惕然。泰定甲子，擢进士第，筮宁州判官，调三原尹，需次家居，乃作礼殿五间，肖宣圣像其中。及进工部尚书，斥还故乡，乃遂前志。作仪门、两庑及棖星门。且以学西故宅为书院，中作讲堂，置东西两斋，前为三间，后为处学师之屋，庖廩偕作。购得田若干亩，以给春秋祭祀、岁时延师之资。聘名士以教子弟之愿学者，庶几可为化民成俗之劝。此盖家食数年之功，非惟得偿夙志，且儒臣闲居所思报国之务，宜无过于此，愿执事记以名之。（元）[玄]考其建学颠末，因取《易》所谓“居贤善俗”之旨，名之曰“居善书院”。今废。

**风俗** 《县志》：潼水深而土厚，性刚而尚气。

## 高陵县

**县学** 《通志》：在县治，北宋绍圣元年知县朱革建。宋吴柔嘉《儒学碑记》略：高陵古之畿县，今其俗凋敝，民陋而朴。绍圣之初，天子以宪章继述为念，邑令朱公思欲奉承圣化。会运使张公按临斯邑，即以建学为请，得钱二万。辟廊宇相对十二楹，面宣圣殿为讲堂各三楹，西庑东向七楹，门三楹。东其门之两翼为二斋，中亭以限内外，前墉后庖。落成之初，邑民大悦。

崇宁四年，知县范栋增修。宋范栋《重修儒学碑纪》略：今天子即位，绍述神考之政，作新人才。崇宁二年，诏天下行三舍以察行素，严月试以考艺能，于是命州县出常平钱悉建学社，俾守令以董之，遣使者以总之。越明年，罢科举，申命有司：凡学舍隘陋、供馈疏薄，悉数之于法，是以天下悚然奉行。惟高陵县学昔在城南，有屋三十五楹，乃绍圣元年所置。至崇宁二年首承明命，更添三楹外，悉仍其旧。与先圣殿相对，其间不能咫尺，两廊分三斋，仅能列其几案，私觐之舍及夫架阁、

祭器、经书、粮储之库皆阙焉。崇宁四年，臣栋备员令职，于是斥官地以广之，南北四十有二步，东西五十步，实其沟壑，高其垣墉，比旧增七十楹。上非敢谓广天子之德泽也，聊以尽下吏职官之责云尔。

元中统二年，县丞张鼎更建。明洪武六年修。正统间知县张锦，天顺间知县张琦、张傑，成化二十年知县段让，（宏）[弘]治六年知县杨舟，嘉靖四年知县邓兴仁，十年知县杨刚继修。本朝顺治十年知县王元捷，十八年邑人李原茂，康熙十九年知县张都，五十八年知县熊士伯增修明伦堂，后为教谕廨，教谕廨后为训导廨。《会典》：复设教谕一员，训导一员。又《通志》：阴阳学、医学，俱在县治东。

**入学额数** 《会典》：高陵中学岁科试额进文生员十二名，岁试额进武生员十二名。

**学田** 《陕甘资政录》：计一顷十一亩七分三厘，租二十五石一斗三升六合六勺。

**景槐书院** 《陕甘资政录》：乾隆二十六年，知县赵友烺建。

按：高陵旧有渭上书院。《通志》：在县南渭北，元延祐初建。又明有泾野书院。又社学五所，一在县治西街，其四在乡之店子头、魏村等里。又义学三所：一在杨官寨，一在东马家村，一在河南马家村，俱雍正七年立。今并废。

**风俗** 《县志》：民多醇厚，尚勤俭，事耕织，好礼度，征税易完，词讼尤简。

## 鄠县

**县学** 《通志》：旧在县城外，明洪武七年教谕张绅移建县西，永乐十二年教谕方蕲、训导冯翊撤而新之。正统十二年知县徐纯，嘉靖六年知县康天爵，崇祯十一年知县张宗孟继修。本朝顺治十一年知县魏以韩，十八年署县骆钟麟，康熙十七年知县曹尔弼，

二十一年知县康如琰，三十八年知县朱文卿增修。北为教谕、训导廨。《会典》：教谕一员，训导一员。《通志》：阴阳学在县治北，医学在县治西。

**入学额数** 《会典》：鄠县大学岁科试额进文生员十五名，岁试额进武生员十五名。

**学田** 《陕甘资政录》：计地三十七亩五分，租二十二石五斗。又社学田五亩，租三石。康熙五十七年，督学觉罗逢泰捐置。又知县吴廷芝捐置四亩，租六石八斗。又绅士等捐置地二亩，租三石三斗。

**明道书院** 《陕甘资政录》：乾隆三十四年，知县汪以诚建。又社学一所，《通志》：在乡贤祠内。又义学一所，在县治西。明知县宋廷琦、本朝知县刘文燦合祀祠内。

按：鄠县南山下柳塘，旧有清风阁读书堂，为元杨奂隐居教授之所。又有漾陂书院，《通志》：在县治西。又二曲书院，在县治西南三里，王心敬延其师李顥讲学于此。今并废。

**风俗** 《县志》：讼简民醇，粮完易治。

## 蓝田县

**蓝田县学** 《通志》：在县治南，明洪武十年知县楼琰建。正统八年知县王禧，嘉靖六年知县王科，二十八年巡抚程軫，万历年间知县李景登，三十年知县王邦才继修。本朝顺治十年知县苏就大复修。旁为教谕、训导廨。《会典》：复设教谕一员，训导一员。《通志》：阴阳、医学，俱在县治南。

**入学额数** 《会典》：蓝田小学岁科试额进文生员八名，岁试额进武生员十二名。

**学田** 《陕甘资政录》：计地六十亩，租二十二石一斗七升三合。

**玉山书院** 《陕甘资政录》：在县治旁，乾隆四十年知县阮曙建。又社学五所，《通志》：在县治、厚子镇、南大寨、故景川、



泄湖镇、安村等里<sup>①</sup>。

按：蓝田县旧有瀛州书院。《通志》：在县治南，唐学士李（元）[玄]通建。明（宏）[弘]治间知县任文献修。又芸阁书院，在吕氏四贤祠后，旧有芸阁寺，俗呼吕氏庵。（宏）[弘]治中提学王云凤撤佛像，颜曰芸阁书院。知县任文献修。万历三十年县令王邦才重修。又秦关书院，知县梁一道为王之士建。今并废。

**风俗** 王邦才《武安王庙记》：蓝之俗醇而雅，蓝之民朴而质，蓝之士大夫操行而愿恪。《县志》：士风朴茂好学，百姓亦知崇尚孝弟力田，但不习商贾，闾里因多困乏。

## 泾阳县

**县学** 《通志》：在县治西南，宋元祐五年建。明洪武二年，知县张师孟重建。天顺元年主簿潘敏，嘉靖间知县樊钟岱、朱友达，万历三年知县傅好礼，崇祯五年知县梁士淳继修。本朝顺治五年知县张应召重修明伦堂。西为教谕廨。又训导廨在教谕廨南。今废。《会典》：教谕一员，复设训导一员。

**入学额数** 《会典》：泾阳大学岁科试额进文生员十五名，岁试额进武生员十五名。

**学田** 《陕甘资政录》：计地四十三亩六分四厘四毫五丝，租二十六石一斗八升六合七勺。

**瀛洲书院** 《陕（西）[甘]资政录》：在县学西，乾隆六年知县唐秉刚，二十一年知县杨必名，三十四年知县杜锜继修。

**风俗** 《对山集》：泾阳为西安剧县，政繁而道冲，俗美而习敝，民逐末于外者八九。《县志》：泾邑习尚旧，颇近古人，尚朴素，崇儒薄吏，故仕宦视昔十倍，富人亦数倍之。近则婚丧渐以

<sup>①</sup> 以上实列六处。据雍正《蓝田县志》卷一：“社学，旧制各里皆设，后尽被侵废。雍正七年，李公元昇奉文复建，设四乡，共五处：一在厚子镇，一在大寨村，一在故景里，一在泄湖镇，一在安村。”

豪华相尚，惟刚正负气之性，今古不殊焉。

## 三原县

**县学** 《通志》：在县治西北。元大德十年，镇人马德明创建，县尹郭真拓修。至正十年县尹李诚，二十八 years 左丞陈思道重修。明洪武二年县丞仰山重建。成化十二年知县李景繁，（宏）[弘]治四年知县马龙，万历间进士温纯继修。本朝康熙二十一年知县叶章，三十五年知县俞琰复修。教谕廨在县城南街，训导廨在学旁，棂星门前。《会典》：复设教谕一员，复设训导一员。《通志》：阴阳学、医学，俱在县治南。

**入学额数** 《会典》：三原大学岁科试额进文生员二十名，岁试额进武生员十五名。

**学田** 《陕甘资政录》：计地五十六亩九分二厘，租二十三石一斗三升八合。

**学古书院** 《通志》：在县治西北，元延祐七年邑人李子敬暨弟子懋创建。《关学编》：三原李子敬创学古书院，延泾阳程瑁讲学其中，远近从游者百余人，称悦古先生。《通志》：明（宏）[弘]治元年，西安知府徐政重建。嘉靖四十四年<sup>①</sup>地震，圯。四十六年<sup>②</sup>，县丞张九功修。万历间巡按傅振商增修。又（宏）[弘]道书院。王云凤《碑记》：在县治北，明（宏）[弘]治九年建。邑人王承裕讲学于此。《关学编》：王端毅致仕，康僖以进士侍归，讲学（宏）[弘]道书院。三原马理即（授）[受]<sup>③</sup>讲康僖所。又社学，《通志》：在县南门内。

按：三原旧有嵯峨书院。《通志》：光禄卿马理讲学处。今废。

① 四十四年：应作三十四年。嘉靖三十四年十二月，关中大地震。

② 此处疑有误。嘉靖无四十六年。《明史·世宗纪》：嘉靖四十五年十二月庚子，崩。遗诏裕王嗣位。次年改元隆庆。

③ 据《关学编·溪田马先生》改。

**风俗** 《县志》：士能敬业，城邑乡井类多弦诵，科目甲于诸邑。农勤力作工，不事淫巧。惟民多商贾，远出至数年不归，思欲转移。令务本轻末，从事耕耘，其势良难。

## 整屋县

**县学** 《通志》：在县治东南，元大德十一年建。至正间知县王渊修。明洪武四年重修。三十年按察使师存智，（宏）[弘]治间知县萧选，正德间知县吴愚，嘉靖间知县姒昂，四十二年知县何起鸣，万历间知县梁克顺，天启间知县田时畅继修。本朝顺治八年知县张成功修。十七年知县骆钟麟重建。康熙十七年知县章泰，五十六年署县吴廷芝、教谕安其位，五十八年知县董霭增修。旁为教谕、训导廨。《会典》：教谕一员，复设训导一员。《通志》：阴阳学、医学，俱在县治西。

**入学额数** 《会典》：整屋大学岁科试额进文生员十五名，岁试额进武生员十五名。

**学田** 《陕甘资政录》：计地一顷三十五亩五厘，租五十二石五斗七合六勺。

**对峰书院** 《县志》：在东门外，乾隆十三年知县邹儒建。又义学二所，在终南、祖庵二镇。

按：整屋旧有集贤书院。《通志》：在仓右。嘉靖二十五年知县李春芳倡始，四十二年知县何起鸣增修。今废。

**风俗** 唐沈亚之《整屋县丞厅壁记》：市闾杂业者多于县人十九，趋农[桑]<sup>①</sup>业者十五。富民<sup>②</sup>豪农，颇输名买横，缓急以自蔽匿。民冒名欺偷，浮诈相糝。《县志》：士尚气节，刚直不阿。又云：地僻民朴，不工不商。食惟田畜，衣惟桑绵，器惟瓦瓷。凡昏丧交际之具，率以土物充之。迩年以来，渐趋靡丽。

① 据《全唐文》卷七三六补。

② 富民：《全唐文》卷七三六作“奸民”。

## 渭南

**县学** 《通志》：在县治东，明洪武二年县丞吴云建。成化九年，知县周宁修。嘉靖间，以地震圯，知县李希雒重建。知县王宫用、赵云程，隆庆间知县梁许、帅祥，万历间知县张栋、杨所<sup>①</sup>继修。本朝顺治十年知县尚九迁，十四年知县陆赞奇，康熙初年知县孙燠，四十二年知县黄培增修。明伦堂西南为教谕、训导廨。《会典》：教谕一员，复设训导一员。《通志》：阴阳学、医学，俱在县治西。

**入学额数** 《会典》：渭南大学岁科试额进文生员十五名，岁试额进武生员十五名。

**学田** 《陕甘资政录》：计地二顷八十二亩二分六厘一毫，租五十六石四斗五升二合二勺。又义田案内学田地七十八亩，租十一石七斗。

**渭阳书院** 《陕甘资政录》：在县城东南隅，乾隆二十六年绅士捐建。又义学三所：一五凤书院，在县城东门外，乾隆二十九年改建；一在县东赤水镇，乾隆十七年建；一在县北下邽镇，乾隆三十七年建。

**风俗** 《县志》：人性勇悍，尚朴实，耻游惰奢靡，非礼会不聚饮听乐。尊卑贵贱，衣服器用，品式森然，莫敢僭逾。

## 富平县

**县学** 《通志》：在县治东北，明洪武三年主簿陈忠信建。九年，县丞芮弼修。天顺五年知县王傑，成化十八年知县张本，（宏）[弘]治五年知县陈润，八年知县李良，正德六年知县刘藻，嘉靖

<sup>①</sup> 杨所：清道光《重辑渭南县志》卷三，记渭南知县有商城进士杨所修，万历三十八年任。本志卷二十四亦记有明万历间渭南知县杨所修。

三十五年知县赵桐，隆庆间知县史燦，万历七年知县刘兑继修。本朝康熙十九年知县郭传芳，五十二年知县杨勤重修。教谕廨，在县治东北。训导廨，在明伦堂西。《会典》：教谕一员，复设训导一员。《通志》：阴阳学、医学俱在县治东。

**入学额数** 《会典》：富平大学岁科试额进文生员十五名，岁试额进武生员十五名。

**学田** 《陕甘资政录》：计地一顷二亩三分九厘九毫五丝，租三十九石三升六合二勺。

**南湖书院** 《陕甘资政录》：在东屏堡西门外里许，乾隆三年知县乔履信建。三十九年知县崔龙见修。又义学五区，乾隆十七年知县李世垣即东乡张桥，北乡流曲、曹村三镇，西村、红燄二村废寺改建。又城中土地祠亦有义学。

按：富平旧有新城书院，《通志》：在县西，明嘉靖九年知县刘希简建。今废。

**风俗** 《县志》：富平为丰镐北地，其民有先王遗风。勋业节义，接踵前修，敦厚力本，遍满境内。

## 醴泉县

**县学** 《通志》：初在旧县治东南，宋皇祐间，殿中丞薛周建。明洪武四年移今县治东。（宏）[弘]治六年知县王锡修。十年，提学杨一清议徙县治南。十六年知县李用，嘉靖九年署县同知刘茂贤，万历二十三年知县张大美，天启五年知县萧如尹继修。本朝康熙二年知县查蜚英，十三年知县郑廷秀，署县王尔谦，十九年知县刘名誉、教谕乔子煜、训导陈楷，三十八年知县裘承佩、教谕梁应辰，雍正九年署县钱界复修。教谕、训导廨，在明伦堂左右。《会典》：复设教谕一员，训导一员。《通志》：阴阳学在县治东北，医学在县治西。

**入学额数** 《会典》：醴泉大学岁科试额进文生员十五名，岁试额进武生员十二名。



**学田** 《陕甘资政录》：计地三十八亩五分，租十一石五斗五升。

**饮凤书院** 《陕甘资政录》：在县署东，乾隆二十一年建。又社学，《通志》：在新城南门内，万历间知县张大美建。

**风俗** 《县志》：醴俗素称简朴，习尚剽悍。

## 同官县

**县学** 《通志》：在县治东。明洪武八年知县鲁俊因宋旧址建尊经阁，东为训导廨。《会典》：训导一员。《通志》：阴阳学、医学，俱在县治东。

**入学额数** 《会典》：同官小学岁科试额进文生员八名，岁试额进武生员八名。

**社学** 《通志》：在县治东。

按：同官旧有崇正书院。《通志》：在县东北故频山寺。嘉靖八年，御史王仪行县，改建书院。今废。

**风俗** 《县志》：士尚气节。齐民专务稼穡，不事织纺，不习商贾。民少生业，故贫，然亦能蓄积节用。

## 耀州

**州学** 《通志》：在州治北，宋嘉祐中建。明洪武三年，知州魏必兴重建。成化十一年知州邓正，（宏）[弘]治八年知州任奎，嘉靖三十九年知州江从春继修。学正、训导廨，《州志》：在明伦堂左右。《会典》：学正一员，复设训导一员。《通志》：阴阳学、医学，俱在州治南。

**入学额数** 《会典》：耀州小学岁科试额进文生员八名，岁试额进武生员八名。

**学田** 《陕甘资政录》：计地九十亩一分七厘，租三十八石四合六勺。

**文正书院** 《通志》：在北门外步寿原故明德寺，明嘉靖二年改建。《州志》：本朝乾隆二十四年知州汪灏兴修。又义学，《通志》：在州署西。

**风俗** 《方輿胜览》：习俗醇庞，才多英俊。《九域志》：耀州直市，物无二价，故以直市为名。

## 职官志

汉宣帝诏云：“与我共此民者，其惟良二千石。”则牧守一官，自昔为重矣。矧古京兆之区，容保教思，近在畿辅，汉、隋、唐以来，记载循良，堪励厥后者，史不绝书。顾往志《职官》与《名宦》厘而为二，义例未审，今并书为六卷。至古来建都之地，所治与所辖在畿内者，不一其职，如汉冯翊、扶风并治京兆，唐节度、观察兼辖都城之类。然所典皆王朝之事，略在《大事志》卷中。至于所治或非京兆之地，所职或非太守之事，如汉北地、汉中诸太守，司隶、京辅诸校尉之类。姓氏焚如，更无事循名而责实矣。

### 汉

#### 京兆尹

《关内周咨录》：汉制：京兆尹掌治京师。《百官公卿表》：景帝二年，置左、右内史。《地理志》：武帝建元六年置。严观按：《百官表》载景帝元年晁错为左内史，与《表》称二年者不合；郑当时武帝建元四年为右内史，与《地理志》称建元六年者亦不合。武帝太初元年，更名京兆尹，秩二千石。其属有丞，长安令、丞，市厨令、丞，都水长、丞，铁官长、丞。县令别叙。后仿此。

周苛高帝元年。杜恬高帝五年。董赤文帝十四年。宁成南阳人，叩并建元元年。石庆万石君少子，建元二年。石偏建元三年。充元光二年。已上为内史，已下改京兆尹。

无忌太初元年。于己衍征和二年<sup>①</sup>。建后元元年<sup>②</sup>。韦璆武帝时。隼不疑渤海人，始元元年。樊福始元六年。严彭祖东海下邳人，元凤四年。田成本始元年。赵广汉蠡吾人，本始三年。遗元康元年。黄霸阳夏人，元康三年。张敞杜陵人，神爵元年。成甘露四年。陈遂杜陵人，初元元年。范代郡人，初元二年。成初元四年。张谭琅琊人，永光四年。王昌建昭五年。宋平建始元年。甄尊杜陵人，建始二年。王尊<sup>③</sup>高阳人，建始四年。宋登齐人，河平二年。王章钜平人，河平四年。逢信平陵人，阳朔元年。王吉成帝时。王骏皋虞人，阳朔四年。邓义河内人，鸿嘉元年。刘威鸿嘉二年。翟方进上蔡人，鸿嘉三年。刘子泄永始二年。何武郾县人，永始四年，以司隶校尉任。王建元延元年。孙宝鄢陵人，元延二年。薛宣郾人，绥和元年。朱博杜陵人，绥和二年。邴汉琅琊人，绥和二年。王嘉绥和二年。母将隆兰陵人，建平三年。申屠博茂陵人，建平四年。薛修哀帝时。翟萌南阳人，元寿元年。孙意清河人，元寿三年<sup>④</sup>。金钦元始元年。钟义元始四年。武襄元始五年。尹立 陆恭吴县人。王柏高阳人。

### 县令

《关内周咨录》：汉制：县令掌治其县，万户以上，秩千石至六百石。其次有县长，减万户，秩五百石至三百石。属有丞、尉、经师。成帝时，校置经师一人，庠序置孝经一人。亭长、乡三老、嗇夫、游徼。

杜 燧 《汉书》：文帝诏令长安令杜燧建终南山为广惠公祠。

胡 建 《汉书》：字子孟，河东人。孝武天汉中为渭城令，

① 《汉书·百官公卿表》：征和二年，京兆尹于己衍坐大逆，诛。

② 《汉书·百官公卿表》：后元元年，京兆尹建坐祝诅，腰斩。

③ 王尊：《汉书·百官公卿表》作“王遵”。本传则作“王尊”。

④ 三年：《汉书·百官公卿表》作“二年”。

治有声。值昭帝幼，皇后父上官将军安与帝姊盖主私夫丁外人相善。外人骄恣，怨故京兆尹樊福，使客射杀之。客藏公主庐，建将吏卒围捕，盖主闻之，多从奴客往，奔射追吏，吏散走。主使仆射劾渭城令游徽伤主家奴，建报无它坐。盖主怒，使人上书告建侮辱长公主，射甲舍门。知吏贼伤奴，辟报故不穷审。大将军霍光寝其奏。后光病，上官氏代听事，下吏捕建，建自杀。吏民称冤，至今渭城立其祠。

**魏 相** 《汉书》：字弱翁，济阴定陶人，徙平陵。举贤良，以对策高第，为茂陵令。御史大夫桑（宏）[弘]羊客诈称御史止传，丞不以时谒，客怒缚丞。相疑其有奸，收捕，案致其罪，论弃客市，茂陵大治。

**杨 兴** 《汉书》：字君兰，以材能著，与贾捐之善。捐之荐为长安令，吏民敬乡。

**冯野王** 《汉书》：字君卿，杜陵人，奉世子。通《诗》，年十八，上书愿试守长安令，宣帝奇其志。后以治行高，补当阳长<sup>①</sup>。历栌阳、夏阳令，迁陇西守，入为左冯翊。

**轅 丰** 《通志》：建始间为长安令。治有能名，擢司隶校尉。

**韩 稜** 《汉纪》：字伯师，颍川舞阳人。为下邳令，视事未周，吏人爱慕。时邻县皆雹伤禾，稜界独无。

**朱 云** 《汉书》：字子游，鲁人，徙平陵。元帝时为博士，迁杜陵令。成帝时，上书愿借尚方斩马剑断佞臣张禹头。上怒，欲杀之，云攀殿楹，楹折，呼曰：“得从龙逢、比干游于地下足矣！”辛庆忌以死争，得释。年七十，终于家，葬平陵东郭外。

**萧 育** 《汉书》：字次君，望之子。元帝时为茂陵令。郡贼阻山，为害数月，育尽捕诛之。迁南郡太守。

**张 猛** 《汉书》：城固人，骞之孙也。永光元年，以石显、

<sup>①</sup> 后以治行高，补当阳长：《汉书·冯奉世传附冯野王传》作“后以功次补当阳长”，“以治行高，入为左冯翊”。



诸葛丰之谮，左迁槐里令。

**王尊** 《汉书》：字子赣，高阳人。以司隶校尉左迁高陵令。南山盗为民害，大将军王凤荐尊为京辅都尉行尹事，旬日之间，盗贼肃清，拜京兆尹。

**朱博** 《汉书》：字子元，杜陵人。初为县亭长，历安陵丞。成帝时，王凤秉政，长史陈咸荐博除幕府属，凤奇之，举栌阳令，已徙云阳，又徙平陵，以高第入为长安令。官至丞相，封阳阴侯。

**义纵** 《咸阳志》：河东人，文帝时为长陵令。立法公正，不避贵戚。

**严延年** 《咸阳志》：居下邳。景帝时为平陵令。坐杀无辜去官。

**何并** 《咸阳志》：蜀人<sup>①</sup>。成帝时为郡吏，至大司空（掾）[掾]，事何武，[武]<sup>②</sup>高其忠节，举能治剧，为长陵令。道不拾遗。迁颍州<sup>③</sup>太守。

**冯参** 《咸阳志》：字叔平，杜陵人，关内侯奉世第三子。少为给事中宿卫，补渭城令<sup>④</sup>。

**韦方山** 《咸阳志》：平陵人，扶阳侯贤长子，高陵令。

**杨湛** 《高陵志》：成帝绥和间任县令。

**何武** 《汉书》：字君公，郾县人。宣帝时为郎，迁鄠令，坐法免，后徙京兆尹。仁厚好奖进士类，所居无赫赫名，去后常见思。嗣王莽阴诛不附己者，武自杀。

① 《汉书·何并传》：祖父自平舆徙平陵。颜师古注：平舆，汝南之县也。《汉书·地理志》：“汝南郡，属豫州。”即今河南地。

② 以上据《汉书·何并传》改、补。

③ 颍州：《汉书·何并传》作“颍川”。《汉书·地理志》无“颍州”，有“颍川郡”。

④ 民国二十一年《重修咸阳县志》按：“《汉书·冯参传》：参竟宁中出补渭陵食官令，以病徙为寝中郎。阳朔中擢上河农都尉，病免，复为渭陵寝中郎。迨未言任渭城令。疑旧志有误”。

**王吉** 《汉书》：字子阳，琅邪皋虞人。以郡吏举孝廉为郎，补右丞，迁云阳令。

**尹逢** 《汉书》：永始三年，山阳乱，欲遣大夫问状，无可使者。时逢为整屋令，拜为谏议大夫，遣之。

**尹赏** 《汉书》：字子心，巨鹿人。成帝时以廉举令粟邑，有治声。冯翊守薛宣奇之，时频阳多盗，县令薛恭不能治，宣调赏治之，境内以安。

## 后汉

### 京兆尹

《关内周咨录》：汉初都长安，京兆尹、左冯翊、右扶风皆秩中二千石。中兴都洛阳，更以河南郡为尹，以三辅陵庙所在，不改其号，但减其秩。《初学记》云：减其秩与太守同也。至于丞、令、长之异制与否，史无明文。

**郅寿**汝南西平人，肃帝时。**班雄**扶风平陵人，和帝时。**翟酺**广汉人，安帝时。**冯緄**宕渠人，顺帝时。**陈龟**上党人，永和时。**阎兴**汝南南顿人。**袁逢**汝南人，桓帝时。**滕延**北海人。**边凤**陈留人。**唐瑒**延熹元年。**延笃**南阳犍人，以左冯翊徙。**刘陶**颍川颍阴人，灵帝时。**杨彪**华阴人，灵帝时。**盖勋**敦煌人，灵帝中平初。**司马防**温人，献帝时。**张时**河东人，建安中。**张既**高陵人，建安十六年。**郑浑**开封人，献帝时。  
**李燮** **徐师俭**

### 县令

《关内周咨录》：《汉旧仪》云长安城方十三里<sup>①</sup>，经纬各长十五里，城中皆属长安令。又，后汉大县置县令，次县、小县置县长。其属有丞，尉，五官掾，乡三老，游徼，嗇夫，乡佐，亭长，

<sup>①</sup> 十三里：《汉旧仪》作“长安城方三十里”。

里魁，什，伍。

**郑兴** 《后汉书》：郑兴，字少赣，河南开封人。建武九年，左转莲勺令，时郡县荒残，兴方欲筑城郭，修礼教以化之，会以事免，遂不复仕。

**杨琳** 《耆旧传》：杨琳为茂陵令。比县连岁蝗灾，曲折不入茂陵。

**景毅** 《梓潼士女志》：字交坚，梓潼人。司徒举治剧，为高陵令。立文学，以礼让化民。

**段颍** 《后汉书》：字纪明，武威姑臧人。学举孝廉，为宪陵园丞、杨陵令。所在有能政。

**严遵** 《四川通志》：长安令。治政严明。迁扬州刺史，当迁，民遮道止之，凡三迁，辄不得行。

**曹全** 《曹全碑》：字景完，敦煌人。建宁二年举孝廉，除郎中，迁右扶风槐里令。遭同产弟忧，弃官。

**贾琮** 《后汉书》：字孟坚，东郡聊城人。举孝廉，再迁为京兆令<sup>①</sup>，有政理迹。

**袁遗** 《三国志》注：字伯业，绍从兄，为长安令。河间张超尝荐遗于太尉朱隽，称遗有冠世之懿，干时之量。

**张既** 《临潼志》：字德容，高陵人。建安中除新丰令，治为三辅第一，后为京兆尹。招怀流民，兴复县邑，百姓怀之，祀名宦。

**赵戡** 《兴平志》：字叔茂，平陵令，王允故吏也。允被害，人莫敢收其尸，戡弃官营葬之。先是，卓尝收戡，众惊，而戡颜色自若，卓悔，谢释之。

① 再迁为京兆令：中华书局《后汉书·贾琮传》删“兆”字。校勘记：“按：《勘误》谓无‘京兆县’，又未可为尹，明多‘兆’字，是河南京县令也。今据删。”校点者按：据《后汉书·贾琮传》，贾琮并无在三辅任职记录，如此，则贾琮不应入本志。

**朱 勃** 《咸阳志》：字叔阳，扶风人。年十二，马援见而奇之。初为长安功曹，及治渭城，援常恃旧恩卑侮之。云阳令梁松等陷援，勃叩阙讼其冤。迁冀、并二州刺史。历官至丞相。封阳乡侯。

**鲜于褒** 《咸阳志》：光武初，为长陵令。即荐第五伦者。

**张 楷** 《咸阳志》：长陵令，被诬见放。汉安元年，顺帝特下诏告河南令曰：故长陵令张楷，行慕原宪，操拟夷齐，轻贵乐贱，窜迹幽薮，高志确然，独拔群俗。

## 魏

### 京兆郡太守

《关内周咨录》：《晋书·地理志》云：“魏文帝即位，改京兆尹为太守。”其属有主簿，主记室，门下贼曹，议生，门下史，记室史，录事史，书佐，循行，幹，小史，五官掾，功曹史，功曹书佐，循行小史，五官掾<sup>①</sup>，文学掾。

**颜 斐** 《三国志·仓慈传》：字文林，济北人，京兆太守。推诚惠爱，治身清白，为良二千石。《魏略》：颜斐为京兆太守，到官，令属县整阡陌、树桑果。是时，民多无车牛，斐课民以闲月，取车材，使转相教匠作车。无牛者，令畜猪狗，卖以买牛。始者民以为烦，一二年间，家有丁车、大牛。又起文学，听吏民欲读书者，复其小徭，风化大行。京兆与冯翊、扶风接界，二郡道路秽塞，田畴荒莱，人民饥冻，而京兆开明丰富。青龙中，司马宣王在长安立军市，军中吏士多侵侮县民，斐以白宣王，宣王召军市候，便于斐前杖一百，自是军营、郡县各得其分。后数岁，迁平原太守，吏民啼泣遮道，车不得前，稽平田<sup>②</sup>，十余日乃出界。行至崤，卒。京兆闻之，皆流涕，为立碑。

① 五官掾一职重出。

② 稽平田：《三国志·仓慈传附颜斐传》作“步步稽留”。

**郑 浑** 《后汉书》：郑浑，字文公，河南开封人。迁左冯翊，平梁兴贼寇。太祖征汉中，以浑为京兆尹，浑以百姓新集，为制移居之法，勤稼墙，明禁令，由是民安于农，盗贼止息。

### 县令

《关内周咨录》：魏制：县令其属有丞、尉。

**仓 慈** 《三国志》：仓慈，字孝仁，淮南人。黄初末为长安令，清约有方，吏民畏而爱之。

**卫 覬** 《魏志》：河东安邑人。少以才学称，太祖辟为司空掾属，除茂陵令，后迁尚书。

## 晋

### 京兆郡太守

《关内周咨录》：晋制：京兆郡太守领四万户。

**刘霄** 太康人。**刘颂** 广陵人，咸宁中。**羊祜** 泰山南城人，咸宁中。**张方** 惠帝时。**梁综** 愍帝时。**王毗** 愍帝时。**杜宣** **薛珍** **冯鸯** 上党人。

### 县令

《关内周咨录》：晋制：大县置县令，小县置县长。其属有主簿，录事史，主记室史，门下书佐，幹，游徼，议生，循行功曹史，小史，廷掾，功曹史，小史书佐幹，户曹掾史幹，法曹门幹，[金]曹掾史，仓曹掾史，贼曹掾史<sup>①</sup>，兵曹史，吏曹史，狱小史，狱门亭长，都亭长，贼捕掾，乡嗇夫，治书史，枚官掾<sup>②</sup>，六部尉<sup>③</sup>。

① [金]曹掾史，仓曹掾史，贼曹掾史：《晋书·职官志》作“金仓贼曹掾史”。据此补“金”字。

② 枚官掾：《晋书·职官志》作“校官掾”。

③ 六部尉：《晋书·职官志》：县皆置方略吏四人。洛阳县置六部尉。江左以后，建康亦置六部尉，余大县置二人，次县、小县各一人。邺、长安置吏如三千户以上之制。



**杜 轸** 《晋书》：字超宗，成都人。除池阳令，为雍州十一郡最，百姓生立祠，得罪者无怨言。

**张 辅** 《晋书》：字世伟，南阳西鄂人。初补蓝田令，不为豪强所屈。时强弩将军庞宗，西州大姓，护军张浚<sup>①</sup>，宗妇族也，僮仆放纵，为百姓所患。辅绳之，杀其二奴，又夺宗田二百余顷以给贫户，一县称之。

**徐 嵩** 《晋书》：字元高。少以清白称，苻坚举贤良，为郎中，迁长安令。贵戚子弟犯法者，一皆无避，请托路绝，坚甚奇之。

**鱼 佩** 《晋书》：姚兴时为长安令，清勤贞白，朝廷下诏褒勉进位。

**王 育** 《晋书》：字伯春，京兆人。博通经史，行己任性。太守命为主簿，迁万年县令。为政清严，宿盗逃奔他郡，迁并州都护。

**王 猛** 《晋书》：东海<sup>②</sup>剧人。苻坚以为始平令，明法峻刑，鞭杀下吏。坚谓群臣曰：王景略固夷吾、子产之俦也。

**彭 明** 《晋书》：姚兴时为槐里令。兴下书褒美，与鱼佩同进位一级。

**赵汝申** 《晋书》：字申之。为槐里令，饬己励俗，治绩称最。

**冯元叔** 《晋书》：始平县令。单骑赴职，未尝以妻子之官，所乘马不用刍豆。

**杨 骏** 《晋书》：字文长，(宏)[弘]农华阴人。少以王官为高陆令。

**潘 尼** 《晋书》：字正叔，荥阳中牟人。初应州辟，太康中复举秀才，为太常博士，历高陆令。

**梁 肃** 《晋书》：肃负文武才，为频阳令。时刘曜攻长安，三辅骚然。安平太守<sup>③</sup>贾疋威名甚著，肃将附疋，计恢复，遇诸

① 张浚：《晋书·张辅传》作“赵浚”。

② 东海：《晋书·王猛传》作“北海”。

③ 安平太守：《晋书·贾疋传》作“安定太守”。

涂，遂推平南将军，率众攻曜<sup>①</sup>。

按：陈尚志云：臧荣绪《晋书》：潘岳为长安令，作《西征赋》述行，赋称“岁次（元）[玄]枵，日<sup>②</sup>旅蕤宾，丙丁统日，乙未御辰。潘子凭轼西征，自京徂秦”。考岳《伤弱子序》云：“元康二年五月，余之长安。”以历推之，元康二年，岁在壬子。乙未，五月十八日也。诸志皆失载。

## 北魏

### 京兆郡太守

《关内周咨录》：《魏书·官氏志》：郡置三太守，上有刺史，下有令长。其属有内史、相、功曹、中正、定姓族、主簿、通事。京兆郡治霸城，隶雍州。西魏同。

张应《魏书》：张应，通许人。延兴中迁京兆太守，所在清白，得吏民心。雷绍武川人，孝武时。崔旷博陵安平人。蔡祐陈留人。郑孝穆开封人。王悦蓝田人。崔訖博陵安平人。索僧养敦煌人，敞子。崔猷博陵安平人。以上大统时。卢光范阳涿人，废帝元年。高忱《北史》：高忱，字士和，允子，位长安太守，为政宽惠，百姓安之。

### 冯翊郡太守

《关内周咨录》：北魏制：冯翊郡治高陆，所辖高陆、频阳、万年、莲勺、广阳、鄠县。西魏同。

祖凝范阳道人，太武帝时。张伟太原中都人，世祖时。李预中山卢奴人，太和初。韦直喜京兆杜陵人。宇文盛代人，大统三年。王子直杜陵人，大统十五年。田长乐下邳人。尔朱绵援辽东人。温奇太原人。田安兴下邳人。辛显宗狄道人。

① 此处语意不明。据《晋书·刘聪载记》：“频阳令梁肃自京兆南山将奔安定，遇正任子于阴密，拥还临泾，推正为平南将军，率众五万，攻曜于长安。”

② 日：潘岳《西征赋》作“月”。

## 扶风郡太守

《关内周咨录》：北魏制：扶风郡治好時，西魏治始平。所辖好時、始平、槐里、鰲屋。西魏同。

张成安定人，世祖时。索敞《魏书》：字巨振，敦煌人。补扶风太守，在位清贫，未几，卒官，谥“猷”。韦直喜京兆杜陵人。郑顶开封人，大统间。韦道珍蓟城人。窦彪毅

## 咸阳郡太守

《关内周咨录》：北魏制：咸阳郡治池阳，所辖池阳、石安、灵武、宁夷、泾阳。西魏同。

韦 阆 京兆杜陵人，太武帝时。

江文遥 《魏书》：悦之子，济阳考城人。永平初，为咸阳太守。勤于礼接，终日坐厅事，至者见之，假以恩颜，屏人密问。于是民所疾苦，大盗姓名，奸猾吏长，无不知悉。郡中震肃，奸劫息止，治为雍州诸郡之最。

韦遂明帝正光中。夏侯毖譙郡人，道迁兄子。于谨洛阳人，普泰中。慕容思庆大统四年。

## 北地郡太守

《关内周咨录》：北魏制：北地郡治华原，西魏改通川郡。所辖富平、泥阳、弋居、云阳、同官、土门、宜君。

柳僧习 《魏书·裴叔业传》：河东人。景明初，迁北地太守，为政宽平，氏羌悦爱。

梁 祐 《魏书·裴叔业传》：北地人。景明初北地太守。清身率下，甚有治称。为平西将军，京兆内史。卒官。

柳庆解人，景明中<sup>①</sup>。唐永北海平寿人，明帝正光中。郭贤赵

<sup>①</sup> 此处疑有误。柳庆即前文北地郡太守柳僧习之子，《周书》卷二十二有传。北魏景明年间，柳庆尚未出生，后并未任过北地郡太守。据《周书·柳庆传》：北周明帝时，柳庆“为雍州别驾，领京兆尹”。本卷后文《北周·京兆尹》条亦录有柳庆。当以后文为是。

兴人，正光末。侯恕上谷人。刘藻易阳人，永安中。

### 蓝田郡太守

《关内周咨录》：北魏制：蓝田郡治蓝田。西魏废。

韦彪 京兆杜陵人，孝庄时。

按：古今地理沿革错综。北魏冯翊、扶风、北地三太守治，皆在西安县境所辖，惟北地之宜君非西安属，余皆今所隶，姓名例得具载。

### 县令

《关内周咨录》：北魏制：郡置县令、县长各三员<sup>①</sup>。其属有相、定族姓<sup>②</sup>。

常景 《魏书》：字永昌，河内人。延昌初，元苌为雍州刺史，景除录事参军，带长安令。甚有惠政，民吏称之。

杜宏起 《耀州志》：延昌中泥阳令。

### 参佐

李思穆 《魏书·李宝传》：李思穆，字叔仁，陇西狄道人。为京兆内史，在郡八年，颇有政绩。

按：内史本秦官，掌治京师。汉时三辅未设，分置左、右内史。至北魏时，内史乃太守所属僚佐，与秦、汉不同。至历代诸职官多有参佐，惟尹、太守所属则书。后仿此。

## 北周

### 京兆尹

《关内周咨录》：北周官制多与魏同。京兆魏为太守，周改置尹。

长孙绍远河南洛阳人，明帝时。柳庆解人，明帝时。宇文深代郡武川人，保定初。陆逞吴郡人，天和四年。韦总杜陵人，孝

① 《魏书·官氏志》：郡置三太守，用七品者；县置三令长，八品者。

② 定族姓：《魏书·官氏志》作“定姓族”。

宽子。韦寿杜陵人，總弟，建德六年。薛善河东汾阴人。张威 阳雄上洛邑阳人。

### 冯翊郡太守

《关内周咨录》：北周制：冯翊郡治高陵，所辖高陵、广阳、三原、富平。

刘 志 《周书·裴果传》：志，（宏）[弘]农华阴人。高祖隆。宋武帝平姚泓，以宗室首望，召拜冯翊郡守。后避地河洛，因家汝颍。志性方重，兼有武略。魏永熙二年，除广州别驾。孝武西迁，志举广州归国。高祖嗣位，拜刑部中大夫。时莲勺界内数有群盗攻劫行旅，郡县不能制，乃以志为延寿郡守督之。志示以恩信，群盗相率请罪，志表陈其状，诏并免之。自是郡界肃清，寇盗屏息。

### 田 式

### 咸阳郡太守

《关内周咨录》：北周制：咸阳郡治泾阳，所辖泾阳、咸阳、宁夷。

高 宾 《周书·裴文举传》：宾，渤海蓆人。有文武干用。世宗初，除咸阳郡守。政存简惠，甚得民和。世宗闻其能，赐田园于郡境。

萧 圆 《周书》：字明恭，梁武陵王子。保定五年，拜咸阳郡守，甚有政绩。

### 扶风郡太守

《关内周咨录》：北周制：扶风郡治始平，所辖始平、槐里、武功、漠西。

梁士彦安定乌氏人，武帝时。郑顶 裴之平

### 延寿郡太守

《关内周咨录》：北周制：延寿郡治下邳，所辖下邳、莲勺。

刘 志 高祖初。



## 中华郡太守

《关内周咨录》：北周制：中华郡治富平。

**令狐整** 《周书》：敦煌人，徙家中华。明帝时为中华守。时郡务草创，整调度身任之，称良守焉。

## 渭南郡太守

《关内周咨录》：北周制：渭南郡治渭南。考北魏制：渭南郡辖南新丰。西魏辖灵源、中源。史称北周制与魏同。

**田式**冯翊人，明帝时。**薛琰**河东汾阴人。**连奚长孺**《周书》：字富仁，代人。武帝天和中除。

按：北周制：冯翊、咸阳、扶风、延寿、中华、渭南诸太守治皆在西安县境，所辖惟扶风之武功、漠西非西安属，余皆今所隶，姓名例得具载。至北周尚有通川郡，太守治泥阳，辖泥阳、土门；云阳郡，太守治云阳；辖同。又《隋书·地理志》北周有蓝田[郡]<sup>①</sup>。太守姓名并无考。

## 县令

《关内周咨录》：北周制：太守下有县令、县长，所属与魏制同。

**张仁蕴** 《金石录》：张仁蕴，武帝时为醴泉令，有德政碑。

## 参佐

**乐运** 《周书·颜之仪传》：运，字承业，涇阳人。性方直，未尝求媚于人。天和初，起家夏州总管府仓曹参军。建德二年，除万年县丞。抑挫豪右，号称强直，高祖嘉之，特许通籍，事有不便于时者，令巨细奏闻。仍超拜京兆郡丞。

## 隋

### 京兆尹

《关内周咨录》：隋制：京兆尹，文帝时为雍州牧，属官有别

① 《隋书·地理志》：“后周置蓝田郡”。据补。

驾，赞务初名赞治，州都，郡正，主簿，录事，西曹书佐，金曹、户曹、兵曹、法曹、士曹、部郡、武猛各从事，各有佐史。至炀帝大业三年，改为京兆尹，别置内史，丞，正，功曹，主簿，金曹佐，户曹佐，兵曹佐，法曹佐，士曹佐。

**同安郡公爽**皇弟，开皇元年。**苏孝慈**开皇二年。**滕王瓚**高祖母弟，开皇三年。**苏威**武功人，文帝初。**汉王谅**高祖第五子，开皇十二年。**卫王爽**高祖异母弟，开皇中。**晋王昭**炀帝长子，仁寿四年。**齐王暕**炀帝子，大业三年。**库狄士文**宗义南阳人。**杨士雄**

以上为雍州牧，下为京兆尹。

**观德王雄**大业中。**薛善** **唐鉴**

### 县令

《关内周咨录》：隋制：大兴、长安县令，所属有丞、正、功曹、主簿、西曹、金曹、户曹、兵曹、法曹、士曹。各有佐史。又长安、盩厔、蓝田并置关令一员。

**房恭懿** 《隋书》：字慎言，洛阳人。性沉深，有局量，达于从政。开皇初，吏部尚书苏威荐之，授新丰令，政为三辅之最。上闻而嘉之，赐物四百段，恭懿以所得分给穷乏。复赐米三百石，恭懿又以赈贫人。上闻而止之。时雍州诸县令每朔朝谒，上见恭懿，必呼至榻前，访以理人之术。

**敬肃** 《北史》：字（宏）[弘]俭<sup>①</sup>，蒲坂人。开皇初为安陵令，有能名。

**高构** 《北史》：字孝基，北海人。雍州司马，左迁盩厔令。甚有能名。

**王伽** 《隋书》：王伽，河间章武人。开皇末为雍令，有能名。

① 中华书局《北史·敬肃传》校勘记：“诸本‘弘’字作‘敬’，《隋书》卷七十三《敬肃传》作‘弘’，按敬肃以‘敬’为姓，不会又以‘敬’为字，今从《隋书》改。《通志》卷一七〇《敬肃传》作‘字俭德’。”

**刘子翊** 《北史》：彭城丛亭里人。刚蹇有吏干，为新丰令，有能名。

**高世衡** 《隋书·魏德深传》：世衡，渤海人。栢阳令，有恩惠。大业末，长吏多赃污，衡清节逾励，风教大治，狱无系囚。

**房彦谦** 《隋书》：字孝冲，清河人。大业九年监扶余道军。隋政渐乱，朝廷靡然变节，彦谦直道守常，介然孤立，为执政者所嫉，出为泾阳令。未几，终于官。彦谦前后居官所得俸禄，皆以周恤亲友。尝从容谓子（元）[玄]龄曰：“人皆因禄富，我独以官贫。所遗子孙，在于清白耳。”

**刘臻** 《隋书》：字宣挚，沛国相人。以博士弟子员历蓝田令。

**王昱** 《蓝田志》：昱为蓝田令，于玉山得玉人，长四寸，衣大领，冠帻。大业四年，上之。诏问起居舍人崔颐，对汉文以前未有冠帻，必文帝时所制也。

**李正藻** 《通志》：高邑人，开皇中令盩厔。

**岑之象** 《隋书》：南阳人。有操行，以荫补渭南令。

### 参佐

**长孙炽** 《隋书》：洛阳人。建德二年，授雍州仓城令，寻转盩厔令，考绩连最。及高祖受禅，摄长安令，与大兴令梁毗俱为称职。然毗以严正称，炽以宽平显。为政不同，部内各化。寻迁雍州赞治。

**梁毗** 《北史》：字景和，安定乌氏人。开皇初转大兴令，迁雍州赞治。直道而行，无所回避。

**裴蕴** 《隋书》：河东闻喜人。历洋州刺史。大业初，考绩连最，拜京兆赞治。发（摘）[摭]纤毫，吏民慑惮。

**骨仪** 《北史·阴寿传》：天竺胡人。性刚鲠。开皇初为御史，炀帝嗣位，迁尚书左司郎，超拜京兆郡丞，公方弥著。时京兆内史颇行诡道，辄为仪所执正。

## 职官志

### 唐

#### 京兆尹

《关内周咨录》：唐制：武德元年，改郡为州，太守为刺史。雍州置牧。永徽中改尹曰长史。开元元年改京兆府，置尹为留守，其属有少尹，二人，为副留守。泾、渭、白渠，以一人督视。司录参军事，录事，功曹参军事，仓曹参军事，户曹参军事，田曹参军事，兵曹参军事，法曹参军事，士曹参军事，参军事，录事参军事，功曹司功参军事，仓曹司仓参军事，户曹司户参军事，兵曹司兵参军事，田曹司田参军事，法曹司法参军事，士曹司士参军事，参军事，文学，医学博士。<sup>①</sup>

李义琛武德初。杨恭仁贞观九年。荆王元景贞观初。

长孙祥 洛阳人，永徽六年雍州长史。《白孔六帖》：长孙祥

---

① 此处所列唐代京兆府职官，系分别录自新、旧《唐书》，未加甄辑而致重出。《新唐书·百官志》京兆尹以下职官主要有：少尹，司录参军事，录事，功曹司功参军事，仓曹司仓参军事，户曹司户参军事，兵曹司兵参军事，田曹司田参军事，法曹司法参军事，士曹司士参军事（自功曹司功参军事以下各有府、史若干人），参军事（武德初，改行书佐曰行参军，寻又改曰参军事），文学，助教，医学博士等。《旧唐书·职官志》京兆尹以下职官主要有：少尹，司录参军，录事，功、仓、户、兵、法、士等六曹参军事（六曹各有所属府、史），参军事，执刀，典狱，问事，白直，经学博士，助教，医药博士，助教等。

奏郑白渠往日溉田四万余顷，今为富商大贾竞造碾硖，堰遏费水，渠流梗涩，止溉一万余顷，请修营此渠，以便百姓。高宗曰：疏导渠流，使通灌溉，济沃炎旱，应大利益。

**苏良嗣** 武功人，高宗时雍州长史。垂拱初，西京留守。

**燕王忠**永徽中。**雍王贤** **雍王素节**高宗时。**相王旦**中宗时。

**李钊** **李慎名** **濮王泰** 以上俱雍州牧。

**张 暉** 襄城人，开元元年。以下俱京兆尹。

**王志愔** 博州聊城人，开元十年西京留守。

**宋 璟** 广平人，开元中任。苏頲拟《授宋璟兼京兆尹制》：惟雍设都，实难其理，尹京镇俗，不易其才。御史大夫、上柱国、广平郡开国公宋璟，天假直清，时归方正。端庄以立，奸慝迁于望风；果断而行，纲维成于不日。衣冠所重，人吏攸钦，俾承弹纠之余，乃综浩穰之剧，可兼京兆尹。余如故。

**萧 璿** 开元四年，以东京留守任。苏頲拟《授萧璿京兆尹制》：黄门：九牧之重，列为州伯，四方之则，求于京兆，或匪其才，莫膺兹任。左散骑常侍、上柱国、东郡留守萧璿，体峻而整，气刚而直，慎必兼清，文能饰吏，慈惠可以应务，严明可以训人。故当权豪革心，贵戚敛手，三王迭拜。况其甫嗣家声，“二鲍”相承，未若累光朝奖。休命斯允，玆言所属，可京兆尹。勋如故。

**崔日知**灵昌人。**源乾曜**临漳人。**裴佑**先并开元中。**孟温**开元十一年。**荣王湜**开元十五年。**裴耀卿**绛州稷山人，开元二十年。**韩朝宗**长安人，天宝二载。**李愔**并州文水人。**王鉷**天宝十载，以御史大夫兼。**崔光远**灵昌人，天宝十五载。**李岷**吴王恪孙，天宝时京兆尹。**李仲通**阆州新政人，弟叔明，并天宝末。**宋申锡** **萧炅**并（元）[玄]宗时。**孟皞**以汝州刺史任。**李岷**至德二载，又擢京兆尹。**郑叔清** **李齐物** **李广业**俱乾元中。**刘晏**南华人，肃宗时。**李国贞**上元初。**魏少游**巨鹿人，肃宗时。**严武**华阴人，肃宗时。**第五琦**长安人，永泰元年。**黎幹**戎州人，大历元年。《唐·王缙传》：



黎幹为京兆尹，泾水壅隔，请开郑白支渠，复秦汉故道以溉民田，废碾硖八十余所。崔昭大历三年。

**贾至** 洛阳人，大历七年以兵部侍郎任。常袞《授贾至京兆尹制》：门下：方外甫定，惟新制度，必于根本源流正之，以丕式于十有三牧。县内之御，万邦所瞻，将自中刑外，致一其政化，若独任办吏，何以模楷？故前代尹京多用经术之士，翟方进、隽不疑皆首参此选，称于毂下，今亦因其制而进用也。正议大夫、行尚书兵部侍郎、信都县开国男、赐紫金鱼袋贾至，高文典册，合于《韶》《雅》，五经大义，会于宗极。识略精技，辅之以仁，全节致命，形于危难。历阶要重，澹然虚怀，宗伯以和神人，夏官以纠邦国。久于参贰，多所发挥，省理持纲，亦既详审。朝有大议，访求所得，于公卿大夫之间，举汉魏名臣之奏，不失其政，有补于时。加以经务大才，堪任烦剧，艰虞一纪，旷废百度。有司失职，京邑尤甚，频有赈救，差可条缉。今京府九卿，率由旧典，大变风俗，以明朝纲。统尹之重，益艰其任，仗贤立政，参领南台。懋乃休绩，慎乃出令，以惩强猾，以惠困穷。举能其官则理，称匪其人则败，端本靖末，尔其诚之。可守京兆尹兼御史大夫，散官勋封赐如故。

**杨憑**（宏）[弘]农人，大历中。严郢华阴人，大历末。于頔河南人。韦夏卿京兆万年人，大历中。**李勉**郑惠王元懿曾孙，代宗时。**罗珣**越州会稽人。**郗士美**兖州金乡人，德宗时。**王翊**并州晋阳人，德宗建中三年。**崔纵**安平人，德宗出奉天，迁京兆尹。**韩洄**长安人，兴元元年。**张彧**兴元元年，以判官摄京兆尹。**李充**德宗时。**薛珏**河中宝鼎人，德宗时。**顾少连**吴人，德宗时。**郑叔则**贞元初。

**李逊** 贞元中任。白居易《授李逊京兆尹制》：近岁京兆长吏数迁，诚不便时。抑有其故，或铃键不谨，吏缘为奸，或钩距太烦，人受其弊，既非中道，皆不得已而罢之。宜求恬智宽猛相济者，亲谕斯旨，使久于其职，以息吾人。浙江东道观察使、御

史中丞李逊，十年以来，连守四郡，或纷扰之际，或荒馑之余，威惠所加，罔不和辑。赏其殊绩，擢在大藩，自临会稽，一如旧政。况省科禁以便俗，通津梁以息征，动遵诏条，深副朝旨。江南列镇，良帅则多，集课程功，尔为称首。而内史之选，久难其人，今予所求，唯尔可使。虽表率州部，其委非轻，然尹正京师，所资尤急。宜辍材于浩穰，伫观政于辇毂，望尔有成，无替厥命。

**李实**道王元庆四世孙，贞元中。**武就**沛国人，贞元中。**郑元**贞元中。**鲍防**襄阳人，德宗时。**韩皋**贞元十四年。**吴凑**濮州濮阳人，贞元中。**李翊**宪宗时。**杨於陵**（宏）[弘]农人，元和初。**李鄠**江夏人，元和初。**许孟容**京兆长安人，元和初。**杨虞卿**（宏）[弘]农人，元和中。**杨憑**（宏）[弘]农人，元和四年复任。**王播**太原人，元和五年。**窦易直**始平人，元和六年。**元义方**元和六年。**郑云逵**荥阳人，元和中。**裴武**元和中。**崔元略**博州人，元和十二年。

**卢士玫** 山东人，长庆中权知京兆尹。元稹《授卢士玫权知京兆尹制》：朕日出而御便殿，召丞相已下计事，而大京兆得在其中，非常吏也。诚以为海内法式自京师始，辇毂之下，盗贼为先，尹正非人，则贤不肖阿枉，奏覆隔塞，则上下不通。假之恩威，用奢豪右。具官卢士玫，自居郎署，执政者言其温重不回，守法专固，副内史事，物议归之。日者景陵将建，龟筮有时，予心怛然，惧不克济。尔尝倖职，应其供求，和而不同，俭而不隘，竣于己事，朕甚嘉焉。试命元僚，亦既不挠。今圜丘甫及，庆泽将施，摽攘椎埋，必有幸生之者。案牍卒吏，亦当因缘为奸，公费则多，而利不下究，惟是数者，尔司其忧。为尔正名，无吝操劓。可权知京兆尹。余如故。

**韩愈**邓州南阳人，长庆中。**刘栖楚**穆宗时。**柳公绰**京兆华原人，穆宗时。**王璠**长庆末。**郑覃**荥阳人，宝历初。**孔戢**文宗时。**崔珙**博陵人，文宗时。**韦博**万年人。**杜惊**万年人，太和中。**裴严**寿长人，太和五年。**罗立言**宣州人，太和九年。**贾餗**河南人，太和中。**张仲方**韶州曲江人，太和末。**韦长**太和末。**归融**开成元年。

韦武 崔琯博陵人。卢(宏)[弘]正<sup>①</sup>开成中。薛元赏会昌中。柳仲郢华原人，会昌中。崔罕 崔郢 韦澳俱大中时。李蔚咸通中。温璋并州祈人，咸通中。郑延昌咸通末。冯緄乾符初。李汤广明初。萧廩南兰陵人，广明中。薛王知柔《唐·宣惠太子业传》：薛王知柔为京兆尹，始郑白渠梗壅，知柔调三辅治，复故道，灌浸如约，遂无旱虞。王彦昌广明中。王徽京兆人，中和三年权知京兆。李拭 孙揆大顺初。韩建乾宁三年任，兼匡国军节度使。李洗 薛善 周 裴次元 杜济 孙储 郑元规天祐元年。李敏求 庞严 薛景光 能延寿 韦總万年人。董叔经 李銓 卢光 桓臣范。

李齐运 《唐书》：蒋王恽孙。政颇修办，擢京兆少尹。德宗时，拜京兆尹。时李晟壁渭桥，齐运发民筑城堡，督刍粟以饷。贼平，卒，赠尚书左仆射。

韦正贯 《唐书》：字公理，杜陵人，为单父尉。长庆初，弃官，改名<sup>②</sup>。傅<sup>③</sup>贤良，极谏策，登乙科，累迁万年县主簿，寻授监察御史里行，改员外郎，擢万年令。宣宗初，征拜京兆尹，奉南郊、备赦令，上下百役，抑扬豪弱，无不得其平，加左散骑常侍兼御史大夫，帅南粤<sup>④</sup>。《授韦正贯京兆尹制》：《诗》不云乎：“京邑翼翼，四方是则。”故赵张边延，驰名两汉，而不疑兼以儒学取重当时，斯任也，吾岂易哉？尔敷用政术，列为殊科，再升文字之途，一举云霄之路。近者拔于郡府，以尹京师，有抑强扶弱之心，得通变适时之用。煦若春日，肃如秋霜，千将<sup>⑤</sup>淬而投刃皆虚，骐骥驰而追风自远。重以郊天盛礼，发号鸿恩。讫事而物力安舒，设禁而寇攘帖息。是用嘉乃成效，宠之正名；尔其奉上

① 卢弘正：此据《旧唐书》。《新唐书》作“卢弘止”。

② 《新唐书·韦皋传附韦正贯传》作“改今名”。据本传，其原名“臧孙”。

③ 傅：《新唐书·韦皋传附韦正贯传》作“举”。

④ 本条韦正贯资料兼取《新唐书·韦皋传附韦正贯传》和《岭南节度使韦公神道碑》。

⑤ 千将：似应作“干将”。

思尽，临事思权。辖健吏而惠穷人，简簿书而提纲目。处剧勿紊，居闲勿遗。俾椎剽绝迹于九衢，枹鼓息鸣于五夜。克扬显绩，用继前修。

**崔 纵** 《蓝田志》：安平人，德宗时由协律郎任御史。会诏择令长，授蓝田令，后迁京兆尹。邑人立碑颂德。

### 京兆少尹

**李元紘** 《唐书》：京兆万年人。开元初仕雍州司户参军，改好畤、万年令。赋役称平，擢京兆少尹。诏决三辅渠，时王公、权家皆傍渠立碇，渚遏争利，元紘敕吏尽毁之，分溉渠下田，下赖其恩。

**杨伯成 田实廷 崔琬** 开元初。崔光远灵昌人，开元末。程諫休宁人。秦守一 **李国正** 天宝末。严武华阴人。**李岷** 吴王恪孙。路嗣恭京兆三原人。毕宏大历二年。**李椅** 于颀河南人，俱大历中。**黎幹** 戎州人。**李齐运 李季卿** 俱代宗时。**孙成** 建中二年。**韦楨**（得）[德]宗时。**李迺 李佐** 陇西人，俱贞元中。

**张平叔** 白居易拟《授张平叔可京兆少尹兼知府事制》：商州刺史张平叔，为人廉直，为政简惠。前后历府掾、邑宰、郡守，而去思来暮之谣，继闻于人听焉。及副盐铁官、刺商雒部<sup>①</sup>，会课报政，亦甲于他官。自贞元已来，用三科取士，奉详明政术、可以理人之诏，而得其名、有其实者，几何人哉？平叔居其一也。能效若是，何用不臧？故事：内史缺，未补间，亚尹得行大京兆事，试可而即真者，往往有之。故其选任，日益难重。尔宜称所举，慎厥职，无堕大以勤小，无急弱以缓强，夕念朝行，遵吾约束。可京兆少尹知府事。

**李建** 顺宗时。**刘遵古 王公亮 裴武** 元和四年。

**郭行余** 《白孔六帖》：郭行余，擢累京兆少尹。尝值尹刘栖楚，不肯避，栖楚捕导从系之。行余移书曰：“京兆府在汉时有尹，

① 商雒部：《全唐文》卷六六二作“商雒郡”。



有都尉，有丞。开元时，诸王为牧，故尹为长史，司马即都尉、丞耳。今尹总牧务，少尹副焉，未闻道路间有下车望尘避者，故事犹在。”栖楚不能答。

韦审规穆宗时。崔元略博州人。罗立言宣州人，太和中。

刘 潼 《唐书·刘晏传》：潼，字子固，曹州南华人。历京兆少尹。山南有剧贼，依山为剽。宣宗怒，欲讨之。宰相崔铉曰：“此陛下赤子，迫于饥寒，弄兵山谷间，不足讨，请遣使喻之。”诏潼驰往，潼挺身直叩其垒，曰：“有诏赦尔罪。”盗皆列拜潼，就馆而降。

许季同 张彧 裴遂解县人，一名从。韦仲昌 郑岩 杜审礼 刘孺之 苏义 刘昂 孙頊 豆卢回 郑凝以左司郎中任。元镐 窦璿 崔宣 韦肇

## 县令

《关内周咨录》：唐制：有京县令、畿县令。京县令：长安、万年各一人，所属有丞，主簿，录事佐史，尉，司功佐，司仓佐，司户佐，司兵佐，司法佐，司士佐，司功佐已下各有史。典狱，问事，白直，博士，助教，学生。畿县令：京兆府所管诸县各一人，所属有丞，主簿，尉，录事史，司功佐，司仓佐，司户佐，司法佐，[司士佐]<sup>①</sup>，司功佐已下各有史。帐史<sup>②</sup>，典狱，问事，白直，市令佐、史、帅<sup>③</sup>，经学博士，助教，学生<sup>④</sup>。又蓝田，蓝田关库谷、整屋骆谷，并置关令一员，各关所属，皆置丞一员。

① 《新唐书·百官志》：“凡县有司士佐”。据补。

② 《新唐书·百官志》帐史见于府、州，县级未见设置。

③ 《新唐书·百官志》：“京兆、河南府诸县，户三千以上置市令一人。”

④ 唐京、畿各县属官记载互异。兹录《旧唐书·职官志》记载如下：京县：丞，主簿，录事佐、史，尉，司功佐、史，司仓佐、史，司户佐、史，司兵佐、史，司法佐、史，司士佐、史，典狱，问事，白直，博士，助教，学生。畿县：丞，主簿，尉，录事，司功佐、史，司仓佐、史，司户佐、史、帐史，司法佐、史，典狱，问事，白直，市令佐、史、帅，经学博士，助教，学生。



(县令)<sup>①</sup>

**王甫** 《册府元龟》：武德初，为醴泉令。有善政，赐帛五十段赏之。

**杨德幹** 《语林》：杨德幹，万年令。高宗朝有宦官恃宠，放鹞不避人禾稼，德幹杖之二十，悉拔去鹞头。宦者涕泣袒背以示帝，帝曰：“情知此汉狞，何须犯他百姓。”

**朗馀庆** 《唐书》：馀庆，定州新乐人。为吏清而刻于法。高宗时，为万年令，道无拾遗。累迁御史中丞。

**李嗣真** 《唐书》：嗣真，字承胄，赵州柏人人。调露中为始平令，风化大行。

**薛讷** 《唐书·薛仁贵传》：绛州龙门人，迁蓝田令。富民倪氏讼息钱于肃政台，中丞来俊臣受赇，发义仓粟数十斛赏之。讷曰：“义仓本备水旱，安可私一家？”报上不与。

**李令质** 《大唐新语》：李令质，万年令。有富人同行盗，系而按之。驸马韦擢策马入县救盗者，令质不从。擢乃潜之于中宗，中宗怒，临轩召见。令质奏曰：“臣必以韦擢与盗非亲非故，当以货求耳。臣岂不惧权势，但申陛下法，死无所恨。”中宗怒解，乃释之。朝列贺之，曰：“设以获谴，流于岭南，亦为幸也”。

**姜晦** 《唐书·姜蕤传》：姜晦，上邽人，高陵令。治有声，迁长安令，人畏爱之。

**韩辽** 《唐书·李石传》：韩辽，咸阳令。治兴成渠。渠当咸阳右十八里，左直永丰仓，秦汉故漕。渠成，起咸阳，抵潼关，三百里无车挽劳。

**韦济** 《唐书·韦思谦传》：济，郑州阳武人。开元初，擢醴泉令，修饬政事，有治称。终冯翊太守。

**崔皎** 《大唐新语》：皎，长安令。邠王守礼部曲数辈盗马，府县莫敢言者。皎设法擒捕，群奴潜匿王家，皎命就擒之，奴惧，

① 原志在此处又列“县令”作为标题，不合体例，删。

尽缢杀，悬于街树，境内肃然。

**卢奕** 《唐书》：滑州黄门监怀慎少子，天宝初为郾令，所治称最。

**薛播** 《唐书》：河中宝鼎人。开元、天宝间擢进士第，授武功、万年令。温敏而裕，与人交有常。李栖筠、常袞、崔祐甫并器之。

**蒋沆** 《唐书·蒋钦绪传》：蒋沆，莱州胶水人。乾元中历整屋、咸阳、高陵令，美政流行，长老纪焉。郭子仪军出其县，敕麾下曰：“蒋沆，贤令。供亿当有素，得蔬饭足矣，毋挠其清也。”迁长安令。

**房武** 《氏族志》：房武，整屋令。人称其“幼为良子弟，老为贤父兄”。

**裴均** 《通志》：裴均，河东人，整屋令。莅政宽平，人被其德。

**房启** 《通志》：房启，河南人。始为凤翔府参军，尚少，人吏望见，咸曰：“真房太尉家子孙。”转澄城丞，益自飭理，同官惮伏。迁万年令，果辨敏绝。

**梁镇** 《唐书·王璵传》：梁镇，昭应县令。李国桢者，以术士显，广德初，请度昭应南山作天华上宫、露台、大地婆父祠，并三皇、道君、太古天皇、中古伏羲、女娲等各为堂皇，给百户扫除。从之。乃除地课工。方岁饥，人不堪命。镇上疏切谏，以为有七不可，即劾国桢等“动众则得人，兴工则获利，祭祀则受祚，主执则市权，人神胥怨，灾孽并至。臣昨受命，有所安辑。陛下许以权宜，今所兴造，臣谨以便宜悉停。”帝从之。

**裴向** 《唐书》：向，闻喜人。建中初累为栎阳、渭南令，奏课皆第一。

**韦涤** 《册府元龟》：韦涤，泾阳令。贞元二年，以涤起复饶州刺史。涤理泾阳，有政绩，故擢焉。

**韦绅卿** 《通志》：韦绅卿，泾阳令。破豪家水碾，利民田万

余顷。

**武元衡** 《唐书》：元衡，字伯苍，武后族曾孙。举进士，累为华原令。畿辅镇军督将皆骄横挠政，元衡移疾去。德宗钦其才，召拜比部员外郎。

**裴寰之**<sup>①</sup> 《册府元龟》：寰之，下邳令。元和间，每岁冬以鹰犬出近畿习狩，谓之“外按”。宣徽院供奉官为其使，令徒众数百，恃恩恣横，郡邑皆厚礼迎犒之，恣其所便。止舍私邸，百姓畏如寇盗。每留旬月，方更其所。是年冬，行次下邳，寰之但据文供馈，使处公馆，杜其侵扰。使者归，谮寰之有慢言，帝大怒，将以不敬论。裴度抗陈其事，翼日释之，仍令视事。

**王正雅** 《唐书·王翊传》：正雅，字光谦，并州晋阳人。擢进士，累迁万年令，威震豪强。《册府元龟》：穆宗时，京邑号为难理，正雅抑强扶弱，政甚有声。会柳公绰为京兆尹，于帝前褒称，帝命以绯衣银章就县宣赐。迁户部郎中。

**刘仁师** 刘禹锡《碑记》：刘仁师，彭城人，长庆间为高陵令。有筹画，历尹剧县，皆以能事见陟。既令高陵，初，泾水东行注渠，酺而为三，以沃关中，后或壅遏不行。仁师同主簿谭孺直为民更水道，杜私窦，以成四渠，民遂名渠曰“刘公堰”。

**李行言** 《通鉴》：行言，泾阳令。大中八年秋，上猎苑北，遇樵夫，问其县，曰：“泾阳人也。”“令为谁？”曰：“李行言。”“为政如何？”曰：“性执，有强盗数人匿军家，索之，竟不与，尽杀之。”上归，帖其名于寝殿之柱。十月，除海州刺史，入谢，上赐之金紫，取帖示之。

**李君奭** 《东观奏记》：君奭，醴泉令。大中九年春，上校猎城西，渐入渭水，见父老一二十人于村佛祠设斋。上问之，父

① 裴寰之：《册府元龟》卷一百一、《唐会要》卷五十二均作“裴寰”。因文中有“释下邳县令裴寰之罪”等语，疑本志将“之罪”之“之”，误入裴寰姓名而作“裴寰之”。

老曰：“臣醴泉县百姓，本县令李君奭有异政，考秩已满，百姓借留，诣府乞未替，兼此祈佛力也。”上还宫，于御宸上大书君奭名。中书两拟醴泉令，上皆抹去之。逾岁，以怀州刺史阙，请用人，御笔曰：“醴泉令李君奭可，莫测也。”君奭中谢，始闻其事。

**林慎思** 《通志》：慎思，字处中，莆田人。历兴平尉，为万年县令。会黄巢陷长安，迫以伪禄，不屈，骂贼死。

**张松寿** 《朝野僉载》：松寿为长安令时，昆明池侧有劫杀，奉敕十日内须获贼。松寿至行劫处寻踪绪，见一老婆子树下卖食，以从骑驮入县，供以酒食，经三日还，以马送旧坐处，令一腹心人看有人共婆语，即以捉来。须臾，一人来问明府若何为推，遂即被布衫笼头送县，一问具承，赃并获。时人以为神明。

**裴行俭** 《唐书》：字守约，闻喜人，贞观中令长安。

**郑仙客** 《唐书》：以朝散大夫行鼎州刺史，为长安令。

**李朝隐** 《唐书》：三原人，以奏罢斜封官，出迁长安令。宦官闾于贵<sup>①</sup>有所干请，曳去之。成安公主夺民园，朝隐取主奴杖之，权豪钦伏。累迁至大理卿。

**裴耀卿** 《唐书》：字涣之，为长安令。县旧有配户和市法，人苦之，耀卿于豪贵门坐贾给以直，绝僦欺之弊，迁京兆尹。

**常夏卿** 《唐书》：万年人，性通简。时仍岁旱蝗，诏以郎官宰畿甸，授奉天令，改长安，课皆第一。累迁至太子少保。

**邵说** 《长安志》：安阳人，以才显。

**薛莘** 《长安志》：宝鼎人，为长安令，以治行。历迁御史大夫，封河南郡公。

**张楚平** 《长安志》：楚平为长安令，时值黄巢乱，不知所终。

**赵昇卿 徐演 杨鲁士 赵均 卢绍 王调** 俱见《长安志》。

<sup>①</sup> 闾于贵：《新唐书·李朝隐传》作“闾兴贵”。

**权怀恩** 《唐书》：万年人，万纪族孙，以荫累迁尚书奉御<sup>①</sup>。驭人安毕罗为高宗所宠，见帝，戏慢不恭。怀恩奏事，适见之，退杖四十。帝嗟赏曰：“良吏也。”擢本县令。赏罚严明，时人语曰：“宁饮三斗尘，无逢权怀恩”。

**秦守一** 《唐书》：文艺才干，称于当时。以（黄门）<sup>②</sup>楚州刺史、上柱国、安南县<sup>③</sup>开国公行万年县令。治有良绩。

**韦覃** 《唐书》：京兆人。器行纯备，尤通政体。以朝议郎行尚书工部员外郎，赐绯鱼袋，摄万年县令。

**孔戢** 《唐书》：鲁人，兵部员外郎，摄万年县令，以文学饰吏治。

**杜羔** 《唐书》：京兆人，以郎署宰万年县。长吏待之少乖常礼，羔抵疾去，坐免官。朝廷以羔远耻以退，道不失正，文行政能，皆推于众，复授尚书户部郎中。

**董溪** 《唐书》：字惟深，河中虞乡人。沉厚精敏。为万年令，有治声，改度支郎中。

**赵奉璋** 《咸宁志》：天宝时为咸宁令，治有良绩，擢太守。

**饶君素** 《咸阳志》：高祖初，任咸阳令，有才善断。

**王昇** 《白氏长庆集》：太原人，有文行学术，为咸阳令。

**李真** 咸阳令，见《白氏长庆集》。

**韦应物** 《临潼志》：京兆人，周逍遥公复之后。性高洁，鲜食寡欲。天宝时扈从游幸。自高陵尉，后为郿县、栎阳令，至苏州刺史。

**杜惠** 《唐书·宰相世系表》：襄阳人，晋当阳侯预之远孙，尝为高陵令。

① 尚书奉御：《新唐书·权万纪传附权怀恩传》作“尚乘奉御”。

② 此句录自苏頲《授秦守一万年县令制》，“黄门”二字为“制”之用语，在此为衍，宜删。

③ 安南县：苏頲《授秦守一万年县令制》作南安县。



**赵 □**<sup>①</sup> 《高陵志》：德宗时，自监察里行浙东观察判官，授高陵令。

**贾 岛** 《蓝田志》：字阆仙，由渭南主簿迁蓝田令，有政声。

**万齐融** 《泾阳志》：开元间为泾阳令。

**徐敬猷** 《盩厔志》：勣子，嗣圣元年令盩厔。

**杨仲昌** 《渭南志》：虢州人。开元间，由孝义令调下邳。御身以约，尝分邑租赈宗党。善与人交，士乐从之游。

**杜 璿** 《唐书》：开元末为补阙，上书劾李林甫<sup>②</sup>，黜为下邳令。因以语动其余曰：“明主在上，群臣将顺不暇，乌用多言<sup>③</sup>？诸君不见立仗马乎？终日无声，而饫三品刍豆，一鸣，辄斥去，后虽欲[不]<sup>④</sup>鸣，得乎？”由是谏诤路绝矣。

**王源长** 《渭南志》：咸阳人，渭南令。

**刘 澡** 《唐书》：天历二年令渭南，会秋霖损稼，澡称县境苗独不损。代宗曰：“霖雨溥博，岂渭南独无？”更命御史朱毅视之，损三千余顷。代宗叹曰：“县以仁民，乃不仁如是！”贬南浦尉。

**李大亮** 《唐书》：泾阳人，少负奇节。高祖入关，授土门令。岁饥盗聚，亮抚疲民，垦亩教耕，岁乃大熟。击盗，尽平。无何，胡寇至，度不能支，乃单骑诣胡，晓以祸福，遂降之。擢工部尚书。卒，谥曰“懿”，陪葬昭陵。

**武元衡** 《耀州志》：文水人，天后族。举进士，为华原令。以县难治，移病去。

① 此处原缺一字。唐赵璘《因话录》卷一：“德宗躬亲庶政，中外除授，无不留神。余伯父自监察里行浙东观察判官，特授高陵县令。”宋王说《唐语林·政事上》：“德宗躬亲庶政，中外除授皆自揽。监察里行浙东观察判官赵修特授高陵县令。”则此处缺字当作“修”。然此人吕柟纂嘉靖《高陵县志》无载。

② 上书劾李林甫：《新唐书·奸臣上·李林甫传》作“上书言政事”。

③ 乌用多言：《新唐书·奸臣上·李林甫传》作“亦何所论”。

④ 据《新唐书·奸臣上·李林甫传》补。

**卢 枏** 《耀州志》：华原令。以公事譙责邑人齐令诜。令诜，官人<sup>①</sup>也，后构枏罪，遂流枏。

**姚 惕** 《耀州志》：吴兴人，华原令。

**顾 繇** 《耀州志》：华原令。

### 参佐

**卢庄道** 《大唐新语》：庄道擢甲科，授长安尉。太宗将录囚徒，京宰以庄道幼年，惧不举，欲以他尉代之。庄道曰：“但闲暇不之省也<sup>②</sup>。”时系囚四百余人，令、丞深以为惧。翼日，太宗召囚，庄道乃徐状以进，引诸囚入。庄道评其轻重、留系月日，应对如神。太宗惊异，即日拜监察御史。

**郑 儋** 《通志》：郑儋为高陵县尉，平居廉静，号曰“云翁”。

**刘延祐** 《白孔六帖》：延祐，彭城人。擢进士，补渭南尉，有吏能，治第一。李勣戒之曰：“子春秋少而有美名，宜稍自抑，无为出人上。”延祐钦纳。

**王 珣** 《唐书·王方翼传》：珣，字伯玉，并州祁人。天授初及进士第，应制科，迁蓝田尉，以拔萃擢长安尉。因进见武后，召问刑政，嘉之。

**卢齐卿** 《唐书·卢承庆传》：齐卿，幽州涿人，长安初为雍州参军。武后诏长（安）[史]<sup>③</sup>薛季昶择僚吏堪为御史者，季昶访于齐卿，曰：“长安尉卢怀慎、李休光，万年尉李义、崔湜，咸阳丞倪若水，盩厔尉田崇璧，新丰尉崔日知。”季昶用其言，后皆为通显巨人。

**裴 冕** 《唐书》：冕，字章甫，河东人，以荫调渭南尉。王鉷为京畿采访使，表署判官。明锐果于事，众号称职，鉷雅任之。

① 官人：《新唐书·张镒传》作“宦人”。

② 庄道曰：“但闲暇不之省也”：《大唐新语》作“庄道不从，但闲暇不之省也”。

③ 据《新唐书·卢承庆传》改。

**郎士元** 《通志》：士元，字君胄，中山人。举进士，诏试中书，补渭南尉。有政名，为右拾遣。

**李 愷** 《唐书》：李愷，并州汶水人。举明经高第，自武功尉，以政尤异，迁长安尉。天宝初，举美政。

**陆 贄** 《唐书》：贄，字敬輿，苏州嘉兴人。第进士，中博学宏辞，以书判拔萃补渭南尉。德宗立，遣黜陟使庾何等十一人行天下。贄说使者，请以“五术”省风俗，“八计”听吏治，“三科”登隽义，“四赋”经财实，“六德”保罢瘝，“五要”简官事。时皆赍其言。迁监察御史。

**郑叔敖** 《通志》：郑叔敖，荥阳人。贞元元年，授长安尉。后宰澄城，吏民信服，立石以识。

**冯 伉** 《唐书》：伉，魏州元城人，徙贯京兆。第五经、宏辞，调长安尉，三迁膳部员外。于时醴泉令缺，宰相高选，德宗曰：“前使泽潞不受帑者，其人清，可用也<sup>①</sup>。”遂以授伉。县多器猾，数犯法，伉为著《谕蒙书》十四篇，大抵劝之务农、进学，而教以忠孝。居七年，韦渠牟荐为给事中。

**李 程** 《唐书》：程，字表臣，襄邑恭王神符五世孙。擢进士，调蓝田尉。有滞狱十年，程单言辄判。京兆状最，迁监察御史。

**陆 璟** 《唐书·陆元方传》：璟，字采仲，吴人。举明经，补长安尉，以清干称。

**姜公辅** 《唐书》：公辅，爱州日南人。第进士，为翰林学士。岁满当迁，以母老赖禄而养，求兼京兆户曹参军事。公辅有高材，每进见，敷奏详亮，德宗器之。

**崔 戎** 《唐书》：崔戎，字可大，博陵安平人。举明经，调蓝田主簿，累拜给事中，出为华州刺史。

<sup>①</sup> 《新唐书·冯伉传》此前有“李抱真卒，伉持节临吊，归之帛，不受，又致京师，伉上表固拒”等语。

**张 造** 《国史补》：造，贞元中渭南尉。度支欲砍取两京道中槐树造车，更栽小树。先符牒渭南县尉，造批其牒曰：“近奉文牒，令伐官槐，若欲造车，岂无良木？恭惟此树，其来久远，东西列植，南北成行，辉映秦中，光临关外。不惟用资行者，抑亦曾荫学徒。拔本塞源，虽有一时之利；深根固蒂，须存百代之规。况神尧入关，先驻此树；（元）[玄]宗幸狄，见立丰碑。山川宛然，原野未改，且邵伯所憩，尚自保全，先皇旧游，宁宜翦伐？思人爱树，《诗》有薄言。运斧操斤，情所未忍。”付司具状。牒上，度支使仍奏闻，遂罢。造寻入台。

**强 循** 《唐书·姜师度传》：循，字季先，凤州人。仕累雍州司士参军。华原无泉，人畜多渴死。循教人渠水以浸田，一方利之，号“强公渠”。

**王 纬** 《唐书》：字文卿，并州太原人。举明经，以书判入等。历长安尉，居官以清白称。

**崔日用** 《唐书》：灵昌人，进士，新丰尉。迁御史，赞临淄王平韦氏，授黄门侍郎，封齐国公。

**徐 晦** 《唐书》：字大章，京兆尹杨憑所善客也。第进士。贤良方正，擢栎阳尉。憑得罪，贬临贺尉，姻友惮累，无往候者，独晦至蓝田慰饯。李夷简表为监察御史。

**裴子馀** 《唐书》：绛州稷山人，中明经，补鄆尉。时同舍李朝隐、程行谔以文法称，而子馀以儒显。或问优劣于长吏，陈崇业答曰：“兰菊异芬，胡可废者？”寻为左台监察御史。

**柳宗元** 《蓝田志》：字子厚，以博学宏词科授校书郎，[调]蓝（山）[田]<sup>①</sup>尉。

**崔立之** 《蓝田志》：字斯立，博陵人。贞元、元和间为蓝田丞者。庭有古槐四株，日吟哦其间。韩愈为作《县丞厅壁记》。

**窦易直** 《蓝田志》：京兆始平人。擢明经，补校书郎，历蓝

① 以上据《新唐书·柳宗元传》补、改。

田尉。公洁自矢，未尝引用亲党。

**李夷简** 《唐书》：郑惠王元懿四世孙。擢进士，拔萃科，调蓝田尉。后进门下侍郎，同中书门下平章事。

**王涯** 《蓝田志》：字广律，太原人。擢进士、宏词科，调蓝田尉。

**裴佶** 《蓝田志》：蓝田尉。

**杨损** 《蓝田志》：字子默，汉太尉震之裔，荫补蓝田尉。

**王起** 《蓝田志》：校书郎，补蓝田尉。

**柳珪** 《蓝田志》：公绰子，大中中擢进士。以蓝田尉直〔宏〕[弘]文馆，迁右拾遗。

**李福** 《蓝田志》：字能之，太和中举进士，调蓝田尉。

**崔敏** 《蓝田志》：博陵人，由千牛出为蓝田尉。

**陈裴** 《蓝田志》：射洪人，子昂仲子，蓝田尉。

**张行成** 《富平志》：字德立，义丰人。擢制举乙科，由陈仓尉调富平主簿，有能名。

**崔衍** 《唐书》：安平人。天宝末擢明经，调富平尉，寻调清源令，复徙美原尉。俭约畏法，禄周亲族。时建言民瘼，德宗嘉之，诏为观察使。

**裴垪** 《富平志》：字强中，绛州闻喜人。以贤良方正对策第一，补美原尉。

**胡珣** 《富平志》：富平尉，长于吏治。

**李荆** 《同官志》：宗室。以试文上等，擢县尉。

**仲子陵** 《同官志》：县尉。

**李桐** 《耀州志》：宗室，华原丞。

**柳镇** 《耀州志》：河东人，宗元父，华原县尉。

**韦正贯** 《耀州志》：以太子校书郎调华原县尉。

**侯莫陈怱** 《耀州志》：华原尉，以优补长安尉。

**员半千** 《耀州志》：全节人。高宗问兵家三阵，众未对，半千进对，称善，擢高第，为华原尉。



- 令狐峘 《耀州志》：华原人，县尉。
- 刘 沧 《耀州志》：鲁人，进士，调华原尉。
- 贾 淑 《耀州志》：南皮人，华原尉。
- 辛秘系 《耀州志》：陇西人，华原主簿，以判入等。

## 职官志

### 五代

#### 京兆尹

《关内周资录》：唐昭宗废雍州为佑国军，梁初改曰永平军，后唐灭梁，复为西京，置尹并少尹，其属有县令。

**翟光邺** 《五代史》：翟光邺，字化基，濮州鄄城人。事唐至耀州团练使。周太祖入立，出知永兴军。临政务以宽静休息为意。病亟，戒左右无久留以烦军府<sup>①</sup>。既卒，州人上书乞留葬立祠，不许。《册府元龟》：光邺权知京兆尹，前政有烦苛之事，一切停罢，百姓便之。

#### 刺史

**温韬** 《五代史》：华原人，梁为华原镇将，迁耀州刺史。

**高彦晖** 《五代史》：渔阳人，仕契丹为瀛州守将。周世宗北伐，以城降，迁耀州刺史。

按：唐京兆府，梁开平元年废为雍州，置刺史，晋、汉因梁制，周曰知永兴军府，姓名无考。至耀州本华原县，唐末李茂贞建为耀州，置刺史，地今属西安府。

---

<sup>①</sup> 此句《新五代史·翟光邺传》作“病亟，戒其左右，气绝以尸归洛，无久留以烦军府。”如此，则下文“既卒，州人上书乞留葬立祠，不许”等语。

## 知州

**田令方** 《耀州志》：晋天福中知耀州。

**张晖** 《耀州志》：大城人，仕汉、唐，皆刺史，后从周，为耀州知州。

## 宋

### 知京兆府

《关内周资录》：宋制：旧领永兴军路安抚使，称知永兴军。宣和二年，诏永兴受臣不用军额，称知京兆府。《官志》云：兼安抚使、马步军总管，所属有通判、签书判官厅公事、推官、判官、录事参军、户曹参军、司法参军、司理参军、教授。

**许仲宣**青州人，开宝四年。**符昭愿**陈州人，开宝中。**燕王德昭**太平兴国元年。**柴禹锡**大名人，雍熙中。**张雍**德州人，至道二年。**戴兴**开封人，咸平初。**张齐贤**曹州人，咸平五年。**向敏中**开封人，咸平末。**李迪**濮州鄄城人，大中祥符初。**李允正**并州孟人，大中祥符中。**王嗣宗**汾州人，大中祥符中。**楚王元佐**天禧元年领雍州牧。任中师曹州济阴人。**魏昌言**汾州孝义人。**曹玮**真定人。**孙瑾**蔡州汝阳人。**孙祖德**潍州北海人。**李防**大名内黄人。**周起**淄州邹平人。**卢琰**淄州人。**陈尧咨**阆中人。**张咏**濮州鄄城人。**赵积**《宋史》：字表微，宣城人，知同州，徙凤翔京兆府。以上俱真宗时。

**陈尧佐**尧咨弟，天圣中。**寇准**下邳人，知长安。**刘沆**吉州永新人，天圣中。**陈执中**晋州人，宝元初。**夏竦**德安人，宝元初。**晏殊**临川人，仁宗时。**程琳**博野人，仁宗时。**孙全照**郑戩吴县人，仁宗时。**罗拯**祥符人，仁宗时。**姜遵**淄州长山人，仁宗时。**李谿**新喻人，仁宗时。**叶清臣**长洲人，仁宗时。**吴遵路**丹阳人。**范雍**河南人，两知永兴军。**范仲淹**苏州人，仁宗时。**吴中复**永兴人。**杜衍**山阴人，仁宗时。**王拱辰**开封咸平人，至和二年。**司马光**夏县人。**刘敞**清江人。**曹颖叔**亳州谯人。**温举元**河南人，治平中。

文彦博汾州介休人，神宗时。孙觉高邮人，神宗时。吕公孺元丰元年。吕大防蓝田人，元祐中。谢景温富顺人，元祐中。邓润甫建昌人，元祐末。陈若拙幽州卢龙人。吕公绰莱州人。董必宣州人，哲宗时。蔡京元符三年。魏博乐平人。李南公郑州人。吴王佖徽宗嗣位京兆尹。赵茂曾洛阳人，建中靖国元年。任咏眉山人。上官均邵武人，崇宁初。钟傅崇宁中。强渊明杭州人，大观三年。贾炎真定获鹿人，政和中。范致虚建阳人，靖康元年。蔡脩兴化人，钦宗时。唐重彭山人。王庶 郭琰俱建炎三年。张中孚绍兴九年。郝远绍兴十年。傅忠信绍兴十年永兴军铃辖。

### 知州

《关内周资录》：宋制：知州，要郡文臣一员带本路兵马铃辖，武臣一员充副铃辖，属官与府同。

**李欣** 《福建通志》：李欣，字公愉，莆田人。太平兴国间进士，知耀州。时关辅盗贼充斥，欣陈讨捕之策，逾月悉平。

**赵安易** 幽州人，太平兴国中。

**陈文颢** 仙游人，咸平初。

**崔立** 《安阳集》：立，字本之，清河人。咸平二年进士，知耀州事。耀民气豪喜讼，号难治。始至，系囚满狱，公为区判善恶，劝阻明白，境内以清。代归，民走漆、沮二水之次邀公，呼曰：“吾之父母今焉往！”群卧滩石上，使公马不得前。翌日，由间道乃得去。

**葛霸** 真定人，景德四年。

**王嗣宗** 汾州人，知耀、同二州。

**刘湜** 《宋史》：湜，字子正，彭城人，知耀州。富平有盗[掠]人子女，既就擒，阳死，伺间逸去，捕得，复阳死。守者以报，湜趣焚其尸。拜监[察]<sup>①</sup>御史。

**赵师民** 《宋史》：师民，字周翰，临淄人。举进士第，累除

① 以上据《宋史·刘湜传》补。

龙图阁直学士，知耀州。帝自写诗宠行，目以“儒林旧德”。师民性慈恕，政有惠爱，尝奏蠲陕西旱租。《冯志》：州民有犯铁禁者，师民曰：“夺其利而罪之，是罔民也。”一切弗问。

**李兴** 《贾志》：为耀州刺史，有战功，诏赐玉兔、鹊带、金箭。

**毕仲游** 《宋史》：仲游，云中人，士安曾孙。知耀州。值岁大旱，仲游先民之未饥，揭喻境内曰：“郡赈施与，平糴若干万硕。”实虚张其数。富室知有备，亦相劝发廩，凡民就食者十七万九千口，无一人去其乡。

**李师颜** 《通志》：李师颜，高宗朝守耀州。金兵入境，城陷，率所部来归，弃其家属。时人服其忠义。

**赵澄** 绍兴九年。

**赵文度** 《五代史》<sup>①</sup>：本名宏度<sup>②</sup>，开宝初，以汉岚州降，授检校太傅、安国军节度使，后徙知耀州。

**王嗣汾** 《耀州志》：汾州人，开宝中知耀州<sup>③</sup>。

**雷孝先** 《耀州志》：郃阳人，试秘书省校书郎，以事除籍，后徙知耀州。

**司马池** 《耀州志》：光之父，开封推官，敕知阁门。为皇甫继明党所沮，罢知耀州。

**宋温舒** 《耀州志》：真宗时知耀州。

**乐滋** 王扬庭《望辉台记》碑：知耀州事乐滋立。

**薛颜** 《耀州志》：万泉人，累官光禄[寺]少卿，徙知耀州。

① 《赵文度传》在《宋史》卷四八二。

② 《宋史·赵文度传》：文度本名弘，以犯宣祖庙讳，赐今名。

③ 此处所录“王嗣汾”，疑与前录之“王嗣宗”为同一人而误录。乔世宁纂嘉靖《耀州志》卷五记有“王嗣宗，汾州人，开宝中知州”等，本志此处所录，当本于此。而乔志并无“王嗣汾”任知州之记载。然《宋史·王嗣宗传》记王嗣宗“开宝八年，登进士甲科，补秦州司寇参军。至道初，移河东转运使，以为政暴率闻。徙知耀州，又知同州。”又与《耀州志》所记“开宝中知州”时间不合。录此备考。



部有豪姓李甲者，结客数千人，号“没命社”，少不如意，即推一人以死抵<sup>①</sup>，积为乡人患。颜大索其党，会赦当免，特杖甲，流海上，余悉籍士伍中。

**范仲淹** 《宋史》：吴县人，知延州。以辄焚元昊书，降知耀州。

**邵伯温** 《耀州志》：洛阳人，康节子。章惇为相，荐伯温监永兴军铸钱监，后主管耀州三白渠工事。

**史 炤** 《耀州志》：嘉祐间知耀州，建儒学。

**阎充国** 《耀州志》：熙宁中知耀州，募流民治漆水堤。

**阎 作** 《耀州志》：知耀州，奏以黄堡山神封德应侯。

**陈庠 王瑛** 《耀州志》：俱元祐时知耀州，瑛重修儒学。

**吴 时** 《耀州志》：邛州人，累迁太仆少卿，会张商英罢，言者指时为党，出知耀州。

**王允中 张懋** 《耀州志》：俱大观时知耀州。

按：宋时耀州属永兴军路，又知清平军，本凤翔府盩厔县清平镇，大观元年升为军，后置终南县，隶京兆府。清平军使兼知终南县，专管勾上清太平宫，姓氏无考。

## 县令

《关内周资录》：宋县令建隆元年置，其属有丞、主簿、尉。

**何承裕** 《宋史·赵邻几传》：承裕，晋天福进士，为盩厔、咸阳二县令，为治清而不烦，民颇安焉。每览牒诉，戏判以喻曲直，诉者多心服引去。开宝三年，自泾阳令累知商州。

**陈省华** 《宋史·陈尧佐传》：省华，字善则，阆中人，累迁栎阳令。县之郑白渠为临邑强族所据，省华尽去壅遏，水利均及，民皆赖之。

**马元方** 《宋史》：字景山，濮州鄄城人，淳化三年进士及第，知万年县。诸将讨李继迁，关辅转饷，逾翰海，多失亡，独元方

① 以死抵：明嘉靖《耀州志》卷五作“以死斗之”。

所部全十九，以劳迁。

**陈希亮** 《宋史》：字公弼，青神人，中进士第，知郫县。老吏曹腆侮法，以希亮年少易之。希亮视事，首得其罪，腆叩头出血愿自新，希亮戒而舍之，卒为善吏。巫覡岁敛民财，祭鬼谓之“春斋”，否则有火灾，民讹言有绯衣三老人行火。希亮禁之，民不敢犯，火亦不作。毁淫祠数百区，勒巫为农者七十余家。及罢去，父老送之出境，泣曰：“公去我，绯衣老人复出矣。”移知凤翔。

**种世衡** 《宋史》：字仲平，洛阳人，尝知泾阳县。里胥王知谦以奸利事败，法当徙，遁去北郊，赦，辄出。世衡曰：“送府则会赦。”杖其脊而请罪于府，知府李诘奏释之。

**刘 涇** 《宋史》：刘涇，字巨济，简州杨安人。举进士，知咸阳县，迁知坊州。《通志》：涇有学行，专以仁厚为政。土产龙须席，涇惟常贡外，不以奉权贵。

**朱 革** 《通志》：朱革，绍圣元年为高陵令。始至，摧抑兼并，强梁束手，逾年政成，境内安堵。初建宣圣庙暨儒学，落成之后，士知向学，邑民大悦。

**王扬庭** 《耀州志》：皇祐中知华原县，筑望辉台。

**张克昌** 《耀州志》：华原令。

**赵邻幾** 《咸阳志》：须城人，知咸阳、盩厔二邑，为政清而不烦，庶民安之。

**张 绰** 《临潼志》：大中祥符间，以将仕郎试秘书省校书郎，知京兆府昭应县事。

**赵 恪** 《临潼志》：咸平年，以将仕郎守太子中舍，知昭应县事。

**尹光□**<sup>①</sup> 《临潼志》：治平年知县事。

**柴 震** 《临潼志》：元丰年知县事。

① 此处原缺一字。据清乾隆《临潼县志》卷五，宋治平年间有县令尹光臣。

**陈叔度 湛朴** 《临潼志》：俱元丰年知县事。

**王 慎** 《临潼志》：政和年，以通仕郎管勾学事，知临潼县。

**昔 彦** 《临潼志》：政和年从政郎、京兆府临潼县令，管勾学事。

**种师道** 《宋史》：字圣源，少从张子游学，以荫补奉职。绍圣间，为高陵县令。循行阡陌，忧恤民隐，邑称大治。

**范 栋** 《高陵志》：崇宁四年知高陵县，奉诏重修文庙，佐之者主簿马宗佑、县尉傅完也。

**李文开** 《高陵志》：政和间高陵县令。

**杨 綯** 《高陵志》：宣和辛丑年知高陵县事。

**张 伋** 《鄠县志》：宣和元年知鄠，管勾劝农公事兼兵马监押。建空翠堂。

**孙穆之** 《蓝田志》：富顺人，进士，大中祥符间自兰台佐出宰蓝田。居官师古，所至称治。

**皇甫穆** 《蓝田志》：县令。

**袁 瑞** 《蓝田志》：字廷芝，济南人，嘉祐八年，以殿中丞宰蓝田。植桑课穡，增修常平义仓、药局馆舍。

**李 同** 《泾阳志》：天圣间为都官员外郎，言三白渠事宜，因命知泾阳县，领渠事。

**范 育** 《泾阳志》：字巽之，三水人，神宗朝进士，为泾阳令，寻以养亲谒归。

**侯 可** 《宋史》：字无可，华阴人，以功历签书宣州<sup>①</sup>判官。韩琦镇长安，荐知泾阳县。议增凿白渠<sup>②</sup>，得召对，旋罢。官至殿中丞。

**袁 灼** 《泾阳志》：建中靖国元年为云阳令。

**王康朝** 杨葆光《书康朝诗跋》：康朝，字公起，河南人。大

① 宣州：《宋史·侯可传》作“仪州”。

② 议增凿白渠：《宋史·侯可传》作“议复郑白渠”。

观初为云阳令，施及惠政，民今怀之。工翰墨，题法相寺，壁间一绝，为采诗者取赏。

**宋彦通** 《泾阳志》：宣和间为云阳令，政不烦苛。

**宗白** 《渭南志》：字太素，大名人。建隆进士，开宝中著作佐郎。以亲老祈外，改授渭南，居官有声。

**陆游** 《宋史》：字务观，山阴人，尚书左丞佃孙，以荫补登仕郎。绍兴初知渭南，治有令名。历官至宝章阁待制。卒，封渭南伯<sup>①</sup>。

**司马炫** 《富平志》：温公曾祖，举进士，为富平令。在官不久，境内大治。

**张龟年** 《宋史·仁宗纪》：明道二年诏：富平令张龟年增秩再任，以其治行风告天下。

**王哲** 《富平志》：哲令富平时，毁赤眉祠以祀李光弼，又封光弼墓，立石传后。

按：哲当作哲，富平有皇祐元年《李太尉祠堂碑记》，王哲撰。

**高文林** 《富平志》：令美原，有惠政。值岁旱，祷于频山，翌日雨，因建祠于侧。

**王居仁** 《富平志》：政和中美原令。

**程羽** 《新安文献志》：字冲远，程子高祖也，天福中进士乙榜，由虞乡调醴泉令，后诣阙，遇太祖，擢官文明殿学士、兵部侍郎，赠太子少师。

**吕由圣** 《醴泉志》：元祐间知县事。

**傅寤** 《醴泉志》：绍圣间知县事。

**宋宗□**<sup>②</sup> 《同官志》：令同官，累迁赞善大夫。

**张鲂 张克昌** 《耀州志》：并华原令。

① 卒，封渭南伯：此处疑有误。陆游生前已晋封渭南伯，曾有“恩封渭南伯”诗。本志卷六十九载有此诗。《宋史·陆游传》未记其封渭南伯事。

② 此处原缺一字。据清乾隆《同官县志》卷六，宋代同官县有县令宋宗谔。

## 参佐

**种 诩** 《通志》：洛阳人，初为吏部令史，调补长安主簿，清白勤慎，卒于官邸。

**裴 庄** 《宋史》：字端己，阆中人，以明经登第，为高陵县主簿，本府召权司理掾。转运使雷德骧以威望自任，尝巡按至境，官属皆出迎候，庄独视事本局，徐谒道周，德骧称其有守，徙权忻州录事参军。

**尹 洙** 《安阳集》：字师鲁，河南人，天圣二年进士。赵元昊反，夏竦开府永兴军，洙为通判，贼大举兵寇泾原，洙时在庆州，得泾原求救书，即移文庆帅，率其部将刘政统兵数千人，便道走镇戎，未至，贼引去。竦奏洙为专徙通判濠州。

**王 猎** 《宋史》：王猎，字得之，长垣人。范仲淹荐为蓝田主簿，府使之掌学。诸生有犯法者，猎自责数，以为教之不至，屏出之府。帅意其私，捕生下狱。猎前白：“此特年少不率教尔。致于理，不足以益美化，恐适貽士类辱。”帅悟而喜曰：“吾虑初不及此。”即释生而待猎加敬。

**程 子** 《明道先生行状》：兄字伯淳，河南人。中进士第，调京兆府鄠县主簿。令以其年少，未知之。民有借其兄宅以居者，发地中藏钱，兄之子诉曰：“父所藏也。”令曰：“此无证佐，何以决之？”曰：“此易辨尔。”问兄之子曰：“尔父藏钱几何时矣？”曰：“四十年矣。”曰：“彼借宅居几何时矣？”曰：“二十年矣。”即遣吏取十千视之，谓借宅者曰：“今官所铸钱不五六年即便天下，此钱皆尔未居前数十年所铸，何也？”其人遂服，令大奇之。南山僧舍岁传佛首放光，远近男女聚观，昼夜杂处。为政者畏其神，莫敢禁止。始至，诘僧曰：“吾闻石佛岁现光，有诸？”曰：“然。”曰：“俟复见，必先白吾，职事不能往，当取其首就观之。”自是不复有光矣。府境水害，仓卒兴役，诸邑率皆狼狈，惟所部饮食芟舍，无不安便。时盛暑，泄痢大行，死亡甚众，独鄠人无死者。所至治役，人不劳



而事集。尝谓人曰：“吾之董役，乃治军法也。”当路者欲荐之，多问所欲，先生曰：“荐士当以才之所堪，不当问所欲。”再期，以避亲罢。

**朱光庭** 《宋史·朱景传》：光庭，字公掞，偃师人。擢第，调万年主簿，数摄邑事，人以“明镜”称。又从吕大防于长安幕府，五路出师讨西夏。雍为都会，事倚以办。

**鲜于侁** 《宋史》：字子骏，阆州人。从何郯辟签书永兴军判官。万年令不任职，系囚累百，府使往治，数日空其狱。

**梁彦通** 《鸡肋集》：字贯之，郢州须城人。神宗朝，熙河用师，吏相继以不才免，选通判永兴军事。始至，大军已趋灵武，诸郡皆督夫负粮从军，且受数矣。使者阴谕指夫增负若干，彦通曰：“已受数，又重之，是必壮者逃，弱者踣。”即诣中军言之，争久乃定。

**焦 稹** 《通志》：河东人，政和间为高陵县主簿，能佐其令李公，为政以忠信为本，尝为李公作《不欺堂记》。

**张 璪** 《通志》：崇宁间，以承务郎监商州酒税，权知高陵县，管勾学事兼管勾劝农公事，尝砉石建《八行八刑条》碑。

**左惟永** 《临潼志》：大中祥符年，守昭应县尉兼主簿事。

**徐 炎** 《临潼志》：咸平八年，将仕郎守县尉。

**王 汉** 《临潼志》：咸平年，昭应主簿。

**李君保** 《临潼志》：治平年，昭应县尉。

**李 宗** 《郿县志》：大梁人，举进士，为郿簿，有政声。

**王 汲** 《蓝田志》：蓝田尉。

**程荆杞** 《蓝田志》：河南人，登拔萃科，除蓝田主簿。

**张九锡** 孙正己《修孔庙碑》：蓝田尉张九锡，主簿张怀古。

**宋 翼** 袁瑞《修孔庙碑》：蓝田尉宋翼，县丞刘端，兼管农桑范秘，提举永兴军等路、学士、云骑尉、赐绯鱼袋李降。

**吕义山** 《马志》：兰溪人，擢进士，初为泾阳主簿，迁知武功，百姓亲之。

师 颀 《耀州志》：内黄人，建隆初进士，为耀州军事推官。

侯 可 《耀州志》：华原主簿，时富人多不占田籍，执人田券，岁责其租，可皆令书券归其主。

崔晟 李佑 《耀州志》：俱祥符中耀州录事参军。

富 言 《耀州志》：弼之父也，耀州同知，弼随侍读书耀州。

张师德 《耀州志》：襄邑人。举进士第一，除将作监丞，耀州通判。

雷简夫 《耀州志》：孝先子。始孝先为知州，简夫随侍，有《园居诗》。后复自为州吏目。已，又治三白渠公事。先是，治渠岁役六县四十日，稍木数百<sup>①</sup>，水竟不足。简夫役三日<sup>②</sup>，稍木减三之二而水有余。雷氏自德骧、孝先，至简夫，盖三世官耀州矣。

按：简夫《园居诗》石后列衔有景祐间耀州通判张逵。

汤元甫 《耀州志》：绍圣时州通判，筑富公亭。

于 巽 《耀州志》：大观初通判，管勾学事兼内劝农事，飞骑尉。

蔡 浦<sup>③</sup> 《耀州志》：管勾耀州三白渠公事，都大提举飞骑尉<sup>④</sup>。

何 贲 《耀州志》：大观时华原县簿。

李 倚 《耀州志》：大观时华原县尉。

孟彦铸 《耀州志》：宣和中耀州司刑，兼管检法议刑。

汤 仁 《耀州志》：州通判，时毕仲游知州事，会岁旱，令仁祈雨嵯峨山，雨辄应，时谓其诚所感也。

① 数百：明嘉靖《耀州志》卷五作“数百万”。《宋史·雷简夫传》同《耀州志》。

② 三日：明嘉靖《耀州志》卷五作“三十日”。《宋史·雷简夫传》同《耀州志》。

③ 蔡浦：明嘉靖《耀州志》卷五作“蔡溥”。

④ 元李好文《长安志图》卷下，载有蔡溥所撰《开修洪口石渠题名记》，署作“朝散大夫、专管勾永兴军耀州三白渠公事、都大提举开修石渠、飞骑尉蔡溥”。

## 金

### 京兆府尹

《关内周资录》：金制：京兆设府尹，所属有同知，少尹，判官，府判，推官，知事，都孔目官 女直司 汉人司，知法 女直一汉人二，女直教授，医正，医工。又京兆总管府掌统城隍兵马甲仗，以府尹兼领之。

完颜萧恭烈奚王之后，太宗时。高彪天会时。徒单镒天眷元年。张中孚安定人，天眷初。完颜活女娄室子，天眷三年。乌延蒲离黑天眷时。温迪罕蒲里特皇统时。李木鲁阿鲁罕天德中，陕西统军司，兼京兆尹。完颜毅大定九年。完颜光英海陵时。完颜习不主正隆三年。完颜闾山《金史》：盖州猛安人，明昌二年进士，贞祐三年知京兆府事，充行省参议官。庞迪延安人。完颜璋宗永子，陕西路统军使兼京兆尹。

完颜宗道《金史》：宗道，本名八十，上京司属司人。章宗即位，除陕西路统军使，以镇静得军民心，特迁三阶，兼知京兆府事。时夏旱，俾长安令取太白湫水，步迎于远郊，及城而雨，是岁大稔，人以为精意所感，刊石纪之。

### 耀州刺史

《关内周资录》：金制：耀州刺史隶京兆路，掌同府尹，兼治州事。

马百禄通州人<sup>①</sup>，明昌初。高霖东平人，大安时。李兴正大五年。

### 县令

《关内周资录》：金制：县令之属有丞、主簿、尉。中县而下置丞，以主簿与尉通领巡捕事。下县则不置尉，以主簿兼之。

<sup>①</sup> 通州人：明嘉靖《耀州志》卷五作“三河人”。《明史·地理志》顺天府通州有三河县。

**张翔** 《通志》：字子翱<sup>①</sup>，淄川人，大定间迁高陵令。

**宋九嘉** 《金史》：字飞卿，夏津人，至宁元年进士第，历蓝田、高陵县令，咸以能称。

**张德直** 《中州集》：字伯直，平阳人，贞祐三年进士。释褐新平簿，辟蓝田令。秩满，父老诣行台留再任，去之日为立生祠。

**李献甫** 《金史》：字钦用，河中人。兴定五年进士，历咸阳簿，辟行台令史，寻辟长安令。

**王浩** 《金史》：由吏起身，初辟泾阳令，廉白为关辅第一。时西台檄州县增植枣果，督责严急，民甚被扰，浩独无所问，主司将坐之，浩曰：“是县所植已满其数，若欲增植，必盗他人所有，取彼置此，未见其利。”其爱民多此类。所在有善政，秦人为立生祠，岁时思之。

初，辟举法行，县官多得人，如咸宁令张天纲、[长安令李献甫]、兴平师夔、临潼武天祯、[高陵宋九嘉]<sup>②</sup>、三原萧邦傑、蓝田张德直，皆清慎才敏，极一时之选。

**仆散希鲁** 《临潼志》：正大年临潼令，阶将上将军。

**黄庆山** 《临潼志》：承安年广威将军，行京兆府栌阳县。

**程章** 《高陵志》：大定三年，以从事郎知县事。

**萧贡** 《泾阳志》：咸阳人，大定间进士，泾阳县令。有美政，后迁尚书。

**石末显阿不** 《渭南志》：本县人，承安中以明威将军行本县令。

**史华** 《渭南志》：本县人，泰和中令，阶明威将军。

**董绂** 《盩厔志》：天德三年任。

**米显道 徐伟** 《耀州志》：俱富平令。

① 吕桷纂明嘉靖《高陵县志》卷四作“张翱，字子翔”；高陵县现存《大金京兆府高陵县令张公去思之碑》作“淄川张翱，字子翔”。

② 《金史·王浩传》此处共录十九人，本志仅录西安府所属者，然亦有漏录，据补。

**木虎合沓** 《耀州志》：美原令。

**马儒林 刘宏 赵彦祖 何仲钧 赵祐 完颜宗璧** 《耀州志》：俱华原令。宗璧曾书唐太宗赐《孙真人颂》碣。

### 参佐

**永 达** 《临潼志》：正大年县尉，阶定远大将军。

**慕 藺** 《临潼志》：正大年承务郎，为县主簿。

**胡思义** 《临潼志》：县主簿。

**杨达夫** 《鄠志》：字晋卿，三原人，泰和年进士，召补省掾。尝主鄠县簿事，不尚烦苛，吏民安之。会有诏徙民东入关，达夫与众行及韶，避兵于横岭，为游骑所执，将褫之，达夫曰：“我金国臣子，既为汝所执，不过一死，忍裸袒以黥天日乎？”遂见杀。

**梁 襄** 《金史》：字公赞，绛州人，大定三年进士，调耀州同官主簿，有善政。

**王 崇** 《耀州志》：富平尉。

**天 搏**<sup>①</sup> 《耀州志》：天德中耀州军事判官。

**大景长 宋延昌** 《耀州志》：俱州通判。

**阿鲁古** 《耀州志》：州同知。

**刘寿吉** 《耀州志》：州军事判官、飞骑尉。

**大邦傑** 《耀州志》：建威将军，州同知。

**幹准撒速** 《耀州志》：明昌中昭勇大将军、州同知，金源郡开国伯。时又有司候赵广聪。

**许安世** 《耀州志》：军事判官兼提举学校事。

**纳合胡胜虎** 《耀州志》：宣武将军、同知州事、骑都尉、开国男。

**高仲安** 《耀州志》：武义将军、州司狱。

**张居义** 《耀州志》：忠武校尉、州军事判官兼提举学校事。

**乌古论速可** 《耀州志》：宁武将军、州司候。避元兵，弃官

① 天搏：明嘉靖《耀州志》卷五作“王搏”。



居富平北山谷中，子孙遂家富平，易姓李氏。入明代，有参议恕、都御史宗挺<sup>①</sup>。

**阿典奴斯** 《耀州志》：信武将军、州军辖。

**大济民** 《耀州志》：武略将军、州仓草场都监。

**刘 规** 《耀州志》：州吏目。

**马 亨** 《耀州志》：修武校尉，州知法。

**纳 兰** 《耀州志》：兴定中州同知。

**刘温 张旦** 《耀州志》：俱华原县簿。

**周永清** 《耀州志》：华原县尉。

## 元

### 奉元路总管府

《关内周资录》：西安元初为京兆，至元十六年改安西路，皇庆元年改奉元路，上路<sup>②</sup>。设达鲁花赤一员，秩正四品，今知府之职也。所属有总管，同知，治中，判官，推官，经历，知事，照磨，司吏，译史，通事使<sup>③</sup>，儒学教授、学正、学录，蒙古教授，医学教授，[阴阳教授]<sup>④</sup>，司狱司 有司狱、丞，平准行用库，织染局，杂造局，府仓 以上有大使、副使<sup>⑤</sup>，惠民药局提领，税务提领，录事司录事、司候、判官、典史。此外，京兆等诸路复置万户府。

**田雄**北京人，太宗时。**贺仁傑**京兆人，世祖初。**李守贤**义州人，中统三年。**谭澄**怀来人，至元七年。**杜思敬**汾州人，世祖时

① 宗挺：明嘉靖《耀州志》卷五作“宗枢”。《明史·蔡天祐传》有“御史李宗枢复追论前事”等语。

② 《元史·百官志》：至元二十年，定十万户之上者为上路。

③ 通事使：《元史·百官志》作“通事”。

④ 据《元史·百官志》补。

⑤ 《元史·百官志》：平准行用库，提领、大使、副使各一员；织染局，局使一员，副使一员。

安西路总管，金陕西行省事。赵炳滦阳人，至元九年京兆路总管兼府尹。王利用通州人，大德二年安西、兴元两路总管。赵世延蒙古人，大德十年安西路总管。汪通议 王楫朝邑人。

### 耀州知州

《关内周资录》：元制：耀州隶奉元路。

宋 规 《耀州志》：长安人，中统时中论、赋两科，拜议事官，后知耀州。在州时号鉴山先生，有《鉴山补暇集》。

王浩 《耀州志》：自同官令迁。又塔失不花 萧恭 郭瑛 张仲泾阳人 高丽 本伯阙姓 雷禧高陵人 李仲章冯翊人，俱耀州知州。

李鲁县<sup>①</sup> 《耀州志》：金陕西行省李兴之子。

木八刺沙 《耀州志》：回纥氏。又木薛惟<sup>②</sup> 伯颜察儿 亦刺马丹 李口<sup>③</sup>中都<sup>④</sup> 曹谦邠人，俱耀州达鲁花赤，兼管诸军奥鲁，劝农事。

### 县令

《关内周资录》：元制：县令分[上]、中、下<sup>⑤</sup>，并置达鲁花赤。所属有尹、簿、尉、典史。

察的儿 《通志》：察的儿，鄠县达鲁花赤。

赵公谅 《通志》：赵公谅，临潼人，泰定初第进士，为三原知县。

朱 春 《通志》：朱春，至正末为三原令。明兵克奉元，春谓其妻曰：“吾当以死报国。”妻曰：“君尽忠，妾岂不能尽节？”

① 李鲁县：明嘉靖《耀州志》卷五作“李鲁孙”。

② 木薛惟：明嘉靖《耀州志》卷五作“木薛非”。

③ 此处原缺一字。

④ “中都”二字，本志与“李口”以大字连排，与下文排作双行小字的“邠人”表述方式不一致，则此人名应为“李口中都”。又，此处“中都”二字亦可能为李口籍贯而误排为中字。明嘉靖《耀州志》卷五作“李名阙 中都”，与“曹谦邠人”表述方式类似。故此处“中都”似应为李口籍贯，待考。

⑤ 《元史·百官志》：“至元三年，合并江北州县。六千户之上者为上县，二千户之上者为中县，不及二千户者为下县。”据补“上”字。

俱投崖死。

**明可图** 《临潼志》：达鲁花赤兼管本县诸军奥鲁，劝农事。

**玉隆帖木儿** 《临潼志》：元贞年临潼县达鲁花赤，兼管本县诸军事奥鲁，兼劝农事。

**马 忙** 《临潼志》：字通甫，临潼令。

**王 奥** 《临潼志》：朝散郎，知临潼县，管勾学事，兼兵马都监，云骑尉。

**王 珪** 《高陵志》：至元七年，以敦武校尉知县事，兼诸军奥鲁，劝农事。

**张涛** 《高陵志》：至元十一年，以从事郎任县令。又**张翼**，至元十四年将仕郎任。又**郭泰**，至元十七年任。又**武贵**，至元二十年以敦武校尉任。又**邢霆**，至元二十五年以从事郎任。又**李琚**，至元二十八年以从事郎任。又**王大用**，元贞二年以从事郎任。又**杨翰**，以将仕郎任。又**郭良弼**，至大元年以征仕郎任。又**卢佐**，延祐元年以承仕郎任。又**梁才茂**，延祐五年以承务郎任。又**王赋**，至治三年以从事郎任。又**尉公明**，后至元三年以承事郎任。又**崔补颜**，后至元五年以从仕郎任。又**张从益**，以承仕郎任。又**耶律正**，至正四年以从仕郎任。又**张己石**，至正八年以承务郎任。

**张 崇** 郭松年《去思碑》：大德年间，以从士郎知高陵县事，兼诸军奥鲁，劝农事，多善政，去后人思之。

**宋九嘉** 《高陵志》：郾县人，以奉政大夫为县令，以文学饰吏治，尝集种师道、赵天佑、冯叔献诗，勒石有记。

**刘 禧** 《蓝田志》：字致福，高陵人，蓝田令。

**俺 都** 《蓝田志》：字成之，燕山人。至正五年为蓝田达鲁花赤，简刑名、清赋役、兴学校，期年政成。

**王 琚** 《泾阳志》：字仲瑗，济南邹平人，大德间为县令，与伯颜帖木儿共疏泾渠，后迁陕西诸道行御史台监察御史，上言于丰利渠上更开石渠，至今赖之。

**李大不花**<sup>①</sup> 《泾阳志》：至元间为县令，**口文彬**<sup>②</sup>修洪渠，李大不花实董其役云。

**李克忠** 《泾阳志》：至正间为县令，与牙八胡同修鹿巷。

**孙明道** 元符禹锡《德政碑》：当公未至整屋之先，邑凋敝残，民十无一二，鸡犬不闻，蒿莱相接。公下车后，皇皇焉求遗民、询故老，由是流离者或奉戴其亲，或襁负其子，匍匐讴歌而归。不期年而市落复成，逾年而南亩再辟。既庶（切）[且]富，喻以相友相助之义，民业以安。于是计廩馱，理驿邮；次增铠仗，厚储蓄；次审编户，较虚实，使差徭平而赋役均；次省刑罚，薄税敛，使词讼简而衣食足；次兴学校，举孝廉，使人才作而风俗美；次礼神（祇）[祇]，瘞枯朽，使年谷成而灾沴寝。时值天旱，公携耆老祷之，云雨丕应。复遇飞蝗，公率僚属祝之，蝗飞别境。天人交赞，颂声上闻，就擢本路。治中民以状上，固请攀留，至不能就职。

**王 渊** 《整屋志》：县令，曾修文庙。

**杨 宙** 《整屋志》：大德十一年任。

**杨 宾** 《整屋志》：字敬伯，高陵人，县令。

**李同寅** 《整屋志》：县令。

**明 理** 《渭南志》：至正初，渭南达鲁花赤，兼管本县诸军奥鲁，劝农事，阶将仕郎。

**刘玉璞** 《渭南志》：至正中朝列大夫，赐绯银鱼袋，行渭南令。

**典礼弥实** 《渭南志》：至正中达鲁花赤，兼管本县诸军奥鲁，劝农事，阶征仕郎。

**杨朝列** 《富平志》：大定人，大德间令富平。重课农桑，教

① 李大不花：清乾隆《泾阳县志》卷五作“李太不花”。

② 口文彬：此处原缺一字，清乾隆《泾阳县志》卷五：“蛮文彬，至元间为屯田监府，穿修洪渠七十余里，有裨水利”。

士有法。时关内多蝗，独不入境。祠在王寮镇，左有碑记。

王珪 王祥 陈千 杨茂《耀州志》：俱华原令。

王寿 王浩 赵者 孙彝《耀州志》：俱同官令。

### 参佐

李 □<sup>①</sup> 《临潼志》：征仕郎，行京兆府栌阳县主簿。

纳迎刺丁 《临潼志》：大德年主簿。

李良佐 《临潼志》：将仕郎，权京兆府临潼县主簿，管勾学事。

寇 卞 《一统志》：泾阳人，自耀州判官迁高陵县尹，又为醴泉尹，并有政声。

荆 茂 《通志》：字仲昌，覃怀人，至正三年为蓝田尹。时有兄弟争水碓者，茂化喻之，皆叩头更让而悔。

雷 学 《蓝田志》：字从仕，至大四年为蓝田县尹。政务清简，有《重修蓝田县厅记》。

完颜淡 《蓝田志》：金吾上将军，遥授奉天主簿，兼蓝田县尉。

刘安民 《蓝田志》：富平人，大定时任蓝田主簿。

同 鄂 《渭南志》：本县人，皇庆中尹，兼管本县诸军奥鲁，劝农事，阶承务郎。

王 显 《渭南志》：本县人，至元中尹。

续 僎 《渭南志》：本县人，至元末尹。

袁允义 《渭南志》：本县人，至正初尹。

李起岩 《渭南志》：本县人，至正中尹。

王 会 《富平志》：字彦嘉，新野人，至正间为富平守御。时苦邮亭供亿，会易以市廛，民得息肩。又疏永润、滨河诸渠，复于近山诸田教民筑堤，山水不得泛滥，至今赖焉。

王 毖 《耀州志》：美原尉，兼主簿。

① 此处原缺一字。清乾隆《临潼县志》卷五注：失名。



**宋 洙** 《醴泉志》：东平州人，至元乙亥任县尹，两徙县治。

**善 任** 《醴泉志》：延祐间监醴泉县事。

**李馥庆** 《醴泉志》：至元间除奉元路醴泉县尹。

**严承直** 元周恕《增修醴泉廨记》：延祐六年，以葭州倅来尹是邑，严教化，平赋役，课田功，饬游惰，增修廨宇，不费民财。

**曹彦博** 《耀州志》：同官主簿。

**强公浹 张禄 孙璧 赵彦 伯家奴 蒲庸 宋礼听 李承事**《耀州志》：俱州同知。李承事于延祐初曾督修洪口渠，有功。

**刘 尚** 《耀州志》：州长官，兼征行百户。

**张敬义 叠泰 董格 梁衍 王丙**《耀州志》：并州判官。

**刘政 杨焕 侯浩 赵鼎 李英**《耀州志》：俱州吏目。

**王仲元** 《耀州志》：华原丞。

**周德 薛阶** 《耀州志》：俱华原尉。

**刘宪孙** 《耀州志》：华原簿。

## 职官志

### 明

#### 西安府知府

《关内周资录》：明制：西安府知府所属有同知，通判，推官，经历司经历，知事，照磨所照磨，司狱司司狱，儒学教授、训导，库大使，仓大使，副使，税课大使，驿丞，递运大使，阴阳正科，医学正科，僧纲司，道纪司。

姬敏河南孟津人。李焕文洪武中。王宗周洪武十五年。

衡岳 《明史》：岳，字世瞻，西平人。以乡举入太学，洪武三十五年<sup>①</sup>知西安府。居官约己惠民，常禄外馈遗，一无所取。永乐十年入觐，以言事忤旨，谪戍交趾。庆阳、西安二郡民诣阙请赏岳以终其惠，不报。

刘焘 《通志》：刘焘，字尚载，太湖人，国子生。洪武末知西安府，有惠政。

谢庄南直武进人。王宗正 王莹浙江鄞县人。王懋河南修武人。焦敏南直颍州人。刘岳江西武宁人。葛文明 余子俊四川青

---

<sup>①</sup> 洪武三十五年：即明建文四年。《明史·成祖纪》：诏今年（建文四年）以洪武三十五年为纪，明年为永乐元年。

神人，天顺初<sup>①</sup>。秦纘山东单县人。刘瑞山西宁乡人。孙仁南直贵池人。

**严永濬** 《通志》：字宗哲，华容人，（宏）[弘]治中知西安府，时遣中官造文闕，百姓苦之。永濬因旱灾上疏切谏，不纳。《雍大记》：（宏）[弘]治八年知府事，下（专）[车]<sup>②</sup>首询民瘼，修举文物，吏民畏服。

**才宽**北直迁安人，（宏）[弘]治中。**马炳然**四川内江人。**汪洋** **陆珩** **徐政**北直永年人。**刘纲**北直任丘人。**陈天祥**南直吴江人。**刘麟**南直上元人。**陈鼎**北直迁安人。**赵祐**北直长垣人。**刘祥**江西安福人。**曹恩** **赵伸**俱山东德州卫人。**贾信** **李经**河南汝阳人。**夏雷**南直盐城人。**周祖尧**山东东平人。**魏廷萱**河南许州人。**吴孟祺**山东宁阳人。**胡汝辅**山西石州人。**李文昇**北直宁山卫人。**陈天祐**山西泽州人。**洪遇**山东历城人。**刘芹**四川宜宾人。**庄莅民**北直东光人。**杨彩**江西太和人。**李迂梧**山东安丘人。**邵峻**浙江余姚人。**安嘉善**山西代州人。**崔行可**四川南充人。**张孔修**北直大名人。**罗维坦**四川嘉定人。**周希毕**四川忠州人。**吕三才**山东临朐人。**郭有金**山西蒲州人。

**曹 璜** 《贾志》：字伯玉，益都人。知西安府事，教民以孝悌力田，士习民俗翕然丕变。迁湖广提学。

**边有猷** 《封丘志》：字克壮，封丘人，万历甲戌进士，补西安守。西安合属所上赋金以巨万计，例有耗羨充公费，有猷手自登记，悉佐公帑，丝毫无所与。会刘哮（判）[叛]，邮报汹汹，或劝有猷宜亟归其孥，有猷曰：“吾家人动，城中人俱动矣。”乃厉气巡城，妻刘氏立宅内井傍，亦慷慨誓死，贼平。以忧去。

① 明嘉靖《陕西通志》：余子俊“成化初知西安府。”《明史·余子俊传》：“子俊举景泰二年进士，授户部主事，进员外郎。在部十年，以廉干称。出为西安知府。”据此，余子俊出任西安知府应在天顺年间。本志卷九“西安府署”条亦有“天顺四年知府余子俊拓修”之记载。

② 据《雍大记》卷二十五改。

**邹嘉生** [祝万龄]《邹公异政碑记》：(祝万龄)<sup>①</sup>号静长，武进人，万历丙辰进士，知西安府。德泽旁洽，比岁有登。甲子夏，雨少愆期，嘉生斋祷，甫一日雨沾足，民感而异之。生员蔡国祯家有祟，兄嫂妻女相继病死，蔡计无所出，奔府控之，嘉生毅然曰：“何物么麽敢作厉乎？”斋三日，躬诣城隍神前，力请诛邪。是夜，蔡生家梦一朱衣神控骑俨临，若鞠罪状，自是祟息。

**马惟骅**山西阳曲人。**张舜民**河南商城人。**尹伸**四川宜宾人。**杨邦宪**山东益都人。**梁鼎贤**河南夏邑人。**袁一凤** **陈之龙**俱宜春人。**陈其赤**崇仁人。

### 耀州知州<sup>②</sup>

《关内周资录》：明制：耀州隶西安府，所属有判官，吏目，儒学学正、训导，驿丞，阴阳典术，医学典科，僧正司，道正司。

**高永安**<sup>③</sup> 《贾志》：杞县人，洪武中知耀州。创丰盈仓，积粟至数万石，会饥发赈，百姓德之。重修鼓楼，建社学、义仓及桑枣园，民赖为业。永乐初卒官。

**邓真** 《贾志》：息县人，成化七年知耀州。开漆水、退滩二渠，修故通城渠，人咸利焉，所修庙学规制尤宏。九年，百姓奏留，诏加四品服俸。又三年，致仕，去时预备仓米谷积至十余万石。

**田天泽** 《贾志》：应州人，正德初<sup>④</sup>知耀州。会武宗幸榆中，自抚按三司、太监皆驰往榆中。天泽诸供应甚简，太监索重贿，亦不与，或令备供顿所需，泽度驾必不至，弗厚为备，百姓得无科扰。

① 雍正《陕西通志》卷五十二《邹嘉生传》注有祝万龄撰《异政碑记》。据以补删。

② 以下所录明代耀州知州，数人未按任职时序排列，有违志书体例。

③ 高永安：明嘉靖《耀州志》卷六作“高永登”，所录事迹同。本志下文又有高永登，亦据明嘉靖《耀州志》卷六资料辑录，显系重出。

④ 明嘉靖《耀州志》卷六记田天泽“正德十二年至”。正德朝历十六年，如此，则不应为“正德初”。

**赵时** 《马志》：犍为人，举人。知耀州，以才堪治剧，改乾州。《耀州志》：时正德十五年任，嘉靖初，以明德寺改建文正书院。

**李廷宝** 《耀州志》：曲沃人，嘉靖三十一年知耀州。会年饥、地震，廷宝一切与民休息，裁省供应，里甲便之。

**魏必兴** 《耀州志》：濠梁人，与太祖故旧，洪武二年上颂，授大府，力辞，已而令自择，乃择耀州。始至，会州治毁，治事于夏侯堡，其年创建州治与官吏舍；三年，建学、建府署；五年，建文庙三坛。其他里甲徭赋、学校、驿传，皆必兴所创云。

**龚逊** 《耀州志》：宜城人，洪武二十七年任。

**高永登** 《耀州志》：杞县人，洪武二十九年任，创立盈仓，积粟至数万。会岁饥，发赈，民颇赖之。又重修鼓楼，又于各里中建社学、义仓、桑枣园。永乐初卒官，遗命其子籍耀州。

**郭钦** 《耀州志》：金乡人，永乐二年任。又**白凤**，永乐九年任。**胡思鲁** 《耀州志》：高邮人，宣德元年任。重修儒学。**王穀** 《耀州志》：泸州人，正统元年任。又**刘彧**，正统五年任，建布政分司，重修庙学。又**李芳**，正统十三年任，景泰初筑州城，作四门。继任**丘纯**。**白福** 《耀州志》：祥符人，天顺末年任。**乔仪** 《耀州志》：蠡县人，成化十九年任。**郭磁** 《耀州志》：济宁人，（宏）[弘]治初任。

**任奎** 《耀州志》：盐山人，（宏）[弘]治五年任。先是邓真尚宽厚，后奎尚精核，儒学、城隍庙、鼓楼、社学，皆其所重修。留心文学，诸生皆自督教之。迁西安府同知。

又**吴浩**，无为州人，（宏）[弘]治九年任。又**张和**，平度州人，（宏）[弘]治十三年任。又**萧璫**，泰和人，（宏）[弘]治十七年任。**徐政** 《耀州志》：景州人，正德元年任。**崔鉴** 《耀州志》：德州人，正德七年任，以贪败。**夏璟** 《耀州志》：江阴人。又**田天泽**<sup>①</sup>，应

① 田天泽，前文已出，此为重出。



州人。**陈维清**<sup>①</sup>《耀州志》：清源人，嘉靖四年任。又**范琪**，泽州人。又**陈文学**，贵州卫人。并嘉靖八年任。又**李文熙**，石首人，嘉靖十一年任，以清谨称。又**王继祖**，襄城人，嘉靖十四年任。又**温秀**，洛阳卫人，嘉靖十七年任。又**杨煦**，安阳人，嘉靖十九年任。又**周廷傑**，莱阳人，嘉靖二十四年任。先是，漆水坏东城，久不修，廷傑作石堤，日夜劳瘁，如其己事。又**徐汶**，叶县人，嘉靖二十六年任。又**王徽**，曹县人，嘉靖二十八年任。又**刘洛生**，恩县人，嘉靖二十九年任。又**江从春**，莆田人，嘉靖三十六年任，修文庙、学宫、城池、城隍庙、太（元）[玄]洞。**徐笃**《耀州续志》：博野举人，嘉靖四十二年任。又**郑维馨**，东平举人，嘉靖四十四年任，重修文庙。**郑浙**《耀州续志》：丽水举人，隆庆元年任。又**望廷臣**，夷陵举人，隆庆三年任，重修州治。**王甫桐**《耀州续志》：饶阳举人，万历二年任。又**李一经**，内黄人，五年任。又**张诰**，宁晋举人，十一年任。又**王应**，海丰人，十三年任。又**傅震**，忻州举人，十五年任。又**李希相**，淄川举人，十七年任。又**杜诰**，深州举人，十九年任。又**皇甫宾**，安阳人，二十三年任。又**王袞**，阳谷举人，二十四年任。又**郑敦原**，长子举人，三十一年任。又**赵三聘**，彭县举人，三十五年任。又**罗任**，光州举人，三十九年任。又**王宾贤**，宁都州举人，四十八年任，修文庙。又**聂有声**，四川举人，万历间任。**吴廷桢**《耀州续志》：南昌举人，天启二年任。又**王湛**，忻州举人，五年任。**范鸣珂**《耀州续志》：威远人，崇祯元年任，迁西安府同知，管耀州事。又**月中桂**，江浦举人，十年任。又**耿廷纂**，河西举人，十四年任。又**李如臻**，郟县人。又**刘经理**，江西人。并崇祯间任。

## 县令

《关内周资录》：明制：有知县，所属有丞，主簿，典史，儒学教谕、训导，驿丞，巡检，税课大使，递运大使，阴阳训术，

① 陈维清：明嘉靖《耀州志》卷六作“陈维”。

医学训科，僧会司，道会司。

**许 诩** 《通志》：开封人，举孝廉，洪武中鄠县知县，修厅宇，兴学校，抚民以惠，措置得宜。

**张得先** 《贾志》：洪武中知富平，时中原初定，众多艰食，得先首建招福、平皋、频阳、永润四乡各社仓，以瞻贫乏，至今赖焉。

**阎 嵩** 《贾志》：洪武末知长安，时关中贫瘠，嵩以安养生息为己任，惠爱及物，化洽境内。

**杨 聪** 《三原志》：字彦达，雄县举人，正统元年知泾阳，旋调三原。刚果有为，事无壅滞。九年，秩满，保留，升正六品俸，仍知县事。

**国 璧** 《贾志》：武邑人，监生，正统初知渭南，为政仁恕有方，以忧去，民泣送之。后服阕，渭民数百人赴阙，奏求复任。在渭九年，德政被民。

**张 琦** 《贾志》：字钟澜，山西安邑人，正统中举人，知高陵四年，兴利除害，专以孝弟教人，化洽境内。琦天性廉正而仪貌苍古，人称“铁脸”。病将死，囊无羨资，丞欲启库取耗金以赠，琦曰：“此岂人所为哉？吾有数子，耕者力田，读者攻书，足矣。”即取管钥、符籍付丞而卒。

**徐 纯** 《贾志》：字德善，泮州人，正统中知鄠县。刑清讼简，兴学爱民。鄠令前推许诩，后推徐纯，士民颂不绝口。

**王 瑾** 《畿辅志》：安肃人，宣德己酉举人，咸阳知县。兴学爱民，锄强植善。丁外艰归，民为请于朝，特旨起复，及秩满新尹来代，民复请，特旨加六品秩，仍留之。后升延安府。

**高应举** 《富平志》：大足人，正统中以监生知富平。刑省（正）[政]修，多所建置，至于扶弱锄强，不少假借，奸豪望风屏迹。

**鲁 玉** 《贾志》：字士洁，四川涪州人，正统末知泾阳。临政廉谨，前后二十余年，惠爱甚多。

**程 章** 《贾志》：保定人，景泰中监生，任渭南知县。材干

刚果，历九年，以成绩迁平定州同知。

**张 傑** 《贾志》：字文英，临清举人，知高陵。明法令，有干才，增修学宫、县署，以能吏称。

**王 节** 《贾志》：号介菴，河南太康人。天顺壬午举人，知盩厔县，明法慎刑。值岁歉，闭籴，节立平糶法，粟不腾贵。时仓廩空乏，逾年积粟数千石，为预备计。凿广济渠二十五里，引水灌田若干顷。更买田器、货官牛，给贫民耕种。课生徒，亲为讲解。孀妇砥志者给米帛以示奖。岁大旱，流离入境者众，节日夜资给，皆赖全活。后卒于官，百姓如丧慈母。

**周 宁** 《马志》：河南睢州人，成化初举人，知渭南。刚果明辨，（摘）[摘]<sup>①</sup>发如神，尤善振废兴利。迁河州知州，百姓遮道泣留，数日不得行。

**李景繁** 《贾志》：字邦泰，仪封人，进士，成化六年知三原县。慈祥恺悌，政务修举，闲至民家，劳来勤苦，民咸爱戴。及去任，民立石颂德。

**韩 睿** 《鄠志》：河南陕州举人。任鄠县时年已六十，然严明刚断，人无敢犯之。邑中无赖子惧走匿南山不出，犴狴为空。

**张 俊** 《马志》：汜县<sup>②</sup>人，成化十三年知渭南。有威惠，人称其性如烈火，心如慈乌。

**撒 俊** 《贾志》：字世美，山西大同贡士，成化中知醴泉。增筑外城，建立场市，历任九载，刚方如一。

**王 信** 《贾志》：字中孚，北直顺义人，举人。延川令，调知咸宁。

**赵 信** 《山阳县志》：平阳人，成化丁酉任蓝田令。

**杨 辉** 《马志》：山东曹州人，监生，成化末知兴平。值岁

① 据明嘉靖《陕西通志》改。

② 汜县：明嘉靖《陕西通志》作“汜水”。查《明史·地理志》，明代无汜县，开封府郑州有汜水县。

凶，总摄五县事，严明刚断，人不敢犯。

**畅 亨** 《贾志》：山西河津人，进士，任监察御史。（宏）[弘]治初，左迁泾阳令，刚方明决，开渠治水，民尤赖之。

**何 亮** 《咸宁志》：山东登州卫人，湖广进士。（宏）[弘]治中咸宁知县，清白自爱。县俗婚姻尚财，亮谕以礼，士民贫弗娶者与之娶，弗葬者与之葬，风俗为变。擢给事中。

**朱 璜** 《贾志》：字敷威，山西阳曲人。（宏）[弘]治中举人，知高陵。刚方有为，能锄强暴，以绥良善，刁猾远遁，厅署肃清。

**文 昭** 《文氏世谱》：字孔明，垣曲人，（宏）[弘]治中由举人宰鄠县。劝农桑，慎刑罚，靖盗贼，崇学校，在任八载，去官，鄠人思之不置。

《山西通志》：昭宰鄠，德政感孚，数产嘉谷。

《鄠县志》：县铺旧在大门内，昭移置东郭外，改为养济院，孤寡咸被其惠。

**张 亿** 《冯志》：亿知鄠县，常夜出微行民间。妇姑纺绩，姑遣妇视所酿酒，妇视之，答曰：“有如张县君，彻底清矣。”

**萧 选** 《畿辅志》：字廷举，三河人，（宏）[弘]治己未进士。初尹盩厔，（摘）[摘]发幽伏，人以包孝肃称之，为立生祠。因与巨璫抗礼，左迁。

**杨 同** 《贾志》：字一仁，河南新郑人。举人，（宏）[弘]治中知渭南。崇礼布教，平狱省刑，居九年，始终不易。比计典，注以疾，尚书见同貌，顾谓郡司曰：“魁杰如此，何以言疾？”郡司愕，无以对。同应曰：“同实疾，郡司弗欺也。”辞益恳，乃听致仕。

**李 良** 《富平志》：字从善，河南固始人，（宏）[弘]治中以举人为富平令。任事有贤声，所建仓廩、学舍、医学、阴阳学，修永兴桥，有视官如家之意。

**李 信** 《贾志》：双流人，咸宁令。

**程启充** 《贾志》：嘉定人，进士，正德初仕三原，才敏识优。



妖人李午以术惑众，将举兵，充以微罪系其党，午惧，逃之洛川，境内肃清。

**王 秀** 《贾志》：字士英，莱阳人，正德中进士，除长安令。至则延见父老，问民疾苦，一切以惠养为首务，胥隶不得轻出入，豪右不敢私谒。先是赋税多逋，秀为著令，遂无敢后者。狱讼久滞，出片言，立折之。学宫圯及县治燬，皆以次修复，而民忘其劳。

**程 鹏** 《马志》：解州人，进士，正德中知郿县。和厚坦易，未尝用过威刑。听讼，有欲平者，听之。

**王 鉴** 《马志》：霸州举人，正德中知渭南。有精力干才，振刷荒废，树德立威，令行禁止，吏民畏服。

**杨 玳** 《富平志》：字文瑞，太原人。以监生官长安簿，正德十三年为县令。遇事风生，剖决如流，庙学大工赖以告竣。

**王 科** 《贾志》：河南涉县人，进士，嘉靖初任蓝田知县。劝课农桑，作兴学校，扶弱锄强，风俗丕变。县治中凡城郭、官署、庙学，多方修建，视旧制增十之五六。后入名宦<sup>①</sup>，蓝民岁时致祭不绝。

**杨时泰** 《富平志》：号恒南，正定人，进士，嘉靖初知富平。邑田不井，时泰教民作桔槔，更疏渠之淤者溉之，岁不能灾。又发仓廩以赈贫窘，期年之间，邑称大治。

**胡 山** 《富平志》：富顺人，举人，嘉靖初以举人令白水，调富平令。时巨寇刘朝臣同大小马暨游侠者武断纵横，闾阎侧目，山首捕之，置诸重典。又法绳豪右，四野肃然。创尊经阁，缮学宫，增修新旧号舍，多士赖其作兴。

**袁 勋** 《通志》：山东章丘人，贡士，嘉靖初同官知县。有才略，诸事立办，盗贼屏迹，以能调渭南。

**杨 博** 《通志》：字惟约，蒲州人，嘉靖八年进士，授盩厔

<sup>①</sup> 清雍正《蓝田县志》卷二：王科“入名宦，北关有专祠”。



知县，调长安。为政精廉，整屋有剧盗，博督士兵犁其穴。在长安留心赈饥，存活甚众。

**赵允亨** 《长安志》：字伯通，北直安肃人，嘉靖壬辰进士，任长安令。勤恤民隐，三年道不拾遗，有“三异”之谣。奏绩去，士民立石识之。

**冀鍊** 《贾志》：字纯夫，山东益都人，嘉靖间进士，长安知县。爱民礼士，以治行冠三辅。

**苏民牧** 《贾志》：字乃溪，山西高平人，嘉靖进士，长安知县。宽刑罚，薄征敛，彰善惩恶，吏畏民怀。三载，擢户部主事。

**齐宗道** 《贾志》：字叔鲁，辽左人，嘉靖进士，知咸宁。力任繁剧，威惠并著。后以统领民兵，为总督何栋所知，累荐，历官巡抚大同、右副都御史。

**马佩** 《贾志》：字服玉，山东德州人，嘉靖辛丑进士，咸宁知县。洁己爱民，省里甲，清赋税，抑强扶弱，期月政成。在县六年，考绩为天下最。

**董汝汉** 《咸宁志》：字昭夫，山西万泉人，嘉靖乙丑进士，知咸宁。邑冲民贫，汝汉明政刑，兴教化，税粮一清，讼狱顿息。

**李时芬** 《咸阳县志》：北直安州举人，嘉靖中任咸阳县令。政平讼理，造士兴学，创建尊经阁、敬一亭、四箴亭，季考及朔望临学讲书，岁无一废。

**周钦** 《贾志》：山西长治人，监生，嘉靖中咸阳县知县，严而不烦。莅咸五年，均田丈地甚公，民永赖之。

**李裔芳** 《临潼志》：字崇德，号南峰，山西阳城举人，为临潼令。天性明达，事无留滞，官廨祠宇，多所修葺。擢知眉州，去任，士民思之，言政事之善者，必曰李南峰云。

**许汝登** 《贾志》：四川合县举人，嘉靖间临潼知县。精明简约，政先德化。往时粮多逋负，登设法催征，不事鞭朴，民争先输纳。

**范岗** 《贾志》：北直邯郸人，岁贡，嘉靖间临潼知县。为

政宽猛相济，遇岁大祲，赈救饥馁，招抚流移，全活甚众。

**马呈图** 《鄠县志》：四川内江人，知鄠县，谙于治体，动中机宜。申免灊河役夫，节省里中冗费，民沐其泽。升御史。

**韩 瓚** 《通志》：山西绛州人，由教谕升蓝田令。勤政爱民，清操自励，人有以利浼者，辄耳颊俱赤。卒，祀名宦。

**梁一道** 《蓝田志》：山西稷山举人，蓝田知县。孝以事亲，慈以字民。尝听民讼，置刑间，有子愿以身代者，免之，更奖励焉，百姓感之，皆知行孝。且毁淫祠，崇正谊，闻善读书者辄躬诣其所，以行嘉赏，一时学校大兴，当道屡有荐剡。卒后民立祠于南阙，尸祝之。

**张 洸** 《蓝田志》：山东邹县人，监生，蓝田知县。廉介自持，虽一蔬不私取于民，会审编差徭，昼夜计算，老胥猾吏莫能售其奸欺。解绶之日，行李萧然。

**吕好古** 《通志》：山西平定州人，嘉靖间以孝廉任蓝田令。守如冰蘖，悉民利病。听讼不事刑威，得情则哀矜不已。至于强抑暴，复不少恕。去之日，百姓肖像尸祝焉。

**李春芳** 《盩厔志》：字元实，山西沁水人，由进士任盩厔令。资性明爽，能发奸（摘）[摘]伏，值荒岁，劝富人贷贫民种，且为之营度计长久。行取兵科给事中。

**何起鸣** 《盩厔志》：字应岐，四川内江人，由进士为盩厔令。发奸（摘）[摘]伏若神境，有偷盗株连数十人，起鸣尽释之，独杖杀盗者，余听自新。计亩均粮，役无轻重，作集贤书院，课士之才者教之。

**梁 沂** 《通志》：字企南，临颖举人，嘉靖五年渭南知县。政尚平易，好贤下士，暇即置酒赋诗，外若不知有簿书者。然性刚直，是非曲直，丝毫无所屈挠，于是贵介枿凿，终以流言罢。

**高 义** 《富平志》：叶县举人，嘉靖中为富平令。尊礼师儒，抚恤疮痍，有良吏风。

**刘 煦** 《通志》：霍州举人，嘉靖间任富平令。政尚慈惠，

听讼得情，催科不扰，而人亦不敢欺。洪水里积年逋赋，至煦至始及额焉。

**崔 举** 《通志》：唐山举人，嘉靖中知富平。性古朴，措置一出至诚，均田核地，革里甲日支，然耻为脂韦，卒中萋斐去官。

**武镇华** 《醴泉志》：字维扬，山西石州举人，嘉靖三十五年任醴泉令。易马站，断径路，通直辖，号称“三善”，官民至今赖之。

**彭好古** 《同官志》：夏邑举人，嘉靖四十五年知同官县。爱民省事，不以家累自随，卒后囊无余金，邑人共治棺殓，立祠祀之。

**亢庆鸿** 《通志》：山西崞县人，贡士，嘉靖中知同官。建奎光楼，修济阳、永宁诸寨，为县防守计甚密。

**薛 纶** 《通志》：字汝为，天城卫人，隆庆戊辰进士，长安知县。以邑冲民贫，为请于上，哀邻邑之简僻而力有余者济之，民得稍苏。会均田，纶躬历坵亩，相田高下，亲自注记，吏莫能上下其手。又念狡民匿投势豪，夤缘为利，乃执投献者数辈罪之，无敢复踵故习。张良弼等十一人诬陷大辟十余年，纶察其冤，悉为伸理。官至陕西按察司副使。

**聂 武** 《湖广通志》：字仁卿，当阳人，隆庆丁卯举人，万历二年除陕西富平县。发（摘）[摘]如神，有僧匿民妇，历年无问者，武廉得状，置之法，立焚其寺，一邑称“神君”焉。

**师 祥** 《渭南志》：字履卿，安邑人，进士，隆庆中渭南知县。临民如保赤子，会水旱为灾，毕力请蠲，民获实惠。督抚与茶使者争奏茶马事宜，直指奉简命，檄祥勘验。祥平心体察，国法民情，两得其便。三年，征为御史。

**史 燦** 《通志》：字鹤汀，开州举人，隆庆末知富平。爱善良以德，制强横以法，百姓畏而戴之。县有总里日醖金候尹措用，燦悉除之。

**傅好礼** 《泾阳志》：北直固安人，万历初，以进士任泾阳令。

爱民礼士，有古循吏风。更葺官署、学宫，延邑人魏恭襄修县志。升工部主事，民立祀祠之。又萧汝芳，字丰源，辽东铁岭卫人，万历间以进士任泾阳令，刚直有风裁。又宁之翰，字林阁，山西闻喜人，万历间以进士任泾阳令，勤敏有子惠声。并与好礼同祠焉。

**杨守川** 《通志》：号濬源，绛州举人，万历五年富平知县。不妄交与。县北山产石，诸郡县采者令民代运，里甲更班，名迎班车，岁费数千金，守川申白均派，民力为苏。

**刘璞**<sup>①</sup> 《通志》：字柘山，莒州人，知鄆县，万历乙巳冬至任。是岁四月至七月不雨，万众嗷嗷。璞至，承施粥之檄，自输粟五百为倡，义民王辅世等复输一千二百有奇，民得全活。先是，回回倡乱，罄屋之白龙沟、鄆县之庞家村，声势相应，窟穴其中。前令捕沙仓等十一人寘于法，而穿窬之辈尚多。璞为连环保甲法，每保壮丁二十人，教师一人，每月三日教习，余日归农。复举社学，教民间子弟。又以社仓原额五千六百有奇，谷麦兼备，贮谷犹易，贮麦为难。璞循行区画，刊为条例，不期年犁然修举。又以鄆田沮洳，额浮咸阳者一之四，浮咸、长者一之二，欲亟正之，未及，擢监察御史。

**沈琦** 《三原志》：字仲玉，吴江人。万历乙未进士，补高陵令，逾月，移三原。时县民黠猾难治，或劝以震慑，琦曰：“三尺固甚具也，奈何以民命立吾名？”惟以德意煦濡之，境内得安。祀名宦。

**张应徵** 《三原志》：字元聘，万历乙未进士，授三原令。时郭西黠民为奸，应徵至，罪其首恶，党即解散。治事三载，案无累牍，农有余积。以课最，迁南比部。

**王正志** 《祥符县志》：字淑明，河南祥符人，万历戊戌进士，

① 刘璞：乾隆《鄆县新志》卷三记有明“万历乙巳冬知鄆县”之莒州人刘璞，字柘山。本志卷二十五亦作“刘璞”。



授富平令。会矿税役兴，中使乘传四出为虐，关中中使梁永残暴尤甚，富平亡赖子弟及富民怨家多附，永煽吓富民，强夺财产，（榜）[榜]笞热刺，百姓至不能保朝夕。正志捕部民从永为奸者收治之，奸民亦阴持县事以求中，永怒，正志乃具疏列永贪虐状，永亦诬奏正志阻挠矿税。有旨逮械至京，系北寺狱三年，卒。士民冤之，与刘兑、焦承光建祠并祀。

**宋时隆** 《纪事本末》：咸阳知县。万历三十四年，税监梁永檄时隆取絨毡千五百，时隆不予，遂诬时隆劫税，逮下狱，阁臣揭沮，不报。

**王邦才** 《纪事本末》：万历三十五年蓝田知县。发奸剔蠹，与税监梁永相左，为永诬逮。

**满朝荐** 《咸宁志》：字汝扬，湖广麻阳人，万历中进士，授咸宁令。下车首询利病，扶弱抑强，均赋役，裁羨余，勾摄不扰。讼牒纷沓，一讯立决。有从税使梁永附益者，次第擒捕，下之狱。群恶以阻挠诬奏，调广西布政司都事。束装出关，两台交章留之，诏复职，朝荐益励志除奸。是时多有大盗投永为爪牙，朝荐捕治甚急，盗欲假进贡潜出关，朝荐遣人追捕之，永使杀盗以灭口，诬奏朝荐劫贡杀人，上怒，命逮赴对。诏至，士民哭声遍巷市，欲剗刃永腹，朝荐百方省谕，始解。临行，送者万人，有裹粮护送至都门者。既返，乃相与建生祠，祀于东门外。后历官太仆寺卿。《纪事本末》：万历三十五年，税监梁永诬奏朝荐承御史意，伏兵渭南劫贡。上怒，命逮朝荐，廷臣论救，不听。时缇骑至霸上，宗室士民毋虑数万人围永署，朝荐间道始就槛车。

**许兴学** 《通志》：山东举人，知咸阳。平易近民，听讼不以言折，必得其情乃止，人视之如慈母焉。

**王家瑞** 《通志》：广平人，进士，知咸阳。恺悌爱民，端方持己，力阻开矿之害，不畏权焰，咸民感恩，立祠。

**马民牧** 《通志》：号心棠，南和举人，万历二十二年知临潼。御百姓如家人父子，有情必尽。时采金内使首事临潼，声势赫奕，



牧与抗礼，不少折开采事宜，百姓恃以不扰。后以捕禁逃军致激讼于上，士民数千控白其冤，上官主先入，竟论谪去。

**刘 宪** 《通志》：字伯正，山东益都举人，万历间令高陵。念县冲疲，申请当道掣回本县协济咸阳渭水驿马驴牛站四十头匹，民少苏焉，乡民为立碑记。

**袁化中** 《泾阳志》：字熙宇，山东武定人，万历间以进士任泾阳令。恺悌乐易，接士民若家人，百姓祠祀之。

**何朝宗** 《三原志》：湖广道州人，进士，万历间授三原令。疏浚三里渠，斩木导水，劳于民事，有循吏风。

**穆宁中** 《三原志》：字允执，进士，授三原令。甫下车，廉知民瘼，戚不自安，日劝民力农桑，尚节俭，严学校，绝请谒馈送，民咸诵之。

**涂有祐** 《通志》：字受伯，铜梁人，进士，任三原令。清慎勤敏，听讼迎刃而解，凡所剖断，两造咸服。严城守，除寇盗，修学宫，善政丕。

**杨之璋** 《三原志》：字锡之，河内人，进士，万历间授三原令。时岁比不登，璋缓征平价，民赖以苏。《怀庆府志》：之璋察冤苦，抑豪强，清介自持，威惠大著，比入覲过里，贷于族以行。

**李棲凤** 《三原志》：字翀寰，山西临晋人，进士，万历间任三原令。不驰不激，按骫法者数人，重置之罪，奸宄股慄，民爱士附。五年，以荐升去。

**程 训** 《盩厔志》：河南郑县人，由进士为盩厔令。以爱养为心，两造庭质，多令和息，各心服去。性公正，人不得干以私。课试生徒，终日默坐，士有离席语者，辄面斥之。吏多予告，月以一人更直案牍。邑吏民贤不肖及奸邪罪名、市集物价俱有籍，犯者披籍收取，无不凛慑。比卒归（村）[棣]<sup>①</sup>，号泣拥途，至为罢市。

① 据清乾隆《盩厔县志》卷六改。

**梁克从** 《通志》：号壶岭，河南鄢陵人，进士，万历间知盩厔县。宽严相济，持政有方，士民咸诵其德。《盩厔志》：克顺，字篆一，即前令克从兄，举人，知盩厔。为政振刷有风望，牍无停滞，每至夜分不倦。修废举坠，焕然改观，擢御史。顺治初，祀名宦。

**和震** 《渭南志》：字起甫，祥符人，进士，万历中知渭南。为政务在厘奸剔蠹，折狱不厌周详，得情后已，退公庭如止水。征给事中。

**崔邦亮** 《渭南志》：字德严，东明人，进士，万历间知渭南。明敏，人莫敢欺。礼贤好士，如恐弗及。任六年，征御史。

**徐斗牛** 《通志》：字光墟，许州人，进士，万历间知渭南。治行端方，民不扰而事理。会监税内官鱼肉细民，斗牛以身捍之，珰为所阻，不遂，辄窘辱之，竟以愤卒。

**杨所修** 《通志》：字修白，商城人，进士，万历中知渭南。听讼如神，修六司，置器皿，创文昌阁，增修万里桥，植路傍树，行人赖之。居六年，历升都御史。

**刘泽远** 《通志》：祥符举人，万历间知同官。催科不扰，修筑河堤，建公署及书院奎楼，并修县志。

**姜兆张** 《通志》：字省字，山东掖县人，天启壬戌进士，任三原令。下车之日，问疾苦，锄强暴，有嫌其过峻者，兆张曰：“稂莠不除，嘉禾不植。”越二年，徙长安令。《颂天牘笔》：兆张为咸宁令，时抚按批行会议为魏珰建祠，兆张抗执不可，削籍归里。

**刘昌** 《祥符县志》：号瀛洲，祥符人，天启乙丑进士，授三原令。多惠政，月课士，讲论不辍。时议建魏忠贤生祠地，上官意在三原，昌力争得免。《三原志》：昌精于吏治，案无留牍，民无伏奸。值流寇猖獗，邑人震恐，昌明侦谍，练土著，慎封守，持重绥辑，境内无患。

**路振飞** 《通志》：字皓月，北直曲州人，天启进士，泾阳知县。甫下车，缙绅被奴诬讐，奉旨讯拟，时已文致大狱，属四邑

令会讯，莫敢平反，振飞独判曰：“某必无死法，倘有谴责，某力任之。”既覆奏，得减。戊己间，岁大祲，设法蠲赈，抚集流移，全活数万人。未几，旁县盗起，延及云阳，振飞团练乡勇，人自为战，身先士卒，歼其渠魁数十人，寇相戒毋敢入境。又以渭水通商，舳舻满望，而泾至弗任舟楫，亲历河浒，量度深浅，疏荡泥石，令可舟行，乃先为小船试运之，渐继之以巨舰，渭川百货咸集于泾，所省輶负费什之八。复听民自造船通货，不得以税扰，民咸便之。寻擢御史。

**曹宗载** 《汉中府志》：字圯儒，云南临安举人，醴泉令。以清廉调洋县。

**杨天际** 《兴平志》：号冲元，四川龙安人，恩贡，崇祯五年任兴平令。当流寇猖獗，训练民兵，料理火具，保障一方，士民赖之。

**梁士淳** 《通志》：字昭质，北正定人，崇祯辛未进士，为泾阳令。首崇学校，政事稍暇，即进诸生谈经艺，士风丕振。时流贼方炽，登城环视，筑堞浚池，费计数千金，不损公帑，三月工竣。又择民勇敢者因乡为伍，连伍成营，以诸生能骑射者分率之，按时训练，以备不虞，他邑多蹂躏而泾邑获安堵。至催科不扰，杜绝火耗，吏胥无得侵蚀。尤留意贮谷备赈，设法糴粟，使仓有余积。屡值水旱，邑不为灾。调繁长安，以外艰归，囊橐萧然。

**韩景芳** 《醴泉志》：北直长垣举人，崇祯七年任醴泉令。清严耿介，不避豪强。时流寇猖獗，所在焚掠，景芳修城池，严守御，百姓赖以保全。祀名宦。

**吴从义** 《明史》：字裕强，浙江山阴人，进士，长安令。初，谒选者率营善地，从义独曰：“避危疆不就，岂臣子分谊？且吾贫，若称贷营之，后不剥民以偿耶？”卒得长安。时流寇充斥，诏三边督师孙传庭移镇西安，兵十余万，糗粮刍茭，咸取办于令。秦府宗室及缙绅佔业者居十之四，名为寄庄，无他徭役，独累小民。从义不惮强御，令豪族均输，民获稍苏而兵亦无哗，举卓异。督

师陷阵，歿，长安势如累卵，从义佐抚军，誓死不贰。继娶胡[氏]至署，家人以合巹请，正色曰：“此何时也而为此！”浹三旬，终不一顾。分汛南门，贼攻西门，先陷，吏请携印出走，从义曰：“城亡与亡，吾将安往？”见一仆在侧，曰：“吾当以死报国，汝素忠谨，可奔讬吾家，新闺人尚未成礼，仍归其母。”言毕入关帝庙，卸戎服，易冠带，望阙叩头，投井死，年四十有三。贼知从义死，戒其下毋犯其署，家人得全。从义为童子时，梦一长者拊其背曰：“岁寒松柏，其在斯乎？”至是果验。后赠按察司僉事。

方学舜《忠烈碑》：从义，崇祯庚辰进士，辛巳筮仕长安，有廉名。癸未冬，逆李入关，城陷，从义诣关帝庙，望阙泣拜，如张睢阳之言曰：“生无以报国，死当为厉鬼杀贼！”引刀自裁，为吏夺去。步殿后，有井，举身赴之，未死，为贼所觉，谓：“尔何自苦？肯更事，富贵可保。”从义厉骂，贼怒，推石瓦下击死。

陈宸颂 《三原志》：字我恂，济宁人，进士，崇祯间知三原。志操清白，缓催征，剔积蠹，抚恤疮痍，剿除强寇，士民德之。

窦文庄 王傑 《长安志》：俱宣德时任。

杨 暄 《渭南志》：字杏园，山西高平人，进士，崇祯十五年授渭南令。重修文庙。时岁大祲，毕力拯救，奸人乘机行劫，毙之杖下，民稍得安。贼兵抵渭南，暄已擢兵曹，未行，与学官蔡某同守，会举人王明诰开门迎贼，暄被执，骂贼，死，民争殓之。御史金毓峒上其事，赠陕西按察使。祀名宦。

## 职官志

### 明

#### 县令

阎保正统朝。郭增景泰朝。刘昇天顺朝。卞庆 阎胜 王免<sup>①</sup> 成章 刘经俱成化朝。李德 李溥字宗大，定州进士。沈璜字君锡，慈溪进士。郑宏 陈纪俱（宏）[弘]治朝。李时字宗夏，涿州进士。褚環字从石，交河举人。谢旻字仁夫，任丘人，曾修儒学。俱正德朝。陈谟字师禹，巴县进士。李锦 李鏞字伯音，曲沃人。李绣 单廷珠 坑进良字汝率，安肃进士。王学柳字子奇，泽州进士。马汝骥字经甫，东阿进士。阎绳芳字世武，武祁进士。魏济民字子任，定兴进士。王友贤宁乡进士。刘佩字象德，孟县进士。俱嘉靖朝。贾如式字孝徵，武强进士。隆庆朝。熊梦兆鹿邑进士。张巍任丘举人。陈子需宜宾进士。荆州俊字章甫，猗氏进士，祀名宦。王立贤山西仪卫司人，进士。沈听之字启聪，商城进士。政尚平易而大节屹不可夺。令长安时，曾为宗室奸奏，逮下诏狱。后台省上章白其诬，迁荆州司理。曹如结字凝一，永城进士。杨鹤字修龄，武陵进士。吴养源字叔达，安邑进士。李华然字文若，汶上进士。任长安时，与冯从吾修辑《县志》。马中騊东光进士。

---

<sup>①</sup> 王免：清嘉庆《长安县志》作“王冕”。



李恒茂邢台人。俱万历朝。王时英垣曲进士。李国俊芮城进士。俱天启朝。孙三傑乐安进士。张希夏蒲州进士。梁州傑襄陵进士。贾鹤年万泉进士。俱崇祯朝。

按：已上俱长安令，见《县志》<sup>①</sup>。

孙浩永乐中。李经祁州人，成化初咸宁令，后调咸宁。徐景嵩辽阳进士。正德中。何钟字以宣，富顺进士。李宗延字景喆，汝宁进士。李得中字元宇，内乡进士，任咸宁，修文庙、儒学及乡社学。陈王庭字丹衷，卢龙卫人，进士。曾修《咸宁志》。张允登字文林，汉川进士，万历三十六年任咸宁，调知咸宁。刘有源江西人，崇祯十四年咸宁岁饥，四乡多盗，村人获则杀之，不具告。有源曰：“此饥民也，捕一二为首者，盗亦灭迹。”

按：已上俱咸宁令，见《县志》<sup>②</sup>。

张斌《咸宁志》：温县人，洪武十七年任。郭在丰太康举人，永乐元年任。谢孚字以诚，当涂人，永乐丙戌进士。叶翬余姚举人，永乐六年任。朱肇盐城人，宣德二年任，重修庙学。黄公景泰间任。贾仁真定人，天顺初任。赵俊定兴举人，成化二十年任。赵珽归德州举人，（宏）[弘]治四年任，重修邑志。孟统宁阳

① 据清嘉庆《长安县志》卷八，明代长安知县还有：阎嵩，洪武间任；窦文庄，宣德间任；王傑，宣德间任；莱阳人王秀；蒲州人杨博；安肃人赵永亨；益都人冀鍊；高平人苏民牧；天城人薛纶；掖县人姜兆张，天启间任；正定人梁士淳，崇祯间任；山阴人吴从义，崇祯间任。录以备考。

② 据清嘉庆《咸宁县志》卷七，明代咸宁知县还有：双流举人李信；平定进士孙傑；登州进士何亮，弘治间任；襄陵举人梁璞；东莱进士赵秉伦；潞州进士赵伦；潞州监生李文；完县进士张勅；安邑进士孙继先；绵州进士叶懋赏；辽东进士齐宗道；德州进士马沛，嘉靖间任；洪雅进士张可述；祁州进士王用贤；内丘进士王彦民；长子进士刘永宁；胶州进士刘早；万泉进士董汝汉，嘉靖间任；威县进士贾待问，隆庆间任；进士赵九思；进士戈大本；进士陈经济；李生芳；汝宁进士李宗延；许州举人谷乐民；维县进士郭尚友；光州进士刘文焕；麻城进士满朝荐，万历间任；柏乡进士吕梦熊，万历间任；翼城进士丁流芳；山东进士王文清；蒲州进士杨进；进士李鸣春；垣曲人马逢造；湖广拔贡朱谅；山东举人陈时教；祥符举人阎思学；武安举人武可畏；永城进士宋杞；平谷举人王鼎鼐。录以备考。

人，(宏)[弘]治十四年任。傅昇临清举人，正德元年任。杨睿获鹿举人，正德五年任。底蕴考城进士，正德十三年任。李仁濬县举人，正德十六年任。陈文举庆都人，嘉靖七年任。马豸荥阳举人，嘉靖十年由高陵令调咸阳，重修渭河堤岸。杨贤六安州人。杨铖香河人，嘉靖二十三年任。孙湛贵池人，嘉靖二十五年任。薛凤巴县人，嘉靖三十年任。潘应科齐东举人，嘉靖三十四年任。均丈邑田公平，至今守之。李希松雄县人，嘉靖四十三年任。冀野唐山举人，嘉靖四十五年任。王三锡内江进士，嘉靖四十六年任。贺愈崞县进士，隆庆三年任。曾傅德阳举人。傅霈忻州进士，万历五年任。宋国相滨州进士，万历十年任。何师圣内江举人，万历十二年任。樊镛孟县进士，万历十五年任。王承芳万全人。李采繁<sup>①</sup>阳举人，万历十九年任。刘兰万历二十七年任。王家瑞广化进士，万历三十年任。马珣临朐人，曾修文、武二陵，周公、太公二墓。许典学山东举人。王(宏)[弘]猷 王家俊 佟守任辽东举人。赵跻昌解州人，天启辛酉举人，由介休令调咸阳。崇祯八年八月，闯贼由三原将趋咸阳，洪承畴按兵不发，城破屠之。跻昌急付印于弟跻芳，骂贼不屈，死之。邑人于春秋祀关帝时，以跻昌配享。张名世马邑人，葺县城，并修邑志。张宪<sup>②</sup>安邑举人。赵之励蒲州举人，崇祯十四年任，以闯贼之变去官。

按：已上俱咸阳令，见《县志》<sup>③</sup>。

沈讷《兴平志》：洪武三年，筑城隍，治官署，修学校、祠庙。草昧初更之际，一切废坠并赖修举。金元亮扬州人，洪武十五年任。王琮成化十年任，重修县署。乔思中祁县人，(宏)[弘]治元

① 此处原缺一字。清乾隆《咸阳县志》卷十作“李采繁，直隶沈阳举人”。

② 张宪：乾清隆《咸阳县志》卷十作“张君宪”。

③ 据清乾隆《咸阳县志》卷十，明代咸阳知县还有：直隶安肃举人王瑾，正统四年任；直隶祁州人李经，成化元年任；直隶安州人李时芬，嘉靖三十二年任；山西长治监生周钦；四川涪州人张允登，万历三十六年任。另：民国二十一年《重修咸阳县志》记有：贾万成，万历二十一年任。录以备考。

年任。朱瑄卢龙举人，(宏)[弘]治九年任。王裴大邑举人，(宏)[弘]治十二年任。董学诗高唐州举人，(宏)[弘]治十四年任。徐有为石首举人，正德元年任。陈常叙州卫举人，正德四年任。何昊乡<sup>①</sup>合州举人，正德九年任。姚曰龙广安州举人，正德十二年任。李应阳举人，正德十四年任。王玉铉登封人，嘉靖元年任。宸彬解州人，嘉靖五年任。桂珠成都卫举人，嘉靖八年任。重书泸州举人，嘉靖十年任。田适汾州举人，嘉靖十四年任。李时秀孟县举人，嘉靖十六年任。郭孔完新乡举人，嘉靖十七年任。王宝馆陶人，嘉靖二十二年任。张绣东光举人，嘉靖二十三年任。刘贤曹县举人，嘉靖二十七年任，筑兴平城，有保障功，邑人祠祀焉。李景先邢台举人，嘉靖三十三年任。苟汝完蓬溪人，嘉靖三十四年任。朱文上元举人，嘉靖间由陈留调兴平。凡城池、官署、学舍、公廨，皆文修葺。为邻邑令所譖，去官，士民惜之。章评遂宁举人，嘉靖四十三年任。王加政乡宁人，嘉靖四十五年任。岳钟江陵举人，隆庆三年任。有惠政，民立祠祀之。粟保民巴县举人，隆庆五年任。冯邦诏上津人，万历元年任。李师曾霑化举人，万历二年任。马惠民巨鹿人，万历五年任。刘腾霄安肃进士，万历六年任。任大受石泉人，万历十年任。卫善诱曲沃举人，万历十二年任。冯大梁裕州举人，万历十五年任。戴文亨酆都举人，万历十六年任。卢懋德许州举人，万历二十年任。刘熙<sup>②</sup>上元举人，万历二十二年任<sup>③</sup>。王思任山阴进士，万历二十四年任。时年方少，倜傥有为，三月化行，寻以内艰去官。白一凤磁河<sup>④</sup>举人，万历二十五年任。周之度朝城人，万历二十七年任。周之礼湘潭人，万历二十九年任。任三锡河津举人，万历三十二年任。吴养温安邑

① 何昊乡：清乾隆《兴平县志》卷四作“何昊卿”。

② 刘熙：清乾隆《兴平县志》卷四作“刘熙载”。

③ 万历二十二年任：清乾隆《兴平县志》卷四作“万历二十五年任”。

④ 磁河：清乾隆《兴平县志》卷四作“磁州”。

举人，万历三十五年任。牛射光荏平人，万历四十一年任。徐维藩巴县举人，万历四十四年任。刘之望威远举人，天启元年任。王□臣<sup>①</sup>光山人，天启五年任。黄学谦长沙人，天启七年任。陈民正巨鹿举人，崇祯元年任。张洪猷灵石人，崇祯三年任。阎尧年隆平人，崇祯九年任。郝鸣秋汾阳人，崇祯十三年任。朱朝霍祥符人，周藩宗籍。崇祯十三年任。

按：已上俱兴平令，见《县志》<sup>②</sup>。

王监 张傑 熊谅 王環 彭傑许州人。高恒江都人。刘聪东平举人。焦显德州人，以御史谪临潼令。徐鏞兴国州人，以御史谪任临潼。李茂临县人。何中四川人。韩景阳芮城人。刘堂 李瀚阳曲进士。刘节山西人。杜璘洪洞人。李情灵宝人，以御史谪任临潼。丁相巴县举人。刘选阳信人。张魁大行<sup>③</sup>人。马翱忠州人。史相南充举人。彭江山东举人。于翱临清举人。商珍洛阳人。王璋 陈范新蔡人。萧九思宛平人。张一麟德阳人。刘东会阳城举人<sup>④</sup>。金勿富顺进士。卢奎<sup>⑤</sup>蕲州举人，嘉靖间任。陈所达荥县<sup>⑥</sup>举人，嘉靖年任。赵宇桂阳举人，嘉靖间任。李贵孝义举人，隆庆间任。赵梧凤<sup>⑦</sup>汾州举人，隆庆六年任。张一鯤四川定远人，隆庆间进士，有惠政，士民立祠以祀。高魁顺天举人，万历二年任。武文周泽州人，万历三年任。王炳济南举人，万历七年任。刘应聘翼城举人，万历八年任。张蒲偃师举人，万历十四年任。杨为栋富顺举

① 原缺一字。据清乾隆《兴平县志》卷四，明天启五年兴平知县为河南光山人王问臣。

② 据清乾隆《兴平县志》卷四，明代兴平知县还有：山东曹州人杨辉，成化二十年任；四川龙安人杨天际，崇祯五年任。录以备考。

③ 大行：清乾隆《临潼县志》卷五作“大竹”。

④ 阳城举人：清乾隆《临潼县志》卷五作“巴县监生”。

⑤ 卢奎：清乾隆《临潼县志》卷五作“卢魁”。

⑥ 荥县：清乾隆《临潼县志》卷五作“荣县”。查《明史·地理志》，明代无“荣县”。河南郑州有荥阳县、荥泽县；四川嘉定州有荣县。

⑦ 赵梧凤：清乾隆《临潼县志》卷五作“赵凤梧”。



人，万历二十年任。吴惟悌东安举人，万历二十六年任。刘文焕光州进士，万历三十年任。逾年，调咸宁。何廷俊大同人，万历三十二年任。王联芳寿光举人，万历三十五年任。李经礼颍川举人。成道长垣举人。王予爵大足举人。王佐汾阳举人。许维新<sup>①</sup>内乡举人。崔学颜<sup>②</sup>高平举人。吴霖蠡县举人。余一宠<sup>③</sup>大兴举人。周士英富顺举人。杨俊整<sup>④</sup>浪穹人。张口<sup>⑤</sup>内江举人。许中泽大兴举人。王建极静乐人。

按：已上俱临潼令，见《县志》<sup>⑥</sup>。

黄桢《高陵志》：洪武中，以监察御史知高陵县事。张锦山东人，正统十四年任。高陵县旧城，隋大业七年筑，岁久颓圯，锦重筑之，公署、庙学皆鼎新焉。又善医药，常命方制剂以施病者，愈则稽首衙前，日凡数百人。杨清太和人。马政柘城人，天顺间任。段让洪洞举人，成化十八年任。刘安临城人，（宏）[弘]治初任。杨舟孟县举人。尹本开州举人。贺璠崞县举人，正德初任。辛九龄蔚州人。刘学礼广安州人，由鸿胪寺鸣赞知县事。李恂霍州人，正德间任高陵，时杨相国一清提学陕西，颇器重之。翟清大名举人，正德十三年任高陵，寻调蓝田。邓兴仁洛阳举人，嘉靖元年任。许伸灵宝举人，嘉靖五年任。杨刚冀州人。刘祚字子延，信阳举人。操行廉洁，尝述诗退思堂曰：“一官如叶<sup>⑦</sup>两经春，不愧苍天不愧民。神鬼<sup>⑧</sup>有灵应识我，去时还

① 许维新：清乾隆《临潼县志》卷五作“许惟新”。

② 崔学颜：清乾隆《临潼县志》卷五作“崔学频”。

③ 余一宠：清乾隆《临潼县志》卷五作“钱一宠”。

④ 杨俊整：清乾隆《临潼县志》卷五作“杨骏声”。

⑤ 此处原缺一字。据清乾隆《临潼县志》卷五，为内江举人张鼎。

⑥ 据清乾隆《临潼县志》卷五，明代临潼知县还有：阳城举人李裔芳，任职时间无考；合县举人许汝登，嘉靖间任；邯郸岁贡范冈，嘉靖间任；南和举人马民牧，万历二十三年任。录以备考。

⑦ 如叶：明嘉靖《高陵县志》卷四作“到此”。

⑧ 神鬼：明嘉靖《高陵县志》卷四作“神道”。



似到时贫。”崔鹤正定<sup>①</sup>卫举人。徐效贤江津举人，嘉靖十九年任。温九叙介休人。高公武内江举人，嘉靖二十二年任。于学元城人，嘉靖二十六年任。曹衡遂宁举人，嘉靖三十年由渭南教谕升任。李翰汾州举人，嘉靖三十一年任。三十四年地震，死伤甚众，盗贼蜂起，翰立法捕谕，民赖以安。时公署、仓库俱倾圯，翰并加葺。王尧弼洛阳举人，嘉靖三十九年任。赵希仲濮州举人，嘉靖四十一年任。傅起岩肥城举人。陈柱保安州人，隆庆二年任。王湘富顺进士，万历元年任。王曰可怀仁人，万历七年任，创修城隍庙。彭应参光山进士，万历十五年由肥乡调高陵。邑旧苦驿站召募马匹、人夫，应参力请于上，尽掣征解驿站银两以补之，民力以苏。李承颜曲沃人，万历二十六年任。张凤习杞县进士，万历二十六年任。时诏遣中使绝地脉、算缗钱，参随者络绎于途。前令李承颜以救弊调富平。凤习至，悯之曰：“妻子枵腹重负戴，而且责以施舍乎？”乃白诸当道，留协济他县金，还而分济本邑，并增直召募马骡，劳者渐息。升治中。宋名儒延津人，万历间任，三十七年，改建名宦乡贤祠于文庙南。韩思爱相州举人，万历四十一年任，建城隍庙。赵天赐孝义举人，泰昌元年任，曾修邑中渠道。聂溶字若狄，洛阳举人，天启二年以郃阳令调高陵。先是，万历丙申岁西安开局织造，下属邑征丝，丝非高陵产而效输与他邑埽。后罢局役，仍责成丝户。溶至，为革行户并削案牒，民德之。葛爌瀛海人，天启六年任。刘恕邢台人，崇祯三年任，曾修文庙棂星门并儒学明伦堂。喻大壮内江举人。陈道蕴封川举人。时流寇猖獗，道蕴守城有方，民赖以安。周眷新毕节举人。谢延策<sup>②</sup>董三边 许符 刘元化

① 正定：明嘉靖《高陵县志》卷四作“真定”。

② 谢延策：清光绪《高陵县续志》卷四作“谢廷策”。

按：已上俱高陵令，见《县志》<sup>①</sup>。

李纲潞城举人。刘瑛<sup>②</sup>南阳人。路宗安阳人。房嵩在任曾葺程子祠。贺璠 王文秀阆中人。黄永锡兰阳人。康天爵字汝修，临汾进士，以宁人息事为本。在任逾四载，隶卒未尝至乡里也。凡有大兴作，土木皆取诸寺观，力役少而事易集。后擢御史。严玉振绵州人。吴宗周陈州人。余相<sup>③</sup>吴县人。阴凤麟四川人。杨祐内江进士，嘉靖中任。宋廷琦城武举人，有惠政，士民建祠以祀。贾希周彰德举人。张登龙山东人。陈邦瑞孟津举人。陈一中巴县举人。王玮永宁州举人。李守经濮州举人。马廷骅孝义举人。徐祥麟湖广举人。张汝源通州举人。张思明内江举人。李遵剑州举人。延论平定州进士<sup>④</sup>。李本盛解州举人。贾待价商丘举人。王九皋濮州举人。吕仲信唐县举人。开皂峪河，至今利赖。王宣武陵<sup>⑤</sup>举人。薛士宏河津人。吕大章安邑人。时整屋与鄆争涝水，数年讼讦不决。大章相度地势，力请于上，涝遂得为鄆永利。徐士陞常山人。白应辉江津人。刘璞字柘山，莒州人，万历乙巳任。是岁鄆大旱，万众嗷嗷。璞至，承粥賑之檄，而仓庾空乏，自输五百石为倡，士民乃共输，全活无算。先是回回倡乱，整屋白龙沟、鄆庞家村起应之，璞捕诛十余人，而宵小尚阴为纠结。璞为连环保甲法，每保壮丁二十人，教师一人，每月三日教习，贼不敢犯。复举社

① 据《高陵县志》（西安出版社，2000年），明代高陵知县还有：山西安邑人张琦，景泰七年任；山东临清州人张傑，天顺间任；山西阳曲人朱璜，弘治十二年任；河南荣泽人马豸，嘉靖间任；山东益都人刘宪，万历二年任；江苏吴江人沈琦，万历间任。录以备考。

② 刘瑛：清乾隆《鄆县新志》卷三作“刘瑛”。

③ 余相：清乾隆《鄆县新志》卷三作“钱相”。

④ 延论平定州进士：此句可有两断。查《明史·地理志》：北直真定府有定州；山西太原府有平定州。则此人名或“延论”，或“延论平”。经查《明清进士题名碑录》，明万历十四年丙戌科三甲第一百八十五名进士为山西平定州人延论，则此句当作“延论，平定州进士。”

⑤ 武陵：清乾隆《鄆县新志》卷三作“武陟”。

学及增补社仓。任五载，擢监察御史，首劾魏忠贤，削籍。追赠太仆寺少卿。在鄠辑《县志》。冷大口<sup>①</sup>铜梁举人。赵民徵获鹿举人。何启图灌县人。张维新零陵举人。施可久开州举人。卫佐沁州举人。陈世忠临川举人。张云龙顺天人。

**张宗孟** 字泗源，定襄人，进士。初之任，寇薄城下，公于路闻警，兼程而进，从间道登陴。为固守计，于城四隅建敌楼，重券四门与敌楼等，创悬楼四十二座<sup>②</sup>，建堡六十六处，俱设火器。贼过城下，公登城谕曰：“尔贼知我有备乎？”贼曰：“知有备不敢攻，但恐蹶我后耳。”公曰：“汝去，不汝蹶也。”嗣后过城下，辄相戒无犯。在任，复建市心楼，仿省城钟楼之制。重修大成殿，移泮池于棂星门外。接士民煦煦可亲而驭下綦严，阶庭肃穆，吏胥奔走无敢错趾。正供钱粮，不征而足，诸台若别有征调，疾声而呼，不为应。左师<sup>③</sup>兵过各处，俱进城。公拒之，供億俱置城外。因潜于上游上其事<sup>④</sup>，奉旨勘问，尚未成行，莅民事勤敏如故。俟接任到，公避居渭南。后新令以计典去，士民复留，乃以降级摄令。任八年，迁刑部主事。历官潼关道僉事<sup>⑤</sup>。

按：已上俱鄠令，见《县志》<sup>⑥</sup>。

**徐诚**《蓝田志》：明初任，曾鼎新公署。**楼珽**字仕连，金华人，洪武中以儒士召知蓝田。时邑事草创，珽莅任后即建修庙学，旋擢御史。建文嗣位，入翰林侍读经筵讲官。靖难兵入京，命方孝（儒）[孺]草诏，拒之。改命珽，珽逡巡固辞，归，自缢而死。后

① 此处原缺一字。清乾隆《鄠县新志》卷三作“冷大蒙”。

② 四十二座：清乾隆《鄠县新志》卷三作“二十四座”。

③ 左师：清乾隆《鄠县新志》卷三作“左帅”。

④ 因潜于上游上其事：清乾隆《鄠县新志》卷三作“因诬潜于督院，上其事。”

⑤ 潼关道僉事：清乾隆《鄠县新志》卷三作“潼关道按察司僉事”。

⑥ 据清乾隆《鄠县新志》卷三，明代任鄠县知县的还有：开封举人许诩，洪武中任；沔州人徐纯，正统中任；张亿；陕州人韩睿；垣曲人文昭；解州进士程鹏，正德中任；内江举人马呈图，隆庆壬申冬任。录以备考。

请录入恤典。王津<sup>①</sup>河津人，正统七年任，见《重修庙学记》。马端无为州人，正统时任，见《钟楼记》。樊昌南充人。霍勉孟县人，天顺年任。宋鏞涿州人，成化间任。刘震扶沟人，成化间任，曾修吕氏祠墓。归玺聊城人，（宏）[弘]治二年任。石山裕州举人，（宏）[弘]治六年任。张云霄偃师举人，（宏）[弘]治间任。任文□<sup>②</sup>剡城人，（宏）[弘]治六年进士，由御史改任蓝田，重修邑志。郭坤高平举人。周潏太原举人。顾灏太康举人。王宁黎城人，俱正德时任。何濬洪县<sup>③</sup>举人，正德十年任。李尚嵩县举人，正德十二年任。王裕内江举人，嘉靖八年任。吉大来绛州举人，嘉靖十八年任。赵师道平陆举人，嘉靖二十一年任。张弛辽州人，嘉靖二十四年任。汤传<sup>④</sup>新都举人，嘉靖二十九年任。杨绍先高平举人，嘉靖三十二年任。司谏<sup>⑤</sup>宿州人，嘉靖三十四年任。侯维藩滕县举人，嘉靖三十五年任。翟希鲁洛阳举人，嘉靖四十年任。张鹏翰阳曲举人，嘉靖四十四年任。董三策定陶举人，隆庆二年任。陈栗酆都举人，万历元年任。郭孔厚灞县<sup>⑥</sup>举人，万历三年任。何思仪真人，万历四年任，创建寅宾馆。齐塘<sup>⑦</sup>榆次举人，万历六年任。温继文华阳人，万历十一年任。杨培解州举人，万历十四年任。李乔文水举人，万历十七年任。王汝忠掖县举人，万历十九年任。陈一夔光州人，万历三十一年任。陈信贵州新添卫举人。张麟鸣洛阳举人，万历三十九年任。沈国华潞安举人，万历四十一年任。修会文馆于县北门外，每月朔，诣会所，与诸生讲论文史，多所造就。曾摹郭忠恕《辋川图》刻石，并修《县志》。周继文曲周举人，

① 王津：清雍正《蓝田县志》卷二作“王禧”。

② 此处原缺一字。清雍正《蓝田县志》卷二记为山东郯城人任文献。

③ 洪县：清光绪《蓝田县志》卷四作“射洪”。

④ 汤传：清光绪《蓝田县志》卷四作“汤傅”。

⑤ 司谏：清光绪《蓝田县志》卷四作“田谏”。

⑥ 灞县：清光绪《蓝田县志》卷四作“直隶人”。明北直顺天府有灞县。

⑦ 齐塘：清光绪《蓝田县志》卷四作“齐唐”。



万历四十六年任。王湛忻州举人，天启元年任。王梦瑞石首人，天启六年任。王凤翎山东人。雷鸣时四川人。时因流寇出没，思为守御计。县城土筑，鸣时以北城积阴易颓，甃以砖，至今完固。后升商州。张明廷偏关人。在任锄奸去暴，颇著风烈。时以孙中丞发兵至县，明廷阻之，兵鼓噪入城，据二十日，死之。张翊辽东人，万历十二年任<sup>①</sup>。杨明祯偏关人，万历十四年任<sup>②</sup>。颜伯忠曲阜人，崇祯十年任。

按：已上俱蓝田令，见《县志》<sup>③</sup>。

俞思义《泾阳志》：新繁人，洪武中任。曾玉<sup>④</sup>涪州人，正统末任，有惠政。先后任泾阳二十余年。高瑀举人，天顺间任。庞辅乡宁<sup>⑤</sup>举人，成化初任。十四年，调三原。刘湜太康人，（宏）[弘]治间进士。性刚正，毁泾阳境内淫祠及寺观几尽。缮学宫，增修内外学，与诸生讲习，多所造就。宋鉴巩县举人，（宏）[弘]治间任。刘仲和临县举人，正德初任。侯秉忠<sup>⑥</sup>正德间举人。李

① 万历十二年任：清雍正《蓝田县志》将张翊排在崇祯十年任知县的颜伯忠之后，仅书“十二年任”，按体例，当为崇祯十二年任。清光绪《蓝田县志》同。本志臆补“万历”二字，误。

② 万历十四年任：清雍正《蓝田县志》将杨明祯排在颜伯忠、张翊之后，仅书“十四年任”，按体例，当为崇祯十四年任。清光绪《蓝田县志》同。本志臆补“万历”二字，误。

③ 据雍正《蓝田县志》卷二，明代蓝田知县还有：山西临汾人赵信，天顺间任；河南涉县人王科，嘉靖元年任；山西绛州人韩璘，嘉靖四年任；直隶大名人翟清，嘉靖十一年任；山东邹县人张洗，嘉靖十七年任；山西平定州人吕好古，嘉靖二十七年任。清光绪《蓝田县志》卷四除以上俱有外，还有：辽东广宁进士李景登，万历间任；河南卢氏人王邦才，万历二十七年任；山西泽州人孔思聪，万历三十一年任；梁一道，万历间任。录以备考。

④ 曾玉：清道光《重修泾阳县志》卷七作“鲁玉”。清乾隆《泾阳县志》卷五同本志。

⑤ 乡宁：清乾隆《泾阳县志》卷五作“宁乡”。据《明史·地理志》山西吉州有乡宁县；永宁州有宁乡县。

⑥ 侯秉忠：清乾隆《泾阳县志》卷五作“任秉忠”。



溥正德间举人。吴瑛罗江举人，嘉靖间任。荆晟猗氏举人。霍鹏太原府人，进士。以廉干升西安同知。张逢源绵州举人。张朝銳浍池举人。李引之束鹿举人。白□<sup>①</sup>朔州举人。余昆<sup>②</sup>湖广人。张澜滨州举人。何体乾汾州举人。连应魁武安人。屈谏长治进士。樊钟岱清苑进士。刘得宽安邑进士。朱<sup>③</sup>友达彭山举人。王时演内黄举人。沈绍先安州举人。已上嘉靖间任。杨归儒河南府进士，隆庆初任。翟廷楠浑源州进士，隆庆间任。萧汝芳铁岭卫进士。张邦政满城进士。赵光远益都进士。王之钥洛阳进士。彭健吾邢台进士。马之服夏邑进士。宁之翰闻喜进士。张绍先巨鹿进士。苗思顺宁陵进士。已上万历间任。朱国寿宛平进士，崇祯间任。王□<sup>④</sup>诸城进士，崇祯间任。性刚愎，时流寇至泾阳，率乡兵捍御，死者千余人。以计典去官。高去奢宁晋进士，崇祯间任，修泾阳城。李天笃雄县进士，崇祯间任。

按：已上俱泾阳令，见《县志》<sup>⑤</sup>。

杜康祖《三原志》：洪武三年任。吴自当洪武十年任。陈仲彬颍州人，洪武十七年任。焦文晋州人，洪武三十五年<sup>⑥</sup>任。陈荣戎县人，永乐元年任。赖生启上□<sup>⑦</sup>进士，永乐六年任。靖仕

① 此处原缺一字。据清乾隆《泾阳县志》卷五，明嘉靖间泾阳知县有朔州人白容。

② 余昆：清乾隆《泾阳县志》卷五作“钱昆”。

③ 朱：清乾隆《泾阳县志》卷五作“宋”。

④ 此处原缺一字。据清乾隆《泾阳县志》卷五，明崇祯年间泾阳知县有山东诸城进士王程。清道光《重修泾阳县志》卷七作“王程”。

⑤ 据清乾隆《泾阳县志》卷五，明代泾阳知县还有：山西河津进士畅亨，万历间任；北直固安进士傅好礼，万历间任；山东武定州人袁化中，万历间任；北直曲周进士路振飞，天启末任；北直真定进士梁士淳，崇祯初任。清道光《重修泾阳县志》卷七另有知县张附翼，注曰：“据大安禅寺碑补入”。录以备考。

⑥ 洪武三十五年：即明惠帝建文四年。《明史·成祖纪》：诏今年（建文四年）以洪武三十五年为纪，明年为永乐元年。

⑦ 此处原缺一字。清乾隆《三原县志》卷五记永乐六年任三原知县为上犹进士赖生启。

安永乐十五年<sup>①</sup>任。宋麟嵩县人，永乐二十二年任。苏玘河南人，洪熙元年任。张拱荥阳人，宣德二年任。刘耽武定人，宣德四年任。刘斌庆都人，宣德八年任。刘兴文登人，正统十三年任。王瑀洛阳人，景泰元年任。朱芾溧水人，景泰三年任。莫谦大兴进士，天顺四年任。李麟洪洞人，景泰三年任。吴芳固始人，成化四年任。李景繁仪封进士，成化六年任。葛璋济阳人，成化十九年任。马龙齐东进士，（宏）[弘]治二年任。谢鹏怀庆卫举人，（宏）[弘]治六年任。尚鸾仪封举人，（宏）[弘]治十一年任。林洪博南城举人，（宏）[弘]治十五年任。王尧臣忻州举人，正德三年任。程启充嘉定进士，正德四年任。郑云翔麻城进士，正德九年任。郑本公朔州卫进士，正德十一年任。王成章榆次举人，正德十五年任。郭宝获嘉进士，嘉靖二年任。张铎壶关进士，嘉靖六年任。余士聪<sup>②</sup>翼城进士，嘉靖十年任。张治颍川卫举人，嘉靖十四年任。阎鲁山东举人。王鸣凤宛平举人。甘茹富顺进士。马斯臧钧州人，嘉靖年任。穆宁中进士。熊□<sup>③</sup>富顺人。张求可内江人。文公试四川人。许憺灵宝人。李仕华宜宾人。顾问湖广咸宁人。陈济祥符进士，万历二年任。张大漠永年进士，万历九年任。郭显忠太康进士，万历十二年任。张泮忻州进士，万历十四年任。高进孝获嘉进士，万历十九年任。蔡成己通州进士，万历二十三年任。何朝宗道州进士，万历三十八年任。雷起龙北直人，万历间任。李昌兴济进士，万历间任。张缙彦河北人，崇祯年任。葛□<sup>④</sup>彭三益 魏名大并崇祯年任。

① 十五年：此同明嘉靖《重修三原志》卷四。清乾隆《三原县志》卷五作“五年”。但乾隆《县志》将靖仕安排在永乐六年任知县的赖生启之后，疑乾隆《县志》误。

② 余士聪：清乾隆《三原县志》卷五作“钱士聪”。

③ 此处原缺一字。清乾隆《三原县志》卷五作“熊迴”。

④ 此处原缺一字。清乾隆《三原县志》卷五注：缺名。

按：已上俱三原令，见《县志》<sup>①</sup>。

刘逊《整屋志》：仪真人，永乐年任。纪子成福山人，永乐年任。韩相永乐十九年任。赵敬宣德二年任。杨□<sup>②</sup>正统元年任。李鉴正统四年任。□达<sup>③</sup>字叔通，广济举人，正统八年任。教民陶瓦以覆屋，开渠以溉田。莅官九载，有心民事，终始如一。赵伦景泰四年任。董宽天顺元年任。马麟成化元年任。杨伦成化四年任。范威成化八年任。马纪景州<sup>④</sup>举人，成化十二年任。王节字介庵，太康举人。时值岁歉，劝民出羨余，随远近给食，全活无算。次年丰收，积粟若干石，为备荒计。复开广济渠二十五里，引山水溉田。买田器、货官牛百二十，犒给贫民。民渐殷实，乃亲课生徒，讲习冠、婚、丧、祭之仪，一时陋俗因以丕变。卒于官。譙政成化二十一年任。王绘五台举人，（宏）[弘]治元年任。王智济南举人，（宏）[弘]治八年任。乔霆猗氏人，（宏）[弘]治十八年任。黄舜卿富顺举人，正德七年任。武瓚山西举人，正德十一年任。吴愚宜宾举人，正德十二年任。王暘河内进士，正德十五年任。王聘利津人。王才佐崞县人，嘉靖七年任。□昂<sup>⑤</sup>蒲州举人，嘉靖十二年任。苏伯珠四川人，嘉靖十四年任。李承恩新乐举人，嘉靖十五年任。崔铨辽东人，嘉靖十九年任。吴铸任丘举人，嘉靖二十一年任。吴凤常德举人，嘉靖二十三年任。黄家乐<sup>⑥</sup>钟祥举人，嘉靖二十五年任。黎元涪州

① 据清乾隆《三原县志》卷五，明代三原知县还有：雄县举人杨聪，正统元年任；乡宁举人庞辅，成化十四年任；进士张应征；沈琦，万历二十七年任；临晋进士李栖凤，万历三十三年任；河内进士杨之璋，万历四十年任；掖县进士姜兆张；铜梁进士涂有祐；祥符进士刘昌，天启七年任；济宁进士陈宸颂，崇祯间任。录以备考。

② 此处原缺一字。清乾隆《整屋县志》卷六注：失名。

③ 此处原缺一字。清乾隆《整屋县志》卷六作“郑达”。事迹同。

④ 景州：清乾隆《整屋县志》卷六作“河间”。

⑤ 此处原缺一字。清乾隆《整屋县志》卷六作“姒昂”。

⑥ 黄家乐：清乾隆《整屋县志》卷六作“黄嘉乐”。

进士，嘉靖三十六年<sup>①</sup>任。蔡子齐顺天举人，嘉靖四十三年任。傅宠巴县进士，嘉靖四十四年任。罗良祯内江进士，隆庆二年任。马鲁卿内江进士，隆庆五年任。顾连璧博梁<sup>②</sup>进士，万历二年任。南邦化安邑进士。房壮丽安州进士。崔谦亨魏县进士，由工部主事左迁<sup>③</sup>。于浩易州举人。秦聚奎汉阳进士。希鲁<sup>④</sup>谢三诏并举人。王之栩蕲州举人。祁上舍<sup>⑤</sup>举人。张麒化太平进士，天启年任。崔嗣远举人。王选进士。崔俊田时畅进士，并天启年任。杨王休盐山举人。孙兆禄举人。何迥秀真定举人，并崇祯间任。简仁端字季麟，荣县举人，崇祯壬午以京兆郡丞<sup>⑥</sup>署整屋令。邑方罹兵燹，仁端加意抚恤。时方旱，为疏广济渠。寇据南山为乱，设法诛剿，邑城以安。旋升平凉守。寇至，以身殉城。

按：已上俱整屋令，见《县志》<sup>⑦</sup>。

吴云《渭南志》：字友云，宜兴人，元国子生<sup>⑧</sup>。洪武元年，除（宏）[弘]文馆（较）[校]<sup>⑨</sup>书郎。明年，改渭南丞。是时，事皆草创，云至，摄县事，振废滞、内流逋、锄强暴、恤孤茆、均徭赋、宥罪戾、拓治城郭、创新庙署。三年，颶风丕变。以卓异擢

① 三十六年：清乾隆《整屋县志》卷六作“三十三年”。

② 博梁：清乾隆《整屋县志》卷六作“博兴”。《明史·地理志》无博梁县，山东青州府有博兴县。

③ 由工部主事左迁：清乾隆《整屋县志》卷六作“由都水司主事左迁”。

④ 希鲁：清乾隆《整屋县志》卷六作“阎希鲁”。

⑤ 祁上舍：清乾隆《整屋县志》卷六作“祁上合”。

⑥ 京兆郡丞：清乾隆《整屋县志》卷六作“西安府同知”。

⑦ 据清乾隆《整屋县志》卷六，明代整屋知县还有：三河进士萧选，弘治十四年任；蒲州进士杨博，嘉靖九年任；山西沁水进士李春芳，嘉靖十二年任（此人排在嘉靖二十五年和三十二年两任知县之间，按体例，疑应作嘉靖三十二年任）；四川内江进士何起鸣，嘉靖三十九年任；河南郑县进士程训；临汾举人荀时中；河南鄢陵人梁克从；举人梁克顺（克从兄），万历四十八年任。录以备考。

⑧ 元国子生：《明史·王祿传附吴云传》作“元翰林待制”。

⑨ 据清道光《重辑渭南县志》卷三改。



刑部郎中。拜刑部尚书<sup>①</sup>，祀名宦。周璘博兴人，宣德元年任，创建布、按二行署，又继吴丞重修诸厅署。祀名宦。徐祯正统五年任。程章保定人，景泰五年任。孙玉天顺六年任。宋礼郟县举人，成化二年任。周宁睢州举人，成化六年任。振废兴利，官署、祠庙皆为拓新。又增修预备仓，创建四乡社仓，各积粟逾数万。复增广学舍，丰廩饩。诸生专业多所成就。居六年，迁河州，卒，祀名宦。宫显乐至举人。成化十七年任。任爵代州举人，（宏）[弘]治三年<sup>②</sup>任。张清山东人，（宏）[弘]治八年任。黄用罗江举人，（宏）[弘]治九年任。范巩卫辉举人，（宏）[弘]治十二年任。严用四川举人，（宏）[弘]治十五年任。张维隆庆州人<sup>③</sup>，（宏）[弘]治十六年任。姜彬辽东人，（宏）[弘]治十七年任。刘司直汝阳进士，正德九年任。吴东周浑源举人，正德十六年任。姚宪太原人，嘉靖元年任。袁勋章丘举人，嘉靖四年任。高栋鱼台举人，嘉靖十一年任。靳廷宝历城举人，嘉靖十四年任。刘镇息县举人，嘉靖十七年任。辛万钧广安举人，嘉靖二十年任。张一鹏云南举人，嘉靖二十二年任。张汝学云南举人，嘉靖二十四年任。甄伟顺天举人，嘉靖二十七年任。赵大本魏县举人，嘉靖二十九年任。谢培<sup>④</sup>龙骧右卫举人，嘉靖三十四年任。李希雒字宗程，太原人，嘉靖三十三年进士，为昌黎令。明年乙卯，关中地震，渭南尤烈，遂移治渭。抵任后吊僵仆、恤孤茆、省刑罚、蠲逋负，拓筑城垣，葺新庙署。居年余，擢吏科给事中。士民建祠以祀，碑云：“渭当大震时，光景晦塞，与草昧同。李拯济之功与开创无异。”颂云：“前

① 据《明史·王祿传附吴云传》：吴云洪武八年出使云南遇害。弘治四年五月赠刑部尚书。

② 三年：清道光《重辑渭南志》卷三作“八年”。

③ 清道光《重辑渭南志》以大、小字区隔，作“张维隆，庆州人”。查《明史·地理志》无庆州建置。北直延庆州条作：“永乐十二年三月置隆庆州，属北京行部。十八年十一月直隶京师。隆庆元年改曰延庆州。”故此处断句应作“张维，隆庆州人”。

④ 谢培：清道光《重辑渭南志》卷三作“谢培龄”。



有吴丞，后有李令，功既无殊，祀宜与并。信哉！”王□用<sup>①</sup>成安进士，嘉靖三十六年任。赵云程大兴进士，嘉靖三十八年任。刘翹内江人，嘉靖四十一年进士<sup>②</sup>。邑当大震后，诸创建有李令未逮者，翹一一图之。民既乐趋，功亦永赖。居三年，征为御史。民建祠以祀。崔廷试陈留进士，嘉靖四十四年任。梁许孟津进士，隆庆二年任。帅祥安居<sup>③</sup>进士，隆庆五年任。褚顺祥符进士，万历二年任。柳明临清举人，万历八年任。张栋安肃进士，万历九年任。郭维祯巫山进士，万历二十年任。王九叙肃宁进士，万历三十年任。修万里桥，斲石为梁，渭人永赖，立祠以祀。李枝秀肥乡进士，万历三十六任。杨新时期阳城进士，万历四十五年任。徐吉内江进士，万历四十七年任，创修《县志》。陈耀孟津进士，天启二年任。冯大任嘉定进士，天启六年任，升西安府同知。阮士彦富顺举人，泰昌元年任。郭永固绛县举人，崇祯二年任。张希夏蒲州进士，崇祯三年任。重修文庙，兴学育才。居三载，调长安令，征为礼科给事中。祀名宦。张天机兰阳进士，崇祯六年任。刘运隆安丘进士，崇祯十一年任。

按：已上俱渭南令，见《县志》<sup>④</sup>。

樊俊《富平志》：洪武四年任。孙义洪武十五年任。邑内社稷、风云雷雨山川及邑属诸坛，皆义所创建。李栋洪武三十年任。张经洪熙元年任。石□<sup>⑤</sup>昌黎人，永乐四年任。李秉 李书

① 原缺一字。清道光《重辑渭南县志》卷三记明嘉靖三十六年任渭南知县为成安进士王宫用。本志卷二十《渭南县》条亦有“知县王宫用”之记载。

② 清道光《重辑渭南县志》卷三作“内江进士，（嘉靖）四十一年任”。

③ 安居：清道光《重辑渭南县志》卷三作“安邑”。

④ 据清道光《重辑渭南县志》卷三，明代渭南知县还有：武邑人国璧，正统二年任；汜水人张俊，成化十三年任；新郑举人杨同，弘治十八年任；霸州举人王鉴，正德十二年任；临颖举人梁沂，嘉靖四年任；祥符进士和霄，万历五年任；东明进士崔邦亮，万历十五年任；许州进士徐斗牛，万历二十六年任；商城进士杨所修，万历三十八年任；高平进士杨暄，崇祯十五年任。录以备考。

⑤ 此处原缺一字。清乾隆《富平县志》卷五记永乐四年知县为石確。

俱永乐间任。**李荣**正统四年任。**高应举**大足人，正统六年任。性廉明。县仓、预备仓旧处卑湿，应举移于今所，城隍庙亦所重修者。**马元**保定人，景泰四年任。**王傑**天顺三年任。文庙暨县治，傑皆重修。**井炳**成化元年任。**苏鉴**成化四年任。**韩楷**山东举人，成化六年任，重修文庙。**郭镕**成化十年任。建鼓楼及县治、吏胥诸房，余多兴举。**张本**河南举人，成化十九年任。性直，尤任意庠序，于儒学明伦堂北设讲堂，左右各翼五楹，以处师儒与诸生讲习其中。**凌云**成化二十二年任。**陈润**临安进士，（宏）[弘]治元年任。初辟西门，广儒学明伦堂为五楹，文教焕然。**李良固**始举人，（宏）[弘]治六年任。喜任事，建学舍及医学、阴阳学。修永兴桥，邑中废坠具举。**王钟**（宏）[弘]治十四年任。**聂珊**汝阴人，正德二年任。**李寿昌**太康进士，正德二年任。**刘铭**灵石人，正德五年任。**路云魁**上津举人，正德八年任。**刘藻**彭县举人，正德十一年任。**王宗源**吴县举人，正德十一年任。**杨玳**太原人，正德十三年任。**杨滋**卢龙人，嘉靖元年任。时杨伯修年尚少，为事株连，逮狱。滋一见奇之，曰：“此国器也。”为之昭雪，授衣食，遇以殊礼。后伯修官御史，以风节著。**廉明**南阳举人，嘉靖二年任。**刘怡**巴县举人，嘉靖七年任。**刘希简**汉州进士，嘉靖九年以给事中左迁。性刚正，豪强敛迹。曾建新城书院以造士。**韩嘉会**眉州举人，嘉靖十三年任。清介自守，每朔望谒庙，必焚短简，吏窃视之，有云：“嘉会清归神，其福归；嘉会浊归神，其祸归。”闻者凜然。**高义**叶县举人，嘉靖十九年任。**张续**安阳举人，嘉靖十九年任。**程辅**桂林人，嘉靖二十一年任。**刘煦**霍州举人，嘉靖二十二年任。多惠绩，催科尚宽缓，而民自不忍欺。邑洪水里民，故豪猾逋赋，前令不能治，完赋额自煦始。**胡志强**<sup>①</sup>安邑进士，嘉靖二十四年任。建邑中鼓楼，砖埤暨诸堡墙。**刘尚礼**汾州举人，

① 胡志强：清乾隆《富平县志》卷五作“胡志夔”。

嘉靖二十九年任。何通衢<sup>①</sup>邑州<sup>②</sup>举人，嘉靖三十年任。马鎔洛阳举人，嘉靖三十五年任。赵桐绛州人，嘉靖三十六年任。崔举唐山举人，嘉靖三十八年任。革里甲日支费，又均田，核余地二千余顷，民德之。然性刚直，不为上官所容，去官后囊无一钱。孙尚书丕扬题其门曰“清吏第”。王尚贤昌黎人，嘉靖四十三年任。姜赞化夏县举人，隆庆元年任。王良万<sup>③</sup>顺天举人，隆庆三年任。史燦开州举人，隆庆七年任。时文庙以地震倾圮，燦倡修之。又县中故有总里日醮金候尹措用，岁会千余。燦至革除，民德之。刘兑字景泽，新安举人，万历八年任。时奉司农核田加赋，兑令有田者先自拟等，并以数问，率吏亲丈量之。漏者听其自首，不之罪。乃区分金、银、铜、锡、铁五等，视地酌粮，筹度尽善。至今有净田者，多出兑均田册籍相质曰：“刘公原割也。”虽纸渝墨敝，负者见之，无不俯首以去。又兴复漆、沮温泉，赵氏诸水利，创立者七，疏通者二十有二，灌田数千亩，至今利赖。复修邑中坛庙祠宇、郭门公廨，具如法式。有专祠在北郭外。鲁童 聂世润富顺进士。焦承光大同卫人，万历间任。侯来诏山东人，万历间任。遇事明断，民便之。卒，立专祠以祀。李承颜曲沃举人，万历年由高陵令调富平。张大武雄县进士，万历二十九年任。宋日就沂水人，万历三十二年任。赵民瞻武乡人，万历三十八年任。隋不矜寿光举人，万历四十一年任。刘勅历城人，万历四十五年任。王汲初山西人，万历四十七年任。孙如兰曜州<sup>③</sup>举人，天启二年任。宋果莱阳进士，天启五年任。马呈德杞县进士，崇祯五年任。贾太初河间进士，崇祯十年任，重修文庙。冯贞吉太康进士，崇祯十二年

① 明代无“邑州”。清乾隆《富平县志》卷七作“巴州”。

② 王良万：清乾隆《富平县志》卷五作“王良策”。

③ 曜州：明代无曜州。清乾隆《同官县志》卷六有睢州举人孙如兰任知县记录。则此处当为“睢州”。据《明史·地理志》，睢州在河南归德府。

任。崔允升翼城进士，崇祯十三年任。

按：已上俱富平令，见《县志》<sup>①</sup>。

许友《醴泉志》：洪武间任。刘裴洪熙间任。胡璉汤阴举人，醴泉训导，正统间以荐迁县令。郑广卢龙人，正统间任。张鉴景泰间任。解时郭翰并成化间任。张纲<sup>②</sup>巩县人，成化间任。张相蓬州进士，（宏）[弘]治二年任。甘口<sup>③</sup>宛平人，（宏）[弘]治间任。南昂直隶人，（宏）[弘]治间任。王锡洪洞举人，（宏）[弘]治六年任。李用泽州举人，（宏）[弘]治十六年任<sup>④</sup>。王佐蒲台人，正德四年任<sup>⑤</sup>。段威武铜梁举人，正德五年任。南拱绛州举人，正德六年任。李盛蔚州举人，正德十二年任。焦端临津举人，嘉靖元年任。韩嘉会眉州举人，嘉靖七年任。祀名宦。邝俸济阳举人，嘉靖八年任。张良辅辽东人，嘉靖十一年任，创建文庙启圣祠。刘佐德阳人，嘉靖十二年任。李琮潞安府人，嘉靖十六年任。张惟易上蔡举人，嘉靖十六年任。有惠政。祀名宦。王用贤钧州举人，嘉靖二十年任，创建城隍庙。何楚望襄阳举人，嘉靖二十六年任。马云雷祁县人，嘉靖三十年任，曾毁治中旧城，不协于众。邢时伸昌邑人，嘉靖三十四年任。任应元裕州人，嘉靖四十一年任。郭藩大同人，嘉靖四十三年任。魏汝霖解州举人，隆庆元年任。李中嘉和顺人，隆庆元年任<sup>⑥</sup>。孟阳宁晋举人，隆庆四年任<sup>⑦</sup>。朱之藩巴县举人，隆庆六年任。姚烛襄城举人，万历二年任。修建

① 据清乾隆《富平县志》卷五，明代富平知县还有：张得先，洪武二十三年任；胡山，嘉靖四年任；杨时泰，嘉靖八年任；聂武，万历二年任；杨守川，万历五年任；王正志，万历二十七年任。录以备考。

② 张纲：清乾隆《醴泉县志》卷五作“张一纲”。

③ 此处原缺一字。清乾隆《醴泉县志》、民国《续修醴泉县志稿》此人名均空缺。《礼泉县志》（三秦出版社，1999年）记明弘治四年任醴泉知县为直隶宛平人甘凌。

④ 弘治十六年任：《礼泉县志》（三秦出版社，1999年）作弘治八年任。

⑤ 正德四年任：清乾隆《醴泉县志》卷五作“正德五年任”。

⑥ 隆庆元年任：清乾隆《醴泉县志》卷五作“隆庆四年任”。

⑦ 隆庆四年任：清乾隆《醴泉县志》卷五作“隆庆六年任”。



城垣。卒，祀名宦。**林士芳**万全都司人，万历七年任。**朱梦祥**嘉定州人，万历十年任。**陈善谟**万全都司举人，万历十二年任。**毛章**汉州举人。**沈梦斗**嘉善进士，万历十四年任，重建邑中望乾桥。**阎年**滑县举人，万历十七年任。**黄立中**临安府举人，万历十九年任。**李榷**翼城举人，万历二十一年任。**阎鹤年**祥符举人，万历二十一年任。**张大美**霑益州举人，万历二十二年任，重修儒学。**庞进贤**永年举人，万历二十七年任。**芮质田**宝坻人，万历二十九年任。创建文昌阁于县城东南隅。**贾应奎**滋阳举人，万历三十三年任。时邑有虫灾，食麦殆尽，上官欲查勘，为赈贷计。应奎视邑中巴谷岩麦尚存数亩，因刈之以献，监司为催科地。有诸生董其争之，死杖下。终以劾去，民称快焉。**陈奇策**绛州举人，万历三十四年任。**因其志**<sup>①</sup>曲沃举人，万历三十八年任。**贺仲轼**获嘉进士，万历四十年任，性廉介。时清查钱粮，仲轼以支解总目刊印册给散士绅，以明无私。以忧去。历官郎中，迁宪副。值闯贼犯河南，题诗壁间，自缢死。**程尚勤**长治人，万历四十三年任。治行称最。卒，祀名宦。**曹宗载**云南举人，万历四十八年任。**梁一澜**沁水举人，天启二年任。**萧如尹**内江举人，天启五年任。**梅文光**湖广人，天启七年任。**罗朝彦**内江举人，崇祯元年任。**范文光**内江举人，崇祯五年以邠州学正署县事。重修唐太宗祠，著有《昭陵志》。**韩景芳**长垣举人，崇祯七年任。时值流寇披猖，所在焚掠。景芳浚城池，严守御，民赖以安。后被诬夺职。卒，祀名宦。**张名世**马邑人，崇祯十年以西安府通判摄县事。**胡守鲁**永宁县人，崇祯十二年任。**朱敏濂**太原府人，崇祯十六年任。

按：已上俱醴泉令，见《县志》<sup>②</sup>。

① 因其志：民国《续修醴泉县志稿》作“田其志”。

② 据清乾隆《醴泉县志》卷五，明代醴泉知县还有：山西大同人撒俊，成化间任；武振华（民国《续修醴泉县志稿》记为山西离石人），嘉靖三十五年任。民国《续修醴泉县志稿》还记有刘茂资，嘉靖九年任。录以备考。



鲁俊《耀州志》：同官令。杨頊祥符人。周俊洛阳人。席中泌阳人。张贵珉上虞人。郭瑄太原人。樊荣景泰初任。始筑县城。傅鼎新河进士，续筑县城。颜顺景州人，成化十九年任。续筑县城，重修庙学。杨茂夹江人，成化二十一年任。时值岁饥，救荒有术。王恭长垣人，（宏）[弘]治间任。作石堤，修东城以御漆水。张溥<sup>①</sup>安州<sup>②</sup>人，正德十二年任。郑晓成都人，正德十四年任。于宗尧济源人，正德十六年任。袁勋章丘人，嘉靖元年任。以绩最，调渭南，升长史。姚宪交城人，嘉靖四年任。李换代州人，嘉靖九年任。郭嘉祯<sup>③</sup>岳池人，嘉靖十年任。庞德崇阳曲人，嘉靖十一年任。王时暹潼川州<sup>④</sup>人，嘉靖十四年任。白镇平定州人，嘉靖十六年任。有惠政，建遗爱祠。李衡霏化人，嘉靖十九年任。阮华施州卫人，嘉靖二十年任。王昱稷山人，嘉靖二十一年任。崔钦安阳人，嘉靖二十四年任。李焕然沅州<sup>⑤</sup>人，嘉靖三十四年任。董应诏平定州人，嘉靖三十六年任。

按：已上俱同官令，见《耀州志》。

杨万祺曹州举人，曾修邑志。赵维孟县举人，有惠政，邑建遗爱祠。吴洸威州人，县城楼复屋、雉堞甃砖，皆所创建。迁西安府同知。李一本浮山人。潘汝臣岢岚人，救荒有术，全活甚众。屠以钦武陵人。马铎定兴举人，有才略，多所建置。修筑河堤，申减荒粮，尤绩之最著者。后改知偃师，有遗爱祠。董廷范静海人，有惠政，建祠祀焉。李光表蒙城<sup>⑥</sup>人，政尚简易，去后士民思

① 张溥：清乾隆《同官县志》卷六作“张博”。明嘉靖《耀州志》卷六与本志同。

② 安州：清乾隆《同官县志》卷六作“安邑”。明嘉靖《耀州志》卷六与本志同。

③ 郭嘉祯：清乾隆《同官县志》卷六作“郭嘉顺”。明嘉靖《耀州志》卷六与本志同。

④ 潼川州：清乾隆《同官县志》卷六作“汉川”。明嘉靖《耀州志》卷六与本志同。

⑤ 沅州：清乾隆《同官县志》卷六作“沅川”。明嘉靖《耀州志》卷六与本志同。

⑥ 蒙城：清乾隆《同官县志》卷六作“蒙自”。

之，建遗爱祠。梁善士泰安人。刘泽远祥符举人，建书院、奎星楼，鼎新公署，修筑河堤，重纂邑志，废坠具新。孔尚标曲阜人。时值岁饥，救荒有术，并缮器械、筑城堡以御寇盗，民赖以安。并修《县志》及《孟姜女集》。

按：已上俱同官令，见《县志》<sup>①</sup>。

### 参佐

**李叔正** 《江西通志》：字克正，靖安人，洪武初迁渭南丞。同州、蒲城争地，累年不决，行省以委，叔正单骑至其处，召两造至前，立谈而决。县田无定额，乃即里社丈量。立法密而用刑严，奸慝褫服。

**解 铨** 《三原志》：栖霞人，监生。永乐中三原教谕。九年考满，保留复任。教训有方，士登贤书、捷南宫者，皆其力也。

**郭 忠** 《通志》：江南徐州人，吏员。宣德中任三原丞。熟于吏治，为政公平，士民感德，升秦州同知。

**张 尹** 《通志》：字商任，河南鲁山人，正统中高陵教谕。有孝行，能以身教人。生徒有贫窘者，麦粟周之。九年，转长安谕。

**周 仪** 《通志》：山西孝义人，举人。正统中鄠县教谕。与诸生约鸡鸣来学，鸡未鸣，仪衣冠而待。诸生奋励，由是多能记诵。鄠有城隍会，声伎繁华，观者塞道，诸生无一敢延佇者。秩满，升保定府教授。

**刘 亮** 《怀麓堂集》：洛阳人。由乡贡登宣德庚戌乙科，

① 据清乾隆《同官县志》卷六，明代同官知县还有：张镛；崞县人亢庆鸿（明嘉靖《耀州志》卷六作亢鸿庆），嘉靖二十六年任；南部人樊廷表，嘉靖四十一年任；顺天人郭昭朗，嘉靖四十二年任；江西籍河南夏邑人彭好古；怀来卫人杨光溥，万历八年任；涪州人朱之聘，万历二十四年任；章丘人张士科，万历三十六年任；南宫人韩自任，万历四十二年任；马邑人刘宪，万历四十二年任；睢州人孙如兰；鸡泽人康大猷；河间人黄道星；襄陵人陈大道；丁弘誉，崇祯三年任；顾鸿初，崇祯年间任；沔阳州人萧叔昌，崇祯八年任。录以备考。

授陕西华州训导，尝再摄渭南学，成材者众。寻改三原谕，爱其士多秀敏，讲授不辍。其教以明理饬行为本，不专文艺，学者畏服。

**康拯** 《通志》：正统间任耀州学正。以勤率士，五夜即升堂，令诸生互课，有不如程者，戒责不少假，士多有成。

**潘敏** 《通志》：宿迁人，景泰中以材胥任泾阳主簿。廉以持身，谦以接士，开修水利，增新庙学。

**王敦** 《通志》：寿阳人，天顺初举人，任渭南教谕。性狷洁，一介弗取。训诲严明，鸡鸣即升坐敷教，风雨寒暑无间，诸生畏敬。一生以新茄数十馈之，怒曰：“弗勤尔学，乃以是啖我邪？”惩以夏楚，如其茄数，遣之。后迁中牟令。

**刘端** 《通志》：宁乡举人，成化中西安同知。明晓水利，留心民事，修治渠堰，人被其泽。既去，民恒思之。

**李文祥** 《通志》：字天瑞，麻城进士。以风义自持，谪咸宁丞。上官有欲门见之者，文祥却立不进，曰：“庭参有礼，此非其所。”及召还，关中父老拥道泣送。《麻城县志》：《上新政疏》激切，大学士万安衔之，令吏部除文祥咸宁县丞。刚正有为。安罢，擢南京工部主事。

**王宾** 《通志》：沁水人，监生。成化中咸阳教谕。礼度谨饬，约束严明，为关辅儒官最。

**王驯** 《通志》：襄垣人，成化中任渭南丞。有力敢任事。诸尊官过渭南，气焰薰灼者，驯独以己当之，虽驿递亦赖焉。

**徐存敬** 《通志》：双流人，成化中渭南典史。勤敏有才干，历任十一年。去之日，百姓赴京保留之。

**高俦** 《通志》：字宗伊，泸州人，（宏）[弘]治初举人，高陵教谕。博雅端正，勤于训诲，邻县名士皆来就学。教人以六德，冠、婚、丧、祭，乡射、相见，皆为条约，一时礼让文物，焕然可观。升武定同知。

**聂相** 《通志》：临朐人，任泾阳县丞。敦厚有礼，人敬爱

之。临民遇有冤苦者，辄为泪下。后升崇信知县。

**邢彪** 《三原志》：字德威，曲沃人，监生。（宏）[弘]治初三原县丞。衣布茹蔬，珍绮不御。每下乡收粮勘事，惟裹干糗自随，分毫不以扰人。罢职，贫不能归，择咸宁陋室居之，玩诵经籍，泊如也。祀名宦。

**吕子固** 《富平志》：解州人，（宏）[弘]治初以举人为富平谕。赋性刚正，立教有方，每昼课诸生于明伦堂，至夜秉烛巡视，漏下二鼓始休。晨兴又考校之，一时成材甚多。

**赵珍** 《盩厔志》：临颖人，举人。（宏）[弘]治时为盩厔谕。性刚毅，训士严肃，以《礼》经设教。后盩厔士有以曲台业相继魁省闾者，皆其传也。

**毛宪** 《通志》：绛州人，正德中由三氏学授任西安府教授。师道尊严，言行不苟，谒上司无谄容。尝曰：“士子读书处事，只求一个是。”且令诸生宿号舍，而亲夜行巡之，其贫而好学者，必捐俸助给，一时陶成最多。后升韩府长史。

**赵昂** 《通志》：开州人，监生，正德初三原主簿。平居接物，蔼如也，一有干谒，则屹不可动。当路委以政事，所在底绩。升博兴知县。

**刘仁** 《盩厔志》：泸州人，正德时由举人为盩厔谕。能古文词。时督学以古学程关中，遴其才，拔直正学书院，训士多所成就。

**张儒** 《通志》：山西赵城人，监生，正德中渭南县丞。仁厚廉谨，不事鞭朴，人弗忍欺。

**李用中** 《富平志》：山东举人，西安府同知。嘉靖中，城富平流曲堡，用中督之。时边患甚急，百姓尚徯目前，百堵废坠，用中痛惩怠者自巨室始，仍出粟以赈穷人。始就版筑，奋迅趋事，不数月而五堡讫工，遂为永利。

**朱光霁** 《通志》：字克明，蒙化人，嘉靖间举人，同知西安府。时修复河套，百务填委，酬应各有次第。时造珰，故事皆



跪拜，光霁曰：“吾膝岂易屈人者？”瑄闻，独降阶迎见。寻乞致仕。

**乔瑞** 《通志》：霍州人，嘉靖丙戌进士，西安府推官。决疑狱，多所平反。执法抗秦藩、归侵田，设法赈荒民、免流徙。历官山东右参政。

**郭嘉文** 《四川通志》：大足人，嘉靖中乡荐授盩厔教谕，以身饬教。迁白河知县。

**潘达** 《湖广通志》：字剧骖，京山人，万历甲午乡荐同知西安。所辖辽阔，俗多顽梗，达单车抚循，矿贼屏迹。

**杨允中** 《通志》：遵化人，字印南，以庶常改监察御史，左迁西安府同知。壬午岁凶，啸聚者甚众。允中单车夜驰，集千百长团练调度，不五旬而渠魁就擒，境内以安。

**王大智** 《畿辅志》：号濬宇，玉田人，万历时进士，任西安司李。尝庭扑豕宰孙丕扬婿，丕扬闻而喜曰：“有担当人也！”擢吏部主事。

**王明福** 《潼关卫志》：河南府人，西安同知，分署潼关。以明允著称，尝署道事。潼仓斗级著大履带纳户粮，名曰“船鞋”。明福一见知其弊，即杖之于通衢，官置劣考。自是收粮得平。

**史邦直** 《通志》：字中厚，乐陵人，西安府同知。耿介清贞，动准道义，属吏承风，皆以廉明任事，德教大行。会回贼之乱，众议主剿，邦直坚持不可，身率两骑驰谕之，贼皆感泣请降，因歼其魁，余悉散，秦民安堵。擢河南佥事。

**刘一鸣** 《通志》：保宁人，任泾阳训导。温恭恬静，录贫士名于壁间，有馈弗受。未几，卒官，无以为敛。

**徐三仁** 《通志》：青阳人，任醴泉县丞。邑丁向多混征，积胥因缘为弊，三仁一一核实，为勒碑垂示，百姓感其均平。

**郭世禄** 《通志》：字介轩，山西威远卫人，万历间任醴泉谕。体庄心敬，教人以德行为重。著有《戒士》《劝学》诸训。修两庑棂星门，镌石于庙。



**刘波** 《冯少墟集》：字澄源，陇州人。受业于冯仲好，有学行，由贡生为塾屋训导。日与诸生讲学不辍，或有言非其时者，波曰：“吾以尽吾职，他何计焉？”

**宋之傑** 《通志》：字万特，开平卫人。天性英明，任事果决，任咸阳丞。

**姚启崇** 《渭南志》：沁水人，拔贡授渭南丞。崇祯十六年，李自成陷潼关，与邑令杨暄协力固守。城陷，不屈，死。时同死者为教谕萧致中，铁岭人；训导杨馨，巩昌人。皆以贡生任。

**简仁瑞** 《盩厔志》：字季麟，荣县人，举人。崇祯壬午以京兆郡丞署盩厔篆。邑方罹兵燹，闾里丘墟。仁瑞极意抚绥，厘剔奸蠹、豪宗、悍弁，悉束以法。时旱魃为灾，仁瑞疏广济诸渠溉田。寇据南山，设法剿除，危城以安。造士课业，勉以行谊。新令至，复旋京兆，士民如失慈母。

**孔文郁** 《咸阳志》：金华人，洪武二年任咸阳丞。县学暨诸公署皆其所迁建。祀名宦。

**郭思孝** 《咸阳志》：天顺三年县丞。与令贾仁重修庙学。

**唐青山** 《咸阳志》：麻城人，嘉靖十年县丞。与邑[令]<sup>①</sup>马豸同修渭河岸。王九思撰《记》。

**陶廷芝** 《咸阳志》：绵竹人，万历二年县丞。修辑文庙。时移修县城，廷芝捐俸，易留旧北城为儒学后障。

**杨科** 《咸阳志》：万历四年县丞，与邑令贺愈重修儒学。

**李祖树** 《咸阳志》：莱阳人，万历四十三年县丞，与邑令冯珣同修文、武二陵。

**郭昂** 《兴平志》：猗氏人，县丞。有惠政，祀名宦。

**王志道** 《兴平志》：崇祯间县丞。值流寇猖獗，与县尉高安守御有方，民得安堵。

**刘汝箴** 《临潼志》：直隶人，万历七年县丞。勤于民事，兼

① 据民国二十一年《重修咸阳县志·官师志·县丞》补。

有雅操，莅政未□，以县令遇非礼，叹曰：“有田可耕，有子可教，安能郁郁久□<sup>①</sup>此乎？”竟挂冠去。

**王省耕** 《临潼志》：沁州人，任教谕。文庙祭器，改制一新。

**樊玠** 《临潼志》：睢阳人，任训导。时有上官至，以诸生不迎送，欲饬之。玠力言诸生无迎送之职，上官谢之。在任纂辑邑中故事，为《志》二卷。后之修志乘者多赖之。迁国子学录。

**陆宗** 《高陵志》：岷山人，（宏）[弘]治四年县丞，与县尹朱璜同莅任十载，多所建置。

**耿臣** 《高陵志》：胶州人，嘉靖二十年典史。以廉节著。

**张罔** 《高陵志》：越隗卫人，正德间教谕。高陵儒学庙柏森然，皆其手植。

**侯贞度** 《高陵志》：伏陆人，崇祯十一年任训导。葺序两庑，神位有记。

**李忠一** 《鄆志》：任主簿，佐修庙学。

**傅仪** 《鄆志》：山阴人。署主簿一年，有惠政，民为立祠。

**于化龙** 《鄆志》：永清人。署主簿一年，清介有为，解辽饷赴京。百姓为立生祠。

**边鹗荐** 《鄆志》：玉田人，崇祯末年任典史。时流寇披猖，鹗荐建城楼守御，多负勤劳，民得安辑。

**张绅** 《鄆志》：洪武七年教谕，移置庙学。

**方蘄** 《鄆志》：任教谕，重修庙学。

**吴宪** 《鄆志》：安丘举人，年二十余任教谕。通《尚书》，为诸生讲习，至今鄆县多《尚书》举者。

**冯翊 张翊** 《鄆志》：俱任训导，并修庙学。

**潘敏** 《泾阳志》：宿迁人，景泰中任主簿。兴修水利，增新庙学，时称能吏。

**杨润** 《泾阳志》：河津举人，薛文清公弟子也，天顺间任

① 以上□处原缺一字。

教谕。严条格，善训迪，礼度端谨，为教职最。升国子监丞。祀名宦。

**陈让** 《整屋志》：绛县人，任训导。在任捐俸备文庙祭器，创建斋房。

**袁宏彝** 《渭南志》：涇川人，嘉靖间任主簿。好贤礼士。重修庙学，不避寒暑。士有婚丧不能举者，必捐俸助之。

**芮弼** 《富平志》：洪武间任县丞，廨署皆所创建。

**王诏** 《富平志》：嘉靖间任主簿。清介有为，以忤上官去。留题厅壁云：“百种名花手自栽，一朝对面不胜哀。从今去后谁为主，浅紫深红漫漫开。”

**乔元相** 《富平志》：内丘人，嘉靖间任主簿。时因地震，廨署倾圯，元相鼎新之。

**楚玘** 《醴泉志》：洪武二年任县丞。因元末兵燹，徙县治于今所。

**王瑀** 《醴泉志》：黎城人，崇祯九年任主簿。以解饷遇流寇，死之。

**赵璧** 《醴泉志》：邑人。元至正乙巳乡荐，隐于家。洪武初访求遗逸，辟本县学博。教诲有方，人才岁出。卒，祀乡贤。

**夹璋** 《醴泉志》：字德卿，嘉祥人，嘉靖十二年任训导。万历己亥年编辑《县志》。苟侍御好善崇祯戊寅修志，本之。

**高护** 《耀州志》：明开平王入关中，元同官守将遁，开平王遣典史高护抚定之。

**李秀春** 《同官志》：长寿举人，任教谕。官至御史。祀名宦。

**卢□**<sup>①</sup> 《同官志》：崇祯间流贼攻金锁关，驿丞卢□单骑往，谕以大义，死之。

**鲍颀** 《耀州志》：新安人，自翰林修撰同知耀州。时知州

<sup>①</sup> 此处原缺一字。清乾隆《同官县志》卷十记作“驿丞卢某”，云：“时当创革，竟失其名。”

魏必兴多所创建，颢翊赞功居多云。

**陈季镛** 《耀州志》：洪武初同知。时诸事草创，季镛撤东岳庙廊房，建文庙两庑，人服其有识。

**徐 备** 《耀州志》：洪武时州判，佐知州魏必兴有开建功。

**华子范** 《耀州志》：殄山人。开通城故渠，至今利赖。

**陈忠信** 《耀州志》：洪武时富平主簿，创建文庙。

按：各属参佐，诸志所载不下千余，今择少有事迹者书之。其题名则州县志具在也。

## 职官志

### 本朝

#### 西安府知府

《关内周咨录》：《会典》：西安知府系冲繁疲难最要缺。遇有缺出，请旨简用。所属有同知，通判，经历，知事，司狱，儒学教授，训导，阴阳正术，医学正科，僧纲司，道纪司。

崔允升顺治初任。白龙昇辽东盖州人，顺治三年任。王希顺辽东辽阳人，顺治四年任。孟继昌汉军，顺治五年任。陈维新汉军，顺治九年任。王汝楫河南宜阳人，顺治十年任。祁彦辽东广宁人，顺治十一年任。胡朝宾满洲人，顺治十四年任。杨国正辽东锦州人，顺治十七年任。张绍龄山东高苑人，康熙元年任。叶承祧山东历城人，康熙二年任。刘芳标满洲人，康熙五年任。邵嘉引浙江余姚人，康熙十年任。阿尔亲满洲人，康熙十三年任。董绍孔镶白旗汉军，康熙二十年任。彭腾翮正黄旗汉军，康熙二十九年任。卞永宁正白旗汉军，康熙三十二年任。李傑镶蓝旗汉军，康熙三十四年任。祖业宏正黄旗汉军，康熙三十六年任。萧士蕃正黄旗汉军，康熙三十九年任。江濯安徽歙[县]人，康熙四十三年任。庄祖貽江南武进<sup>①</sup>人，康熙四十七年任。韩奕镶蓝旗汉

---

<sup>①</sup> 据《清史稿·地理志》：清顺治二年设江南省，康熙六年，改江南左布政使为安徽布政使司，右布政使为江苏布政使司，江苏、安徽二省分治。武进县属江苏常州府。



军，康熙四十七年任。高鋐镶黄旗汉军，康熙五十一年任。徐容浙江海盐人，康熙五十七年任。桑成鼎江苏沛县人，康熙六十年任。金启勋正白旗汉军，雍正元年任。赵世朗正黄旗汉军，雍正二年任。潘霖鼎江苏溧阳人，雍正四年任。蔡珪江苏宿迁人，雍正五年任。王绍文直隶衡水人，雍正六年任。乌灵阿正蓝旗满洲人，雍正十一年任。朱闲圣顺天举人，乾隆五年任。白嵯正白旗汉军，乾隆七年任。蓝钦奎广东嘉应州人，进士，乾隆十年任。张奎详湖广华容人，拔贡，乾隆十一年任。成德正蓝旗满洲人，乾隆十六年任。王嘉会江苏上元人，进士，乾隆十九年任。富躬镶红旗满洲人，进士，乾隆二十八年任。国栋镶黄旗满洲人，进士，乾隆三十一年任。克尔图镶红旗满洲人，乾隆三十二年任。王兴尧江苏华亭人，乾隆三十二年任。王时薰河南武安人，乾隆三十四年任。林文德正蓝旗汉军，乾隆三十五年任。翁耀湖南湘潭人，丁丑进士，乾隆三十六年任。周廷俊正白旗汉军，乾隆三十九年任。田锡莘山西汾阳人，乾隆四十一年任。舒其绅直隶任丘人，乾隆四十二年任。

按：已上西安守在官事迹散见各卷，至署篆姓名，莅事未久者，俱不更缀。

### 耀州知州

《关内周咨录》：西安府属耀州简缺，遇有缺出，俱归部选。

颜默化直隶沧州人，顺治元年任。刘洁河南宜阳人，顺治四年任。刘汉卿山西翼城人，顺治五年任。王业兴辽东辽阳人，顺治五年任<sup>①</sup>。唐翰辅正黄旗满洲举人，顺治十三年任。刘源溥直隶清苑人，进士，顺治十六年任。李麟生河南人，康熙三年任。傅奇梅辽东广宁人，康熙十年任。程康庄河南武乡人，康熙十一年任。陈璫康熙十六年任。张鼎新山西人，康熙十七年任。徐登瀛浙江仁和人，康熙二十八年任。李铨正黄旗汉军，康熙三十年任。

① 顺治五年任：清乾隆《续耀州志》卷五作“顺治九年任”。

高士铎正白旗汉军，康熙四十一年任。陈豫朋山西泽州人，康熙四十四年任。吴宾彦浙江钱塘人，康熙四十五年任。马腾云正白旗汉军，康熙五十年任。卞之锈正白旗汉军，康熙五十二年任。王文熙镶蓝旗汉军<sup>①</sup>，康熙五十六年任。赵挺元山西闻喜人，雍正元年任。朱绍峒镶白旗汉军，雍正四年任。程永言安徽休宁人，乾隆五年任。支本固山西灵丘人，乾隆十二年任。田邦基正黄旗汉军，乾隆十五年任。侯珏山西临汾人，乾隆十九年任。曹世鉴山西宁海人，乾隆二十三年任。汪灏安徽旌德人，乾隆二十四年六月任。王汝恂直隶枣强人，乾隆三十一年任。赵替<sup>②</sup>甘肃灵州举人，乾隆三十六年任。吴大生江西高安人，乾隆三十六年任。张凤鸣湖北黄冈人，乾隆癸酉举人，三十七年任。

按：已上俱耀州牧，在官事迹散见各卷。至署篆姓名，莅事未久者，俱不更缀。

### 知县

《关内周咨录》：西安府属县十五，长安、咸宁冲繁疲难最要缺，临潼、泾阳、三原、渭南、咸阳冲繁难要缺，富平繁难疲要缺，遇有缺出，皆于本省选调。兴平冲繁中缺，鄠县、盩厔繁难中缺。已上三缺，乾隆四十二年奏改。醴泉专冲简缺，高陵、蓝田、同官简缺，遇有缺出，俱归部选。兴平、鄠县、盩厔亦可调补。所属有丞，典史，儒学教谕、训导，阴阳训术，医学训科，僧会司，道会司。

王建极平乐举人，顺治二年任。王允中河南故城人，顺治二年任。樊鸿选河南永年人，进士，顺治四年任。方学舜闽县人，顺治十二年任。王运隆五台人，顺治十五年任。王景震万泉举人，顺治十七年任。梁禹甸字奕奕，平遥人，康熙元年任。张如锦江苏长洲人，康熙壬戌进士。初宰商河，补长安令。王端甘肃会宁

① 镶蓝旗汉军：清乾隆《续耀州志》卷五作“镶黄旗汉军”。

② 赵替：《耀县志》（中国社会出版社，1997年）作“赵赞”。

人，雍正十一年任。杨毓芳贵州贵筑人，乾隆七年任。董三锡浙江余杭人，乾隆九年任。朱良弼安徽休宁人，丁巳进士，乾隆十二年任。杨文玠镶红旗汉军，丁巳进士，乾隆十六年任。吴炳江西南丰人，丁巳进士，乾隆十八年任。沈绳祖江苏上元人，丙午举人，乾隆十九年任。陈大吕正蓝旗汉军，甲子举人，乾隆二十年任。张介禧山西浮山人，乾隆二十三年任。兴泰镶白旗满洲人，乾隆二十七年任。顾馨江苏元和人，乾隆二十七年任。侯云汉直隶南宫举人，乾隆二十八年任。潘时选浙江会稽人，戊辰进士，乾隆二十九年任。归梦燧江苏常熟举人，乾隆三十二年任。郭愈博山西解州夏县人，乾隆三十四年任。钱人龙浙江归安人，乾隆三十六年任。杨徽山东历城人，壬申举人，乾隆三十八年任。凌天佑江苏吴县人，乾隆四十一年任。丁尹志江苏无锡人，丙子举人，乾隆四十二年任。

按：已上俱长安令，在官事迹散见各卷。至署篆姓名，莅事未久者，俱不更缀。余县仿此。

白秉真杏山人，顺治二年任。程汝璞安徽合肥人，顺治丁亥进士。余国柱顺治己丑进士。梁熙河南鄢陵人，顺治乙未进士。王素行巴县举人。余恒山阴人。黄家鼎安徽颍上人，康熙元年任。莫之伟福建上杭人，辛丑进士。杨佐国荆门人，辛丑进士。唐文学辽东人，康熙十四年任。贾其音江苏高邮人，庚戌进士，康熙十六年任。李翔凤奉天人，康熙十七年任。白应昌直隶滦州人，康熙二十一年任。陈济贤广西平乐举人，雍正十一年任。乔履信河南商水人，进士，乾隆五年任。张成德江苏丹徒人，乾隆十三年任。柳大任山东招远举人，乾隆十四年任。伍锦顺天大兴举人，乾隆十七年任。朱家濂浙江钱塘人，乾隆二十二年任。郭联奎云南河阳举人，乾隆二十二年任。龚元朱江苏江宁人，乾隆二十七年任。姜傑顺天大兴人，甲子举人，乾隆三十年任。张象魏江西广丰举人，乾隆三十三年任。杨衍嗣云南元江人，丙戌进士，乾隆三十五年任。欧焕舒广东乐昌人，乾隆三十八年任。丁尹志见

长安。乾隆四十一年任。王朝爵安徽歙县人，乾隆四十二年任。

按：已上俱咸宁令。

李崑山东莱阳人，顺治二年任。王希顺<sup>①</sup>辽东人，顺治三年任。张宽直隶大兴举人<sup>②</sup>。江山秀顺天玉田举人，顺治八年任。《县志》：捐修陵墓，改设驿站，创建号舍，纂修邑志。萧如惠字晦百，顺天宝坻人，顺治十一年任。《县志》：创立营房，兵始守规。厘正戎田，民皆安业。黄中璜顺天大兴<sup>③</sup>举人，顺治十七年任。唐文学镶白旗满洲人。陈懋康熙二年任。刘源长霞章人，康熙三年任。吴曰狂江西进士。吴绪扬康熙十年任。孔之鏊江西新城举人，康熙十二年任。范永恭江苏上元人，康熙十五年任。祁光晋广东东莞县进士榜姓钱，康熙二十二年任。陈柿祚浙江山阴人，武生中式，贵州戊午举人。周世贤江南宜兴<sup>④</sup>人，康熙二十七年任。顾梅江苏太仓州举人，康熙二十八年任。崔应凤正红旗满洲人，康熙三十年任。毛溶浙江绍兴人，康熙三十七年任。蒋天麟江苏宜兴人，康熙三十九年任。张枚广西太平举人，康熙四十三年任，重修邑志。李有光广东四会举人，康熙五十年任。石生晖顺天定兴人，癸巳进士，雍正三年任。赵恒祚山东霑化县人，戊戌进士，雍正五年任。《县志》：恒祚兴学校，毁淫祀，禁豪强，期年而治。去官之日，送者弥郊。阎伯俊直隶沧（洲）[州]人，雍正六年任。潘治四川江津举人。《县志》：雍正年间，四川移解贼犯，诬咸阳双照人同为逆。治微行秘访，廉知其诈，事得释。杜蕢生四川阆中人，乙酉科举人。冯运栋浙江慈溪人，雍正十年任<sup>⑤</sup>。姚世道浙江乌程人，丁巳进士，乾隆四年任。《县志》：世道筑泮水石堤，

① 王希顺：清乾隆《咸阳县志》卷十作“王希舜”。

② 直隶大兴举人：民国二十一年《重修咸阳县志》作“江南泰兴会元”。

③ 顺天大兴：民国二十一年《重修咸阳县志》作“江南泰兴”。

④ 据《清史稿·地理志》：清顺治二年设江南省，康熙六年，改江南左布政使为安徽布政使司，右布政使为江苏布政使司，江苏、安徽二省分治。宜兴县属江苏常州府。

⑤ 雍正十年任：清乾隆《咸阳县志》卷十作“雍正九年任”。



修尊经阁，重建钟鼓楼。许惟权浙江海宁县人，乾隆九年任。任觉世贵州思州府人，癸卯举人，乾隆九年任。柴华贵州贵阳府人，甲辰举人。臧应桐正红旗汉军<sup>①</sup>，丙午举人，乾隆十一年任，重修邑志。凌树屏浙江乌程人，进士，乾隆十八年任。刘度昭正红旗汉军，乾隆十九年任。顾世瑛浙江海宁人，乾隆二十二年任。吴炳江西南丰人，进士，乾隆二十二年任。王拱宸直隶沧（洲）[州]人，乾隆二十三年任。林恭范福建福清人，壬申进士，乾隆二十三年任。舒其绅乾隆三十四年任。钱人龙乾隆三十五年任。王朝爵乾隆三十六年任。孙景燧浙江海盐人，辛巳进士，乾隆三十七年任。郝敬修山东高密人，乾隆四十二年任。

按：已上俱咸阳县令。

陶若琦直隶新乐人，顺治二年任。贾汉策山东齐河人，顺治三年任。刘世永山东武城人，进士，顺治六年任。赵宸直隶卢龙人，顺治九年任。贺文龙河南南阳人，顺治十一年任。胡克峻湖广黄冈人，顺治十三年任。徐开熙浙江嘉兴举人，顺治十四年任。《县志》：开熙修文庙、建社学、筑城垣。县西南胡浹桥向有泉，灌溉一方，其源久塞。顺治戊戌夏大旱，开熙具牲帛祷祝，率众开浚得泉，地饶沾溉，号“永济泉”。韩淑奇河南内乡举人，康熙元年任。来国用四川梁山人，康熙五年任。杨凤起奉天镶白旗人，康熙十一年任。《县志》：十三年，吴逆叛，征兵过境，办理供亿，亲身部署，不以累民。每于朔望日，躬历乡村宣讲上谕，民皆向方。孙世泽奉天海州人，康熙十四年任。赵世显奉天辽阳人，康熙十九年任。何恭锡浙江钱塘举人，康熙十九年任。陈泐潢福建闽县举人，康熙二十四年任。张宏图湖（康）[广]江陵人，进士，康熙三十四年任。《县志》：创建槐花书院。王佩兰浙江仁和人，康熙三十九年任。田衷孚直隶肃宁人，进士，康熙四十六年任。《县志》：创建文庙祭器、乐章。陈九睦镶黄旗人，康熙五十六年任。

① 正红旗汉军：清乾隆《咸阳县志》卷十作“东海人”。



梁奕鸿正白旗满洲人，康熙六十年任。胡蛟龄安徽泾县人，癸卯进士，雍正四年任。赵廷亮贵州黎平府人，雍正癸卯举人，乾隆元年任。许惟权乾隆三年任。徐伦贵州思南府人，进士，乾隆五年任。罗鳌江西南城县人，进士，乾隆十一年任。刘琪直隶宛平县举人，乾隆十六年任。顾祖望江苏元和县人，乾隆十八年任。魏纘晋山西汾阳县人，进士，乾隆十八年任。陈世增正白旗汉军，乾隆二十一年任。朱兆珂浙江钱塘县举人，乾隆二十二年任。姜兴周湖南武陵县人，乾隆二十三年任。张锡龄河南济源县人，进士，乾隆二十七年任。吴六鳌江西宜黄县人，壬申举人，乾隆三十一年任。姜兴周乾隆三十四年复任。顾声雷江苏元和人，丙戌进士，乾隆四十一年任。

按：已上俱兴平令。

吴伯壘山东滋阳人。文绣山西平定州人。王一中辽东锦州人。高明直隶晋州进士。赵如鼎湖广钟祥人。马良史江南溧阳人。孟长人山东阳谷举人，康熙二年任。陈璫《县志》：字白石，号渫庵，湖南薪水举人。吏才精敏，时有王姓告朱氏害其弱弟，及驗井中尸，有须，君力辨其诬。未几而王姓之弟至矣，人服其神。甲寅之变，羽檄征输如蝟。君不忍催比，而民急公益力。官兵驻西郊，惊逃者众。君徒步身先入营，民争从之，乃定。旋擢耀州牧，卒于官。钱天予江苏上元县举人，康熙十五年任。张发辰《县志》：字庚干，号维雍，河南杞县进士。政简易，甫下车，除岁费三千六百余金。康熙庚申，滇南用兵，由蜀道挽运，公尽力供支，民不知扰。所拔孤寒之士，成名者甚众。行取吏部就道，囊余四金而已。卒，祀名宦。潼人思之，私谥曰“贞惠”。李维明湖广江陵县举人，康熙二十二年任。王端宗浙江乌程人，康熙二十六年任。李作哲直隶清苑县人，康熙二十八年任。周寅昫《县志》：湖广鄖西进士。康熙二十九年大荒，县有巨贼王金山据骊山西南，招亡命，河北布袋贼抢攘相接。君单骑入其室，计捕之，立毙于法，潼民以宁。后以轻议去官。朱作绣镶白旗满洲人，康熙三十一年

任。赵于京山东历城举人，康熙三十七年任，重修邑志。董权文镶黄旗汉军，雍正十一年任。朱一蜚浙江嘉善人，乾隆元年任。刘士夫河南长葛县人，乾隆九年任。沈逢舜浙江建德县人，进士，乾隆十二年任。董三锡浙江余杭县人，乾隆十八年任。王懋江苏新阳县人，乾隆十八年任。叶馨福建晋江县人，乾隆十九年任。李凤起江西广昌县人，乾隆二十五年任。庄映江苏武进县举人，乾隆二十七年任。赵友煊安徽涇县举人，乾隆三十一年任。吴斐龙江西高安县人，乾隆三十四年任。尤近思镶黄旗汉军，乾隆三十五年任。史传远山西武乡县人，辛巳进士，乾隆三十六年任。吴忠诰山西太谷县人，乾隆四十一年任。

按：已上俱临潼令。

杨春芳顺天人，顺治二年任。李登第奉天人，顺治七年任。《县志》：建邑中城隍庙。王元捷山东人，顺治十年任。《县志》：捐修文庙大成殿。邵伯荫福建闽县人，壬辰进士，顺治十六年任。《县志》：重建文庙启圣祠。沈永全江苏吴江人，顺治十八年任。许琬顺天高阳人，康熙元年任。《县志》：康熙七年重修城隍庙。九年，修文庙。十年，修诸祠。史彬河南洛阳举人，康熙十四年任。张都湖广施州卫人，康熙十八年任。《县志》：十九年，修学宫。朱伟《县志》：字人瞻，号德庵，安徽歙县人，康熙二十四年任。高陵地素贫瘠，公甫下车，尽革诸陋。遇公事措办无资，每于故乡措以济用。如修建学宫，严行保甲，修治渠堰以裕耕凿。发预备仓以活流徙，散牛种籽粒以集穷黎，皆政绩之表著者。卒，祀名宦。王綦溥山西襄陵县人，康熙三十一年任。《县志》：时岁凶，为民开荒，给牛具，盖房屋，招集流亡，民赖以安。后以解马降调，百姓冤之，诣叩阙，保留复任。曹峻学浙江秀水人。胡昌期三韩人，康熙四十二年任。吴绍龙《县志》：字振公，浙江海宁举人，康熙四十九年任。清滩田，理盐法，分汉人、回民籍，民便之。刘海岳福建晋江举人，康熙五十二年任。熊士伯《县志》：字西牧，江西南昌人。由南康府教授升任高陵。开泾渠，清滩田，

复茶税，减盐引，修邑志，皆其政绩。黄轼广东阳春举人，康熙六十一年任。高士鏞正白旗汉军，雍正十年任。朱一蜚雍正七年任。杜夔生四川阆中举人，雍正九年任。丁□□<sup>①</sup>浙江嘉善举人，雍正九年任，重修邑志。陈师遵浙江海盐人，雍正十二年任。乔履信河南偃师人，进士，乾隆元年任。陆均江苏吴县举人，乾隆四年任。张应梅安徽和州人，乾隆十二年任。留燧福建晋江县举人，乾隆十二年任。萧大中广东大埔县举人，乾隆十七年任。陈天章直隶深泽县人，进士，乾隆十八年任。赵友烺乾隆二十四年任。刘绂顺天大兴县人，乾隆三十一年任。史传远乾隆三十五年任。傅钟岳江西金溪县人，进士，乾隆三十六年任。黄四岳正红旗汉军举人，乾隆三十九年[任]。王杏舒安徽合肥人，己卯举人，乾隆四十年任。杨仪直隶新城县举人，乾隆四十一年任。华允彝江苏丹徒县人，壬午举人，乾隆四十四年任。

按：已上俱高陵令。

周之辅 崔尔严山东胶州人。魏似韩山东莱芜县人，顺治丁亥进士。赵之璧浙江慈溪县人。吴锡允福建人。贾廷奕直隶沧州人。张师圣湖广麻城人。王治山东人。马光远山东大篙卫人，乙未进士。刘文燦奉天开（元）[原]<sup>②</sup>举人。杨含春直隶保定府举人。范昌期山西岚县人，戊戌进士。曹尔弼山西陵川县人。《县志》：捐修文庙大成殿。康如璉山西安邑人，庚戌进士，康熙十八年任，重修邑志。王怀堂河南柘城县人，由副榜保举分部学习，办理陕甘宣谕化导事，留陕委用。雍正十二年任。李文汉江西金溪县人，乾隆八年任。梁作舟广西贵县举人，乾隆十八年任。杨东临云南石屏州人，乾隆二十年任。王慧四川安居县举人，乾隆二十年任。杨令琢江西宁都州人，乾隆二十一年任。张力员河南新安县举人，

① 此处原缺二字。据清光绪《高陵县续志》卷四，浙江嘉善举人丁应松雍正九年任高陵知县。

② 据《清史稿·地理志》，奉天府有开原县。系明洪武二十一年改开元为开原。

乾隆二十五年任。卢大鹏安徽无为州人，乾隆二十九年任。徐郎元顺天宛平举人，乾隆三十二年任。杨徽乾隆三十四年任。李本根乾隆三十五年任。汪以诚江苏江宁县人，庚午举人，乾隆三十九年任。庄炘江苏武进县人，乾隆四十二年署任。杨河柱江苏武进县举人，乾隆四十三年署[任]。袁浩直隶沧州举人，乾隆四十三年任。

按：已上俱鄆县令。

仇璜山东临淄<sup>①</sup>县人，顺治二年任。范应官山西蒲州府人，顺治四年任。杨行健直隶新安县人，进士，顺治七年任。苏口大<sup>②</sup>直隶交河县人。《县志》：顺治七年任<sup>③</sup>。在任修学宫、浚水道、复镇集、设津梁，多所建置。因告致仕，士民为立生祠。胡其伟奉天人，顺治十四年任。孙先登山东莱阳举人，顺治十四年任。郭显贤浙江海宁县人，顺治十六年任。《县志》：在任严奸吏、修城隍、开水道，具举废坠。赵人鉴直隶滑县人，进士。雷竟振山西蒲州人，进士。赵育元直隶濬县人。阮俊浙江德清县举人。邓士英江苏如皋人。《县志》：均平里甲，创置义学学田，建奎星楼于南城东隅。林世榕广东澄海举人。《县志》：在任重修四吕祠，又移文公祠，增祀柳州。张象乾直隶正蓝旗人。《县志》：在任建预备仓于县署。齐用璋江苏上元县人。冯昕江苏金坛举人。张澂直隶景州人，进士。《县志》：在任重修文庙。尚璠山东金乡县。李元昇直隶清丰县举人。《县志》：在任表节孝，举乡饮，修邑志，建仓廩、先农坛、节孝祠。奉檄代篆高陵，二邑之民争于境上，数日不能去。吴师瑗四川新宁县举人，乾隆元年任。廖学信福建泰宁县举人，乾隆八年任。蒋文祚云南建水州人，进士，乾隆十一年任。唐祖尧山东惠民县举人，乾隆十五年任。郑琦广东恩平县

① 临淄：清雍正《蓝田县志》卷二作“淄川”。

② 名中原缺一字。清雍正《蓝田县志》卷二记有直隶交河人苏就大。

③ 清雍正《蓝田县志》卷二记苏就大顺治十年由教谕升任知县。



人，乾隆十六年任。侯均江南无锡县<sup>①</sup>人，进士，乾隆十九年任。周庭草江西南昌县人，进士，乾隆二十一年任。鹿承祖直隶定兴县举人，乾隆二十八年任。舒元烺浙江仁和县人，进士，乾隆三十年任。陈述祖浙江海宁县人，乾隆三十二年任。柴缙生浙江仁和县人，进士，乾隆三十三年任。张珣直隶磁州举人，乾隆三十七年任。葛晨浙江余杭县人，甲子举人，乾隆三十九年署任。阮曙江苏江宁县举人，乾隆四十年任。周崧晓江西鄱阳县人，壬辰进士，乾隆四十三年任。

按：已上俱蓝田令。

张锡蕃湖广安陆人，顺治初任。靳彦选奉天人，顺治初任。张应召《县志》：福建福清人，顺治三年以贡生任。在任新学宫、疏白渠。时回民素拮，踞邑之文峰塔，数十年不敢问，应召力去之。姜瓖叛大同，与秦寇王用强为援。用强出嵯峨山，陷州邑，渐至泾阳。应召属士民登陴固守之。阅月，贼不敢薄城下，邑赖以安。在任四年，以忤直指罢。邑人立祠祀焉。金汉鼎浙江义乌人，进士，顺治中任。张健河南固始人，顺治中任。滕元鼎顺天宛平人，顺治末任。王际有江苏丹徒人，进士，康熙间任。赵良璧汉军。钱珏浙江长兴举人。闻士琦浙江山阴人。常学易山西介休人。刘桂直隶清苑人。严调鼎山西文水人，进士。李天叙江苏昆山举人。章裕浙江会稽人。戴钊镶白旗人。焦应旂贵州清镇举人。已上俱康熙间任。马伍梅山西汾阳人，雍正四年任。戴洪滋浙江钱塘人，进士，雍正五年任。屠楷浙江钱塘人，雍正六年任。张成德江南丹徒<sup>②</sup>人，监生。保举委陕甘宣谕化导，雍正十二年题授。唐秉刚广西临桂举人，乾隆元年任。王英江苏太仓州举人，乾隆十四年任。杨必名福建顺昌人，乾隆十六年任。沈元辉河南

① 据《清史稿·地理志》：清顺治二年设江南省，康熙六年，改江南左布政使为安徽布政使司，右布政使为江苏布政使司，江苏、安徽二省分治。无锡县属江苏常州府。

② 据《清史稿·地理志》，雍正时已无江南省，丹徒县属江苏镇江府。



祥符举人，乾隆二十二年任。牟日鈞山东栖霞人，进士，乾隆二十三年任。侯云汉直隶南宫举人，乾隆二十六年任。叶藩浙江仁和人，进士，乾隆三十一年任。杜铸江西新建人，进士，乾隆三十二年任。张裕穀河南仪封人，乾隆三十五年任。孟玫河南夏邑人，进士，乾隆三十五年任。方承保湖北嘉鱼人，壬申举人，乾隆三十七年任。葛晨乾隆四十一年任。

按：已上俱泾阳令。

毕大忠山西人，顺治二年任。李溥河南鄢陵人，进士，顺治三年任。朱应豸山东人，顺治九年任。张问行江西人，顺治十一年任。骆复浙江山阴人，顺治十二年任。林逊侯官人，顺治十七年任。董遂升康熙四年任。陈延祚正红旗满洲人，康熙七年任。沈礎楹浙江慈溪举人，康熙十年任。傅尔忠镶黄旗满洲人，康熙十一年任。徐勍浙江鄞县人，进士，康熙十三年任。翁鼎祖清江人，康熙十七年任。叶章期顺天大兴人，康熙十九年任。张廷献直隶景州人，康熙二十年任。汤为雯江苏江宁人，康熙二十五年任。俞琰浙江萧山人，康熙三十一年任。李瀛浙江山阴人，进士，康熙三十八年任。顾之珽浙江仁和举人，康熙四十六年任。陈大纯浙江会稽人，康熙五十七年任。张征九直隶单县人，康熙五十八年任。刘子正四川巴县人，康熙六十年任。吕瑚山东福山人，雍正三年任。刘世熹黄平州人，进士，雍正六年任。侯梁镶红旗汉军，雍正七年任。李昌宗山西孟县举人，雍正十年任。高玉行江苏江阴举人，雍正十二年任。金世綽江苏江浦举人，乾隆三年任。钟一元浙江海宁举人，乾隆十年任。张廷柱云南广西府人，乾隆十六年任。蔡维劝贵州平远州举人，乾隆十七年任。王秉韬镶红旗汉军，举人，乾隆二十四年任。李含初四川广元人，乾隆二十七年任。张象魏江西广丰举人，乾隆二十九年任。张思勉镶黄旗汉军，举人，乾隆三十三年任。崔龙见山西永济人，辛巳进士，乾隆三十六年署任。顾增华河南长葛举人，乾隆三十七年任。任文溥江西上高人，乾隆四十年任。王杏舒乾隆四十三年任。

按：已上俱三原令。

崔鹿鸣奉天人，顺治三年任。樊嶷山西平阳府人，顺治五年任。□□徵<sup>①</sup>安徽宣城人，进士，顺治七年任。薛凤鸣山西人，顺治九年任。张超芳江南人，进士，顺治九年任。张成功正红旗满洲人，顺治十年任。冯云龙山西代州人。骆钟麟《县志》：字挺生，浙江临安举人，在任修学宫、缮城垣、浚河渠、修邑志，多所创建。去之日，士民为立生祠。马芝湖广公安人，进士。高宗砺四川梁山人，进士，康熙十三年任。章恭<sup>②</sup>《县志》：字来之，浙江会稽人，康熙十七年任。邑当吴逆之变，残破殆尽，恭招流亡，辟草莱，修城建署，清逋除荒。开水渠，弛山禁，人民安辑。后复为修理学宫，创建社学，立节妇祠以砺贞节，建白龙庙以隆报享，邑中古迹无不焕然一新。张涵山西人，进士，康熙二十一年任。张元愷<sup>③</sup>湖广举人，康熙二十四年任。程奇略山西祁县人，癸丑举人，康熙二十四年任。蔡毓蓝正白旗满洲人，康熙三十二年任。黄裳安徽宣城举人，康熙三十七年任。张芳安徽桐城人，康熙三十八年任。赵士灼山西孟县举人，康熙四十三年任。邓士德湖广江夏人，康熙五十年任。张寅山东滨州进士，康熙五十三年任。董霭江苏赣榆人，康熙六十年任。吕樾江苏青浦人，康熙己卯举人，雍正二年任。朱文炳《县志》：字豹来，顺天大兴人，由教习于雍正六年任鳌屋。前因渭河冲决，荒粮五百余顷，甚为民累。文炳力为请豁三百二十一顷有奇，民力得苏。后以被议去官。杨绎《县志》：字永思，山西沁州人，雍正庚戌进士，十三年任鳌屋。因河冲荒粮为累，绎详请豁免三十七顷八十余亩。以飞诬离任。彭绍琚河南兰阳人，乾隆九年任。邹儒江西乐平人，乾隆十一年任，曾修邑志。杨瑞禧山东诸城举人，乾隆十五年任。陈六

① 原缺二字。据清乾隆《鳌屋县志》卷六作“叶嘉徵，宣城进士，顺治七年任”。

② 章恭：清乾隆《鳌屋县志》卷六作“章泰”。

③ 张元愷：清乾隆《鳌屋县志》卷六作“张元凯”。

乘河南尉氏举人，乾隆十八年任。王勋山东临淄人，进士，乾隆二十四年任。沈绳祖江苏上元举人，乾隆二十四年任。傅诒河南汝阳人，进士，乾隆二十四年任。杨令琢乾隆二十四年[署]任。庄映乾隆二十五年[署]任。牟日鈞乾隆二十六年任。李柱史四川温江举人，乾隆二十九年任。夏秉衡江苏华亭举人，乾隆三十年任。万人凤江西南城举人，乾隆三十二年[署]<sup>①</sup>任。左彝山东莱阳举人，乾隆三十三年任。和明正红旗满洲人，乾隆三十七年任。葛德新山西浮山人，乾隆三十八年任。徐作梅江苏震泽人，丙子举人，乾隆三十八年任。

按：已上俱整屋令。

李发藻胙城人，进士，顺治二年任。张联第《县志》：字宁青，山西安邑人，进士，顺治五年任。曾建学舍于五指山北麓，颜曰“五凤书院”。一时俊髦多所裁成。居二年，以轻议去官。康宇山西蒲州人，顺治七年任。石耀先山西蒲州人，顺治八年任。尚九迁《县志》：山东掖县人，顺治九年任。重修学宫尊经、文昌二阁，重辑《县志》。捐资增筑酒河桥，长十三丈。居三年，绩最，征为兵科给事中。陆赞奇鹤湖人，顺治十三年任。张崇德山西人，顺治十五年任。李向荣顺治十六年任。方鹏举浙江淳安举人，顺治十八年任。孙熿安徽和州举人，康熙六年任。唐纳钦广西灌阳举人，康熙十年任。张纯儒奉天人，康熙十六年任。高瑚奉天人，康熙十八年任。史相奉天人，康熙十九年任。贾时泰《县志》：山西蔚州举人，康熙二十四年任。下车即行乡饮酒礼。会新生入学，旧例公费皆诸生醵金为之，笑曰：“此父兄送子弟入学耳，顾令贫生损薪米资乎？且人给一衿以示奖。”每朔望必讲《乡约》、申律令。公退，布袍、蔬食而已。阮彝江苏江宁举人，康熙二十六年任。丁良储广东茂名举人，康熙二十七年任。韩维新奉天人，康熙三十二年任。黄培《县志》：字眷予，号容斋，浙江余姚人，康

① 以上据清乾隆《整屋县志》卷六补。

熙四十二年任。在任设立义学，勤宣圣谕，邑人化之。丁亥岁，南山桿子贼分剽州邑，公悉心防御，贼不敢入境。壬辰秋，关中旱，培跣足步祷南塬五女庙，往返七十里，甘霖立降，县独丰收。旋署蒲城，时署令藉军需累民，民不堪命。制府以培素得民心，飞檄至邑安抚之。复留署渭篆。时际军需空乏，卒以亏帑被劾，民共惜之，肖像以祀。郑玖山西石楼人，康熙五十五年任。张必新江苏高淳人，进士，康熙五十五年任。黄天麟《县志》：字资予，浙江余姚人，康熙五十七年抵任。三日即檄赴西宁办理军务。西藏告捷，回任。勤宣圣谕，稽查保甲，裁革里马，勒石为禁。庚子、辛丑岁饥，劝富民出粟，全活甚众。居年余，以军需亏空被劾。朱嘉耀浙江山阴人，康熙六十年任。尹士任贵州开州举人，雍正三年任。岳冠华四川盐亭人，乙酉举人，雍正六年任。张成德江苏丹徒人，乾隆元年任。王邦光湖南湘阴人，进士，乾隆五年任。王世爵镶黄旗汉军，举人，乾隆十一年任。柳廷璣江苏铜山人，乾隆十三年任。齐士雄直隶高阳人，进士，乾隆十五年任。郑仔直隶枣强举人，乾隆十八年任。武若愚山东曹县人，进士，乾隆二十年任。席绍葆江苏吴县人，乾隆二十三年任。潘伟安徽休宁人，进士，乾隆二十三年任。成汝舟山西文水人，乾隆二十六年任。王勋山东临淄人，进士，乾隆二十七年任。龚逊志浙江会稽举人，乾隆二十九年任。拉萨礼镶白旗满洲人，乾隆三十三年任。德魁正白旗满洲人，乾隆三十四年任。丘佐安徽天长人，乾隆三十五年任。汪以诚乾隆四十二年任。

按：已上俱渭南令。

薛良明汉军，顺治二年任。侯仲魁满洲人，顺治四年任。张昊河南人，进士，顺治五年任。李之粹汉军，举人，顺治九年任。汪惠山东人，顺治十三年任。郑昆璧《县志》：字仑辉，山西文水人，进士，顺治十七年任。邑中故多水利，昆璧因势利导，漆、沮、金、定、北温泉诸河岸地悉成沃壤。金声彦镶蓝旗满洲人，康熙三年任。邹曰仁康熙十年任。许可荣康熙十



二年任。**郭传芳**《县志》：字九芝，山西大同威远卫人，康熙十三年由拔贡选授。时值滇逆之变，凉寇窃发，传芳侦贼将入境，乘雾捣其巢，斩获有功。时军书旁午，转输有道，民不告劳，常语人曰：“为百姓即为朝廷也。”闻者叹服。**郭诗**山东福山人，康熙十九年任。**胡澄**进贤人，进士，康熙二十二年任。**徐广元**康熙二十八年任。**罗鎰**康熙二十九年任。**蒋陈锡**《县志》：江苏常熟人，进士，康熙三十年任。时关辅大饥，陈锡甫至，捐千金设厂赈粥，收瘞残殍。复以邑中水利久弛，疏故玉带、直城、文昌各渠，至今利赖。历官云贵总督。**刘燦**正红旗满洲人，康熙三十三年任。**杨勤**《县志》：字慎修，正红旗汉军，康熙四十八年任。开渠救荒，民享其利。五十七年，富平应拨粮若干运军前，勤时奉檄，后亲诣凉州代民买纳，省挽输费巨万。**简廷佐**康熙五十九年任。**董霭**雍正二年任。**赵挺元**山西闻喜人，雍正三年任。**单应麟**顺天大兴举人，雍正三年任。**李肖筠**《县志》：河南夏邑举人，雍正五年任。邑之孙姜里旧有浮粮赔累，民多逃亡，肖筠力详豁免。调办军需，未行。雍正十三年，接任乔履信检旧牒是请，得旨永免。**张云鹏**建德举人，雍正八年任。**杜蕢生**四川阆中举人，雍正九年任。**陈越**浙江海宁人，雍正十二年任。**乔履信**河南商水人，进士，雍正十三年任，重修邑志。**王治国**顺天大兴人，进士，乾隆十年任。**李世垣**山东德州人，进士，乾隆十年任。**顾祖望**江苏元和人，乾隆十九年任。**侯珏**山西临汾人，乾隆二十二年任。**兴泰**镶白旗满洲人，乾隆二十三年任。**龚元朱**乾隆二十八年署任。**陈松**江苏如皋举人，乾隆三十一年任。**张云龙**甘肃泾州人，乾隆三十五年署任。**苏燕**直隶交河举人，乾隆三十六年任。**崔龙**见乾隆三十八年任。**庄忻**乾隆四十一年任。**吴六鳌**乾隆四十二年任。

按：已上俱富平令。



祖良桢汉军，康熙四十年任<sup>①</sup>。刘调元镶白旗汉军，康熙四十二年任。孙芝正白旗汉军，康熙四十八年任。汪俊江苏长洲人，康熙五十二年任。马灼浙江上虞人，康熙六十年任。李如沆云南昆明举人，雍正三年任。张汉翔山西汾阳人，雍正五年任。刘光湖广安陆举人，雍正五年任。鲁一佐正红旗汉军，雍正六年任。唐秉刚广西临桂举人，雍正六年任。陈英金山卫人，雍正七年任。钱界浙江海盐人，雍正八年任。张应梅安徽和州人，雍正十一年任。唐贞一江苏嘉定人，雍正十二年任。董淑典山西介休人，乾隆三年任。高扬通海人，进士，乾隆九年任。宫耀亮江苏泰州举人，乾隆十年任。朱家濂乾隆十七年任。庄映乾隆二十二年任。侯云汉乾隆二十七年任。潘时选乾隆二十九年署任。张介禧山西浮山人，乾隆三十年任。刘吉直隶南皮人，进士，乾隆三十二年署任。金兆琦顺天宛平举人，乾隆三十二年任。张心镜山东莱阳人，己卯举人，乾隆四十一年任。

按：已上俱醴泉令。

熊封《同官志》：顺治初任醴泉县<sup>②</sup>，因明末闯贼之乱，村里为墟，而田粮仍纳，封力请得除租赋巨万，以入抛荒，民至今赖焉。萧嘉熙直隶人。龚鯤湖广安陆人，进士。曹有武江苏太仓州人。张于鼎山东人。王国辅辽东人。何德美《县志》：江南人，顺治初由华州州同署篆。六年，流贼刘洪才攻掠同官，城陷，德美被执，縶之龙蟠山下，刃胁之降。德美骂不绝口，死之。已上皆顺治年任。冯元麟慈水举人，康熙年任。熊與河南固始举人。王云凤山西汾水举人。雷之霖《县志》：字亮先，江西安义人，康熙十八年由鸿胪寺序班出宰于同。诸废毕举，尊经阁、义学、捕衙、

① 本志此处未列康熙四十年以前醴泉知县。据清乾隆《醴泉县志》卷五，祖良桢之前任清代醴泉知县者有周梦吕、陈一新、谷起云、王煊昆、王明辅、刘荣、查蜚英、郑庭秀、白賁、吴敏文、刘名誉、高士鹭、张鸣远、严鉴、裘陈佩等十五人。

② 此处有误。本节所列为同官知县。据清乾隆《同官县志》卷六：熊封“顺治初年来任”。而醴泉县无熊封任职记录。

吏舍皆所修建。至截筑新城，省力节费，民尤称便。尝购蚕种以教民，城邑至今知蚕事焉。黄锦心湖州举人。武令谟孟县人，进士。刘元标顺天涿州人。邓永锡湖广荆门州举人。吴翰珍福建邵武人。孔尚惇山东曲阜举人。汪樨徽州人，进士。董霭《县志》：康熙五十八年岁荒，饥民为盗，劫掠乡村。霭单骑抚谕之，擒其首以徇，民得安堵。后遇岁荒，发粟给赠，秋收取租状焚之，不责偿。王勋正白旗满洲人。已上俱康熙年任。赵恒祚山东霭化人，雍正三年任。曹永著直隶丰润人，雍正五年任。边汝言直隶任丘举人，雍正六年任。杨绎泌县人，进士，雍正十三年任。张尔戡《县志》：甘肃武威举人，雍正十三年由生员保举任同官。重建明伦堂，续修石堤。旧例仓粮红朽辄发民易之。尔戡曰：“盖藏不谨，典守之责，岂以累民？”寻霉烂。尔戡曰：“吾瘠一身以肥百姓，何憾乎？”鬻产以偿。民有欲代输者，不受。卒以此废职。刘春暄绥阳举人，乾隆八年任。王润云南建水州举人，乾隆九年任。郑德玠直隶丰润举人，乾隆十年任。席邵莘江苏吴县人。《县志》：乾隆十三年自咸阳丞来署。值天旱，建龙骨车，率民溉田。革西乡浮税，勒石仪门。吕正音四川长寿举人，乾隆十一年任。庄树嘉江苏阳湖举人，乾隆十四年任。吴祖正贵州都匀府举人，乾隆十一年任。毛翔濮州人，乾隆十五年任。张擎镶黄旗汉军，乾隆十五年任。曹世鉴山东宁海举人，乾隆十七年任。《县志》：世鉴曾修城垣、文庙及龙王庙，不以累民。袁文观江西崇仁人，进士，乾隆二十八年任。叶藩乾隆三十年任。杨衍嗣乾隆三十一年署任。杨永泽山东兰山举人，乾隆三十二年署任。王锡朋四川威远举人，乾隆三十六年任。王搢吉江苏嘉定举人，乾隆三十七年任。任重山西武乡人，庚午举人，乾隆四十二年任。

按：已上俱同官令。

### 参佐

张芳 《咸阳志》：字次兰，安徽桐城人，咸阳丞。以邑东滩久为八旗马厂地，力请归还。今利赖焉。署同官令，历官至太

常寺少卿。

**汤日跻** 《县志》：古延人，康熙九年任咸阳教谕，重修城隍庙。

**徐有经** 《县志》：字与权，甘肃西和县己酉拔贡，乾隆四年任咸阳教谕。捐资置经书，散之四乡。率绅士重修尊经阁，创建书院学舍数十间，日与诸生讲课。十年，卓异升福建大田令。

**唐凤穆** 《县志》：兴平县丞。值闯贼之变，城破死难。

**杨呈藻** 《县志》：肤施人，顺治九年为蓝田教谕。崇孝友，勤训课，淡泊宁静，多士向风。

**刘冀琨** 《县志》：顺天房山人，康熙五十一年任盩厔典史。和易谦谨，士民爱之，为建“政尚平允”之坊。

**安其位** 《县志》：绥德州岁贡，康熙四十六年任盩厔教谕。修葺学宫，训迪士子有方。

**章元震** 《县志》：浙江绍兴人，同官典史，有能名。前任赵奇卒于官，无亲属，枢厝野庙数年。元震悉力营办，归柩于其乡葬焉。士民戴其高谊。

按：西安府属参佐不下数千人，题名具载邑志。今择其少有事者，附县令之后。



## 人 物 志

关中居四极之上游，华岳洪河，笃生人杰。数千余年，自帝王将相、圣贤豪杰，贞元蔚会，莫盛于斯。《通志》分著圣贤、名臣、廉能、勇略、直谏、忠节、孝义等名，颇嫌支蔓，其位置亦多未安。今于名世之士，略叙朝代，并称列传。余若儒林、文苑、隐逸、节烈，凡一节之美者，仍为别著，凡十四卷。至所载人物，事实间有不尽，互见《大事志》卷中，以省繁芜，亦史家往例也。

### 周

**周 公** 《尚书·君陈》：“师保万民，民怀其德。”《洛诰》：“惟公德明光于上下，勤施于四方。旁作穆穆，迓衡[不迷]<sup>①</sup>。”《史记·鲁[周公]世家》：周公旦者，武王弟也。文王在时，旦为子孝，笃仁，（义）[异]于群子。武王即位，旦辅翼。武王九年，东伐，至盟津。十一年，伐纣，至牧野，作《牧誓》，破殷杀纣。周公把大钺，召公把小钺，衅社，告纣之罪于天，及殷民。封纣子武庚禄父，管叔、[蔡叔]傅之，以续殷祀。武王有疾，不豫，群臣惧，周公乃自以为质，设三坛，（载）[戴]璧秉圭，告于太王、王季、文王，卜曰“吉”，藏其册金滕匱中。其后武王崩，成王少，周公恐天下畔，乃践祚代成王摄行政当国。管叔及其群弟流言于国曰：

① 据《尚书·洛诰》补。



“公将不利于成王。”周公卒相成王，而使其子伯禽就封于鲁。管、蔡、武庚等果率淮夷反，周公奉命兴师东伐，作《大诰》，诛管叔，杀武庚，放蔡叔。收殷余民，以封康叔于卫，封微子于宋，以奉殷祀。宁淮夷东土，二年毕定。诸侯咸服宗周。成王七年，周公营雒邑。成王长，周公还政，北（而）[面]<sup>①</sup>就臣位，躬躬如畏然。初，成王少时，病，周公自揃其蚤沉之河，以祝于神，亦藏其册于府。成王病有瘳。及成王用事，人或谮周公，周公奔楚。成王发府，见周公祷书，乃泣，反周公。周公归，恐成王壮，治有所淫佚，乃作《多士》《毋逸》。官政未次序，作《周官》，官别其宜。作《立政》，以便百姓。卒，葬于毕。

按：《姬宗世谱》：周公长子伯禽，封鲁；次子仲翼，留于西周，公歿，袭爵。周公三代子佑，四代子祿，五代子惠，六代子宗，七代子圉，八代子璠，九代子盈，十代子师，十一代子穆，十二代子敬，十三代子勤，十四代子质，十五代子黑肩，俱袭公爵。黑肩事桓王，桓王次子克有宠于王，属诸周公。桓王崩，长子陀立，是为庄王。王夺公爵。延及二十五世孙絺稚，病废疾，考王封其弟揭于王城，为周桓公。桓公生威公，威公生惠公。惠公以王城传长子武公，以巩邑封次子班。班号东周惠公，武号西周武公。慎靓王以上皆东居，至赧王微弱，复迁王城，依西周武公。赧王崩，周民东亡就巩。秦迁西周公于黠狐聚，东周公于阳人聚，使奉周祀，凡三十四世。其后可考者：汉元鼎四年，封三十六代孙姬嘉为周子南君。元封三年，封嘉弟昭为承休侯。元始四年，封三十九代孙姬宪为郑公。东汉建武三年，封四十代孙姬观为卫公。晋泰始三年，封四十五代孙姬章为嗣圣公。北魏天兴二年，封四十八代孙姬郃为永成侯，子武袭。隋开皇九年，封五十二代孙姬勋为昭德侯。唐武德二年，封五十三代孙姬顺为咸阳公。宋乾德五年，封五十八代孙姬郃为周南公。景祐二年，封六

① 以上据《史记·鲁周公世家》补、改。

十代孙姬绍为郢公。元武宗至大元年，征周公后，六十四代孙姬重郁以忤相臣脱虎脱，停封。重郁子二人：丰、镐，于至正八年侨寓河东。丰子二人：文灼、文煇。文灼之后四世 庄、尚畴、燕琅、复周，至养学，于明万历丁亥返咸阳。养学之后五世 应秋、光富、士彬、祉、绍先，为正支。光耀、兰芳、熊飞皆应秋子，士廉光富次子，祐士彬次子，绍仓祐子，皆旁支。至肇勋。肇勋弟四：肇麒、肇麟、肇碧绍先子、肇玉绍仓子，凡七十七代。

乾隆戊戌，中丞毕公以公墓在咸阳，清厘封域，禁止樵采，并为查询谱牒，咨访后裔，仅有奉祀生一人。窃谓历圣相传，道统自周公承之，官礼制，作爻象演辞，开帝王万世之基，阐羲圣精微之蕴。我朝右文重道，加意表章。康熙二十四年，以公子伯禽少子食采东野者为东野氏，奉旨世袭五经博士，奉祀曲阜祠宇。今咸阳为公祠墓所在，且文、武、成、康四王陵寝咸在于是，奏请皇上加恩，照东野氏例，添设五经博士一员，予以世袭，俾继祚之宗，得延圣泽以崇禋祀。经礼部议，准孔氏衢州、朱子婺源之例，增设世袭翰林院五经博士一员，仰蒙俞允。因按世谱嫡支，以姬肇勋承袭。熙朝崇道之盛典，圣主延赏之隆恩，实与日月同其炳焕。而中丞之奏请，亦不朽之盛事也。因为详著于编，俾后来有所考焉。

**毕公高** 《书·毕命》：“惟公懋德，克勤小物，弼亮四世，正色率下，罔不祇师言。嘉绩多于先王，予小子垂拱仰成。”《正义》：《晋语》说文王之事，云：“重之以周、召、毕、荣”。则毕公于文王之世已为大臣，是文、武、成、康四世为公卿也。《史记·魏世家》：毕公高，与周同姓。武王伐纣，高封于毕。《索隐》：《左传》富辰言：“文王之子十六国，有毕、原、酆、郇。”言毕公是文王之子。马融亦云：“毕、毛，[文王]<sup>①</sup>庶子。”其后绝封，为庶人。

① 据《史记·魏世家》“索隐”补。

**荣伯** 《书序》：“成王既伐东夷，肃慎来贺，王俾荣伯作《贿肃慎之命》。”《正义》：《晋语》云：文王“谏于蔡、原[而]<sup>①</sup>访于莘、尹，重之以周、召、毕、荣”。荣于文王之时，名次毕公之下，是大臣也。未知此时荣伯是彼荣公否？《史记·周本纪》注：“马融曰：‘荣伯，周同姓畿内诸侯，为卿大夫也。’”

**君陈** 《书·君陈》：“惟而令德孝恭。惟孝友于兄弟，克施有政，命汝尹兹东郊，敬哉！”“往慎乃司！兹率厥常，懋昭周公之训，惟民其乂。”《竹书纪年》：成王十一年，“王命周平公治东都。”注：“周平公即君陈，周公之子，伯禽之弟。”

**祭公谋父** 《左传》：穆王周行天下，必有车辙马迹焉。祭公谋父作《祈招》之诗以止王心。王是以获没于祗宫。其诗曰：“祈招之愔愔，式昭德音。思我王度，式如玉，式如金！形民之力，而无醉饱之心。”《国语》：穆王将征犬戎，祭公谋父谏曰：“先王耀德不观兵。夫先王之制，甸服者祭，侯服者祀，宾服者享，要服者贡，荒服者王。日祭、月祀、时享、岁贡、终王。今自大毕、伯仕之终也，犬戎氏以其职来王。天子曰：‘予必以不享征之，且观之兵。’无乃废先王之训，而王几顿乎！”王不听，遂征之。《汲冢周书》：王若曰：“公不豫<sup>②</sup>，公其告予懿德。”祭公曰：“汝无以戾（缺）[反]<sup>③</sup>罪，疾丧时二王大功。汝无以嬖御固庄后，汝无以小谋败大作，汝无以嬖御士疾大夫、卿士，汝无以家相乱王室而莫恤其外。尚皆以时中义万国。”《史记·周本纪》注：“韦昭曰：‘祭，畿内之国，周公之后，为王卿士。谋父，字也。’”

**酆侯** 《左传》：“毕、原、酆、郇，文之昭也。”《竹书纪年》：成王十有九年，巡狩归周，正百官，黜酆侯。

① 据《国语·晋语》补。

② 公不豫：《逸周书·祭公解》作“我闻祖不豫”。

③ 此处原注为“缺”，今据《逸周书·祭公解》补。

**秦献公** 《史记》：献公二年，城栎阳。十四年卒<sup>①</sup>，子孝公立。十二年，作咸阳，徙都之。十九年，天子致伯。二十四年，卒，子惠文君立。十四年，更为元年。又十四年，卒，子武王立。四年八月死，立弟昭襄王。十九年，为西帝，复去之。五十六年，卒，孝文王立。即位三日，卒，子庄襄王立。四年五月，卒<sup>②</sup>，子政立，是为始皇帝。

按：秦封在岐周以西，故列入今地自献公徙栎阳始。

**杜伯** 《史记正义》：周成王时，唐人作乱，成王灭之，迁唐子孙于杜，谓之杜伯，即范丐所云：“在周为唐杜氏”。《左传注》：杜伯为宣王大夫，王杀之，其子隰叔奔晋。

**程伯休父** 《诗·大雅》：“命程伯休父。”《国语》：重黎氏后。注：伯，爵；休父，名。《诗正义》：父宜是字，而昭以为名。

**骊戎男** 《左传》：晋伐骊戎，骊戎男女以骊姬。注：其君姬姓，其爵男也。

**苏忿生** 《书·立政》：周公曰：“太史！司寇苏公式敬尔由狱，以长我王国。”

**张仲** 《诗·小雅》笺：吉甫之友。

按：《小雅》皆周西都时作。而《六月》末章云：“来归自镐，饮御诸友，侯谁在矣，张仲孝友。”则仲必家于西周者也。

**秦祖** 《史记·孔子弟子列传》<sup>③</sup>：字子南。郑（元）[玄]曰：秦人。按：《明一统志》：西安府人。宋高宗《赞》：秦有子南，赉赉述作<sup>④</sup>。守道之渊，成德之博。范若铸金，契犹发药。历世明祀，少梁宠爵。

**壤驷赤** 《史记·孔子弟子传》：字子徒。郑（元）[玄]曰：

① 十四年卒：《史记·秦本纪》作“二十四年，献公卒”。

② 《史记·秦本纪》记秦庄襄王三年五月卒。

③ 孔子弟子列传：《史记》作《仲尼弟子列传》。下同不校。

④ 赉赉述作：宋高宗赵构《文宣王及其弟子赞》又作“蜚声述作”。



秦人。按：《明一统志》：西安府人。宋高宗《赞》：式是壤侯<sup>①</sup>，昭乎圣徒。执经请益，载道若无。诗书规矩，问学楷模。得时而驾，领袖诸儒。

**燕伋** 按：《家语》作“级”。《三贤集》：字子思，秦人。夫子适周问礼时从之。道成而归，居于汧河西南山下，相传古名鲁家村。宋陈知微《赞》：八九之徒，具传大义。贤哉子思，道本无愧。钟灵咸镐，浴德洙泗。增封汧源，皇泽斯被。《圣门人物志》赞：师席高振，大成是集。道传一贯，速肖七十。善教云哀，儒风可立。渔阳之士，得跂而及。

**芮伯** 《诗·小序》：《桑柔》，芮伯刺厉王也。笺：芮伯，畿内诸侯，王卿士也，字良夫。《国语》：厉王悦荣夷公，芮良夫曰：“夫荣公好专利而不知大难。夫王人者，将导利而布之上下者也。今王学专利，其可乎？匹夫专利，犹谓之盗，王而行之，其归鲜矣。荣公为卿士，诸侯不享。”

**暴公** 《诗·何人斯》：“维暴之云。”《小序》：刺暴公也。暴公为卿士而谮苏公，苏公作诗以绝之。《毛传》：暴、苏，皆畿内国名。

**虢文公** 《国语》：宣王在位，不藉千亩。虢公谏曰：“不可！夫民之大事在农，王事惟农是务。三时务农，一时讲武，乃能媚于神而和于民。今天子欲修先王之绪而弃其大功，匮神之祀而困民之财，将何以求福用民？”王勿听。

按：《史记·周本纪》注：“文公，虢叔之后，西虢也。宣王都镐，在畿内也。”

**左儒** 《说苑》：周宣王杀杜伯而非其罪，左儒争之于王，九复之。王曰：“别君而异友，斯汝也。”左儒对曰：“臣闻君道友

<sup>①</sup> 式是壤侯：宋高宗赵构《文宣王及其弟子赞》作“式是壤伯”。据《宋史·礼志》，南宋度宗咸淳三年，始诏封“上邽侯壤驷赤”，则高宗时不应称“侯”，当作“伯”为是。



逆，则顺君以诛友；友道君逆，则率友以违君。”王怒曰：“易而言则生，不易而言则死。”左儒对曰：“臣闻士不枉义以从死，不易言以求生。臣能明君之过，以死杜伯之无罪。”王杀杜伯，左儒死之。

**家父** 《诗·小雅》：“家父作诵，以究王讻。”《诗序》：《节南山》，家父刺厉王也。《笺》：家父，字，周大夫也。《正义》：作诗刺王而自称字者，期于申写下情，冀上改悟而已。

**翟黄** 《新序》：下邳人。魏文侯问曰：“寡人何如？”群臣皆曰：“仁君也。”翟黄曰：“君非仁君。”“何以言之？”对曰：“伐中山不以封君之弟，而以封君之长子，臣以此知之。”文侯怒，逐黄，黄出。次至任座，座曰：“仁君也。”“何以言之？”对曰：“臣闻之，其君仁者，其臣直。向翟黄之言直，臣是以知君仁君也。”文侯复召黄，拜为上卿。

**甘龙** 《新序》：秦大夫。孝公欲用卫鞅之言，恐大臣不从，于是召卫鞅、甘龙、杜挚三大夫，虑世事之变，计正法之本、使民之道。公孙鞅曰：“君亟定变法之虑，行之无疑。”甘龙曰：“臣闻圣人不更易民而教，智者不变法而治。因民而教者，不劳而功成；据法而治者，吏习而民安之。今君变法不循故，更礼以教民，臣恐天下之议君。愿君熟虑之。”公孙鞅曰：“智者作法，愚者制焉；贤者更礼，不肖者拘焉。拘礼之人，不足与言事；制法之人，不足与论治。君无疑矣。”杜挚曰：“利不百，不变法；功不什，不易器。法古无过，循礼无邪，君其图之。”公孙鞅曰：“治世不一道，便国不必古。反古者未可非，循礼者未足多，君无疑矣。”于是孝公违龙、挚之善谋，从卫鞅之过言。

**樗里子** 《史记》：名疾，秦惠王弟。滑稽多智，秦人号曰“智囊”。爵右更。使伐曲沃，取其城地。伐赵，虏将军庄豹，拔蔺。明年，助魏章攻楚，败楚将屈匄，取汉中地。秦封号为“严君”。武王立，逐张仪、魏章。樗里子为相，以车百乘入周，周迎之甚敬。昭王元年，樗里子伐蒲，还击皮氏。卒。

**顿弱** 《[战]国策》：秦人。谓秦王曰：“山东之战国有六。韩，天下之咽喉；魏，天下之胸腹。王资臣万金而游，听之韩、魏，入其社稷之臣于秦，即韩、魏从而天下可图也。”秦王曰：“善。”乃资万金，使游韩、魏，入其将相，四国毕从。

**陈轸** 《[战]国策》：秦人。齐助楚攻秦，惠王患之，使张仪见楚王曰：“大王能闭关绝齐，臣请使秦王献商、於之地六百里。”楚王大悦，群臣皆贺。陈轸后至，对曰：“臣见商、於之地不可得，而患必至也。”王曰：“何也？”对曰：“秦所以重王，以王有齐也。今地未可得而齐先绝，是西生秦患，北绝齐交，两国兵必至矣。”楚王不听，使受地于秦。张仪出见使者曰：“从某至某，广从六里。”楚王大怒，欲伐秦。轸曰：“伐秦非计也，王不如赂之一名都，与之伐齐，是我亡于秦而取偿于齐也。”王不听，伐秦，大败于杜陵。齐伐楚，陈轸谓楚王曰：“王不如以地东解于齐，西讲于秦。”秦王谓轸曰：“子秦人也，弃寡人事楚。今齐、楚相伐，或谓救之便，或谓救之不便，子独不可以忠为子主计，以其余为寡人乎？”轸曰：“臣闻两虎争人而斗，管庄子刺之，管与止之曰：‘虎者，戾虫；人者，甘饵。今两虎争人而斗，小者必死，大者必伤。子待伤虎而刺之，则是一举而兼两虎也。无刺一虎之劳，而有刺两虎之名。’齐、楚今战，战必败。败，王起兵救之，有救齐之利，而无伐楚之害。计听知覆逆者，惟王可也。”

**司马错** 《[战]国策》：秦人。于惠王前欲伐蜀<sup>①</sup>，张仪曰：“不如伐韩。”王曰：“请闻其说。”对曰：“下兵三川，以临二周，此王业也。今蜀西僻之国，戎狄之长也。弊民劳众，不足以成名；得其地，不足以为利。臣闻‘争名者于朝，争利者于市’。今三川、周室，天下之市朝也，而王不争焉，顾争于戎狄，王业远矣。”错曰：“欲富国者，务广其地；欲强兵者，务富其民；欲王者，务博其德。今蜀西僻之国，戎狄之长也。取其地，足以广国；得其财，

① 《战国策·秦策一》作“司马错与张仪争论于秦惠王前，司马错欲伐蜀”。

足以富民缮兵。故拔一国，而天下不以为暴；利尽四海，诸侯不以为贪。是我一举而名实两附，而又有禁暴正乱之名。今周，天下之宗室也；韩，周之与国也。二国并力合谋，以因乎齐、赵，而求解乎楚、魏，臣所谓‘危’，不如伐蜀之完也。”惠王曰：“善。”卒起兵伐蜀，十月取之。

《汉书·司马迁传》：错孙蕲<sup>①</sup>，事武安君白起，与武安[君]<sup>②</sup>坑赵长平军，还而与之俱赐死杜邮，葬于华池。蕲孙昌，为秦王铁官<sup>③</sup>。昌生毋怵<sup>④</sup>，毋怵为汉市长。毋怵生喜，喜为五大夫。卒，葬高门。

**公子池** 《战国策》：三国攻秦，入函谷。昭王欲割河东而讲，召公子池问之，对曰：“讲亦悔，不讲亦悔。”王曰：“何也？”对曰：“王割河东以讲，三国虽去，王必曰：‘惜矣！三国且去，吾特以三城从之。’此讲之悔也。王不讲，三国入函谷，咸阳必危，王又曰：‘惜矣！吾爱三城而不讲。’此不讲之悔也。”王曰：“均吾悔也，宁亡三城而悔，无危咸阳而悔也。寡人决讲矣。”以三城讲于三国，兵乃退。

**王 翦** 《史记》：频阳人，少好兵事。秦始皇十一年，攻赵阬与，破之，拔九城。二十八年<sup>⑤</sup>，攻赵，拔赵，尽定赵地为郡。明年，攻燕，定燕蓟而还。翦子贲击荆，荆兵败。还击魏，定魏地。始皇问李信：“吾欲攻取荆，度用几何人？”李信曰：“二十万。”翦曰：“非六十万不可。”始皇使信伐荆，荆人破李信军。始皇如频阳谢翦，（翦）<sup>⑥</sup>曰：“听将军计。”于是王翦将兵六十万东击荆。荆悉国中兵拒秦。翦坚壁不战，日休士洗沐，亲与士卒同食。久

① 蕲：《史记·太史公自序》作“靳”。

② 据《汉书·司马迁传》补。

③ 秦王铁官：《史记·太史公自序》作“秦主铁官”。

④ 毋怵：《史记·太史公自序》作“无泽”。

⑤ 二十八年：《史记·白起王翦列传》作“十八年”。

⑥ 此处衍一“翦”字，删。

之，军中投石超距，翦曰：“士卒可用矣。”荆数挑战，秦不出。引而东，翦追之，大破荆兵。至蕲南，杀其将军项燕，乘胜略定荆地城邑，为郡县。因南征百越之君。而王翦子王贲与李信破定燕、齐地。始皇并天下，王氏功为多。二世之时，王翦及子贲已死。陈胜反秦，秦使王翦孙王离击赵。项羽救赵，虏王离。

## 汉

**卢 绌** 《史记》：丰人。从高祖入汉中，为将军。东击项籍。以太尉从出入卧内，亲幸莫及。封长安侯，五年，立为燕王。

**傅 宽** 《史记》：以魏五大夫骑将从汉王入汉中。击项籍，定齐地，封阳陵侯。按：《史记·功臣侯表》，以高祖六年十二月甲申封。孝惠五年卒，谥为“景侯”。子须侯精立，按：《史记·功臣侯表》作“顷侯靖”。《汉书·功臣侯表》作“顷侯清”。二十四年卒。子共侯<sup>①</sup>则立，十二年卒。子侯偃立，二十一年，坐与淮南王谋反，死，国除。

严观按：阳陵，今高陵县。又《贾志》载“高陵侯王虞人，高陵侯翟方进，平陵侯苏建，杜侯复陆支，富平侯张安世”。考史：汉高陵属琅邪，平陵属武当，杜属重平，富平属平原，皆非今地。

**窦广国** 《史记·外戚世家》：字少君。窦长君，其兄；窦皇后，其姊也。少君年四五岁时，家贫，为人所略卖。传十余家，至宜阳，从其家之长安。闻皇后新立，家在观津，姓窦氏。广国去时虽小，识其县名及姓，上书自陈。召见，果是。乃厚赐田宅金钱，封公昆弟，家于长安。绌侯、灌将军等曰：“吾属不死，命且悬此两人。两人所出微，不可不为择师傅宾客。”于是选长者、士之有节行者与居。窦长君、少君由此为退让君子，不敢以尊贵骄人。孝景帝立，封广国为章武侯。长君前死，封其子彭祖为南

<sup>①</sup> 共侯：《史记·高祖功臣侯者年表》作“恭侯”。



皮侯。吴楚反时，窦太后从昆弟子[窦]<sup>①</sup>婴，任侠自喜，以军功为魏其侯。

**朱建** 《汉书》：楚人，为淮南王黥布相。初，布欲反，问建，建谏止之，布不听。汉既诛布，闻建谏之，赐号“平原君”，家徙长安。为人辩有口，刻廉刚直，行不苟合，义不取容。辟阳侯行不正，欲知建，建不肯见。及建母死，贫未有以发丧，辟阳侯乃奉百金祝，列侯贵人以辟阳侯故，往赙凡五百金。久之，人或毁辟阳侯，惠帝欲诛之。辟阳侯困急，欲见建。建辞曰：“不敢见君。”乃求见孝惠幸臣闾孺，说曰：“君所以得幸帝，天下莫不闻。今辟阳侯幸太后[而下吏]<sup>②</sup>，道路皆言君谗，欲杀之。今日辟阳侯诛，旦日太后含怒，亦诛君。君何不言帝出辟阳侯。”闾孺从其计，出之。孝文时，淮南厉王杀辟阳侯，以党诸吕故。孝文闻其客朱建为其策，使吏捕，欲治，遂自刭。文帝闻之，曰：“吾无杀建意也。”召其子，拜中大夫。使匈奴，单于无礼，骂单于，死匈奴中。

**袁盎** 《史记》：楚人也，字丝。父徙安陵，以兄吮为郎中<sup>③</sup>。绌侯之国，人上书告反，诸公莫敢言，惟盎明绌侯无罪，得释。淮南厉王骄甚，盎谏曰：“诸侯太骄必生患，可削地。”上弗用。王益横。谋反事觉，迁之蜀。至雍，病死，上哭甚哀。盎入，顿首请罪。上曰：“以不用公言至此。”盎由此名重朝廷。宦者赵同以幸，常害盎，盎患之。盎兄子种为常侍骑，说盎曰：“君廷辱之，使其毁不用。”文帝出，赵同参乘，盎伏车前曰：“臣闻天子所与共六尺舆者，皆天下豪英。陛下独奈何与刀锯余人载！”于是上笑，下赵同。帝从霸陵上，欲西驰下峻阪。盎揽辔曰：“陛下纵自轻，奈高庙、太后何？”上乃止。上幸上林，

① 据《史记·外戚世家》补。

② 据《汉书·朱建传》补。

③ 《史记·袁盎晁错列传》作“盎兄吮任盎为中郎”。



皇后、慎夫人从。及坐，郎署长布席，盎引却慎夫人坐。盎以数直（练）[谏]<sup>①</sup>，不得久居中，调为陇西都尉。仁爱士卒，皆争为死。迁齐相，徙为吴相，吴王厚遇盎。盎告归。吴楚反，闻，晁错欲请治盎，未决。盎恐，夜见窦婴，愿至上前口对状。乃召入，具言吴、楚反状，独斩错以谢吴，吴可罢。错诛。吴、楚已破，上以元王子礼为楚王，盎为楚相。病免居家，景帝时时使人问筹策。梁王欲求为嗣，盎进说，其后语塞。梁王怨盎，使刺客杀盎安陵郭门外。

**魏 尚** 《汉书·冯唐传》：槐里人，文帝时为云中守，军市租尽以饷士卒。出私养钱，五日一杀牛，以饷宾客、军吏、舍人。匈奴远避，不近云中之塞。虏一入，尚帅车骑击之，所杀甚众。

**冯 唐** 《史记》：其父徙安陵，唐以孝著。为中郎署长，事文帝。文帝曰：“吾居代时，吾尚食监高祛数言赵将李齐之贤。”对曰：“尚不如廉颇、李牧之为将也。”上曰：“吾独不得颇、牧为将。”唐曰：“陛下虽得颇、牧，弗能用也。”上怒。对曰：“臣窃闻魏尚为云中守，匈奴入，尚击之，所杀甚众。上功莫府，一言不相应，文吏以法绳之。臣愚以为陛下法太明，赏太轻，罚太重。虽得廉颇、李牧，弗能用也。”帝说。是日令冯唐持节赦魏尚，复以为云中守，拜唐为车骑都尉。景帝立，为楚相，免。武帝立，求贤良，举冯唐。唐时年九十余，不能官，以唐子遂为郎。遂字王孙，亦奇士。

**石 奋** 《汉书》：其父赵人，高祖召其姊为美人，徙其家长安中。奋孝文时官至大中大夫。无文学，恭谨，举无与伦比。孝景即位，徙奋为诸侯相。奋长子建，次甲，次乙，次庆，皆以驯行孝谨，官至二千石。景帝号奋为“万石君”。万石君归老于家。过宫阙必下车趋，见路马必轼。子孙为小吏，来归谒，万石君必朝服见之，不名。子孙有过失，不诘让，为便坐，对案不食。诸子

<sup>①</sup> 据《史记·袁盎晁错列传》改。

因长老肉袒固谢罪，改之，乃许。子孙胜冠者在侧，虽燕必冠。上时赐食于家，必稽首俯伏而食，如在上前。其执丧，哀戚甚。子孙遵教，亦如之。建元二年，建为郎中令，庆为内史。建每五日洗沐归谒亲，入子舍，窃问侍者，取亲中裙厕牕，身自浣洒，复与侍者，不敢令万石君知之，以为常。建奏事于上前，屏人乃言极切；至廷见，如不能言者。万石君徙居陵里。内史庆醉归，入外门不下车。万石君闻之，不食。庆恐，肉袒请谢罪，不许。举宗及兄建肉袒，乃谢罢庆。万石君卒，建哭泣哀思。岁余，建亦死。庆迁御史大夫，元鼎元年为丞相<sup>①</sup>。庆[文]<sup>②</sup>深审谨，无他大略。后薨，谥曰“恬侯”。

**张 欧** 《汉书》：字叔，高祖功臣安丘侯说少子。孝文时，以刑名侍太子，然其人长者。景帝尊重，常为九卿。至元朔中，代韩安国为御史大夫。欧为吏，未尝言按人，劾以诚长者处官。官属以为长者，亦不敢欺。上具狱事，有可却，却之；不可者，不得已，为涕泣，面而封之。其爱人如此。以上大夫禄归老于家。家阳陵，子孙咸至大官。

**窦 婴** 《汉书》：字王孙，孝文皇后从兄子。喜宾客。孝文时为吴相。孝景即位，为詹事。梁孝王朝，因燕饮。是时，上未立太子，酒酣，上从容曰：“千秋万岁后传王。”太后欢。婴进曰：“天下者，高祖天下，父子相传，汉之约也，上何以得传梁（玉）[王]。”太后由此憎婴。因病免。吴、楚反，上察诸窦无如婴贤，乃拜为大将军，守荥阳，监齐、赵兵。七国破，封为魏其侯，游士宾客争归之。武帝即位，婴为丞相，举谪诸窦宗室无行者，除其属籍。以故毁日至，乃罢免婴。六年，窦太后崩，婴益疏不用。诸公稍自引而怠傲，惟灌夫相得欢甚。丞相蚡与夫有隙，劾灌夫

① 《汉书·万石卫直周张传》：元鼎五年，丞相赵周坐酬金免，制诏御史：“万石君先帝尊之，子孙至孝，其以御史大夫庆为丞相，封牧丘侯。”

② 据《汉书·万石卫直周张传》补。

前事，得弃市罪。婴为请，莫能解，乃窃出上书。立召入，具告言灌夫醉饱事，不足诛。上曰：“东朝廷辨之。”婴东朝，盛推夫善，因言蚡短。太后怒曰：“我在也，而人皆藉吾弟。令我百岁后，皆鱼肉之乎？”上谢曰：“俱外家，故廷辨之。”于是上使御史簿责婴所言灌夫颇不讎，劾系都司空。乃有飞语为恶言闻上，以十二月晦，论弃市渭城。

**王 仲** 《汉书·外戚传》：王皇后父也，槐里人。生男信与两女，而仲死。景帝封信为盖侯，武帝追尊王仲为共侯，槐里起园邑二百家，长丞奉守。《邹阳传》：阳为人有智略。梁事败，孝王恐诛，赍以千金，令求方略解罪于上。阳至长安，因客见王长君。长君者，王美人兄也，后封为盖侯。阳留数日，乘间而请曰：“窃闻长君弟得幸后宫，天下无有，而长君行迹多不循理。今梁王恐诛。如此，则太后怫郁泣血，无所发怒。臣恐长君危于累卵。”长君曰：“奈何？”阳曰：“长君诚能为上言之，得无竟梁事。太后厚德长君，入于骨髓，而长君之弟幸于两宫，金城之固也。”长君曰：“诺。”乘间入言之，事果不得治。

**田蚡 田胜** 《史记·外戚世家》：皆王皇后同母弟也。王太后母曰臧儿。臧儿者，故燕王臧荼孙也，为槐里王仲妻。仲死，更嫁长陵田氏，生男蚡、胜。景帝崩，太子为皇帝，尊太后母臧儿为平原君。封田蚡为武安侯，胜为周阳侯。蚡、胜贪，巧于文辞。平原君卒，从田氏葬长陵，置园比共侯园。《汉书·田蚡传》：蚡，王皇后同母弟也。生长陵，为中大夫。辨有口，学《盘盂》诸书，王皇后贤之。武帝即位，蚡封为武安侯。新用事，卑下宾客，欲以倾诸将相。六年，为丞相。蚡以肺附为相，入奏事，所言皆听。荐人或起家至二千石，权移主上。治宅甲诸第，田园极膏腴，市买郡县器物相属于道。前（后）[堂]罗钟鼓，立曲旃；后房妇女以百数。诸珍物狗马玩好，不可胜数。元光四年夏，蚡取燕王女为夫人，太后诏列侯宗室皆往贺。酒酣，灌夫骂坐。蚡怒，劾灌夫前事，诸灌氏皆得弃市罪。春，蚡疾，上使视鬼者瞻之，

曰：“魏其侯与灌夫共[守，笞]<sup>①</sup>欲杀之。”竟死。

**苏建** 《汉书》：杜陵人，以校尉从大将军卫青击匈奴，封平陵侯。以将军筑朔方。后以卫尉为游击将军，从大将军出朔方。后一岁，以右将军再从大将军出定襄，亡翕侯，失军当斩，赎为庶人。其后为代郡太守，卒官。

有三子：嘉，为奉车都尉；贤，为骑都尉；中子武，最知名。

**苏武** 《汉书》：字少卿<sup>②</sup>，建子，任为郎。天汉元年，以中郎将[使]持节送匈奴使留在汉者。与副中郎将张胜、假吏常惠等俱至匈奴。匈奴欲降之，使卫律召武受辞。武引佩刀自刺，律惊，自抱持[武]。武气绝半日，复（苏）[息]，律谓武曰：“苏君，律前归匈奴，拥众数万。苏君今日降，明日复然。空以身膏草野，谁复知之！”武不应。律曰：“君今不听吾计，后虽欲复见我，尚可得乎？”武骂曰：“（女）[汝]畔主背亲，何以（女）[汝]为见？”律知武终不可胁，白单于，乃幽武大窖中，绝不饮食。天雨雪，武卧啮雪与旃毛并咽之，数日不死。匈奴以为神，徙武北海无人处，使牧羝。武至海上，廩食不至，掘野鼠去草实而食之。杖汉节牧羊，卧起操持，节旄尽落。久之，单于使李陵至海上，置酒设乐，谓武曰：“单于闻陵与子卿素厚，故使来说足下，虚心欲相待。”武曰：“武父子无功德，皆为陛下所成就。今得杀身自效，诚甘乐之。愿勿复再言。”陵数日复曰：“子卿一听陵言。”武曰：“自分已死久矣！王必欲降，请毕今日之欢，效死于前。”陵见其至诚，喟然叹曰：“嗟乎，义士！陵与卫律之罪上通于天。”因泣下沾巾，与武诀去。后陵复至海上，语武：“捕得云中生口，言吏民皆白服，曰上崩。”武号哭，呕血，旦夕临。数月，昭帝即位。匈奴与汉和亲。汉求武等，匈奴诡言武死。后汉使复至匈奴，常惠教使者谓：“天子射上林苑，得雁，足有系帛书，言武等在荒泽

① 以上据《汉书·窦田灌韩传》改、补。

② 《汉书·李广苏建传》：武，字子卿。



中。”单于惊，谢汉使，召会武官属，随武还。始元六年春至京师。诏[武]奉（武）<sup>①</sup>一太牢谒武帝园庙，拜为典属国。武留匈奴凡十九岁，始以强壮出，及还，须发尽白。宣帝神爵二年，病卒，图画麒麟阁。

子通国，授为郎。

**赵食其** 《汉书·霍去病传》：役祠人。武帝立十八年，以主爵都尉从大将军，斩首六百六十级。元狩三年，赐爵关内侯。

**刘屈氂** 《汉书》：武帝庶兄中山靖王子也，不知其始所以进。征和二年春，以涿郡太守屈氂为左丞相，封澎侯。秋，戾太子为江充所谮，杀充，发兵入丞相府，屈氂挺身逃，亡其印绶。上从甘泉来，幸城西建章宫，诏发三辅近县兵，以丞相兼将。太子亦矫制发武库兵，驱四市人凡数万众，至长乐西阙下，逢丞相军，合战五日，太子军败，南奔。明年，贰师将军李广利将兵击匈奴，丞相送至渭桥，与广利辞决。广利曰：“愿早请昌邑王为太子。”屈氂许诺。昌邑王者，贰师女弟李夫人子也。贰师女为屈氂子妻，故共欲立焉。时，治巫蛊狱急，内者令郭穰告丞相夫人以丞相数有谴，使巫祠社，祝诅主上，有恶言，及与贰师共祷祠，欲令昌邑王为帝。有司奏请按验，罪至大逆不道。有诏载屈氂厨车以狗，（要）[腰]斩东市，妻子梟首华阳街。

**车千秋** 《汉书》：本姓田氏，其先齐诸田徙长陵。千秋为高寝郎。会卫太子为江充所谮败，久之，[千秋]<sup>②</sup>上急变讼太子冤。是时，上颇知太子惶恐无他意，乃召见千秋，曰：“父子之间，人所难言。公独明其不然。此高庙神灵使公教我。”立拜为大鸿胪。数月，遂为丞相，封富民侯。千秋敦厚有智，居位自称，逾于前后数公。昭帝初，千秋年老，上优之，朝见，得乘小车入宫殿中，号曰“车丞相”。

① 以上据《汉书·李广苏建传》补、改、删。

② 据《汉书·车千秋传》补。



子顺，官云中太守。

**张 汤** 《史记·酷吏传》：杜人。其父为长安丞，出，汤为儿守舍。还而鼠盗肉，父怒，笞汤。汤掘窟得鼠及余肉，劾鼠掠治，传爰书，讯鞠论报，并取鼠（盗）[与]肉，具狱磔堂下。父见之，视其[文]<sup>①</sup>辞如老狱吏，大惊，遂使书狱。父死后，汤为长安吏，给事内史，为宁成掾，调茂陵尉。武安侯为丞相，征汤为吏<sup>②</sup>，荐之天子，补御史。治陈皇后巫蛊狱，深竟党与，上以为能，迁大中大夫。与赵禹共定诸律令，务在深文，拘守职之吏。已而禹迁中尉，徙少府，汤为廷尉，两人交欢。禹为人廉倨，舍毋食客。公卿相造请禹，禹终不报谢，务在绝知友宾客之请，孤立行一意而已。见文法辄取，亦不覆案，求官属阴罪。汤为人多诈，舞智以御人。治淮南、衡山反狱，皆穷根本。迁御史大夫。会浑邪等降，汉大兴兵伐匈奴，县官空虚。汤承上指，请造白金及五铢钱，笼天下盐铁，排富商大贾，出告缗令。锄豪强兼并之家，舞文巧诋以辅法。百姓不安其生，骚动，县官所兴，未获其利，奸吏并侵渔，于是痛绳以罪。自公卿以下至庶人，咸指汤。会人有盗发孝文园瘞钱，丞相青翟朝，与汤约俱谢。汤念独丞相以四时行园，汤无与也，不谢。上使御史案其事，汤欲致其文丞相见知，丞相患之。三长史皆害汤，合谋曰：“吾知汤阴事。”使吏捕案汤左田信等，曰汤且欲奏请，信辄先知之，居物致富，与汤分之。天子使使簿责汤，汤不服。于是上使赵禹责汤。禹让汤曰：“君所治夷灭者几何人矣？今人言君皆有状，天子欲令君自为计，何多以对簿为？”汤乃自杀。

**何比干** 《万姓统谱》：字少卿，平陵人，学《尚书》于晁错。武帝时为廷尉，与张汤同时。汤持法深，而比干务仁恕，数与汤争，虽不尽得，然所活者以千数。后迁丹阳都尉，狱无冤囚，淮

① 以上据《史记·酷吏列传》改、补。

② 吏：《史记·酷吏列传》作“史”。

汝间号曰“何公”。

**杜周** 《汉书》：南阳杜衍人，徙茂陵。周少言重迟，而内深（刺）[次]骨。为廷尉，其治大抵（放）[仿]张汤，善候伺。上所欲挤者，因而陷之；上所欲释，久系待问而微见其冤状。二千石系者新故相因，不减百余人。郡吏（太）[大]<sup>①</sup>府举之廷尉，一岁至千余章。章大者连逮证案数百，小者数十人；远者数千里，近者数百里。会狱，吏责如章告劾，不服，以掠笞定之。于是闻有逮证，皆亡匿。狱久者至更数赦十余岁而相告言，大抵尽诋以不道以上，廷尉及中都官，诏狱逮至六七万人，吏所增加十有余万。后为执金吾，逐捕桑（宏）[弘]羊、卫皇后昆弟子刻深，上以为尽力无私，迁御史大夫。周久任事，列三公，两子夹河为郡守，家赀累巨万，治皆酷暴。惟少子延年行宽厚云。

**魏相** 《汉书》：字弱翁，定陶人，徙平陵。少学《易》，举贤良，以对策高第，为茂陵令。顷之，御史大夫桑（宏）[弘]羊客诈称御史止传，丞不以时谒，客怒缚丞。相疑其有奸，收捕，案致其罪，论弃市，茂陵大治。迁河南太守，禁止奸邪，豪强畏服。后人有告相贼杀不辜，事下有司。会赦出，复诏守茂陵令，迁扬州刺史。考案郡国守相，多所贬退。居部二岁，征为谏大夫，复为河南太守。宣帝即位，入为大司农，迁御史大夫。遂代韦贤为丞相。及宣帝亲万几，励精为治，练群臣，核名实，相总领众职，甚称上意。元康中，匈奴遣兵击汉屯田车师者，不能下。上与赵充国等议，欲因其衰弱，出兵击其右地，使不敢复扰西域。相上书谏，上从相言而止。相明《易经》，有师法，好观汉故事。数条汉兴以来国家便宜行事，及贤臣贾谊、晁错、董仲舒等所言，请施行之。又数表采《易阴阳》及《明堂月令》奏之，上纳用焉。每<sup>②</sup>敕掾吏<sup>③</sup>案事郡国

① 以上据《汉书·杜周传》改。

② 每：《汉书·魏相丙吉传》作“相”。

③ 吏：《汉书·魏相丙吉传》作“史”。

及休告从家还至府，辄白四方异闻，或有逆贼、风雨灾变，郡不上，闻<sup>①</sup>辄奏言之。视事九岁，神爵三年薨，谥曰“宪侯”。

子（宏）[弘]嗣，甘露中有罪，削爵为关内侯。

**萧望之** 《汉书》：字长倩，兰陵人，徙杜陵，家世以田为业。望之好学，治《齐诗》，事同县后仓且十年。以令诣太常受业，复事同学博士白奇，又从夏侯胜问《论语》、《礼服》。京师诸儒称述焉。以射策甲科为郎，署小苑东门候。御史大夫魏相除为属，察廉为大行治礼丞。地节三年夏，京师雨雹，望之上疏，拜为谒者，累迁谏大夫，丞相司直，岁中三迁。[以望之为]平原太守，征入守少府。宣帝察望之经明持重，论议有余，材任宰相，欲详试其政事，复以为左冯翊。是岁，西羌反。京兆尹张敞上书言：“国兵在外，无余积，愿令诸有罪，非不得赦者，皆得入谷赎罪。”事下有司议，望之以为“如此则富者得生，贫者得死，是贫富异刑，（罚）[法]不一也。”遂不施敞议。望之为左冯翊三年，京师称之，迁大鸿胪。神爵三年，代丙吉为御史大夫。左迁太子太傅，以《论语》《礼服》授皇太子。宣帝寝疾，选大臣可属者，拜望之前将军光禄勋，受遗诏辅政。元帝即位，数宴见，言治乱，多所匡正，上甚乡纳之。初，中书令（宏）[弘]恭、石显久典枢机，明习文法，与车骑将军史高为表里，论议常独持故事，不从望之。望之以为中书政本，用宦者，非国旧制，又违古不近刑人之义，白欲更置士人，由是大与高、恭、显忤。会稽郑朋行倾邪，恭、显令告望之等谋欲疏退许、史状，免为庶人。后数月，诏赐望之爵关内侯，给事中。天子方倚欲以为丞相，会望之子（级）[伋]上书讼前事，恭、显白：“望之教子上书，归非于上，非诎之牢狱，塞其怏怏，则圣朝无以施恩。”上可其奏。显等敕令召望之，因急发执金吾车骑驰围其第。使者至，望之欲自杀，以问门下朱云。云者，好节士，劝望之自裁。于是竟饮鸩自

① 闻：《汉书·魏相丙吉传》作“相”。

杀。天子闻之惊，拊手曰：“果然杀吾贤傅！”却食涕泣，哀（动）[恻]<sup>①</sup>左右。

子育、咸、由。育，字次君，以望之任太子庶子。历刺史、太守，入守[大]<sup>②</sup>鸿胪。鄠贼梁子政阻山为害，育为右扶风数月，尽诛子政等。坐与定陵侯淳于长善，免官。哀帝时，南郡江中多盗贼，拜育南郡太守。育至南郡，盗贼静。病，去官。起家复为光禄大夫、执金吾，以寿终于官。

咸，字仲<sup>③</sup>，为好畤令，迁淮阳、泗水内史，张掖、（宏）[弘]农、河东太守。所居有迹，数增秩赐金。后官至大司农，终官。

由，字子骄，举贤良，为定陶令，迁太原都尉，安定太守，治郡有声。初，哀帝为定陶王，由为令，失王指，制书免为庶人。帝崩，迁江夏太守。平江贼成重等有功，增秩为陈留太守。元始中，为中散大夫，终官。

韩延寿 《汉书》：字长公，燕人，徙杜陵。少为郡文学。擢谏大夫，迁淮阳太守，徙颍川。颍川多豪强，难治。赵广汉为太守，患其俗多朋党，构会吏民，令相告讦，由是为俗。延寿欲更之，教以礼让，乃召郡中长老数十人，接以礼意，问以谣俗，为陈和睦亲爱、销除怨咎之路，长老皆以为便。议定嫁娶、丧祭仪品，略依古礼，不得过法。于是令文学校官诸生皮弁执俎豆，为吏民行礼，百姓遵用其教。数年，徙东郡太守。延寿所至，必聘其贤士，[以礼待]用，广谋议，纳谏争；修治学官，春秋乡射，陈钟鼓管弦，盛升降揖让，及都试讲武，设斧钺旌旗，习射御之事。又置正、五长，相率以孝弟，不得舍奸人。闾里阡陌有非常，吏辄闻知，奸人莫敢入界。其始若烦，后皆便安之。在东郡三岁，

① 以上据《汉书·萧望之传》改。

② 据《汉书·萧望之传附萧育传》补。

③ 据施丁主编《汉书新注》（三秦出版社，1994年）：“仲：当是‘仲君’，此脱‘君’字（李慈铭说）。”



令行禁止，断狱大减，为天下最。入守左冯翊，满岁称职为真。岁余，行县至高陵，民有昆弟讼田，延寿曰：“幸得备位，为郡表率，不能宣明教化，令民骨肉争讼，咎在冯翊，当先退。”因闭阁思过，令丞、啬夫、三老亦皆自系待罪。两昆弟悔谢，郡中歛然，[莫不传相]<sup>①</sup>敕厉。二十四县，莫复以辞讼自言者。延寿代萧望之为左冯翊，侍谒者福为望之道延寿在东郡时放散官钱千余万，治饰兵车，画龙虎朱雀，衣黄纨方领。于是望之劾奏延寿僭上不道，竟弃市。三子皆为郎吏。且死，属其子弗为吏，以己为戒。子皆去官不仕。

孙威，复为吏，至将军。亦多恩信，能拊众，得士死力。又坐奢僭，诛。

**张安世** 《汉书》：字子孺，汤子，杜陵人。少以父任为郎，给事尚书。上幸河东，亡书三篋，诏问莫能知，唯安世识之。擢尚书令，迁光禄大夫。昭帝即位，大将军霍光秉政，以安世为右将军光禄勋，以自副，封富平侯。昭帝崩，光白太后，徙安世为车骑将军，欲<sup>②</sup>共征立昌邑王。王淫乱，光与安世谋，废王，立宣帝。宣帝即位，益封万六百户。子千秋、延寿、彭祖，皆中郎将侍中。光薨。拜大司马车骑将军，领尚书事。数月，更为卫将军，两宫卫尉，城门、北军兵属焉。安世职典枢机，以谨慎周密自著，外内无间。每定大政，已决，辄移病出；闻有诏令，乃惊，使吏之丞相府问焉。朝廷大臣莫知其与议也。尝有所荐，其人来谢，弗为通。有郎功高不调，自言，安世绝不许。已而，郎果迁。其欲匿名迹、远权势如此。初，安世兄贺幸于卫太子，太子败，贺下蚕室。后为掖庭令，宣帝以皇曾孙收养掖庭。贺内伤太子无辜，曾孙孤幼，所以视养拊循，恩甚密焉。及曾孙壮大，贺教《书》，令受《诗》，为取许妃，以家财聘之。及宣帝即位，贺已死。上追

① 以上据《汉书·韩延寿传》补。

② 欲：《汉书·张汤传附张安世传》作“与”。



思贺恩，封其冢，置守冢二百家，谥曰“哀”<sup>①</sup>。安世尊为公侯，食邑万户，然身衣弋绋，夫人自纺绩，家童皆有手技作事，内治产业，富于大将军光。元康四年春，病，复强起视事。薨，谥曰“敬侯”，赐茔杜东。

子延寿，历位九卿，既嗣侯，国租入岁千余万。延寿以身无功德，数上书让减户邑。又因弟阳都侯彭祖口陈，乃徙封。薨，谥“爱侯”。

子勃嗣，为散骑谏大夫。元帝诏列侯举茂材，勃举（大）[太]官献丞陈汤。汤有罪，勃坐削二百户。[薨，故赐谥曰“缪侯”]。后汤立功西域，世以勃为知人。

子临嗣。临亦谦俭。薨。

子放嗣。鸿嘉中，上与近臣游宴，放以[公主子]开敏得幸。成帝崩，放哭泣而死。

初，安世长子千秋与霍光子禹俱为中郎将，将兵随度辽将军范明友击乌桓。还，谒大将军光，问千秋战斗方略、山川形势，千秋口对兵（车）[事]<sup>②</sup>，画地成图。光复问禹，禹不能记，曰：“皆有文书。”光叹曰：“霍氏世衰，张氏兴矣！”及禹诛灭，而安世子孙相继为侍中、中常侍、诸曹散骑、列校尉者凡十余。

**杜延年** 《汉书》：周子，字幼公，茂陵人，亦明法律。昭帝初立，大将军霍光秉政，以延年补军司空。始元四年，益州蛮夷反，以校尉将南阳士击益州，还，为谏大夫。上官桀谋为乱，延年以闻，桀等伏辜。延年本大将军霍光吏，首发大奸，擢为太仆右曹给事中。光持刑罚严，延年辅之以宽。议论持平，合和朝廷。见国家承武帝奢侈师旅之后，数为光言：“年岁比不登，流民（不）[未]<sup>③</sup>尽还，宜修孝文时政，示以俭约宽和，顺天心，说民意，年

① 谥曰哀：《汉书·张汤传附张安世传》作“赐贺谥曰‘阳都哀侯’”。

② 以上据《汉书·张汤传附张安世传》补、改。

③ 据《汉书·杜周传附杜延年传》改。

岁宜应。”光纳其言，举贤良，议罢酒榷盐铁。昌邑王废，光与大臣议所立。时，宣帝号皇曾孙，延年劝光立焉。宣帝即位，论定策，功比朱虚侯刘章，封侯益土。延年为人安和，备于诸事，久典朝政，上任信之。居九卿位十余年，赏赐赂遗，訾数千万。光子禹诛，延年坐免官。后拜北地太守，选用良吏，捕击豪强，郡中清静。徙西河太守，治甚有名。五凤中，征为御史大夫。视事三岁，以老病乞骸骨，赐安车驷马，罢就第。数月，薨，谥“敬侯”。

子缓嗣。缓少为郎，本始中以校尉从蒲类将军击匈奴，还为谏大夫，迁上谷都尉，雁门太守。父延年薨，征视丧事，拜为太常，治诸陵县。每冬月封具狱日，常去酒省食，官属称其有恩。元帝初即位，谷贵民流。永光中，西羌反，缓辄上书入钱、谷助用，前后数百万。

缓少弟熊，历五郡二千石，三州牧刺史，有能名。

**赵充国** 《汉书》：字翁孙，本上邽人。沉勇有大略，少好将帅之节，学兵法，通知四夷事。武帝时，以假司马从贰师将军击匈奴，溃围陷阵，拜为中郎。昭帝时，武都氏人反，充国以护军都尉击定之，迁水衡都尉。击匈奴，[获]西祁王，擢为后将军。与大将军霍光定策立宣帝，封营平侯。本始中，为蒲类将军征匈奴，斩虏数百级，还为后将军、少府。匈奴大发十余万骑，欲入寇。充国将四万骑，屯缘边九郡，单于引去。元康三年，先零与诸羌种豪解仇交质。两府白遣义渠安国行视诸羌。安国召诸豪三十余人，斩之。于是诸羌劫略犯塞。上使问谁可将者，充国对曰：“无逾于老臣者矣。”上曰：“将军度羌虏何如，当用几人？”充国曰：“百闻不如一见。兵难隄度，臣愿驰至金城，图上方略。”遂西至西部都尉府，日飧军士，士皆欲为用。充国子[右曹]中郎将卬，将兵至令居，虏并出绝转道。卬以闻，诏八校尉合疏捕山间虏，通转道津渡。充国欲以威信招降罕、开，解散虏谋，徼极乃击之。时议者咸以为先零负罕、开之助，不先破罕、开，则先零

未可图。上以书敕让充国，充国以将在外，便宜有守，以安国家，乃上书陈兵利害。七月，玺书报从充国计。充国引兵至先零。虏久解弛，望见大军，弃车重，欲渡湟水。道厄狭，充国徐行驱之，虏马、牛、羊十万余头，车四千余辆。兵至罕地，令军无燔聚落刍牧田中。罕（开）[羌]闻之，喜，愿得还复故地，后竟不烦兵而下。时，羌降者万余人。充国欲罢骑兵屯田，以待其敝。会得进兵玺书，中郎将卬惧，使客谏充国曰：“诚令兵出，利与病何足（事）[争]①？一旦不合上意，遣绣衣来责将军，将军不能自保，何国家之安？”充国叹曰：“是何言之不忠也！吾固以死守之。”遂上屯田便宜十二事。充国奏每上，辄下公卿议。初是充国计者什三，中什五，最后什八。诏诘前言不便者，皆顿首服。上于是诏罢兵，独充国留屯田。明年，充国奏罢屯田，振旅而还，赐安车驷马，罢就第。朝廷每有四夷大议，常与参兵谋，问筹策焉。年八十六薨，谥曰“壮侯”。

传子至孙钦，钦亡子，国除②。

先是，充国为后将军，徙杜陵。

**冯奉世** 《汉书》：字子明，潞人，徙杜陵。武帝末，以良家子选为郎。昭帝时，失官，前将军韩增奏以为军司空令。先是，汉数使西域，多辱命。增举奉世持节送大宛诸国客。至伊修城，时莎车攻劫南道，鄯善以西皆绝不通。奉世与其副严昌计，以为不亟击之，则莎车日强，其势必危西域。遂以节谕告诸国发其兵，南北道合万五千人，进击莎车，拔其城。莎车王自杀，传首诣长安，诸国悉平。遂西至大宛，得其名马象龙而还。上悦，以为光禄大夫、水衡都尉。右将军常惠薨，奉世代。永光二年秋，陇西

① 以上据《汉书·赵充国传》补、改。

② 《汉书·赵充国传》：传子至孙钦，钦尚敬武公主。主亡（无）子，主教钦良人习诈有身，名它人子。钦薨，子岑嗣侯，习为太夫人。岑父母求钱财亡（无）已，忿恨相告。岑坐非子免，国除。

羌反，诏遣奉世将万二千人，以将屯为名到陇西，天子大发兵六万余人以助。十一月，羌大破，斩首数（十）[千]级，余走出塞。明年二月，还京师，更为左将军。

子野王，以父[任]为太子（任）<sup>①</sup>中庶子；立，任为郎。

**田延年** 《汉书》：字子宾，先齐诸田，徙阳陵。以才略给事大将军莫府，霍光重之，迁长史。出为河东太守，奸邪不敢发。入为大司农。会昌邑王嗣立，淫乱，霍将军与公卿议废之，莫敢发言。延年按剑廷叱群臣，即日议决。宣帝即位，以决疑定策功封阳成侯。先是，茂陵富人焦氏、贾氏阴积炭苇诸物。昭帝大行，用度未办，延年奏言：“商贾或豫收方上不祥器物，冀其疾用，欲以求利，非民臣所当为。请没入县官。”奏可。富人亡财者皆怨，出钱求延年罪。初，大司农取民牛车三万辆为僦，载沙便桥下，送致方上，车直千钱。延年上簿诈增僦直车二千，凡六千万，盗取其半。焦、贾两家告其事，下丞相府议。霍将军召问延年，抵无是事。将军曰：“即无事，当穷竟。”延年自刎死。

**张敞** 《汉书》：字子高，平阳人。祖父孺，徙茂陵。父福，官光禄大夫。敞后徙杜陵，补太守卒史，擢豫州刺史。数上事有忠言，征为大中大夫。以忤大将军光，复出为函谷关都尉，徙山阳太守。久之，勃海、胶东盗贼并起，征拜胶东相。敞到胶东，明设购赏，开群盗令相捕斩除罪，由是盗贼解散。诏以敞守京兆尹。自赵广汉诛后，守尹皆不称职，长安市偷盗尤多。敞求问长安父老，偷盗酋长数人，居皆温厚，出从童骑，闾里以为长者。敞皆召见责问，令致诸偷以自赎。偷长受署，敞皆以为吏，遣归休。置酒，小偷悉来贺，饮醉，偷长以赭污其衣裾，吏坐里闾阅出者，污赭辄收缚之，穷治所犯，尽行法罚。敞为人敏疾，见恶辄取，然其政颇杂儒雅，不纯用诛罚，

① 以上据《汉书·冯奉世传》补、删。



以此能自全。为京兆九岁，坐与光禄勋杨恽善，公卿奏敞不宜处位，奏寝不下。敞使贼捕（拏）[掾絮]舜有所案验，舜以敞奏劾当免，曰：“五日京兆耳，安能复案事？”敞闻舜语，即部吏收舜系狱。舜当出死，敞使主簿持教告舜曰：“五日京兆竟何如？”乃弃舜市。行冤狱使者奏敞贼杀不辜，天子薄其罪，下敞[前]坐杨恽，免为庶人。既数月，冀州有大贼，天子召拜冀州刺史。敞到部岁余，盗贼禁止。病卒。初，敞为京兆尹，弟武拜为梁相。时梁王骄贵，民多豪强，号难治。敞戒吏问武，武意欲以刑法治梁。吏还道之，敞笑曰：“武必（辩）[辨]<sup>①</sup>治梁矣。”既到官，其治有迹。

敞孙竦，王莽时至郡守，封侯。博学文雅过于敞，然政事不及也。

**赵都** 《册府元龟》：祿人，为左冯翊冯野王部督邮掾。池阳令并素行贪污，轻野王外戚年少，治行不改。都案验得其主守盗十金罪，收捕。并不首吏，都格杀并。并家上书陈冤，事下廷尉，都诣吏自杀以明野王。

**徐福** 《汉书·霍光传》：茂陵人。霍氏奢侈，上疏言：“霍氏泰盛，陛下即爱之，宜以时抑制，无使至亡。”书三上，辄报闻。其后霍氏果灭，而告霍氏者皆封。人为福上书曰：“茂陵徐福数上书言霍氏且有变，宜防绝之。向使说得行，则国无裂土出爵之费，臣无逆乱诛灭之败。今往事既已，而福独不蒙其功，惟陛下察之。”书奏，上赐福帛十匹，（复）[后]<sup>②</sup>以为郎。

**朱云** 《汉书》：字游，鲁人，徙平陵。年四十，从博士白子友受《易》，又事前将军萧望之受《论语》，皆能传其业。好倜傥大节。是<sup>③</sup>，少府五鹿充宗贵幸，为《梁丘易》。元帝好之，欲

① 以上据《汉书·张敞传》补、改。

② 据《汉书·霍光传》改。

③ 此处脱一“时”字，《汉书》记此事在元帝时。



考其异同，令充宗与诸《易》家论。会有荐云者，召入。抗首而请，音动左右。既论难，连折<sup>①</sup>五鹿君，由是为博士。迁杜陵令，坐故纵亡命，会赦，举方正，为槐里令。数上书言丞相韦（元）[玄]成容身保位。（元）[玄]成言云暴虐无状，云遂废。成帝时，丞相故安昌侯张禹<sup>②</sup>以帝师位特进，甚尊重。云上书曰：“臣愿赐尚方斩马剑，断佞臣一人，以厉其余。”上问：“谁也？”对曰：“安昌侯张禹。”上大怒，御史将云下，云攀殿槛，槛折，呼曰：“臣得下从龙逢、比干游，足矣！”左将军辛庆忌叩头殿下，曰：“此臣狂直。使其言是，不可诛；其言非，固当容之。”上意解，得已。后当治槛，上曰：“勿易，因而辑之，以旌直臣。”后不复仕。常居鄠，年七十余，终于家。

**辛庆忌** 《汉书》：字子正<sup>③</sup>，少以父任为左校丞<sup>④</sup>，随常惠屯田乌孙赤谷城，与歙侯战，陷阵却敌。惠奏其功，拜侍郎，迁校尉，将吏士屯焉耆国。还为谒者。元帝初，补金城长史，转校尉，迁张掖太守，徙酒泉，所在著名。成帝初，迁左曹中郎将，至执金吾。坐子杀赵氏，左迁酒泉太守。岁余，大将军王凤荐庆忌通于兵事，复征为执金吾。数年，坐小法，左迁丞相司直<sup>⑤</sup>，后拜散骑、给事中，岁余徙为左将军。庆忌居处恭俭，遭世承平，匈奴、西域亲附，敬其威信。年老，卒官。

长子通，护羌校尉；中子遵，函谷关都尉；少子茂，水衡都尉，出为郡守。皆有将帅之风。

庆忌狄道人，徙昌陵。昌陵罢，留长安。

① 折：《汉书·朱云传》作“拄”。拄，驳倒。

② 《汉书·朱云传》刘攽注：“故”字当在“丞相”上，禹时罢相，侯如故也。

③ 《汉书·辛庆忌传》作“字子真”。

④ 左校丞：《汉书·辛庆忌传》作“右校丞”。

⑤ 左迁丞相司直：据《汉书·辛庆忌传》：“左迁云中太守，复征为光禄勋。时，数有灾异，丞相司直何武上封事……其后（辛庆忌）拜为右将军、诸吏、散骑、给事中，岁余徙为左将军。”

**史丹** 《汉书》：字君仲，鲁国人，徙杜陵。祖父恭，有女弟，武帝时为卫太子良娣，产悼皇考。宣帝即位，恭已死，三子：高、曾、（元）[玄]，皆以外属旧恩封侯<sup>①</sup>。宣帝（即位）[疾病]，拜高为[大司马]、车骑将军，领尚书事。帝崩，太子袭尊号，是为元帝。高薨，谥曰“安侯”。元帝为太子时，丹[以父高任]为中庶子，侍从十余年。元帝即位，为驸马都尉侍中。上以丹旧臣，诏丹护太子家。是时，傅昭仪子定陶共王有才艺，王皇后无宠。元帝尝隳铜丸以（摘）[擿]<sup>②</sup>鼓。定陶王亦能之，上数称其材。丹曰：“所谓材者，敏而好学，皇太子是也。”帝默然。中山哀王薨，太子前吊不哀，上大恨，丹曰：“臣见陛下哀痛中山王，至以感损。向者太子进见，臣窃戒无涕泣，感伤陛下。罪乃在臣。”上意解。竟宁元年，上寝疾，数问尚书以景帝时立胶东王故事。丹以亲密臣得侍疾，候上间独寝时，直入卧内，顿首涕泣言曰：“皇太子以嫡长立，积十余年，名号系于百姓，天下莫不归心。今路道流言，以为太子有动摇之议。审若此，公卿以下必不奉诏。臣愿先赐死以示群臣！”上意大感，曰：“吾无有此议，都尉安所受此语？”丹曰：“愚臣妄闻，罪当死。”上谓丹：“善辅导太子，无违我意！”丹嘘唏而起。太子由此遂为嗣矣。成帝即位，迁右将军，后徙左将军、光禄大夫，封武阳侯。丹为人足知，恺悌爱人，貌若傥荡不备，然心甚谨饬<sup>③</sup>，故尤得信于上。为将军前后十六年，以病归第，数月，薨，谥曰“顷侯”。

**朱博** 《汉书》：字子元，杜陵人。家贫，少给事县为亭长，稍迁功曹，补安陵丞。成帝即位，举栎阳令，徙云阳、平陵（三）[二]<sup>④</sup>县，以高第入为长安令，京师治理。迁冀州刺史，行部决遣如神，

① 《汉书·史丹传》：“（恭）三子：高、曾、玄。曾、玄皆以外属旧恩封：曾为将陵侯；玄，平台侯；高，侍中，贵幸，以发举反者大司马霍禹功，封乐陵侯。”

② 以上据《汉书·史丹传》改、补。

③ 谨饬：《汉书·史丹传》作“谨密”。

④ 据《汉书·朱博传》改。

吏民惊服。徙琅邪太守。齐部<sup>①</sup>舒缓养名，博视事数年，大改其俗。博治郡，常用属县豪杰以为大吏，文武从宜。县有剧贼及他非常，辄移书诡责之。其尽力有效，必加厚赏；怀诈不称，诛罚辄行。以是豪强愁服。入守左冯翊，少爱利，敢诛杀，然亦纵舍，时有大贷，下吏以此为尽力。迁后将军，坐免。岁余，哀帝即位，召为京兆尹。数月，超为大司空。博为人廉俭，不好酒色游宴，食不重味，好乐士大夫。为郡守九卿，宾客满门，欲仕者荐举之，欲报仇怨者解剑以带之。博以此自立，然终用以败。初，定陶太后欲称尊号，从弟高武侯傅喜持正议。博代孔公为丞相。太后讽奏免喜侯。博奏请免喜为庶人。上知太后素怨喜，召问状，博诣廷尉自杀。

**刘 辅** 《汉书》：河间宗室也。举孝廉，为襄贲令。上书言得失，召见，擢为谏大夫。会成帝欲立赵婕妤为皇后，先下诏封婕妤父临为列侯。辅上书言：“昔武王、周公承顺天地，飧鱼（乌）[鸟]<sup>②</sup>之瑞，然犹君臣祗惧，动色相戒。今乃触情纵欲，倾于卑贱之女，欲以母天下，惑莫大焉。臣自念得以同姓拔擢，不敢不尽死。”书奏，上使侍御史收辅，系掖庭秘狱。左将军辛庆忌等上书言：“辅托公族之亲，在谏臣之列，独触忌讳，不足深过，不宜幽囚于掖庭狱。”上乃徙系辅共工狱，减死罪一等，论为鬼薪。终于家。

**班 况** 《汉书·叙传》：举孝廉为郎，积功劳至上河农都尉。大司农奏课连最，入为左曹越骑校尉。成帝之初，女为婕妤。致仕就第，赏累千金，徙昌陵。昌陵后罢，占数于长安。

**侯 文** 《汉书》：京兆人。孙宝为京兆尹。文以刚直不苟合，常称疾不仕。宝以恩礼请文，欲为布衣友。文求署为掾，进见如宾礼。数月，以立秋日署文东部督邮。入见，敕曰：“今日鹰隼始

① 齐部：《汉书·朱博传》作“齐郡”。

② 以上据《汉书·刘辅传》改。

击，当顺天气取奸恶，以成严霜之诛，掾部渠有其人乎？”文曰：“霸陵杜穉季。”宝曰：“其次？”文曰：“豺狼横道，不宜复问狐狸。”宝默然。穉季者，大侠，与卫尉淳于长厚善。宝前失车骑将军，长方贵幸，宝附之，始视事而以穉季托，故穷无以应。文知其有故，因曰：“明府素著威名，今不敢取穉季，且当阖阁，勿有所问。即度穉季而遣他事，众口喧哗，终身自堕。”长闻知之<sup>①</sup>，杜门不通水火，穿舍后墙为小户，但持锄自治园。因文所厚，自陈如此。文曰：“我与穉季，幸同土壤，素无睚眦，顾受将令，分当相直。诚能自改，严将不治前事。”穉季遂不敢犯法。

**王 商** 《汉书》：字子威，涿郡蠡吾人，徙杜陵。商父武，武兄无故，皆以宣帝舅封侯。商少为太子中庶子，以肃敬敦厚称。父薨，商嗣侯，擢为诸曹、侍中、中郎将。元帝时，至右将军、光禄大夫。时，定陶共王爱幸，几代太子。商为外戚重臣，拥佑太子，颇有力焉。成帝即位，徙为左将军。帝元舅大司马大将军王凤专权，行多骄僭。商论议不能平凤，凤知之，亦疏商。建始三年秋，京师民无故相惊，言大水至，长安中大乱。天子御前殿，召公卿议。大将军凤以为可令吏民上长安城以避水，商独曰：“此必讹言也，不宜重惊百姓。”有顷，稍定，问之，果讹言。明年，代匡衡为丞相。商为人多质，有威重，容貌绝人。河平四年，单于来朝，引见白虎殿。丞相商坐未央廷中，单于前，拜谒商。商与言，单于仰视商貌，迁延却退。天子闻而叹曰：“此正<sup>②</sup>汉相矣！”初，凤怨商，使人上书言商闺门内事，下其事司隶。先是，皇太后尝诏问商女，欲以备后宫。商以病对，不入。及商以闺门事见考，更欲内女为援，乃因新幸李婕妤家白见其女。大中大夫蜀郡张匡上书以为奸谋不可测度，诏收丞相印绶。商发病，呕血薨，谥曰“戾侯”。有司奏商罪过未决，请除国邑。有诏长子安嗣爵为

① 长闻知之：《汉书·孙宝传》作“穉季耳目长，闻知之”。

② 正：《汉书·王商传》作“真”。



乐昌侯，至长乐卫尉、光禄勋。元始中，王莽诛不附己者，安见被以罪，自杀，国除。

**冯参** 《汉书·冯奉世传》：字叔平，奉世子。学通《尚书》，少为黄门郎给事中，宿卫十余年。参，昭仪少弟，竟宁中，以王舅出补渭陵食官令。以病免。绥和中，封参为宜乡侯。参之国，上书愿至中山见王、太后。行未到而王薨。王病时，上奏愿贬参爵以关内侯食邑留长安。上怜之，下诏还参京师，以列侯奉朝请。五侯皆敬惮之。丞相翟方进亦甚重焉，数谓参：“物禁太甚。今五侯至贵，与之并列，宜少诎节。而君侯盛修容貌以威严加之，非所以自益者也。”参性好礼仪，终不改其恒操。顷之，哀帝即位，帝祖母傅太后用事，追怨参姊中山太后，陷以祝诅大逆之罪。参以同产当坐，谒者承制召参诣廷尉，参自杀。且死，仰天叹曰：“参父子兄弟皆备大位，身至封侯，今被恶名而死，姊弟不敢自惜，伤无以见先人于地下！”死者十七人，众莫不怜之。

**张临** 《汉书·张汤传》：家杜陵，平原侯勃薨，子临嗣。临亦谦俭，每登阁殿，叹曰：“桑、霍为我戒，岂不厚哉！”临尚敬武公主。薨，子放嗣。鸿嘉中，上欲遵武帝故事，与近臣游宴，放以公主子开敏得幸。取皇后弟平恩侯许嘉女，上为放供张，充以乘舆服饰，号为天子取妇，皇后嫁女。大官私官并供其第，两宫使者冠盖不绝，赏赐以千万数。放为侍中、中郎将，与上卧起，宠爱殊绝，尝从为微行出游，斗鸡走马长安中，积数年。上诸舅皆害其宠，白太后。太后甚以过放。时数有灾异，议者归咎放等。丞相宣、御史大夫方进奏：“放骄蹇纵恣，奢侈不制，不宜宿卫。”上不得已，左迁放为北地都尉。数月，复征入侍中。太后以放为言，出为天水属国都尉。岁余，征放归第视母公主疾。主瘳，出放为河东都尉，后复征放为侍中。岁余，遣就国。成帝崩，放思慕，哭泣而死。

**王嘉** 《汉书》：字公仲，平陵人。以明经射策甲科为郎。鸿嘉中，举敦朴，能直言，召见宣室，对政事得失，超迁大中



夫。出为九江、河南太守，治甚有声，迁御史大夫。建平三年，为丞相，封新甫侯。嘉为人刚直严毅，有威重，上甚敬之。哀帝初立，嘉上疏荐儒者公孙光、满昌及能吏萧咸、薛修等。天子纳而用之。时，侍中董贤爱幸，欲因东平事以封贤。嘉上封事，上感其言，止。后日食，嘉复奏封事，上寝不悦，而愈爱贤。会傅太后薨，上因托傅太后遗诏，益封贤。嘉封还诏书，因谏上。上怒，召诣廷尉。嘉喟然曰：“幸得充备宰相，不能进贤退不肖，以是负国，死有余责。”系狱二十余日，不食，死。元始四年，追录忠臣，封嘉子崇为新甫侯，谥嘉为“忠[侯]”<sup>①</sup>。

**何 并** 《汉书》：字子廉。祖父自平舆徙平陵。并为大司空掾，事何武。武举为长陵令。初，邛成太后外家王氏贵，侍中王林卿通轻侠，倾京师。后坐法免，宾客愈盛，归长陵上冢，因留饮连日。先是，林卿杀婢婿，埋冢舍。并具知之，以非己时，又新免，故不发举，欲无令留界中而已，即遣吏奉谒传送。林卿素骄，惭于宾客。既去，令骑奴还至寺门，拔刀剥其建鼓。并自从吏兵追林卿，行数十里，林卿迫，乃令奴自代，从间径驰去。会日暮，追及，收缚奴。并知己失林卿，乃叱吏断头持还，县所剥鼓置都亭下，署曰：“故侍中王林卿坐杀人埋冢舍，使奴剥寺门鼓。”吏民惊骇，以为实死。哀帝问状而善之，徙颍川太守。时，颍川钟元为尚书令，领廷尉。弟威为郡掾，臧千金。并为太守，过辞钟廷尉，廷尉免冠为弟请一等之罪，并曰：“罪在弟身与君律，不在于太守。”元惧，驰遣人呼弟。阳翟轻侠赵季、李款多畜宾客，纵横郡中，闻并至，皆亡去。并下车，求勇猛晓文法吏十人。使文吏治三人狱，武吏往捕之，各持头还，并皆悬于市。郡中清静。表善好士，见纪颍川，名次黄霸。性清廉，妻子不入官舍。数年，卒。

子恢，王莽擢为关都尉。建武中，以并孙为郎。

**班 伯** 《汉书·叙传》：况子，长安人。少受《诗》于师丹，

① 据《汉书·王嘉传》补。

大将军王凤荐伯宜劝学，拜为中常侍，迁奉车都尉，定襄太守。岁余，征伯，伯道病中风。既至，以侍中光禄大夫养病，赏赐甚厚。起视事，自富平、定陵侯张放、淳于长等爱幸，设宴饮之会，皆引满举白，谈笑大噱。时乘輿幄坐张画屏风，画纣醉踞妲己作长夜之乐。上顾指画而问伯，伯曰：“‘沉湎于酒’，微子所以告去也；‘式号式呼’，《大雅》所以流连也。《诗》《书》淫乱之戒，其原皆在于酒。”上乃喟然叹曰：“吾久不见班生，今日复闻说言！”放等因罢出。迁水衡都尉、侍中。每朝东宫，常从；及有大政，俱使谕指于公卿。病卒。

弟穉，少为黄门郎中常侍，方直自守。成帝季年，立定陶王为太子，数遣中盾请问近臣，穉独不敢答。哀帝即位，迁广平相。平帝即位，太后临朝，莽秉政，方欲文致太平，使使者分行风俗，采颂声，而穉无所上。大司空甄丰劾穉绝嘉应，嫉害圣政，不道。穉上书，愿归相印，入补延陵园郎，太后许焉。

**郑崇** 《汉书》：字子游，本高密大族，祖父徙居平陵。父宾，明法律，为御史，名公直。崇少为郡文学史，哀帝擢为尚书仆射，数谏争，上初纳用之。每见曳革履，上笑曰：“我识郑尚书履声。”久之，上欲封祖母傅太后从弟商，崇谏曰：“今无故封商，坏乱制度，逆天人心，非傅氏之福。”崇又以董贤贵宠过度谏，由是重得罪。尚书令赵昌佞谄，素害崇，奏崇与宗族通，疑有奸。上责崇曰：“君门如市人，何以欲禁切主上？”崇对曰：“臣门如市，臣心如水，愿得考覆。”上大怒，下崇狱，穷治，死狱中。

**杜业** 《汉书·杜周传》：延年孙缓之子。有才能，以列侯选为太常。数言得失，不事权贵，后坐法免官。哀帝即位，上书言王氏世权日久，又言宜为恭王立庙京师。所言皆合指施行，复为太常。会司隶奏业选举不实，坐免官，复就国，发病死。业成帝初尚帝妹颍邑公主，主无子，薨，[业]<sup>①</sup>家上书求还京师与主合

① 据《汉书·杜周传附杜业传》补。

葬，不许。

**云 敞** 《汉书》：字幼孺，平陵人。师事同县吴章，章治《尚书》为博士。平帝年幼，王莽秉政，帝母及外家卫氏皆不得至京师。莽长子宇，非莽（鬲）[隔]绝卫氏，恐帝长大后见怨。与吴章谋，夜以血涂莽第门，若鬼神之戒，冀以惧莽。章欲因对其咎，事发觉，章坐腰斩，磔尸陈市门。初，章为当世名儒，教授弟子尤盛，莽以为恶人党，皆当禁锢，不得仕宦，门人尽更名他师。敞时为大司徒掾，自劾吴章弟子，收抱章尸归，棺敛葬之。车骑将军王舜高其志节，表奏为掾，荐为中郎谏大夫。莽篡位，擢为鲁郡大尹。更始时，安车征敞为御史大夫。免病去<sup>①</sup>，卒于家。

**杜 钦** 《汉书·杜周传》：字子夏，延年子，杜陵人。少好经书，目偏盲。茂陵杜业与钦同姓字，俱以才能称京师，故衣冠谓钦为“盲杜子夏”以相别。钦恶以疾见诋，乃为小冠，由是京师更谓钦为“小冠杜子夏”。大将军王凤请钦为大将军[军]武库令。钦为人深博有谋。自上为太子时，以好色闻，及即位，皇太后诏采良家女。钦说大将军凤曰：“礼一娶九女，所以极阳数，广嗣重祖也。将军辅政，宜建九女之制，详择有行义之家，求淑女之质，（无）[毋]必有声色音技能，为万世大法。”凤白之太后。后有日蚀、地震之变，诏举直言。钦上对曰：“陛下正后妾，抑女宠，防奢泰，去佚游，躬节俭，亲万事。如此，即尧、舜不足[与]<sup>②</sup>比隆，咎异何足消灭？”钦以病罢，后征诣大将军莫府。数称达名士王骏、韦安世、王延世等，救解冯野王、王尊、胡常之罪过，及继功臣绝世，镇抚四夷，当世善政，多出于钦者。以寿终。

**平 当** 《汉书》：字子思，祖父自下邑徙平陵。当以明经为博士，公卿荐当议论通明，给事中。每有灾异，当辄傅经术，言得失。元帝时，韦（元）[玄]成为丞相，奏罢太上皇寝庙园，当上

① 免病去：《汉书·云敞传》作“病免去”。

② 据《汉书·杜周传附杜钦传》补、改。

书言：“太上皇，汉之始祖，后嗣所宜尊奉。”上纳其言。顷之，使行流民幽州，举奏刺史二千石劳俸有意者，言渤海盐池且勿禁，以救民急。所过见称，累迁大鸿胪。先是，太后姊子淳于长白言昌陵不可成，当以为作治连年可就。上既罢昌陵，议封长。当又以为长虽有善言，不应封爵。左迁巨鹿太守。当以经明《禹贡》，使行河，为骑都尉，领河堤。哀帝即位，征为光禄大夫，至丞相，赐爵关内侯。明年，卒。

子晏，以明经历位大司徒，封防乡侯。

**关井 张戎** 《汉·沟洫志》：王莽时，征能治河者以百数，其大略异者，长水校尉平陵关并言：“河决率常于平原、东郡左右，其地形下而土疏恶。闻禹治水时，本空此地，以为水[猥]<sup>①</sup>。上古难识，近察秦、汉以来，河决曹、卫，其南北不过百八十里，可空此地，勿以为官亭、民舍而已。”大司马史长安张戎言：“水性就下，行疾则自刮除成空而稍深。今西方诸郡以至京师东行，民皆引河、渭山川水溉田。春夏干燥，少水时也，故使河流迟，贮淤而稍浅；雨多水暴至，则（益）[溢]<sup>②</sup>决。而国家数堤塞之，稍益高于平地，犹筑垣而居水也。可各顺其性，毋复灌溉，则百川流行，水道自利，无溢决之害矣。”注：《新论》云：“并，字子阳。戎，字仲功。”

**原 涉** 《汉书》：字巨先，祖父武帝时以豪杰自阳翟徙茂陵。涉父为南阳太守。涉父死，让还南阳赙送，行丧冢庐三年，由是显名京师。举能治剧，为谷口令。谷口闻其名，不言而治。先是，涉季父为茂陵秦氏所杀，涉自劾去官，欲报仇。谷口豪杰为杀秦氏，亡命岁余，逢赦出。郡国诸豪杰及长安、五陵诸为气节者皆归慕之。涉自以先让赙送得名，而令先人坟墓俭约，非孝也。乃

① 《汉书·沟洫志》：“禹治水时，本空此地，以为水猥，盛则放溢，少稍自索，虽时易处，犹不能离此。”据补。

② 据《汉书·沟洫志》改。



大治起冢舍，费用皆仰富人，身衣服车马才具，妻子内困。专以赈施贫穷、赴人之急为务。涉上冢，奴买肉，乘涉气斫伤屠者。茂陵守令尹公知涉名豪，欲以示众厉俗。新丰人王游公素嫉涉，说尹公堕坏涉冢舍。涉遂劫游公父及子，断两头去。涉性似郭解，外温仁谦逊，而内隐好杀。王莽末，兵起，诸王荐涉能得死士，莽召见，拜镇戎大尹。长安败，更始[西屏]将军申徒建请涉相见，大重之。故茂陵令尹公坏涉冢舍者为建主簿，涉使客刺杀主簿，欲亡去。建遣兵徼取涉于车上，遂斩涉。

哀、平间，郡国处处有豪杰，其名闻州郡者，霸陵杜君敖、池阳韩幼孺，皆有[谦]退（让）[之]①风。

**陈遵** 《汉书》：字孟公，杜陵人。祖遂，元帝时为廷尉。遵举能治剧，补郁夷令。与扶风相失，自免去。槐里大贼赵朋、霍鸿等起，遵为校尉，击朋、鸿有功。遵嗜酒，每大饮，宾客满堂，辄关门，取客车辖投井中，虽有急，终不得去。遵大率常醉，然事亦不废。略涉记传，赡于文辞。性善书，与人尺牍，主皆臧去以为荣。请求不敢逆，所到，衣冠怀之，惟恐在后。凡三为二千石。王莽败，客池阳。更始至长安，大臣荐遵为大司马护军。使匈奴，单于欲胁诎，遵陈利害，为言屈直，单于大奇之。会更始败，遵留朔方，为贼所败，时醉见杀。

**王遵** 《汉书·隗嚣传》②：字子春，霸陵人。少豪侠，有才辨。与隗嚣举兵，数劝嚣遣子入侍，嚣不从，故去焉。八年，来歙袭得略阳，公孙述助嚣攻略阳，使遵持节，监大司马吴汉。遵知嚣必败，归命洛阳，于是嚣大将皆降，嚣恚愤死。

① 以上据《汉书·游侠传》补、改。

② 《隗嚣传》见《后汉书》。



## 人物志

### 后汉

**窦融** 《后汉书》：字周公，扶风平陵人。七世祖广国。融早孤。居摄中<sup>①</sup>，为强弩将军[司马]<sup>②</sup>，封建武男，家长安。王莽末，拜波水将军。莽败，降更始，为张掖属国都尉。抚结雄杰，怀（集）[辑]<sup>③</sup>羌虏。更始败，河西吏人推融行河西五郡大将军事。光武即位，遂决策东向。建武五年夏，遣长史刘钧奉书献马。帝赐融玺书，授为凉州牧。会隗嚣反，融与五郡太守上疏请师期，帝嘉美之，赐融外属图及太史公《五宗》《外戚世家》《魏其侯列传》。诏报曰：“每追念外属，孝景皇帝出自窦氏。定王，景帝之子，朕之所祖。昔魏其一言，继统以正，长君、少君尊奉师傅，修成淑德，施及子孙，此皇太后神灵，上天祐汉也。将军所让隗嚣书，非忠孝恻诚，孰能如此？今关东已定，大兵悉西，将军其抗厉威武，以应期会。”八年夏，车驾西征隗嚣，融率步骑数万与大军共进，嚣众大溃。帝封融安丰侯，弟友显亲侯，遣还镇。及陇、蜀平，诏融奏事京师，拜为冀州牧，又迁大司空。融自以非旧臣，一旦入朝，在功臣右，数辞让。帝不得已，乃策免融。二

① 《后汉书·窦融传》作“王莽居摄中”。

② 据《后汉书·窦融传》补。李贤注：强弩将军即莽明义侯王俊。

③ 据《后汉书·窦融传》改。李贤注：辑，和也。

十三年，行卫尉事，弟友为城门校尉，兄弟并典禁兵。友卒，融长子穆尚内黄公主，代友为城门校尉。穆子勋，尚泚阳公主。友子固，亦尚涅阳公主。显宗即位，融从兄子林为护羌校尉。自祖及孙，官府邸第相望京邑，奴婢以千数。永平二年，林以罪诛。帝下诏切责融，融恐，乞骸骨，诏令归第。听上卫尉印绶。穆等交通属托，干乱政事，尽免官。会融卒，年七十八，谥曰“戴侯”。帝以穆不能修尚，常令谒者一人监护其家。居数年，谒者奏穆怨望，帝令将家属归本郡，惟勋以主婿留京师。穆捕系，死平陵狱，勋亦死洛阳狱。十四年，封勋弟嘉为安丰侯，奉融后。

固字孟孙，少以尚公主为黄门侍郎。好览书传，喜兵法。显宗即位，迁中郎将。帝欲遵武帝故事，击匈奴，通西域，以固明习边事，拜奉车都尉，出屯凉州。明年，率酒泉、敦煌、张掖甲卒及羌胡万二千骑出酒泉塞。至天山，击呼衍王，斩首千余级。呼衍王走，追至蒲类海。留吏士屯伊吾卢城。时，诸将唯固有功，加位特进。明年，复出玉门击西域，遂破白山，降车师。在边数年，羌胡服其恩信。肃宗即位，以公主修敕慈爱，累世崇重，加号长公主，增邑三千户。征固为大鸿胪，复为卫尉。固久历大位，性谦俭，爱人好施，士以此称之。卒，谥曰“文侯”。

**景 丹** 《后汉书》：字孙卿，栢阳人。更始立，为上谷长史。王郎起，丹将兵南归，世祖拜为偏将军，号奉义侯，从击王郎将兒宏等于南谿。丹等纵突骑击，大破之，追奔十余里，死伤者纵横。丹还，从征河北。世祖即位，拜丹为骠骑大将军。建武二年，定封栢阳侯。秋，与吴汉、耿弇等从击破五校于萇阳，降其众五万人。会陕贼苏况攻破（宏）[弘]农，生获郡守。丹时病，帝以其旧将，欲令强起领郡事。丹不敢辞，乃力疾拜命，将营到郡，十余日薨。

子尚嗣，徙封余吾侯。尚卒，子苞嗣。苞卒，子临嗣。临无子，国绝。永初七年，封苞弟遽为监亭侯。

**万 修** 《后汉书》：字君游，茂陵人。更始时为信都令，与太守任光、都尉李忠共城守，迎世祖，拜为偏将军，封造义侯。

及破邯郸，拜右将军，从平河北。建武二年，更封槐里侯。与扬化将军坚鐔俱击南阳。未克，卒于军。

子普嗣，徙封兹氏侯。

**耿弇** 《后汉书》：字伯昭，茂陵人。父况，为王莽朔调连率。王莽败，更始立，况自以莽所置，不自安。弇奉奏诣更始，以求自固。闻光武在卢奴，乃驰北上谒，因从光武北至蓟。会蓟中乱，光武南驰，弇走昌平就况，说况约彭宠发兵。弇与寇恂、景丹合军而南击王郎，斩首三万级，定二十二县，遂及光武于广阿。光武以为偏将军，从拔邯郸。时，更始征代郡太守赵永，况劝永诣光武。光武遣永复郡，而代令张（华）[晔]据城叛。光武以弇弟舒为复胡将军击（华）[晔]，破之。更始立，光武为萧王，令罢兵。时，光武居邯郸宫，弇请间说光武，乃拜弇为大将军，北发幽州兵，击铜马、高湖、赤眉、青犢，又追尤来、大枪、五幡于元氏。弇常将精骑为军锋，辄破走之。光武即位，拜建威大将军。攻厌新贼，大破之。建武二年，封好畤侯。三年，延岑攻南阳，弇与战于穰，大破之，斩首三千级，岑遁走。弇从幸（春）[春]<sup>①</sup>陵。四年，诏弇进攻渔阳。弇与朱祐、王常等击望都、故安西山贼十余营，皆破之。时，祭遵、刘喜拒彭宠。宠遣弟将匈奴二千余骑，经军都，舒袭破其众。况复与舒攻宠，取军都。五年，宠死，天子嘉况功，使光禄大夫持节迎况，封牟平侯。遣弇击富平、获索贼，大破之。进讨张步。先击祝阿，进定济南，拔临淄城。张步兵号二十万，弇示弱以盛其气。出战，自旦及昏，大破之。弇豫置伏以待，纵击，八九十里僵尸相属，齐地悉平。六年，西拒隗嚣。八年，从上陇。明年，与来歙分徇安定、北地诸营保，皆下之。

弇兄弟六人，皆垂青紫，当代以为荣。及况卒，谥“烈侯”。少子霸袭况爵。十三年，增弇户邑。年五十六，永平元年卒，谥曰“愍侯”。子忠嗣。忠以骑都尉击匈奴于天山，有功。

① 以上据《后汉书·耿弇传》改。

**耿 国** 《后汉书·耿弇传》：字叔虑，弇弟。建武四年初入侍，光武拜黄门侍郎。七年，拜驸马都尉，历顿丘、阳翟、上蔡令，所在吏人称之。征为五官中郎将。时，乌桓、鲜卑屡寇外境，国素有筹策，数言边事，帝器之。及匈奴薁鞬日逐王比自立为呼韩邪单于，款塞称藩，愿扞御北虏。议者皆以夷狄情伪难知，不可许。国独以为宜如孝宣故事受之，令东扞鲜卑，北拒匈奴。帝从其议，立比为南单于。由是乌桓、鲜卑保塞自守，中国少争<sup>①</sup>。二十七年，代冯勤为大司马<sup>②</sup>。又上言宜置度辽将军、左右校尉，屯五原以防逃亡。永平元年，卒官。显宗后置度辽将军、左右校尉，如其议焉。

**马 援** 《后汉书》：字文渊，茂陵人。三兄：况、余、员，并有才能，为二千石。援少有大志，王莽末，四方兵起，援避地西州。隗嚣重之，与决筹策。时，公孙述称帝于蜀，嚣使观之。援归谓曰：“子阳井底蛙耳。妄自尊大，不如专意东方。”建武四年，嚣使援奉书洛阳。援至，引见于宣德殿，顿首曰：“当今之世，非独君择臣，臣亦择君。今见陛下，恢廓大度，同符高祖，乃知帝王自有真也。”帝壮之。及还，嚣遂遣长子恂入质。会嚣用王元计，发兵拒汉。援上疏自陈，帝乃召援计事，援具言谋画。因使援将突骑五千，往来游说，以离嚣支党。八年，帝西征至漆，援于帝前聚米为山谷，指画形势。帝曰：“虏在吾目中矣。”明旦，进军至第一，嚣众大溃。自王莽末，西羌入居塞内，金城属县多为虏有。十一年，拜陇西太守，破先零羌于临洮。时，朝臣以金城破羌之西，道远多寇，议欲弃之，援不可。帝于是诏武威太守，令悉还金城客民三千余口，各反旧邑。援奏置长吏，缮城郭，起坞候，开导水田，劝以耕牧。又遣羌豪杨封譬说塞外羌，皆来和亲。又武都氐人背公孙述来降者，援皆上复其侯王君长，赐印绶，

① 少争：《后汉书·耿弇传附耿国传》作“少事”。

② 大司马：《后汉书·耿弇传附耿国传》作“大司农”。



帝悉从之。视事六年，征入为虎贲中郎将。援自还京师，数被进见，每有所谋，未尝不用。十七年，交趾女子征侧、征贰反，拜援伏波将军，将兵缘海而进。至浪泊，与贼战，破之。斩征侧、征贰，封援为新息侯。乃击九真贼都羊等，自无功至居风，峤南悉平。援所过辄为郡县治城郭，穿渠灌溉以利民。二十年，振旅还京师。平陵人孟冀贺援，援曰：“我微劳，猥享大县，功薄赏厚，何能长久？方今匈奴、乌桓尚扰北边，欲自请击之。男儿当死于边，以马革裹尸还葬耳！”冀曰：“谅为烈士，当如此矣。”会匈奴、乌桓寇扶风，援请行，许之。明年秋，出高柳。乌桓候者见汉军至，散去。二十四年，武威将军刘尚击五溪蛮夷，军没。援复请行，遂遣征五溪。会暑甚，士卒多疫死，援亦病困。帝使虎贲中郎将梁松监军。会援卒，遂因事陷之。帝大怒，追收援新息侯印绶。妻孥惶惧，不敢以丧还旧茔，买城西数亩地槁葬而已。建初三年，肃宗追谥曰“忠成侯”。

援四子：廖、防、光、客卿。客卿幼而歧嶷，年六岁，能专对宾客。尝有亡命者来过，匿不令人知。援甚奇之，以为将相器，故以客卿字焉。援卒，客卿亦夭没。

**王扶** 《通志》：盩厔人。光武时从诛莽，封将军。

**宣秉** 《后汉书》：字巨公，云阳人，少修高节。哀、平际，见王氏据权专政，遂隐遁深山，州郡连召，常称疾不仕。及莽篡位，遣使者征之，秉固称疾病。更始即位，征为侍中。建武元年，拜御史中丞。明年，迁司隶校尉，务举大纲，简略苛细。秉性节约，常服布被，蔬食瓦器。帝幸其府舍，见而叹曰：“楚国二龚，不如云阳宣巨公。”四年，拜大司徒司直。所得禄俸，辄以收养亲族。其孤弱者，分与田地，自无担石之储。六年，卒于官。除子彪为郎。

**张湛** 《后汉书》：字子孝，平陵人。矜严好礼，动止有则，三辅以为仪表。成、哀间，为二千石。建武初，为左冯翊，在郡修典礼，设条教，政化大行。后五年，拜光禄勋。光武临朝，有



情容，湛辄陈谏其失。尝乘（曰）[白]马，帝每见湛，辄言“白马生且复谏矣”。代王丹为（大）[太]<sup>①</sup>子太傅。及郭后废，因称疾不朝。后数年，卒。

**申屠刚** 《后汉书》：字巨卿，茂陵人。七世祖嘉，文帝时丞相。刚质性方直，慕史鲔、汲黯之为人。王莽篡位，避地河西，转入巴、蜀。及隗嚣据陇右，欲背汉，刚说之归国，嚣不纳。建武七年，诏书征刚，拜侍御史，迁尚书令。光武尝欲出游，刚以陇、蜀未平，不宜宴安逸豫。谏不听，遂以头轂乘舆轮，帝遂止。时，帝法理严察，群臣莫敢正言。刚辄极谏，失旨，出为平阴令。复征拜大中大夫，以病去官，卒于家。

**王 丹** 《后汉书》：字仲回，京兆下邳人。哀、平时，仕州郡。王莽时，连征不至。家累千金，隐居养志，好施周急。每岁农时，辄载酒肴于田间，候勤者而劳之。其堕懒者，耻不能致。邑聚相率，以致殷富。其轻黠游荡者，辄晓其父兄，使黜责之。没者则赙给。行之十余年，风俗以笃。丹资性方洁，疾恶强豪。时，同郡陈遵，大侠也，欲交丹，丹不许。前将军邓禹西征关中，军粮乏，丹上麦二千斛。禹表丹领左冯翊，称疾不视事。后征为太子少傅。客初有荐士于丹者，因选举之，后所举者陷罪，丹坐免，客惭惧自绝。寻复征为太子太傅，乃呼客谓曰：“子之自绝，何量丹之薄也？”不为设食以罚之，相待如旧。其后逊位，卒于家。

**龙伯高** 马援《与兄子书》：敦厚周慎，口无择言，谦约节俭，廉公有威。《马援传》：伯高名述，京兆人。为山都长，擢零陵太守。

**宋（宏）[弘]** 《后汉书》：字仲子，京兆长安人。父尚，成帝时至少府。哀帝立，以不附董贤，抵罪。（宏）[弘]少而温顺，赤眉入长安，遣使征（宏）[弘]，至渭桥，自投水，佯死获免。光武即位，征拜大中大夫。建武二年，为大司空，以清行致称。帝尝问（宏）[弘]通博之士，（宏）[弘]荐沛国桓谭，召拜议郎、给事

① 以上据《后汉书·张湛传》改。

中。帝每宴，辄令鼓琴，好其繁声。(宏)[弘]闻之，悔于荐举，伺谭内出，朝服坐府上，遣吏召，[不与席而]<sup>①</sup>让之。后大会群臣，帝使谭鼓琴。谭见(宏)[弘]，失其常度，帝怪之。(宏)[弘]谢曰：“臣所以荐谭者，望能以忠正导主，而令朝廷耽悦郑声，臣之罪也。”帝改容谢，遂不复令谭给事中。(宏)[弘]尝宴见，御坐新屏风，图画列女，帝数顾视之。(宏)[弘]正容言曰：“未有<sup>②</sup>好德如好色者。”帝即彻之。时帝姊湖阳公主新寡，帝与共论朝臣，微观其意。主曰：“宋公威容德器，群臣莫及。”后(宏)[弘]被引见，帝令主坐屏风后，因谓(宏)[弘]曰：“谚言‘贵易交，富易妻’，人情乎？”(宏)[弘]曰：“臣闻‘贫贱之知不可忘，糟糠之妻不下堂’。”帝顾谓主曰：“事不谐矣。”在位五年，免归，卒。

弟嵩，以刚强孝烈著名，官至河南尹。嵩子由，章和间为太尉。由子汉，字仲和，以经行著名，举茂才，四迁西河太守。立名节，以威恩著称，拜大中大夫，卒。子则，字元矩，为鄢陵令。有名迹，拔同郡韦著。

**孔 奋** 《汉书》<sup>③</sup>：字君鱼，茂陵人。遭王莽乱，奋与老母、幼弟避兵河西。建武五年，河西大将军窦融请署议曹掾，守姑臧长。姑臧称为富邑，居县者辄致丰积。奋在职四年，财产无所增。事母孝谨。陇蜀既平，河西守令咸被征召，奋单车就路，吏民敛牛、马、器物追送，一无所受。至京，除武都丞。时，陇西余贼隗茂等残杀郡守，畏奋迫急，乃执其妻、子为质。奋终不顾望，穷力讨之，擒灭茂等，奋妻、子亦为所杀。世祖下诏褒美，拜武都太守。为政明断，甄善疾非，郡中称为清平。弟奇，游学洛阳。奋以奇经明当仕，上病去官，守约乡闾，卒于家。奇博通经典，作《春秋左氏删》。奋晚有子嘉，官至城门校尉，作《左氏说》云。

① 据《后汉书·宋弘传》补。

② 有：《后汉书·宋弘传》作“见”。

③ 孔奋，东汉人，传在《后汉书》。

**史崇** 《江南通志》：字伯勤，杜陵人。建武中，累官青、冀二州刺史。治尚宽简，不威而化。以功封溧阳侯。天下既平，诏公侯皆就封，因家焉。卒，谥“壮侯”。

**第五伦** 《后汉书》：字伯鱼，长陵人。少有义行，为乡啬夫，京兆尹阎兴召为主簿。时长安铸钱多奸巧，乃署伦为督铸钱掾，领长安市。伦平铨衡，正斗斛，市无阿枉，百姓悦服。建武二十七年，举孝廉，补淮南国<sup>①</sup>医工长。从王朝京师。见，帝问以政事，伦酬对政道，帝大悦。明日，复特召入与语。拜会稽太守。躬自斩刍养马，受俸贱贸与民。会稽俗多淫祀，好卜筮，民常以牛祭神，百姓困匮，伦皆案之，后遂断绝。永平五年，坐法征，老小号呼相随，不得前，伦乃伪止亭舍，阴乘船去。及诣廷尉，吏民上书守阙者千余人。会帝幸廷尉录囚徒，得免，归田里。数岁，拜宕渠令，迁蜀郡太守。蜀地肥饶，掾史皆鲜车怒马，以财货自达。伦悉遣还之，更选孤贫志行之人以处曹任，于是争赇抑绝，文职修理。所举吏多至九卿、二千石，时以为知人。肃宗初立，代牟融为司空。伦奉公尽节，言事无所依违。时人方之贡禹。元和三年，罢，卒。

少子颀，历桂阳、庐江、南阳太守，所在见称。顺帝之为太子废也，颀为大中大夫，与太仆来历固争。帝即位，擢将作大匠，卒官。

伦曾孙种，字兴先，少厉志义。永寿中，以司徒掾清诏使冀州，廉察灾害，举奏刺史、二千石以下甚众。还，以奉使称职，拜高密侯相。是时徐、兖二州盗贼群辈，高密在二州之交。种大储粮稻，勤厉吏士，贼闻皆惮之，桴鼓不鸣，流民归者数千家。迁兖州刺史。中常侍单超兄子匡为济阴太守，负势贪放，种欲收举。闻从事卫羽素抗厉，乃召羽驰至定陶，收匡宾客四十余人，纠发其赃五六十万。种即奏匡，并劾超，州内震慄，

① 淮南国：《后汉书·第五伦传》作“淮阳国”。

朝廷嗟叹之。超遂以事陷种，徙朔方。初，种为卫相，以门下掾孙斌贤，善遇之。及当徙，斌具闻超谋，乃将侠客晨夜追种，遮险格杀送吏，遂得脱归。数年，徐州从事臧旻上书讼之，会赦出，卒于家。

**郭伋** 《后汉书》：字细侯，茂陵人。高祖解，武帝时以任侠闻。父梵，为蜀郡太守。伋少有志行，哀、平间辟大司空府，迁并州牧。更始新立，三辅被兵寇，百姓震骇。更始征拜左冯翊，使镇抚百姓。世祖即位，拜雍州牧，再转为尚书令，数纳忠谏争。建武四年，出为中山太守。明年，转渔阳太守。民多猾恶，寇贼充斥。伋示以信赏，纠戮渠帅，盗贼销散。时，匈奴数抄郡界。伋整勅士马，设攻守之略，匈奴远迹，民得安业。后颍川盗起，征拜颍川太守。伋到郡，招怀山贼，皆束手诣降。十一年，调伋为并州牧。伋前在并州，素结恩德。后所到县邑，老幼相携，（逢）逢迎道路。所过问民疾苦，求耆德雄俊，朝夕与参政事。始行部，到西河美稷，有童儿数百，各骑竹马迎拜。事讫，诸儿复送至郭外，问：“使君何日当还？”伋计日告之。既还，先期一日，伋为违信于诸儿，遂止于野亭，须期乃入。二十二年，征为大中大夫。明年卒，时年八十六。

**玉况** 《后汉书·虞延传》注：字文伯，杜陵人，代为三辅名族。该总《五经》，志节高亮，为陈留太守。性聪敏，善行德教。永平十五年，蝗虫过陈留界，飞逝不集，五谷独丰。章和元年，诏以况为司徒。

**耿秉** 《后汉书·耿弇传》：字伯初，国子。好将帅略，以父任为郎，数上言兵事。永平中，拜谒者仆射。十五年，拜驸马都尉。十六年，与奉车都尉窦固等伐北匈奴，虏皆奔走，不战而还。十七年，诏秉与固合兵，出白山击车师。车师有前、后王廷，相去五百余里。固欲攻前王，秉议先赴后王。固计未决，秉奋身而起，众军遂进，斩首数千级，收马、牛十余万头。后王惶恐，走出门，脱帽抱马足降。秉将以诣固，其前王亦归命，遂定车师。



而还。明年秋，肃宗即位，拜征西将军，遣案行凉州。建初元年，拜度辽将军。视事七年，匈奴怀其恩信。征为执金吾。章和二年，复拜征西将军，副窦宪击北匈奴，大破之，封美阳侯。永元二年，代桓虞为光禄勋。明年夏，卒，谥曰“桓侯”。

子冲嗣，官汉阳太守。

**耿恭** 《后汉书·耿弇传》：字伯宗，国弟广之子也。慷慨多大略，有将帅才。永平十七年，刘张出击车师，请恭为司马。破降之。以（功）[恭]<sup>①</sup>为戊己校尉，屯后王部金蒲城<sup>②</sup>。恭移檄乌孙，大昆弥已下皆遣子入侍。明年，北单于遣左鹿蠡王二万骑击车师，遂攻金蒲城。恭乘城搏战，以毒药傅矢射之，中者，视创皆沸，大惊，解去。恭以疏勒城傍有涧水可固，乃引兵据之。七月，匈奴复来，拥绝涧水。恭于城中穿井十五丈不得水，吏士渴乏，恭乃整衣服向井拜祷。有顷，泉奔出，乃令吏士扬水示虏，虏以为神明，遂引去。车师畔，与匈奴共攻恭。恭厉士众击走之。后数月，食尽，煮铠弩，食其筋革。单于遣使招恭，恭击杀之，炙诸城上。单于大怒，益兵围恭，不能下。肃宗即位，遣秦彭、王蒙发兵七千余人。会车师降，蒙等欲引还。先是，恭遣军吏范羌迎兵士寒服，随王蒙军出塞。羌固请迎恭，乃分兵二千人，从山北至。城中开门相持泣。明日，俱归。时尚有二十六人，至玉门，唯余十三人。恭至洛阳，拜为骑都尉。秋，金城、陇西羌反。恭将五校士屯枹罕，数与羌战，烧何羌等十三种，皆降。监营谒者奏恭不忧军事，免官，卒于家。

子溥，为京兆虎牙都尉。溥子宏、（华）[晔]<sup>③</sup>并为郎。（华）[晔]字季遇，顺帝初，为乌桓校尉。时，鲜卑寇缘边，（华）[晔]率乌

① 据《后汉书·耿弇传附耿恭传》改。

② 《后汉书·耿弇传附耿恭传》此句后有“谒者关宠为戊己校尉”。刘放注：案：戊、己本是两校尉，故耿恭、关宠各为一校。今都为戊己校尉，盖流俗不知《汉书》。以理观之，恭是戊校，宠是己校也。

③ 据《后汉书·耿弇传附耿恭传》改。



桓及诸郡卒出塞讨击，大破之。鲜卑震怖，诣辽东降。自后频出，辄克获，迁度辽将军。

**班超** 《后汉书》：字仲升，平陵人，有志节。为官府书，常辍业投笔叹曰：“丈夫当立功异域，以取封侯，安能久事笔砚间乎！”后窦固出击匈奴，以超为假司马，将兵别击伊吾，战于蒲类海，多斩首虏而还。使西域，鄯善王广奉礼甚备，后忽懈。超曰：“此必有北虏使来。”夜将吏士奔虏营，顺风纵火，斩其使。鄯善王震怖，纳子为质。固上功，以超为军司马，令遂前功。时，于阗王广德，匈奴遣使监护其国。超至于阗，广德素闻超在鄯善诛灭虏使，大惶恐，即攻杀匈奴使者而降超。龟兹王建攻破疏勒，立龟兹人兜题为王。超遣使劫缚兜题，立故王兄子忠为王。肃宗即位，诏征超。超至于阗，王侯号泣抱马脚，不得行，乃更还疏勒。建初三年，率疏勒、康居、于阗兵一万人，攻姑墨石城，破之。欲因此匡平诸国，上疏请益兵。平陵人徐干愿佐超。五年，以干为假司马，将千人就超。先是，莎车降于龟兹，而疏勒都尉番辰亦反，超与干击番辰，破之。八年，拜超为将兵长史，干为军司马。明年，疏勒王忠反，超攻忠。后三年，忠与龟兹谋，遣使诈降诣超。超叱吏缚忠，斩之。明年，发于阗诸国兵复击莎车，莎车降。明年，龟兹、姑墨、温宿皆降，乃以超为都护，徐干为长史。超乃期大会诸国王，于是西域五十余国悉皆纳质。明年，诏封超定远侯。超久在绝域，上疏愿入关。超妹昭亦上书请超，乃征超还，卒。

长子雄，累迁屯骑校尉。会羌寇三辅，诏雄将五营兵屯长安，就拜京兆尹。

**窦宪** 《后汉书》：字伯度，融曾孙。父勋被诛。建初二年，女弟立为皇后，拜为郎，稍迁侍中、虎贲中郎将。弟笃，为黄门侍郎。宪恃宫掖声势，遂以贱直请夺沁水公主园田。帝召宪切责，虽不绳其罪，亦不授以重任。和帝即位，太后临朝，宪以侍中，内干机密，出宣诏命。肃宗遗诏以笃为虎贲中郎将，笃弟景、瓌

并中常侍，于是兄弟皆居亲要。齐[殇]<sup>①</sup>王子都乡侯畅来吊国忧，得幸太后。宪惧分宫省之权，遣客刺杀畅。事觉，太后怒，闭宪内宫。宪惧诛，自求击匈奴以赎死。会南单于请兵北伐，乃拜宪车骑将军，发兵出塞。明年，与北单于战于稽落山，大破之，遂登燕然山，刻石勒功而还。诏拜宪大将军。是时，笃为卫尉，景、瓌皆侍中，奉车、驸马都尉。明年，诏封宪冠军侯，笃鄯侯，景汝阳侯，瓌夏阳侯。宪不受封，将兵出镇凉州。明年，复击北虏于金微山，大破之。宪既负重劳，陵肆滋甚。帝虑其为乱，会班师还京师，诏收宪大将军印绶，更封为冠军侯，及笃、景、瓌皆遣就国。帝以太后故，不欲名诛宪，为选严能相督察之。宪、笃、景到国，皆迫令自杀。瓌以素自修，徙封罗侯。初，窦后之潜梁氏，宪等豫有谋焉。永元十年，梁棠兄弟徙九真还，路由长沙，逼瓌，令自杀。邓后临朝，诏诸窦前归本郡者与安丰侯万全俱还京师。

**宋 杨** 《后汉书·清河王传》：扶风平陵人。以恭孝称于乡[闾]<sup>②</sup>，不应州郡之命。杨姑即明德马后之外祖母。马后闻杨二女皆有才色，迎而训之，永平末，选入太子宫。肃宗即位，并为贵人。建初三年，大贵人生庆，立为皇太子，征杨为议郎，褒赐甚渥。后窦皇后诬潜贵人母子，遂废庆为清河王，二贵人同时自杀，于是免杨归本郡。因事复捕系之，后免罪。矢志，卒于家。和帝时，庆上言外祖母王年老遭病，下土无医药，愿乞诣洛阳疗疾。诏宋氏悉归京师，除庆舅衍、俊、盖、暹等皆为郎。安帝立，封衍为盛乡侯，又追封谥杨为当阳穆侯。杨四子皆为列侯，食邑各五千户。宋氏为卿、校、侍中、大夫，谒者、郎吏十余人。

① 据《后汉书·窦融传附窦宪传》补。注：刘攽曰：按：“殇”当作“炀”，说在《齐王传》。彼既有子，不得谥“殇”，明矣。

② 据《后汉书·章帝八王传》补。

**廉 范** 《后汉书》：字叔度，杜陵人。曾祖褒，成、哀间为右将军。祖丹，王莽时为大司马，皆有名前世。父客死于蜀，范年十五，辞母，西迎父丧。蜀郡太守张穆，丹故吏，乃重赙送范。范无所受，与客步负丧归葭萌。载船触石破没，范抱持棺柩，遂俱沉溺，众伤其义，钩求疗救，仅免于死。归葬，服竟，诣京师受业，事博士薛汉。会汉坐事诛，故人门生莫敢视，范独往收敛之，由是显名。举茂才，数月，再迁为云中太守。会匈奴大入塞，范令军士各交缚两炬，三头爇火，营中星列。虏谓汉兵救至，大惊。待旦将退，范令军中蓐食，晨往赴之，斩首数百级，虏自相磷藉，死者千余人，由此不敢复向云中。后频历武威、武都二郡太守，随俗化导，各得治宜。建中初，迁蜀郡太守，其俗尚文辩，好相持短长，范每厉以淳厚，不受偷薄之说。旧制禁民夜作，以防火灾，而烧者日属。范毁削前令，但严使储水而已。百姓为便，歌曰：“廉叔度，来何暮。不禁火，民安作。平生无襦今五绔。”在蜀数年，免归乡里，卒于家。

**秦 彭** 《后汉书》：字伯平，茂陵人。六世祖袭，为颍川太守，与群从同时为二千石者五人，三辅号“万石秦氏”。彭同产女弟，显宗时为贵人，有宠。永平七年，以彭贵人兄擢开阳城门候。十五年，拜骑都尉，副耿秉北征匈奴。建初元年，迁山阳太守。崇好儒雅，敦明庠序。每春秋飨射，辄修揖让升降之仪。为人设四诫，定六亲长幼之礼。遵奉教化者，擢为乡三老，常以八月致酒肉劝勉之。吏有过咎，罢遣而已，不加耻辱。兴起稻田数千顷，每于农月，亲度顷亩，分别肥瘠，差为三品，各立文簿，藏之县乡。于是奸吏跼蹐，无所容诈。在职六年，转颍川太守，有凤凰、麒麟、嘉禾、甘露之瑞。肃宗幸颍川，赏赐钱谷，恩宠甚异。章和二年卒。

弟惇、褒，并为射声校尉。

**鲁 恭** 《后汉书》：字仲康，平陵人。祖父匡，有权数，号“智囊”。父某，为武陵太守，卒时恭年十二，服丧，礼过成

人。建初初，拜中牟令，专以德化为理，不任刑罚。讼人许伯等争田，累守令不能决，恭为平理曲直，皆辍耕相让。亭长从人借牛而不还，牛主讼于恭，恭叹曰：“是教化不行也。”欲解印绶去，掾吏涕泣共留，亭长惭悔，还牛。建初七年，郡国螟伤稼，不入中牟。河南尹袁安闻之，疑不实，使仁恕掾肥亲往廉之。恭随行阡陌，俱坐桑下，有雉止其旁，旁有儿，亲曰：“儿何不捕之？”儿言：“雉将雏。”亲瞿然起，曰：“所以来者，欲察君之政迹耳。今虫不犯境，一异也；化及鸟兽，二异也；竖子有仁心，三异也。久留，徒扰贤者。”还府，具以状白安，安因上书言状，帝异之。后拜侍御史。和帝遣窦宪击匈奴，恭上疏谏，不从。拜《鲁诗》博士，学者日盛，迁乐安相。时[东]①州多盗，恭尽平之。永元九年，征拜侍中，迁光禄勋，为司徒。坐事免。永初元年，复为司徒。恭性让退，奏议依经，潜有补益。以老病策罢，卒于家。

两子为郎，长子谦为陇西太守，有名绩。

**马 棱** 《后汉书·马援传》：字伯威，援族孙，茂陵人。少孤，依从兄毅，恩犹同产。毅卒无子，棱心丧三年。建初中，仕郡功曹，举孝廉，征拜谒者。章和元年，迁广陵太守。民饥，奏罢盐官，以利百姓，赈贫薄赋，兴复陂湖，溉田二万余顷，吏民刻石颂之。永元二年，转汉阳太守，有威严称。后江湖多剧贼，以棱为丹阳太守，发兵掩击，皆禽灭之。转会稽太守，治亦有声。永初中，卒于家。

**马廖 马防 马光** 《后汉书》：扶风茂陵人，援子。

廖，字敬平，少以父任为郎。明德皇后既立，拜虎贲中郎将。显宗崩，为卫尉。时，皇太后躬履节俭，事从简约，廖虑美业难终，上疏长乐宫，劝成德政，太后深纳之。廖性质诚畏慎，尽心纳忠，不屑毁誉。有司连据旧典，奏封廖等，累让。建初四年，

① 据《后汉书·鲁恭传》补。



受封为顺阳侯。永元四年，卒。和帝以廖先帝之舅，厚加赠赙，谥曰“哀侯”<sup>①</sup>。

防，字江平，永平十二年，与弟光俱为黄门侍郎。肃宗即位，拜防中郎将，稍迁城门校尉。建初二年，金城、陇西羌反，拜防行车骑将军，将兵击破之。还，拜车骑将军，贵宠，与九卿绝席。光自越骑校尉迁执金吾。四年，封防颍阳侯，光许阳侯<sup>②</sup>。防数言政事，多见采用。子钜，为常从小侯。六年正月，钜当冠，特拜黄门侍郎。肃宗自临冠之。防兄弟贵盛，奴婢各千人已上，资产巨亿，多聚声乐，宾客奔凑。刺史、守、令多出其家。岁时，赈给乡闾，故人莫不周给。防又多牧马畜，赋敛羌胡，帝数加谴敕。由是，权势稍损，宾客亦衰。八年，因廖子豫为步兵校尉，怨谤，有司奏防兄弟奢侈逾僭，悉免就国。诏曰：“舅氏一门，俱就国封，四时陵庙无助祭先后者，朕甚伤之。其令许侯思愆田庐，有司勿复请，以慰朕渭阳之情。”

光为人小心周密，帝特亲爱之，乃复位特进。子康，黄门侍郎。窦宪诛，宪奴诬光与宪逆，自杀，家属归本郡。本郡复杀康，而防及廖子遵皆坐，徙封丹阳。防后以江南下湿，乞归本郡，卒。子钜嗣，为长水校尉。永初七年，邓太后诏诸马子孙还京师，复绍封光子朗为合乡侯。

**韦彪** 《后汉书》：字孟达，平陵人。孝行纯至，父母卒，哀毁三年，不出庐寝。服竟，羸瘠骨立异形，医疗数年乃起。好学洽闻，建武末，举孝廉，除郎中，以病免。肃宗即位，征左中郎将、长乐卫尉，数陈政术归于宽厚。乞骸骨，拜奉车都尉。建初七年，车驾西巡，以彪行太常从。彪因建言：“今西巡，宜追录高祖、中宗功臣，纪其子孙。”帝纳之。还，拜大鸿胪。是时，陈事者言州郡贡举率非功次，诏下公卿议，彪曰：“国以简贤为务，

① 哀侯：中华书局《后汉书·马援传》作“安侯”。“按：汲本、殿本‘安’作‘哀’。”

② 许阳侯：《后汉书·马援传》作“许侯”。本条下文亦作“许侯”。



贤以孝行为先。求忠臣必于孝子之门。士以才行为先，不可纯以阀阅。”彪因盛夏多寒，上疏谏曰：“当暑而寒，殆刑罚刻急所致。天下枢要在尚书，宜简尝历州宰素有名者；谏议之职，应用公直之士。”书奏，帝纳之。元和三年<sup>①</sup>，东巡，以彪行司徒事从行。还，以病乞身。永元元年，卒。彪清俭好施，禄赐分与宗族，家无余财。

**乐恢** 《后汉书》：字伯奇，长陵人。父亲为县吏，得罪于令，收将杀之。恢年十一，伏寺门，昼夜号泣。令闻而矜之，即解出。长好经学，事博士焦永，闭庐精诵，不交人物，遂为名儒。性廉直介立，行不合己者，虽贵不与交。后仕本郡，为功曹，选举不阿，征拜议郎。会窦宪出征匈奴，恢数上书谏争，朝廷称其忠，入为尚书仆射。刺举无所回避。宪兄弟放纵，恢上书谏，不省，乃称疾乞归。窦宪风厉州县迫胁，[恢]<sup>②</sup>遂饮药死。窦氏诛，门生何融等上书陈恢忠节，除子己为郎中。

《三辅决录》注：己字伯文，为郎，非其好也，去官。

**何敞** 《后汉书》：字文高，平陵人。元和中，辟太尉宋由府，司徒袁安深重之。时京师及四方累有奇异鸟兽草木，言事者以为瑞。敞通经传，言于二公曰：“瑞应依德而至，灾异缘政而生。今异鸟翔于殿屋，怪草生于庭际，不可不察。”居无何而肃宗崩。以高第拜侍御史。数切谏，言诸窦罪过，宪等深怨之，出为济南太傅。敞至国，辅以道义，数引法度谏正之。迁汝南太守，以宽和为政，分遣儒术大吏案行属县，百姓化其恩礼。修理鲟阳旧渠，垦田增三万余顷。迁五官中郎将。

**冯豹** 《后汉书·冯衍传》：衍子，京兆杜陵人，字仲文。年十二，其母为父所出，后母恶之。尝因豹夜寐，欲行毒害，豹逃走得免。敬事愈谨，而母疾之益深，时人称其孝。长好儒学，

① 三年：《后汉书·韦彪传》作“二年”。

② 据《后汉书·乐恢传》补。

以《诗》《书》<sup>①</sup>《春秋》教骊山下。乡里为之语曰：“道德彬彬冯仲文。”举孝廉，拜尚书郎，忠勤不懈。每奏事未报，尝俯伏省阁，从昏至明。肃宗闻而嘉之，使黄门持被覆豹，敕令勿惊。时方平西域，以豹有才谋，拜为河西副校尉。和帝初，数言边事，迁武威太守。视事二年，河西称之，复征入为尚书。永元十四年卒。

**张 奋** 《后汉书·张纯传》：纯子，京兆杜陵人，字穉通。少而好学，节俭行义。常分捐租俸，贍恤宗族，虽至倾匮而施与不息。永元六年，为司空。时岁灾旱，乃口陈时政之宜。明日，和帝录囚徒，收洛阳令陈歆，大雨三日。奋在位清白。九年，以病罢。十三年，更召拜太常，上疏曰：“王者化定制礼，功成作乐。谨条礼乐，异议三事，愿下有司考定。”帝善之。其冬，以病罢，卒于家。

**耿 夔** 《后汉书·耿弇传》：字定公，秉弟，少有气决。永元初，为窦宪假司马，北击匈奴，转骑都尉。三年，复出河西，为大将军左校尉。将精骑八百出居延塞，直奔北单于廷，于金微山斩阏氏、名王已下五千余级，单于脱亡。封粟邑侯。迁辽东太守。元兴元年，貊人寇郡界，夔击，斩其渠帅。永初三年，南单于反，使夔率鲜卑及诸郡兵屯雁门。单于遣蓼健日逐王三千余人遮汉兵。夔击其左，令鲜卑攻其右，虏败走，追斩千余级。建光中，拜度辽将军。时，鲜卑攻杀云中太守成严，围乌桓校尉徐常于马城。夔与幽州刺史庞参救之，追虏出塞而还。后坐法免，卒于家。

**耿 袭** 《后汉书·耿弇传》：弇弟，牟平侯舒之子，茂陵人。舒卒，袭嗣，尚显宗女隆虑公主。袭卒，子宝嗣。宝女弟为清河孝王妃。安帝立，以妃为甘园大贵人。帝以宝元舅之重，使监羽林左车骑<sup>②</sup>，位至大将军。与中常侍樊丰、帝乳母王圣等譖废皇太子，及排陷太尉杨震，议者怨之。宝弟子承袭公主爵为林虑侯，

① 《后汉书·冯衍传附冯豹传》无《书》。

② 《后汉书·耿弇传》注：刘攽曰：按《百官志》，羽林左右监，监左右骑，不合有“车”字。

位至侍（申）[中]。安帝崩，阎太后以宝等阿附嬖倖，共为不道，策免宝及承，遣就国，宝自杀。大贵人数为耿氏请，阳嘉三年，诏封宝子箕牟平侯；恒，阳亭侯；承，羽林中郎将。贵人薨，大将[军]<sup>①</sup>梁冀从承求贵人珍玩，不能得。冀怒，夺其封。承恐，遂亡匿于穰。数年，冀推迹得之，族其家。

**班 勇** 《后汉书·班超传》：字宜僚，超子，少有父风。永初元年，西域反，以勇为军司马。与兄雄俱出敦煌，迎都护及西域甲卒而还。因罢都护。元初六年，敦煌太守请出兵击匈奴，复取西域。勇上议宜复置护西域副校尉，居敦煌。又宜遣西域长史屯楼兰，西当焉耆、龟兹径路，南强鄯善、于阗心胆，北扞匈奴，东近敦煌。于是从勇议。延光二年，以勇为西域长史，出屯柳中。明年正月，勇至楼兰，龟兹王白英诣勇降。因发兵击走匈奴伊蠡王于伊和谷，前部始复开通，还，屯田柳中。四年秋，发兵击后部王军就，大破之。永建元年，更立后部故王子为王。又使别校诛东且弥王，更立其种人为王，于是车师六国悉平。其冬，勇击匈奴呼衍王，呼衍王亡走。是后车师无复虏迹。后击焉耆，勇以后期，征下狱，免。卒于家。

**班 始** 《后汉书·班超传》：超长子雄之子。尚清河孝王女阴城公主。主，顺帝之姑，贵骄淫乱，与嬖人居帷中，而召始入，使伏床下。始积怒，遂拔刃杀主。帝大怒，腰斩始。

**窦 章** 《后汉书》：字伯向，安丰侯万全少子。少好学，有文章，与马融、崔瑗同好，更相推荐。永初中，三辅遭羌寇，章避难东国，家于外黄。躬勤孝养，讲读不辍。太仆邓康闻其名，欲与交，章不肯往。康以此益重焉，遂荐为校书郎。顺帝初，章女选入掖庭为贵人。擢章羽林郎将，迁屯骑都尉。章谦虚下士，收进时辈，甚得名誉。是时，梁、窦各有宾客，交构其间。章推心待之，故得免于患。贵人歿，帝礼待之无衰。

① 以上据《后汉书·耿弇传》改、补。

中子唐，有俊才，官虎贲中郎将。

**朱 宠** 《后汉书·桓荣传》注：字仲威，京兆人。笃行好学，从桓荣授《尚书》<sup>①</sup>。《邓鹭传》：邓鹭死，大司农朱宠痛鹭无（非）[罪]<sup>②</sup>遇祸，乃肉袒舆梓，上疏追讼曰：“伏惟和熹皇后，圣善之德，为汉文母。兄弟忠孝，同心忧国。历世外戚，无与为比。而横为宫人单辞所陷，罪无申证，狱不讯鞫，遂令鹭等罹此酷滥，率土丧气。宜收还冢次，宠树遗孤，奉承血祀，以谢亡灵。”宠知其言切，自致廷尉。诏免官，归田里。顺帝即位，擢宠为太尉，录尚书事。宠初辟鹭府，稍迁颍川太守，治理有声。拜太尉，封安乡侯，甚加优礼。

**苏 章** 《后汉书》：字孺文，平陵人。祖父纯，字桓公，有高名，三辅号为“大人”，官南阳太守。章少博学，能属文。安帝时，举贤良方正，对策高第，为议郎。数陈得失。出为武原令，岁饥，辄开仓廩，活三千余户。顺帝时，迁冀州刺史。故人为清河太守，章行部案其奸臧，乃请太守为设酒肴，陈平生之好，甚欢，曰：“今夕苏孺文与故人饮者，私恩也；明日冀州刺史案事者，公法也。”遂举正其罪，州境望风畏肃。换为并州刺史，以摧折权豪，坐免。

**第五访** 《后汉书》：字仲谋，长陵人。少孤贫，佣耕以养兄嫂。仕郡为功曹，察孝廉，补新都令。政平化行，三年之间，邻县归之，户口十倍。迁张掖太守。岁饥，开仓赈给。吏惧谴，争欲上言，访曰：“若上须报，是弃民也。太守乐以一身救百姓！”遂出谷赋人。顺帝玺书嘉之。一郡得全。岁余，官民并丰，界无

① 授：当作“受”。此处所录《后汉书·桓荣传附桓郁传》注，引《邓鹭传》，言朱宠“从桓荣受《尚书》”。查《后汉书·邓鹭传》并无此记载，疑有误。《后汉书·桓荣传》记“显宗即位，荣年逾八十”，不久病卒。《后汉书·邓鹭传》记“顺帝即位，擢朱宠为太尉，录尚书事。”则桓荣去世至朱宠任太尉时隔六十余年，朱宠似不可能受业于桓荣。《后汉书·桓荣传附桓郁传》记：荣子桓郁，“以《尚书》教授，门徒常数百人”，“门人杨震、朱宠，皆至三公”。据此，朱宠当作“从桓郁受《尚书》”。

② 据《后汉书·邓鹭传》改。



奸盗。迁南阳太守，去官。拜护羌校尉，边境服其威信。卒于官。

**苏不韦** 《后汉书·苏章传》：字公先，平陵人。父谦，初为郡督邮。时魏郡李嵩为美阳令，与中常侍具瑗交通，贪暴，为民患，前后监司莫敢纠问。谦至郡，案其臧，论输左校。谦累迁金城太守，去郡归乡里。汉法：免罢守令，非诏征不得到京师。后谦私至洛阳，时嵩为司隶[校尉]<sup>①</sup>，收谦，死狱中。不韦时年十八，载丧归乡里，瘞而不葬。藏母武都山中，变名姓，尽以家财募剑客，邀嵩于诸陵间，不克。会嵩迁大司农，时右校刍廩在寺北垣下，不韦与亲从兄弟潜入廩中，夜则凿地，昼则逃伏。经月，达嵩寝室。值嵩在厕，因杀其妾及小儿，留书而去。不韦知嵩有备，乃飞驰魏郡，掘其父阜冢，断取阜头，以祭父坟。又标之于市曰“李君迁父头”。嵩愤恚发病，呕血死。不韦后遇赦还家，乃始改葬，行丧。

**梁 并** 《后汉书·西羌传》：永嘉元年，为左冯翊，以恩信招诱离湍、狐奴等五万余户。并，[大将军]<sup>②</sup>冀之宗人。封鄠侯，邑二千户。

**窦 武** 《后汉书》：字游平，安丰戴侯融（元）[玄]孙。父奉，定襄太守。武少以经行著称。延熹八年，长女选入掖庭为贵人，拜武郎中。其冬，贵人立为皇后，武迁越骑校尉，封槐里侯。明年，拜城门校尉。在位多辟名士，清身疾恶，礼赂不通。兄子绍，为虎贲中郎将，性疏简奢侈。武上书求退绍位，又自责不能训导，当先受罪。由是绍更遵节，莫敢违犯。时，国政多失，内官专宠。帝崩，武入白太后，征立灵帝。拜武为大将军，论定策功，封闻喜侯。武既辅朝政，常有诛剪宦官之意，数白诛曹节等，太后犹豫未忍。武乃奏免黄门令魏彪，以所亲小黄门山冰代之。使冰奏长乐尚书郑飒，送北寺狱。飒辞连及曹节、王甫，冰即奏

① 据《后汉书·苏章传附苏不韦传》补。

② 据《后汉书·西羌传》补。



收节等。时，武出宿归府，长乐五官史朱瑀盗发武奏，因夜召所亲歃血共盟诛武等。节闻之，白帝御德阳前殿，拜王甫黄门令，持节至北寺狱，收冰杀之。出郑飒，使持节捕收武等。武驰入步兵营，与绍共射杀使者。召会北军五校士数千人屯都亭下。诏少府周靖与中郎将张奂率五营士讨武。王甫出与奂等合。明旦，悉军阙下，与武对阵。营府素畏服中官，于是武军稍稍归甫，武、绍皆自杀。收捕宗亲、宾客，悉诛之。徙家属日南。武府掾桂阳胡腾独殡敛行丧。

武孙辅，时年二岁，节等捕之急。腾逃辅于零陵界，以为己子，使聘娶焉。后举桂阳孝廉。建安中，荆州牧刘表辟为从事，使还窆姓。表卒，曹操定荆州，辟丞相府。从征马超，为流矢所中，死。

**段 颍** 《后汉书》：武威姑臧人。建宁二年，平东羌，凡百八十战，斩三万八千六百余人。封新丰县侯，邑万户。诛中常侍郑飒、董腾等，增封四千户。光和二年，日食，自劾，有司举奏，诏收印绶、诣廷尉。遂饮鸩死。

**皇甫嵩** 《后汉书》：安定朝那人。中平元年，张角作乱，以嵩为左中郎将，破之。封槐里侯，八千户。明年，边章、韩遂作乱，使嵩讨之。赵忠奏嵩连战无功，更封都乡。

按：《郡国志》：都乡侯国，属常山国。《水经注》：“灵帝建宁三年，改新丰为都乡，封耿、段<sup>①</sup>。”封后旋废。

**董 旻** 《三国志·董卓传》：初平元年，卓弟封鄂侯。

严观按：《贾志》后汉载建忠侯彭宠。考《北史·毛鸿传》，北魏明帝改三原县为建忠郡，汉时尚无此名。又载富平侯张纯。汉富平属平原，非今地，故并从删。

**马 腾** 《典略》：字寿成，茂陵人，马援后。父字子硕，为天水兰干尉。腾性贤厚，灵帝末为军行事，典领部众讨贼有功，拜军司马，迁征西大将军。初平中，拜征东偏将军。是时，西州

① 《水经注·渭水》作“汉灵帝建宁三年，改（新丰）为都乡，封段颍为侯国”。

少谷，腾自表：“军人多乏，求就谷于池阳。”遂移屯长平岸头。而将王丞等恐腾为己害，乃攻腾营。时，腾近出无备，遂破走西上。会三辅乱，不复来东。与镇西将军韩遂结为兄弟，始甚相亲，后转以部曲相侵，又更为仇敌。腾攻遂，遂走，合众还攻腾，杀腾妻子，连兵不解。建安初，征腾还屯槐里，转拜为前将军，假节，封槐里侯。北备胡寇，东备白骑，待士敬贤，矜救民命，三辅甚赖之。十五年，征为卫尉，腾自见年老，遂入宿卫。

初，曹公为丞相，辟腾长子超，不就。及腾之入，因诏为偏将军，使领腾营。又拜超弟休奉车都尉，休弟铁骑都尉，徙其家属皆诣邳，惟超独留焉。

**韦康** 《三辅决录》：字元将，京兆人。康父端，从凉州征为太仆。康代为凉州刺史。后为马超所围，坚守历时，救军不至，遂为超所杀。

**赵戡** 《典略》：字叔茂，长陵人。质而好学，辟公府，入为尚书选部郎。董卓欲以所私并充台阁，戡拒不听。卓怒，欲杀之，观者皆为戡惧，而戡自若。及见卓，引辞正色，陈说是非，卓屈而谢之。迁平陵令。故将王允被害，莫敢近者，戡弃官收敛之。三辅乱，戡客荆州。曹公平荆州，辟为掾，后为相国钟繇长史。年六十卒。

**鲁旭** 《后汉书·鲁恭传》：谦子，平陵人。官太仆，与王允共诛董卓。李傕入长安，旭遇害。

**金元休** 《典略》：名尚，京兆人。与同郡韦休甫、第五休文俱著名，号“三休”。为兖州刺史。东之郡，而太祖已临兖州，尚依袁术。术僭号，欲以尚为太尉，尚无屈意，术亦不敢强也。建安初，尚逃还，为术所害。后丧至京，天子嘉尚忠烈，诏百官吊祭，拜子暉为郎。

**金（祎）[祎]**<sup>①</sup> 《三辅决录》：字德（祎）[祎]，璇子，京兆

① 据《三辅决录》卷二改。

人。自以世为汉臣，睹汉祚将移，与耿纪、韦晃、吉本、本子邈、邈弟穆等结谋。（祗）[祗]与王必善，必典兵，督许中事。邈等率千余人夜攻必，（祗）[祗]遣人为内应，射必中肩。必投（祗）[祗]家唤德（祗）[祗]，（祗）[祗]家不知是必，谓为邈等，曰：“王长史已死乎？”必乃更他路奔南城。会天明，邈等众散，故败。

## 三国

**马超** 《蜀志》：字孟起，茂陵人。父腾，征为卫尉，超为偏将军，封都亭侯。领腾部曲与韩遂等相结，进军至潼关。曹公单马会语，超阴欲突前捉曹。曹将许褚瞋目盼之，超不敢动。曹用贾诩谋，离间超、遂，军以大败。超走保诸戎，率诸戎击陇上郡县，皆应之。杀凉州刺史韦康，据冀城，有其众，自称征西将军，领并州牧，督凉州军事。康故吏民杨阜等合谋击超，超奔汉中医张鲁。闻先主围刘璋于成都，密书请降。先主遣人迎超，超将兵径到城下，城中震怖，璋即稽首。以超为平西将军。先主为汉中王，拜超为左将军。章武元年，迁骠骑将军，领凉州牧，进封鬲乡侯。卒。

从弟岱，位为平北将军，进爵陈仓侯。

**曹纯** 《魏志·曹仁传》：仁弟，从围南皮，斩袁谭。北征，获单于蹋顿。以前后功封高陵亭侯，邑三百户。建安十五年薨。文帝即位，追谥曰“威侯”。

子演嗣。正元中，进封平乐乡侯。

**文聘** 《魏志》：南阳宛人。文帝践祚，进爵长安乡侯。

**陈矫** 《魏志》：南阳宛人<sup>①</sup>。从征汉中，还[为尚书]。太祖崩，矫具官备礼，以（皇）[王]<sup>②</sup>后令策太子即位。文帝践祚，封高陵亭侯。

**张既** 《魏志》：字德容，高陵人。举茂材，除新丰令，治

① 《三国志·魏书·陈矫传》作“广陵东阳人”。

② 以上据《三国志·魏书·陈矫传》补、改。

为三辅第一。袁尚拒太祖于黎阳，遣郭援、高幹与关中诸将合从。既说马腾等将兵会击，斩援首，幹降。后幹复反。太祖使既西征马腾等，引兵破之。腾子超反，既从太祖定关右，以既为京兆尹。从征张鲁，别从散关讨叛氐，代收其麦，以给军食。文帝初，置凉州，以邹岐为刺史。卢水胡反，帝以既代之。既进军显美，夜藏精卒为伏，使千余骑挑战。阳退，胡争奔之，因发伏截其后，斩首获生以万数。封西乡侯。苏衡反，既与夏侯儒击破之。黄初四年薨，追谥“肃侯”。

**杜 畿** 《魏志》：字伯侯，杜陵人。少以孝闻，年二十，守郑县令。县囚系数百人，畿裁其轻重，决遣之。举孝廉，除汉中府丞。建安中为司空司直，迁护羌校尉，使持节，领西平太守。太祖定河北，高幹举并州反，河东卫固、范先与幹通谋。拜畿河东太守。固等使数千人绝陕津，畿遂诡道从郃津度，谓卫固、范先曰：“君臣有定义，大事当共平议。”固等喜，阳事，畿不以为意。会吏民多举城助畿，大兵至，幹败，固等伏诛。河东定，畿治有章程，郡中化之。太祖西征，与贼夹渭为军，军食一仰河东。畿在河东十六年，为天下最。文帝赐爵关内侯，征守司隶校尉。帝征吴，以畿为尚书仆射，统留事。受诏作御楼船，于陶河试船，遇风没。追赠太仆，谥“戴侯”。

子恕嗣。恕，字务伯，太和中为散骑黄门侍郎。论议亢直，出为（宏）[弘]农[太]<sup>①</sup>守。顷之，为幽州刺史，使持节，护乌丸校尉。征北将军程喜劾奏恕，下廷尉，当死。徙章武郡，死徙所。甘露二年，河东乐祥<sup>②</sup>讼畿遗绩，诏封恕子预丰乐亭侯，邑百户。

**杨 沛** 《魏志·贾充传》注<sup>③</sup>：字孔渠，万年人。初平中为

① 据《三国志·魏书·杜畿传附杜恕传》补。

② 乐祥：《三国志·魏书·杜畿传附杜恕传》作“乐详”。

③ 此条实出《三国志·魏书·贾逵传》裴松之注引《魏略·杨沛传》。贾充《三国志》无传，传见《晋书》。



新郑长。太祖辅政，迁为长社令。时，曹洪宾客在县界，征调不肯如法，沛杀之。太祖以为能，累迁九江、东平、乐安太守，并有治迹。坐髡刑。输作未竟，会太祖出征在谯，闻邳下颇不奉科禁，乃发教选邳令，当得严能如杨沛比。故沛从（徙）[徒]<sup>①</sup>中起为邳令。军中豪右畏沛，各遣告子弟，使自检敕。关中破，代张既领京兆尹。沛前后宰历城守，不以私计介意，故身退之后，家无余积。

**傅 嘏** 《魏志》：字兰石，泥阳人。伯父巽，黄初中为侍中尚书。嘏弱冠知名。正始初，除尚书郎，迁黄门侍郎。时曹爽秉政，何晏与嘏不平，因微事以免嘏官。司马宣王请为从事中郎。曹爽诛，为河南尹，迁尚书。时论者议欲自伐吴，诏以访嘏，嘏对曰：“贼君臣伪立，吉凶同患，设令列船津要，坚城据险，横行之计，其殆难捷。未若明法练士，措计于全胜之地也。”后吴诸葛恪新破关东<sup>②</sup>，乘胜欲向青、徐，朝廷将为之备。嘏以为“淮海非贼轻行之路，不过遣偏率小将乘海溯淮，示动青、徐，恪自并兵来向淮南耳”。后恪果图新城，不克而归。嘉平末，赐爵关内侯，进封武乡亭侯。（母）[母]<sup>③</sup>丘俭、文钦作乱，或以司马景王不宜自行，唯嘏劝之。景王遂行，以嘏守尚书仆射，俱东。俭、钦败，嘏有谋焉，以功进封阳乡侯。薨，谥曰“元侯”。

**张 缉** 《魏志·张既传》：冯翊高陵人，既之子，东莞太守。嘉平中，女为皇后，征拜光禄大夫，位特进，[封]妻向为安郡乡君<sup>④</sup>。[缉]<sup>⑤</sup>与中书令李丰同谋，诛。《魏略》：缉字敬仲，太和中为温令。会诸葛亮出，缉上便宜，诏以问中书令孙资，资以为有筹略。遂召拜骑都尉，参征蜀军。军罢，入为尚书郎。以称职为明帝所识。缉性矜躁，数为国家陈击吴、蜀形势。缉与李丰通家，

① 据《三国志·魏书·贾逵传》裴松之注引《魏略·杨沛传》改。

② 关东：《三国志·魏书·傅嘏传》作“东关”。

③ 据《三国志·魏书·傅嘏传》改。母丘俭，《三国志·魏书》有传。

④ 安郡乡君：《三国志·魏书·张既传》作“安城乡君”。

⑤ 以上据《三国志·魏书·张既传》补。



又居相侧近。丰被收，事与缉连，遂收送廷尉，赐死狱中。诸子并诛。

**鲍 出** 《魏略·勇侠传》：字文才，新丰人，少游侠。兴平中，三辅乱，出与老母、兄弟五人家居。留其母守舍，相将行采蓬实，为母作食。啖人贼数十人掠其母，以绳贯其手掌，驱去。出怒，攘臂结衽追贼。贼共布列待之。出斫贼四五人，贼走，复合聚围出。出跳越围斫之，又杀十余人。贼连击出，不胜，乃问出曰：“卿欲何得？”出责数贼，指其母以示之，贼解还出母。比舍姬遥望求哀，出复斫贼，贼谓出曰：“已还卿母，何为不止？”出又指求哀姬：“此我嫂也。”贼复解还之。出得母还，遂相扶持，客南阳。建安五年，关中始开，出北归。母不能步行，以笼盛其母，独自负之，到乡里。士大夫嘉其孝烈，州郡辟召出，出曰：“田民不堪冠带。”青龙中，母年百余岁乃终，出时年七十余，行丧如礼。

**脂 习** 《魏略·纯固传》：字元升，京兆人。中平中，除太医令。天子西迁，及诣许昌，习常随从，与少府孔融亲善。融被诛，许中百官与融亲善者莫敢收恤。习独往，抚（百）[而]<sup>①</sup>哭之。太祖欲理之，以事直见原。后见太祖陈谢，太祖呼其字曰：“元升，卿故慷慨！”至黄初，诏欲用之，以其年老，赐拜中散大夫，还家。

**田 真** 吴均《续齐谐记》：京兆人。兄弟三人共议分财，生资皆平均，惟堂前一株紫荆树，共议欲破三片。明日就截之，其树即枯死。真往见之，大惊，谓诸弟曰：“树本同株，闻将分斫，是以憔悴。是人不如木也。”因悲不自胜，不复解树，树应声荣茂。兄弟相感，合财宝，遂为孝门。真仕至大中大夫。

按：田真，《续文献通考》及旧志皆作隋人。考《续齐谐记》载此记，为吴均作。均，梁人也。又晋陆机诗云：“三荆欢同株。”所咏当即真事，因附汉魏之（未）[末]。

① 据《三国志·魏书·王修传》裴松之注引《魏略》改。

## 人 物 志

### 晋

杜 预 《晋书》：字元凯，杜陵人。祖畿，父恕。预博学多通，尝言：“德不可以企及，立功立言可庶几也。”起家拜尚书郎，转参相府[军]事。钟会伐蜀，为镇西长史。及会反，以智获免。与贾充等定律令，（谓）[为]之注解。泰始中，守河南尹。预以京师王化之始，自近及远，凡所施论，务崇大体。时虏寇陇右，以预为安西军司。石鉴时为安西将军，使击之。预陈不可，后卒如预策。俄拜度支尚书，乃奏立藉田。又作人排新器，兴常平仓，定谷价，较盐运，制（科）[课]调，利国救边者五十余条，皆纳焉。在内七年，损益万（几）[机]，朝野称美，号曰“杜武库”。时帝有灭吴之计，惟预、羊（祐）[祐]<sup>①</sup>、张华与帝意合。祐卒，拜镇南大将军、都督荊州诸军事。预以太康元年正月，遣参军樊显等循江西上。旬日之间，克累<sup>②</sup>城邑，皆如预策。孙皓平，进爵当阳县侯。既还镇，勤于讲武，攻破山夷，错置屯营，分据要害。又修邵信臣遗迹，激用澠、涪诸水，浸原田万余顷，分疆刊石，公私同利，号曰“杜父”。又开杨口，起夏水达巴陵千余里，内泻长江之险，外通零、桂之漕。预公家之事，知无不为。凡所兴造，

① 以上据《晋书·杜预传》改。羊祐，《晋书》有传。

② 克累：《晋书·杜预传》作“累克”。

必考度始终，鲜有败事。征为司隶校尉。卒，谥曰“成”。

《三辅决录》：从兄斌，有才望，为黄门郎。

**傅（元）[玄]** 《晋书》：字休奕，泥阳人。祖燮，汉汉阳太守。父韩，魏扶风太守。（元）[玄]少孤贫，博学善属文。举秀才，除郎中，迁（宏）[弘]农太守，所居称职。数上书陈便宜，多（为）[所]<sup>①</sup>匡正。武帝为晋王，以（元）[玄]为散骑常侍。及受禅，加驸马都尉。（元）[玄]上疏曰：“近者魏武好法术，天下贵刑名；魏文慕通达，天下贱守节。今陛下圣德，龙兴受禅。臣又奚言，惟未举清远有礼之臣，以敦风节；未退虚鄙，以惩不恪，臣是以犹敢有言。”诏使（元）[玄]草诏进之。泰始四年，以为御史中丞。复上便宜五事，迁太仆卿<sup>②</sup>。时比年不登，羌胡扰边，诏公卿会议。（元）[玄]陈事切直，转司隶校尉。（元）[玄]天性峻急，不能容物，每有劾奏<sup>③</sup>，或值日暮，捧白简，整簪带，踈踊不寐，坐而待旦。于是贵游敛迹<sup>④</sup>，台阁生风。卒，谥曰“刚”。

子咸，字长虞，刚简有大节。风格峻整，疾恶如仇，推贤乐善。咸宁初，袭父爵，拜太子洗马<sup>⑤</sup>。出为冀州刺史，迁司徒左长史。在位多所执正，转车骑司马。咸以世俗（泰）[奢]<sup>⑥</sup>侈，上疏曰：“奢侈之费，甚于天灾。欲时之俭，当诘其奢。”又议移县狱于郡及二社应立，从之。迁御史中丞<sup>⑦</sup>。会诏举郡县补内官，咸上书曰：“兴化之要，在于官人。竞内薄外，遂成风俗。此弊诚宜（急）

① 据《晋书·傅玄传》改。

② 《晋书·傅玄传》无“卿”字。

③ 劾奏：《晋书·傅玄传》作“奏劾”。

④ 敛迹：《晋书·傅玄传》作“慑伏”。

⑤ 咸宁初，袭父爵，拜太子洗马：中华书局《晋书·傅玄传附傅咸传》校勘记：“据《类聚》一〇〇、《御览》——引傅咸《自叙》，其为太子洗马在泰始九年，此列袭爵后，不确。”

⑥ 据《晋书·傅玄传附傅咸传》改。

⑦ 御史中丞：《晋书·傅玄传附傅咸传》此处作“尚书左丞”。后又有“咸转为太子中庶子，迁御史中丞”等语。

[亟]革，使内外通塞无偏耳。”咸再为本郡中正，遭继母忧，去官。顷之，起以议郎，长兼司隶校尉。时朝廷宽弛，豪右恣放。咸奏免河南尹澹、左将军倩等，京都肃然。咸以“长吏到官，未几便迁，百姓困于无定，吏卒疲于迎送”。时仆射王戎兼吏部，咸奏戎不能宁谧风俗，请免官。吴郡顾荣曰：“傅长虞劲直忠果，劾按惊人。虽非周才，偏亮可贵也。”元康四年卒官。

子：敷、（晞）[晞]<sup>①</sup>、纂。敷，字颖根，清静有道，解属文，元帝引为[镇东]<sup>②</sup>从事中郎。（晞）[晞]亦有才思，为上虞令，有政绩，卒于司徒西曹属。

郭 奕 《晋书》：太原阳曲人。武帝初，建东宫，以奕为中庶子，封平陵男。太原八年<sup>③</sup>卒，赐谥曰“简”。

严观按：平陵，今兴平县。又《贾志》有兴平伯陆玩。考晋时关中无兴平县，兴平名始平也。

司马诩 《晋书·赵王伦传》：伦子，封霸城侯，寻以逆诛。

王 承 《晋书·王湛传》：太原晋阳人，湛子。永宁初，豫迎大驾，赐爵蓝田县侯。子述嗣。

严观按：《晋书》：“王述卒，子坦之嗣。”考坦之嗣爵在太和三年，时晋已南渡，有封号而无境地矣，不具载。

杜 锡 《晋书·杜预传》：字世嘏，预子。少有盛名，起家长沙王[义]<sup>④</sup>文学，累迁太子中舍人。性亮直忠烈，屡谏愍怀太子，言词恳切，太子患之。置针著锡常所坐毡中，刺之流血。他日，太子问锡，锡对：“醉不知。”后转卫将军长史。赵王伦篡位，为治书御史。孙秀求交于锡，锡拒之。秀惮其名高，不敢害。惠帝反政，迁尚书左丞，卒。

① 据《晋书·傅玄传附傅咸传》改。

② 据《晋书·傅玄传附傅敷传》补。

③ 晋无“太原”年号。据《晋书·郭奕传》，郭奕卒于晋武帝太康八年。

④ 据《晋书·杜预传附杜锡传》补。

**魏 浚** 《晋书》：东阿人，寓居关中，有干用。永嘉末，与流民东保河阴之硖石。时京邑荒俭，浚掠谷麦献怀帝。及洛阳陷，屯于洛北石梁坞，抚养遗众。其附贼者，解喻之。恃远不从命者，遣将讨之，远近感悦。刘琨承制，假浚河南尹。刘曜忌浚得众，率军围之。浚夜走，为曜所得，遂死之，赠平西将军。

浚族子该，一名亥。刘曜攻长安<sup>①</sup>，随浚赴难，守金墉城。曜引去，余众依之。元帝承制，加冠军将军、雍州刺史。助周访讨平杜曾，诏为顺阳太守。王敦反，梁州刺史甘卓试以敦旨动之，该距而不应。苏峻反，率众救台，军[次石头，受陶侃节度]<sup>②</sup>。峻未平，卒。

**杜 乂** 《晋书·外戚传》：字(宏)[弘]理，成恭皇后父，镇南将军预孙。性纯和，美姿容，有盛名于江右<sup>③</sup>。袭封当阳侯，辟公府掾，为丹阳丞。无男，生后而乂终，妻裴氏嫠居养后，以礼自防，甚有德音。咸康初，追赠金紫光禄大夫，谥曰“穆”。封裴氏为高安乡君。孝武时，进广德县君。裴氏寿考，百姓号曰“杜姥”。初，司徒蔡謨甚器重乂，尝言于朝曰：“恨诸君不见杜乂也。”其为名流所重如此。

**窦 允** 《晋书》：字雅，始平人。清尚自修，少仕县，稍迁郡主簿。举孝廉，除浩亶长。勤于为政，劝课田蚕，平均调役，百姓赖之。迁谒者。拜临水令，克己厉俗。迁巨鹿太守，有政绩。卒于官。

**王 育** 《晋书》：字伯春，京兆人。少孤贫，为人牧羊，每过小学，必歔歔流涕。时暇，即折蒲学书。同郡许子章闻而嘉之，给衣食，使与子同学，遂博通经史。太守杜宣命为主簿，司

① 长安：《晋书·魏浚传附魏该传》作“洛阳”。

② 据《晋书·魏浚传附魏该传》补。

③ 江右：《晋书·外戚传》作“江左”。



徒王浑辟为掾，除南武阳令。为政清约，宿盗逃奔他郡。迁并州都护。

**吉 挹** 《晋书》：字祖冲，莲勺人。祖朗，愍帝时为御史中丞。西朝不守，朗叹曰：“吾何忍君臣相随北面事贼乎！”乃自杀。挹少有志节。孝武帝初，苻坚陷梁、益，桓豁表挹为魏兴太守，寻加轻车将军，领晋昌太守。以拒坚功，拜员外散骑侍郎。苻坚将韦钟攻魏兴，挹拒之，斩七百余级，加督五郡军事。钟率众欲趋襄阳，挹邀击，斩五千余级。钟怒，回军围之，挹又屡挫其锐。后贼众继至，挹力不能抗贼，城将陷，挹引刀欲自杀，友人逼夺其刀。会贼执之，挹闭口不言，不食而死，追赠益州刺史。

**傅(宏)[弘]之** 《宋书》：字仲度，泥阳人。父韶，晋梁州[刺]<sup>①</sup>史。(宏)[弘]之少倜傥，有大志，举秀才，不行。义旗建，辅国将军道规以为参军。卢循作乱，桓石绥自号荆州刺史，王天恩自号梁州刺史，袭西城。时韶为梁州，遣(宏)[弘]之讨石绥等，斩之。除太尉行参军。高祖北伐，(宏)[弘]之与扶风太守沈田子等七军自武关入，伪上洛太守[口]<sup>②</sup>脱[身奔]走<sup>③</sup>。进据蓝田，招怀戎、晋。晋人庞斌之、羌人<sup>④</sup>康横等各率部归化。进为桂阳公[义真雍州治中从事史]，除[西戎司马、宁朔将军]<sup>⑤</sup>。略阳太守徐师高叛，(宏)[弘]之讨平之。高祖归后，勃勃<sup>⑥</sup>伪太子赫连璜<sup>⑦</sup>率众三万袭长安，(宏)[弘]之领步骑五千，于池阳破之。璜又抄掠渭

① 据《宋书·傅弘之传》补。

② 《宋书·傅弘之传》此处原缺一字。注为“阙”。

③ 据中华书局《宋书·傅弘之传》补。校勘记：“各本并作‘伪上洛太守口脱奔走’，据《元龟》三四四订正。”

④ 羌人：《宋书·傅弘之传》作“胡人”。

⑤ 以上据《宋书·傅弘之传》补。

⑥ 勃勃：《宋书·傅弘之传》作“佛佛”。即赫连勃勃，此系对赫连勃勃之蔑称。下同不校。

⑦ 赫连璜：《宋书·傅弘之传》作“赫连璜”。下同不校。

南，(宏)[弘]之又于寡妇渡<sup>①</sup>破瓚，掠七千余口。义真东归，勃勃倾国追蹙，于青泥大战，(宏)[弘]之军败，陷没，逼令降，不屈见杀。时年四十二。

## 宋

**吉 翰** 《宋书》：字休文，池阳人。初为龙骧将军道怜参军。为将佐十余年，清谨刚正。永初三年，转道怜(大)[太]尉司马。[元嘉元年]<sup>②</sup>，出督梁、南秦二州诸军事，龙骧将军，梁、南秦二州刺史。徙益州刺史，著美绩。六年，征还。时太祖经略河南，以翰为司州刺史。明年，假节，监徐、兖二州、豫州之梁郡诸军事，徐州刺史。其下畏服，莫敢犯刑<sup>③</sup>。明年，卒官。

**杜 骥** 《南史》：字度世，杜陵人。曾祖丹<sup>④</sup>，避难河西。苻坚平凉州，父祖始还关中。宋武帝平长安，随从南还。骥累迁长沙王义欣后军录事参军。元嘉十七年，为青、冀二州刺史。在任八年，惠化著于齐土。自义熙至于宋末，刺史唯羊穆之及骥为吏民所称咏。后征为左军将军，兄坦代为刺史，北土以为荣。坦长子琬为员外散骑侍郎。

**杜幼文** 《宋书·杜骥传》：骥子，杜陵人。太宗初，以军功为骁骑将军，封邵阳县男。后以发太尉庐江王祗谋反事，拜黄门侍郎。出为梁、南秦二州刺史。废帝元徽中，为散骑常侍。幼文所莅贪横，家累千金，女伎数十人，丝竹昼夜不绝。与沈勃、孙超之居止接近，常相从，又与阮佃夫厚善。废帝不能平，于是率宿卫兵诛幼文等。

严观按：《贾志》载始平王刘鸾，兴平子袁粲。考宋始平等县，

① 寡妇渡：《宋书·傅弘之传》作“寡妇人渡”。

② 据《宋书·吉翰传》补。

③ 犯刑：《宋书·吉翰传》作“犯禁”。

④ 曾祖丹：《南史·循吏传》《宋书·杜骥传》均作“曾祖耽”。

侨治襄阳，兹不具录。

## 梁

**韦 叡** 《南史》：字怀文，杜陵人，世为三辅著姓。伯父祖征，宋末为光禄勋。父祖归，宁远长史。叡事继母以孝闻。齐末为上庸太守。梁武兵起，倍道来赴，以为江夏太守。天监二年，迁豫州刺史。魏遣众来伐，率州兵击走之。四年侵魏，诏叡都督众军，攻小岷城，中宿城拔，遂进讨合肥。叡案行山川，曰：“吾闻‘汾水可以灌平阳’，即此是也。”乃堰肥水。堰成水通，舟舰继至。使军主王怀静筑城于岸守之。魏乘胜至城下，诸将请走保三义。叡怒，令取伞扇麾幢树之堤下，示无动志。魏兵凿堤，叡筑垒于堤以自固。起斗舰高与合肥城等，四面临之。城溃，俘获万余。叡每昼接宾旅，夜算军书，抚循其众，士争归之。合肥既平，班师。叡悉辎重居前，身乘小舆殿后，魏人不敢逼，全军而还。五年，魏中山王元英攻北徐州。帝遣将军曹景宗拒之，次邵阳洲，诏叡会焉。叡于景宗营前夜掘长堑，树鹿角，截洲为城，比晓而营立。元英大惊。魏人先于邵阳洲两岸为桥，树栅数百步，跨淮通道。叡装大舰，为水军。会淮水暴长，斗舰竞发，皆临贼垒。以小船载草，灌之以膏。风怒火盛，敢死之士拔栅斫桥，倏忽之间，桥栅尽坏。军人一当百，魏人大溃，元英遁走。以功进爵为侯。七年，司州刺史马仙琕自北还军，为魏人所蹶，三关扰动。诏叡督军援焉。叡至，筑城开堑。众讥其示弱，叡曰：“为将当有怯时。”时，元英将复邵阳之耻，闻叡至，乃遁。十五年，征拜护军。普通元年，迁侍中、车骑将军。未拜，卒于家。赠车骑将军、开府仪同三司，谥曰“严”。叡雅有旷世之度，所至有政绩。将兵仁爱，被服必于儒者。虽临阵，常缓服乘舆，执竹如意以麾进止，梁世名将莫及也。

子放，字元直，位竟陵太守。在郡和理，为吏人所称。大通元年，武帝遣领军曹仲宗等攻涡阳，以放为明威将军，总兵会之。

魏大将军费穆帅众奄至，放军营未立。放从弟洵骁果有勇力，放令洵单骑击刺，屡折魏军，洵马亦被伤不能进，放胄又三贯矢。众失色，请放突去。放厉声叱曰：“今日惟有死尔。”乃免胄下马，据胡床处分。士卒皆殊死战，逐北至涡阳。魏遣常山王元昭等来援，放大破之。还，为太子右卫率。中大通二年，徙北徐州刺史。卒，谥“宣”<sup>①</sup>。放性宏厚笃实，轻财好施，于诸弟尤雍穆。每远行及初还，常同一室卧起，时比之“三姜”。

**康 绌** 《南史》：字长明，蓝田人，少倜傥。曾祖因，为苻坚太子詹事。祖穆，为姚萇河南尹。绌伯元隆、父元抚，相继为华山太守。绌（事）[仕]<sup>②</sup>齐为华山太守。梁武起兵，绌举郡以应。天监元年，除竟陵太守。累迁太子右卫率<sup>③</sup>，甲仗百人，直殿内。时堰淮水以灌寿阳，假绌节，都督淮上诸军事，并护堰作役人及战士。十四年，魏遣将杨大眼扬声决堰，绌命诸军撤营，露次以待之。遣其子悦挑战，斩魏咸阳王府司马徐方兴，魏军小却。十五年四月，堰成，绌开湫东注，又纵反间于魏，魏人信之，凿山深五丈，开湫北注，水日夜分流，湫犹不减。其月，魏军竟溃而归。水之所及，夹淮方数百里。魏寿阳城戍稍徙顿于八公山。寻除司州刺史，领安陆太守。绌在州，大修城隍，号为严整。普通元年，除卫尉卿，未拜，卒。谥曰“壮”。子悦嗣。

**杜怀宝** 《通志》：万年人。天监中，以军功历梁、秦二州刺史。

**吉士瞻** 《南史》：字梁客<sup>④</sup>，莲勺人。少有志气，不事生业。梁武起兵，义阳太守王抚之、天门太守王志逊<sup>⑤</sup>、武陵太守萧强等

① 《南史·韦叡传附韦放传》作“谥曰‘宣侯’”。

② 据《南史·康绌传》改。

③ 右卫率：《南史·康绌传》作“左卫率”。《梁书·康绌传》作“右卫率”。

④ 字梁客：《南史·吉士瞻传》作“字梁容”。

⑤ 王志逊：《南史·吉士瞻传》作“王智逊”。



并不受命<sup>①</sup>，镇军萧颖胄遣士瞻讨平之。历秦、梁二州刺史，加都督。又为襄阳、武昌二郡太守。在郡清约，家无私积。普通七年卒，谥曰“明”<sup>②</sup>。

子琨，时在戎役，闻问一踊而绝，良久乃苏。不顾军制，辄离所部，以孝闻。诏下旌异。

**杜 崩** 《南史》：杜陵人。父怀宝<sup>③</sup>，少有志节。梁天监中累有军功。后又立功南郑，位梁、秦二州刺史。大同初，魏军复围南郑。怀琬命第三子疑[帅]二百人与魏前锋战于光道寺。流矢中其目，失马，敌人交稍将至，疑斩其一骑而上，驰以归。疑膂力过人，所佩霜明朱弓四石余力，斑丝缠稍长二丈五，同心敢死士百七十人。敌人惮之，号为“杜彪”。[怀琬]<sup>④</sup>卒，谥“桓侯”。疑位西荆州刺史。崩，疑弟也，以胆勇称。太清二年<sup>⑤</sup>，归元帝，为武州刺史，随王僧辩东讨侯景。至巴陵，景遁。加侍中，进公爵。追景至石头，景败，崩入据台城。景平，加散骑常侍、江州刺史。齐将郭元建攻秦州，僧辩令崩赴援，大破之，元建遁。王琳长史陆纳等反。帝征崩与王僧辩讨之。及纳等战于车轮，大败之，纳等降。又与王僧辩西讨[平]<sup>⑥</sup>武陵王于硤口。旋镇遘疾，卒，谥“武”。

兄嵩、岑、嵒、岌、疑、猷、岸及弟幼安<sup>⑦</sup>并知名。

岸，字公衡，(大)[太]清中，与崩随岳阳王警攻荆州，同归元帝。帝以为北梁州刺史。岸请以五百骑袭襄阳，警夜遁归襄阳。岸等知警至，遂奔其兄南阳太守猷于广平。警遣将攻拔之，获猷、

① 受命：《南史·吉士瞻传》作“从命”。

② 谥曰明：《南史·吉士瞻传》作“谥曰‘胡子’”。

③ 此处原用字为“琬”，即古“宝”字。为与上文“杜怀宝”条一致，改之。

④ 以上据《南史·杜崩传》补。

⑤ 太清二年：《南史·杜崩传》作“太清三年”。

⑥ 据《南史·杜崩传》补。

⑦ 《南史·杜崩传》作“崩兄弟九人，兄嵩、岑、疑、岌、猷、岸及弟嵒、幼安”。



岸等，斩于襄阳。

幼安性孝，雄勇过人，与兄勰同归元帝，为西荆州刺史。与王僧辩讨河东王誉于长沙，平之。又助徐文盛东讨侯景，至贝矶，大败景将任约，斩其仪同叱罗子通、湘州刺史赵威方等。仍进军，大举汉口，别攻[拔]<sup>①</sup>武昌。景度芦洲上流以压文盛，幼安与众军大败之。会景陷郢州，文盛遁归，军败，幼安降景，景杀之。

龔，岑之子也。少骁勇，善用兵。与诸父归元帝，为郢州刺史。与王僧辩东讨河东王誉。又随僧辩下，继徐文盛军至巴陵。闻侯景西上，乃与僧辩等守巴陵。景围之数旬，不克而遁。迁定州刺史。及众军至姑孰，景将侯子鉴逆战，龔击败之。子鉴遂至石头。景亲会战，龔与众军大破之。又与王僧辩降陆纳，平武陵王。及魏平江陵，齐纳贞阳侯明以绍梁嗣，以龔为震州刺史、吴兴太守，迁散骑常侍、镇南大将军<sup>②</sup>。龔，僧辩婿也。陈文帝<sup>③</sup>衔之切齿。及僧辩败，龔据吴兴以拒之，频败陈文帝军。部将杜泰私通于文帝，说龔降，龔然之。其妻王氏曰：“霸先仇隙如此，何可求和？”因出私财赏募，复大败文帝军。后杜泰降文帝，文帝遣人负龔出项王寺前斩之。王氏因截发出家，杜氏一门覆矣。

韦 粲 《梁书》：字长倩，杜陵人，好学仗气。（大）[太]清二年，为散骑常侍。粲闻侯景作逆，简阅部下，得精卒五千、马百匹，倍道赴援。粲就内侍刘孝仪谋之。孝仪曰：“当有别敕，岂可妄相惊动。”时孝仪置酒，韦怒，以杯抵地曰：“贼已渡江，便逼宫阙，水陆俱断，何暇有报。假令无敕，岂得自安？韦粲今日何情饮酒！”即驰马出，以轻舸就路。至南州，司州刺史柳仲礼亦帅步骑万余人至横江，粲即送粮仗贍给，并散私金帛赏其战士。

① 据《南史·杜勰传附杜幼安传》补。

② 迁散骑常侍、镇南大将军：《南史·杜勰传附杜龔传》作“迁南豫州刺史，封溧阳县侯，又加散骑常侍、镇南大将军”。

③ 陈文帝：《南史·杜勰传附杜龔传》作（陈）“武帝”。

建议推仲礼为大都督，进军次新亭。是夜，仲礼入粲营，部分众军，令粲顿青塘。粲帅所部水陆俱进。时值昏雾，军人失道，比及青塘，夜已过半，垒栅至晓未合。景率锐卒来攻，遂败。贼乘胜入营，粲叱子弟力战，兵死略尽，遂见害。子尼及三弟助、警、构，从弟昂皆战死。贼传粲首以示城内，太宗闻之流涕曰：“社稷所寄，惟在韦公，如何不幸，先死行阵。”诏赠护军将军。世祖平侯景，追谥曰“忠贞”，并赠助、警、构及尼皆中书郎，昂员外散骑常侍。

粲长子臧，字君理，历官东宫领直。侯景至，帅兵屯西华门。城陷，奔江州，收旧部曲，据豫章，为部下所害。

**韦 爱** 《梁书·韦叡传》：字孝友，叡族弟。沉静有器局，少而偏孤，事母以孝闻。笃志好学，每虚室独坐，游心坟素，而埃尘满席，寂若无人。尤善《周易》及《春秋左氏》。袁顓为雍州刺史，辟为主簿。遭母忧，庐于墓侧，负土起坟。高祖临雍州，闻之，亲往临吊。服阕，引为中兵参军。义师之起也，以爱为壮武将军。时京邑未定，雍州空虚，魏兴守颜僧都等据郡反。爱沉敏有谋，素为州里信服，乃推心抚御，晓示顺逆；兼率募乡里，得千余人，与僧都等战，大破之，百姓乃安。萧颖胄之死也，和帝征兵襄阳，爱从始兴王憺赴焉。先时，巴东太守萧瑱、巴西太守鲁休烈举兵来逼荆州，爱以书谕之，瑱即日请降。高祖受禅，进号辅国将军，寻除宁蜀太守。西上袭刘季连，行至公安，道病卒。赠卫尉卿。

子乾向，官至钟离、汝阴二郡太守。

**韦 正** 《梁书·韦叡传》：字敬直，放弟，杜陵人。起家南康王行参军，稍迁至中书侍郎，出为襄阳太守。初，正与北海<sup>①</sup>王僧孺友善，及僧孺为吏部尚书郎<sup>②</sup>，参掌大选，宾友故人莫不倾意，

① 北海：《梁书·韦叡传附韦正传》作“东海”。

② 吏部尚书郎：《梁书·韦叡传附韦正传》作“尚书吏部郎”。

正独澹然。及僧孺摈废之后，正复笃素分，有逾曩日，论者称焉。历官至给事（中）<sup>①</sup>黄门侍郎。

**吉 玢** 《梁书》：字彦霄，莲勺人。幼有孝性，年十一，遭母忧，水浆不入口。父，原乡令，天监初为奸吏所诬，逮诣廷尉。其父耻为吏讯，虚自引咎，罪当大辟。玢乃挝登闻鼓，乞代父命。廷尉蔡法度曰：“尔孺童，志不及此，必为人所教。若有悔异，亦相听许。”玢曰：“囚虽蒙弱，岂不知死可畏惮。顾不忍见父极刑，所以内断胸臆，委骨泉壤。此非细故，奈何受人教耶！”法度更诱之曰：“主上知尊侯无罪，行当释亮。今若转词，幸父子同济。”玢对曰：“囚父必正刑书，故思殒仆，冀延父命。瞑目引领，以听大戮。”玢初见囚，狱掾备加桎梏；法度矜之，命脱其二械。玢弗听，曰：“玢代父死，死罪之囚，惟宜增益，岂可减乎？”法度具以奏闻，高祖乃宥其父。丹阳尹王志举充纯孝，玢曰：“父辱子死，斯道固然。若玢当此举，则是因父买名。”拒之而止。年十七，应辟为本州主簿。出监万年县，摄官期月，风化大行。后乡人裴俭连名荐玢，以为孝行纯至，明通《易》《老》。敕付太常旌举。玢初因父成悸疾，后发而卒。

## 陈

**韦 载** 《陈书》：字德基，杜陵人。沉敏有器局，起家梁邵陵王法曹参军。侯景之乱，王僧辩东讨。元帝以载为假节，都督太原、高唐、新蔡诸军事，率三郡兵自焦湖出栅口，与僧辩会于梁山。景平，除冠军将军，寻授义兴太守<sup>②</sup>。高祖诛王僧辩，遣周文育轻兵袭载。载婴城自守。高祖遣载族弟翊赍书喻载以诛僧辩意，并奉梁敬帝敕，敕载解兵，载以众降。高祖以其族弟翊监义

① 据《梁书·韦叡传附韦正传》删。

② 《陈书·韦载传》作“景平，除冠军将军、琅邪太守。寻奉使往东阳、晋安，招抚留异、陈宝应等。仍授信武将军、义兴太守”。

兴郡，引载恒置左右，与之谋议。徐嗣徽、任约等引齐军济江，据石头城。高祖问计于载，载曰：“齐[军]若分兵先据三吴路，时事去矣。今[可]急于侯景旧垒筑城，以通东道转输，命轻兵绝其粮道，则齐将之首，旬日可致。”高祖从其计。永定元年，除和戎将军、通直散骑常侍。二年，进太子右卫率。天嘉元年，以疾去官。[太建中]<sup>①</sup>卒于家。

翊字子羽，少有志操，以仁孝著称。高祖为南徐州刺史，召为征北参军，寻监义兴郡，迁骁骑将军，领朱衣直阁。寻出为宣城太守。天嘉二年，预平王琳之功，封清源县侯。太建中卒官。子宏，字德礼，有文学，历官至永嘉[王]<sup>②</sup>府谘议参军。

严观按：《贾志》载始平子赵知礼，新丰子蔡景。考陈无陕省，境土皆侨治他所，不具录。

## 北魏

拓（拔）[跋]<sup>③</sup>黎 《魏书·太祖纪》：天赐四年二月，封皇子黎为京兆王。《本传》：神䴥元年薨，子根袭。

于 谨 《周书》：河南洛阳人。初封石城伯，后从太祖征潼关，破回乐城，进爵蓝田县公，邑一千户。

寇 讚 《魏书》：字奉国，上谷人，徙万年。父修之，东莱太守。讚少清洁，姿容严凝，非礼不动。除襄邑令。姚泓灭，秦雍人千余家推讚为主，归魏。拜（河南郡）[绥远将军、魏郡]太守。其后，秦雍人来奔河南、荥阳、河内者户至万数，拜讚南雍州刺史，于洛阳立雍[州]之郡县以抚之。由是流人襁负自远而至，三

① 以上据《陈书·韦载传》补。

② 据《陈书·韦载传附韦翊传》补。

③ 《魏书·序纪》：“黄帝以土德王，北俗谓土为托，谓后为跋，故以为氏。”（太和）“二十年春正月丁卯，诏改姓为元氏。”托跋，现通用“拓跋”。本卷中“拓拔”、“拓跋”混用，现统一为“拓跋”。下同不校。



倍于前。进爵河南公，加安南将军，领[护]南蛮校尉，仍刺史，分洛、豫二州之侨郡以益之。在州十七年，甚收公私之誉。卒，谥曰“宣穆”。

长子元宝，豫州别驾。子祖，[东]徐州刺史。子灵孙，赭阳太守。元宝弟虎皮，有才器，本县令。弟臻，字仙胜，居丧以孝称，除（宏）[弘]农太守。[长]①子祖训，顺阳太守。

高允 《魏书》：渤海人。显祖不豫，以定议勋，进爵咸阳公。卒，子忱袭，后例降[爵]②为侯。

长孙肥 《魏书》：代人。以功赐爵琅玕公，后降为蓝田侯。天赐五年卒，谥曰“武”。子翰袭爵。

杜元宝 《魏书·文成帝纪》：兴安二年正月辛巳，司空杜元宝进爵京兆王。《历代纪事年表》：广平王遗子，以谋反诛。

拓跋推③ 《魏书·文成帝纪》：太安五年四月，封皇帝弟子推为京兆王。《本传》：子太兴袭，以黷货削除官爵。

拓跋禧 《魏书·孝文帝纪》：太和九年三月，封皇弟禧为咸阳王。《本传》：世宗览政，禧与李伯尚谋反，赐死，绝其诸子属籍。

拓跋勰 《魏书·孝文帝纪》：太和九年，封[始平王。太和二十年春正月]，食邑二千户，改封彭城王④。

拓跋愉 《魏书·孝文帝纪》：太和二十一年八月壬戌，立皇子愉为京兆王。《本传》：以贪纵不法谋逆见执而死。

独孤伏陀 《周书·独孤信传》：云中人，以父（善）[信]勋

① 以上据《魏书·寇讚传》改、补。

② 据《魏书·高允传》补。

③ 拓跋推：当作“拓跋子推”。见《魏书·景穆十二王列传》。

④ 此条引述有误。《魏书·高祖纪（孝文帝纪）》：太和九年三月，封皇弟“勰为始平王”。太和“二十年春正月壬辰，改封始平王勰为彭城王”。《魏书·献文六王列传》：“彭城王勰，太和九年，封始平王。高祖革创，以勰行抚军将军，领宗子军，宿卫左右。开建五等，食邑二千户，转中书令，侍中如故，改封彭城王。”据补。



封魏宁县公<sup>①</sup>。废帝元年，又以父勋进爵长安郡公。

**独孤陁** 《周书·独孤信传》：陁以信勋封建忠县伯，邑五百户。

**韦 阆** 《魏书》：字友观，杜陵人。世为冠族。祖楷，晋长乐、清河二郡太守。父达<sup>②</sup>，慕容垂大长秋[卿]。阆少有重望<sup>③</sup>，世祖征拜咸阳太守，转武都太守。属郝温、[盖]吴（爰）<sup>④</sup>反，关中扰乱。阆尽心抚纳，所部独全。

子范，历守华山郡。阆兄子桢喜，冯翊太守。子祉，太府少卿。祉子义远，岐州刺史。祉弟桢，有识干，给事黄门侍郎。子文殊，员外散骑侍郎。阆从叔道福，安远将军。子欣宗，徐州长史，带彭城内史。抚绥内外，甚得民和。转大中大夫，爵杜县侯，卒，谥曰“简”。子元叟，颍川长史<sup>⑤</sup>。欣宗从父弟合宗，东海太守。

**韦 珍** 《魏书·韦阆传》：阆族弟，杜陵人。父尚，安西府从事[中郎]。珍少有志操。高祖初，蛮首桓诞归款，令珍与诞招慰蛮左，自悬瓠西入三百余里，至桐柏山，穷淮源，宣扬恩泽。招降七万余户，置郡县而还。除左将军、乐陵镇将，赐爵霸城子。萧道成民谢天盖自署司州刺史，欲以州内附，为道成将崔慧景攻围。诏珍渡（推）[淮]援接。珍破慧景，拥降民七千余户内徙，表置城阳、刚（凌）[陵]<sup>⑥</sup>、义阳三郡以处之。诏珍移镇北阳，萧颐

① 此条引述有误。独孤伏陁即独孤善，为独孤信第二子。《周书·独孤信传》：“第二子善封魏宁县公。”又作“善子伏陀，幼聪慧，善骑射，以父勋封魏宁县公”。中华书局校勘记：“局本和《北史》本传‘子’作‘字’，按下云‘以父勋封魏宁县公’，据上文以父勋封魏宁县公者即是善自己，‘子’字误。今据改（作‘字’）。”校点者按：据此，删“善”字，补“信”字。

② 父达：《魏书·韦阆传》作“父逵”。

③ 重望：《魏书·韦阆传》作“器望”。

④ 以上据《魏书·韦阆传》补、删。

⑤ 颍川长史：《魏书·韦阆传》作“颍州骠骑府长史”。

⑥ 以上据《魏书·韦阆传附韦珍传》改。

遣陈显达率众来寇。珍凭城（据）[拒]战<sup>①</sup>，杀伤甚众。相持旬有二日，夜开城门掩击之，贼遂奔溃。以功进爵为侯。后车驾征樊郢，既平，以珍试守鲁阳郡。及高祖崩，除中散大夫，寻加镇远将军、（大）[太]尉谘议参军。永平元年卒，谥曰“懿”。

[长]子纘，字遵彦。聪敏明（辨）[辩]<sup>②</sup>，为博士李彪所称。高祖每与名德沙门谈论往复，纘掌缀录，无所遗漏。寿春内附，王肃出镇扬州，请纘为长史，带梁郡太守。永平三年卒。

肱，字遵显，少有志业。年十八，辟州主簿。迁秘书郎中，稍迁左军将军。南郢州刺史田夷启称肱父珍往任荆州，恩洽夷夏，乞肱充南道别将，领荆州骁勇，共为腹背，诏从之。未几，行南荆州事。肃宗末，除东徐州刺史，寻迁（东）安[东]<sup>③</sup>将军，加散骑常侍。萧衍遣其颍州<sup>④</sup>刺史田麤喜<sup>⑤</sup>来寇，肱于石羊冈斩破之。永安三年卒，谥曰“宣”。[长]子鸿，中书舍人。[鸿]<sup>⑥</sup>弟道植，中兵参军。

**韦孝宽** 《周书》：京兆杜陵人。永安中，赐爵山北县男。大统五年，进爵为侯，移镇玉壁。拒破齐神武，进爵建忠郡公。《北史·韦叔裕传》<sup>⑦</sup>：字孝宽，少以字行。祖直善，魏冯翊、扶风二郡守。父旭，雍州大中正。永安二年，拜南（幽）[幽]<sup>⑧</sup>州刺史。时氏贼数抄窃，旭随机（剿）[招]抚，并即归附。寻卒官，谥曰“文”。

① 此句前有“城中将士咸欲出战，珍曰：‘彼初至气锐，未可便挫，且共坚守，待其攻我疲弊，击之未晚。’”因有此句“拒战”之说。

② 以上据《魏书·韦閼传附韦纘传》补、改。

③ 据《魏书·韦閼传附韦肱传》改。

④ 颍州：《魏书·韦閼传附韦肱传》作“郢州”。

⑤ 田麤喜：《魏书·韦閼传附韦肱传》作“田麤愷”。

⑥ 以上据《魏书·韦閼传附韦肱传》补。

⑦ 《北史》作《韦孝宽传》。

⑧ 中华书局《北史·韦孝宽传》校勘记：“诸本‘幽’作‘幽’，钱氏《考异》卷四〇云：‘幽当作幽，魏时无南幽州也。’按南幽州见《魏书》卷五十八《杨椿传》、卷五十九《萧宝夤传》。杨守敬《隋书地理志考证》卷一有考。今据改正。”

惠”。孝宽沉敏和正，涉猎经史。弱冠，属萧宝夤作乱，乃诣阙请为前驱，即拜统军，随长孙承业西征，每战有功。孝武初，周文帝命随军。及克潼关，下豫州，（今）[令]孝宽行宜阳郡事。是岁，东魏将段琛复据宜阳，其将牛道[恒]<sup>①</sup>，孝宽访其手迹伪作书，谕<sup>②</sup>归款意，令谍人送琛营。琛得书，果疑道恒。因出奇兵，擒道恒及琛等，崤澠遂清。大统八年，转晋州刺史，移镇玉壁。十二年，齐神武倾众西入，以玉壁冲要，攻之。神武尽攻击之术，孝宽咸拒破之。神武苦战六旬，智力俱困，发疾遁去。废帝二年，为雍州刺史。三年，还镇玉壁。孝宽善于抚御，所遣间谍入齐者，皆为尽力。亦有齐人遥通书疏，故动静皆先知。天和五年，进爵郕国公。后武帝志在平齐，孝宽上疏陈三策。书奏，帝遂大举，再驾而定山东。卒如孝宽之策。大象（九）[元]<sup>③</sup>年，除行军元帅，徇地淮南。以平淮南功，别封一子滑国公。宣帝崩，隋文帝辅政。尉迟迥为相州总管，诏孝宽代之。孝宽进至朝歌，疑有变，乃称疾徐行。诏发关中兵，以孝宽为元帅东伐。军次武陟，大破迥子惇。军次于邺，迥自出战，又破之。迥穷迫自杀，关东悉平。薨，赠太傅、雍州牧，谥曰“襄”。孝宽在边，屡抗强敌。所有经略，布置之初，人皆莫解，见其成事，方乃惊服。笃意文史，每自披阅。末年患眼，犹令学者读而听之。又早亡父母，事兄嫂甚谨。亲族孤遗者，必加振赡，朝野称焉。

**韦元恢** 《魏书·韦閼传》：杜陵人，有气干。孝昌初，值刺史元法僧外叛，元恢招聚同志，潜规克复。事泄，为法僧所害。

**崔延伯** 《魏书》：博陵人。正光五年，以在扬州建淮桥之勋，封当利县[开国]男。寻改（爵）<sup>④</sup>封新丰，进爵为子。卒，谥“武

① 以上据《北史·韦孝宽传》改、补。

② 谕：《北史·韦孝宽传》作“论”。

③ 据《北史·韦孝宽传》改。

④ 以上据《魏书·崔延伯传》补、删。

烈”。

**拓跋继** 《魏书·明帝纪》：京兆王黎后。神龟元年四月甲辰，江阳王继改封京兆王。《京兆王黎传》：神龟末，继启求还复江阳，诏从之。

**拓跋坦** 《魏书》：咸阳王禧子。正光中，复禧王爵。诏坦袭，改封敷城，邑八百户。庄帝初，复适本封。《庄帝纪》：建义元年，复爵为咸阳王。《本传》：齐受禅，爵例降。

**拓跋正** 《魏书·彭城王勰传》：肃宗初封霸城县公，邑一千户。庄帝即位，封始平王。与兄劭俱遇害，谥曰“贞”。子钦袭。齐受禅，爵例降。

**寇洛** 《周书》：上谷昌平人。大统初，进爵京兆郡公。五年卒，谥曰“武”。子和嗣。

**王洛儿** 《北史》：京兆人。明元<sup>①</sup>在东宫，给事帐下。性谨愿，未尝有过。明元尝猎于灋南，乘冰而济，冰陷没马，洛儿投水奉帝出。殆将冻死，帝解衣以赐之，恩宠日隆。天赐末，帝避难居外，洛儿晨夜侍卫，恭勤发于至诚。元绍之逆，帝昼居山岭，夜还洛儿家。洛儿冒难往返京都，通问大臣。大臣遂出奉迎。明元还宫，社稷获全。太宗<sup>②</sup>即位，拜散骑常侍，赐爵新息公。卒，赠太尉、[建平王]<sup>③</sup>。子长城袭爵。

**冯熙** 《魏书》：长乐信都人，文明太后兄。爵昌黎王，以例降封京兆郡公。

**杜铨** 《魏书》：京兆人。世祖召见，以为宗正，命营密太后父豹丧。赐爵新丰侯。

**杜长文** 《魏书·杜铨传》：京兆人。以随叔颙守岐山勋，赐爵始平伯。

① 明元：《魏书·王洛儿传》作“太宗”。即北魏明元帝拓跋嗣。

② 太宗：《北史·王洛儿传》作“明元”。

③ 据《北史·王洛儿传》补。

**李 贤** 《周书》：陇西城纪人。孝武西迁，以精骑殿。封下邳县公，邑一千户。

**尔朱天光** 《魏书》：荣从祖兄子。建义初，封长安县开国公，食邑一千户。

**乙弗郎**<sup>①</sup> 《北史》：家上乐。孝武西入，先驱靖路，封长安县公。子凤，与周闵帝谋宇文护，见杀。

**高敖曹** 《魏书·高祐传》：渤海人。天平中，京兆郡开国公。

**王 弼** 《周书·王盟传》：子励，沙苑之役，用短兵接战，卒于行间。追封咸阳郡公。子弼袭爵。

**席 固** 《周书》：安定人。大统十六年，以地来附，封新丰县公，邑二千户。

**李 佐** 《魏书》：狄道人。车驾征宛邓，萧鸾新野太守刘忌凭城固守。佐攻拔之，以功封泾阳县开国子，邑三百户。景明二年卒，谥曰“庄”。子遵袭，卒。子果袭。武定中，坐通西贼，伏诛。

**李 权** 《唐书·宰相世系表》：后魏杜县公。

**郑 演** 《魏书·刘芳传》：荥阳人。显祖初，内附入朝，以功除洛阳侯，后改爵云阳伯。卒，谥曰“懿”。子长猷袭爵，（卒）永平五年[卒]<sup>②</sup>，谥曰“贞侯”。子廓袭，卒。子元休袭。齐受禅，爵例降。

**穆 敦** 《魏书·穆崇传》：代人，爵富平子。子纯袭，卒。子盛袭。

**穆 凯** 《魏书·穆崇传》：代人，崇后。从世祖征赫（达）[连]<sup>③</sup>昌，赐爵泥阳子。

① 乙弗郎：《北史》作“乙弗朗”。有传。

② 据《魏书·刘芳传》改。

③ 据《魏书·穆崇传》改。



**韦 瑱** 《周书》：字世珍，杜陵人。曾祖度惠<sup>①</sup>，魏中书侍郎。祖千雄，略阳郡守。父英，代郡守。瑱幼聪敏，起家雍州治中<sup>②</sup>，迁[南]郢州刺史。入为行台左丞。从复(宏)[弘]农、战沙苑，加左光禄大夫。又从战河桥，进爵为子。大统八年，齐神武侵汾、绛，瑱从太祖御之。军还，除蒲州总管府长史。顷之，以望族，[兼]<sup>③</sup>领乡兵，进车骑大将军。瑱雅性清俭，兼有武略。公私安静，夷夏怀之。授侍中、骠骑大将军、开府仪同三司。卒，谥曰“惠”。

子峻，位至车骑大将军、仪同三司。峻弟师，蒲州总管府中郎，行河东郡事。

**韦 崇** 《魏书·韦閼传》：閼从子，字洪基。父肃，字道寿。刘义(兴)[真]镇关中，辟主簿，历魏(兴)[郡、弋阳二郡]太守。崇以司徒从事中郎。高祖纳其女为充华嫔。除南颍川太守。不好发(摘)[擿]<sup>④</sup>细事，常云：“何用小察，以伤大道。”迁洛，以崇为司州中正，复为河南邑中正，以平直见称。出为乡郡太守，又除华山太守。卒。

**韦 彧** 《魏书·韦閼传》：字遵度<sup>⑤</sup>，珍子，杜陵人。有学识，为东豫州刺史。绥怀蛮左，颇得其心。蛮首田益宗子鲁生、鲁贤，数为寇掠。自彧至州，咸笈启修敬，不复为害。彧以蛮俗荒梗，不识礼仪，乃表立太学，选诸郡生徒于州总教。又于城北置崇武馆以习武焉。境内清肃。还，遇大将军、京兆王继西征，请为长史，拜通直散骑常侍。寻以本官兼尚书，为幽夏行台。以

① 度惠：《周书·韦瑱传》作“惠度”。

② 《周书·韦瑱传》作“起家太尉府法曹参军。稍迁直后，除明威将军、雍州治中，假镇远将军、防城州将”。

③ 以上据《周书·韦瑱传》补。

④ 以上据《魏书·韦閼传》改。

⑤ 遵度：《魏书·韦閼传附韦彧传》作“遵庆”。

功封阴盘县[开国]<sup>①</sup>男。孝昌元年卒，赠雍州刺史，谥曰“文”。

子彪，蓝田太守。彪弟融，以军功赐爵长安伯。稍迁大司马开府司马。天平中，疑杀其妻，惧不免，自害。

**韦 儁** 《北史·韦閼传》：字颖超，范子，京兆杜陵人。早有学识，少孤，事祖母以至孝闻。性温和廉让。太和中，袭爵。历位都水使者。子子粲，字晖茂。齐王萧宝夤引为主簿，转[录事]<sup>②</sup>参军。宝夤反，子粲与弟子爽执志不从，相率逃免。雍州平，赐爵长安子。子粲兄弟十三人，并有孝行。居父丧，毁瘠过礼，负土成坟。弟荣亮，字子昱，博学有文才，德行仁孝，为时所重。历谏议大夫、卫大将军。子纲，字世纪，有操行才学。开皇中，位赵州刺史<sup>③</sup>。有子文宗、文英，并知名。

**韦休之** 《北史·韦閼传》：崇子，杜陵人。贞和自守，未尝言行忤物。历位给事中、安西将军、光禄大夫。子道远，中山(大)[太]守。道建，东阁祭酒<sup>④</sup>。

**寇 儁** 《周书》：字祖儁，讚孙，万年人<sup>⑤</sup>。孝昌中，朝议以国用不足，乃置盐池都将，秩比上郡，以儁为之。永安初，华州民史底与司徒杨椿讼田。长史以下，皆言椿直，儁曰：“史底穷民，杨公横夺其地<sup>⑥</sup>。若欲损不足以给有余，未敢闻命。”遂以地还史底。二年，出为左将军、梁州刺史。民俗荒犷，多为盗贼。儁乃令郡县立庠序、劝耕桑、敦礼让。数年之中，风俗顿革。属

① 据《魏书·韦閼传附韦彧传》补。

② 据《北史·韦閼传》补。

③ 赵州刺史：《北史·韦閼传》作“赵州长史”。

④ 《北史·韦閼传》作(休之)“子道建、道儒”。《魏书·韦閼传》作(休之)“子道建，武定末，定州仪同开府长史，带中山太守。道建弟道儒，齐文襄王大将军府东阁祭酒”。

⑤ 万年人：《周书·寇儁传》作“上谷昌平人”。《魏书·寇讚传》作“上谷人，因难徙冯翊万年”。

⑥ 地：《周书·寇儁传》作“田”。

魏室多故，梁人遣大兵屯魏兴，志图进取。儁抚励将士，人思效命，梁人弗敢逼。儁在州清苦，不治产业。秩满，徒步而（远）[还]<sup>①</sup>。大统二年，东魏授儁洛州刺史，儁谋归阙。五年，入关，拜秘书监。时典坟散逸，儁选置令史，抄集经、史，群书始备。进开府仪同三司。卒，谥曰“元”。

子奉，洵州刺史。奉弟颢，少好学，最知名。居丧哀毁。为典祀下大夫、小纳言。

**寇 治** 《魏书·寇讚传》：字祖礼，祖训弟。自洛阳令稍迁镇远将军、东荆州刺史。兄弟并孝友敦穆，白首同居。父亡虽久，而犹于生平所处堂宇备设帟帐、几杖，以时节开堂列拜，垂泪陈荐，若宗庙然。吉凶之事必先启告，远出行反亦如之。世宗末，迁前将军、河州刺史。时，蛮反于三鸦，治为都督追讨，战没。赠雍州刺史、昌平男。

**寇 弥** 《魏书·寇讚传》：万年人，尚书郎。为城阳王徽所亲爱<sup>②</sup>。永安末，徽避尔朱兆，脱身南台，归命于弥。弥不纳，遣人加害，时论薄之<sup>③</sup>。

**长孙子彦** 《魏书·长孙道生传》：本名儁，以素从父征讨功，封槐里县子。

**薛孝通** 《北史》：河东汾阴人。庄帝崩，孝通定册节闵帝，[以]<sup>④</sup>首创大议。封蓝田县子。

**冀 儁** 《周书》：太原阳邑人。大统初，封长安县男，邑二百户。从太祖复（宏）[弘]农，战沙苑。进爵为子。

**柳 桧** 《周书》：河东解人。大统八年，拜湟河郡守。吐谷浑入寇，桧击破之。以功封万年县子，邑三百户。子斌嗣。

① 据《周书·寇儁传》改。

② 亲爱：《魏书·寇讚传》作“亲待”。

③ 时论薄之：《魏书·寇讚传》作“时论深责之”。

④ 据《北史·薛孝通传》补。

**楼安文** 《魏书·楼伏连传》：代人。从征平凉有功，赐爵霸城男。卒，谥“定”。

**朱 腾** 《魏书·朱瑞传》：代郡桑干人。建义初，封泾阳县开国男，食邑二百户。普泰元年，与兄瑞同为尔朱世隆所害。

## 北齐

**孙 腾** 《北齐书》：字龙雀，[咸阳]<sup>①</sup>石安人。少而质直，明解吏事。魏正光中，北方扰乱，间关危险，得达秀容。属尔朱荣建义，随荣入洛。寻为高祖都督府长史。高祖为晋州，腾为长史。高祖平邺，授腾相州刺史。天平初，入为尚书左仆射，内外之事，腾咸知之。时西魏遣将寇南兖，诏腾为南道行台，率诸将讨之。腾胆怯，无威略，失利而还。又除司徒。武定中，使于青州，括浮逃户口，迁太保。腾早依附高祖，契阔险危，勤力恭谨，深见待信。及高祖置之魏朝，寄以心腹，遂志气骄盈，与夺由己，求纳财贿，不知纪极。在邺与高岳、高隆之、司马子如号为“四贵”。非法专恣，腾为甚焉。武定六年，薨。

严观按：《贾志》于《封爵》卷内载北齐十有四人。考《文献通考》云：“高氏据河北，其封藩虽多秦地名号，而实无关中境土。”今并从删。

## 北周

**王 悦** 《周书》：字众喜，蓝田人，少有气干。太祖初定关、陇，悦募乡里从军，屡有战功。大统元年，除平东将军，封蓝田县伯。四年，东魏将侯景攻围洛阳，悦又率乡里千余人从军，斩获居多。十四年，授雍州大中正，加卫将军。从大将军杨忠征随郡、安陆，并平之。时悬军深入，悦度路程，减节粮食。至，诸

① 据《北齐书·孙腾传》补。

军匮乏，分给之。太祖闻而嘉焉。寻拜京兆郡守，迁大行台尚书。又领所部兵从达奚武征梁汉。武令悦说其城主杨贤，悦贻之书，贤遂降。悦说武率轻骑七百，径趣白马。其将梁深以城降。梁州平，即以悦行刺史事。孝闵践祚，拜使持节、骠骑大将军、开府仪同三司、大都督，进爵[河]<sup>①</sup>北县公。悦性俭约，不营生业，虽出入显荣，家徒四壁而已。世宗手敕劳勉之。保定元年，卒于位。子康嗣。

**陈 忻** 《周书》：宜阳人。大统元年，赐爵霸城县男。三年，进爵为子。九年，增邑六百户。孝闵帝践祚，进为伯。

严观按：《隋书·地理志》：“后魏霸城县，后周废。”以《陈忻传》考之，则闵帝初即位时，应尚存焉。

**于（实）[寔]<sup>②</sup>** 《北史·于谨传》：字宾实，谨子，京兆人。少和厚，以军功封万年县子。累迁尚书，除渭州刺史。恭帝二年，羌东念姐反，大将军豆卢宁讨之，逾时不克。又令（实）[寔]往，遂破之。孝闵践祚，授户部中大夫。天和二年，延州蒲州<sup>③</sup>贼郝三郎反，遣（实）[寔]讨平之，除延州刺史，进凉州总管。开皇元年，薨，谥曰“安”。

**（闾）[阎]<sup>④</sup>庆** 《周书》：河南河阴人。孝闵践祚，进爵石保县公，增邑千户。进爵大安县公<sup>⑤</sup>。

严观按：《魏书·地形志》中部领石保县。今同官境。

**韦世康** 《周书·韦孝宽传》<sup>⑥</sup>：京兆杜陵人，孝宽兄寔之子也。幼沉敏，有器度。年十岁，州辟主簿。尚周文帝女襄乐公主。从武帝平齐，授司州总管长史。时东夏初定，百姓未安，世

① 据《周书·王悦传》补。

② 据《北史·于栗磾传附于寔传》改。寔、实相通，但人名用字，宜不改。

③ 蒲州：《北史·于栗磾传附于寔传》作“蒲川”。

④ 据《周书·阎庆传》改。

⑤ 大安县公：《周书·阎庆传》作“大安郡公”。

⑥ 下文实出《北史·韦孝宽传附韦世康传》。



康绥抚之。入为司会中大夫。尉迟迥之乱，隋文帝谓世康曰：“汾、绛旧是周、齐分界，恐生摇动，今以委公。”授绛州刺史，阖境清肃。世康性恬素好古，不以得丧干怀，在州有止足之志。转吏部尚书，选用平允，请托不行。以母忧去职。开皇十三年，复拜吏部尚书。前后多所进拔，称为廉平。尝因侍宴，乞骸骨，上曰：“冀与公共理天下。今之所请，深乖本望。”于是出拜荆州总管。为政简静，百姓爱悦。卒于州，谥曰“文”。《北史》<sup>①</sup>：韦孝宽子湛，年十岁，魏文帝欲以女妻之，宽辞以兄子世康年长，遂以妻之。

**韦 总** 《北史·韦孝宽传》：字善会，孝宽子，杜陵人。聪敏好学，位京兆尹。帝尝戏总曰：“卿师尹帝乡，故当不以富贵威福乡里耶？”总正色对曰：“陛下擢臣非分，窃谓已鉴愚诚。今奉严旨，便似未照丹赤，岂可久忝此职，用疑圣虑。请解印绶，以避贤能。”帝笑曰：“前言戏之耳。”五年，从武帝东征。每率麾下，先驱陷敌。于并州战歿，赠上大将军，追封河南郡公，谥曰“贞”。

**王子直** 《周书》：字孝正，杜陵人。父琳，东雍州长史。子直性节俭，有干能。起家奉朝请，除太尉府水曹[行]参军。梁人围寿春，临淮王元弼率军赴援，子直以本官参戎军事。与梁人战，斩其军主夏侯景超，梁人乃退。永安初，拜鸿胪少卿。魏孝武西迁，封山北县男。大统初，汉炽屠各阻兵于南山，太祖令子直率步骑讨破之。除尚书左外兵郎中，进车骑将军。四年，从太祖解洛阳围，经河桥战，兼尚书左丞，出为秦州总管府司马。时凉州刺史宇文仲和据州逆命，子直从陇右大都督独孤信讨平之。吐谷浑寇西平，以子直兼尚书兵部郎中，出陇右经略之，大破浑众于长宁川。进车骑将军、左光禄大夫，转并州长史。魏废帝元年，拜使持节、大都督，行瓜州事。子直性清静，务以德政化民，西

<sup>①</sup> 下文实出《周书·韦孝宽传》。

士悦附。魏恭帝初，拜黄门[侍]郎。卒于位。

子宣礼，（以父官杜）[柱]国府参军[事]<sup>①</sup>。

**杨 瓚** 《北史·隋宗室诸王传》：字恒生，仕周，以武元军功，封竟陵郡公，尚周武帝妹顺阳公主。美姿容，好书爱士，甚有时誉，号“杨三郎”。平齐之役，诸王咸从，留瓚居守。文帝作相，瓚恐为家祸，阴有图帝计。及受禅，立为滕王，拜雍州牧。后坐事[去牧]<sup>②</sup>，以王就第。瓚妃宇文氏，素与独孤皇后不平，至是郁郁不得志，阴有咒诅。帝命出之，瓚不忍离绝，固请帝。不得已，从之<sup>③</sup>，宇文氏竟除属籍，由是恩礼更薄。开皇十一年，暴薨。

**窦 炽** 《周书》：字光成，平陵人。父略，平远将军。炽性严明，有谋略，膂力过人。永安元年，尔朱荣破葛荣，荣别帅韩娄据蓟城不下，以炽为都督讨之。炽手斩娄，以功拜扬烈将军。魏孝武即位，梁主遣元树入寇，攻陷譙城。炽率奇兵<sup>④</sup>破之，进爵上洛县伯。时帝与齐神武构隙，以炽有威重，拜关内<sup>⑤</sup>大都督。从帝西迁。与高金龙战千秋门，败之。大统元年，以从驾功，别封真定县公。从擒窦泰，复（宏）[弘]农，破沙苑，皆有功。又从李弼讨白额稽胡，破之。高仲密来附，率兵从太祖援之。东魏据邙山，大破之，追至石济而还。迁车骑大将军。十三年，进使持节、骠骑大将军、开府仪同三司、泾州刺史。魏恭帝元年，茹茹寇广武，炽率兵分讨。度河至麴使川<sup>⑥</sup>追及，与战，大破之。保定元年，

① 以上据《周书·王子直传》删、补。

② 据《北史·隋宗室诸王传》补。

③ 固请帝。不得已，从之：中华书局《北史·隋宗室诸王传》断句作“固请。帝不得已，从之。”校点者按：此句下文有“宇文氏竟除属籍，由是恩礼更薄”等语，则“不得已”者当为杨瓚而非“帝”，故作断句如是。

④ 奇兵：《周书·窦炽传》作“骑兵”。

⑤ 关内：《周书·窦炽传》作“閤内”。

⑥ 麴使川：《周书·窦炽传》作“麴伏川”。

进封邓国公。宣政元年，兼雍州牧。隋文帝初为相国，百官皆劝进。炽自以累代受恩，不肯署笺。时人高其节。开皇四年，薨，谥曰“恭”。子茂嗣。

**窦毅** 《周书·窦炽传》：字天武，平陵人，炽兄子。深沉有器度。魏孝武初，起家为员外散骑侍郎。时齐神武擅朝，慨然有殉主之志。孝武西迁，遂从入关。擒窦泰，复（宏）[弘]农，战沙苑，皆有功，累授骠骑大将军、开府仪同三司。保定三年，拜大将军。太祖时，突厥许纳女于我，齐人亦重币求婚。狄欲有悔。朝廷以毅地兼勋戚，素有威重，乃命为使。及至，齐使亦在，突厥犹有贰志，毅抗言正色，以大义责之，累旬乃定。朝议嘉之。隋开皇初，拜定州总管。累居藩镇，咸得民和。薨于州，谥曰“肃”。毅温和谨慎，尚太祖第五女襄阳公主，特为朝廷所委信。虽任兼出入，未尝有矜情之容，时人以此称之。

子贤，字诜贤，志业通敏，少知名。

**毛遐** 《北史》：字鸿远，三原人。曾祖天爱，定州刺史、始昌子。传至遐，四世不绝。正光中，萧宝夤讨关中诸贼，以遐为[都督]<sup>①</sup>府长史。宝夤败还长安，三辅骚扰。遐因辞还北地，与弟鸿宾聚乡曲豪杰，东西略地，氐、羌多赴之，共推鸿宾为盟主。既而贼帅宿勤买奴自号京兆王，遐与鸿宾纵兵追击，七栅皆平。后宝夤构逆谋，遐知之，乃寄书与鸿宾，索马迎接，复于马祗栅建旗鼓以拒宝夤，攻其将卢祖迁，擒之。诏授遐南幽州<sup>②</sup>刺史。又攻破其将侯终德。宝夤知内外势异，轻骑走巴中。孝武帝入关，稍迁骠骑大将军、仪同三司。卒。

弟鸿宾，状貌颇异。昆季之中，尤轻财好施。及贼起，常与遐一守一战。后拜岐州刺史。明帝以鸿宾兄弟所定处多，乃改北

① 据《北史·毛遐传》补。

② 南幽州：中华书局《北史·毛遐传》校勘记考证作“南幽州”。

地郡为北雍州，三原县为建忠郡<sup>①</sup>，以旌其兄弟<sup>②</sup>。后尔朱天光自关中还洛，鸿宾领乡中壮武二千人以从。拜西兖州刺史。羁寓倦游之辈，四座常满，鸿宾资给衣食，与己悉同。转南青州刺史。未几，征还。孝武帝与齐神武有隙，令鸿宾镇潼关。车驾西幸，浆糗乏绝。鸿宾奉献酒食，迎于稠桑。武帝把其手曰：“寒松劲草，所望于卿。”仍留守潼关。后神武来寇，见擒，至并州，忧恚卒。

弟鸿显，位散骑常侍，遐乳母所产也。遐养之为弟，因姓毛氏。劲悍多力，后随诸兄战斗，多先锋陷阵。[大统]<sup>③</sup>四年，为广州刺史。镇东阳<sup>④</sup>，陷东魏。卒。

**梁 昕** 《周书》：字元明，乌氏人。其先因官徙居京兆之整屋。祖重耳，漳县令。父劝儒，州主簿。昕少温恭，见称州里。周文帝军次雍州，昕以三辅望族上谒，即授右府长流参军，累迁丞相府主簿。大统十二年，除河南郡守，迁东荆州刺史。昕抚以仁惠，蛮夷悦之。孝闵践祚，进位骠骑大将军。天和初，拜工部中大夫。出为陕州总管府长史。昕性温裕，有干能。历官内外，咸著声称。寻卒，赠大将军，谥曰“贞”。

弟荣<sup>⑤</sup>，历位下大夫、开府仪同三司。

**陆 通** 《周书》：字仲明，吴郡人。曾祖载，从宋武帝平关中，遂家长安。通好学，有志节。文帝引为帐内督。贺拔岳为侯莫陈悦所害，时有传军府已亡散者，文帝忧之。通以为不然。问至，果如所策，自是愈见亲礼。从擒窦泰，复（宏）[弘]农，沙苑之役，力战有功。又从解洛阳围。军还，赵青雀反于长安。文帝将讨之，以人马疲弊，不可速行。通进曰：“青雀等诈言大军败绩，

① 建忠郡：《北史·毛遐传》作“建中郡”。

② 中华书局《北史·毛遐传》校勘记：“《隋书·地理志上·京兆郡·三原县》下云：‘后周置建忠郡’。按《隋书》作‘后周’误。但既是以旌表毛遐兄弟立名，则字当作‘忠’。”

③ 据《北史·毛遐传》补。

④ 中华书局《北史·毛遐传》校勘记考证“此‘东阳’当是‘鲁阳’之讹”。



东寇将至，今兵虽疲弊，精锐犹多。以明公之威，率思归之众，何虑不平？”文帝深纳之。因平青雀功，进爵为公。九年，高仲密以地来附，通从若干惠战于（芒）[邛]<sup>①</sup>山，授骠骑大将军，迁大司寇。通性柔谨清慎。建德元年，转大司马。薨。

弟逞，起家羽林监，累迁骠骑大将军、开府仪同三司，干识详明，所在著绩，进爵为公。天和三年，齐遣斛斯文略来聘。诏逞为使报之。逞善辞令，敏而有礼，齐人称焉。为宜州刺史，有惠政。东宫初建，授太子太保。卒，子操嗣。

**陆 政** 《周书·陆通传》：性至孝。其母吴人，好食鱼。北土鱼少，政求之常苦难。后宅侧忽有泉出而有鱼，遂得以供膳。时人以为孝感所致，因谓其泉为“孝鱼泉”。

**宇文贤** 《周书·文闵明武宣诸子传》：明帝子。保定四年，封毕国公。建德三年，进爵为王。大象二年，贤虑隋文帝倾覆宗社，言语泄露。寻为所害。

**宇文贞** 《周书·文闵明武宣诸子传》：明帝子，初封酆国公。建德三年，进爵为王。后为文帝所害，并其子德文，国除。

**王 黑** 《北史》：字熊黑，京兆人。除殿中将军，稍迁雍州别驾。后以军功封定阳子，除荆州刺史。梁使曹义宗围荆州，堰水灌城，不没者数板，城中粮尽，黑乃煮粥与将士均（令）[分]食之。出战，不擐甲冑。三年，义宗方退。进封霸城县公。庄帝时，南秦数叛，以黑行南秦州事，击捕反者。孝武西迁，进车骑大将军，除华州刺史。尝修州城未毕，梯在城外，神武遣韩轨、司马子如从河东宵济袭黑。比晓，乘梯入城。黑尚卧未起，闻阁外汹汹，便袒身露髻徒跣，持一白棒，大呼而出战。破之，轨遁走。沙苑之役，神武至城下，不敢攻。河桥之战，王师不利。黑召城中战士固守，军士皆无异心。征拜雍州刺史。未几，镇河东。卒于官，谥曰“忠”。

① 据《周书·陆通传》改。



子庆远，为直阁（大）<sup>①</sup>将军。

**杜 杲** 《周书》：字子晖，杜陵人。祖建，魏辅国将军。父皎，武都郡守。杲有当世干略，起家奉朝请，累迁修城郡守。属凤州人仇周贡等构乱，攻逼修城。杲信洽于民，部内无畔者。寻开府赵昶诸军进讨，杲率郡兵与昶合势，遂破平之。入为司会上士。初，陈文帝弟项为质于梁。及江陵平，迁长安。陈人请之，太祖许而未遣。至是，欲归之，命杲使焉。陈文帝悦，即遣使报聘，并赂黔中数州地。以杲奉使称旨，进都督，更往分界。陈人于是以鲁山归我。帝乃拜项柱国大将军，诏杲送之还国。杲还，朝廷嘉之，授大都督，治小纳言，复聘于陈。大象二年，加开府仪同大将军，进爵为侯。隋开皇二年，除西南[道]<sup>②</sup>行台兵部尚书。寻卒。

子运，大象末，宣纳上士。

**达奚悉** 《周书》：达奚武子，渭南县子。大象末，[为益州刺史]<sup>③</sup>，与王谦据蜀起兵。寻败，被诛。

① 以上据《北史·王黑传》改、删。

② 据《周书·杜杲传》补。

③ 据《周书·达奚武传》补。

## 人 物 志

### 隋

**董 纯** 《隋书》：陇西成纪人。周武帝时，爵大兴县侯。高祖受禅，追爵汉曲县公。严观按：《隋·地理志》：大兴县属京兆郡，即今咸宁也。

**于 义** 《隋书》：字慈恭，洛阳人。父谨，从魏武帝入关，因家京兆。义少矜严，有操尚，笃志好学。大统末，以父功赐爵平昌县伯。周闵帝受禅，累迁安武太守。专崇德惠，不尚威刑。有郡民张善安、王叔儿争财相讼，义曰：“太守德薄，非其罪也。”取家财，倍与二人，喻而遣去。善安等各怀愧，移贯他州。于是风教大洽。进封建平郡公。及高祖作相，王谦构逆。以义为行军总管。谦将达奚悉怛据开远，义将左军击破之。寻拜潼州总管。岁余，以疾归京师。卒，谥曰“刚”。

**王长述** 《隋书》：霸城人。早孤，为祖黑所养，袭封扶风郡公，除中书舍人。周受禅，出拜广州刺史。甚有威惠，吏人怀之。后历襄、仁二州总管，并有能名。及高祖为丞相，授信州总管。部内夷、獠未宾，长述讨平之。王谦作乱，授行军总管，率众讨谦。以功进柱国。开皇初，复上平陈之计，上善其能。卒，谥曰“庄”。

**韦 师** 《隋书》：字公颖，杜陵人。少沉谨，有至性。丁父

母忧，居丧尽礼。及长，涉经史，尤工骑射。宇文护引为记室，转兵曹参军。师雅知诸蕃风俗及山川险易，其有朝贡，师必接对，论其国俗，如指诸掌。夷人惊服，无敢隐情。高祖受禅，迁河北道行台，诏为山东、河南十八州安抚大使。平陈之役，以本官领元帅掾。陈国府藏，悉委于师，秋毫无所犯。后除汴州刺史，甚有治名。卒，谥曰“定”。

**史万岁** 《隋书》：杜陵人。父静，周沧州刺史。万岁少英武，善骑射，好读兵书。平齐之役，其父战没，万岁袭爵太平县公。尉[迟]迥<sup>①</sup>乱，万岁从梁士彦击之，每战先登，以功拜上大将军。平陈之役，又以功加上开府。及高智慧等作乱江南，万岁率众二千，逾岭越海，攻陷溪洞。前后七百余战，转斗千余里。拜左领军将军。南宁夷爨翫复叛，万岁皆击破之。度西二河，入渠滥川，破其三十余部，虏获男女二万余口。诸夷大惧，遣使请降。以功进位柱国。开皇末，突厥（头）达[头]<sup>②</sup>可汗犯塞，汉王谅与万岁出马邑道。（头）达[头]闻之惧，引去。万岁驰逐百余里乃及，大破之。杨素害其功，会穷东宫党与，上问万岁所在，杨素见上方怒，因曰：“万岁谒东宫矣。”上大怒，命左右暴杀之。万岁为将，不治营伍，令士卒各随所安，无警夜之备，虏亦不敢犯。临阵对敌，应变无方，号为良将。

**刘方** 《隋书》：长安人，性刚决，有胆气。仕周，以战功拜上仪同。高祖为丞相，方从韦孝宽破尉[迟]迥于相州。开皇三年，从卫王爽破突厥于白道，进位大将军。仁（孝）[寿]<sup>③</sup>中，交州人李佛子作乱，上诏方为行军总管，进兵临佛子，佛子降。寻授驩州道行军总管，经略林邑。军至海口，林邑王梵志遣兵守险，方击走之。师次阇黎江，贼据南岸，乘象四面而至。方以弩射象，

① 尉迟迥，《周书》有传。

② 据《隋书·史万岁传》改。

③ 据《隋书·刘方传》改。隋无仁孝年号。

因攻破之，俘馘万计。进至大缘江，贼据险为栅，又击破之。至其国都，林邑王梵志弃城奔海。刻石纪功而还。方在道遇患，卒，赠上柱国、卢国公。子通仁嗣。

**韦 艺** 《隋书·韦世康传》：字世文，（洗）[洸]<sup>①</sup>弟，杜陵人。周文帝<sup>②</sup>时，以军功致位上仪同。高祖为丞相，击尉[迟]迥，破尉[迟]惇，皆有力焉。高祖受禅，拜齐州刺史。为政清简，迁营州总管。艺容貌瑰（玮）[伟]<sup>③</sup>，每夷狄参谒，必整仪卫，盛服以见之，番人畏惧。大治产业，与北夷贸易，家资巨万。开皇十五年，卒，谥曰“怀”。

弟冲，字世冲，少以名家子释褐卫公府礼曹参军。稽胡屡为寇乱，冲自请安戢之，因拜汾州刺史。高祖践祚，进位开府。岁余，发南汾州胡千余人北筑长城，在途皆亡。因命冲绥怀叛者。月余皆至，并赴长城。寻拜石州刺史，甚得诸胡欢心。以母忧去职。起为南宁州总管。渠帅爨震及西爨首领皆诣府参谒。后检校括州事。时东阳贼帅陶子定、吴州贼帅罗慧方聚众为乱，冲破之。寻拜营州总管。宽厚得众心，拜民部尚书。卒。少子挺，最知名。

**于 玺** 《隋书·于仲文传》：字伯符，翼子，京兆人。少有器干，仕周，起家右侍上士。高祖受禅，拜汴州刺史，甚有能名。寻转邵州刺史，在州数年，甚有恩惠。后检校江陵总管，州人张愿等数十人，诣阙上表，请留玺。上嘉叹，令还邵州。寻迁洛州刺史，复为熊州刺史，并有惠政。以疾还京师。卒，谥曰“静”。

**李圆通** 《隋书》：泾阳人，给使高祖家。初，高祖恒令圆通监厨。圆通性严整，婢仆咸所敬惮。高[祖]<sup>④</sup>作相，委以心膂。周

① 据《隋书·韦世康传附韦艺传》改。

② 周文帝：《隋书·韦世康传附韦艺传》作“周武帝”。

③ 据《隋书·韦世康传附韦艺传》改。

④ 据《隋书·李圆通传》补。

氏诸王，每伺高祖隙，图为不利。赖圆通保护，获免者数矣。高祖受禅，深被任信。伐陈之役，以功拜扬州总管长史，转并州总管长史。秦孝王仁柔，少断决，府中事多决于圆通。炀帝嗣位，拜兵部尚书。帝幸扬州，以圆通留守京师。判宇文述田以还民，述诉其受赂，帝怒而征之。发疾，卒。

子孝常，大业末，为华阴令。

**宇文忻** 《隋书》：字仲乐，本朔方人，徙京兆。幼而敏慧，年十二，能左右驰射，骁捷若飞。高祖龙潜时，与忻情好甚协，及为（左）[丞]<sup>①</sup>相，恩顾弥隆。尉[迟]迥作乱，以忻为行军总管，进临相州，斩获略尽，直趣邺下，迥军大败。及平邺城，以功加上柱国。是后，每参帷幄，出入卧内，禅代之际，忻有力焉。忻既佐命功臣，频经将领，有威名于当世。上由是微忌焉，以谴去官。阴谋不轨，谋泄伏诛。

**窦荣定** 《北史·窦炽传》：炽子<sup>②</sup>，沉深有器局。周文帝见而奇之，授平东将军，从战北芒，以功拜上仪同。从平齐，加上开府，拜前将军。其妻，则隋文帝长姊安成长公主也。荣定知帝有人君之表，尤相推结。及受禅，坐事除名。公主曰：“天子姊乃作田舍儿妻。”寻拜右武侯大将军。上数幸其第，恩锡甚厚。突厥寇边，为行军元帅，数挫其锋，突厥请盟而去。进爵安丰郡公。岁余，拜右武卫大将军。帝欲以为三公，荣定上书固辞，乃止。卒，赠陈国公，谥曰“懿”。

**韦寿** 《隋书》：字世龄。父孝宽，周上柱国、郧国公。寿以贵公子，早有令誉。周武帝亲征高氏，拜京兆尹，委以后事。以父军功拜仪同三司，封滑国公。俄以父丧去职。高祖受禅，起令视事。寻迁恒、毛二州刺史，有治名。开皇十年，卒，谥曰“定”。

① 据《隋书·宇文忻传》改。

② 据《北史·窦炽传》，窦荣定系窦炽兄窦善子。此处应作“炽从子”。



仁寿中，高祖为晋王广纳其女为妃<sup>①</sup>，以其子保峦嗣。

**韦 焜** 《隋书·高构传》：京兆人，为民曹，屡进说言。

**杜 整** 《隋书》：字皇育，杜陵人。祖盛，魏直阁将军、颍川太守。父闢，渭州刺史。整少有风概，九岁，丁父忧，哀毁骨立，事母以孝闻。及长，骁勇有膂力，好读孙、吴《兵法》。魏大统末，袭爵武乡侯。高祖受禅，加上开府，进封长广郡公。开皇六年，突厥犯塞，以整为行军总管。至合川，无虏而还。密进取陈之策，上善之，于是以行军总管镇襄阳。病卒，谥曰“襄”。

子楷嗣，官至开府。整弟肃，少有志行。开皇初，为通直散骑常侍、北地太守。

**王 韶** 《隋书》：字子相，世居京兆。幼方雅，好奇节。在周，累以军功至仪同三司。高祖受禅，进爵项城郡公。晋王广镇并州，除行台右仆射。性刚直，王甚惮之。王穿池起三山，韶自锁而谏，王谢而罢之。平陈之役，支度军机，无所拥滞。及克金陵，韶即镇焉。秦王俊为并州总管，仍为长史。岁余，驰驿入京，劳敝而卒。高祖命取子相封事数十纸，传示群臣，曰：“直言匡正，裨益甚多，吾每披寻，未尝释手。”

子士隆，慷慨有父风，官至备身将军。讨击山贼，往往有捷。王世充僭号，士隆忧愤，疽发背，卒。

**赵世模** 《隋书·赵元淑传》：初事高宝宁，后以众归周，授上开府，寓居京兆之云阳。高祖践祚，恒典宿卫。迨同晋王伐陈，

<sup>①</sup> 高祖为晋王广纳其女为妃：中华书局《隋书·韦寿传》“晋王广”作“晋王昭”；上海古籍出版社影印本（殿本）《二十五史》之《隋书·韦寿传》作“晋王广”。按“晋王广”即隋炀帝杨广，“晋王昭”为杨广长子元德太子杨昭。《隋书·炀三子传·元德太子昭》有“高祖尝谓曰：‘当为尔娶妇。’”之语。又有“有子三人，韦妃生恭皇帝”等。此“韦妃”当为韦寿之女。又《北史·韦孝宽传附韦寿传》亦有此记载，中华书局校勘记作“诸本‘昭’作‘广’”。张森楷云：“《隋书》广作昭，按帝纪，广于开皇二十年为皇太子。仁寿元年封河南王昭为晋王，此事在仁寿中，则晋王是昭非广也。”按张说是。本书卷七十一《元德太子昭传》云：“乃娶滑国公京兆韦寿女为妃。”今据改。”故此处“晋王广”当为“晋王昭”为是。

先锋遇贼，力战而死。朝廷以身死王事，令子元淑袭本官。

**韦 洸** 《北史·韦世康传》：字世穆，世康兄<sup>①</sup>，杜陵人。性刚毅，有气干，少便弓马。隋文帝为丞相，从季父孝宽击尉迟迥于相州，以功拜柱国，进襄阳郡公。时突厥寇边，令洸统兵出原州，击破之。拜江陵总管。陈平，拜江州总管。略定九江，遂图岭南。洸至广州，岭表皆降。上悦，许以便宜从事，拜广州总管。岁余，番禺夷王仲宣反，以兵围洸，洸拒之，中流矢，卒。赠上柱国，谥曰“敬”。

子协，字钦仁。好学有雅量，位秘书郎。其父在广州，上命协赍诏劳问，未至而父卒。上以其父死王事，拜柱国，历定、息、秦三州刺史，有能名。

**韦福奖** 《北史·韦世康传》：世康少子，杜陵人，通事舍人。在东都，与（元）[玄]感战没。

**于宣道** 《隋书·于义传》：字元明，义子，京兆高陵人。素性谨密，以父功赐爵安成<sup>②</sup>县男。高祖为丞相，引为外兵曹，寻拜仪同。及践祚，迁内史舍人，进爵为子。丁父忧，水浆不入口者累日。岁余，起令视事，免丧。后六岁，迁太子左卫副率，进位上仪同。卒年四十二。

**陶 模** 《隋书》：京兆人，性明敏，有器干。仁寿初，为岚州司马。谅既作乱，刺史乔钟葵发兵将赴逆，（横）[模]拒之曰：“汉王所图不轨，公荷国厚恩，致位方伯，谓当竭诚效命以答慈造，岂有大行皇帝梓宫未掩，翻为厉阶！”钟葵失色曰：“司马反邪？”临之以兵，词气不挠，钟葵义而释之。军吏进曰：“若不斩模，何以压众心？”于是囚之于狱。及谅平，炀帝嘉之，拜开府，授大兴令。杨（元）[玄]感反，率兵从卫（元）[玄]<sup>③</sup>击之，以功进位银

① 《隋书》记韦洸为韦世康之弟。

② 安成：《隋书·于义传附于宣道传》作“成安”。

③ 以上据《隋书·陶模传》改。

青光禄大夫，卒官。

**张定和** 《隋书》：字处谥，万年人。少贫贱，有志节。初为侍官，从上柱国李（克）[充]击突厥。先登陷阵，虏刺之中颈，定和以草塞（疮）[创]<sup>①</sup>而战，神气自若，虏败走。上闻而壮之，进位柱国，封武安县侯。炀帝嗣位，拜宜州刺史，寻转河内太守，有惠政。岁余，从帝征吐谷浑。定和挺身登山，贼伏兵于岩谷之下，发矢中之而毙。谥曰“壮武”。

子世立嗣，拜光禄大夫。

**张季珣** 《隋书》：京兆人。父祥，少为高祖所知。开皇中，累迁并州司马。仁寿末，汉王谅举兵反，遣其将刘建略地燕、赵。至井陘，祥勒兵拒守。建攻之，纵火烧其郭下。城侧有西王母庙，祥登城望之，再拜，号泣曰：“百姓何罪，致此焚烧！神其有灵，可降雨相救。”须臾骤雨，其火遂灭。士卒感其至诚，莫不用命。月余，援军至，贼退走。以功授开府，入为都水监，卒官。季珣少慷慨，有志节。大业末，为鹰扬郎将，其府据箕山为固，与洛口连接。及李密陷仓城，遣人呼之。季珣骂密极口，密怒，遣兵攻之，连年不克。时密众数十万，季珣四面阻绝，而执志弥固，誓以必死。经三年，粮尽，士卒羸病不能拒战，遂为所陷。季珣坐听事，颜色自若。群贼曳季珣，杀之，时年二十八。其弟仲琰，大业末为上洛令。时义兵起，率吏人城守，部下杀之以归义。仲琰弟琮，为千牛左右，字文化及之乱遇害。季珣家素忠烈，兄弟俱死国难，论者贤之。

**骨 仪** 《隋书》：长安人，性刚鲠。开皇初，为侍御史，处法平当，不为势利所回。炀帝嗣位，迁尚书右司郎。时朝政渐乱浊，货[赂]公行。仪励志守常，介然独立，超拜京兆郡丞，公方弥著。时刑部尚书卫（元）[玄]兼领京兆内史，颇行诡道，辄为仪所执正，（元）[玄]不能伤也。义兵至，（元）[玄]恐祸及，遂称老

① 以上据《隋书·张定和传》改。

病。仪与阴世师同心（叶）[协]<sup>①</sup>契，父子并诛。

**于仲文** 《隋书》：义兄子，京兆人，字次武。父（实）[寔]，周大左辅。仲文性倜傥，有大志。为固安<sup>②</sup>太守，聪察明断，累勋授仪同三司、东郡太守。尉[迟]迥作乱，遣将檀让诱致仲文，仲文拒之。迥遣宇文威攻之，仲文大破威众。迥复攻，仲文自度不支，弃妻子，溃围遁，达于京师。迥屠其三子一女。进位大将军，领河南道行军总管。军至东倪坞，与迥将刘子昂等相遇，击破之。军次蓼堤，让拥众数万，仲文以羸师挑战，伪北。让军颇骄，于是遣精兵左右翼击之，大败让军。进攻梁郡，击曹州。檀让以余众屯城武，仲文精骑袭之，拔城武。迥将席毗罗十万众屯沛县，其妻子在金乡。仲文诈为毗罗使者，谓金乡城主曰：“檀让明日到金乡，赏将士。”仲文简精兵，伪建迥旗帜，遂取金乡。毗罗来薄官军，仲文结阵设伏，毗罗军大溃，河南悉平。进位柱国。明年，拜行军元帅，击胡，斩首千余级。至护军川，与虏遇，可汗见军容齐肃，不战而退。后突厥犯塞，仲文复破之。炀帝即位，从帝讨吐谷浑，进位光禄大夫。辽东之役，高丽出兵掩袭辎重，仲文破之。东至萨水，宇文述以兵馁退归，师遂败绩。帝大怒，系仲文。仲文忧恚发病，卒。

**鱼俱罗** 《隋书》：下邳人。身長八尺，膂力绝人。从晋王广平陈，以功拜开府。杨素率兵击突厥，路逢俱罗，奏与同行。及遇贼，俱罗与数骑奔击，瞋目大呼，出左入右，往返若飞。以功进位柱国，拜丰州总管。以交通内臣坐除名。未几，越嶲飞山蛮作乱，诏俱罗白衣领将讨平之。大业九年，重征高丽，以俱罗为碣石道军将。及还，江南刘元进作乱，诏俱罗将兵向会稽诸郡逐捕之，战无不捷。然贼势寝盛，败而复聚。朝廷发使案验，大理

① 以上据《隋书·骨仪传》补、改。

② 固安：《隋书·于仲文传》作“安固”。



司直梁敬（正）[真]<sup>①</sup>奏俱罗师徒败衄，斩东市<sup>②</sup>。

**沈光** 《隋书》：字总持，吴兴人。父君道，仕陈。陈灭，家于长安。光少骁捷，善戏马，常慕立功名，不拘小节。大业中，征天下骁果之士，光预焉，同类皆出其下。及帝攻辽东，以冲梯击城，竿长十五丈，光升其端，临城与贼战。贼竞击而坠，适竿有垂絙，光接而复上。帝壮之，即日拜朝请大夫。江都之难，潜构义勇，为帝复仇。光身无介冑，遂为所害。

**唐宗** 《旧唐书·唐休璟传》：休璟祖，始平人。隋大业末，为朔方郡丞。梁师都举兵据城，宗抗节不从，为所害。

**麦仲才** 《通志》：始兴人，以父铁杖战歿，与弟季才并拜谏议大夫。

## 唐

**杜如晦** 《唐书》：字克明，杜陵人。祖果，有名周、隋间。如晦少负大节，临机辄断。隋大业中，预吏部选，侍郎高孝基异之，曰：“君当为栋梁用，愿保令德。”高祖平京师，秦王引为府兵曹参军。从征伐，常参帷幄机秘，进兼文学馆学士。王为皇太子，迁兵部尚书，进封蔡国公。俄检校侍中，摄吏部尚书，进位尚书右仆射，仍领选。与房（元）[玄]龄共管朝政，引贤者，下不肖。久之，以疾辞。薨，年四十六，赠开府仪同三司。及葬，加司空，谥曰“成”。时，天下新定，如晦长于断，而（元）[玄]龄善谋，两人深相知，故能同心济谋，以佐佑帝。当世语良相，必曰“房、杜”云。

**萧瑀** 《唐书》：字时文，后梁明帝子。以女兄为隋晋王妃，故入长安。爱经术，善属文。性鲠急，鄙远浮华。拜内史侍郎，数言事忤旨，见忌，出为河池郡守。高祖入京师，挈郡自归，拜

① 据《隋书·鱼俱罗传》改。

② 东市：《隋书·鱼俱罗传》作“东都市”。



民部尚书。秦王领右元帅，攻洛阳，署瑒府司马。武德元年，迁内史令。帝委以枢管，内外百务，悉关决。瑒自力孜孜，抑过绳违无所惮。上每见纳用，手诏曰：“得公言，社稷所赖，朕既宝之，故赐黄金一函，公其勿辞。”是岁，州置七职，秦王为雍州牧，瑒为州都督。诏尝下中书，未即行，帝让其稽，瑒曰：“隋季内史诏敕多违舛，百司不知所承。今朝廷初基，所以安危者系号令。比承一诏，必覆审，使先后不谬，始得下，此所以稽留也。”王世充平，进尚书右仆射。贞观初，房（元）[玄]龄、杜如晦新得君，瑒不能无少望。太宗怒，废于家。俄复为仆射<sup>①</sup>。帝问瑒：“朕欲长保社稷，奈何？”瑒曰：“三代有天下，所以能长久者，封建诸侯以为屏藩。秦置守令，二世而绝。汉分王子弟，享国四百年。魏、晋废之，亡不旋踵。此封建之有明效也。”帝纳之，始议封建。迁御史大夫，参预朝政。瑒谕议<sup>②</sup>明辩，然不能容人短，意或偏驳不通，而向法深。罢为太子少傅，复为太常卿，拜河南道巡省大使。九年，复参预政事。帝尝曰：“武德季，太上皇有废立议，顾朕挟不赏之功，于昆弟弗见容。瑒于尔时不可以利怵死惧，社稷臣也。”因赐诗曰：“疾风知劲草，版荡识诚臣。”又曰：“守道耿介，古无以过。然善恶太明，或有时而失。”瑒顿首谢曰：“既蒙教，又许以忠亮，虽死日，犹生年也。”晋王为皇太子，拜太子太保、同中书门下三品。瑒中狭，每燕见，辄言房（元）[玄]龄等朋党，以帝有偏信，帝积久亦不平。诏夺爵，下除商州刺史。卒，遗命敛以单衣，无卜日。诏陪葬昭陵，[太常]谥曰“肃”，[帝以其性忌，改谥“贞褊”]。

[子]<sup>③</sup>锐，太常少卿。

李靖 《唐书》：字药师，三原人。姿貌魁秀，通书史。仕

① 仆射：《新唐书·萧瑒传》作“左仆射”。

② 谕议：《新唐书·萧瑒传》作“论议”。

③ 以上据《新唐书·萧瑒传》补。

隋为殿内直长，牛（宏）[弘]见之曰：“王佐才也！”大业末，高祖定京师，秦王引为三卫。从平王世充，以功授开府。萧铣据江陵，诏靖安辑。靖陈图铣十策，诏拜靖行军总管。武德四年，阅兵夔州。时秋涛涨，靖曰：“兵以速为神。今乘水傅垒，震霆不及塞耳，此必禽也。”九月，叩夷陵，铣将文士（宏）[弘]屯清江，纵兵击破之。趋江陵，薄城而营，铣将乃度岭至桂州。酋领冯盎等皆来谒，南方悉定。授岭南抚慰大使、检校桂州总管。率兵南巡，所过延见长老，宣布恩意，远近欢服。辅公祐据丹阳反，召靖入朝受方略东讨。靖出不意，率黄君汉等轻兵至丹阳。公祐惧走，擒之。丹阳<sup>①</sup>平，置东南道行台，以为行台兵部尚书。太宗践祚，授刑部尚书，兼检校中书令。突厥部种离畔，帝方图进取，以为定襄道行军总管，率劲卒三千夜袭定襄，破之。进封代国公。颉利走保铁山，遣使者谢罪，请举国内附。以靖为[定襄道]总管往迎之。靖谓副将张公谨曰：“诏使到，虏必自安。（简）[若]万骑自白道袭之，必得所欲。机不可失，韩信所以破齐也。”督兵疾进，遇候逻，皆俘以从，去其牙七里乃觉。部众震溃，颉利亡去。于是斥地自阴山北至大漠矣。迁尚书右仆射。会足疾，恳乞骸骨。授检校[特进]，就第。顷之，吐谷浑寇边，以为西海道行军大总管，决策深入，大战数十。吐谷浑伏允自经死，靖更立大宁王慕容顺而还。改（魏）[卫]<sup>②</sup>国公。进开府仪同三司。薨，年七十九，赠司徒，谥曰“景武”。

弟客师，武卫将军<sup>③</sup>，累战功，封丹阳郡公。卒，年九十，赠幽州都督。

孙令问，（元）[玄]宗为临淄王时与雅旧。及即位，以协赞功，迁殿中少监。预诛窦怀贞，进散骑常侍，知尚食事，恩待甚渥。

① 丹阳：《新唐书·李靖传》作“江南”。

② 以上据《新唐书·李靖传》补、改。

③ 武卫将军：《新唐书·李靖传》作“右武卫将军”。

然未尝辄干政，率游畋自娱。后坐其子与回纥部酋承宗连婚，贬。卒。

**李大亮** 《唐书》：泾阳人。祖琰，为魏度支尚书。大亮有文武才略，高祖入关，授土门令。方岁饥多盗，大亮招亡散，抚贫瘠，卖所乘马，资业之，劝垦田，岁大熟。间出击盗，所至辄平。顷之，贼大至，大亮度不能拒，乃单骑诣营说豪帅，为分别祸福，贼众遂降。擢金州总管府司马。王（宏）[弘]烈据襄阳，诏大亮安抚樊、邓，因进击，下十余城。迁安州刺史。复徇广州。会辅公祐反，以计禽其将张善安。公祐方围猷州，大亮击走之。迁越州都督。贞观初，徙交州。帝欲怀四夷，诏为西北道安抚大使。大亮上言：“愿停招慰，省劳役，使边人得就农田，此中国利也。”帝纳其计。会讨吐谷浑，为河东道行军总管，与虏遇蜀浑山，大战，破之，俘其名王，获杂畜数万，进爵为公。十八年，帝幸洛阳，诏副房（元）[玄]龄居守。俄寝疾，帝亲和药，驿赐之。临终，表请罢辽东役。又言京师宗庙所在，愿以关中为意。卒，赠兵部尚书、秦州都督，谥曰“懿”。大亮性忠谨，外若不能言，而内刚烈，不可干非其义。对天子争是非，无回挠。

兄子道裕，贞观末为将作匠。有告张亮反者，诏百官议，皆言亮当诛，独道裕谓反形未具。帝怒，不暇省，斩之。岁余，刑部侍郎缺，宰相屡进名，不可。帝曰：“朕得之矣。是尝议张亮者，朕时虽不从，今尚悔之。”遂命道裕。终大理卿。

**屈突通** 《唐书》：其先昌黎人，后家长安。仕隋为虎贲郎将，擢左卫将军，莅官正劲有法<sup>①</sup>。其弟盖为长安令，亦以方严显。通大业中与宇文述共破杨（元盛）[玄感]<sup>②</sup>，以功迁左骁卫大将军。秦、陇盗起，授关内讨捕大使。安定人刘迦论反，众十余万。通

① 莅官正劲有法：《新唐书·屈突通传》作“莅官劲正，有犯法者，虽亲无所回纵”。

② 据《新唐书·屈突通传》改。

发关中兵击之，候其无备，夜简精卒<sup>①</sup>袭破之，斩迦论并首级万余，筑京观于上郡南山。高祖起，代王遣通守河东。高祖济河，通自武关趋蓝田以援长安。至潼关，阻刘文静兵不得进，相持月余。留桑显和保潼关，率兵将如洛。既行，而显和降，通遂被禽。送长安，帝曰：“忠臣也！”释之，授兵部尚书、蒋国公，为秦王行军元帅长史。从平薛仁杲，时贼珍用山积，诸将争得之，通独无所取。从讨王世充，窦建德来援，秦王分麾下兵<sup>②</sup>以属通，俾与齐王围洛。世充平，论功第一，拜陕东道大行台[右仆射]<sup>③</sup>，镇东都。贞观初，为洛州都督，进左光禄大夫。卒，谥曰“忠”。

子寿袭爵。太宗幸洛，思通忠节，铨以少子拜果毅都尉，终瀛州刺史。铨子仲翔，神龙中，复守瀛州。

**刘（宏）[弘]基** 《唐书》：池阳人。大业末，阴事高祖。又察太宗资度非常，益自诤。兵将举，（宏）[弘]基募士，得二千人。从攻下西河，宋老生败，弃马投堑，（宏）[弘]基斩其首，拜右光禄大夫。师至蒲，引兵先济河，下冯翊。为渭北道大使，西徇扶风，众至六万，南度渭，次长安故城。隋将卫文昇来拒，（宏）[弘]基逆击，擒甲士千余，马数百。京师平，功第一，授右骁卫大将军。刘武周犯太原，从秦王屯柏壁，以劲卒二千由隰州趋西河，蹙贼归路。及宋金刚遁走，率骑尾之介休，与王合击，大破之。累封任国公。从击刘黑闥，还，除并钺将军。贞观初，授卫尉卿，改封夔国。太宗征辽，召为前军大总管，战驻跸山，有功，累加封户。卒，谥曰“襄”。子仁实，袭封。

**殷开山** 《唐书》：名峤，郢人，为隋大谷长。高祖兵起，召补大将军掾，从攻西河。为渭北道元帅长史。时关辅群盗骛力自张，开山招慰，皆下。与刘（宏）[弘]基破卫文昇兵，赐爵陈郡公，

① 精卒：《新唐书·屈突通传》作“精甲”。

② 兵：《新唐书·屈突通传》作“半”。

③ 据《新唐书·屈突通传》补。



迁丞相府掾。以吏部侍郎从秦王讨薛举，为举所败，除名。顷之，从平仁杲，复爵位，兼陕东道行台兵部尚书，迁吏部。从讨王世充，以功进爵郕国公。征刘黑闥，病卒，谥曰“节”。

**庞玉** 《唐书·庞坚传》：泾阳人，事隋为监门直阁。李密据洛口，玉以关中锐兵属王世充击之，百战不衄。世充归东都，秦王东徇洛，玉率万骑降，高祖以隋旧臣，礼之。玉魁梧有力，明军法，授领军、武卫二大将军，出为梁州总管。巴山獠叛，玉梟其首，余党四奔属县。玉下令军中曰：“非尽贼，不反。”贼营斩渠长以降。召为监门大将军。太宗以耆厚，令主东宫兵。虽老不怠，小大之务无不亲。卒，帝为废朝。

**刘世让** 《唐书》：字元钦，醴泉人，仕隋为征仕郎。高祖入长安，以漳川归，授通议大夫。时唐弼余党寇扶风，世让自请安辑，得其众数千，因授安定道行军总管，率兵二万拒薛举。举平，授彭州刺史。俄领陕东道行军总管。独孤怀恩有逆谋，世让亡归，白发之，封（宏）[弘]农郡公。窦建德援王世充，世让率骑出黄沙岭，袭洛州。突厥入寇，诏以兵屯雁门，世让驰骑八百赴之，保武州。城坏，立栅完拒。可汗来说，世让叱之，虏引去。授广州总管。帝问备边策，答曰：“突厥数南寇者，恃有马邑。如使勇将屯崞城，厚储金帛以招降者，数出奇兵略城下，践禾稼，不逾岁，马邑可图。”帝乃使驰驿经略。世让至马邑，高满政以地来降。突厥纵反间，帝不察，因诛之。贞观初，突厥降者言世让无逆谋，乃原其妻子。

**薛万均** 《唐书》：本敦煌人，后徙咸阳。大业末，以材武为罗艺所厚善，与艺归款，高祖授上柱国、永安郡公。窦建德寇范阳，万均教艺羸兵阻水以诱之，自以精骑匿城左。建德师度水，邀半度击之，大败其众。明年，建德以二十万骑来攻，万均率死士百人出地道，掩击其背，众惊溃去。柴绍讨梁师都，以万均为



副，斩其骁将，虏阵（驩）[謹]<sup>①</sup>，乘之，俘杀相藉。突厥走，遂围师都，贼斩师都降。从李靖讨吐谷浑，军次青海，万均以百骑行前，与虏遇，单骑驰突，斩数千级。追奔至积石山，大风折旗，万均曰：“虏且来！”乃勒兵。俄而虏至，万均直前斩其将，众遂溃，追至图伦碛乃还，迁本卫大将军。又副侯君集击高昌，进潞国公。

弟万淑，以战功历畅武道行军总管。万备，以尚辇奉御从伐高丽，将军契苾何力中槊，万备单马进救，何力获免。历左卫将军。

**薛万彻** 《唐书·薛万均传》：本敦煌人，后徙京兆咸阳，万均弟也。归高祖，授车骑将军，事隐太子。太子诛，与数十骑亡之南山。秦王数使贷谕，乃出。从李靖讨突厥，以功历右卫将军、蒲州刺史。副李勣击薛延陀，战碛南，为先锋，斩首三千级，获马万五千。改左卫将军，尚丹阳公主，加驸马都尉。贞观二十二年，以青丘道行军总管帅师伐高丽，次鸭渌水，以奇兵袭大行城，斩虏将所夫孙，遂（传）[傳]<sup>②</sup>泊灼，拔其城。万彻在军中，副将裴行方言其怨望，李勣曰：“万彻位大将军，亲主婿，而内怀不平，罪当诛。”诏除籍徙边，会赦，还。永徽二年，授宁州刺史。入朝，与房遗爱昵甚，遗爱曰：“若国有变，当与公共辅荆王。”谋泄下狱，诛。

**窦威** 《唐书》：字文蔚，扶风平陵人<sup>③</sup>。太穆皇后，其从兄弟女也。家世贵，子弟皆喜武力，独威尚文。内史令李德林举秀异，授秘书郎，不调者十年。蜀王秀辟为记室，威以秀多不法，谢疾去。高祖入关，召补大丞相府司录参军。威裁定制度，帝曰：

① 据《新唐书·薛万均传》改。

② 据《新唐书·薛万均传附薛万彻传》改。

③ 《新唐书·窦威传》作“岐州平陆人”。《旧唐书·窦威传》作“扶风平陆人”。《北史·窦炽传》同本志。窦威为窦炽之子。

“威，今之叔孙通也。”武德元年，授内史令。每论政事得失，必陈古为谕。帝尝引入卧内，谓曰：“昔周有八柱国，吾与公家是也。今我为天子，而公为内史令，事固有不等耶？”威惧，谢曰：“臣家在汉，再为外戚。至元魏，有三皇后。今陛下龙兴，臣复以姻戚进，惧不克任。”帝笑曰：“公以三后族夸我耶！关东人与崔、卢婚者，犹自矜大，公世为帝戚，不亦贵乎？”卒，谥曰“靖”。

威从兄子抗，字道生。父荣定；母，隋安成公主。抗以帝甥蚤贵，入太学，释褐千牛备身，累转梁州刺史。将之官，文帝幸其第，酣宴如家人礼。母卒，数号绝。岁余，为岐州刺史，转幽州总管，所至以宽惠闻。抗与高祖少相狎，及杨（元）[玄]感反，抗谓高祖曰：“（元）[玄]感为我先耳，李氏名在图录，天所启也。”高祖曰：“公无妄言！”炀帝遣抗出灵武，连护长城，闻高祖已定京师，喜曰：“此吾家婿，豁达有大度，真拨乱主也。”因归长安。高祖见之喜，握手曰：“李氏果王，何如？”因置酒为乐，以兄呼之，宫中称为舅。后从秦王平薛举，功第一。又从征王世充。东都平，册勋于庙，赐女乐一部。卒，赠司徒<sup>①</sup>，谥曰“密”。

抗弟庆，性和厚，工草隶。大业末，为南郡太守，为盗贼所害。庆弟珽<sup>②</sup>，亦工草隶，颇解钟律。历颍川、南郡、扶风太守<sup>③</sup>。

**窦 轨** 《唐书·窦威传》：字士则，威兄子，平陵人。父恭，仕周为雍州牧。轨性刚果有威。高祖起兵，轨募众千余人迎谒长春宫。帝大悦，使略地渭南，下永丰仓。从平京师，为大丞相谘议参军。稽胡贼掠宜春，诏轨讨之。斩首千级，获男女二万。赤排羌与[薛举叛将]<sup>④</sup>钟俱仇寇汉中，拜秦州总管，连战有功，余党悉降。迁益州道行台左仆射。党项、吐谷浑寇松州，轨进军临洮，

① 司徒：《旧唐书·窦抗传》作“司空”。《新唐书》同本志。

② 珽：两《唐书》《北史》均作“璿”。

③ 本志所录窦庆、窦璿事迹，实出《北史·窦炽传》。

④ 据《新唐书·窦威传附窦轨传》补。

击走其众，屯田松州。明年，还蜀。轨既贵，益严酷，然能自勤苦，每出师临敌，身未尝解甲，其下有不用命即诛，由是蜀盗悉平。行台废，授益州都督。贞观元年，诏授右卫大将军、洛州刺史<sup>①</sup>。周洛间，因隋乱，人不土著。轨下令诸县，有游手末作者按之，由是威信大行，民皆趋本。

弟琮，有武干。大业末，犯法亡命太原，依高祖。大将军府建，引为统军。从平西河，破霍邑，授[金]紫（金）<sup>②</sup>光禄大夫。从刘文静击屈突通于潼关，败其将桑显和。通遁去，琮以轻骑追获于稠桑。进兵下陕县，拔太原仓，迁左领军大将军。武德初，为右屯卫大将军。时将图洛阳，诏琮留守陕，护饷道。王世充将罗士信数以兵钞绝，琮使人说降之。东都平，检校晋州总管。从隐太子平刘黑闥，以功封谯国公。卒，谥曰“敬”。

**宇文士及** 《唐书》：字仁人，京兆长安人。父述，隋右卫大将军。开皇末，以述勋封新城县公，尚炀帝女南阳公主，为尚辇奉御，从幸江都。兄化及谋逆，以主婿忌之，弗告。已弑帝，乃封蜀王。初，士及为奉御，高祖任殿中少监，雅自款结。及从化及至黎阳，化及兵日蹙，士及劝归命，不从，诡求督饷，俄而归帝。时士及女弟为昭仪，有宠，由是见亲礼。从（平）<sup>③</sup>秦王平宋金刚，录功，复隋旧封，以宗室女妻之，迁王府骠骑将军。王即位，拜中书令，以本官检校凉州都督。时突厥数入寇，士及欲立威镇耀边鄙。每出入，盛陈兵卫，又痛折节下士。或告其反，讯无状，召为殿中监，改蒲州刺史。政尚宽简，人皆宜之。擢右卫大将军，复为殿中监。卒，初谥“恭”。黄门侍郎刘洎曰：“士及居家侈肆，不可谓恭。”乃改曰“纵”。

**李（元）[玄]通** 《唐书》：蓝田人。高祖入关，率所部自归，

① 洛州刺史：《新唐书·窦威传附窦轨传》作“洛州都督”。

② 据《新唐书·窦威传附窦琮传》改。

③ 据《新唐书·宇文士及传》删。

拜定州总管。为黑闼所破，爱其才，欲以为将，(元)[玄]通曰：“吾当守节以报，乌能降志耶？”不听，囚之。故吏有饷(欲)[饮]<sup>①</sup>馈者，(元)[玄]通曰：“诸君见哀，吾能一醉。”遂纵饮，谓守者曰：“吾能剑舞，可借刀。”守士与之。曲终，仰天太息曰：“大丈夫抚方面，不能保所守，尚何惕息<sup>②</sup>耶？”乃溃腹死。帝为流涕，擢其子伏护大将军。

**罗艺** 《唐书》：字子延<sup>③</sup>，襄阳人，家云阳。父荣，隋监门将[军]<sup>④</sup>。艺刚愎不仁，勇攻战。大业中，自称幽州总管。宇文化及至山东，遣使招艺。艺斩使者，为炀帝发丧。时窦建德、高开道亦遣使于艺，艺谓官属曰：“建德等皆剧贼，不足共功名。唐公，民望所系，王业必成，吾决归之。”武德二年，以地归，封燕王。艺弟监门将军寿以兵从，请入朝，帝拜左翊卫大将军。艺负其功，不少屈，秦王左右尝至其营，艺痕辱之。时突厥横放，藉艺威名，诏以本官镇泾州。太宗即位，进开府仪同三司。艺内惧，乃图反，称密诏入朝。治中赵慈皓、统军杨岌谋诛艺，艺败，斩之。寿时为利州都督，亦及诛。

**何潘仁** 《册府元龟》：西域人。隋炀帝时，鸠集亡命数万，长安以西，邑多为所破。及义兵起，求得平阳公主而奉之，以应义师。高祖入关，授上柱国，封整屋县公。

**张长逊** 《唐书》：栢阳人。精驰射，在隋，以平陈功累迁五原郡通守。义兵起，以郡降，拜安化郡公，徙封范阳。时梁师都、薛举请突厥兵南渡河。长逊矫作诏与莫贺咄设，以伐其谋。会唐使亦至，突厥兵不出。武德元年，讨薛举，不待命辄引兵会，赐锦袍金甲。入朝，授右武(卫)[侯]将军，徙息国公。检校益州行

① 据《新唐书·忠义·李玄通传》改。

② 尚何惕息：《新唐书·忠义·李玄通传》作“尚可视息”。

③ 字子延：《新唐书·罗艺传》作“字子廷”。《旧唐书》同本志。

④ 据《新唐书·罗艺传》补。



台[左仆射]<sup>①</sup>，历遂、夔二州总管。贞观十一年卒。

**窦德明** 《唐书》：德（元）[玄]兄，平陵人。师事陈留王孝逸，通知文史。汉王谅反，遣将攻黎阳<sup>②</sup>。德明年十八，募士五千击贼，破之。以功擢累齐王府属。长安平，谒高祖，拜考功郎中，从击王世充。历常、爱二州刺史。

**窦静** 《唐书·窦威传》：字元休，平陵人。高祖入京师，擢并州大总管府长史。时突厥数为边患，粮道不属，静表请屯田太原，以省馈运。岁收粟十万斛，诏检校并州大总管。太宗即位，授司农卿，改夏州都督。突厥携贰，诸将出征者过静，静为陈房中虚实，诸将由是大克获，部落皆内附。帝嘉之，再迁民部尚书。卒，谥曰“肃”。

**豆卢钦望** 《唐书》：万年人。祖宽，隋梁泉令。高祖定关中，率豪姓进款，擢累殿中监。子怀让，左卫大将军。钦望累官越州都督，擢尚书左仆射，平章军国重事。居宰相积十余年，方易之、三思等怙势宣烝，窥间王室，觖冀非常，不能有所裁抑，独谨身自全。卒，年八十。

**张俭** 《唐书》：字师约，新丰人。父植，车骑将军。俭以功除右卫郎将，迁朔州刺史。时颉利可汗方强，每有求取，所（遣）[遣]书辄称诏敕，边吏奉承不敢却，俭独拒不受。大教民营田，岁收谷数十万斛，州以完安。李靖既平突厥，有思结部者，穷归于俭，俭受而安辑之。徙胜州，后将不察，遽奏思结叛。时俭以母丧，夺服，使抚纳之。俭单骑入其部，召酋帅慰谕，咸匍匐归命。因举徙代州，遂检校代州都督。垦田力耕，私蓄富实。俭恐虜易骄，乃建平糴法，入之官，由是储斛流赢。迁营州都督。太宗将征辽东，拜行军总管，使领诸蕃[骑]，为六军前锋。趋建安城，破贼。累封皖城郡公。永徽初卒，谥曰“密”。

① 以上据《新唐书·张长逊传》改。

② 黎阳：《新唐书·窦威传附窦德明传》作“黎州”。



兄(太)[大]师<sup>①</sup>，太仆卿、华州刺史、武功县男。弟延师，左卫大将军、范阳郡公。性谨畏，典羽林兵三十年，未尝有过。卒，谥曰“敬”。

俭兄弟三人门皆立戟，时号“三戟张家”。

**韦云起** 《唐书》：万年人。隋开皇中，以明经补符玺直长。大业初，改谒者。契丹寇营州，诏云起护突厥兵讨之，启民可汗以二万骑受节度，云起离为二十屯。既入境，使突厥给契丹引而南<sup>②</sup>，过贼营百里。夜还阵，掩击之，获契丹男女四万，拜治书御史。高祖入关，授司农卿、阳城县公。武德初，进上开府仪同三司，判农圃监。突厥入寇，诏总幽、宁以北九州兵御之，得一切便宜。改益州行台兵部尚书。时仆射窦轨奏生獠反，冀得集兵以威众。云起数持掣，由是始隙。云起弟事隐太子，太子死，轨疑云起有变，阴设备，遂杀之。

孙方质，光宅初为地官尚书。尝属疾，武承嗣兄弟往候，方质据床自若。或曰：“倨见权贵，且速祸。”答曰：“吉凶命也，丈夫岂能折节近戚以苟免耶？”俄为酷吏所陷，死。

**韦仁寿** 《旧唐书》<sup>③</sup>：万年人。隋大业末，为蜀郡司法书佐。高祖入关，擢嵩州都督府长史。南宁州纳款，朝廷岁遣使抚接。至率贪沓，边人苦之，多叛去。帝素闻仁寿治理，诏检校南宁州都督，寄治越嵩。仁寿将兵循西洱河，开地数千里，置七州十五县，酋豪来见，即授以牧宰，威令简严，人人安悦。将还，酋长泣曰：“天子籍公镇抚，奈何欲去我？”仁寿曰：“吾奉诏抚循，庸敢擅留？”夷夏父老悲啼祖行，遣子弟随贡方物，天子大悦。仁寿请徙治南宁州，假兵抚定，诏可，敕益州给兵护送。刺史窦

① 以上据《新唐书·张俭传》补、改。

② 《新唐书·韦云起传》：始，契丹事突厥无间，且不虞云起至。既入境，使突厥给云诣柳城与高丽市易，敢言有隋使在者斩。契丹不疑，因引而南。

③ 韦仁寿，《旧唐书》卷一百八十五上、《新唐书》卷一百九十七皆有传，本志录自《新唐书》。

轨疾其功，詠言山獠方叛，未可远略，不时遣。岁余，卒。

**皇甫无逸** 《唐书》：字仁俭，万年人。历涇阳太守，治为天下最。再迁右武卫将军。帝幸江都，诏居守洛阳。帝被弑，乃立越王侗。及王世充篡，斩关自归。高祖以无逸本隋勋旧，尊遇之，拜刑部尚书，封滑国公。历陕东道行台民部尚书，迁御史大夫。时蜀新定，吏多横恣。诏无逸持节巡抚，得承制除吏。既至，除<sup>①</sup>贪暴，用廉善，法令严明，蜀人以安。还，拜民部尚书，出为同州刺史，徙益州大都督府长吏<sup>②</sup>。所至辄闭阁不通宾客，左右无敢出入者。所须皆市易他境。尝按部，宿民家，镫炷尽，主人将续进，无逸抽佩刀断带为炷，其廉介类如此。母在长安疾笃，太宗召还。忧悸不能食，道病卒。

**韩仲良** 《唐书·韩瑗传》：瑗父，三原人。武德初，与定律令，建言：“周律，其属三千，秦汉后，约为五百。依古则繁，请崇宽简，以示维新。”于是采《开皇律》宜于时者定之。终刑部尚书，封颍川县公。

**袁利贞** 《唐书·袁朗传》：朗从祖弟，长安人。高（祖）[宗]<sup>③</sup>时，为周王侍读。王立为太子，帝欲大会群臣、命妇合宴宣政殿，设九部伎、散乐。利贞上疏谏，以为“前殿路门，非命妇宴会、倡优进御之所，请徙命妇别殿，九部伎从左、右门入，罢散乐不进。”帝纳之。既会，诏利贞曰：“卿奕叶忠鲠，能抗疏规朕之失。”赐物百段。擢祠部员外郎。卒。

**窦德（元）[玄]** 《唐书·窦威传》：威从孙，平陵人。父彦，隋西平郡守。德（元）[玄]为高祖丞相府千牛，迁司元太常伯。麟德初，进检校左相。勤职约己，天子临朝，咨其清素。卒，谥曰“恭”。

**宋兴贵** 《旧唐书》：万年人。累世同居，躬耕致养，至兴贵

① 除：《新唐书·皇甫无逸传》作“黜”。

② 长吏：《新唐书·皇甫无逸传》作“长史”。

③ 据《新唐书·袁朗传附袁利贞传》改。

已四从矣。高祖闻而嘉之。武德二年，诏表其门闾，蠲免课役。

**苏烈** 《唐书》：字定方，武邑人，后徙始平。父邕，当隋季，率里人为本郡讨贼。定方骁悍有气决，从父战，数先登陷阵。邕卒，代领其众，破剧贼张金称、杨公卿，追北数十里，自是贼不舍境。贞观初，为匡道府折冲，从李靖袭突厥颉利，为前锋。去贼一里许，见牙帐，驰杀数百人。颉利遁去，余党悉降。再迁左卫中郎将，与程名振讨高丽，破之。拜右屯卫将军。从程知节征贺鲁，定方驰捣贼营，贼众大溃。擢伊丽道行军大总管。复征贺鲁，斩首数万级，贼大奔。明日，振兵复进，贺鲁西走。定方领新附兵绝其后。会大雪，吏请少休，定方曰：“虏恃雪，方止舍，谓我不能进。若纵使远遁，则莫能禽。”遂勒兵进至双河，距贺鲁所百里，下令阵而行，薄金牙山。定方纵击，破其牙下数万人，缚贺鲁以还。由是修亭障，列蹊隧，定疆畛，问疾收骸，唐之州县极西海矣。高宗临轩，定方戎服奉贺鲁以献，策功拜左骁卫大将军、邢国公。会都曼叛，诏定方为安抚大使。定方选精卒袭之，都曼惊战，遂大败，走马保城。师进攻之，都曼计穷，面缚降，葱岭以西遂定。迁左武卫大将军。出为神丘道大总管，率师讨百济。自城山济海，直趋真都城，王义慈降。定方所灭三国，皆生执其王。未几，为辽东道行军大总管。破高丽，围平壤。拜凉州安集大使，定吐蕃、吐谷浑。乾封二年卒，谥曰“庄”。

**阎让** 《唐书》：字立德，以字行，万年人。父毗，为隋殿内少监，本以[工]<sup>①</sup>艺进。立德武德初为秦王府士曹参军，迁尚衣奉御，制袞冕六服、腰舆、伞扇，咸有典法。贞观初，历将作少匠，护治献陵。拜大匠，即洪州造浮海大船五百艘，遂从征辽。摄殿中监，规筑土山，破安市城。师还，至辽泽，淖不可通，立德筑道为桥梁，无留行。又营翠微、玉华二宫，擢工部尚书。永徽五年，领徒四万治京城。卒，谥曰“康”。

① 据《新唐书·阎立德传》补。

立本，显庆中以将作大匠代立德为工部尚书。总章元年，拜右相。初，太宗与侍臣泛舟春苑池，见异鸟容与波上，召立本侔状。阁外传呼“画师阎立本”，时已为主爵郎中，俯伏池左，研吮丹粉。归，戒其子曰：“吾文辞不减侪辈，今独以画见名，与厮役等，若曹慎（毋）[毋]<sup>①</sup>习！”既辅政，无宰相器。时姜恪以战功擢左相，故时人有“左相宣威沙漠，右相驰誉丹青”之嘲。谥“文贞”。

立德孙知微，为豹韬卫将军。武后时，突厥默啜请和亲，后遣知微摄春官尚书，护送武延秀聘其女。默啜怒非天子子，囚延秀，挟知微入寇。朝廷以知微卖国，夷其族。子则先，以武三思婿免死。（元）[玄]宗在藩时，以善割蒙宠。开元中，有司奏拟供奉，姚崇以为则先刑戮家，不可留京师。诏曰：“朕在外日，尝驱使，宜令供奉。”

**崔敦礼** 《唐书》：字安上。祖仲方，隋礼部尚书。其先，博陵著姓，魏末徙咸阳。敦礼博涉书传，以节义自将。武德中，官通事舍人。善词令进止，尝持节召庐江王瑗，瑗已举兵，执之，胁问朝廷事，敦礼不为言，太宗壮之。除左卫郎[将]<sup>②</sup>，擢中书舍人，迁兵部尚书。诏抚辑回纥、铁勒部姓，会薛延陀寇边，与李勣合兵破之，置祁连州处其余众。回纥吐迷度为下所杀，诏往绥定，立其嗣而还。敦礼通知四夷情伪，少慕苏武为人，屡使突厥，前后建明，允会事机。永徽四年，拜侍中，进中书令。以疾不任事，更拜同中书门下三品。卒，谥曰“昭”。弟余庆，位亦至兵部尚书。

**于志宁** 《唐书》：字仲谧，高陵人。高祖入关，率郡从迎谒，迁天策府中郎、文学馆学士。贞观三年，为太子左庶子。太子承乾数有过恶，志宁欲救止之，上《谏苑》以讽。俄兼詹事，

① 据《新唐书·阎立本传》改。

② 据《新唐书·崔敦礼传》补。



以母丧免。帝遣中书侍郎岑文本敦譬就职。时太子以农时造曲室，又好音乐过度。志宁谏，不纳。又私引突厥，与相狎比。志宁上疏极言，太子大怒，遣张师政、纥干承基往刺之。二人入其第，见志宁憔悴在苫块中，不忍杀，乃去。太子败，帝知状，谓曰：“闻公数谏，承乾不听公，故至此。”时宫臣皆罪废，独志宁蒙劳勉。晋王为皇太子，复拜左庶子，迁太傅，拜太子太师。卒，谥曰“定”。

**公孙武达** 《唐书》：栌阳人。以豪侠称，为隋骁果。兵兴，武达从秦王讨刘武周，苦战功多，累迁秦府右三军骠骑，封清水县公。贞观初，为肃州刺史。突厥入寇，武达以精兵二千人与战，虏稍却，复殊死斗。薄之张掖河，潜命上流度兵，虏已半济，乃两岸夹击，斩溺殆尽。玺书劳之，迁左监门将军。盐州突厥叛，诏武达趋灵州，追及贼，斩其帅可逻拔扈，进封东莱郡公。终右武卫大将军，陪葬昭陵，谥曰“壮”。

**韦挺** 《唐书》：万年人。父冲，仕隋为民部尚书。挺少与隐太子善，高祖平京师，署陇西公府祭酒。贞观初，王珪数荐之，拜御史大夫。是时，承隋大乱，风俗薄恶。挺上曰：“父母之恩，昊天罔极。今衣冠士族，辰日不哭，谓为重丧，亲宾来吊，辄不临举。又闾里细人，每有重丧，不即发问，先造邑社，待营办具，乃始发哀。既葬，邻伍会集酣醉，名曰出孝。夫妇之道，王化所基，故有三日不息烛、不举乐之感。今婚嫁之初，杂奏丝竹，以穷宴欢。官司习俗，弗为条禁。望一切惩革，申明礼宪。”俄为黄门侍郎，改太常卿。以怨望贬象州刺史。卒。

子待价，安息道行军大总管；万石，迁累太常少卿，号任职，后知吏部选事。

**权万纪** 《唐书》：万年人。父琢玠，隋匡州刺史，以愿慤闻。万纪倖直廉约，自潮州刺史擢治书侍御史。[尚书右]仆射房（元）[玄]龄、侍中王珪掌内外官考，万纪劾其不平，太宗以为不阿贵近，由是奖礼。万纪又建言：“宇文智及受隋恩，贼杀其君，万世



共弃。今其子乃任千牛，请斥屏以惩不轨。”帝从之。徙[万纪]散骑常侍。久之，徙吴王长史。王畏其直，善遇之。齐王祐不奉法，帝素奇万纪能左右吴王，乃徙为祐长史。祐（比）暱[比]<sup>①</sup>群小，万纪骤谏不入，即条过失以闻。祐恐，与所嬖燕（宏）[弘]亮谋杀之。赠武都郡公，谥曰“敢”。

子（元）[玄]初，高宗时兵部侍郎。

**窦 诞** 《旧唐书·杨仁恭传》<sup>②</sup>：抗第三子，隋仁寿中，起家为朝请郎。义宁初，辟丞相府祭酒，封安丰郡公，尚高祖女襄阳公主。从太宗征薛举，为元帅府司马，转太常卿。高祖诸少子荆王元景等未出宫者十余王，国司家事，皆令诞主之。出为梁州都督。贞观初，召拜右领军大将军、莘国公，复拜宗正卿。太宗常与之言，昏忘不能对，诏诞以光禄大夫还第。卒，谥曰“安”。

**谢叔方** 《旧唐书》：万年人，初从巢刺王元吉征讨，数有战功，元吉奏授屈咥直府左车骑<sup>③</sup>。太宗诛隐太子及元吉于（元）[玄]武门，叔方率府兵与冯立合军拒战。秦府护军尉迟敬德传元吉首以示之，叔方下马号哭而遁。明日出[首]<sup>④</sup>，太宗曰：“义士也！”命释之。历迁西、尹二州刺史，善绥边镇，胡戎爱而敬之。贞观末，累加银青光禄大夫，历洪、广二州都督。永徽中卒。

**李修珽** 《唐书·宗室世系表》：滕王元婴子，封长安公。

**杜楚客** 《唐书》：如晦弟，杜陵人。少尚奇节，擢中郎将，进蒲州刺史。政有能名，后为魏王府长史，迁工部尚书，摄府事，以威肃闻。揣帝意薄承乾，数言王聪睿，可为嗣。及王贬爵，废

① 以上据《新唐书·权万纪传》补、改。

② 本条出自《旧唐书·窦威传》，而非《杨仁恭传》。

③ 左车骑：《旧唐书·谢叔方传》作“左军骑”。

④ 据《旧唐书·谢叔方传》补。

于家。终虔化令。

杜 荷 《旧唐书·杜如晦传》：如晦子，尚城阳公主，赐爵襄阳郡公。授尚乘奉御。贞观中，与太子承乾谋反，坐死。

## 人物志

### 唐

唐 璿 《旧唐书》：字休璟，始平人。曾祖规，为后周骠骑大将军。休璟以明经擢第，授营府户曹。调露中，突厥诱扇奚、契丹同反。都督周道务遣休璟将兵击之，斩获甚众，超拜丰州司马。永淳中，突厥围丰州，都督崔智辩战歿。朝议欲罢丰州，休璟上书曰：“丰州田畴良美，宜耕牧。隋季丧乱，不能坚守。贞观之末，始募人以实之，西方<sup>①</sup>一隅，方得宁谧。今若废弃，非国家之利也。”朝廷从其言。垂拱中，迁安西副都护。会吐蕃攻破焉耆，安息道大总管韦待价失利，休璟收其余众，以安西土。迁西州都督，上表请复取四镇。则天遣王孝杰破吐蕃，拔四镇，休璟谋也。圣历中，为司卫卿，兼凉州都督，持节陇右诸军（副）[州]大使。吐蕃大将麴莽布支寇凉州，休璟以数千人往击，大破之，筑京观而还。擢拜右武威、[右]<sup>②</sup>金吾二卫大将军。休璟谙练边事，自碣石西逾四镇，绵亘万里，山川要害，皆能记之。长安中，西突厥乌质勒与诸蕃举兵相持，安西道绝。则天令休璟与宰相商度事势，草奏施行。后安西诸

---

① 西方：《旧唐书·唐休璟传》作“西北”。

② 以上据《旧唐书·唐休璟传》改、补。

州表请兵马应接，程期一如所画。迁夏官尚书、同三品<sup>①</sup>。寻以契丹入寇，复检校幽、营等州都督，兼安东都护。时中宗在春宫，将行，进启于天子<sup>②</sup>曰：“张易之兄弟幸蒙宠遇，数侍[宴]<sup>③</sup>禁中，纵情失礼，非人臣之道，惟加防察。”中宗即位，召拜同中书门下三品，寻迁中书令。景龙二年，致仕。延和元年薨，谥曰“忠”。

《唐书》：子先慎，至陈州刺史。先择，为右金吾卫将军。

萧 钧 《唐书·萧瑀传》：瑀从子，长安人，有才誉。永徽中，累迁谏议大夫、(宏)[弘]文馆学士。时卢文操跳堞盗库财，高宗以其职主干，当自盗罪死。钧曰：“囚罪诚死，然恐天下闻，谓陛下重货轻法，任喜怒杀人。”帝曰：“真谏议也。”诏原死。太常工为宫人通讯遗，诏杀之，且附律。钧言：“禁当有渐，虽附律，工不应死。”帝曰：“如姬窃符，朕以为戒，今不滥工死，然喜得忠言。”即宥工，徙远夷。终太子率更令。

子瓘，为渝州长史，居母丧，以毁卒。钧兄子嗣业，擢累鸿胪卿、单于都护府长史。

韦(宏)[弘]机 《唐书》：万年人，祖元礼，隋浙州<sup>④</sup>刺史。(宏)[弘]机仕贞观时，累迁殿中监。显庆中，为檀州刺史，以边人陋僻，乃修学官，画孔子、七十二子、汉晋名儒像，敦劝生徒，由是大化。擢司农少卿，主东都营田苑。宦者犯法，杖乃奏。迁司农卿。初，东都方士朱钦遂为武后所宠，奸赃狼籍。(宏)[弘]

① 同三品：《旧唐书·唐休璟传》作“同凤阁鸾台三品”。

② 天子：《旧唐书·唐休璟传》作“皇太子”。《新唐书·唐休璟传》：“时中宗为皇太子，休璟将行，进启曰”。

③ 据《旧唐书·唐休璟传》补。

④ 浙州：中华书局《新唐书·韦弘机传》作“浙州”。校勘记：“浙州”，各本原作“浙州”。按隋无浙州。《隋书》卷三〇《地理志》有浙阳郡，注云：“西魏置浙州”。《寰宇记》卷一四二《邓州·内乡县》下云：后魏孝文于此置浙阳郡，隋置浙州。“浙州”当是“浙州”之讹，据改。

机白帝，逐钦遂于边，后恨之。帝将复任，为后掎而止。

孙岳子，武后时为汝州司马，以辨治称。迁（永）[宋]<sup>①</sup>州长史，历庐、海等州刺史，皆著风迹，恩严两施。睿宗立，召为殿中少监，授陕州刺史，卒。

**唐 临** 《唐书》：字本德，长安人。为万泉丞，有轻囚久系，方春，农事兴，临说令可且出囚，使就畎亩。不许。令移疾，临悉纵归，与之约，囚如期还。迁侍御史。俄持节按狱交州，出冤系三千人。累迁大理卿。高宗（常）[尝]<sup>②</sup>录囚，余司断者辄纷诉不已，独临所讯无一言。帝问故，答曰：“唐卿断囚不冤，所以绝意。”帝叹曰：“为狱者固当如是。”永徽元年，拜御史大夫，累迁吏部尚书。坐免官。起为潮州刺史。卒。

兄皎，武德初，为秦王府记室，从王征讨，掌书檄。贞观中，官吏部侍郎。先，选集四时补拟，不为例。皎请以冬初集，尽季春止，后遂为法。终益州长史。子之奇，除括苍令，与徐敬业起兵，伏诛。

**田仁会** 《唐书》：长安人。祖轨，幽州刺史。父（宏）[弘]，陵州刺史。仁会擢制举，仕累左武侯中郎将。永徽中，为平州刺史。岁旱，自暴以祈，雨大至，谷遂登。五迁胜州都督，境有夙贼，依山剽行人，仁会发骑捕格，夷之。城门夜开，道无寇迹。入为太府少卿，迁右金吾将军。昼夜循行，有丝毫奸必发，京师惮之。转右卫将军。卒，谥曰“威”。

**韦知人** 《唐书·韦湊传》：字行哲，叔谦子，万年人。弱而好古，以国子举授校书郎，迁司库员外郎。卒。

子维、绳。维，字文纪，进士对策高第，擢武功主簿。督役乾陵，会岁饥，均力劝功，人不知劳。徙内江令，教民耕桑，县

① 据《新唐书·韦弘机传》改。

② 据《新唐书·唐临传》改。



为刻颂。迁户部郎中，终太子[右]<sup>①</sup>庶子。绳，举孝廉，历长安尉，威行京师。擢监察御史，更泗、泾、鄜三州刺史。天宝初，入为秘书少监，以善职称。终陈王傅。

虚心，字无逸，维子。举孝廉。迁大理丞、侍御史。神龙中，按大狱，据正不挠。景龙中，属羌叛，既禽捕，有诏悉诛，虚心惟论酋长死，原活其余。迁御史中丞。历荆、潞、扬三大都督府长史。以庐江多盗，遂县舒城，盗贼为衰。入为工部尚书、东京留守。卒，谥曰“贞<sup>②</sup>”。弟虚舟，历洪、魏二州刺史，有治名。入为刑部侍郎。

韩 瑗 《唐书》：字伯玉，仲良子。少负节行，贞观中，以兵部侍郎袭爵。永徽三年，迁黄门侍郎，进侍中，兼太子宾客。王后之废，瑗雪泣言曰：“皇后乃陛下在藩时先帝所娶，今无罪辄废，非社稷计。”不纳。明日复谏，帝大怒，诏引出。褚遂良贬潭州，瑗上言：“遂良受先帝顾托，愿宽无辜，以顺众心。”帝不听。瑗忧愤，自表归田里，不报。显庆二年，贬振州刺史。卒。自瑗与遂良死，内外以言为讳将二十年。

张仁愿 《唐书》：下邳人，有文武材。武后时，累迁殿中侍御史。御史郭（宏）[弘]霸称后乃弥勒佛身，又凤阁舍人张嘉福、王庆之请以武承嗣为皇太子，邀仁愿联章，仁愿拒之。后进左屯卫大将军，兼检校洛州长史。会谷贵多盗，仁愿一切捕杀，畿甸震慑，无敢犯。三年，朔方军总管沙吒忠义为突厥所败，诏仁愿代之。既至，贼已去，引兵踵击，夜掩其营，破之。始，朔方军与突厥以河为界，北崖有拂云祠，突厥每犯边，必先谒祠祷解，然后料兵度而南。时默啜悉兵西击，仁愿请乘虚取漠南地，于河北筑三受降城，绝虏南寇路。中宗从之，六旬而三城就。又于牛

① 据《新唐书·韦湊传》补。

② 谥曰贞：《新唐书·韦湊传》作“谥曰正”。

头朝那山北置烽候千三百所<sup>①</sup>。自是突厥不敢逾山牧马，朔方益无寇，岁损费亿计，减镇兵数万。初建三城也，不置壅门。或曰：“边城无守备，可乎？”仁愿曰：“兵贵攻取，贱退守。寇至，当并力出拒，何事守备，退沮其心。”景龙二年，拜左卫大将军。睿宗立，致仕。卒，赠太子少保。仁愿为将，按边抚师，赏罚必直功罪。后人思之，为立祠受降城，出师辄享焉。宰相文武兼者，当时称李靖、郭元振、唐休璟、仁愿云。

子之辅，至赵州刺史。

**王孝傑** 《唐书》：新丰人，少以军功进。长寿元年，为武威道总管，克龟兹、于阗、疏勒、碎叶等城。武后曰：“贞观中，西境在四镇，其后不善守，弃之吐蕃。今故土尽复，孝傑功也。”进凤阁鸾台三品。契丹李尽忠等叛，诏为靖边<sup>②</sup>总管，将兵讨之。军至东硖石谷，与贼战。后军不至，为虏所乘，军溃，孝傑堕谷死。赠耿国公，以其子无择为朝散大夫。

**王琳**<sup>③</sup> 《旧唐书》：字方庆，周石泉公褒曾孙，家咸阳。父（宏）[弘]直，为汉王元昌友。元昌畋猎无度，上书切谏，渐见疏斥。转荆王友。龙朔中卒。方庆年十六，起家越王府参军。永淳中，累迁太仆少卿。则天临朝，拜广州都督。管内诸州首领，旧多贪纵，百姓诣府称冤，府官先受首领参饷，未尝鞫问。方庆绝其交往，首领纵暴者悉绳之，境内清肃。证圣元年，召拜洛州长史。万岁登封元年，迁鸾台侍郎、同平章事，俄转凤阁侍郎。则天幸玉泉寺，以山径危悬，欲御腰舆而上。方庆谏曰：“昔汉元帝常出便门，御楼船。光禄勋张猛谏曰：‘乘船危，就桥安。’元帝就桥。今山径危险，石路曲狭，比于楼船，安危不等。伏望停

① 千三百所：《新唐书·张仁愿传》作“千八百所”。

② 靖边：《新唐书·王孝傑传》作“清边道”。

③ 王琳：《新唐书》作“王琳”。本传：“字方庆，以字显。”《旧唐书》本传未载其名，作《王方庆传》。

與驻蹕。”则天纳其言而止。又举：“令，‘期功丧，未葬，不预朝贺；未终丧，不预宴会’<sup>①</sup>。”比来朝官，不遵礼法，名教既亏，实玷皇化。伏望申明令式，禁断。”从之。方庆以老疾，乞闲，乃授麟台监修国史，封石泉公。卒，谥曰“贞”。方庆博学好著述，尤精《三礼》，酬答咸有典据。《会昌一品集》：王石泉居相时，子为眉州司士。(天)[天]后<sup>②</sup>尝问曰：“卿子何远乎？”对曰：“庐陵是陛下爱子，今犹在远，臣之子焉敢相近。”

《唐书》：方庆孙甫，明经，辟范阳节度使张守珪幕府。时契丹屈烈部将谋入寇，河北骚然。甫至虏中，胁说祸福，虏乃不入。安禄山叛，拜博陵、常山太守，副河北招讨使。卒。

**窦孝谌** 《旧唐书·外戚传》：刑部尚书诞之子，昭成皇后父。则天时，历润州刺史。长寿二年，后母庞氏被酷吏所陷，诬与后咒诅不道，孝谌左迁罗州司马，卒。

子希城、希球、希瓘，并流岭南。神龙初，随例雪免。景云年，追赠孝谌太尉、豳国公。(元)[玄]宗即位，加赠太保，希城等以舅氏，甚见优宠。希城累迁太子少傅、豳国公，寻卒。希球官太子宾客，封冀国公，开元二十七年卒，谥曰“靖”。希瓘初赐爵毕国公，后改名瑰。(元)[玄]宗以早失太后，尤重外家，瑰兄弟三人皆国公，食实封。

瑰子锷，又尚(元)[玄]宗女永昌长公主。而兄弟皆贪鄙，过自封殖，瑰又甚之。卒，赠司徒。瑰从父弟维鎰，好学，以撰著为业。时宗族咸以外戚，崇饰舆马，维鎰独清俭自守。官至水部郎中，卒。撰《吉凶礼要》二十卷，行于世。

**李昭德** 《唐书》：长安人。父乾祐，贞观初为殿中侍御史。

① 令，期功丧，未葬，不预朝贺；未终丧，不预宴会；《旧唐书·王方庆传》作：“令文‘期丧、大功未葬，不预朝贺；未终丧，不预宴会’。”《新唐书·王方庆传》作“令，期及大功丧，未葬，不听朝贺；未除，弗豫享宴。”

② 据李德裕《会昌一品集·外集》卷二改。

郇令裴仁轨私役门卒，太宗欲斩之。乾祐曰：“法令与天下共之，仁轨以轻罪置极刑，非画一之制。”由是免死。母卒，庐墓侧，负土成坟。帝遣使就吊，表其闾。历治书侍御史，有能名。免官，卒。昭德强干有父风，擢明经，累官凤阁侍郎，同平章事。武承嗣任文昌左相，昭德谏曰：“承嗣已王，不得典机衡以惑众庶。”乃罢。洛阳人王庆之请以承嗣为皇太子，后遣昭德诘其故。昭德答杀庆之，奏曰：“自古有侄为天子而为姑立庙乎？陛下承天皇顾托而有天下，又立承嗣，臣见天皇不来食矣！”后乃止。有人获洛水白石而赤文者，献阙下曰：“此石赤心，故以献。”昭德叱曰：“洛水余石，岂尽能反邪？”时来俊臣、侯思止舞文法，数诛陷大臣，人皆畏惧，昭德每奏其诬罔不道状。卒（榜）[榜]杀思止，其党稍摧沮。万岁通天二年，来俊臣诬以逆谋，既而俊臣亦下狱，同日诛。众庶莫不冤昭德而快俊臣。建德三年，赠司空。

**田归道** 《唐书·田仁会传》：仁会子，长安人。明经及第，累擢内供奉、左卫郎将。突厥默啜请和，武后诏将军阎知微册可汗号。默啜又遣使谢，知微遇诸道，即与绯袍银带。帝因表使者即到，请备礼廷赐。归道谏曰：“知微擅赐，使朝廷何以加之？宜敕初服，须天子命。”后从之。默啜将至单于都护府，诏归道摄司宾卿往劳之。默啜请六胡州及都护府地不得，执归道，将害之。归道辞色不挠，为陈祸福，默啜悔，以礼遣归。归道还，具陈默啜不臣状，请备边。已而果反，乃擢归道夏官侍郎，迁左金吾将军，押千骑宿卫（元）[玄]武门。桓彦范诛二张，归道不豫闻，及索骑士，拒不应。事平，彦范欲诛之，以辞直免，中宗壮其守，召拜太仆少卿，迁右金吾将军。卒，谥曰“烈”。

子宾庭，开元时至光禄卿。

**韦安石** 《唐书》：万年人。祖津，陵州刺史。父琬，成州刺史。安石举明经，苏良嗣荐于武后，擢膳部员外郎，迁并州司马，有善政。安石性方重，政尚清严，久视中，迁文昌右丞。时二张及武三思宠横，安石数折辱之。易之引蜀商博塞后前，安石奏“商



等贱类，不当戏殿上”。后改容慰勉。睿宗立，复为侍中、中书令。太平公主有异谋，欲引安石，数邀之，拒不往。帝一日召安石曰：“朝廷倾心东宫，卿胡不察？”曰：“太子仁孝，天下所称，且有大功。陛下今安得亡国语？此必太平公主计也。”主窃闻，乃构飞变，欲讯之，赖郭元振保护，免。俄罢政事，迁蒲州刺史。（大）[太]常卿姜皎有所请，拒之。皎奏安石护作定陵有盗没，诏籍其赃。安石发愤，卒。天宝初，赠左仆射、郇国公，谥“文贞”。

二子：陟、斌。陟，字殷卿，累迁吏部侍郎。杨国忠忌其才，贬桂岭尉，徙平乐。肃宗即位，永王兵起，委陟招谕，授江东节度使。与高适、来瑱会安州，推瑒为地主，为载书登坛，辞旨慷慨。永王败，除御史大夫，拜吏部尚书。卒，谥“忠孝”。斌，父为相时，授太子通事舍人。严峭有大臣体，天宝中为中书舍人。禄山陷洛阳，斌为贼得，忧愤卒，赠秘书监。

**安金藏** 《唐书》：长安人，在太常工籍。睿宗为皇嗣，有诬异谋者，武后诏来俊臣问状，左右欲引服。金藏呼曰：“公不信我言，请剖心以明皇嗣不反。”引佩刀自刺腹中，肠出被地，眩而仆。武后闻，大惊，舆致禁中，命高医内肠，褫桑堵紖之，阅夕而苏。后临视，叹曰：“吾有子不能自明，不如尔之忠也。”即诏停狱，睿宗乃安。神龙初，母丧，葬南阙口，营石坟，昼夜弗息。地本印燥，泉忽涌流庐之侧，李冬有花，犬（虎）[鹿]<sup>①</sup>相扰。本道使卢怀慎上其事，诏表阙于闾。擢右骁卫将军，卒，谥“忠”。以子承恩为庐州长史。中和中，擢其远孙敬则为太子右谕德。

**高 叡** 《唐书》：万年人。举明经，历赵州刺史。圣历初，突厥默啜入寇，叡婴城拒，虏攻益急。长史唐波若度且陷，即与虏通。叡觉之，力不能制，即自经。不得死，为虏执，使降谕诸县，不肯应，见杀。初，虏至，有为叡计者：“突厥蜂锐，所向无完，公不能抗，且当下之。”答曰：“我，刺史，不战而降，罪大

① 据《新唐书·安金藏传》改。



矣。”武后叹惜，赠冬官尚书，谥曰“节”。诏诛波若，籍其家。下制褒勸忠节、波若臣贼，使天下知之。子仲舒，通故训学，擢明经。开元初，宋璟、苏颋当秉，多咨访焉。时舍人崔琳练达政宜，璟等礼异之，语人曰：“古事问高仲舒，时事问崔琳。”终太子右庶子。

**李迥秀** 《唐书·李大亮传》：字茂之，大亮族孙，涇阳人。及进士第，调相州参军，转员外郎。累迁鸿胪卿，拜兵部尚书。卒年五十，赠侍中。迥秀母少贱，妻尝詈婢，母闻不乐，迥秀即出其妻。或问之，答曰：“娶妇要欲事姑，苟违颜色，何可留？”武后尝遣内人候其母，或迎致宫中。所居堂产芝草，犬乳邻猫，中宗以为孝感，旌大门闾。

**崔沔** 《旧唐书》：京兆长安人，自博陵徙关中，为著姓。沔醇谨，口无二言，事亲至孝，博学有文词。初应制举，对策高第。俄被落第者所援，则天令重试，沔所对策，又工于前，由是知名。累迁祠部员外郎。当官正色，未尝挠沮。睿宗时，征拜中书舍人。时沔母老疾在东都，沔固请闲官，以申侍养，改虞部郎中。开元七年，为太子左庶子。母卒，哀毁逾礼，常于庐前受吊，谓人曰：“平生非至亲者，未尝升堂入谒，岂可以存亡变礼。”服阙，拜中书侍郎。寻出为魏州刺史，奏课第一，征还，分掌吏部十铨事。以清直，历秘书监、太子宾客。沔善《礼》经，朝廷每疑议，皆取决焉。卒年六十七，赠礼部尚书。

**武崇训** 《旧唐书·武承嗣传》：并州文水人。神龙元年，降酆国公，实封五百户。寻徙封镐国公，为节愍太子所杀。

**姚班** 《唐书·姚思廉传》：璦弟，万年人。笃学有立志，擢明经，历六州刺史，政皆有绩，迁太子詹事。时，节愍太子稍失道，班凡四上书谏。太子虽称善，不能用其言。及败，索宫中，得班谏书，中宗嘉叹。擢右散骑常侍，迁秘书监。睿宗立，拜户

部尚书。卒年七十[四]<sup>①</sup>。

**韦月将** 《大唐新语》：京兆人。武三思得幸于中宗，月将不堪，愤激上书告其事。中宗怒，流于岭南，寻使人杀之。

**苏 珣** 《唐书》：蓝田人。中明经第，调郾尉。郾多讼，裁决明辨。垂拱初，为监察御史。武后杀韩、鲁诸王，付珣密牒按讯，珣推之无状。或言珣助韩、鲁者，后诘之，挺议无所挠。诏监军河西，五迁右司郎中。御史王（宏）[弘]义附来俊臣为酷，世莫敢触其锋。珣按奏，（宏）[弘]义坐免。进左肃政台御史大夫。中宗将斩韦月将，珣执据时令不可以大戮，忤三思意，出为岐州刺史，复为右台大夫。会节愍太子败，时睿宗居藩，为狱辞牵逮。珣密启保辩，帝感悟，多所舍贷。擢户部尚书。致仕。卒，谥曰“文”。

**韦 湊** 《唐书》：字彦宗，万年人。祖叔谐，贞观中为库部郎中，与弟吏部郎中叔谦、兄主爵郎中季武[同省]，号“三列[宿]”。湊，永淳初，解褐婺州参军事，迁扬州法曹。州人孟神爽豪纵，数犯法，交通贵戚，吏莫敢绳。湊按治，杖杀之，远近称服。六迁司农少卿。睿宗立，徙太府，兼通事舍人。时改葬故太子重俊，有诏加谥，又诏雪李多祚等罪，议赠官。湊上言：“宜易谥以合经礼，多祚等罪云‘免’而不云‘雪’。”（亦）[帝]<sup>②</sup>瞿然，罢多祚等赠官。景云初，作金仙寺观，湊谏，以为“农月兴功，伤伐甚多，非仁圣本意”。出为陕、汝、岐三州刺史。开元初，欲建碑靖陵，湊以古园陵不立碑，又方旱，不可兴工，谏而止。迁将作大匠。诏复孝敬皇帝庙号义宗，湊谏孝敬皇帝未尝南面，无称“宗”之义，遂罢。迁右卫大将军，徙太原尹。卒，谥曰“文”。

子见素，字会微，及进士第，擢谏议大夫。天宝五载，为江西、山南、黔中、岭南道黜陟使，纠绳吏治，所至震畏。迁文部

① 据《新唐书·姚思廉传附姚班传》补。

② 以上据《新唐书·韦湊传》补、改。

(士)[侍]郎，铨叙平允。十三载，诏拜武部尚书、同平章事、集贤院学士，知门下省事。禄山表请蕃将三十二人代汉将，帝许之。见素谓杨国忠曰：“难将作矣。”国忠不应，见素曰：“知祸之芽不能防，见祸之形不能制，焉用彼相？明日当恳论之。”既入，流涕具陈，诏曰：“朕徐图之。”由是，每进见，未尝不为帝言，未几，禄山反，从帝入蜀。诏兼左相，封豳国公。肃宗立，与房琯、崔涣持节奉传国玺（射）[及]册，宣扬制命。明年三月，拜尚书左仆[射]，[徙]<sup>①</sup>太子太师，诏至蜀郡奉迎太上皇。以功食实封三百户。宝应元年卒，赠司徒，谥“忠贞”。

子谔，历京兆府司录参军。国忠死，兵聚不解，陈（元）[玄]礼请杀贵妃以安众心，帝犹豫，谔谏曰：“臣闻以计胜色者昌，以色胜计者亡。今宗庙震惊，陛下惟割恩以安社稷。”因叩头流血。帝悟，赐妃死，军乃大悦。寻擢御史中丞。后终给事中。

**窦怀贞** 《唐书》：始平人。少诡激，仕累清河令，有治状。神龙中，进左御史大夫兼检校雍州长史。会岁除，中宗夜宴近臣，谓曰：“闻卿丧妻，今继室可乎？”怀贞唯唯。俄而禁中宝扇鄣卫，有衣翟衣出者，乃韦后乳媪王，所谓莒国夫人者，故蛮婢也。怀贞纳之，世谓媼婿为阿箬，时怀贞每谒见奏请，辄自署“皇后阿箬”，人或谓为“国箬”，轩然不惭。又附宗楚客、安乐公主等以取贵位。韦后败，斩妻献其首，贬濠州司马。景云初，以殿中监召，再迁侍中。方太平公主（千）[干]<sup>②</sup>政，怀贞日诣主第，刺取所欲。睿宗为金仙、玉真二公主营观，谏者交疏不止，惟怀贞劝成之，躬护役作。弟维鎔谏曰：“公位上衮，当思辅天子，而计校瓦木，厕身工匠间，使海内何所瞻仰？”不答。时语曰：“前作后国箬，后为主邑丞”。言事公主如邑官属也。（元）[玄]宗受禅，进左仆射，与太平公主谋逆，既败，投水死。然生平所得俸禄，悉

① 以上据《新唐书·韦见素传》改、补。

② 据《新唐书·窦怀贞传》改。

散亲族，败时，惟米数石而已。

从子兢，举明经，为鄆令，百姓德之。

**韦巨源** 《唐书》：万年人，有吏干。武后时，累迁夏官侍郎、同凤阁鸾台平章事，其治委碎无大体。神龙初，以吏部尚书同中书门下三品。时要官缺，执政以次用其亲。巨源秉笔，当除十人，杨再思得其一，余者诸宰相近属。再思喟然[曰：“吾等诚负天下”]，巨源曰：“时当尔（尔）[耳]”<sup>①</sup>。士大夫莫不解体。寻迁侍中。贝州大水，刺史宋璟议免其租，巨源以为蚕桑可输，由是河朔人多流徙者。景龙二年，韦后自言衣笥有五色云，巨源劝中宗宣布天下，因是大赦。巨源见帝昏惑，乃与宗楚客等推据祥妖，阴导韦氏行武后故事。俄迁尚书左仆射，仍知政事。帝方南郊，巨源请后为亚献，而自为终献。及临淄王平诸韦，乱兵杀之。

**姚 璿** 《唐书·姚思廉传》：思廉孙，万年人。少孤，力学，永徽中举明经第，补太子宫门郎，迁中书舍人。武后时，擢夏官侍郎。坐从弟敬节叛，贬桂州长史。后方以符瑞自神，璿取山川草树名有“武”字者，以为上应国姓，哀类以闻。后悦，擢文昌左丞。证圣初，加秋官尚书。明堂火，后欲避正殿，应天变。璿奏：“此人火，非天灾也，不宜贬常礼。”后乃更御端门，大酺，燕群臣，与相娱乐，遂造天枢著己功德，命璿督之。功费浩广，见金不足，乃敛天下农器并铸。以功赐爵一级。坐累，下迁益州长史。始，蜀吏贪暴，璿撻发之，无所容贷。后闻，降玺诏慰劳。浮屠理中谋据剑南，有密告后者，诏璿按其狱，疑似捕逮，株联数千人。拜地官、冬官二尚书，致仕，卒。

**崔无波** 《旧唐书·忠义传》：京兆长安人，本博陵旧族。父从礼，中宗韦庶人之舅，景龙中卫尉卿。时中书令萧至忠才位素高，甚承恩顾，敕亡先女冥婚韦庶人亡弟。无波婚至忠女，后为女家，中宗为儿家，供拟甚厚，时人为之语曰：“皇后嫁女，天子

① 以上据《新唐书·韦巨源传》补、改。



娶妇。”及庶人败，至忠女亦死，无波坐累久贬。开元中，为益州司马。会杨国忠为新都尉，因事引用之，累转荥阳郡太守。安禄山率众南向，无波召募拒之。及贼陷荥阳，无波及官吏尽为贼所虏。

**韦景骏** 《唐书》：（宏）[弘]机孙，中明经。神龙中，历肥乡令。县北濒漳，连年泛滥，人苦之。景骏相地势，因高筑郭，水至堤趾辄去，其北燥为腴田。又维艚以梁其上，而废长桥，功少费约，后遂为法。方河北饥，身巡闾里，劝人通有无，教导抚循，民免流散。后为贵乡令，有母子相讼者，景骏曰：“令少不天，常自痛。尔幸有亲，而忘孝耶？教之不孚，令之罪也。”因呜咽流涕，授《孝经》，使习大义。于是母子感悟，请自新。后为赵州长史，道出肥乡，民皆奉酒食迎犒，有小儿亦在中，景骏曰：“儿未生而吾去邑，非有旧恩，何故来？”对曰：“耆老言学庐、馆舍、桥郭皆公所治，意公为古人，今幸亲见，所以来。”景骏为留终日。后迁房州刺史，州穷险，无学校，好祀淫鬼。景骏为诸生贡举，通隘道，作传舍，罢祠房无名者。转奉天令，未行，卒。

**韦抗** 《唐书·韦安石传》：安石从子，万年人。弱冠举明经，累官吏部郎中。景云初，为永昌令，辇毂烦要，抗不事威刑而治。迁右御史台中丞，邑民诣阙留，不听，乃立碑著其惠。开元三年，授黄门侍郎，俄为御史大夫，兼按察京畿。弟拯方，为万年令，兄弟领本部，时以为荣。进刑部尚书，分掌吏部选，卒。抗历职清俭，不治产，及终，无以葬。（元）[玄]宗闻之，特给槽车。谥曰“贞”。

**李朝隐** 《唐书》：字光国，三原人。明法中第，调临汾尉，擢大理丞。武三思构五王，御史<sup>①</sup>郑愔请诛之，朝隐以“不经鞠实，不宜轻用法”，忤旨，贬闻喜令，迁吏部员外[郎]。时政出权幸，内授官，但斜封其状付中书，宣所司。朝隐执罢千四百员。迁长

① 御史：《新唐书·李朝隐传》作“侍御史”。



安令，宦官闻兴贵有所干请，曳去之。睿宗嘉叹，进大中大夫一阶，以旌刚烈。成安公主夺民园，不酬直，朝隐取主奴杖之，由是权豪敛伏。开元初，迁吏部侍郎，铨叙明审。久之，降滑州刺史，徙同州。擢河南尹，政清严，奸人不容息。太子舅赵常奴怙势横闾里，朝隐执而（榜）[榜]辱之，帝赐书慰勉。授岐州刺史，召为扬州[大]<sup>①</sup>都督府长吏<sup>②</sup>。（迁）[还]<sup>③</sup>，为大理卿。出为岭南采访处置使。卒于官，谥曰“贞”。

**尹思贞** 《唐书》：长安人。弱冠以明经第，调隆州参军事。邑豪蒲氏骛肆不法，思贞按之，撻其奸，论死，部人称庆。迁明堂令，以善政闻。检校洛州<sup>④</sup>刺史。会契丹乱，朔方震惊，思贞境内无扰。除青州刺史，治州有绩，蚕至岁四熟，黜陟使路敬[潜至部]<sup>⑤</sup>，叹美曰：“是非善政致祥乎！”表言之。睿宗立，累迁工部尚书。请致仕。开元四年卒，谥曰“简”。思贞前后为刺史十三郡，其政皆以清最闻。

**唐 绍** 《唐书·唐临传》：临孙，长安人。神龙时为太常博士，迁左台侍御史、度支员外郎。韦庶人请妃、公主、命妇以上葬给鼓吹，诏可。绍曰：“鼓吹本军容，黄帝战涿鹿，以为警卫。惟功臣诏葬，得兼用之。请置前诏，用旧典。”不省。中宗始郊，国子祭酒祝钦明等奏以皇后亚献，安乐公主终献。绍固争。帝又诏武氏陵及诸武墓皆置守户，绍请罢之。又言：“比群臣务厚葬，下逮众庶，流荡成俗。愿按令切敕裁损，凡明器不许列衢路，惟陈墓所。昏家盛设障车，拥道为戏乐，伤化紊礼，不可示天下。”

① 以上据《新唐书·李朝隐传》补、改。

② 长吏：《新唐书·李朝隐传》作“长史”。

③ 据《新唐书·李朝隐传》改。

④ 洛州：本志此处据《新唐书》，《旧唐书·尹思贞传》作“洺州”。考《新唐书·地理志》，洛州在河南道，洺州在河北道。以下文“会契丹乱，朔方震惊，思贞境内无扰”等语，尹思贞当为检校洺州刺史。

⑤ 据《新唐书·尹思贞传》补。

事虽不从，议者美叹。睿宗即位，数言政事损益，再迁给事中，兼太常少卿。

**辛替否** 《唐书》：字协时，万年人。景龙中为左拾遗。时置公主府官属，而安乐府补授尤滥。武崇训死，主弃故宅，别筑第，侈费过度。又盛兴佛寺，公私疲匮。替否上疏，帝不省。睿宗立，罢斜封官千余人，俄诏复之。方营金仙、玉真观，替否以左补阙上疏，帝不能用。稍迁右台殿中侍御史。雍令刘少微恃权贪赃，替否按之，岑羲屡以为请，替否曰：“我为宪司，惧势纵罪，谓王法何？”少微坐死。迁累颍王府长史。卒。

**阎用之** 《唐书·阎立本传》：立德曾孙，万年人。初为彭州参军，尝摄录事。一日纠衍谬不法数十事，太守以为材。后举通事舍人，累迁右卫郎将，知引驾仗。金吾将军李质升殿不解刀，呵却之，请按以法，左右震悚。始，有司以三卫执扇登殿，用之奏三卫皆骄悍，不宜升陛迓御坐，请以宦者代，遂为故事。终左金吾将军。

**萧嵩** 《唐书·萧瑀传》：瓘子，长安人。开元初擢中书舍人。姚崇称其远到。历宋州刺史，迁尚书左丞。十四年，以兵部尚书领朔方节度使。会吐蕃陷瓜州，回纥又杀凉州守将王君奭，河、陇大震。徙嵩河西节度使，判凉州事。嵩表裴宽、郭虚己、牛仙客置幕府，以建康军使张守珪为瓜州刺史，完树障坞，怀保边人，于时悉诺逻恭禄威憺诸部，吐蕃倚其健噬边。嵩乃纵反间，示疑端，赞普果诛之。使悉末明攻瓜州，守珪拒甚力，虜引却。会鄯州都督张志亮破贼青海西，嵩又遣副将杜宾客与吐蕃战祁连城下，斩一将，虜哭震山谷。露布至，帝大悦，授嵩同中书门下三品。十七年，进兼中书令，遥领河西节度。在公慎密，人莫能见其际。久之，进太子太师。固请老，见许。天宝八载卒。

子华，谨重方雅，有家法，嗣爵。天宝末，为兵部侍郎。禄山乱，陷贼，逼守魏州。华间道奉表，欲举魏以应，为贼所执。会崔光远得魏州，破械出之。有诏即授刺史，擢河中晋、绛节度

使。上元初，同平章事。李辅国用事，求宰相，华拒之，辅国怨，贬华为峡州司马，卒。

**韩休** 《唐书》：长安人。父大智，洛州司功参军，其兄大敏，仕武后为凤阁舍人。梁州都督李行褒为部人告变，诏大敏鞠治。或曰：“行褒，诸李近属，后意欲去之，无列其冤。”大敏至，验出之。后怒，遣御史覆按，卒杀行褒，而大敏赐死。休工文辞，举贤良，中乙科，擢左补阙，进至礼部侍郎、知制诰。出为虢州刺史，迁尚书右丞，拜黄门侍郎、同平章事。休直方不务进趋，既为相，天下翕然。时政得失，言之未尝不尽。帝常稍过差，必视左右曰：“韩休知否？”已而疏至，尝引鉴，不乐。左右曰：“自韩休入朝，陛下无一日欢，何不去之？”帝曰：“吾虽瘠，天下肥矣。”卒，谥曰“文忠”，赠太子太师。

**李适之** 《唐书》：恒山愍王孙，始名昌。神龙初，擢左卫郎将。开元中，迁累通州刺史，以办治闻。按察使韩朝宗言诸朝，擢秦州都督，徙河南尹。政不苛细，为下所便。（元）[玄]宗患谷、洛岁暴耗徭力，诏适之以禁钱作三大防，曰上阳、积翠、月陂，自是水不能患。进御史大夫。二十七年，兼幽州长史，知节度事。适之以祖被废，父象见逐，葬礼有阙，至是丐陪瘞昭陵阙中，诏可。迁刑部尚书。天宝元年，代牛仙客为左相，与李林甫争权不协。于是，皇甫惟明、韦坚、裴宽、韩朝宗皆适之厚善，悉为林甫所构得罪。适之不自安，乃求散职，以太子少保罢。俄贬宜春太守。会御史罗希夷阴被诏杀坚等贬所，适之惧，仰药自杀。

**李季卿**<sup>①</sup> 《旧唐书·李适之传》：适之子，弱冠举明经，颇工文词。应制举，登博学宏词科，再迁鄆县尉。肃宗朝，累迁中

① 李季卿，《旧唐书》以李适之之子，附传于《李适之传》；《新唐书》则以李适子，附传于《李适传》。所述事迹略同，而其父别为二人，实相抵牾。《旧唐书》卷九十九“考证”云：“李适之子季卿传，《新书》作李适子，见《文苑传》中，未知孰是。”《新唐书》卷二百二“考证”云：“《李适传》：‘子季卿，亦能文’，《旧书》作李适之之子。”

书舍人，以事坐贬通州别驾。代宗即位，大举淹抑，征为京兆少尹。寻拜吏部侍郎。俄兼御史大夫，奉使河南、江淮宣慰，振拔幽滞，进用忠廉。季卿有宇量，性识博达，善与人交，襟怀豁如。其在朝以进贤为务，士以此多之。大历二年卒。

孙融，立性严整，善吏事。贞元十年，官至渭州节度使，卒。

**颜杲卿** 《唐书》：字昕，与真卿同五世祖。父元孙，为濠州刺史。杲卿以荫调遂州司法参军，与兄春卿、弟曜卿并以书判超等，迁范阳[户曹]参军。安禄山闻其名，表为假常山太守。禄山反，杲卿及长史袁履谦谒于道，赐杲卿紫袍、履谦绯袍。杲卿指所赐衣谓履谦曰：“与公何为著此？”履谦悟，乃与真定令贾深、内丘令张通幽定谋图贼，使子泉明往返计议。时真卿在平原，阴养死士为拒守计。遣甥卢逖至常山约起兵，断贼北道。杲卿大喜，以为兵犄角可挫贼西锋。(元)[玄]宗拜杲卿卫尉卿、兼御史中丞，履谦常山太守。即传檄河北，言王师二十万入土门，遣郭仲邕引百骑为先锋，驰而南。于是赵、巨鹿、广平、河间并斩伪刺史，传首常山。杲卿兄弟兵大振。禄山闻兵兴，使史思明等率兵攻常山。兵少，未及为守计，六日而陷，与履谦同执。贼胁使降，不应。取少子季明刃颈上曰：“降我，当活尔子。”杲卿不答，遂并卢逖杀之。杲卿至洛阳，禄山怒曰：“吾擢尔太守，何所负而反？”杲卿瞋目曰：“汝牧羊羯奴耳，天子负汝何事而反？我唐臣，守忠义，恨不斩尔以谢上。”禄山忿，节解以肉啖之，詈不绝。贼钩断其舌，曰：“复能詈否？”杲卿舍胡而绝。履谦断手足，贼脔之。杲卿宗子近属皆被害。乾元初，赠太子太保，谥曰“忠节”。建中中，又赠司徒。泉明购尸，葬长安凤栖原。

泉明有孝节，常山陷，客寿阳。真卿为蒲州刺史，令泉明到河北求宗属。始，一女及姑女并流离贼中，悉钱赎姑女还，取货复往，则己女复失之。履谦及父故将妻子尚三百余人，泉明悉力(胆)[贍]给。殡父，与履谦分柩，护还长安。履谦妻疑敛具俭狭，发视之，与杲卿等，乃号踊，待泉明如父。肃宗拜泉明郾令，政



化清明。迁(潮)[彭]<sup>①</sup>州司马。居官廉，飭鬻不给。居母丧，哀毁骨立。

春卿，倜傥，通当世务。举明经，终偃师丞。

沈盈者，亦杲卿甥，有行义。释褐博野尉，与杲卿同死难。

**颜真卿** 《唐书》：字清臣，秘书监师古五世孙。按：师古本贯琅琊，后徙长安。开元中举进士，又擢制科，调(泮)[醴]泉尉，迁监察御史，使河、陇。时五原有冤狱，天且旱，真卿辨狱而雨，郡人呼“御史雨”。再转武部员外，出为平原太守。安禄山逆状芽蘖，真卿度必反，阳托霖雨，增陴浚隍，料才壮，储廩廩。日与宾客泛舟饮酒，以纾禄山之疑。果以为书生，不虞也。禄山反，河朔尽陷，独平原城守具备，使参军李平驰奏。(元)[玄]宗始闻乱，叹曰：“河北二十四郡，无一忠臣耶？”及平至，帝大喜，曰：“朕不识真卿何如人，所为乃若此！”时从父兄杲卿为常山太守，斩贼将李钦凑等，清土门。十七郡同日自归，推真卿为盟主，兵二十余万，绝燕、赵。诏拜户部侍郎，佐李光弼讨贼。肃宗即位灵武，真卿数遣使以蜡丸(里)[裹]书陈事。拜工部尚书、御史大夫。禄山乘虚遣尹子奇急攻河北，真卿谋于众曰：“贼锐甚，不可抗。若委命辱国，非计也。不(知)[如]径奔行在，朝廷若诛败军罪，吾死不恨。”至德元载，弃郡至凤翔谒帝，授宪部尚书、御史大夫。方朝廷草昧不暇给，而真卿绳治如(乎)[平]<sup>②</sup>日，百官肃然。俄以检校刑部尚书为朔方行营宣慰使，未行，留知省事，封鲁郡公。时元载多引私党，畏群臣论奏，乃给帝曰：“群臣奏事，多挟谗毁。请每论事，先白长官，长官白宰相，详可否以闻。”真卿上疏曰：“诸司长官者，达官也，皆得专达于天子。郎官、御史，陛下腹心耳目之臣也，故出使天下，事无细大得失，皆俾访察，还以闻。此古明四目、达四聪也。今陛下欲自屏耳目，使不聪明，

① 以上据《新唐书·颜杲卿传》改。

② 以上据《新唐书·颜真卿传》改。



则天下何望焉？”载以为诽谤，贬峡州别驾。载诛，杨綰荐之，擢刑部尚书，改吏部。杨炎当国，以直不容。及卢杞，益不喜，改太子太师。李希烈陷汝州，杞保真卿“四方所信，若往谕之，可不劳师而定”。诏可。李勉以为失一元老，貽朝廷羞，密表固留。至河南，河南尹郑叔则以希烈反状明，劝不行，答曰：“君命可避乎？”既见希烈，宣诏旨，希烈养子千余拔刀争进，真卿色不变。希烈以身捍，麾其众退，乃就馆。逼使上书雪己，真卿不从。希烈大会其党，召真卿。时朱滔、王武俊、李纳使者皆在坐，谓希烈曰：“闻太师名德久矣，公欲建大号而太师至，求宰相孰先太师者？”真卿叱曰：“若等闻颜常山否？吾兄也。禄山反，首举义师，虽被执，诟贼不绝于口。吾年且八十，官太师，吾守吾节，死而后已，岂受若等胁耶！”诸贼失色。会其党周曾、康秀林等谋袭希烈，奉真卿为帅。事泄，曾死，乃拘送真卿蔡州。希烈僭称帝，使问仪式，对曰：“老夫耄矣，曾掌国礼，所记诸侯朝觐耳！”兴元后，王师复振，贼虑变，使阉奴等害真卿，曰：“有诏。”真卿再拜，奴曰：“赐卿死。”曰：“老臣无状，罪当死，使人何日长安来？”奴曰：“从大梁来。”骂曰：“乃贼耳，何诏云！”遂缢杀之，年七十六。淮、蔡平，子颙、硕护丧还，帝废朝五日，谥“文忠”。

真卿立朝正色，刚而有礼，非公言直道，不萌于心。天下不以姓名称，而独曰“鲁公”。善正、草书，笔力遒婉，世宝传之。贞元六年，授颙五品官。开成初，又以曾孙（宏）[弘]式为同州参军。

**贾 循** 《唐书》：华原人，苏頲尝谓今颇、牧。为益州，表署列将。败吐蕃于西山，三迁静塞军营田使。母亡将葬，宅有枯桑，一夕再生，芝出北墉，人以为瑞。（元）[玄]宗以循有功，诏赠其父常山太守。禄山反，使循守幽州，故杲卿招之，以倾贼巢穴，循许可。为向润客等发其谋，贼缢之。建中二年，赠太尉，谥曰“忠”。

从子隐林，为永平兵马使。当入卫，属朱泚难，率众扈行在。

德宗见隐林，伟其貌，问家世，答曰：“故范阳节度副使循，臣从父也。”帝异之，令纠察行在，迁检校右散骑常侍，封武威郡王。贼围急，隐林冒矢石死战。已而围解，群臣称庆。卒，赠尚书左仆射。

**庞 坚** 《唐书》：涇阳人，历颍川太守。安禄山反，南阳节度使鲁炅表坚为长史兼防御副使，以薛愿为颍川太守，共守颍川。贼将阿史那承庆悉锐攻之，愿、坚昼夜战，诸郡兵无援者，自正月尽十一月。贼设木鹅、冲车、飞梯薄城，矢如雨，士皆雷噪，夜半逾城入，二人不肯降。贼（绋）[缚]<sup>①</sup>致东京，将磔解之，有说禄山者曰：“义士也，彼为其主，杀之不详。”乃缚于树。比且死，见者哭之。

**李嗣业** 《唐书》：高陵人。开元中，从安西都护来曜讨十姓苏禄，累功署昭武校尉。后安西军中初用陌刀，而嗣业尤善，所向摧北。高仙芝讨勃律，署嗣业为陌刀将。时吐蕃兵十万，据山濒水，以扼王师。嗣业提步卒升山，殒石四面击贼。溃，鼓而驱至勃律，禽其主，授右武卫将军。从平石国，以跳荡先锋加特进。诸胡连兵攻四镇，仙芝为大食所败，嗣业驰守白石岭。会拔汗那还兵塞道，嗣业手挺麈尾，人马毙仆者数十百，虏骇走，仙芝乃得还。进右金吾大将军、疏勒镇使。安禄山反，肃宗诏至，即引道。广平王收长安，嗣业统前军，贼酋李归仁拥精骑薄战，王师乱不能阵。嗣业袒持长刀，杀数十人，阵复整。步卒以陌刀、长柯斧堵进，所向无前，斩首六万级，遂平长安，进收东都。封虢国公，兼北庭[行营]<sup>②</sup>节度使。与子仪等围相州，师毫，诸将无功，独嗣业被坚数奋，为诸军冠。中流矢，卧帐中。方愈，忽闻金鼓，知与贼战，大呼，创溃，流血数升，卒，谥“忠勇”。嗣业忠毅忧国，不计居产，前后赏赐，皆以助军。

① 据《新唐书·庞坚传》改。

② 据《新唐书·李嗣业传》补。

**程千里** 《唐书》：万年人，长七尺，魁岸有力。应募碛西，累官安西副都护。天宝末，安禄山反，诏募兵河东，即拜节度副使、云中太守，迁上党长史。至德二载，贼将蔡希德围上党，千里恃勇开门，率百骑欲直擒希德，几得而救至，乃退。会桥坏，马颠，为贼执。仰首敕诸骑使还，曰：“为我报诸将，可失帅，不可失城。”军中皆泣下。贼还，囚千里至东都。

**韩 浩** 《唐书》：休子，万年主簿。弟洪，为华州刺史<sup>①</sup>。洪弟浑，大理司直。安禄山盗京师，皆陷贼。贼逼以官，将走行在，浩、洪、浑及洪四子复为贼擒，杀之。洪善与人交，有节义，（籍）[藉]<sup>②</sup>甚于时，见者为流涕。肃宗以臣子能死难，诏赠浩吏部郎中，洪太常卿，浑太常少卿。

**李之芳** 《旧唐书·蒋王恽传》：蔡国公煌孙。幼有令誉，开元末，为驾部员外郎。天宝十三载，安禄山奏为范阳司马。禄山起逆，自拔归西京，授右司郎中，历太子右庶子。广德元年，吐蕃犯边，遣之芳兼御史大夫使吐蕃，被留二年而归。除礼部尚书，寻改太子宾客。

**杜希望** 《唐书·杜佑传》：佑父，万年人。重然诺，所交游皆一时俊杰。为安陆令<sup>③</sup>，都督宋庆礼表其异政。开元中，署灵州别驾、关内道度支判官。自代州都督召还。属吐蕃攻勃律，[勃律]乞归。李林甫方领陇西节度，拜希望鄯州都督，知留后。驰传度陇，破乌莽众，斩千余级，进拔新城。擢鸿胪卿。置镇西军，希望引师部分塞下，吐蕃惧，遗书求和。希望报曰：“受和非臣下所得专。”虏悉众争（坛）[檀]泉，希望大小战数十，俘其（太）[大]<sup>④</sup>酋，至莫门，焚积蓄，卒城而还。时军屡兴，府库虚寡，希望居

① 刺史：《新唐书·韩休传》作“长史”。

② 据《新唐书·韩休传》改。

③ 安陆令：《新唐书·杜佑传》作“安陵令”。

④ 以上据《新唐书·杜佑传》补、改。

数岁，刍粟金帛丰余。希望爱重文学，门下所引如崔颢等，皆名重当时。

**李元纁** 《唐书》：字大纲，其先滑州人，后占京兆万年。曾祖粲，仕隋为金吾卫大将军<sup>①</sup>，善抚循，能得士心。高祖入关，以众归。后为左监门大将军，谥曰“明”。祖宽，为太常卿、陇西公。父道广，为汴州刺史，有善政。突厥、契丹寇河北，议发河南兵击之，百姓震扰，道广悉心抚定，人无离散。迁殿中监、同[凤阁鸾台]平章事。卒，谥曰“成”。

元纁早修谨，仕为雍州司户[参军]。时太平公主势震天下，尝与民竞碾硃，元纁还之民。长(吏)[史]<sup>②</sup>窦怀贞大惊，趣改之，元纁大书<sup>③</sup>判后曰：“南山可移，判不可摇也。”改好畤令，迁润州司马，以办治得名。开元初，为万年令，赋役称平，擢京兆少尹，三迁吏部侍郎，遂拜中书侍郎、[同中书]门下平章事。元纁当国，务峻(崖)[涯]<sup>④</sup>检，抑奔竞，夸进者惮之。是时，废京师职田，议者欲置屯田。元纁曰：“军国不同，内外<sup>⑤</sup>异制，若人闲无役，弃地<sup>⑥</sup>不垦，以闲手耕弃地，省馈运，实军粮，屯田为益尚矣。今百官[所废]<sup>⑦</sup>职田不一县，百姓私田皆自耕，若置屯，即当公私相易，调发丁夫。调役则业弃<sup>⑧</sup>于家，免庸则赋阙于国，恐得不补失，徒为烦费。”遂止。致仕，卒，谥曰“文忠”。

**李峴** 《唐书》：吴王恪孙也，长吏治。天宝时，累迁京兆尹。(元)[玄]宗岁幸温汤，峴独无所献，帝异之。杨国忠使客撻

① 金吾卫大将军：《新唐书·李元纁传》作“屯卫大将军”。

② 以上据《新唐书·李元纁传》补、改。

③ 书：《新唐书·李元纁传》作“署”。

④ 以上据《新唐书·李元纁传》补、改。

⑤ 内外：《新唐书·李元纁传》作“中外”。

⑥ 弃地：《新唐书·李元纁传》作“地弃”。

⑦ 据《新唐书·李元纁传》补。

⑧ 弃：《新唐书·李元纁传》作“废”。



安禄山阴事，讽京兆捕其第，得禄山反状。禄山怒，上书自言，帝惧变，出岷为零陵太守。岷为政得人心，时京师米贵，百姓相与谣曰：“欲粟贱，追李岷。”寻徙长沙。至德初，拜扶风太守，兼御史大夫。明年，擢京兆尹，封梁国公。乾元二年，以中书侍郎、同中书门下平章事。于是吕諲、李揆、第五琦同辅政，岷位望最旧，事多独决，諲等不平。李辅国用权，制诏不出中书，百司莫敢覆。岷顿首帝前，极言其恶，帝悟，稍加检制，辅国由是深衔岷。出为蜀州刺史。代宗立，拜门下侍郎、同中书门下平章事。故事，政事堂不接客。自元载为相，中人传诏者置榻待之。岷至，即敕吏撤榻。又奏常参官举才任谏官、宪官者无限员。不逾月，罢为太子詹事，改检校兵部尚书。卒年五十八。

岷兄峘、峰。峘、岷同时为御史大夫，俱判台事，又合制封公。峰为户部侍郎、银青光禄大夫。同居长兴里第，门列三戟。

**权怀恩** 《唐书·权万纪传》：万纪族孙，万年人。祖（宏）[弘]寿，佐高祖平京师，擢太仆卿。怀恩以荫累迁尚乘奉御。驭人安毕罗为高（作）[宗]<sup>①</sup>所宠，见帝，戏慢不恭，怀恩奏事，适见之，退杖四十。帝叹赏曰：“良吏也！”擢万年令。赏罚明，见恶辄取。时语曰：“宁饮三斗尘，无逢权怀恩。”更庆、莱、卫、邢、宋五州刺史，洛州长史。所居威名赫然，吏重足立。迁益州大都督府长史，卒。

**韩思复** 《唐书》：字绍出，长安人。少孤，年十岁，母为语父亡状，感咽几绝。祖伦特爱之。举秀才高第，调梁府仓曹[参]<sup>②</sup>军。会大旱，辄开仓赈民，州劾责，对曰：“人穷则乱，不如因而活之，无趣为盗贼。”州不能诘。转汴州司户，仁恕，不行鞭罚。迁滁州刺史，州有铜官，人铲凿尤苦。思复为贾他鄙，费省获多。有黄芝五生州署，民为刻颂。徙襄州。入拜给事中，开元初，复

① 据《新唐书·权万纪传附权怀恩传》改。

② 据《新唐书·韩思复传》补。



为襄州刺史，治行名天下。卒，谥曰“文”。

子朝宗，初历左拾遗。睿宗诏作乞寒胡戏，谏曰：“乞寒胡，非古不法。又道路藉藉，咸言皇太子微服观之。白龙鱼服，可深畏也。”帝称善，特赐中上考。开元二十二年，以襄州刺史兼山南东道。襄州南楚故城有昭王井，传言汲者死，行人虽渴困，不敢视。朝宗移书谕神，自是饮者亡恙，人更号“韩公井”。天宝初，召为京兆尹，出为高平太守，贬吴兴别驾，卒。

朝宗孙欽，字相之，性清简。元和初，第进士，为殿中侍御史。累迁桂管观察使，部二十余州，自参军至县令无虑三百员，吏部所补才十一，余皆观察使商才补职。欽下车，会春服使至，乡有豪猾厚贿使者，求为县令。使者请欽，欽许之。既去，召乡豪责以挠法，笞其背，自是豪右畏戢。时诏置五管监兵，尽境赋不足充其费，欽处以俭约，遂为定制。

**宇文融** 《唐书》：万年人。祖节，明法令，谨干自将。永徽初，迁黄门侍郎、同中书门下三品。融明辩，长于吏治。开元初，由监察御史擢兵部员外郎，兼侍御史。奏慕容琦等二十九人为劝农判官，假御史，分按州县，括正丘亩，招徕户口。于是诸道收没户八十万，田亦称是。岁终，羨钱数百万缗。帝悦，拜御史中丞。融乃自请驰传行天下，事无巨细，先上劝农使，而后上台省，台省须其意，乃行下。融所过，宣天子恩旨，百姓至有感涕者。使还言状，帝乃下诏：“以客赋所在，并建常平仓，益贮九谷，权发敛；官司劝作农社，使贫富相恤。凡农月，州县（当）[常]务一切罢省，使趋刈获。流亡新归，十道各分官属存抚，使遂厥功。复业已定，州县季一申牒，不须挟名。”出为魏州刺史。河北大水，诏领宣抚使，俄兼检校汴州刺史，入为鸿胪卿。明年，进黄门侍郎、同[中书门下]平章事。司农发融在汴给隐官息钱巨万，诏流于岩州，道卒。

子审，融之贬也，审与兄弟侍母京师。及闻融再贬，徒步号泣省父。后擢进士第，累迁大理评事。以夏楚大小无制，始创杖

架，以高庳度杖长短。又铸铜为规，齐其巨细。杨国忠专政，杀岭南[流]人，畏议者嫉其酷，乃以审为[岭南]<sup>①</sup>监决处置等使，活者甚众。终和、永二州刺史。

**李尚隐** 《唐书》：其先出赵郡，徙贯万年。举明经，调下邳主簿。神龙中，擢左台监察御史。崔湜、郑（暗）[愔]典[吏]<sup>②</sup>部选，附势幸，铨拟不平，尚隐劾其罪，湜等皆斥去。睦州刺史冯昭泰性鸷刻，人惮其强，尝诬系桐庐令李师旦二百余家为妖蛊，有诏御史覆验，皆称病不肯往。尚隐请行，果雪其冤。进御史中丞。御史王旭招权，稍不制，仇家告其罪，尚隐穷治，具得奸赃，无假借，遂抵罪。迁河南尹。尚隐性刚亮，论议皆披心示诚，处事分明，御下不苛。尤详练故实，前后制令，诵记无遗。以太子宾客卒，谥曰“贞”。

**李襦** 《唐书·宗室世系表》：吴王恪孙，封毕国公。

**李珣** 初名澄。《唐书·十一宗诸子传》：（元）[玄]宗子。《（元）[玄]宗纪》：开元二十一年封丰王。

**韦坚** 《唐书》：字子全，京兆万年人。姊为惠宣太子妃，妹为皇太子妃，中表贵盛，故仕最早。由秘书丞历奉先、长安令，有干名。见宇文融、杨慎矜父子以聚敛进，乃运江淮租赋，所在置吏督察，以佐国禀，岁终增巨万。擢陕郡太守、水陆运使。坚乃壅渭为堰，绝灞、浐而东，注永丰仓下，复与渭合。初，浐水街苑左有望春楼，坚于下凿为潭以通漕，二年而成。帝为升楼，诏群臣临观。[坚]豫取洛、汴、宋山东小斛舟三百（首）[并]贮之潭，篙工、舵师皆为吴、楚服，每舟署某郡，以所产陈其上。坚跪取诸郡轻货上于帝，惠宣妃亦出宝物供具。帝大悦，名潭曰“广运”。坚进兼江淮租庸、转运、处置等使，又兼御史中丞，封韦城县男。坚妻，姜皎女，李林甫舅子也。初甚昵比，既见宠，恶之。

① 以上据《新唐书·宇文融传》改、补。

② 以上据《新唐书·李尚隐传》改、补。

坚亦锐于进，又与左相李适之善，林甫授坚刑部尚书，夺诸使，以杨慎矜代之。坚失职，稍怨望。陇右、河西节度使皇甫惟明数于帝前[短林甫]<sup>①</sup>、称坚才，林甫知之。惟明故为忠王友，王时为皇太子矣。正月望夜，惟明与坚宴集，林甫奏坚外戚与边将私，且谋立太子。有诏讯鞫，林甫使慎矜等文致其狱。帝贬坚缙云太守，籍其家。坚诸弟诉枉，帝大怒。太子惧，表与妃绝。复贬坚江夏别驾。未几，长流临封郡。弟兰、冰、芝，子谅，皆谪去。岁中，遣监察御史罗希奭就杀之。

**王 璵** 《唐书》：方庆六世孙，咸阳人。少为《礼》家学。(元)[玄]宗在位久，推崇老子道，好神仙事，广修祠祭，靡神不祈。璵上言，请筑坛东郊祀青帝，天子入其言，擢为祠祭使。璵专以祠解中帝意，有所襁褓，大抵类巫覡。汉以来葬丧皆有瘞钱，后世里俗稍以纸寓钱为鬼事，至是璵乃用之。肃宗立，累迁太常卿，又以祠祷见宠。乾元三年，拜同平章事。乃奏置太一坛，劝帝身见九宫祠。帝尝不豫，太卜建言崇在山川。璵遣女巫乘传分祷天下名山大川，巫皆盛服，中人护领，所至干托州县，赂遗狼籍。卒，赠开府仪同三司。

**田伯明** 《册府元龟》：泾阳人。少孤，伯母刘抚育伯明，恩义甚笃。刘以寿终，伯明庐于墓侧，负土成坟，斋居菜食。

**周智寿** 《旧唐书》：同官人。其父永徽初被族人安吉所害，智寿及弟智爽乃候安吉于途，击杀之。兄弟相率归罪于县，争为首谋，官司经数年不能决。乡人或证智爽先谋，竟伏诛。临刑，神色自若，顾谓市人曰：“父仇已报，死亦何恨。”智寿顿绝衢路，流血遍体，收智爽尸，舔取智爽血，食之皆尽。见者伤焉。

**李 泌** 《唐书》：字长源，魏柱国弼六世孙，徙居京兆。七岁知为文。(元)[玄]宗至，使赋“方圆动静”，曰：“方若行义，圆若用智，动若骋材，静若得意。”帝悦。天宝中，供奉东

① 以上据《新唐书·韦坚传》改、补。

宫，太子遇之厚。肃宗即位灵武，泌谒见，拜元帅广平王行军司马。因从容问破贼期，对曰：“陛下无欲速。王者之师，当务万全，图久安，使无后害。今诏李光弼守太原，出井陘，郭子仪取冯翊，入河东，则史思明、张忠志不敢离范阳、常山，安守忠、田乾真不敢离长安。随禄山者，独阿史那承庆耳。贼北守范阳，西救长安，奔命数千里，精卒劲骑，不逾年而弊。我以所征兵会扶风，与太原、朔方军互击之。徐命建宁王为范阳节度大使，北并塞与光弼犄角，以取范阳。贼失巢窟，当死河南诸将手。”会西方兵大集，欲速得长安，不听。二京平，帝奉迎上皇，请自归东宫遂子道。泌曰：“上皇不来矣。”乃为群臣通奏，具言天子思恋晨昏，请还就孝养。再奏至，上皇喜，遂戒行。崔圆、李辅国疾之，泌畏祸，隐衡山。德宗在奉天，召赴行在。贞元三年，拜同平章事，封邳县侯。太子妃母，郾国公主也，坐蛊媚，幽禁中。帝怒，责太子。泌入，帝数称舒王贤，泌揣帝有废立意，因曰：“陛下有一子而疑之，乃欲立弟之子，臣不敢以古事争。昔太宗诏：‘太子不道，藩王窥伺者，两废之。’陛下疑东宫而称舒王[贤]<sup>①</sup>，得无窥伺乎？”执争数十，帝悟，太子乃安。帝尝言：“卢杞清介敢言，人皆指其奸，朕不觉也。”对曰：“陛下能觉杞之恶，安致建中祸耶？”帝曰：“卿知桑道茂语乎？建中祸乃命当然。”泌曰：“君<sup>②</sup>相造命，不当言命。”加集贤殿大学士，修国史。卒。泌事四君，数为权幸所嫉，常以智免。好纵横大言，时时说议，悟人主。柳玭称：两京复，泌谋居多，其功大于鲁连、范蠡云。

子繁，少才警，为太常博士，累迁（宏）[弘]文馆学士，出为亳州刺史。州有剧贼为患，繁以机略悉捕斩之。议者责繁不先启观察府，诏按之，赐死。京兆人皆冤之。繁下狱，知且死，恐先

① 据《新唐书·李泌传》补。

② 君：《新唐书·李泌传》作“主”。



人功业泯灭，从吏求纸、笔，著家传十篇，传于世。

**李勉** 《旧唐书》：字（元）[玄]卿，郑王元懿曾孙。幼勤经史，长而雅峻，累授开封尉。至德初，至灵武，拜监察御史。属朝廷右武，大将管崇嗣于行在朝堂背阙而坐，勉劾之，肃宗曰：“吾有李勉，始知朝廷尊也。”累迁山南西道观察使。故吏前密县尉王晬勤干，俾摄南郑令。俄为权倖所诬，勉飞表上闻，遂获宥。历江西观察使。贼帅陈庄陷江西州县，勉悉平之。部人有父病，以盂道为木偶人，署勉名姓，瘞于陇。或以告，曰：“为父禳灾，亦可矜也。”舍之。大历二年，拜京兆尹、兼御史大夫，政尚简肃。宦官鱼朝恩为观军容使，仍知国子监事。前尹黎幹写心求媚，每朝恩入监，具数百人饩以待之。及勉莅职，府吏先期有请，勉曰：“军容使判国子监事，勉候太学，军容宜厚具主礼。勉忝京尹，军容倘惠顾府廷，岂敢不具蔬饌。”朝恩闻而衔之，不复至。四年，除广州刺史，兼岭南节度观察使。番禺贼帅冯崇道、桂州叛将朱济时等为乱，陷没十余州。勉讨斩之，五岭平。在官累年，器用车服无增饰。及代归，悉搜家人所贮犀、象诸物投江中，耆老以为可继宋璟、卢奂。十年，拜工部尚书。滑亳永平军节度使<sup>①</sup>。李忠臣镇汴州，为麾下所逐，诏勉移汴州。建中四年，李希烈寇汴州，勉城守累月，救援莫至，遂溃围，南奔宋州。诏以司徒平章事征。既至，优诏复其位。他日，上谓勉曰：“人言卢（妃）[杞]<sup>②</sup>奸邪，朕何不知？”对曰：“天下皆知，独陛下不知，所以为奸邪也。”时人多其正直，然自是见疏。贞元四年卒，赠赙有差。勉好古尚奇，清廉简易，为宗臣之表。

子约，兵部员外郎。

<sup>①</sup> 此处《旧唐书·李勉传》作“及滑亳永平军节度使令狐彰卒，遗表举勉自代，因除之”。

<sup>②</sup> 据《旧唐书·李勉传》改。



**李抱玉** 《唐书》：本安兴贵孙<sup>①</sup>，世居河西。为人沉毅有谋，尤忠谨。禄山乱，守南阳，斩贼使。至德二载，上言：“耻与逆臣同姓<sup>②</sup>。”诏赐姓，徙籍京兆。擢陈郑颖亳节度使。史思明已破东都，自谓无前。李光弼壁河阳拒之，使抱玉守南城。贼急攻，抱玉纵奇兵，表里俘杀甚众，贼乃舍去。封栾城县公。代宗立，徙凉国公，进司徒。吐蕃入寇，帝次陕，群盗遍南山五谷间。诏抱玉讨贼，不阅旬，五谷平。诏抱玉权凤翔、陇右节度使。久之，加山南[西]<sup>③</sup>道副元帅、节度使，屯盩厔。抱玉在镇，禁暴安人，为将臣之良。卒，谥曰“昭武”。

从父弟抱真，沉虑而断。抱玉属以军事，授汾州别驾。仆固怀恩反，陷焉，挺身归京师。迁陈郑泽潞[节度]<sup>④</sup>留后。德宗嗣位，领昭义节度使。田悦反，围邢、洺<sup>⑤</sup>，诏抱真救之，败悦于双冈，又破之临洺。进围魏，悦大败。会朱滔、王武俊救悦，抱真退保魏。兴元初，进义阳郡王。朱滔围贝州，抱真遣客说武俊，武俊犹豫，抱真自造其壁，约为昆弟。旦日合战，大破滔。进检校司空。贞元初，卒。子緘匿丧，其属元仲经诡抱真令，请以节付緘。天子遣使者驰入军，诏以事属大将王延贵。护緘赴东都，赠抱真太保。

**仆固怀恩** 《唐书》：铁勒部人，封丰国公。《册府元龟》：至德二年十二月封。

**第五琦** 《唐书》：字禹珪，长安人。少以吏干进，颇能言强国富民术。贺兰进明才之，奏为录事参军。肃宗驻彭原，进明遣琦奏事。帝悦，拜监察御史、勾当江淮租庸使，迁诸道盐铁铸钱使。当军兴，随事趣办，人不益赋而用以饶。乾元二年，进同平

① 安兴贵孙：《新唐书·李抱玉传》作“安兴贵曾孙”。

② 同姓：《新唐书·李抱玉传》作“共宗”。

③ 据《新唐书·李抱玉传》补。

④ 据《新唐书·李抱玉传附李抱真传》补。

⑤ 围邢、洺：《新唐书·李抱玉传附李抱真传》作“围邢及临洺”。

章事。贬忠州长史。宝应初，起为朗州刺史，有异政，拜太子宾客，改京兆尹，加判度支、铸钱、盐铁、转运、常平等使。坐与鱼朝恩善，贬括州刺史。德宗素闻其才，将复用，会卒。

《旧唐书》：子峰，以孝著，旌表其门。

**令狐彰** 《旧唐书》：富平人。父湋，天宝中，尉范阳，彰遂少长范阳。倜傥有胆气，涉猎书传，知大义。事安禄山、史思明，伪署博、滑刺史，镇滑台。彰乃潜谋归顺，募勇士善水者乘夜涉河，表请以所管贼一将兵马及州县归顺，肃宗赐书慰劳。时彰移镇杏园渡，遂为思明所疑，遣所亲薛岌围攻之。彰明示三军，晓以逆顺，众心感附。与贼战，破之，遂以麾下入朝，拜御史中丞，兼滑州刺史，镇滑州。在职数年，田畴大辟，库藏充积，岁奉王税及修贡献未尝暂阙。时吐蕃犯边，征兵防秋。彰遣属吏部统营伍，自滑至京师，率自赍粮，所过供拟，皆让不受，识者称之。

子建，大历四年入朝，特加兼御史中丞，归滑州。彰卒，三军逼夺情，建守死不从，举家归京师。转右龙虎军使。德宗出幸奉天，建方教射军中，遂以四百人随驾为后殿。加检校左散骑常侍。

**常衮** 《唐书》：京兆人，天宝末及进士第。性狷洁，不妄交游。由太子正字，累为中书舍人。文采赡蔚，誉重一时。鱼朝恩判国子监，衮奏：“成均之任，当用名儒，不宜以宦者领职。”又天子诞日，诸道争以侈丽奉献，不则为老子、浮屠解祷事。衮以为：“诸道馈献，类出于民，是敛怨以媚上也，请皆还之。诸祠寺写经造像，焚币埋玉，以巨万计。若以易刍粟，减贫民之赋，福岂有量哉！”代宗嘉纳，迁礼部侍郎。元载死，拜门下侍郎、同平章事。德宗即位，贬潮州刺史。建中初，起为福建观察使。始，闽人未知学，衮至，设乡校，亲加讲导，由是俗一变，岁贡士与内州等。卒于官。后闽人春秋祀衮于学宫云。

**辛云京** 《唐书》：金城人，客籍京兆，世为将家。云京有胆决，积功迁特进、太常卿。史思明屯相州，云京以锐兵四千袭滏

阳，追破其众。授开府仪同三司，加代州都督、镇北兵马使，授太原尹，封金城郡王。云京治谨于法，下有犯，虽丝毫不贷，及赏功亦如之，故军中畏而信。回纥恃旧勋，每入朝，所在暴钞。至太原，畏不敢惕息。数年，太原大治。加检校尚书右仆射、同平章事。大历三年，检校左仆射。卒，谥“忠献”。

从弟京杲。信安王（祎）[祎]<sup>①</sup>节度朔方，京杲与弟旻以策干，祎评咨加异。后从李光弼出井陘，督趲荡先驱，战嘉山尤力，肃宗异之，召见曰：“黥、彭、关、张之流乎！”累迁鸿胪卿。代宗立，封庸国公<sup>②</sup>，迁左金吾卫大将军，进晋昌郡王。历湖南观察使，后为工部尚书，致仕。朱泚盗京师，以老病不能从，西向恸而卒，赠太子少保。旻亦从光弼定恒、赵，后署太原三城使。史思明屯相，军及滏阳，旻逆击走之。东都陷，退守河阳，卒于屯。

**路嗣恭** 《唐书》：字懿范，三原人。为萧关令，连徙神乌、姑臧二县，考绩为天下最。转渭南令，主杜化、东阳二驿。时关畿用兵，使人系道，嗣恭储具有素，而民不扰。后为郭子仪朔方节度留后，大将孙守亮骄蹇不受制，嗣恭因称疾，守亮至，即杀之，一军皆震。永泰三年，检校刑部尚书，知省事。出为江西观察使，以善治赋称。大历八年，岭南将哥舒晃杀节度使，五岭大扰。诏嗣恭兼岭南节度使。嗣恭募勇敢士八千人，由间道出不意，斩晃及支党万余。俚峒魁宿为恶者，皆族夷之。拜东都留守，卒。

子应、恕。应，字从众，以荫为著作郎，累迁宣歙观察使。李锜反，应发乡兵救湖、常二州，锜不能拔。元和六年，授左散骑常侍，卒，谥曰“靖”。恕，字体仁。从嗣恭讨哥舒晃，贼平，恕功多，累迁鄜坊、宣歙观察使。以右散骑常侍致仕。

**崔祐甫** 《唐书》：字贻孙，长安人，太子宾客沔之子也。世以礼法为闻家。第进士，累迁中书舍人。性刚直，遇事不回。时

① 据《新唐书·辛云京传附辛京杲传》改。

② 庸国公：《新唐书·辛云京传附辛京杲传》作“肃国公”。

侍郎阙，祐甫摄省事，数与宰相常袞争议不平。代宗崩，袞与礼官议遗诏曰：“吏民三日释服，群臣宜服二十七日乃除。”祐甫曰：“遗诏无臣、庶之别，不可改。”袞怒，劾祐甫率情变礼，请贬潮州刺史，改河南少尹。时郭子仪、朱泚俱言祐甫不宜贬。帝怒袞罔上<sup>①</sup>，拜祐甫[门下侍郎]、同[中书门下]平章事。自至德以来，官赏缪紊。永泰后，元载用事，非贿谢不与官，纲纪大坏。袞惩其敝，凡奏请一杜绝之，然无所甄异，贤愚同滞。祐甫不自疑畏，推至公以行，未逾年，除吏几八百员，莫不谐允。神策军使王驾鹤者，典[卫]兵久，[权]<sup>②</sup>震中外，帝将代之，惧其变，以问祐甫，祐甫曰：“是无足虑。”即召驾鹤留语移时，而代者已入军中矣。淄青李正己畏帝威断，表献钱三十万缗，以观朝廷。帝意其诈，未答。祐甫曰：“正己诚诈，陛下不如因遣使劳军，以所献就赐将士。若正己奉诏，是陛下恩洽士心；若不用，彼自敛怨，军且乱。又使诸藩不以朝廷为重贿。”帝曰：“善。”正己惭服。时议者谓可复贞观、开元之治。被疾，薨，赠太傅，谥“文贞”。

子(直)[植]<sup>③</sup>，字公修，通经史，于《易》尤邃。与郑覃同时为补阙，每朝廷有得失，两人更疏论执，誉望蔚然。元和中，为给事中。时皇甫镈判度支，建言减百官俸廩，植封还诏书。镈又请天下所纳盐酒利增估者，以新准旧，一切追偿。植奏：“百姓凋罄，不可复收。”议者咸罪镈，镈惧而止。长庆初，拜中书侍郎、同平章事，罢为刑部尚书，终华州刺史。

[祐甫]<sup>④</sup>从子倭，字德长。性介洁，以苏州刺史奏课第一，迁湖南观察使。湖南旧法，贸易不出境，邻郡灾荒不恤也。倭至，削其禁，自是商贾流通。入为户部侍郎，判度支。

① 帝怒袞罔上：《新唐书·崔祐甫传》作“帝怒，以袞为罔上”。

② 以上据《新唐书·崔祐甫传》补。

③ 据《新唐书·崔祐甫传附崔植传》改。

④ 据《新唐书·崔祐甫传附崔倭传》补。



**柳子华** 《唐书》：华原人，公绰诸父。始辟严武剑南府，累迁池州刺史。代宗将幸华清，先命完葺，以子华为昭应令、检校金部郎中、修宫使。设棘围于市，徇邑中曰：“民有得华清宫瓦石材用，投围中，逾三日不还者死。”不终日，已山积，营办略足。宰相元载有别墅，以奴主务，自称郎将，怙势纵暴，租赋未尝入官。子华因奴入谒，收付狱，杖杀之，一邑震伏，载不敢怨。

子公度，善摄生，年八十有余，有强力。

**萧定** 《唐书·萧瑀传》：字梅臣，瑀曾孙。以荫起家陝州参军事、金城丞。莅事清挺，选补黜陟使裴遵庆表为判官，还调万年主簿。历左右司郎中。为元载所恶，外迁袁、润等六州刺史。大历中，有司差天下刺史治最，定与常州萧复、濠州张镒为第一，右迁户部侍郎、太常卿。朱泚反，诡姓名为张诞，匿里中，不浼于贼。事平，擢太子少师。卒。

**韦肇** 《唐书·韦贯之传》：贯之父，杜陵人。大历中，为中书舍人，累上书<sup>①</sup>言得失，为元载所恶，左迁京兆少尹。久之，改秘书少监。载曰：“肇若过我，当择善地处之。”终不肯诣。载诛，除吏部侍郎。卒，谥曰“贞”。

**韦夏卿** 《唐书》：字云客，万年人。少邃于学，善文辞。大历中，与弟正卿同举贤良方正，皆策高等。累迁刑部员外郎，授奉天令，课第一，后为吏部侍郎。时从兄执谊在翰林，受人金，有所干请，密以金纳夏卿怀中，夏卿毁怀不受，曰：“吾与尔赖先人遗德，致位及此，顾当如是哉？”执谊大惭。改太子少保。卒，谥曰“献”。夏卿为政务通理，不甚作条教。所辟士多至宰相达官，世称知人。

正卿子瓘，字茂（宏）[弘]，桂管观察使。

**奚陟** 《唐书》：字殷卿，京兆人。少笃志，通群书。大历

① 书：《新唐书·韦贯之传》作“疏”。



末，擢进士，授[弘文馆]<sup>①</sup>校书郎。居亲丧，毁瘠过礼。历迁中书舍人。江南、淮西皆大水，诏陟劳问循慰，所至人人便安。中书吏倚宰相势，陟遇之无假借。虽细务，皆身亲，久益强力，人以为难。迁刑部侍郎。京兆尹李充有美政，裴延龄诬劾充，逮系掠掠甚急。陟持平，具狱上，充免。进工部尚书。谥曰“宪”<sup>②</sup>。

**姚南仲** 《唐书》：下邳人。乾元初，擢制科，迁累右补阙。大历十年，独孤皇后崩，代宗悼痛，诏近城为陵，朝夕临望。南仲上疏曰：“臣闻葬者，藏也，欲人之不得见也。王者据高明，烛幽隐。今起陵目前，心一感伤，累日不平。陛下谥后以贞懿，而终以褻近，臣窃惑焉。”帝嘉纳。拜义成节度使。入朝，授尚书右仆射。卒，谥曰“贞”。

**董思宠** 《册府元龟》：栎阳人。大历七年，京兆府上言：“思宠五代同居，子孙凡八十余人。友爱敦睦，乡里称之。天宝末，寇盗剽掠村闾，此家独全。年遭水旱，此家独免。至于征税，每先于人。伏望旌表门闾，编诸史册。”许之。

**杜黄裳** 《唐书》：字遵素，万年人。擢进士第，郭子仪辟佐朔方府，[子仪]<sup>③</sup>入朝，使主留事。李怀光阴谋矫诏诛大将等，以动众心，欲代子仪。黄裳判其非，以质怀光，怀光伏罪。诸将难制者，黄裳皆以子仪令易置，众不敢乱。入为侍御史，为裴延龄所恶，十期不迁。贞元末，迁太常卿。婿韦执谊辅政，黄裳劝请皇太子监国，执谊曰：“公始得一官，遽开口议禁中事。”黄裳怒，拂衣出。皇太子总军国事，擢黄裳同中书门下平章事。夏绥银节度使<sup>④</sup>韩全义儉佞无功，奏罢之。刘辟叛，议者以辟险远，讨之或生事，惟黄裳固劝不赦。又奏罢中人监军，而专委高崇文。凡兵进退，黄裳自

① 据《新唐书·奚陟传》补。

② 两《唐书》均记奚陟卒于贞元十五年，年五十五，赠礼部尚书。未见有“进工部尚书。谥曰宪”之记载。

③ 据《新唐书·杜黄裳传》补。

④ 夏绥银节度使：此据《新唐书》。《旧唐书·杜黄裳传》作“邠州节度使”。

中指授，无不切于机。蜀平，群臣贺，宪宗目黄裳曰：“时卿之功。”后与宪宗语及方镇除授<sup>①</sup>。始，德宗姑息藩镇，晏年尤甚。黄裳言：“陛下宜鉴贞元之弊，整法度，损诸侯，则天下治。”帝尝问前古王者所以治乱，黄裳言：“王者之道，在修己任贤、操执纲领。”帝嘉纳之。由是平夏、翦齐、灭蔡、复两河，赫然号中兴，自黄裳启之。元和二年，以检校司空为河中节度使，俄封邠国公。卒，赠司徒，谥曰“宣献”<sup>②</sup>。黄裳权变，有王佐大略。

子载，终太仆少卿。载弟胜，字斌卿。宝历初擢进士第，拜给事中，迁户部侍郎、判度支，出为天平节度使，卒。

**杜佑** 《唐书》：字君卿，万年人，以荫补剡县丞。尝过润州，刺史韦元甫有疑狱不决，试讯佑。佑为辨处，契要无不尽，元甫奇之，署司法参军。入为工部郎中，杨炎辅政，改度支兼和余使。于是军兴馈漕，佑得专决。以户部侍郎判度支，俄迁岭南节度使。疏息厘阨，以息火灾。朱厓黎氏，三世不宾，佑讨平之。召拜尚书右丞，俄出为淮南节度使。决雷陂以广灌溉，斥海濒弃地为田，积米五十万斛，列营三十区，士马整饬，四邻畏之。拜检校司空、同平章事。德宗崩，诏摄冢宰，进检校司徒，兼度支盐铁使。始，度支啗用度，多署吏，权摄百司，繁而不纲。佑以营缮还将作，木炭归司农，漶染还少府，职务简修。明年，拜司徒，封岐国公。致仕。卒，谥曰“安简”。

**韩滉** 《唐书·韩休传》：字大冲<sup>③</sup>，休子，长安人。荫补左威卫骑曹参军。性强直，明吏事，莅南曹五年，簿最详致。再迁右丞，知吏部选，以户部侍郎判度支。德宗立，迁浙江东、西观察使，寻检校礼部尚书，为镇海军节度使。绥辑百姓，均租、

① 此句实出《旧唐书·杜黄裳传》。

② 谥曰宣献：此据《新唐书》。《旧唐书·杜黄裳传》作“谥曰宣”。

③ 字大冲：《新唐书·韩休传附韩滉传》《旧唐书·韩滉传》均作“字太冲”。韩休父即韩滉祖父名大智，韩滉字当作太冲为是。

调，不逾年，境内称治。帝在奉天，泚训士卒，分兵戍河南。既狩梁州，又献缣十万匹，请以镇兵三万助讨贼，有诏嘉劳，进检校尚书右仆射。泚闻京师未平，调发粮帛以济朝廷，当时实赖之。李晟方屯渭北，泚运米馈之，漕船临江，泚顾僚吏曰：“天子蒙尘，臣下之耻。”乃自举一囊，将佐争负之。贞元元年，加检校左仆射、同平章事、江淮转运使，封郑国公，更封晋。卒，谥曰“忠肃”。

子群、皋。群终国子司业。皋字仲闻，由云阳尉历东都留守、忠武军节度使。大抵以简俭治，所至有绩，拜吏部尚书，进左仆射。卒，谥曰“贞”。

洄，字幼深，泚弟。安禄山乱，避难江南。乾元中，授睦州别驾。德宗即位，复为谏议大夫，擢户部侍郎，判度支。洄上言：“天下铜铁，乃山泽利，当归王者，请悉隶盐铁使。”从之。复罢省胥史冗食二千人，积米长安、万年二县各数十万石，视年丰耗而发敛焉，故人不艰食。终国子祭酒。

**李夷简** 《唐书》：字易之，郑[惠]王元懿四世孙。以宗室子补郑丞。德宗幸奉天，朱泚遣使东出关至华，候吏李翼不敢问。夷简曰：“泚必反。向发邠、陇兵五千救襄城，乃贼旧部，是将追还耳。请验之。”翼驰及潼关，果得符，白于关大将骆元光，乃斩贼使，收伪符，献行在。诏拜元光华州刺史。夷简弃官去，擢进士第。迁累山南东道节度使。初，贞元时，取江西兵五百戍襄阳，仰给度支，后死亡略尽，而岁取费不置。夷简奏罢之。徙帅剑南，召为御史大夫，进门下侍郎、同中书门下平章事。久之，请老，以检校左仆射分司东都。明年卒。夷简致位显处，以直自闲。历三镇，家无产货。

夷简诸弟夷亮、夷则、夷范，皆登进士第<sup>①</sup>。

**韦皋** 《唐书》：字城武，万年人，擢监察御史。张镒节度凤翔，以侍御史知陇州行营留事。德宗狩奉天，朱泚部将牛

① 此句实出《旧唐书·李宗闵传》。

云光谋劫以臣泚。遇泚奴使皋所，以御史中丞授皋。皋伪受泚诏。明日，置酒大会，奴、云光至，伏甲尽杀之。泚复使他奴拜皋节度使，皋亦斩之，纵一人使报泚。帝闻，授皋陇州刺史，置奉义军，拜节度使，宠其功。士气益壮。又驰使吐蕃与连和，陇坻遂安。贞元初，为剑南西川节度使。初，云南蛮羁附吐蕃，皋计得云南则斩吐蕃右支，乃间使招徕之，稍稍通西南夷。又明年，云南款边求内属，绝吐蕃盟。五年，皋与蛮共破吐蕃于台登，屯栅以次降定。九年，天子城盐州，策吐蕃且来挠，诏皋出师牵之。以为检校尚书右仆射。于是西山八国酋长皆因皋请入朝，乃遣幕府崔佐时由石门趣云南，南诏复通。诏皋统押近界诸蛮、西山八国、云南安抚使，俄进同平章事。十三年，复嶺州。吐蕃扰边，皋辄破却之。赞普怒，遂北掠灵、朔，破麟州。帝诏皋深入以挠虏。十月，大破吐蕃，遂围维州。吐蕃释灵、朔兵，使论莽热率众十万来救。师伏以待，生禽莽热献诸朝。帝悦，进检校司徒兼中书令、南康郡王，制纪功碑褒赐之。顺宗立，王叔文等干政，皋上表请皇太子监国，又上笺太子，暴叔文、伾之奸，且劝进。会大臣继请，太子遂受禅。是岁卒，谥“忠武”。皋治蜀二十一年，其功烈为西南剧。善拊士。皋没，蜀人德之，见其遗像必拜。

弟平，与皋斩泚使者，间走奉天上功，擢万年尉。

**冯河清** 《唐书》：京兆人。始隶郭子仪军，以战多，拜左卫大将军。后从泾原节度[使]<sup>①</sup>马璘，充兵马使，数以偏师与吐蕃遇，多效级，名闻军中。建中时，姚令言讨关东，以河清知留后。行师过阙，有急变，德宗走奉天。河清召诸将计事，东向哭，相励以忠，众无异言，即发储铠完仗百余乘献行在，披坚勒兵，军声大振。拜河清泾原节度使、安定郡王。朱泚数遣谍人诮之，河清辄斩以徇。兴元元年，田希鉴害河清。京师平，赠河清尚书左仆

① 据《新唐书·冯河清传》补。



射，再赠太子少傅。

**韦武** 《唐书·韦挺传》：待价曾孙，万年人。少孤，年十一，补右千牛。迁长安丞。德宗幸梁州，委妻子奔行在，除殿中侍御史，转刑部员外郎。是时，帝以反正告郊庙，大兵后，典章苟完，执事者时时咨武。武酌宜约用，得礼之衷，群司奉焉。后为绛州刺史，凿汾水灌田万三千余顷，玺书劳勉。宪宗时，入为京兆尹。卒。

**任迪简** 《唐书》：万年人，擢进士第。天德李景略表佐其军，军中悦其长者。景略卒，举军请为帅。监军使拘迪简，不听，众大呼，破户出之。德宗遣使察变，具得所以，乃授丰州刺史、天德军使。入为太常少卿、太子左庶子。张茂昭以易定归，迪简以检校工部尚书为节度使。承茂昭奢纵后，公私屈乏，欲飧士，无所给，至与下同粝食。逾月，军中感其公。三年，上下完充。以疾入，除工部侍郎。卒，谥曰“襄”。

**于頔** 《唐书》：字允元，后周太师谨七世孙。荫补千牛，累迁湖州刺史。部有湖陂，异时溉田三千顷，久废。頔行县，命修堤阨，岁获粳稻、蒲鱼无虑万计。州地庠湿薄，葬者不掩柩。頔为坎，瘞枯骨千余，人赖以安。未几，改苏州。为政有绩，然暴横少恩。俄迁大理卿，为陕虢观察使，益自肆。峻罚苛惩，参军事姚岷不胜虐，自沉于河。贞元十四年，拜山南东道节度使。时吴少诚叛，頔率兵自唐州战吴房、朗山，取之，禽其将李粲，又胜之濯神沟。于是请升襄州为大都督府，广募战士，储良械，擱然有专汉南意。公敛私输，持下益急，而慢于奉上。俄擅以兵取邓州，天子未始谁何。初，襄有髹器，天下以为法。至頔骄蹇，故方帅不法者号“襄样节度”。宪宗立，权纲自出，頔稍惧，愿以子尚主，帝许之。遂入朝，拜司空、同平章事。时宦者梁守谦幸于帝，颇用事。有梁正言者，与頔子敏善，敏因正言厚赂守谦，求頔出镇。久不报，敏怒其给，责所馈，诱正言奴支解之。家童上变，诏頔贬恩王傅，子敏窜雷州，至商山，赐死。次子季友夺



二官，正及方免官。久之，拜户部尚书，又坐季友居丧荒宴，削[金]紫（金）<sup>①</sup>光禄大夫，卒。方，长庆时通豪侠，欲事河朔，以策干宰相元稹。而李逢吉党谋倾执政，乃告稹结客刺裴度，事下有司，验无状，方坐诛。

**王 绍** 《唐书》：自太原徙京兆。父端，第进士，有名天宝间，终工部员外郎。绍少为颜真卿所器，奏为武康尉。包佶领租庸、盐铁使，署判官。时李希烈阻兵江淮，输物留梗，乃徙饷道自颍入汴。绍入关，德宗已西狩，乃督轻货，趣间道，走洋州，见行在，由是纾难。迁仓部员外郎。顷之，迁尚书。元和初，检校尚书右仆射，为武宁军节度使。搜辑军政，推诚示人，裨将安进达、唐重靖谋乱，绍以计取之，出家货赏士，举军安赖。拜兵部尚书，判户部。卒，谥曰“敬”。

**李元素** 《唐书》：字太朴，长安人，为御史。东都留守杜亚恶大将令狐运，会盗劫输绢于洛北，运畋近郊，亚疑而讯之。请斥运丑土，诏元素驰按。元素徐察其冤，悉纵所囚以还，亚劾元素失有罪。比元素还，帝已怒，奉狱未毕，帝曰：“出。”元素曰：“臣言未尽。”帝曰：“第去。”元素曰：“臣以御史按狱，知冤不得尽辞，是无容复见陛下。”帝意解，即道运冤状。帝感悟曰：“非卿，（熟）[孰]<sup>②</sup>能辨之？”后岁余，齐抗得真盗，由是天下重之。滑郑节度使卢群卒，拜元素检校工部尚书，节度其军，治有异绩。元和初，进户部尚书、判度支。元素少孤，奉长姊谨，姊没，悲哽成疾，卒。

**许孟容** 《册府元龟》：长安人。父鸣谦，究通《易·象》，官抚州刺史。孟容举进士，授秘书省校书郎。《唐书》：孟容辟武宁张建封府。李纳以兵拒境，建封使孟容见纳，敷引逆顺，纳悔谢，罢兵。德宗知其能，召拜礼部员外郎。公主子求补崇文生，

① 据《新唐书·于頔传》补、删。

② 据《新唐书·李元素传》改。

孟容不可，主诉之。帝问状，以著令对，帝嘉其守。累迁给事中。京兆上言“好畤风雹害稼”，帝遣宦人覆视，不实，夺尹以下俸。孟容曰：“府县上事不实，罪应罚。然宜更择御史一人参验，乃可。”不听。浙东观察使[裴肃]判官齐总暴敛以献，帝擢总衢州刺史。孟容还制曰：“总无功超授，群议谓何？”诏中停。自袁高争卢杞后，凡十八年，门下无议可否者。至孟容数论驳，四方想见其风。贞元十九年夏，大旱，上疏，帝不悦，改太常少卿。元和初，迁京兆尹。神策军[自]<sup>①</sup>兴元后，日骄恣，府县不能制。军吏李昱贷富人钱八百万，三岁不肯归。孟容遣吏捕诘，与之期，曰：“不如期，且死！”一军尽惊。诉于朝，宪宗诏以昱付军治之，再遣使，皆不听，奏曰：“不奉诏，臣当诛。然钱未尽输，昱不可得。”帝嘉其守正，许之。累迁吏部侍郎。盗杀武元衡，孟容白宰相：“愿白天子，起裴中丞辅政，使主兵柄，索贼党，罪人得矣。”后数日，果相度。俄拜东都留守。卒，谥曰“宪”。孟容方劲有礼学，每所折衷，咸得其正。

弟季同，始署西川韦皋府判官。刘辟反，弃妻子归，拜监察御史，终宣歙观察使。

**李景俭** 《唐书》<sup>②</sup>：字宽中。汉中王瑀孙。父褚，太子中舍。景俭，贞元十五年进士。性俊朗，博闻强记，自负王霸之略。转忠州刺史。元和末入朝，时政恶之，出为澧州刺史。延英辞日，景俭自陈己屈，穆宗怜之，拜仓部员外郎。月余，骤迁谏议大夫。性既矜诞，宠擢之后，凌蔑公卿。中丞萧俛、学士段文昌相次辅政，诉之，贬建州刺史。未几，召还，复为谏议大夫。其年十二月，景俭乘醉诣中书谒宰相，呼王播、崔植、杜元颖名，面疏其失，辞颇悖慢。奏贬漳州刺史。未至，追还，授少府少监，卒。景俭疏财尚义，虽不厉名节，死之日，知名之士咸惜之。

① 以上据《新唐书·许孟容传》补。

② 本条实出《旧唐书·李景俭传》。

弟景儒、景信、景仁，皆有艺学，知名于时。景信、景仁，皆登进士第。

**萧复** 《唐书》：字履初，衡子，长安人。历歙、池二州刺史，治状应条，迁湖南观察使，久乃拜兵部侍郎。德宗狩奉天，欲西如凤翔依张镒。复曰：“凤翔乃泚旧兵，今泚悖乱，当有同恶者。虽镒，臣畏不免。”帝曰：“朕业行，留一日以验尔言！”俄而镒为李楚琳所害，以是拜吏部尚书、同平章事。复尝言：“艰难以来，始用宦者监军，权望太重，是曹正可委宫掖事，兵要政机，叵使参领。”帝不听。又言：“陛下厥初清明，自杨炎、卢杞放命秽盛德，播越及兹。今阽于危，当惩艾前败。”帝谓左右曰：“复慢我。”因诏复充山南、江淮、湖南、岭南等道宣抚安慰使。兴元初，进门下侍郎。中官马钦绪揖宰相刘从一，附耳语。既而从一密谗复曰：“有诏与公议向所奏，不欲李勉、卢翰闻知。”复曰：“尧、舜有‘金曰’之言，朝廷大事尚当谋及公卿。如勉等非其人，当罢去。既曰宰相，而谋议可独避之乎？今与公行此或可，第恐寝以生常，政由是敝。”从一以闻，帝不悦。复辞疾上政事，许之。卒年五十七。复望阙高华，厉名节，不通狎流俗。及为相，临事严方，数拂帝意。

子湛。湛子寘，咸通中位宰相，无显功。寘子邁，咸通中擢进士第。乾符中，累擢户部侍郎。僖宗入蜀，拜同平章事，累拜司空。邁负大节，以王佐自任。既当国，风采峭整，天（下）[子]<sup>①</sup>器之。时田令孜权宠可炙，公卿无不附顺，唯邁未尝少下。诸节度共劾令孜生事，离间大臣。邁与裴澈计，共召朱玫于郾。玫起兵奉迎，令孜迫帝幸陈仓。玫怒令孜，并望帝不谅其心，谓邁曰：“诸王才可任天下者不乏。”邁曰：“人非伊、霍，欲为祸首，未利也。”玫立嗣襄王煊，罢邁为太子太保。邁移疾不出。帝还宫，即赐死。邁行完而材，逢世多故，召愎臣以济乱，不得其死，人

① 据《新唐书·萧瑀传附萧邁传》改。

为哀之。

**李齐运** 《旧唐书》：蒋王恽孙，为长安令，职事修理。历京兆少尹。建中末，改河中尹。李怀光自山东卷甲奔难至河中，力疲，休兵三日。齐运不能敌，弃城而走，除京兆尹。时贼据京城，李晟军东渭桥，齐运征募工役，版筑城垒，飞刍挽粟以应晟。收复之际，颇有力焉。改宗正卿，兼御史大夫，寻正拜礼部尚书，兼殿中监。齐运无学术，不知大体，但甘言取信。既而被疾，岁余不能朝请，朝廷除授，往往降中人就宅咨决。卒，赠尚书左仆射。

**杜 亚** 《唐书》：字次公，京兆人。肃宗在灵武，上书论当世事，擢校书郎，再迁谏议大夫，迁给事中。常袞恶之，出为江西观察使。德宗立，召还。亚意必任台宰，倍道进，与人语，皆天下大政，或以事祈谒，辄相然可。帝知不悦，罢为陕虢观察使。兴元初，拜淮西节度使。至则治漕渠，引湖陂，筑防庸，入之渠中，以通大舟。夹堤田，因得溉灌。人皆悦赖。然[亚]<sup>①</sup>雅意丞弼，厌外官，往往不亲事，日夜召宾客言噓流连，府财耗竭。贞元中，罢归，以检校吏部尚书留守东都。病风痺且废，犹欲固宠。奏垦苑中为营田，可减度支岁禀，诏许之。先是，苑地可耕者，皆留司中人及屯士占假。亚计窘，更举军帑钱与甸人。至秋，取菽粟偿息输军中。贫不能偿者发困窘略尽，流亡过半。又赂中人求兼河南尹。帝审其妄，赐还，卒。

**王 遂** 《唐书·王琳<sup>②</sup>传》：侑孙，咸阳人。好兴利，操下以严。累迁邓州刺史。会兵宿淮西，亟财赋，籍遂干强，拜宣歙观察使。蔡已平，师东讨李师道，为检校左散骑常侍，兼御史大夫。始，调兵食岁三百万，俄而贼诛，遂簿羨货百万以献，帝高其能，即拜遂沂兖海观察使。遂资徧刻，杖扑皆逾制。盛夏，治署舍墙垣，程督惨峭。裨校王弁杀之，自知留事。帝拜弁开州刺

① 据《新唐书·杜亚传》补。

② 王琳：《新唐书》作“王琳”。即王方庆。



史，至徐州，械送京师，斩东市。监军上遂所制杖，出示于朝为戒云。

**徐 申** 《唐书》：字维降，京兆人。擢进士第，累迁韶州刺史。韶自兵兴四十年，刺史以县为治署，令、丞杂处民间。申按公田之废者，募人假牛犁垦发，田久不治，故肥美，岁入凡三万斛，乃徙治故州。未几，邑閭如初。始来韶，户止七千，比六年，倍而半之。会初置景州，授刺史，赐钱五十万，加节度副使，进岭南节度使。前使死，吏盗印，署府职百餘员，畏事泄，谋作乱。申觉，杀之，诖误一不问。外蕃岁以珠、玳瑁、香、文犀浮海至，申于常贡外，未尝贖索，商贾饶盈。加检校礼部尚书，封东海郡公。卒，谥曰“平”。

**窦 参** 《唐书》：字时中，刑部尚书诞四世孙。学律令，为人矜严悻直，以荫累为万年尉。同舍当夕直者，闻亲疾惶遽，参为代之。会失囚，京兆按直簿劾其人，参曰：“彼往，参当坐。”乃贬江夏尉。进大理司直，按江淮狱，入为御史中丞。德宗数召见，语天下事，或决大议，帝器之。俄以中书侍郎同中书门下平章事，领度支、盐铁使。参无学术，不能稽古立事，惟树亲党，多所诋察。于是淄青李纳厚馈参，外示严畏，实赂帝亲近为间，左右争毁短参。申，参族子也，为给事中，每议除授，多访于申。申或泄之，以招权赂。所至，人目之为“喜鹊”。帝闻，戒参曰：“卿他日必为申所累。”初，陆贽与参不平，吴通（元）[玄]兄弟与贽轩輊不得，申舅嗣虢王则之与通微等善，遂共潜贽。帝得其奸，（遂）[逐]<sup>①</sup>申为道州司马，贬参郴州别驾。宣武刘士宁饷参绢五千，帝怒，贬参驩州司马。赐死于邕州，而杖杀申。

**韦执谊** 《唐书》：京兆旧族。及进士第，对策异等，授右拾遗，入翰林为学士。便敏侧媚，得幸于德宗。帝诞日，皇太子献画浮屠象，执谊赞之，太子赐以帛，执谊到东宫谢。太子卒见曰：

① 据《新唐书·窦参传》改。



“君知王叔文乎？美才也。”执谊由是与叔文善。顺宗立，以疾不亲政事，叔文用事，乃擢为尚书左丞、同平章事。叔文与王伾居中窃命，执谊奉行，因迷夺朝权。执谊既为所引，然外迫公议，欲示天下非党与者，乃时时异论相可否，密谢叔文曰：“不敢负约，欲共济国家事尔。”叔文数为所梗，遂成仇怨。宪宗受内禅，贬执谊为崖州司户参军，死。

**韦渠牟** 《旧唐书》：万年人。少慧悟，涉览经史。初为道士，复为僧。兴元中，韩滉镇浙西，奏授试秘书郎，累转四门博士。贞元十二年四月，德宗诞日，御麟德殿，召渠牟及道士万参成、沙门谭延等十二人，讲论儒、道、释三教。渠牟枝词游说，捷口水注，上听之意动。数日，转秘书郎，旬日，迁右补阙。岁终，迁右谏议大夫。延英奏事，率漏下五六刻。渠牟形神佻躁，颇张恩势，以招趋向。上既偏听，浮薄率背本衒进，以附渠牟。迁太府卿，又转太常卿，卒。

**韦 绶** 《唐书》：字子章，万年人。有至性，然好不经，丧父，镌臂血写浮图书。建中末，为长安尉。朱泚乱，羸服走奉天，拜华阴令，三迁职方郎中。穆宗为太子，绶入侍读，迁谏议大夫。方太子幼，绶数为俚言以悦太子，太子为帝道之。帝曰：“绶当以经义辅导太子，而反语此，朕何赖焉？”外迁虔州刺史。穆宗立，召为尚书右丞、集贤院学士，出入禁中，怙宠甚。俄为山南西道节度使。入辞，乞赐钱二百万，官子元弼太常丞，帝以旧恩许之。绶耄而贪，不能事军政，纲维乱弛。卒，谥“谬丑”。

**贾 会** 《唐书·贾循传》：京兆华原人。有高节，尝称疾不答辟署，里中号“一龙”。亲亡，负土成墓，庐其左，手蒔松，时号“关中曾子”。卒，县人私谥曰“广孝征君”。

**张阿九** 《册府元龟》：京兆人。母疾，阿九割股肉馈之，厥疾遂愈。京兆府奉天县人赵正言母病，割股肉以饵，母疾瘳。赐物五十段以资孝养。华原人韩难陀，父亡，庐于墓侧，凡十六年。

## 人 物 志

### 唐

**韦处厚** 《唐书》：字德载，万年人。事继母以孝闻。中进士第，举贤良方正异等。宪宗初，擢左补阙。穆宗立，为翰林侍讲学士。以帝冲怠不向学，合《易》《书》《诗》《春秋》《礼》《孝经》《论语》，掇其粹要，题为《六经法言》二十篇上之，冀助省览。再迁中书舍人。张平叔以言利得幸，建言官自鬻盐，下群臣议。处厚发十难诘其迂谬，遂寝。敬宗初，李逢吉得柄，构李绅，欲致绅死。处厚上言：“绅，先朝旧臣，就令有过，尚当被瑕洗衅，况被谗乎！”绅由是免。进翰林承旨学士。方天子荒暗，月视朝才三四。处厚入见，即自陈有罪，愿前死以谢。帝大感悟。文宗绥内难，进拜中书侍郎、同平章事。帝虽自力机政，然骤信轻改，摇于浮论。处厚尝独对曰：“陛下不以臣不肖，使待罪宰相，今言不见纳，宜罢。”即趋下顿首，帝瞿然，召问所欲言，乃对以“近君子，远小人，始可为治”。淳复数百言。又言：“裴度忠，可久任。”帝嘉纳之。太和二年，暴疾，薨，赠司空。处厚姿状如甚懦者，至廷争，巍然不可夺。百僚谒事，未尝敢及私。推择官材，往往弃瑕录善，时亦讥其太广。性嗜学，家书钁正至万卷。

**李宗闵** 《唐书》：字损之，郑王元懿四世孙。擢进士，调华州参军事。举贤良方正，与牛僧孺诋切时政，宰相李吉甫恶之，补洛阳尉。去从藩府辟署。裴度伐蔡，引为彰义观察判官。蔡平，

迁驾部郎中、知制诰。穆宗即位，进中书舍人。长庆初，钱徽典贡举，宗闵托所亲于徽，李德裕等在翰林，白徽取士不以实，宗闵坐贬。俄复为中书舍人，典贡举，所取多知名士，世谓之“玉笋”。太和中，以吏部侍郎同中书门下平章事，引僧孺同秉政，德裕所善皆逐之。迁中书侍郎。久之，德裕为相，宗闵大沮。俄为山（东）〔南〕<sup>①</sup>西道节度使。李训、郑注用事，罢德裕，复召宗闵。会杨虞卿以京兆尹得罪，极言营解，帝怒，贬潮州司户参军。杨嗣复辅政，与宗闵善，谋引宗闵辅政，未及而文宗崩。会昌中，以泽潞叛，得交通状，流封州。徙柳州司马，卒。宗闵性机警，始有当世令名，既贵，喜权势，崇私党，卒以是败。

子琨、瓚，皆擢进士。瓚历桂管观察使，不善御军，为士卒所逐，贬死。

**令狐楚** 《唐书》：德棻后裔，华原人。贡进士，累擢职方员外郎、知制诰。其为文，于笺奏制令尤善。为华州刺史，擢河阳节度使，代乌重（引）〔胤〕<sup>②</sup>。重（引）〔胤〕徙沧州，以河阳士三千从，士不乐，半道溃归，将掠旁州。楚以数骑自往劳之，斩其首恶，众遂定。穆宗即位，进门下侍郎。方营景陵，诏楚为使，出为宣歙观察使，迁宣武节度使。汴军骄，韩（宏）〔弘〕峻法绳治。楚至，解去酷烈，以仁惠镌谕，人人悦喜。徙天平〔节度使〕<sup>③</sup>，召为吏部尚书，进拜左仆射、彭阳郡公。是时，政在宦竖，数上疏辞位，拜山南西道节度使。卒，谥曰“文”。

子：绪、綯。绪，历隋、汝、寿三州刺史，有佳政。綯，擢进士，累擢湖州刺史。大中初，召入为翰林学士，迁御史中丞，俄同平章事。懿宗嗣位，为河中节度使，徙淮南〔副大使〕<sup>④</sup>。安南

① 据《新唐书·李宗闵传》改。

② 此处系避雍正皇帝胤禛名讳。下同。

③ 据《新唐书·令狐楚传》补。

④ 据《新唐书·令狐楚传附令狐綯传》补。

平，以馈运劳，封凉国公。僖宗立，拜凤翔节度使，徙封赵，卒。楚弟定，桂管观察使。

**白居易** 《唐书》：字乐天，太原人，徙下邳。父季庚，彭城令，李正己之叛，说刺史李（侑）[洧]<sup>①</sup>自归，累擢襄州别驾。居易元和元年对制策一等<sup>②</sup>，调整屋尉，迁左拾遗。四年，天子下诏蠲贷，居易建言，乞尽免江淮两赋，且多出宫人。宪宗颇采纳。河东王鐸将加平章事，居易以“鐸诛求百计，不恤雕瘵，今若假以名器，则（纪）纲[纪]大坏”。是时，孙璿以禁卫劳，擢[凤翔]节度使。张奉国平李锜有功，迁金吾[将军]<sup>③</sup>。居易言：“宜罢璿，进奉国，以竦天下忠臣心。”会王承宗叛，帝诏吐突承璀出讨，居易谏：“唐家制度，未有以中人专统领者。四方闻之，必轻朝廷。”既而兵老不决，居易上言：“承璀进不决战，观其势，似阴相为计，不急罢之，且有四害。”后对殿中，论执强鲠，帝未谕，辄进曰：“陛下误矣。”帝变色，罢<sup>④</sup>。拜左赞善[大夫]<sup>⑤</sup>。时，盗杀武元衡，居易首请亟捕贼，宰相嫌其出位，贬江州司马。久之，入为司门员外郎、知制诰。穆宗好游畋，献《续虞人箴》以讽。于时，天子荒纵，居易虽进忠，不见听，乃外迁。为杭州刺史，筑堤浚井，复拜苏州刺史，病免。开成初，拜太子少傅。会昌初，以刑部尚书致仕，卒。居易于文章精切，最工诗，颇以规讽得失，谥曰“文”<sup>⑥</sup>。

从祖弟敏中，长庆初，第进士。宣宗立，以兵部侍郎同平章

① 据《新唐书·白居易传》改。

② 一等：《新唐书·白居易传》作“乙等”。

③ 以上据《新唐书·白居易传》改、补。

④ 《新唐书·白居易传》此处下文有：（帝）“谓李絳曰：‘是子我自拔擢，乃敢尔，我叵堪此，必斥之！’李絳曰：‘陛下启言者路，故群臣敢论得失。若黜之，是箝其口，使自为谋，非所以发扬盛德也。’帝悟，待之如初。”

⑤ 据《新唐书·白居易传》补。

⑥ 《新唐书·白居易传》记白居易“遗命薄葬，毋请谥”。后其从祖弟“敏中为相，请谥，有司曰‘文’”。



事。会党项寇边，以司空兼邠宁节度。徙剑南西川，治蜀有劳。召还，卒。

弟行简，擢进士，累迁主客员外郎。敏而有词，后学所慕向<sup>①</sup>。

**柳公绰** 《唐书》：字宽，华原人。幼孝友，性质严重，举直言极谏，授渭南尉。岁歉谨，其家虽给，每饭不过一器。或问之，答曰：“四方病饥，独能饱乎？”召为吏部郎中。宪宗数出游畋，公绰奏《太医箴》以讽，拜御史中丞。出为湖南观察使，徙鄂岳[观察使]。时方讨吴元济，诏发鄂岳卒五千，隶安州刺史李听。公绰请自行，许之。三军出，公绰数省问其家，疾病生死厚给之，军中感服，鄂军每战辄克。拜京兆尹。方赴府，有神策军校乘马不避者，即时（榜）[擄]死。帝怒其专杀，公绰曰：“此非独试臣，乃轻陛下法。”俄检校户部尚书、山南东道节度使。行部至邓，县吏有纳贿、舞文，二人同系狱，县令以公绰素持法，谓必杀贪者，公绰曰：“赃吏犯法，法在；奸吏坏法，法亡。”诛舞文者。入为刑部尚书，俄拜邠宁节度使。先时，神策诸镇列屯部中，不听本道节制，故虏得窥间。公绰论所宜，[因诏]<sup>②</sup>屯营缓急悉受节度。复为刑部尚书。京兆狱有姑鞭妇至死者，府欲杀之。公绰曰：“尊殴卑，非斗也；且子在，以妻而戮其母，不顺。”遂减论。太和四年，为河东节度。遭岁恶，撙节用度，辍宴饮，衣食与士卒均。以病乞代，授兵部尚书。忽顾左右，召故吏韦长，众谓委以家事。及长至，乃曰：“为我白宰相，徐州专杀李听亲吏，非用高瑀不能安。”因瞑目。卒，谥曰“元”。

子仲郢，幼嗜学，长工文。元和末，及进士第，为校书郎。会昌初，累转吏部郎中，迁左谏议大夫。武宗延方士，筑望仙台，累谏諄切，帝遣中人愧谕。拜京兆尹，置权量于东西市，使贸易用之，禁私制者。北司吏入粟违约，仲郢杀而尸之，自是人无敢

① 向：《新唐书·白居易传》作“尚”。

② 以上据《新唐书·柳公绰传》补。



犯，政号严明。宣宗初，授河南尹，以宽为政。或言不类京兆时，答曰：“辇毂之下，先弹压；郡邑之治，本惠爱<sup>①</sup>。乌可类乎？”擢剑南东川节度使。大吏边章简挟势肆贪，前帅不能治，仲郢因事杀之，官下肃然。居五年，诏为吏部侍郎，俄改兵部，领盐铁转运使。大中十二年，罢使。咸通五年，为天平节度使，卒于镇。

子[璞]<sup>②</sup>、珪、璧、玼。珪，字交（元）[玄]。大中中，与璧继擢进士，皆秀整而文，终卫尉少卿。璧，字宾玉。马植镇汴州，辟管书记。又从李瓚桂州，规正<sup>③</sup>其不法，瓚不听，乃拂衣去。未几，军乱。擢右补阙，累迁右谏议大夫。玼，以明经补秘书正字，擢刑部员外郎，出为岭南节度使<sup>④</sup>。文德元年，以吏部（尚书）<sup>⑤</sup>侍郎修国史，拜御史大夫，直清有父风。

**柳公权** 《唐书·柳公绰传》：字诚悬，公绰弟。元和初，擢进士第。穆宗拜侍书学士。问用笔法，对曰：“心正则笔正。”帝改容，悟其以笔谏也。改（宏）[弘]文馆学士。文宗复召侍书，迁中书舍人，充翰林书诏学士。尝与六学士对便殿，帝称汉文帝恭俭，因举袂曰：“此三浣衣矣！”学士皆贺，独公权对曰：“（主）人[主]当进贤退不肖，纳谏诤，明赏罚。服浣濯之衣，此小节。”异日，与周墀同对，论事不阿，帝徐曰：“卿有诤臣风，可屈居谏议大夫。”乃自舍人下迁，仍为学士知制诰。开成三年，转工部侍郎。召问得失，因言：“郭旼领邠宁，人谓献二女乃有是除。”是日，帝命中官自南内送女还[旼]<sup>⑥</sup>家。其忠益多类此。咸通初，以太子太保致仕，卒。公权博贯经术，于《诗》《书》《左氏春秋》《国语》

① 本惠爱：《新唐书·柳公绰传附柳仲郢传》作“本惠养”。

② 据《新唐书·柳公绰传附柳仲郢传》补。柳璞，《新唐书·柳公绰传》有附传，本志未录。

③ 规正：《新唐书·柳公绰传附柳璧传》作“规止”。

④ 岭南节度使：《新唐书·柳公绰传附柳玼传》作“岭南节度副使”。

⑤ 据《新唐书·柳公绰传附柳玼传》删。

⑥ 以上据《新唐书·柳公绰传附柳公权传》改、补。

《庄周》尤邃。其书法结体劲媚，自目一家。当时大臣家碑志，非其笔，人以子孙为不孝。赐遗巨万，主藏奴或盗用，公权不复诘。惟研、笔、图籍，自以鐫秘之。

**韦 丹** 《唐书》：字文明，万年人。高祖琨，以洗马事太子承乾，谏不听。太宗才之，擢给事中。[高宗在东宫]，孝敬为太子，琨以右中护为詹事。卒，谥曰“贞”。丹从外祖颜真卿学，举《五经》高第，历咸阳尉，拜容州刺史。教民耕织，止惰游，兴学校，[民]贫（民）<sup>①</sup>自鬻者，赎归之，禁吏不得掠为隶。屯田二十四所，教种茶、麦，仁化大行。以谏议大夫召，有直名，拜江南西道观察使。丹计口授俸，委余于官，罢八州冗食者，收其财。始，民不知为瓦屋，丹召工教为陶，聚材于场，度其费为估，不取赢利。人能为屋者，受材瓦于官，免半赋；贫不能者，畀以财；置南北市，为营以舍军。岁中旱，募人就功，厚与直，给其食。为衢南北夹两营，东西七里。以废仓为新厩，马息不死。筑堤捍江，长十二里。为陂塘五百九十八所，灌田万二千顷。有吏主仓十年，丹覆其粮，亡三千斛。丹籍其家，尽得文记，乃权吏所夺。丹召诸吏，期一月还之。及期，无敢违。卒，年五十八。

子宙，为永州刺史。州方灾歉，乃斥官下什用所以供刺史者，得九十余万钱，为市粮饷。俗不知法，多触罪，宙为书制律，并种植为生之宜，户给之。州负岭，转饷艰险，宙始筑常平仓，收谷羨余以待乏。罢冗役九百四十四员。湘源生零陵香，岁市上贡，人苦之，宙奏罢。民贫无牛，以力耕，宙为置社，二十家月会钱若干，探名得者先市牛，以是为准，久之，牛不乏。立学官，取仕家子弟十五人充之。礼俗遂改。还，为大理少卿。久之，拜江西观察使，迁岭南节度使。南诏陷交趾，抚兵积备，以干闻。加检校尚书左仆射、同平章事。咸通中卒。弟岫，字伯起，亦有名，擢福建观察使。

① 以上据《新唐书·韦丹传》补、删。

李 愬 《唐书》：字元直，晟子，万年人。有筹略，善骑射，以荫补协律郎。出为坊、晋二州刺史，以治异等，加光禄大夫，进詹事。宪宗讨吴元济，高霞寓既败，以袁滋代将，复无功。愬求自试，以检校散骑常侍，为隋唐邓节度使。不为部伍斥候，或有言者，愬曰：“贼方安袁公之宽，吾不欲使震而备我。”乃令于军曰：“天子知愬能忍耻，故委以抚养。战，非吾事也。”众安之。士伤痍疾病，亲为营护。蔡人易之，不为备。居半岁，知士可用，请济师，攻马鞍山，下之。袭朗山，平青陵城，禽骁将丁士良，署捉生将。士良谢曰：“吴秀琳不可破者，陈光洽为之谋也。我能公取之。”乃禽以献。秀琳举文城栅降。攻吴房，残外垣。引还，贼尾击。愬令曰：“退者斩。”众决死战，贼乃走。或劝遂取吴房，愬曰：“不若留之以分其力。”初，秀琳降，愬署以为将。秀琳曰：“必破贼，非李祐无以成功者。”愬候祐[护]获于野，遣史用诚将三百骑伏其旁，祐轻出，用诚禽而还。愬召祐及李忠义屏人语。忠义，亦贼将，军中多谏此二人不可近，愬力不能独完祐，乃持以泣，械而送之朝，表言必杀祐，无与共诛蔡者。诏释以还愬，署六院兵马使。由是始定袭蔡之谋矣。遣从事见裴度告师期，于元和十一年十月己卯。师夜起，祐为前锋，忠义副之，愬率中军，田进诚以下军殿。令曰：“引而东。”六十里止，袭张柴，敕士少休。会大雨雪，偃旗裂肤，士冻死十一二。始发，吏请所向，愬曰：“入蔡州取吴元济！”士失色。行七十里，夜半至悬瓠城，旁皆陂池，愬令击之，以乱军声。祐等坎墉先登，众从之。黎明，愬入驻元济外宅。蔡吏惊曰：“城陷矣！”元济尚不信，及闻号令曰“常侍[传语]”<sup>①</sup>。始惊曰：“何常侍得至此！”率左右登牙城，田进诚兵薄之。元济请罪，梯而下，槛送京师。愬不戮一人，屯兵以俟裴度之至。愬以橐鞬见，度将避之，愬曰：“此方废上下分久矣，请示之。”度以宰相礼受谒，蔡人耸观。诏进检校尚书左仆

① 以上据《新唐书·李晟传附李愬传》改、补。

射，封凉国公，实封户五百。李师道反，诏愬帅武宁军。愬与贼战金乡，破之。凡十一遇，俘馘万计。淄青平，进同中书门下平章事。会田（宏）[弘]正守镇州，乃以愬帅魏博。卒，年四十九，赠太尉，谥曰“武”。

**李愿** 《唐书》：晟子，万年人。元和初，领夏绥银宥节度使。政简而严，境内肃然。徙武宁军。会伐青、郛，数有功，以久疾，用愬代之。诏为刑部尚书，俄检校尚书左（侯）[仆]<sup>①</sup>射，节度凤翔，自是迹声色而政衰矣。后拜河中、晋、绛等节度使。卒。

弟宪，任醴泉尉，迁卫州刺史，以治行称。徙绛州。绛有幻人怵民以乱，宪执诛之。河中兵本仰食于绛，而汾可输河、渭，岁租与余常数十万石，故敖保山为固，民之输者，十牛不胜一车。宪滨汾相地治新仓，当费二百万，请留垣县粟赍河南，以钱还余绛粟，既免负载劳，又权其赢以完新仓，绛人赖利。入为宗正少卿，副金吾大将军胡证为（宋）[送]<sup>②</sup>太和公主使。迁岭南节度使。所历皆以吏能显，政绩暴著。善治律令，性明恕，详正大狱，活无罪者数百人。卒官。

听，字正思，七岁荫为协律郎。吐突承璀讨王承宗，以听为神策行营兵马使，斩贼骁将。承璀数问听计，卒缚卢从史。迁左骁卫将军，出为蔚州刺史。州有铜冶，听开五炉铸钱。柳公绰讨蔡，以听典军，一一咨之，诏为羽林将军。帝讨李师道，出为楚州刺史。听掩贼不虞，趋涟水，破（沐）[沐]<sup>③</sup>阳，遂取海州，攻朐山，降之，怀仁、东海两城望风送款。以功兼御史大夫、夏绥银宥节度使。又徙灵盐。部有光禄渠，久废，听复屯田以省转饷，引渠溉塞下地千顷。穆宗初立，授检校兵部尚

① 据《新唐书·李晟传附李愿传》改。

② 据《新唐书·李晟传附李宪传》改。

③ 据《新唐书·李晟传附李听传》改。



书，充河东节度使。敬宗嗣位，改义成军。太和初，魏博将万志滔反，击其帅史宪诚，诏听出援，击杀志滔。以功封凉国公，兼帅魏博。听迁延不即赴，魏遂乱，杀宪诚。罢为太子少师。开成初，为河东节度使。文宗叹曰：“付之兵不疑，退处散地不怨，唯听为可。”拜太子太保，卒。

子琢，以家阀累擢[义昌、平卢、镇海三]节度使。广明时，沙陀盗边，琢为宿将，拜[蔚朔等州招讨]<sup>①</sup>、都统行营节度使。坐逗挠，下迁刺史，卒。

韦贯之 《唐书》：名纯，以字行，周柱国夔八世孙。及进士第，擢贤良方正异等，补渭南尉，再迁长安丞。或荐之京兆尹李实，实曰：“我素闻其贤，愿识之。”或者喜，以告贯之，不往，官亦不迁。永贞时，为御史，迁礼部员外郎。新罗人金忠义以[工巧]<sup>②</sup>幸，擢少府监，荫子补斋郎，贯之不与。又劾忠义不宜污朝籍，于是权幸侧目。进中书舍人，改礼部侍郎，俄同平章事。讨吴元济也，贯之请释镇州，专力淮西。时帝业已讨镇，不从。终之，蔡平，镇乃服。初，讨蔡，以韩（宏）[弘]为都统，又诏乌重（引）[胤]、李光颜合兵以进。贯之谏：“诸将战方力，今若置都统，又令二师<sup>③</sup>连营，则各持重养威，未可岁月下也。”亦不从。后四年，乃克蔡，皆如贯之策。帝以段文昌、张仲素为翰林学士。贯之谓学士所以备顾问，不宜专取辞艺，奏罢之。皇甫镈、张宿皆以幸进。宿使淄青，裴度欲为请银绯，贯之曰：“宿奸佞，吾等纵不能斥，奈何欲假以宠乎？”由是宿等阴构之，出[贯之]为湖南观察使。时国用不足，遣盐铁副使程异督诸道赋，异讽州县厚敛以献。贯之不忍横赋，所献不中异意，左迁太子詹事，分司东都。穆宗立，以工部尚书召。未行，卒，赠尚书右仆射，[谥曰“贞”，

① 以上据《新唐书·李晟传附李琢传》补。

② 据《新唐书·韦贯之传》补。

③ 二师：《新唐书·韦贯之传》作“二帅”。



后更]①谥曰“文”。贯之沉厚寡言，与人交，终岁无款曲，不为伪辞以悦人。居辅相，严身律下，以正议裁物，生平未尝通馈遗，故家无羨财。

子澳，字子裴②，第进士，复擢宏辞。方静寡欲，十年不调。御史中丞高元裕欲荐用之，讽澳谒己。澳不答，曰：“无呈身御史。”周墀入相，谓曰：“何以教我？”澳曰：“愿公无权。”墀愕然，澳曰：“爵赏刑罚，人主之柄，公无以喜怒行之。俾庶官各举其职，则天下治矣。乌用权？”擢翰林学士承旨，为宣宗礼遇，每直，必召问得失。常夜被旨草诏书，事有不妥者，即见帝，开陈可否，未尝不纳。改京兆尹。帝舅郑光主墅吏豪肆，积年不输官赋，澳逮系之。帝问故，具道奸状，且言必直以法。帝曰：“可贷否？”曰：“陛下安可使画一法独行于贫下乎？”帝入白太后曰：“是不可犯。”后为输租，乃免。由是豪右敛迹。未几，授河阳节度使。入为吏部侍郎。丐归，卒，谥曰“贞”。

李载义 《旧唐书》：字方谷，常山愍王之后，为幽州属郡守。载义少孤，有勇力，善挽强角牴。刘济为幽州节度使，以功迁都知兵马使。宝历中，朱延嗣窃袭父位，不遵朝旨，载义杀之，数其罪以闻。敬宗嘉之，封武威郡王，充幽州节度副大使，知节度事。未几，李同捷据沧景，邀袭父爵。载义上表，请讨同捷以自效，累破贼军。太和三年，平沧景，策勋加平章事。四年，奚契丹寇边，击走之，就加太保。五年，为部下杨志诚所逐，因入觐。改山南西道节度、观察等使，兼兴元尹。七年，迁北都留守，充河东节度、观察、处置等使。回鹘每遣使入朝，所至强暴。至是，有回鹘将军李畅者，习中国事，益骄恣。鞭捶驿吏，贪求无已。载义召与语曰：“可汗使将军朝贡，朝廷饗飫至厚，所以礼蕃客也。

① 以上据《新唐书·韦贯之传》补。

② 字子裴：《旧唐书·韦贯之传附韦澳传》及中华书局《新唐书·韦贯之传附韦澳传》作“字子裴”。“殿本”《新唐书》作“字子裴”。

苟有不至，吏当坐死。若将军部伍不戢，载义必杀为盗者。”遂罢守兵，使两卒司其门，虜无敢犯。开成二年卒，赠太尉。

**李象古** 《唐书·曹王明传》：荆南节度使皋之子。元和中，自衡州刺史擢安南都护，贪纵不法。驩州刺史杨清者，蛮酋也，象古忌其豪，召为牙门将，常郁郁思乱。会讨贼，象古发甲助之，授清兵三千。清还袭安南，杀象古并其家。

**李道古** 《唐书·曹王明传》：象古弟，举进士，擢校书郎，历利、隋、唐、睦四州刺史。柳公绰镇鄂岳，为飞潜上闻，宪宗欲代之。裴度言：“嗣曹王皋能以江汉兵制李希烈，威惠在人。今以其子将，必有功。”会道古自黔中入朝，乃代公绰。元和十二年，攻申州，破其郛，进围中城。守卒夜驱女子登而噪，发悬门以出，道古众乱多死。李听守安州，道古诬逐之。自将出穆陵关，士卒骄，不能制。又度支钱悉以馈权倖，其下怨怒，战不力。故再入申，不能下。淮西平，召为宗正卿、左金吾将军。帝喜服饵，道古欲自媚，而所善柳泌自谓能为不死药，因宰相皇甫湜以闻。会帝崩，穆宗立，斥道古为循州司马。终以服丹，（欧）[呕]血死。

**窦易直** 《唐书》：字宗（元）[玄]，始平人。擢明经，补校书郎，累迁吏部郎中。元和六年，进御史中丞。由陕虢观察使，入为京兆尹。贬金州刺史，起为宣歙、浙西观察使。时江淮部将王国清激众谋乱。易直知之，械国清送狱，其党数千，篡取之，欲大剽。易直登楼令曰：“能诛乱者，一级赏千万！”众喜，反缚为乱者（十）[三百]<sup>①</sup>余人，易直斩之。入为户部侍郎，判度支，同中书平章事。文宗立，检校尚书右仆射。顷之，检校司空，为凤翔节度。卒，谥“恭惠”。

**韦温** 《唐书·韦贯之传》：字（宏）[弘]育，绶子，杜陵人。方十一岁，举两经及第，为著作郎，迁右补阙。宰相宋申锡被构，罪不测，温率同舍伏阁切争，由是益知名。太和五年，太

① 据《新唐书·窦易直传》改。

庙室漏罅，诏宗正、将作营治，不时毕，文宗怒，责卿李锐、监王堪，夺其稟，敕中人葺之。温请还将作。会群臣请上尊号，温固谏：“今河南水，江淮旱歉，京师雪积五尺，老稚冻仆，非崇饰虚名时。”帝乃谢群臣。久之，为给事中，兼庄恪太子侍读。晨诣宫，[日]<sup>①</sup>中见太子，谏曰：“殿下宜鸡鸣蚤作，问安天子，如文王故事。”太子不悦。辞侍读。太子得罪，诏谕群臣，温曰：“陛下训之不早，非独太子罪。”时颇直其言。迁尚书右丞，出为陕虢观察使。民当输租而麦未熟，吏督之，温曰：“使民货田中穗以供赋，可乎？”为缓期而赋办。武宗立，擢吏部侍郎，出宣歙观察使，威行部中。卒，谥曰“孝”。

**程 异** 《唐书》：字师举，长安人。居乡以孝称，第明经，再补郑尉，精吏治。李巽领盐铁，荐异心计可任，稍迁淮南等道两税使。异厉己竭节，悉革征利旧弊。迁盐铁转运副使。方讨蔡，异使江表调财用，因行谕诸帅府，以羨赢贡。故所至，不剥下，不加敛，经用以饶。元和十三年，以工部侍郎、同平章事，犹领盐铁。异自以非人望，久不敢当印秉笔。明年，议置巡边使，宪宗问孰可者，乃自请行。会卒，谥曰“恭”。

**杜 惊** 《旧唐书·杜佑传》：京兆万年人，佑子式方第三子。以荫三迁太子司仪郎。元和九年，选尚岐阳公主。岐阳，宪宗长女，郭妃所生。于时，上重学士，令宰相选尚文雅之士可居清列者，惊与焉。累授忠武军节度使。开成初，入为工部尚书、判度支。属岐阳公主薨，久而未谢，文宗怪之。户部侍郎李班<sup>②</sup>对曰：“近日驸马为公主服斩衰三年，士族之家不愿为国戚者，半为此也。”乃诏行杖[周]<sup>③</sup>，永为通制。会昌中，拜中书侍郎、同中书

① 据《新唐书·韦贯之传附韦温传》补。如此方可与下文文意连贯。

② 李班：两《唐书·杜佑传附杜惊传》均作“李珣”。

③ 据《旧唐书·杜佑传附杜惊传》补。按：《新唐书·礼乐志》：齐衰杖周：夫为妻。

门下平章事。大中初，出镇西川。俄复入相，加司徒、太傅、邠国公。《东观奏记》：惊通贵日久，有术士李某，惊待之厚。惊任西川节度使，马植罢黔中赴阙，至西川。术士一见，密于惊曰：“相公将有祸，非马中丞不能救。”惊惊信。发日，厚币赠之，仍为植于都下买宅，生计无阙。植感惊，不知其旨。俄而作相。懿安皇太后崩。惊，懿安子婿也。忽一日，内榜子检责宰相元载故事。植喻旨，翼日，[延英]<sup>①</sup>上前万端营救，其事遂寝。

又杜何博士，惊之子也。仕蜀无他才，止以贵公子享俸禄，耻其官卑，诣执政陈启，自述门阀，执政愍而慰之。<sup>②</sup>

**杜元颖** 《唐书·杜如晦传》：如晦五世孙，贞元末及进士第，以右补阙为翰林学士，敏文辞。宪宗[特所赏叹。穆宗]以元颖多识朝章，尤被宠，拜同[中书门下]<sup>③</sup>平章事。甫再期，出为剑南西川节度使。敬宗骄僻，元颖每欲中帝意以固幸，乃巧索珍异献之，踵相蹶于道，敛取苛重，至削军食以助哀畜。又给与不时，戍人寒饥，人人咨苦，戎备不修。太和三年，南诏乘虚袭戎、雋等州，遂入成都，大掠数日去。由是斥为循州司马，死贬所。

**徐元庆** 《唐书·张琬传》：下邳人。父爽，为县尉赵师韞所杀。元庆变姓名，为驿家保。久之，师韞以御史舍亭下，元庆手杀之，自囚诣官。

**韦宏** 《续文献通考》：京兆人，葬父母，庐墓次，庐前生芝草七十余茎，见者以为孝感。诏免其课。

**董龙** 《续文献通考》：盩厔人。家贫，与里人共祠社。众买牲牢，龙撰文以祭，祭毕分胙。久之，众不平，逐出龙。龙造

① 据《东观奏记》卷上补。

② 此条实出五代孙光宪《北梦琐言》卷二十。中华书局《北梦琐言》“杜何”作“于何”。校勘记：“‘于’，原本作‘杜’，缪校曰：‘原本作于，据吴钞本校改。’按：缪氏误改，相国驸马杜惊为宪宗朝人，其子何能入五代？于惊[琮]乃僖宗朝人，作‘于’字是。”

③ 以上据《新唐书·杜如晦传附杜元颖传》补。



祀饭以祭，祭毕，泣于树下，将焚文，有白鼠衔文入地穴。掘之，获白金。龙不自私，率众首官，县令贤之，奏表其闾曰“义夫”。

**杜式方** 《唐书·杜佑传》：字考元，佑子，京兆万年人。以荫授扬州参军事，迁太常寺主簿。考定音律，高郢称之。迁太仆卿。子惊，尚公主。式方以右戚，辄病不视事。穆宗立，授桂管观察使。弟从郁（錡）[痼]<sup>①</sup>疾，躬为营方药羞膳。及死，期而泣，世称其笃行。

**梁悦** 《唐书·张琬传》：富平人。父为秦果所杀，悦杀仇，诣县请罪。诏以悦申冤，请罪诣公门，流循州。

**郭仪** 《墓辨》：鄠人。割股医母，疾瘳。邑大夫以闻其令尹，令尹闻于上，上俾聚土以旌其门。时昌黎官京师，曾为《鄠人对》。

**康买得** 《唐书·张琬传》：京兆人。年十四，父宪责钱于云阳张莅。莅醉，拉宪危死。买得以莅赭悍，度救不足解，则举锤击其首。三日，莅死。刑部侍郎孙革言：“买得救父难，不为暴；度不解而击，不为凶。宜赐矜宥。”有诏减死。

**卢钧** 《唐书》：字子和，系出范阳，徙蓝田。举进士中第，补秘书正字，迁御史，拜华州刺史。关辅驿马疲耗，钧为市健马，率三岁一易，自是无乏事。擢岭南节度使，时称洁廉。蕃獠与华人错居，相婚嫁，多占田营第舍，吏或挠之，则相挺为乱。钧下令不得通婚，禁占田产，阖部无敢犯。贞元后，流放衣冠，其子姓穷弱不能自还者，以奉禀资助，凡数百家。又除采金税。会昌中，汉水害襄阳，拜山南东道节度使，筑堤以障汉暴。王师伐刘稹，武宗以钧宽厚能得众，诏兼节度昭义军。宣宗即位，节度河东。大中九年，诏为左仆射。帝元日大飧含元殿，钧年八十，升降如仪，音吐鸿畅。帝以钧同平章事，为山南西道节度使。懿宗初，以太保致仕。卒，谥曰“元”。钧与人交，始若淡薄，既久，

① 据《新唐书·杜佑传附杜式方传》改。



乃益固。所居官必有绩，大抵根仁恕至诚而施于事。位将相，没而无赢财。

**杜审权** 《唐书·杜如晦传》：字殷衡，元绛子，杜陵人。第进士，宣宗时，入翰林为学士，累迁兵部侍郎，出为镇海军节度使。庞勋反，审权与令狐綯连师犄角，馈粟相衔，王师赖济。勋破。进检校司空，继领河中、忠武节度使。卒，赠太子太师，谥曰“德”。

**萧 仿** 《唐书·萧瑀传》：字思道，悟子，长安人。太和中，擢进士第，除累给事中。宣宗尝以李璣为岭南节度使，使者已赐节，而仿封还诏书。令狐綯用李琢经略安南，琢以暴虐免，俄起为寿州团练使，仿劾奏琢无所回，时推其直。自集贤学士拜岭南节度使。南方珍贿丛夥，不以入门。家人病，取槁梅于厨以和剂，仿知，趣市还之。咸通初，为左散骑常侍。懿宗怠政事，喜佛道，引桑门入禁中为祷祠事，幸佛庐，广施予。仿谏，以为：“天竺法割爱取灭，非帝王所尚慕。”帝嘉叹其言。数迁，拜义成军节度使。滑州濒河，累岁水坏西北防，仿徙其流远去，树堤自固，人得以安。以兵部尚书再判度支，进中书侍郎、同平章事。再迁司空、兰陵县侯。时天下盗起，宦人持兵柄，仿以鲠直为权近所忌。卒，年八十。

子廩，字富侯。第进士，迁尚书郎。仿（岭）[领]南[海]，解官往侍。为人退约少合。南海多谷纸，仿敕诸子缮补残书。廩谏曰：“州距京师且万里，书成不可露赍，必贮以囊笥，贪者伺望，得毋薏苡嫌乎？”仿曰：“善，吾思不及此。”乃止。广明初，以谏议大夫知制诰，请厉止夜行以备贼谍，出太仓粟贱估以济贫民。俄迁京兆尹。田令孜养子有罪[亡]<sup>①</sup>，捕吏系狱，请救踵门，廩不纳，杖杀之，内外畏讐。令孜拒黄巢，以廩为粮料使，辞疾，贬贺州司户参军事。会襄王窃据，挈族逃河朔。卒。

① 以上据《新唐书·萧瑀传附萧廩传》改、补。

**杜 恹** 《唐书·杜佑传》：恹弟，咸通中为泗州刺史。会庞勋反，围城，处士辛谠劝恹出家属，独以身守。恹曰：“吾出百口求生，众心摇矣，不如与将士生死共之。”恹完浚城隍，阅器械。贼将李圆易恹，驰勇士百人欲入封府库，恹迎劳，贼不虞恹之谋。明日，伏甲士三百，宴毬场，贼皆歼焉。圆怒，傅城战，恹杀数百人，圆退。未几，贼焚淮口，昼夜战不息。恹使人间道走京师，诏戴可师以沙陀、吐谷<sup>①</sup>兵二万招讨。淮南节度使令狐綯遣牙将李湘屯淮口，为圆所败，湘等并没，于是援绝。贼乃以铁锁绝淮流，梯冲乘城。懿宗遣使加恹检校右散骑常侍，勉以坚守。勋遣圆入城见恹约降，恹怒杀之。勋累攻不得志，会招讨使马举率兵至，遂解去。围凡十月，恹拊循士卒，皆殊死战，卒完一州。贼平，迁义成军节度使，检校兵部尚书，卒。

**王处存** 《唐书》：万年人，世籍神策军。父宗，检校司空。处存自右军镇使累迁义武节度使。黄巢陷京师，处存号哭，不俟诏，分麾下兵二千，间道至山南卫乘輿。外约王重荣联盟，进屯渭桥。中和二年，授京城东面都统。每痛国难未夷，语辄流涕。素善李克用，又故婚好，遣使十辈晓譬迎劝，卒共平京师。差兴复功，勤王举义，处存为第一。迁检校司空。复出兵三千，属大将张公庆会诸军捕巢泰山，灭之。进检校司徒、同平章事。处存临事通便宜，有大将风。抚民有恩，痛折节下贤，协穆太原以自助，远近同心，诸镇无能侵轧者。累加侍中、检校太尉。卒，赠太子太师，谥曰“忠肃”。

三军迹河朔旧事，推子郃为留后，昭宗从之，加检校司空、同平章事。光化三年，朱全忠使张存敬攻幽州，道祁沟关。郃方与刘守光厚，乃（卑）[界]<sup>②</sup>叔处直兵扰其尾，处直大败，存敬遂围定州。外郭陷，郃以其族奔太原，克用表为检校太尉，卒。

① 吐谷：《新唐书·杜佑传附杜恹传》作“吐浑”。

② 据《新唐书·王处存传》改。

《五代史》：光化三年，郃奔晋，乱兵推处直为留后。梁太祖表处直义武军节度使，累封太原王。后处直遣人至晋，愿绝梁以自效。其后晋北破燕，南取魏博，与梁战河上十余年，处直未尝不以兵从。为养子都所杀。初，处存有子邺，邺子廷（引）[胤]，与庄宗连外姻。自为军校，能与士卒同辛苦。明宗时，历贝、忻、密、澶、隰州刺史。范延光反，以破延光有功，拜彰德军节度使。初，处直幼子威北走契丹。契丹谓晋高祖曰：“吾欲使威袭先人爵土，请送归中国。”高祖遂徙廷（引）[胤]镇义武，曰：“此亦王氏后也。”<sup>①</sup>后徙镇海而卒。

《辽史》：郁，处直之孽子。郃之亡也，郁从之。晋王克用妻以女，用为新州防御使。处直自疑，阴使郁北导契丹入塞，以牵晋兵，且许为嗣，郁大喜。神册六年，举室来降，太祖以为养子，加政事令。卒。严观按：王威即郁。

韩 偓 《唐书》：字致远<sup>②</sup>，万年人。擢进士第，拜左拾遗，后为翰林学士、中书舍人。尝与崔（引）[胤]定策诛刘季述，昭宗反正，为功臣。帝疾宦人，欲尽去之。偓曰：“陛下诛季述时，余皆赦不问，今又诛之，谁不惧死？天子威柄，今散在方面，若上下同心，摄领权纲，犹冀天下可治。宦人忠厚可任者，使自翦其党，蔑有不济。今公私牵属不减二万，虽诛六七巨魁，未见有益，适固其逆心耳。”帝曰：“此一事终始属卿。”初，李继昭等以功皆进平章事，时谓“三使相”。后更附韩全诲、皆忌（引）[胤]。（引）[胤]闻，召李茂贞入朝，留子继筠宿卫。偓以为不可，（引）[胤]不纳。偓又语令狐涣，涣曰：“无卫军则为阉竖所图矣。”偓曰：“不然。无兵则家与国安，有兵则家与国不可保。”李彦弼见帝倨甚，

① 据《新五代史·王处直传》，此处文字作“契丹谓晋高祖曰：‘吾欲使威袭其先人爵土，如何？’高祖对曰：‘中国之法，自将校为刺史，升团练防御而至节度使。请送威归中国，渐进之。’契丹怒曰：‘尔自诸侯为天子，岂有渐乎！’高祖闻之，遽徙廷胤镇义武，曰：‘此亦王氏之后也。’”

② 字致远：《新唐书·韩偓传》作“字致光”。

偃请逐之，帝不用。继昭等饮殿中自若，偃曰：“三使相有功，不如厚与金帛，毋使预政事。今宰相不得专决事，继昭辈所奏必听。他日遽改，则人人生怨。初以卫兵检中人，今敕使、卫兵为一，臣窃寒心，愿召茂贞还其卫军。”及（引）[胤]召朱全忠，偃劝（引）[胤]督茂贞还卫卒。若茂贞不如诏，即许全忠入朝。未及用，而韩全海等劫帝西幸。偃夜追及，见帝恸哭。至凤翔，迁兵部侍郎，进承旨。宰相韦贻范母丧，诏还位，偃当草制，上言：“贻范处丧未数月，遽使视事，伤孝子心。”学士[使]<sup>①</sup>马从皓逼偃求草制，偃曰：“腕可断，麻不可草！”明日，百官至，而麻不出，官侍合噪。李茂贞入见帝曰：“命宰相而学士不草麻，非反邪？”艷然出。帝畏茂贞，卒诏贻范还相。初，偃侍宴，与京兆郑元规、威远使陈班并席坐。朱全忠、崔（引）[胤]临陛宣事，坐者去席，偃不动，曰：“侍宴无辄立，二公将以我为知礼。”全忠怒偃薄己，贬蒲州司马。天祐二年，挈其族南依王审知而卒。

兄仪，字羽光，亦以翰林学士为御史中丞。偃贬之明年，帝宴文思毬场，全忠入，百官坐庑下，全忠怒，贬仪棣州司马。

王（搏）[抔]<sup>②</sup> 《唐书·王方庆传<sup>③</sup>》：字昭逸，璵曾孙，咸阳人。擢进士第，辟佐王铎滑州节度府，累迁苏州刺史。久之，以户部侍郎判户部。乾宁初，进同中书门下平章事、判度支。昭宗建嫡后，（搏）[抔]请因赦天下以尊大其礼。拜右仆射，迁司空，封鲁国公。初，中官权盛，帝欲翦抑之。自石门还，政一决宰相，群宦不平，构藩镇内胁天子。（搏）[抔]曰：“人君务平心大体，御万物，偏听产乱，古所戒也。今奄人盗威福，逼制君上，道路人皆知之。方朝廷多难，未可卒除，当徐以计去之。事急，且有变。”崔（引）[胤]与（搏）[抔]并位，素忌（搏）[抔]明达有谋，即劾（搏）

① 以上据《新唐书·韩偃传》改、补。

② 据《新唐书·王綝传附王抔传》改。

③ 王方庆传：《新唐书》为《王綝传》。本传：“王綝，字方庆，以字显。”



[抔]为中官外应。会(引)[胤]罢宰相，疑(搏)[抔]挤斥，乃厚结朱全忠荐己复辅政，即潜(搏)[抔]将危社稷。全忠因显疏其尤。光化三年，罢为工部侍郎，贬溪州刺史。又贬崖州司户参军事，赐死蓝田驿。

**杜让能** 《唐书·杜如晦传》：审权子，字群懿，擢进士第，为集贤校理，稍进兵部员外郎。僖宗狩蜀，奔谒行在，三迁中书舍人，为翰林学士。方兵兴，调发綏徠，让能处事[值]<sup>①</sup>机，无所遗算。从还京师，再迁兵部尚书。李克用兵至，帝夜出，让能徒步从之。朱玫兵逼帝狩梁。是时，栈道为南山石君涉所毁，间关险涩，让能未尝去侧。帝次褒中，擢兵部侍郎、同平章事。于时，贡赋不输行在，卫兵往往乏食，让能遣使入河中，谕王重荣，荣果奉诏。京师平，进中书侍郎。昭宗立，累进太尉。李茂贞守凤翔，恃有功，不奉法，帝诏茂贞领兴元、武定，以徐彦若为凤翔节度使。茂贞不赴镇，帝怒，诏让能计议曰：“卿为我图之，朕自以兵属诸王。”让能泣曰：“陛下之心，宪祖心也，但时有所未便。他日臣蒙晁错之诛，顾不足弭七国患，然敢不奉诏！”景(德)[福]<sup>②</sup>二年，以嗣覃王为招讨使，率师送彦若赴镇。茂贞迎战整屋，覃王败，让能曰：“臣固豫言之，请归死以纾难。”乃赐死。

弟彦林，御史中丞；(宏)[弘]徽，户部侍郎，皆及诛。帝痛之，后赠太师。子光义，次子晓，不复仕。

**于琮** 《唐书》：字礼用，高陵人，休烈曾孙。擢第，授左拾遗。咸通八年，同平章事，拜尚书右仆射。黄巢陷京师，以病卧家。巢欲起为相，琮辞疾。贼迫胁不止，乃曰：“吾死在旦夕，位宰相，义不受污。”贼遂害之。

**辛说** 《唐书》：云京孙。初事李峰，性廉劲。居扬州，慨

① 据《新唐书·杜如晦传附杜让能传》补。

② 唐昭宗无景德，有景福年号。景德当为景福之误。其下所述，亦为《新唐书·昭宗纪》景福二年事。



然常有济时意。庞勋反，攻杜慆于泗州。说闻之，挈舟趋泗口，贯贼栅以入。慆素闻其名，握手曰：“吾僚李延枢常为吾道夫子为人，何意临教？吾无忧矣！”贼将李圆焚淮口，说曰：“事棘矣，独出可以求援。”乃夜逾淮，驰至洪泽，见戍将郭厚本告急。大将袁公异等曰：“贼众我寡，不可往。”说拔剑瞋目呼曰：“泗州陷在旦夕，吾今断左臂杀君去。”推剑直前，厚本持之，公异仅免。厚本决许付兵五百，说遍问士曰：“能行乎？”皆曰：“诺。”说泣以谢。众击，贼大败，人心遂固。围三月，救兵败，城益危。说复请乞兵，与壮士持斧夜斩贼栅出，见节度使令狐綯，复诣浙西见杜审权，合兵五千。路梗，不得进。说引兵决战，斩贼六百级，乃克入。慆迎泣，表其功于朝，授监察御史。围凡十月乃解。初，说求救，过家十余，未尝见妻子。后以功第一，拜亳州刺史。乾符末，终岭南节度使。

**王 徽** 《唐书》：字昭文，京兆人。第进士，广明元年，为户部侍郎、同平章事。是日，黄巢入关，僖宗西狩。徽追帝不及，为贼所执，将污以官。徽阳瘖不答，以刃环胁，卒不动。久之，奔河中，遣人间走蜀。诏拜兵部尚书、京城四面宣慰催阵使。更为租庸供军使。因请赦沙陀罪，令赴难。其夏，沙陀会诸军，遂平京师，迁右仆射。大乱之后，宫观焚残，园陵发掘，徽充京畿安抚制置修奉使。外调兵食，内抚流亡，逾年，稍稍完聚，即奉表请帝东还。进检校司空、御史大夫，仍权京兆尹。宦要家争遣人治第，侵冒齐民，徽一平以法，由是为左右所憎，遂移疾免。昭宗立，授吏部尚书。大顺元年卒，赠司空，谥曰“贞”。

**韦正贯** 《唐书·韦皋传》：字公理，皋弟子，万年人。举贤良方正异等，进寿州团练使。宣宗立，以治最，拜京兆尹。俄擢岭南节度使。南海舶贾始至，大帅必取象犀明珠，上珍而售以下直。正贯既至，无所取，吏咨其清。南方风俗右鬼，正贯毁淫祠，教民毋妄祈。会海水溢，人争咎撤祠事，正贯登城沃酒以誓曰：“不当神意，长人任其咎，无逮下民。”俄而水去，民乃信之。居镇三

岁，卒。

**韦保衡** 《旧唐书》：字蕴用，京兆人。父慤，字端士，太和初登第。大中四年，拜礼部侍郎，选士颇得人，领节度使，卒。保衡，咸通五年登进士第，累拜起居郎。十年正月，尚懿宗女同昌公主。公主，郭淑妃所生。妃有宠，出降之日，倾宫中珍玩以为赠送。寻以保衡为翰林学士，拜中书舍人、兵部侍郎[承旨]<sup>①</sup>。不期年，以本官平章事。保衡恃恩权，素所不悦者必加排斥。自起居郎至宰相，二年之间，阶至特进、扶风县开国侯，食邑二千户。十一年八月，公主薨，恩礼渐薄。咸通末，淮、徐盗起，得罪赐死。

**韦昭度** 《唐书》：字正纪，京兆人。擢进士第，践历华近，累迁中书舍人。僖宗西狩，进同平章事。还京，授司空。再狩（南）山[南]，还次凤翔。李昌符乱，昭度质家族于禁军，誓共讨贼，士感动，乃平昌符。昭宗即位，封岐国公，进太傅。王行瑜求为尚书令，昭度建言：“太宗由是即位，后人臣无复拜者。郭子仪有大功，尝授之，固辞免，况行瑜乎？”乃更号“尚父”。行瑜怨，请贬之。未及报，而行瑜收昭度于都亭[驿]<sup>②</sup>，杀之。后追赠太尉。

**李 祁** 《唐书·十一宗诸子列传》：昭宗子，天祐元年封[丰王]<sup>③</sup>。

**李 汤** 《旧唐书·李宗（开）[闵]<sup>④</sup>传》：宗闵弟冉之子也。累官至给事中。咸通中，践更台阁，知名于时。《唐书》：汤累官京兆尹，黄巢陷长安，杀之。

**令狐湹** 《唐书·令狐楚传》：絢子，避嫌，不举进士。絢辅政，湹与郑顥为姻家，怙势骄偃，通宾客，射取四方货财。懿宗

① 据《新唐书·韦保衡传》补。

② 以上据《新唐书·韦昭度传》删、补。

③ 据《新唐书·十一宗诸子传》补。

④ 新、旧《唐书》均有《李宗闵传》。

嗣位，数为人白发其事<sup>①</sup>，[故]絢[去宰相]<sup>②</sup>因丐瀉与群进士试有司，诏可。是岁及第。长安尉，累迁詹事府司直<sup>③</sup>。湮阨不振，死。

## 五代

**王 檀** 《五代史》：字众美，京兆人。少事梁太祖为小校，尚让攻梁，战尉氏门，迁踏白副指挥使。从太祖破魏内黄，复从朱珍攻徐州，获其将。攻王师范，以一军破密州，拜密州刺史。太祖即位，迁保义军节度使，潞州东北面招讨使。晋兵围邢州，拒敌力战，卒全邢州，以功加同平章事，进封瑯琊郡王。贞明元年，徙匡国。是时，庄宗取魏博，檀谓晋兵悉在河北，檀以奇兵西出阴地袭太原，不克而还。徙镇天平，檀尝招纳亡盗居帐下，兵乱，入杀檀，谥“忠毅”。

**韦 震** 《五代史》：字东卿，万年人。初名肇。强敏有口辩，事梁太祖为都统判官。昭宗幸石门，太祖遣由玢略奉表行在，昭宗赐名震。太祖已破兗、郓，遂攻吴，大败于清口。太祖惧诸镇乘间图己，乃讽杜洪、钟传、王师范、钱镠等荐己为元帅，且兼求领郢州。昭宗不许，震强辩，敢大言，昭宗卒许梁以郢州，太祖遂兼四镇，表震郢州留后。昭宗迁洛，震入为河南尹、六军诸卫副使，以病瘖，守太子太保致仕。太祖受禅，改太子太傅。末帝即位，加太师，卒。

**苏逢吉** 《五代史》：长安人。汉高祖镇河东，父悦为高祖从事，逢吉常代悦作奏记，悦言之高祖，高祖以为节度判官。高祖性刚严，逢吉终日侍立书阁中。两使文簿盈积，莫敢通，逢吉辄

① 事：《新唐书·令狐楚传附令狐滈传》作“罪”。

② 据《新唐书·令狐楚传附令狐滈传》补。

③ 《新唐书·令狐楚传附令狐滈传》：滈乃以长安尉为集贤校理。稍迁右拾遗、史馆修撰。诏下，左拾遗刘蛻、起居郎张云交疏指其恶。滈亦惧，求换他官，改詹事府司直。

取内怀中，伺高祖色可犯时进之。然贪诈，喜杀戮。高祖尝生日，遣逢吉疏理狱囚祈福，谓之“静狱”。逢吉无轻重曲直悉杀，以报曰：“狱静矣。”高祖建号，拜同平章事。时，制度草创，逢吉素不学问，随事裁决，不施德政。时天下多盗，逢吉草诏下州县，凡盗所居本家及邻保皆族诛。尝从高祖征邺，使酒辱周太祖。隐帝立，太祖起兵，官军败，逢吉自杀。

**姚顗** 《五代史》：字百真，长安人。少蠢，不修容止。举进士，事梁为中书舍人。唐庄宗灭梁，贬复州司马，已而为左散骑常侍兼吏部[侍郎]、尚书左丞。废帝择宰相，拜顗同[中书门下]<sup>①</sup>平章事。顗为人仁恕，不知钱帛数，御家无法，在相位龌龊无所为。唐制：吏部分为三铨，尚书曰“尚书铨”，侍郎二人曰“中铨、东铨”。天成中，诏三铨合为一。顗为相，复分为三，选人多不便之。晋高祖立，罢为户部尚书，卒。

**王易简** 《宋史》：字国宝，万年人。曾祖拙，剑州刺史。祖远，连州刺史。父贯，唐州刺史。易简好学，工诗。梁乾化中，举进士，召为右拾遗，上书忤旨，出为邓州节度推官。后唐同光中，为魏王[都督]<sup>②</sup>府记室参军。明宗即位，周帅罗周恭辟为掌书记。府罢，退居华阴，作《小隐诗》。秦王从荣闻而重之，召为祠部员外郎。晋初，拜御史中丞、吏部侍郎、判吏部铨。晋祖在大梁，台省湫隘，易简奏举故事，得元省钱二百万，缮治省署及造器物。周初，迁礼部尚书，俄改刑部，判兵部。显德四年，致仕。宋初，加少保<sup>③</sup>。卒。

子景让，进士及第，至尚书郎。

**崔峰**<sup>④</sup> 《宋史》：字之才，长安人。进士及第，知遂州。

① 以上据《新五代史·姚顗传》补。

② 据《宋史·王易简传》补。

③ 少保：《宋史·王易简传》作“少傅”。

④ 崔峰及下述王陶，事迹均在宋时，不当列入五代。



建议瞿塘峡置关如剑门，以察奸人。徙提点刑狱。嘉陵江岁调民丁治堤埒，峰更用州兵代其役。文州蕃卒数剽攻边户。峰请守臣岁时行边，益募勇壮，伺其发，一切捕击之，后无复内寇。就除河东转运使。会更钱法，潞州民大扰。后迁集贤院学士、知河中府。峰所至贪奸，比老益甚。至河中，以刑部侍郎致仕。卒。

**王 陶** 《宋史》：字乐道，万年人。第进士，嘉祐初，为监察御史里行。神宗立，拜御史中丞。郭逵以签书枢密宣抚陕西，诏令还都。陶言：“韩琦置逵二府，至用太祖故事，出师劫制人主，琦必有奸言惑乱圣德。愿罢逵。”陶始受知于琦，帝初临御，陶料必易置大臣，欲自规重位，故力攻之。帝徙陶为翰林学士，出知陈州，入权三司使。吕公著言其反覆不可近，以东宫旧臣加观文殿学士。帝薄其为人，不复用。元丰三年，卒。陶微时苦贫，寓京师。其友姜愚，一日大雪，念陶奉母寒，荷一舖<sup>①</sup>划雪，行二十里访之。陶母[子]<sup>②</sup>冻坐，日高无炊烟。愚亟解所衣锦裘，质钱买酒肉、薪炭，又捐数百千为之娶。陶既贵，尹洛，愚老而丧明，往谒之。陶对之邈然，但出尊酒而已。愚失望，归，病死。

## 宋

**寇 准** 《宋史》：字平仲，下邳人。父相，晋开运中，为魏王府记室参军。准少通《春秋》三传。年十九，举进士第，授大理评事，知归州巴东县。期会赋役，未尝出符移，惟具乡里姓名揭县门，百姓莫敢后期。累迁枢密院直学士，判吏部东铨。尝奏事，帝怒起，准辄引帝衣，令帝坐，事决乃退。拜枢密副使，罢知青州。明年，召拜参知政事。准入见，帝曰：“朕诸子孰可付神器者？”准曰：“陛下为天下择君，谋及妇人、中官，不可也；谋及近臣，不可也；惟陛下择所副天下望者。”帝曰：“襄王可乎？”

① 舖：《宋史·王陶传》作“铺”。

② 据《宋史·王陶传》补。



准曰：“知子莫若父，愿即决定。”遂以襄王为皇太子。景德元年，命同中书门下平章事。是冬，契丹大入，帝骇，以问准，准曰：“陛下欲了此，不过五日尔。”因请幸澶州，帝难之，欲还内，准曰：“陛下入则臣不得见，大事去矣，请毋还。”乃议亲征。及至南城，准固请过河，遂渡河，御（此）[北]城门楼，远近望见御盖，踊跃欢呼，声闻数十里。帝尽以军事委准，准承制专决，号令明肃。敌数千骑薄城下，诏士卒迎击，斩获大半，乃引去。其统军挾览战死，乃奉书请盟。准欲邀使称臣，且献幽州地。有潜准幸兵以自取重者，准不得已，许之。帝遣曹利用议岁币，准召利用，语曰：“所许无过三十万，过，吾斩汝矣。”利用果以三十万成约而还，河北罢军。帝待准甚厚，王钦若深嫉之。由是罢知天雄军。天禧元年，拜中书侍郎、同平章事。三年，罢为太子太傅，封莱国公。时周怀政请奉帝为太上皇，而传位太子，复相准。丁谓以闻，乃贬准雷州司户[参军]<sup>①</sup>。卒，归葬，道出公安，县人皆设祭哭于路，折竹植地，挂纸钱，逾月，枯竹尽生笋。众因为立庙，岁时享之。准没后十一年，赠中书令、莱国公，谥“忠愍”。

《语林》：莱公镇大名，北使至，谓曰：“相公望重，何故不在中书？”寇曰：“主上以朝廷无事，北门锁钥，非准不可。”

**吕大忠** 《宋史·吕大防传》：字进伯，大防兄。登第，为华阴尉、晋城令。韩绛宣抚陕西，以大忠提举永兴路义勇，改秘书丞。大忠言：“养兵猥众，国用日屈，汉之屯田，唐之府兵，善法也。弓箭手近屯田，义勇近府兵，择用其一，兵屯可省。”为签书定国军判官，会遭父丧。起复，知代州。契丹使萧素、梁颖至代，大忠数与素、颖会议，屡以理折之。元祐初，历工部郎中、陕西转运副使、知秦州。时郡余民粟，豪家因之制操纵之柄。大忠选僚案，自旦入仓，虽斗升亦受，不使有所壅阂。民喜，争运粟于

① 以上据《宋史·寇准传》改、补。

仓，负钱而去，得百万斛。绍圣三年<sup>①</sup>，加宝文阁直学士、知渭州，付以秦、渭之事。徙知同州，旋降待制致仕。卒，诏复学士官，佐其葬。

**吕大防** 《宋史》：字微仲，其先汲郡人。祖通，太常博士。父蕢，比部郎中。通葬京兆蓝田，遂家焉。大防进士及第，调冯翊主簿、永寿令。迁著作佐郎、知青城县。青城外控文川<sup>②</sup>，与敌相接。大防据要置逻，禁樵采，严障蔽。韩绛称其有王佐才。英宗即位，改太常博士、监察御史里行。是岁，京师大水，大防陈八事，章十数上，出知休宁县。熙宁四年，知延州，徙华州。元丰初，徙永兴。大防陈三说九宜。哲宗即位，召为翰林学士、权开封府。元祐元年，拜尚书右丞，进中书侍郎，封汲郡公。三年，超拜尚书左仆射兼门下侍郎，提举修《神宗实录》。大防外厚意直，不植党朋，与范纯仁并位，同心戮力，以相王室。立朝挺挺，进退百官，不市恩嫁怨。以观文殿大学士、左光禄大夫知永兴军使。左正言上官均论其隳坏役法，夺学士。言者又以修《神宗实录》直书其事为诬诋，徙安州。绍圣四年，贬舒州团练副使，安置循州。至虔州信丰病薨。大忠请归葬，许之。徽宗即位，复其官。绍兴初，赠太师、宣国公。谥“正愍”。

**杨昭俭** 《宋史》：字仲宝，长安人。祖授，刑部尚书。父景，[梁左]<sup>③</sup>谏议大夫。昭俭登进士第，天福初，为翰林学士。驸将张彦泽镇泾原，暴杀从事张式。昭俭抗疏论列，请置之法。权臣忌之，停官。寻复中书舍人。时河决数郡，大发丁夫塞之。晋少主喜，诏立碑记其事。昭俭表谏曰：“陛下刻石纪功，不若降哀痛之诏；摘翰颂美，不若颁罪己之文。”少主嗟赏，罢其事。周世宗爱其才，召为御史中丞，多振举台宪故事。开宝六年，以工部尚书

① 绍圣三年：《宋史·吕大防传附吕大忠传》作“绍圣二年”。

② 文川：《宋史·吕大防传》作“汶川”。

③ 据《宋史·杨昭俭传》补。

致仕。太宗即位，加礼部尚书。卒。<sup>①</sup>

**李 涛** 《宋史》：字信臣，万年人。后唐天成初，举进士甲科，拜监察御史。晋天福初，迁刑部郎中。泾帅张彦泽杀记室张式，夺其妻。式、涛伏阁抗疏，请置于法。植笏叩阶，声色俱厉，晋祖不得已，罢彦泽节制。汉祖起义，以为翰林学士。周初，历刑、户二尚书。宋初，拜兵部尚书。建隆二年，涛被病。有军校尹勋，董浚五丈河，陈留丁壮夜溃，勋擅斩队长陈琲等十人。涛力疾草奏，请斩勋。家人劝久病，宜自爱，涛曰：“人孰无死，但我为兵部尚书，坐视军校无辜杀人，乌得不奏？”太祖嘉之，削夺勋官爵，配隶许州。卒，年六十四。涛慷慨有大志，工为诗，笔札遒媚，居家以孝友闻。

子承休，至尚书水部郎中。

**雷德骧** 《青箱杂记》：长安人。太祖时，居谏诤之任，有直名。与赵普有隙，时普以勋旧作相，宠遇方渥。骧言普专权，容堂吏纳贿。忤旨，贬商州司户。岁余，其子有邻挝登闻鼓诉冤，鞫得其实，堂吏李可度除名，余党黥配远州，出普知河阳，召德骧复旧官，擢有邻守校书郎。后普复入，德骧乞致仕。太宗勉之曰：“朕保卿必不为普所挤。”有邻性亦刚鲠，有父风，太宗尝谕有邻：“朕欲用汝父为相何如？”有邻曰：“臣父非宰相器。”乃止门下。王禹偁尝赠诗曰：“当时词气压朱云，老作皇家谏诤臣。章疏罢封无事日，朝廷犹指直言人。题诗野馆光泉石，讲《易》秋堂动鬼神。棘寺下僚叨末路，斋心唯祝秉鸿钧。”

**宋 瑄** 《宋史》：字宝臣，渭南人。父鸾，监察御史。瑄，乾德中进士及第，登拔萃科，解褐青城主簿，知绵州。太宗即位，改右赞善大夫。出知秦州，有善政，就拜监察御史，充陕西转运使。以韦亶代知秦州，未百日，坐事系狱。上以瑄前有治绩，再命知秦州，安集诸戎，部内清肃。雍熙初，迁屯田郎中、知益州。

<sup>①</sup> 杨昭俭主要事迹在五代时期，宋立国时，杨年已六十。应列入“五代”。

属岁饥多盗，珙始至，擒捕招辑，盗皆屏息。淳化中，知苏州，卒。上录其子明远为蒲城主簿，护其丧归葬。珙性清简，历官三十年，未尝问家事，唯聚书贻子孙，曰：“使不忘本也。”次子柔远，举进士。

**师 颀** 《宋史》：字霄远，内黄人。父均，后唐长兴二年进士，终永兴节度判官，因家关右。颀少笃学，建隆二年，举进士上第。解褐耀州军事推官，累殿中侍御史，知资、眉二州。以简静为治，超拜工部郎中，知陕州。真宗以其素负才望，而久次于外，累诏对，询其文章，命以本官知制诰。咸平五年，知审官院、通进银台封驳司。卒。

**段 鹏** 《福建通志》：京兆人。太平兴国三年，知兴化县，擢知兴化军转运使。以游洋转输不便，奏请移于莆。鹏览视形胜，以都巡检廨为军治。借民力，而民不怨。后论创始者，称“段知军”云。

**宋 涛** 《宋史·宋湜传》：温舒子，长安人。端拱二年进士，知襄城县，以政绩闻。

**李仕衡** 《宋史》：字天均，成纪人，家京兆。进士及第，调鄠县主簿。田重进守京兆，命仕衡鞠死囚五人，活四人。重进即其家谓曰：“子有阴施，此门当高大之。”徙知彭山县，迁知剑州，擢尚书度支员外郎，判三司盐铁勾院。度支使梁鼎言：“商人入粟于边，率高其直，而售以解盐。商利益博，国用日耗。请调丁夫转粟，而辇盐诸州，官自鬻之，岁可得缗钱三十万。”仕衡曰：“安边无大于息民，今增以转粟挽盐之役，欲其不困，何可得哉！”不听，遂行鼎议，关中大扰。乃以仕衡为荆湘北路转运使，徙陕西。真宗幸洛，召为度支副使。上言：“关右既弛盐禁，而永兴、同、华、耀四州犹率卖盐，年额钱请减十之四。”诏悉除之。为河北转运使，建言：“河北岁给诸军帛七十万，而民难于得钱，预假于里豪，出倍偿之息，故工机之利愈薄。方春，民不足，请户给钱。至夏输帛，则民获利而官用足矣。”诏优其直，仍推其法于天下。



以为河北都转运使。盗起淄、青间，迁知青州。前守捕群盗妻子置棘围中，仕衡至，悉纵之。未几，其徒有梟贼首至者。仁宗即位，拜尚书左丞，以足疾，改同州观察使。卒。

子丕绪，荫补将作监主簿，为虞部员外郎，解官就养。累迁司农卿，致仕，卒。丕绪居官廉静，不为矫激。家多图书，集历代石刻为数百卷，藏之。

**李若拙** 《宋史》：字藏用，万年人。举进士，擢上第，授密州防御推官。登贤良方正、直言极谏科，太祖嘉其敏贍，改著作佐郎。迁知陇州，以政闻。雍熙三年，假秘书监使交州。先是，黎桓制度逾僭，若拙遣左右戒以臣礼，桓听命，拜诏尽恭。取先陷蛮使邓君辨以归。使还，不辱命，迁起居舍人。淳化二年，出为两浙转运使，徙江南。若拙尚气节，有干才，然临事缓。宰相以为言，罢使，知泾州。至道二年，黎桓复侵南鄙，又诏若拙充使，桓复禀命。使还，真宗嗣位，诏试学士院，俄知制诰。咸平初，使河朔按边事，知升、贝二州。卒。

子绎，字纵之，幼谨愿自修。举进士中第，除将作监丞，累迁屯田员外，知华州。蒲城民李蕴诉人盗其从子亡去，绎因密刺蕴，蕴有阴罪，侄觉之，惧事暴，杀之以灭口，遂收蕴致法。擢提点河北刑狱，权知贝州。岁旱，绎为酒务，市民薪草溢常数，饿者皆以樵采自给，得不死，官入亦数倍。边民岁输草十余万，委积久，辄腐败，绎奏罢之。三迁本曹郎中，改兵部，为江淮制置发运使。内出绢五十万匹，责贸于东南。绎曰：“百姓饥，不宜重扰。”辄奏罢之。甫半年，漕课视常岁增五之一。绎自以久宦在外，意不自得，作《五知先生传》，谓“知时、知难、知命、知退、知足也”。为右谏议大夫。卒。

**赵瞻** 《宋史》：字大观，其先亳州人。父刚，太子宾客，徙懿州。瞻举进士，治平初，除侍御史。时诏内侍王昭明等为陕西诸路（铃）[钤]辖，瞻以为宜追还内侍，责成守臣。又请罢京使，专委宿将。夏人入侵，庆帅孙长卿不能御，加集贤院学士，瞻言：



“长卿当黜，不宜赏。”京东盗贼数起，瞻请易置曹、濮守臣之不才者，未报。乃求退，力言返还昭明等，英宗改容，纳其言。时议追崇濮安懿王，中书请懿王称亲，瞻争之。已而皇太(子)[后]<sup>①</sup>手书尊王为皇，瞻入对曰：“陛下为仁宗子，而濮王又称皇考，则是二父。”贬通判汾州。熙宁三年，为开封府判官。神宗问：“青苗法便乎？”对曰：“青苗法，唐行于季世扰攘中，培民财诚便。今欲为长久计，爱养百姓，诚不便。”初，王安石欲瞻助己，使其党饵以知杂御史。瞻不应，出为陕西转运副使。元祐三年，擢枢密直学士、签枢密院事。明年，同知院事。卒，谥“简懿”<sup>②</sup>。

**何 常** 《宋史》：(字)[字]德固，京兆人。中进士第，为开封府兵曹，历熙河转运副使。议者欲贷民金帛，使入粟塞下。常曰：“车马转运，民力已病，然未至于死亡者，粟自官出，而民无害也。今强以金帛，使自入粟，惧非贫弱之利。”熙帅及监军劾之，贬秩，徙成都路。中使持御札至，令织戏龙罗二千，绣旗五百。常奏：“旗者，军器之饰，敢不奉诏？戏龙罗唯供御服，日衣一匹，岁不过三百有奇，今乃数倍，无益也。”诏奖其言，为减四之三。除直龙图阁，转通议大夫。谍告夏人多筑堡栅，朝议出兵牵制，常言：“羌人生长射猎，今困于版筑，可以拱手待弊，无烦有为也。”从之。终右文殿修撰。

**种 朴** 《宋史》：世衡孙，长安人。知河州，蕃部叛，朴出讨。时朴至州才二日，以贼锋方锐，且盛寒，欲姑待之，而胡宗回驰檄至六七，不得已，遂出兵。羌知朴来，伏以待。朴遇伏，首尾不相应，殊死战，为贼所杀，以马负其尸去。事闻，赠防御使。

**种师中** 《宋史》：字端儒，世衡孙。历知邠州、庆阳府。金人内侵，师中援中山、河间。粘罕至太原，师中抵寿阳之石坑，为金人所袭。兵溃，独以麾下死战，身被四创，力疾斗死。师中

① 以上据《宋史·赵瞻传》改。

② 简懿：《宋史·赵瞻传》作“懿简”。

老成持重，为时名将，诸军自是气夺。诏赠少师，谥“庄愍”。

**赵允良** 《宋史·宗室传》：周王元俨子，封华原郡王。**赵宗愈** 濮安懿王允让子。**赵仲御** 濮安懿王允让后<sup>①</sup>。**赵朴** 徽宗子。并封华原郡王。

**赵 頔** 《宋史·宗室传》：英宗第四子，封鄂国公。

**赵令续** **赵世宪** 《宋史·宗室世系表》：燕王房<sup>②</sup>。**赵仲被** **赵士陆** 汉王房。**赵仲熾** 商王房。**赵仲峭** 越王房。并封华原郡公。

**赵仲俞** **赵仲连** 《宋史·宗室世系表》：汉王房。**赵士型** 商王房。**赵叔翦** 勋国公房，并封华原侯。

**刘化源** 《宋史》：耀州人。绍圣元年进士。建炎初，金人陷关陕，守令以城降者，金人因而命之。化源时知陇州，不肯降，城陷被执。使人守之，不得死，遂驱入河北，鬻蔬果，隐民间十年，终不屈。有米璞者，与化源同乡里，登政和二年进士第，时通判原州，刘豫欲官之，杜门谢病，卒不污伪命。

有刘长孺者，亦耀州人。时签（事）[书]<sup>③</sup>博州判官厅公事，与豫书，备陈祖宗德泽，劝以转祸为福。豫怒，囚之百日，长孺终不屈。豫复官之，不从。绍兴九年，宣谕使周聿上之朝，诏赴行在。签书枢密院事楼炤言璞（若）[苦]<sup>④</sup>风痹，化源、长孺老病，遂命各转两官奉祠。其后金复渝盟，长孺之华阴县，不屈，死。

**李好义** 《宋史》：下邳人。祖师[中]，忠州团练使。父定一，兴州中军统制。好义弱冠从军，善骑射，为兴州正将。吴曦受金人说，以蜀叛。亟归，与其兄对哭，谋诛之。密结亲卫军黄术、赵亮、吴政等，女弟夫杨君玉亦与知。长史安丙与杨巨源阴结忠义欲图曦，好义遂遣君玉报丙，丙喜曰：“非统制李定一之子乎？”

① 据《宋史·宗室传二》，赵仲御为濮安懿王赵允让之孙。

② 《宋史·宗室世系表·燕王房》又记赵令琯、赵令晏“赠华原郡公”。

③ 据《宋史·刘化源传》改。宋代府州属官有“签书判官厅公事”。

④ 据《宋史·忠义传》改。

此人来，断曦臂矣。”约二月晦举事。好义夜飧士，麾众受甲，与好古、好仁及子姓拜决于家庙，众皆踊跃。时伪宫门洞开，好义大呼而入。曦露顶徒跣，开寝户欲遁，遂斫其首出伪宫，亟驰告丙，[持曦首抚定]<sup>①</sup>城中，市不改肆。好义请乘时取关外四州，王喜忌其能，沮之。好义曰：“西和乃腹心之地，愿得马步千人，死士二百，赍十日粮可济。”丙从其请，好义率众攻城，亲犯矢石，人人乐死，以少击众，前无留敌。金西和节度使完颜钦奔遁，好义整众而入，欲乘胜径取秦、陇。宣抚令谨守故疆，不得侵越，士气皆沮。好义以中统制知西和州。卒，谥“忠壮”。

**朱友恭** 《通志》：西安人，泾原将，以兵败不屈死。

**甄婆儿** 《宋史·李璘传》：鄠县民，母刘与同里人董知政忿竞，知政击杀刘氏。婆儿始十岁，妹方襁褓，托邻人张氏乳养。婆儿避仇，徙居郝村。后数年，稍长，念母为人所杀，又念其妹寄张氏，与兄课儿同诣张氏求见妹，张氏拒之。婆儿泣，谓兄曰：“我母为仇人所杀，妹寄他姓，大仇不报，何用生为！”时方寒食，具酒肴诣母坟痛哭，归取条桑斧置袖中，往见知政。知政方与小儿戏，婆儿出其后，以斧斫其脑杀之。有司上其事，太宗特贷焉。

**惠从顺** 《宋史·许祚传》：京兆人，十世同居，诏表门闾。

**李仲容** 《宋史·李涛传》：字仪父，涛孙，万年人。举进士甲科，除大理评事，擢御史，累迁户部侍郎。仲容性醇，易与人言，未尝及势利。三弟早卒，字其诸孤十余人如己子。

**元守全** 《宋史·裘承询传》：京兆人，五世同居，诏加旌表。

**张评事** 《续文献通考》：泾阳人，五世同居，男女百口，缙服同爨。宋、金两朝敕命筑义门台，旌表宅里。

① 以上据《宋史·李好义传》补。

## 金

**完颜乌烈** 《金史·宗室表》：太祖子。完颜宗美 太宗子。并封丰王。

**完颜永中** 《金史》：本名实鲁刺，世宗子。明昌二年，进并王。三年，封镐王。

**萧 贡** 《金史》：字贞卿，咸阳人。大定（之）[二]<sup>①</sup>十二年进士，调镇戎州判官，擢监察御史，迁北京转运副使。亲老，归养。左丞董师中、右丞杨伯通荐其文学，除翰林修撰。上书论：“比年之弊，人才不以器识、操履，巧于案牍，不涉吏议者为工。用人不务因材授官，惟泥资叙；名器不务慎与，人多侥倖；守令不务才实，民罹其害。伏望擢真才以振浇俗，核功能以理职业，慎名器以抑侥倖，重守令以厚邦本。然后教化<sup>②</sup>可行，百事可举。”诏词臣作《唐用董重质诛郭谊得失论》，贡为第一。贡尝论时政五弊，言路四难，词意切至。改治书侍御史，迁国子祭酒，兼太常少卿，与陈大任刊修《辽史》。改刑部侍郎，历河东北路、南京路转运使、御史中丞、户部尚书。兴定元年卒<sup>③</sup>。谥“文简”。贡好学，至老不倦，有注《史记》一百卷。

**杨达夫** 《金史》：字晋卿，三原人。泰和三年进士。会有诏徙民东入关，达夫与众行，及韶<sup>④</sup>，避兵于州北之横岭<sup>⑤</sup>，为游骑所执，将褫衣害之。达夫略无所惧，稍侵辱之，大言曰：“我金国臣子，既为汝所执，不过一死，忍裸袒以黷天日耶！”遂见杀。

① 据《金史·萧贡传》改。

② 教化：《金史·萧贡传》作“政化”。

③ 兴定元年卒：《金史·萧贡传》作“兴定元年，致仕。元光二年卒”。

④ 中华书局《金史·杨达夫传》校勘记据清嘉庆《重修一统志》卷二〇五云：金末于河南府澠池县置韶州，“疑‘韶’字下当有‘州’字。”

⑤ 中华书局《金史·杨达夫传》校勘记引清嘉庆《澠池县志》卷一：“治西二十五里，横岭回障，蜿蜒十数里。”



## 元

**贺仁傑** 《元史》：字宽甫，鄆人。父贲，数从军有功。关中兵后，积尸满野，贲买地金天门外，为大塚葬之。后历官总管京兆诸军[奥鲁]<sup>①</sup>，卒。仁傑从世祖南征云南，北征乃颜，皆著劳绩。居中事上，知无不言，而不外泄，帝爱重之。帝欲选童女充后宫；及有司买物，多非土产；山后盐禁，为民害，皆奏罢之。特授上都留守，加中书右丞。妻刘氏歿，帝欲为娶贵族，固辞，乃娶民间女，已而丧明，夫妻相敬如友。大德九年卒<sup>②</sup>，谥“忠贞”。

**贺胜** 《元史》：仁傑子，字贞卿。从许衡学，通经传大义。年十六，入宿卫，凝重寡言，拜集贤学士。三十年，金枢密院事，迁大都护。大德九年，父仁傑请老，代为上都留守。通商贾，抑豪纵，出纳有法，供亿不匮。奉圣州民高氏，籍虎贲，以贲雄乡里，身死子幼，有达官利其财，使部曲强娶高氏妇。胜白帝，斥之，高氏以全。岁饥，辄发仓廩赈民，民德之，为立祠上都西门外。开平人张弼，家富。弼死，其奴索钱民家，弗得，殴负钱者至死。治狱者教奴引弼子，并下狱。丞相铁木迭儿受赂，不为直。胜以语御史劾奏丞相，罢之。英宗即位，铁木迭儿复相，诬胜，杀之。泰定中，昭雪其冤，谥“惠愍”。至正三年，改谥“忠宣”。

子二：惟一，左丞相；惟贤，同知上都留守司事

**太平** 《元史》：姓贺氏，名惟一，胜子。资性开朗正大，袭父职为都指挥使。至正二年，参知政事进右丞。宗室诸王岁赐不均，太平请均其厚薄。辽、金、宋三史未修，太平为总裁，修

① 据《元史·贺仁傑传》补。

② 大德九年卒：此处疑有误。《元史·贺仁傑传》：“大德九年，年七十二，请老，拜光禄大夫、平章政事，商议陕西行中书省事。”“后成宗崩，仁宗入清内难，念世祖旧臣，欲有所咨访，召赴阙，行至樊桥而卒。”据此，贺仁傑卒于大德十一年。



成之。迁平章政事，兼修国史，请赐经筵讲官坐以崇圣学，立行都水监以治黄河。生平好访问人才，至是多进用之。初，脱脱罢相，居西土。其父卒，太平力请脱脱归葬，脱脱既迁朝，不知太平之有德于己也，因汝中柏谗间，罢[为翰林学士承旨]。还奉元。十五年，河南盗起，诏为淮南行省左丞，总诸军，驻济宁。时饷苦不继，太平令有司给牛具以种麦，自济宁达于海州，民不扰而兵以济。议立土兵元帅府，轮番耕战。除辽阳行省左丞。余粟以给京师，处置有法，召为中书左丞。考求死节之臣，虽布衣亦加谥赠，[有官者就]<sup>①</sup>官其子孙。皇太子欲内禅，遣宦者谕意太平，不答。皇太子欲尽逐帝近臣，太平以疾辞位。阳翟王阿鲁辉帖木儿倡乱，帝命太平留守上都，北边以宁，拜太傅。俾归奉元，帝密旨令太平无行。皇太子恶其既去而复留，令御史劾太平故违上命，安置土番，遣使者逼令自裁。太平自杀。

子也先忽都，名均，字公秉。好学有俊才，累迁翰林侍读学士。太平为相，务揽才彦，也先忽都又倾己下士，故名称籍然。迁太子詹事，宣政院使。搠思监徇皇太子旨，构成大狱，杖死之。

**孟攀麟**<sup>②</sup> 《元史》：字驾之，云内人。金正大七年擢进士第，为陕西帅府详议官，遂家长安。中统三年，授翰林待制，同修国史。至元初，召见，劝上以郊祀天地，祠太庙，制礼乐，建学校，行科举，（擢）[择]守令以字民，储粟米以贍军，省无名之赋，罢不急之役。百司庶府统于六部，纪纲制度悉由中书。世祖悉嘉纳之。又尝召问宗庙、郊礼仪制，攀麟悉据经典以对。后以病请西归，帝令就议陕西五路四川行中书省事。四年，卒。[延祐三年]<sup>③</sup>，赠翰林学士承旨，谥“文定”。

**忙哥剌** 《元·世祖纪》：至元九年，封皇子忙哥剌为安西王。

① 以上据《元史·太平传》补。

② 孟攀麟：《元史》作“孟攀鳞”。卷一六四有传。下同不校。

③ 以上据《元史·孟攀麟传》改、补。

十年，益封秦王，别赐金印。十七年薨<sup>①</sup>。

按：封爵非专属西安境者，如秦王、雍王之类。不具录。考元《诸王表》，忙哥刺秦王府在长安，因著之。

**伯 颜** 《元史》：蔑儿吉斛氏。顺帝入践大位，嘉伯颜翊戴功。元统二年，封秦王。

**爱 薛** 《元史》：西域弗林人。大德元年，平章政事。仁宗时，封秦国公。《仁宗纪》：皇庆元年，加崇福使也里牙秦国公。

严观按：《续文献通考》：也里牙，爱薛子。

**暗 普** 《元·仁宗纪》：至大四年十二月，封宣政、会福院使暗普秦国公。

**俺 普** 《元·顺帝纪》：封秦国公。

**张德明** 苏天爵撰《墓碑》：三原人，轻财好义。以子贵，封奉议大夫，泾阳县子。至治二年卒。

**张 敏** 《贾志》：富平人，大定间进士，为闻喜令，有善政。至元初，民为立碑。

**宋 规** 《关学编》：字汉臣，长安人。亲歿，庐墓，瑞草生[茔]<sup>②</sup>。中统戊戌征试，中论、赋两科，拜议事官。先是，官吏纵肆日久，侵苦小民。规绳以法，惕然皆莫敢犯。丙辰春，诣阙陈便宜数事，上悉嘉纳。为耀州尹。官蜀道宪副，政声著闻。

**赵 弼** 《贾志》：字元辅，云阳人。历大都留守，京师势望为之敛迹。后出宣慰荆西、湖北。时西蜀诸夷贡物率舟达江陵，山途五百里，赋民负之。弼乃浚故漕渠，灌以沮、漳之水达湖，入白湫，通汉中。置龙岗、奉申二水驿，以省劳费，荆民惠之，名赵公河。大德三年，为平章政事，议陕西省事。卒。

**绵曲律不花** 《畿辅志》：京兆人。至元六年监元氏<sup>③</sup>，勤于

① “十年，益封秦王，别赐金印。十七年薨”等语，《元史·世祖纪》未载。见于《元史·诸王表》。

② 据《关学编》卷二补。

③ 据《元史·地理志》，元真定路有元氏县。

公务，民有争讼，立剖决之。每月朔望，至文庙，行礼毕，揖耆儒升讲堂序坐，吏曹各专一经，讲明正理，使日新所闻。明年春夏，蝗、旱相仍，祈祷自罪，甘雨应期，蝗遂出境。

**吕 彧** 《元史》：字伯充，河内人。父佑，初隶兵籍，转徙关中，家焉。廉希宪宣抚京兆，聘许衡教授生徒，彧从衡学。衡为祭酒，举彧为伴读，辅成教养，彧功为多。至元十四年，授四川行枢密院都事。宋安抚使王立守合州，西院获立侦卒张郃等，将杀之，彧释郃等，俾归谕立，立降，泸、叙等郡相继送款。改华州知州，劝农兴学。及代，民争留之。大德中，河东、关陇地震，移书庙堂，陈救灾弭患之道。仁宗即位，拜翰林侍读学士。致仕。卒，谥“文穆”。

**刘允中** 《富平志》：号西涧，美原人。大德间，授顺鹿路总管，讨判酋有功，调广南郡尹。故事：三五姓联户饲马，民苦甚。允中令月出缗钱市马，人便安之。迁长宁州同知，地接蛮徼，允中招徕之。又教作水车，引溉陆田，并令子弟入学，风俗丕变。后改泾州，值岁饥，百方赈济，全活甚众。三年，请老，制以耀州知州致仕。

**薛 荣** 《马志》：字君英，渭南人。元贞二年，以陕西行省荐补通事。四年，擢御史台译史。延祐二年，迁兴元路判官，督修栈道有功。至治二年，以宪司荐举，升西和州知州。延师儒、兴礼义，绰有政声。终工部尚书。

**程 达** 《贾志》：蓝田人，有大志，常以天下国家为分内事。历官云南肃政廉访司签事，持宪凜然，人咸畏服。

**李 诚** 《渭南志》：字克诚，渭南人。擢知三原，任德缓刑，劝农兴学，屏除奸盗，铃束群吏。兵兴，转粟挽刍，量户高下而均其徭，民不告病，时称循良。

**石端甫** 《贾志》：渭南人，举茂材异等。历官四川宪副，忠慎廉介，卓有能名。

**张 讷** 《贾志》：蓝田人，少有志行，历官监察御史。论事

謇谤，不避权贵，谏草一出，时论归美。家居孝友姻睦，举动必协于道。关中学者翕然宗之。

**杨 钦** 《贾志》：云阳人，三历风宪，俱有政声。

**李邦瑞** 《元史》：字昌国，[以字行]，临潼人。木华黎下诸城堡，率众来归。受旨使宋，宋遣贱者来迎，邦瑞叱出之；宋改命行人，乃如约而还。因奏：“兵戈之际，宗族离散，乞归寻访。”帝谕驰驿南京寻访，或以隶诸部者，悉归之。后从诸王阔出经略河南，凡所历州郡四十[余]<sup>①</sup>城，绘图以进。授金符、宣差军储使。卒。

**萧道寿** 《元史》：兴平人。家贫，鬻筏自给。母八十余，事养尽礼。每旦，候母起，亲侍盥栉。日三饭，必待母食，然后食。夕，必待母寝，然后寝。出外必告乃敢出。母或怒，道寿自进杖，伏地以受，母命起乃起，俟色喜，乃退。母尝有疾，医累岁不能疗。道寿刲股肉啖之而愈。至元八年，赐羊、酒，表其闾。

**李子敬** 《元史·孙秀实传》：三原人。嫁不能嫁者五十余人，葬不能葬者五十余丧，焚逋券四万余贯。有司以名闻，旌之。

**吴 份** 《续文献通考》：高陵人。尝畜牛，每耕田，策之，辄触人死。子弟欲鬻之，份曰：“是嫁毒也。”他日份出，子弟鬻之，份追客，以牛性语客，客还牛，取直而去。善折斗讼，不烦辞而人服，有讼不之官而解。官闻之朝，旌其庐曰“耆德吴份门”。

**王 忠** 《续文献通考》：三原长孙里人，能尽孝道。值母有疾，欲为之娶，忠曰：“吾母疾，安忍为此。”后母卒，庐墓，日夜哀号，疏食饮水，人所不堪。有司奏旌其门。

**刘 钦** 《贾志》：字仲贤，醴泉人。元末，兵至九峻山，钦负母而逃。携子、侄，度难两全，以侄为母所钟爱，谓其妻曰：“父母爱则爱之，敢以恩夺孝，为不道之人哉？”投子于泾水，襁母携侄而行，卒脱兵患。孝义闻于郡国。

① 以上据《元史·李邦瑞传》补。

## 人 物 志

### 明

朱 棣 《藩献记》：太祖第二子，洪武三年四月，封秦王。二十八年薨，谥曰“愍”。《贾志》：子尚炳，洪武二十八年七月袭封，十八年<sup>①</sup>薨，谥“隐”。王子志垺，永乐十年九月袭封，十三年<sup>②</sup>薨，谥“僖”。王无子。王庶兄志均，永乐二十二年十月以渭南王进封，三年<sup>③</sup>薨，谥“怀”。王无子。王弟志瓌，宣德三年三月以富平王进封，二十八年<sup>④</sup>薨，谥“康”。王子公锡，天顺二年六月以秦世子嗣封，二十九年<sup>⑤</sup>薨，谥“惠”。王子诚泳，（宏）[弘]治九年<sup>⑥</sup>九月以镇安王嗣封，薨<sup>⑦</sup>，谥“简”。王无子。（宏）[弘]治十三年十月，以临潼王秉榘嗣封，二年<sup>⑧</sup>，薨，谥“昭”。王子惟焯，正德四年袭封，薨<sup>⑨</sup>，谥“定”。王无子。嘉靖二十七年二

---

① 十八年：《明史·诸王世表》作“永乐十年”。《明史·诸王传》同《表》。

② 十三年：《明史·诸王世表》作“二十二年”。《明史·诸王传》同《表》。

③ 三年：《明史·诸王世表》作“宣德元年”。《明史·诸王传》同《表》。

④ 二十八年：《明史·诸王世表》作“景泰六年”。《明史·诸王传》同《表》。

⑤ 二十九年：《明史·诸王世表》作“成化二十二年”。《明史·诸王传》同《表》。

⑥ 弘治九年：《明史·诸王世表》作“弘治元年”。

⑦ 《明史·诸王世表》记景王诚泳“弘治十一年薨”。《明史·诸王传》同《表》。

⑧ 二年：《明史·诸王世表》作“十四年”。《明史·诸王传》同《表》。

⑨ 《明史·诸王世表》记定王惟焯“嘉靖二十三年薨”。《明史·诸王传》同《表》。



月，王侄镇国中尉怀瑾袭封，薨<sup>①</sup>，谥“宣”。王子敬镕，隆庆三年六月由隆德王袭封，薨<sup>②</sup>，谥“靖”。王子宜湣<sup>③</sup>，于万历九年五月袭封，薨<sup>④</sup>，谥“敬”。王子宜澍<sup>⑤</sup>，万历十五年由紫阳王袭封，薨，谥“肃”<sup>⑥</sup>。王子存机，崇祯十年袭封，薨，谥“景”。王无子。王弟存极，崇祯十四年袭封，十六年十月十一日，闯贼李自成破城，被执遇害。<sup>⑦</sup>

按：明官制：秦王府在西安府治东。

朱尚炳 《冯志》：愍王第四子，封兴平王，谥“恭靖”。子庄惠王志堦嗣，薨<sup>⑧</sup>。子安僖王公铎嗣，无子，除。

按：明官制：兴平王府在秦府西南一里。

朱公铭 《冯志》：康王第三子，正统七年封临潼王，成化十年薨。谥“惠简”。子僖和王<sup>⑨</sup>诚深嗣，薨。子[秉機]<sup>⑩</sup>进袭为秦昭王。

按：明官制：临潼王府在秦府东北二里。

王 恕 《明史》：字宗贯，三原人。正统十三年举进士，改翰林院庶吉士。景泰间，迁知扬州，请谒，不行。岁饥，不俟报辄发赈。天顺中，转江西右布政使，讨平岭寇。成化初，转河南。左襄邓流民刘通为变，聚众数十万，势甚猖獗。擢恕都察院右副

① 《明史·诸王世表》记宣王怀瑾“嘉靖四十五年薨”。《明史·诸王传》同《表》。

② 《明史·诸王传》记靖王敬镕“万历四年薨”。《明史·诸王传》同《表》。

③ 宜湣：《明史·诸王传》作“谊湣”。

④ 《明史·诸王传》记敬王谊湣“万历十四年薨”。

⑤ 王子宜澍：《明史·诸王传》作“王弟谊澍”。

⑥ 《明史·诸王世表》及《明史·诸王传》未载谊澍谥号。

⑦ 本志所记景王存机、弟存极，《明史·诸王世表》及《明史·诸王传》未见记载。《诸王世表》记谊澍之后袭封秦王者为谊澍子存枢，“万历□□年袭封，崇祯末陷于贼”。《诸王传》记作：谊澍薨，“子存枢嗣。李自成破西安，存枢降于贼，伪授权将军”。

⑧ 《明史·诸王世表》作“庄惠王志堦，景泰三年袭封，天顺元年薨。无子，除”。

⑨ 僖和王：《明史·诸王世表》作“和僖王”。

⑩ 据《明史·诸王世表》补。

都御史捕治，恕督兵攻破之，擒通等，榜示流民，各使复业，以功迁左副都御史。入朝会议，疏言六事，皆切时政，转刑部右侍郎<sup>①</sup>。大学士商辂言：“云南与安南切近，宜选大臣巡视其地。”改恕为左副都御史巡抚之。在云南九阅月，自黔国大师下及土官、夷人皆奉法令，迁兵部尚书、巡抚南京，兼督粮饷。奏天下赋役收取过重，乞严禁革光禄寺岁供白粳概及庖人、贱工；请稍裁别派市物料、织造、彩绘及贡献花木禽鸟；请赐蠲省；请以常州府羨米六万石补民夏税，以羨钱六万贯补诸府户口盐钞<sup>②</sup>；请减耗米十万余以蠲重赋，免秋粮数十万刍半之，以救火灾<sup>③</sup>。周行赈贷至二百余万口。满九载<sup>④</sup>，加太子少保。孝宗即位，改吏部尚书，加太子太保。恕在吏部，抑侥幸、奖名节、拔淹滞，遇事敢言，有不合辄求退。起用以来，乞休二十余疏，乃允家居，年八十八。武宗遣行人存问，恕复疏数事。又四年，卒。赠特进左柱国太师，谥“端毅”。恕五子、十三孙，多贤显。

《通志》：恕忠恳，获上信，凡建白多报可。朝事有不可，必曰：“王公何不言也？”则又曰：“公疏且至矣。”未几，恕疏果至。有谣云：“两京三十部<sup>⑤</sup>，独有一王恕。”

《悬笥琐探》：恕历仕四十五年，上三千余疏，皆忠直凯切。其惠爱如郑子产，直谏如汲长孺，忧世之志如范希文，济世之才如司马君实。年九十矣，犹考论古今，不忘忧国。

① 刑部右侍郎：中华书局《明史·王恕传》作“南京刑部右侍郎”。校勘记：原脱“南京”。据《武宗实录》卷三十七正德三年四月己卯条补。与本传下文“历侍郎至尚书，皆在留都”合。

② 以羨钱六万贯补诸府户口盐钞：《明史·王恕传》作“又补他府户口盐钞六百万贯”。

③ 免秋粮数十万刍半之，以救火灾：《明史·王恕传》作“所部水灾，奏免秋粮六十余万石”。

④ 《明史·职官志》“考功，掌官吏考课、黜陟之事。三年初考，六年再考，九年通考”。

⑤ 两京三十部：《明史·王恕传》作“两京十二部”。

《先进遗风》：端毅公年八十余，葺庐先陇之次，搜阅典籍，编《历代名臣谏议》一百二十卷<sup>①</sup>。又作《石渠意见》四卷、《拾遗》二卷，务划俗学而求合圣贤之旨。构玩易轩，讨论《易》理，作《石渠意见》<sup>②</sup>一卷。视卫武公之九十不忘交儆<sup>③</sup>，不殊也。

《关学编》：子承裕，字天宇。儿时，恒端坐，不妄言笑。十四五时，从师萧学，萧令侍立三日无所授。(归)<sup>④</sup>归以语父，父曰：“善哉，真汝师矣！”由是，益尊师力学。第进士。授徒讲学，教以祖孔、颜，宗程、朱，弟子自树而成名者甚众。授兵科给事中，有《时政》《先务》等疏，皆切中时弊。历史科都给事中。正德初，逆瑾专政，承裕上疏，乞进君子、退小人，及诸不法事。瑾怒，罚粟输边，以外艰去。服除，瑾诛，累迁南太常卿。己卯，宸濠叛，欲趋南都，承裕分守通济门。会有逆党藏甲兵于郭以应贼者，承裕觉之，服以上刑。世庙即位，癸未，迁户部左侍郎<sup>⑤</sup>，提督仓场。丁亥，晋南户部尚书。己丑，致仕。家居以读书教人为事。卒年七十四，赐祭葬，谥“康僖”。承裕性笃孝，善事诸兄。时序祀先，惟谨诲诸子侄以道；冠婚丧祭，必令率礼而行。刊布吕氏《乡约》《乡仪》诸书，著有《论语近说》等书行世。

温 纯 《三原志》：字希文<sup>⑥</sup>，三原人。嘉靖乙丑进士，除寿光令。下车，歼巨寇马天保，劝耕织，辟草莱，决冤狱，一切以经术饬吏治。大司空朱衡以河役费多，为言者所劾，行勘，莫

① 《历代名臣谏议》一百二十卷：明嘉靖《陕西通志·王恕传》作“《历代谏议录》一百卷”。《明史·艺文志》亦作“王恕《历代谏议录》一百卷”。

② 《石渠意见》：与上文所录王恕著述重出。明嘉靖《陕西通志·王恕传》记王恕有著述《玩易意见》。此处所指，当为此书。

③ 《国语·楚语上》：昔卫武公年数九十有五矣，犹箴儆于国，曰：“自卿以下至于师长士，苟在朝者，无谓我老耄而舍我，必恭恪于朝，朝夕以交戒我；闻一二之言，必诵志而纳之，以训导我。”

④ 此处衍一“归”字。

⑤ 户部左侍郎：《关学编·平川王先生》作“户部右侍郎”。

⑥ 字希文：《明史·温纯传》作“字景文”。

敢任者。纯请行，核得其实，群议遂息。擢给事中，发巨珰陈洪不法事，雪故给事中沈鍊冤，直声大振。以抗疏言款市与大学士高拱左，出参河南，分部南阳<sup>①</sup>，从以兵右开府于浙，改漕折，减织造，复陂池。团操军向居会城，与居民啮牙，纯谕曰：“尔曹以防汛，为家宜移营汛地，勿恋此土。”咸听。命军中老弱疾病有故则勿补，遂合九营为七，而兵不知汰。转户部侍郎，历左都御史。刘哱之乱，画坐困、火攻二策，遣行间，卒破平之。常<sup>②</sup>请行考选、罢矿税、释逮系诸臣疏十四，不报，乃约诸大僚赴阙泣请。上震怒，问：“谁倡者？”对曰：“臣纯也。”上亦霁威。上体偶违和，诏所司悉举时政所急，如罢税等事。纯恐上中变，即日奉行，颁示天下。司寇以释系须再请，上意卒中变，人服纯先见。寻以忤政府意，乞休。与里中高年为耆英会，造学一草堂，与后学发明精一一贯之旨，定四礼式，著《雅约》以化俗。卒，赐葬祭，谥“恭毅”<sup>③</sup>，赠少保。崇祀正学书院、郡县贤祠。

《贾志》：予知，字无知，纯长子。专精经义。时冯恭定家居讲学，与予知交最密，恒延质疑义。以恩胄游南雍，匿身萧寺，人莫可踪迹。独执经问字于焦太史竑，欣然有会云。

日知，字与恕，纯次子。万历乙卯举人，性孝谨。潜心坟典，论文格必欲创，语必欲翻，士林以为名言。

**雍泰** 《明史》：字世隆，咸宁人。幼苦学，成化五年进士，铨吴县知县。吴中田傍湖，悉沦湖涨。泰筑堤障之，号“雍公堤”。入为御史，初巡南城，后巡居庸、紫荆二关及巡盐两淮，升知府。余子俊总督宣、大，举为山西兵备副使。千户韦瑛诬收谋逆百人，子俊将入奏，泰曰：“人命至重，其可轻耶？疑谿可也。”子俊从

① 《明史·温纯传》：“俺答请贡市，高拱定议许之。纯以为弛边备，非中国利。出为湖广参政，引疾归。万历初，用荐起河南参议。”

② 常：似应作“尝”。

③ 谥恭毅：《明史·温纯传》作“天启初，追谥恭毅”。



之。至京，果俱免。泰刚直，然涉卞厉民，有罪或杖至死。太原知府以状上，收下锦衣狱。刑部献，当酷刑、罢官。刑部郎韩绍宗走见王恕曰：“泰直臣，公可避乡曲嫌坐视耶？”降湖广参政。

（宏）[弘]治初，升浙江右布政使。十二年，为右（府）[副]<sup>①</sup>都御史，巡抚宣府。诸所奏议，咸当时务。参将李稽，李东阳侄也，为部下所告。泰令缚，击以大杖。科道官承东阳意，劾泰擅杖将官，坐免，即归。日居韦曲别业，不涉城市。武宗即位，起南京户部尚书。刘瑾，泰乡人，有劝泰行金谢者，泰曰：“吾进退在天。”居南两月，瑾矫旨令致仕<sup>②</sup>。长居韦曲，年八十卒。泰奉身俭素，为尚书，未制绯。及卒，家人制以殓焉。

《墓志》：泰擢御史，吴俗：令行皆馈楼船，公不受。固馈，乃驾至张家湾，还之。吴人歌曰：“时苗留犊，雍公返舟。”

《见闻录》：泰巡盐两淮，见灶丁贫而鰥者几二千人。比二年，悉与完室。既去，淮人咏曰：“客边检橐浑无砚，海上遗民尽有家。”又曰：“了却四千儿女愿，春风解缆去朝天。”

**张 紘** 《备遗录》：字昭季，富平人。父月川，文行知名。紘才识通敏，洪武间，由明经举，历云南右参政，晋左布政使。凡云南土地、贡赋、法令、条格，悉经裁定。洪武三十年，入觐，考最为天下第一。《通志》：建文即位，召紘为吏部尚书。时旁求遗逸，会集阙下。紘鉴识精绝，用当其才，试编修《实录》官。靖难兵起，录朝中奸臣二十八人，紘与其数，赦为尚书如故。上简建文群臣，因解职务，月给半俸，居京师。紘退自经。

**李 昶** 《雍大记》：字文烺，泾阳人。自少敦重孝友，刻志向学。领洪武丙子乡荐，历官户部尚书。凡储蓄贡输、户税增损、金帛出纳，皆调度规画有法。所得不少留，颁赐姻族。比卒，家无余赀。

① 据《明史·雍泰传》改。

② 居南两月，瑾矫旨令致仕：《明史·雍泰传》作“甫四日，即令致仕”。



**李 暹** 《贾志》：长安人。洪武中，举于乡。永乐初，授户部主事。使西域，至撒罕马凡五，往反遍历诸国，不辱君命。历任户部侍郎。后又有高引先者，亦长安人，由进士官行人，使朝鲜。及境，有使来迎，称曰“馆伴”。引先改为“迎候”，得上国体。归朝，授御史，巡方所至，发奸（摘）[摘]伏若神。终四川参议。

**冯 进** 《马志》：蓝田人。以人才授贵州道监察御史。巡按山东。升四川按察僉事，兼督学道，衡鉴澄清。转河南屯田僉事，抑豪强，辨疑狱。后丁忧庐墓，卒。

**王 琰** 《马志》：字廷玉，鄆县人。由贡士授太宁令。愚民负固，琰与约，令自至，平其狱讼，赋役俾各得所。再补长清令，吏舞文为患，琰黜老吏三四人，其患顿除。时称治行为山东第一。

**仇 钺** 《明史》：扬州江都人<sup>①</sup>。安化王寘鐸反，钺歼之，拜征西将军<sup>②</sup>。封咸宁伯，予世券<sup>③</sup>。寻出击河（北）[南]<sup>④</sup>贼赵鐸、山东贼刘七，平之。进咸宁侯。卒，谥“武襄”。

孙鸾嗣爵，罪除。

**神 英** 《通志》：京师人<sup>⑤</sup>。嗣指挥使延安卫，捕虏先登。成化、（宏）[弘]治间，充总兵，守宁夏、延绥。以前后功中律，封泾阳伯。后坐刘瑾党，夺爵。

**吕 震** 《愿学堂集》：字克声，临潼人。洪武中，乡举入太学。朝廷行天下则壤均赋，震承檄之两浙，报命，称任使。擢山

① 《明史·仇钺传》：“仇钺，字廷威，镇原人。初以佣卒给事宁夏总兵府，大见信爱。会都指挥僉事仇理卒，无嗣，遂令钺袭其世职，为宁夏前卫指挥同知。理，江都人，故钺自称江都仇氏。”

② 《明史·仇钺传》：“刘瑾睨陕西总兵官曹雄，尽以钺功归之，钺竟无殊擢。”并无仇钺“拜征西将军”之记载。

③ 《明史·仇钺传》：“瑾诛，始进（钺）署都督僉事，充宁夏总兵官。寻论功，封咸宁伯，岁禄千石，予世券。”

④ 据《明史·仇钺传》改。

⑤ 京师人：《明史·神英传》作“寿州人”。

西按察僉事<sup>①</sup>，入为户部主事，寻出为北平按察僉事。成祖潜邸，恭顺有劳。及即位，累擢刑部尚书，转礼部兼领户、兵二部。震深中寡言，当其独坐，以手指刮眉毛，则必有精思密计。诸官属相诫，无敢白事。主事尹昌隆白震事，震不应。少选复前，震拂衣起，曰：“君自行之，何以问为？”昌隆不得请。有语以公旧事东宫，何不取令旨行之。昌隆从其计，震怒，奏下昌隆狱。寻赦，复官。后数年，谷王谋反，以王尝保奏昌隆为长史，坐与谋，夷其族。仁宗朝，加太子太保。宣德元年，病，面疽，宛转呼曰：“尹相，尹相！”家人问故，曰：“尹昌隆守而欲杀我。”震竟死。

**来 恭** 《三原志》：三原人。洪武中贡士，累擢僉都御史，弹劾不避权贵。有谗恭者，上私幸其第，恭妻纺绵，恭方荷锄园中。遂诛谗恭者，而益重恭。

**墨 麟** 《通志》：字士祯，高陵人。洪武甲子乡举，任监察御史，风纪大振。擢北平副使。永乐初，升刑部右侍郎，人不敢干以私。进少保，卒。

**马 京** 《雍大记》：字子高，三原人。洪武十三年进士及第，授翰林院编修。永乐初，拜刑部（有）[右]<sup>②</sup>侍郎。卒，谥“文简”。京为人方正有才思，立朝多所建明。

**李 节** 《三原志》：字文度，三原人。永乐中，以明经授给谏，论事务存大体，升四川副使。宣德间，都督陈怀镇四川，擅作威福。节抗疏劾其不法数事，怀竟以是败，众服其刚介。寻升按察使。

**李 锡** 《贾志》：字天禄，咸宁人。永乐戊子解元，授蒲州学正，出其门者多成令器。升给事中，整饬典章，小心慎密，得近臣体。转通政使，封驳章奏，通达下情，虽倥偬繁剧，条理井井。

① 山西按察僉事：《明史·吕震传》作“山东按察司试僉事”。

② 据《雍大记》卷二十九改。

**王真** 《续文献通考》：咸宁人。洪武中，以功授燕山右护卫百户。从靖难，出奇制胜。肥河之战，斩获无算，而后队不继，被围数匝。真气愈奋，斩敌数十人，马上自刃而毙。

**韩永** 《太微集》：西安人，或曰浮山人。丰躯美髯，音吐宏朗，官户科给事中。慷慨论兵，建文喜之。靖难后杜门不出，召入见，不屈，死。

**赵天泰** 《表忠记》：三原人。建文元年，以明经为翰林编修。出亡之日，天泰与焉，时衣葛，因自称“衣葛翁”，又号“天肖子”。后老死于蜀。

**王志** 《表忠记》：咸宁人。永乐初进士，授吏科给事中，升河南知府。四年，草寇猝发，死之，敕旌忠臣。

**高士文** 《存笥稿》：咸阳人。官燕山左护卫百户，从靖难有功，累升前军都督佥事。为人质直刚果，善骑射。其征交趾，多效劳勋，剿贼至广源州，没于阵，人皆惜。

**党荣** 《贾志》：富平诸生。父冕，官主事，得罪，（戌）[戌]云南。荣上疏愿以身代，上悦，曰：“君亲，人道大伦；忠孝，臣子大节。荣能笃大伦、全大节。其令应天府速给冕引还乡，并除（戌）[戌]。”

**王忠** 《冯志》：同官人。七岁丧父，事母以孝闻。洪武三年，诏旌其门。

**员宗义** 《通志》：咸阳人，慷慨有志节。事继母以孝闻，敦族睦邻。正统间饥，宗义赈救，活几万人。

**张贤** 王九思撰《墓碣》：字思齐，郿县人。永乐乙酉举乡试，授吏部司务，陟验封司郎中。刚廉自持，部中呼为“板张”。超拜山西右布政使，威惠并流，远近悦服。寻乞归，旧庐数楹，仅庇风雨。

**杜棠** 《贾志》：字善政，三原人。刚毅寡合，举永乐丁酉乡试，任真定通判。正统中，靖边伯王骥征麓川，升职方郎中，参赞戎政。复调南京户部，南部堂后树忽冬花，众誉其瑞，棠曰：

“冬花，《春秋》书异，何瑞之有？”其刚正多类此。性至孝，母丧庐墓。后升云南知府，政绩著闻。致仕。

**卢彬** 《咸宁志》：字文质，咸宁人。宣德中进士，授户部主事。时朝命将伐麓川，以彬督饷，规画得宜。贵州苗叛，彬擒贼首，余皆奔溃。水西酉为乱，彬单骑往谕，蛮酋感化，贵地以宁。转山西参议。

**王玺** 《贾志》：字廷用，盩厔人。正统辛酉乡魁，任武陟训导，躬督课，文教大兴。迁武陟尹，岁歉多盗，设法赈贷。擢监察御史，抑横除奸，风声赫著。迁永平知府，调襄阳，抚恤流民以数万计。致仕，归<sup>①</sup>。

**子傅**，《贾志》：字良弼，成化乙未进士。历官郢阳知府，升四川参政。所至有绩，时称济美。

**李儒 王瑾** 《马志》并涇阳人。儒以监生令邹平，有贵戚夺民田，儒奏闻，归田于民。后知苏州，筑堤四十里以障水患，民为立祠。瑾以举人任安平，黠盗诬良，瑾释其枉。植柳万株，以便行人，时称为“召棠之荫”。

**王纳海** 《贾志》：字献可，长安人。（宏）[弘]治壬戌进士，授工部主事，治漕临清，严约束，谨蓄泄。调吏部，课核严正，幸路杜绝。忤当道，谪易州同知。核军实，缮城郭。晋河南按察司僉事，理屯田。河南寇乱，屯多荒芜，海给以牛种，时其征敛。三年，屯政底绩。郡有豪黠，怙势武断官司，累年莫能究，海执之伏法。郡狱系囚千余，按牒剖决，不三日，狱几空。改备兵叙泸，晋副使，巡两川，风裁肃然。

**段信** 《三原志》：字宗实，三原人。正统丙辰进士，任杭州司李。廉介不挠，狱无冤滞，擢御史，巡按云南。滇人诗曰：“担

<sup>①</sup> 此处原书排版有误：本条《王玺传》至“致仕”二字终，“归”字移入下行，与“子傅”合为“归子傅”作人名，误。今据清乾隆《盩厔县志》卷八《王傅传》，明万历《郢阳府志》卷九《秩官表·郢阳府·知府》，及《明清进士题名碑录》改之。



头不带滇南物，只插梅花到处香。”继按直隶，监军口外，所至风节著闻，弹劾不游权贵。升金都，出守紫荆关，边境宁辑。

**杨鼎** 《通志》：字宗器，咸宁人。正统四年进士，授翰林编修，以才推改监察御史。治兵兖州，升工部侍郎。天顺间，中贵牛玉议，欲转江南折粮银入实内帑，以他物充武职俸，鼎议已之。成化四年，代马昂为户部尚书。延绥用兵，廷议预征边饷。鼎言：“黄河，汉、唐漕运故道。间虽稍险，然三门而上，小河可达延绥，其迹尚在，苟贮粮水次，溯流徐运，何所不济？”疏上，请身督之，竟赧不行。鼎在官，力清利孔；所题覆，持正不回；事出上旨，亦不曲徇。所立税、监二法，户部遵守之。致仕。卒，谥“庄敏”。

子时畅，官至太常少卿。

**裴斐** 《渭南志》：字成章，渭南人。正统丁卯举人，官御史，有风裁。出按辽阳，将领整肃，升湖广[按察司]<sup>①</sup>佥事，告归。

孙，绍宗，字伯修，以进士除海门知县，遇事敢为。武宗南巡，当道使署江都事。时张忠、江彬等横索，有司莫敢犯。绍宗独与抗，不少屈。比驾旋，省费数万缗。寻擢给事中，直言无讳。会有大礼事，绍宗抗疏数千言，诏下锦衣狱，以拷掠，重创甚，卒。贫不能治丧，时称“忠清”。

**张鼎** 《咸宁志》：字大器，咸宁人。成化丙戌进士，授刑部主事。上言边备曰：“陕西三边腹里，俱有镇守。总兵、巡抚、都御史等官，遇事各为可否，有警不相救援。宜推文武兼济者一人，总制三边，副将以下悉听调遣，则事体归一。”诏从之，边境赖以稍宁。

《贾志》：鼎历官户部侍郎。初知太原，除豪黠孟氏一家九人，按察河东，威名远著。巡抚保定，御流贼筑墙数百里，自内丘直连京畿，境内肃清。

① 据明嘉靖《渭南志》卷六补。



**张 鸾** 《贾志》：字应祥，咸宁人。成化辛丑进士，授大名知县，调南乐。岁旱民饥，流亡过半，乃力请赈贷，民以获苏。擢御史，巡视居庸，条陈防边数事，悉报可。出按四川，先后奏议松潘诸处及成都诸郡县添设裁革事宜，皆卓然为经远之绩，累迁佥宪。时御史王时中巡按大同，忤权贵，欲置之死，鸾力解救之。巨珰张璿掠夺民产，往勘事，得直，以田产还之民。转刑部右侍郎，以忤刘瑾致仕，归。

**路 俊** 《富平志》：字文英，富平人。官锦衣卫百户，英宗北征，俊扈从。土木败绩，俊溃围而出，号召军将莫应。又击虏营，未至行在，力竭遇害。天顺间，谥“昭信”。

子诚世，袭锦衣卫百户。

**殷 辅** 《贾志》：西安前卫指挥僉事。正德七年，调征四川，与贼廖麻子战于德阳，死之。

**邵 璋** 《贾志》：西安后卫人，正德中举人，任登州府通判。流贼犯境，璋率众力战，死之。

**张 澍** 《渭南志》：渭南监生。正德末，任江西按察使知事。宸濠反，械系之，驱令督舟，投水死。

**王 勋** 《渭南志》：渭南人。袭祖职为延安卫百户，骁勇多智，所向克捷，历升宁夏副总兵。嘉靖中，边境不靖，勋率师出战于鹿泉。敌大至，勋据险发矢力战，移时，矢尽而殒。世宗录其忠，诏立祠。

子以宁，袭指挥使。

**张 兴** 《马志》：咸阳人。景泰五年，值凶荒，兴施财赈穷，煮粥济饥，活人不可胜数。后岁丰，有来报者，兴竟不任。

**马仲良** 韩苑洛撰《墓表》：三原人。仁让谨饬，口不言人过失。处乡里，犯而不校。尝有野鸽群集所居庐，若忘机者。将卒，出书一编，皆笃厚亲戚、邻里之说。

**李 完** 《贾志》：泾阳人。母病朦，完时舐母目，寻复如故。

**南续芳** 《贾志》：渭南人。母失明，续芳求医祷神，心力并

瘁。未几，母目复明。

**朱敬** 《贾志》：醴泉人。母歿，庐墓，群盗至，不忍加害，遗以米，敬不受，强留之。后又至，敬以所遗米作食，盗乘间劝谕，群盗同声悔过，后果改行。又**卢春**，渭南人。母歿，庐墓三年，拜泣无间寒暑。有盗来劫，春曰：“我守墓者。”盗曰：“此孝子也。”遂去。

**邢简** 《马志》：字居敬，咸宁人。景泰甲戌进士，授刑部主事。用法明允，凡大狱多委鞠焉。升真定守，祛弊均徭，吏民畏服。升浙江参政，时海宁泛滥，简赈饥蠲税，又筑堤设闸，民赖以安。后升户部右侍郎。

**刘傑** 《马志》：字世英，高陵人。景泰五年进士，授户部主事，迁知湖州府。湖民尚讼，傑尽涤诬诞之习而示以礼。明年，上岁币，官属语存余为出纳之图，傑曰：“吾安可割民以奉势乎？”执事者怒，劾不职，左迁同知真定。寻知永平府，属县富民有巡校以盗诬者，官府知而不争，傑得告即发执之，其众果遁。傑因此中伤，去。

**王彝** 《马志》：郾人。由举人同知解州，廉慎刚断，百姓呼为“铁王”。迁代州，卒。

**荣清** 《蓝田志》：字元洁，蓝田人。天顺初，以材品授内府甲宁库大使，职司金币，出纳惟谨。迁山东昌乐县主簿。昌乐多逋赋，前官峻急，有鬻妻子以输者。清宽限理之，宿负渐清。尝署益都、寿光二篆。

子华，号双溪，成化辛丑进士。初任巩令，巩治与温县邻，田稼每为温民所刈，斗伤者众。华筑堤堰水界之，争端以息。改嵩县，弭盗安民，教化大行。丁外艰，服阕，补无锡。邑有四虎为害，祝而补<sup>①</sup>之，一日获其三，其一复自至。民相谓曰：“猛虎犹知约束，况吾民耶？”后为御史，巡按两淮、四川。所至除奸

① 补：当作“捕”。

革弊，称名御史。

子察，(宏)[弘]治丁丑进士。除山西夏县令，兴学劝农，有古循良风。历贵藩左参议，治声赫然。

员 贤 《溧阳县志》：咸阳监生。天顺间任溧阳令，初建水次仓，留心学校。

孟 俊 《万姓统谱》：咸宁人。天顺己卯举人，知上杭县，为治严而有则，理弊剔蠹，威行惠流。擢监察御史，巡按南畿，以布政司参政致仕。

申 琼 赵应元撰《墓表》：字廷瓚，三原人。天顺己卯举人，任山东蒙阴令。尝集古昔孝顺事实，为民讲解。又督治农器，以溥耕凿之利，教养兼举，蒙人绘像祀之。

冯 宁 《贾志》：同官人。父贵，宣德时，以平汉功，官盐井提举。宁登成化二年进士，历四川佥事，统芒部诸土官，地甚险远，往时上官无一人至者。宁攀木缘山，亲履其地，躬行化导，土司畏而怀之。

袁 泽 《马志》：字汝霖，醴泉人。(宏)[弘]治己酉举人，两署学政，矩范尊严。继擢御史，纠劾奸恶，无所顾避。清理河南军戎，兼刷文卷，并造军器，俱有成法。以疾归。

周 熊 《云南通志》：字应文，长安人，(宏)[弘]治丙辰进士。正德间按滇，任法不少贷，一时贪墨望风解组。

吉 时 《通志》：字惟可，长安人。(宏)[弘]治壬戌进士，由庶吉士改给事中。建言忤瑾，谪，死。

张 珽 《耀州志》：字汝器，耀州人。(宏)[弘]治壬戌进士，授行人，选为御史。时刘瑾数以礼意招珽，珽不往。瑾怒，欲中伤，竟无隙。巡按胡广<sup>①</sup>，治其党不法事，瑾怒甚，将逮系。会瑾败，不果。迁按察。时晋府仪宾某以杀人成狱，武庙驻蹕，太原县君重赂江彬，矫称天语，赦仪宾死。珽曰：“宪臣为天子守法，

① 胡广：疑应作“湖广”。

今天颜咫尺，璉未奉明诏，顾信公口传耶？”彬语塞。寻升侍郎，奉敕督宣、大粮储。数有论奏忤权相，自劾，乞罢黜，乃以左侍郎致仕。

**田 登** 《长安志》：字有年，长安人。（宏）[弘]治乙丑进士，任刑曹。适武宗幸南海子，五日不返。登率同僚跪门大呼曰：“请驾速回，陛下纵自乐，如宗庙、太后何？”上亦不之罪也。后官至参政。

**秦 伟** 《贾志》：字世观，三原人。与马谿田讲学，登（宏）[弘]治乙丑进士。授户部主事，督宣、大边饷，监军张永欲赏所私，伟不与，永竟阻。出守保定，有中贵占民田舍，伟执奏不法状，中贵敛迹。迁山西参政，戇直愈著，令行禁止，弊绝风清。抚按忌之，罢去。

**李 清** 《通志》：长安人，字元洁。甫十九，父歿，水浆不入口者数日，哀毁逾礼，不食肉、不内处累年。母病，汤药亲尝，不离左右。及卒，哀毁几灭性。

**刘 勤** 《马志》：字警常，高陵人。居丧，哀毁骨立，杖而后起。与弟勉、璉友爱甚笃。

璉，字宗器，成化末饥，独贩米汉中，以养二兄。早孤，孝思至老弗替。

**刘时荪** 《贾志》：高陵人。事母至孝，凡饮食衣服，皆亲试然后奉母。诸弟有不恭者，不行诸言，恐伤母心。母歿，哀毁骨立，人不忍见。

**张 锐** 《贾志》：高陵人，事亲及二兄孝友。成化末年大饥，锐千里负米奉养。与族人祀先祖，祭毕，必男女分席会饮，以施劝戒。

**赵 谧** 张有祯撰《墓铭》：字子安，泾阳人。正统甲子乡举第一，景泰辛未进士。授主事，升员外郎。以舆论，遂有江西亚参之擢。至即飞章劾少司徒及中贵人专恣，不少徇。性至孝，母歿，号痛几绝，庐墓侧，淡食草寝者八载。旦夕哭奠如初，常有



慈乌飞绕其旁不去。兄弟以父母俱弃，图分异，谥泣止之。不能，则尽让以资产，尤急济人。岁饥，乡多婚葬失时者，谥竭力资之。成化六年卒。

《马志》：（谥）[谥]兄子穉，以吏任驿丞，亦以庐墓获旌。

**李 仑** 《贾志》：字世瞻，临潼人。成化己丑进士，授屯留知县。积猾舞文、狱讼钱谷，皆出其手，仑至，悉按毙之<sup>①</sup>。升户部主事，除弊革奸，出纳分毫不爽。出守庐州，赈荒活万人。立俵马法，定盐价，创河桥，广积谷。升河南左参政。《通志》：仑卒，妻郝氏不能举火，守臣奏闻，命所司月给米养，终其身。

**梁 泽** 《三原志》：字汝霖，家贫，为掾。县令目所书牍甚工，俾赴试，举成化己丑进士。历升巡抚贵州、山东。所至，断狱剖决如流，弹劾不避权幸，贪污吏多解绶去。以忤时，谪茶陵令。后历浙江参政，皆以廉惠称。

**张 晓** 《马志》：字光曙，三原人。成化己丑进士，知襄垣县，多善政。召拜监察御史，上书论万贵妃事，同列皆缩舌，上笞而释之。寻为湖广僉事，施州乱，全省震动。晓请行，曰：“此可以义动。”至则宣朝廷威德，乱者感服。升河南副使，河决为患，晓奉命督役导河几千里，俾复故道。工竣，晋按察使。陈州有告殴死少年者，三年莫能决。晓阅尸[图]<sup>②</sup>，惊曰：“安有少年缺其齿乎？”讯之，果捕得少年，其尸乃一乞姬也，事遂白。寻以忧归。

**郝 滋** 刘时兰撰《墓志》：字洪济，高陵人。成化辛卯举人，授中牟令。守法奉公，兴利除害，不逾年，境内大治。有水患，岁淹没民田，滋筑堤十八里，植柳卫堤，复得闲田千顷，民甚利之。明年秋，螟螣害禾，滋祭于汉鲁恭祠。次日，虫皆殒。擢均

① 此句前疑有脱文。张弘道《大中大夫山东布政司左参政静庵李公仑墓表》：“屯留难治，在主文弄法，上欺官府，下虐良善，十数年来，狱讼钱粮，皆出其手，吏供使令，官听调发。公至，先缚其主文，按其奸弊，得十余人，悉捶死。而县治始清，法令不扰。”

② 据明嘉靖《陕西通志》卷二十七补。



州守。卒。

**于宽** 《贾志》：字克宏，咸宁人。成化中举人，事继母以孝闻。在太学时，友人任良病没，良妻鬻二女归葬。宽为赎归还，率同志捐貲归其丧。后知巩县，积谷救荒，筑堤障水。擢守邓州，筑城御盗有功，邓人尸祝。

**解经** 《畿辅志》：醴泉人，成化庚子举人。（宏）[弘]治中，令邯郸。性俭素，自奉甚薄，朔望谒文庙，进诸生讲释经义，课试严明。贫民有累年负租税者，与约次第输之，不刑一人。凡徭役，躬自签派，轻重适宜。政平讼理，狱无系囚。

**陈梁** 《贾志》：字伯栋，泾阳人，成化间举人。任浑源知州。时以南人充大同军役，不习水土。梁上其事，请以本土卫所军代之。升赣州同知，有巨贼数万，剽掠郡县，梁以计诱执百余人，遣人分谕诸贼，使解散，贼党悉平。城南漳江，人多病涉，为作石梁，称“陈公桥”。

**王九峰** 《贾志》：字寿天，鄆人。正德戊辰进士，授御史，巡视居庸。开险阻，简行伍，利器物，时练习。卫官怠惰侵渔者，必惩；主将贪懦者，必斥。按顺天，旌廉去贪，畿内大治。其年秋，驾幸居庸，九峰率同列谏止，前后三十疏，不允。出为金华知府，德政茂著。嘉靖甲申，擢山西副使，备兵偏头关。乞归。卒。

**王元凯** 《贾志》：字尧卿，盩厔人。正德辛未进士，拜兵科给事中。时户部侍郎王崇庆以言事系廷尉，元凯上章论救。上怒，诏诣左顺门对状。元凯曰：“主事侍郎官因言系狱，凯谏官，以言得罪，固其分也。第权奸诛灭未久，朝廷不可复罪言者，以滋祸端。”上感悟，释崇庆。时中贵用事，公卿皆因关说。元凯切谏，不报，乃力疏恳致仕。

弟元正，字舜卿，凯同榜进士，官翰林院检讨。武宗幸宣、大，述《五子之歌》以讽。以议大礼谪戍茂州。卒。

**刘储秀** 《冯少墟集》：字士奇，咸宁人。正德甲戌进士，授

刑部主事，历郎中。多所平反，录囚蜀中，全活尤众。戊子，擢山西提学副使。崇雅黜浮，士风丕变。晋右副都，巡抚辽东，整饬边方，治绩茂著。内擢户部尚书，总督仓场，督管西苑农事。时陶仲文方幸，至以三孤兼宗伯，储秀于仲文独不为礼，寻改兵部尚书。例疏辞，疏中语及复套事。严嵩方借复套谋陷夏言，因与仲文交构上前，遂削籍。

**张原** 《冯少墟集》：长安人<sup>①</sup>。正德甲戌进士，授吏科给事中。上疏言十二事，曰：“正守令，择将帅，理刑狱，汰冗食，省征敛，减工作，恤士卒，明赏罚，礼大臣，开言路，崇天道，进德学。”忤旨，降贵州新添驿丞。学者闻原名，裹粮负笈以从，士风丕变。嘉靖改元，复召兵科给事中。原感知遇，益以谏诤为己任。凡论国家大计及进贤退不肖，词严色正，上多嘉纳。三年七月，以谏大礼被杖。先是，原有《停司礼监请乞》一疏，中贵人衔之，杖独重，竟至不起。穆庙初，奉世宗遗诏，复原官，录其后。

**胡侍**<sup>②</sup> 《通志》：字承之，咸宁人。正德丁丑进士，历官鸿胪少卿。时追尊献帝，议者力辩两考之非。侍上言：“祖训：兄终弟及。盖严嫡庶、防觊觎尔。鲁婴齐不受命归父，汉病已不受命昭帝，何以受命为哉？唐睿宗不当兄中宗，宋太宗不当兄艺祖，以其为君也，不当称兄，则不当称伯，明矣！”上怒，出为潞州判官。

**许宗鲁** 《贾志》：字东侯，咸宁人。正德丁丑进士，授云南道御史，刷卷苏、徽，尽按诸大猾，置之法，所入银谷至百数十余万。世宗初巡按宣、大时，将卒素骄悍，宗鲁罪其甚者，将卒帖然。先是，太监刘祥乾没边饷以万计，罪止罢镇。宗鲁请下祥于狱，祥大惧，即如数抵偿。御史曹嘉论诸大臣不法事，有给事

① 长安人：《明史·张原传》作“张原，字士元，三原人”。

② 胡侍：清嘉庆《咸宁县志》卷二十作“胡侍”。本卷下文亦作“侍”。

希大臣意劾嘉，宗鲁力奏，嘉无罪获免。至劾武定侯郭勋、太监萧敬两疏，言尤切至。宣、大故有大边，正德初，以地远弃不守。宗鲁行边，奏请补筑。已，视湖广学政，士风丕振。未几，巡抚保定，核驿传，均徭赋，筑堤捍滹沱河有功，赐玺书旌焉。庚戌，以都御史驻昌平，修边墙三百里，墩堡数百，陵寝以安。移抚辽东，增盐课，归民田之占于诸军者，辽人甚赖之。致仕，归。

《咸宁志》：孙，从坤，字载阳，万历丁酉举人。初仕霸州守，洁己奉公，不畏权珰。擢台中，以耿直左迁淮安府水利同知。开泇治潢，以功擢南工部员外。

王 懋 《通志》：字昭大，咸宁人。正德丁丑进士，授行人，以谏止南巡廷杖，左迁国子学正。嘉靖初，诏复行人，寻拜监察御史。时廷臣议礼不合，相继去位，有杖死者。懋上疏论救，谪典史，数迁至怀庆府。卒。

杜 鸾 《通志》：咸宁人，正德辛巳进士，授大理评事。李福达之狱，郭勋居间，席书助之。鸾请将二人先正国法，徐命多官集议。疏上，鸾逮治，削籍。

王用宾 《咸宁志》：字允兴，咸宁人。正德辛巳进士，授翰林院编修。历清署三十余年，以讲官侍经筵，启沃开陈，世宗每目礼之，晋秩宗伯。穆宗在裕邸诞嗣，并奉诏议孝烈皇后祔庙，两事时际讳忌，朝臣率多异同。公力持宜称皇孙，主祔庙议。先后疏入，俱称旨。以忤严嵩，置留京冢宰。

张 纬 《贾志》：字文之，咸阳人，正德辛巳进士。嘉靖初，擢御史。时有以佛老进者，纬抗疏直谏，不报。江南民邓愈唐为仇家诬，执系狱，数年不决，纬立剖雪之。巡视居庸诸关，所至练武修备，发奸（摘）[撻]伏，边人颂之。大同有变，纬奏：“恩浮于威，无以示戒，宜有震动，以彰天讨。”上纳之。奉命按辽东，会疾，卒。贫不能具棺殓。

张 昶 《三原志》：三原人。事亲色养并备，初筴盐河东，以父疾，弃商攻医。饮食必手治，父所欲食，必多方办之。冬月，

得双鲤若神惠者。父病笃，尝粪以卜吉凶，吁天愿代，父张目曰：“冥司不索我矣！因汝孝，延寿一纪。”后果然。马理私谥曰“孝庄先生”。

**孙逢吉** 《艾陵遗稿》：三原人。慷慨好施，率家人收获，见妇女拾遗穗者，心伤之，即出己麦数石分给。里中有称贷者，辄如数与之，不索券。时有诗云：“施金不计王孙报，应笑田文三窟谋。”

**张善治** 《贾志》：三原人，举人。从父张三极庐祖墓三年，时人称孝。子顺孙，仕南康知府，清忠多善政。

**杜鹤龄** 《三原志》：母病，甫五岁，每夜吁天愿代，母寻愈。父病，不解带者四年，梦神授以方，内载海风藤，询医皆不省。后得其药于京邸，人咸以为孝感。学者私谥曰“孝宏先生”。

**熊 玻** 《樵山堂集》：泾阳增广生。年十九，母病，汤药身尝。母歿，玻不忍遽葬，浮柩于庭，坐卧草土三月。及葬，构庐墓傍，朝夕哭奠。服阕，归养父。父病至歿，并如前孝。负土增塋，倍高畴曩。朝夕溢米，形容槁败。有数劫贼入庐（欲）<sup>①</sup>欲害玻，玻出迎不惧，贼因问玻：“闻尔产殊厚，何悴乃尔？”玻曰：“日夕思亲，不知他事，庐无长物，仅有麻衣。君如力索，即当解以相送。”贼惊叹，谢去。（宏）[弘]治中旌表。

**韩 福** 《马志》：字德府，西安前卫人。父铎，天顺己卯举人，知茂州有声。福登成化辛丑进士，历滑县、章丘令，廉威并著，擢御史，敢言国家利弊。出守大名，民不知吏，道不拾遗，奏课第一。累迁户部左侍郎，因忤宦瑾，谢职归。

**刘 璣** 《贾志》：字用齐，咸宁人，成化辛丑进士。初任曲沃令，升瑞州知府。家食尝不给，公服外无余衣。时新昌盗起，璣入贼巢面谕。贼见璣，皆罗拜听命，立时解散。历迁户部尚书。

**亢时霖** 《蓝田志》：蓝田人。成化丙午乡试，任长子教谕，

① 此处衍一“欲”字。



升庐山令。时天全叛逆，逐县官，掠居民。霖至，开谕招抚，患遂息。又募勇士，杀其酋类之难制者。庐山立祠祀之。

**谷 赉** 《四川总志》：咸阳人，成化丙午举人。知巴县，以廉介自矢。卒之日，家惟图书数卷而已。

**郭 桂** 《贾志》：字时芳，咸宁人。（宏）[弘]治庚戌进士，知安丘。王某者，邑中大豪也，令至辄啖以利，既乃格制之。桂莅任，发其事，论杀之。有父讼其子盗金者，桂知其后母也，谓翁曰：“亟归，金在若媪衣笥中。”归，果得之，父子如初。后判湖州储运，先期辄办。迁泰州知州，州多积蠹，有巨恶号“二虎”。桂至，发其奸事，毙之。转镇江同知，摄郡事，决狱若神，迁平阳。藩邸素为盗藪，桂至，宗室咸畏其威，盗贼远遁。寻擢参政。卒。

**王 锦** 《四川通志》：字在中，醴泉人。（宏）[弘]治庚戌进士，初任襄垣令，升蓬州知州。秉公执法，请托不行，时以刚明称。《醴泉志》：后升山东佥事，兵备莱州。制御盗贼，绰有方略。正德间致仕。

**张 宪** 《贾志》：字廷式，泾阳人，（宏）[弘]治壬子举人。谨言慎行，以笃孝闻，授絳州学正，所造士多成立。升登封知县。有霸州贼数万攻城，宪招降被掳男女百余人，斩首五十余级。事闻，赐敕劳之，升顺天府通判。卒。

**谢朝宣** 《贾志》：字汝为，西安左卫人。（宏）[弘]治癸丑进士，任监察御史，巡按云南。监乡试，令土官咸得观听《鹿鸣》，远人感化。升浙江副使。因忤权宦，谪黄州同知。招流移，恤贫乏，升四川副使。征剿有功，断狱无滞。

**杨 穆** 《贾志》：字子乔，临潼人。（宏）[弘]治乙卯举人，授杞县知县。刚明自任，时宦官需索，闻穆风力，相戒无敢干者。有夫妇夜出为人所杀，穆曰：“此必同舍所谋。”擒治之，果得其情。时流贼猖獗，穆浚隍引汴水为阻，多设战守具，贼觇知，遂不敢入。迁汝州知州，储粟万石以赈饥。集属邑俊秀，授以经学，



士风丕变。寻倅大名，额粮岁有余羨，殄悉贮之库。又倅松江，岁有织造余银数万，殄悉给机户，无所取。升长芦运同。卒。

弟枢，字子极。(宏)[弘]治甲子举人，授夏县知县。擢御史，巡西城，法令严肃，盗为潜遁。后升四川佥事，平綦江盗有功。

贺有年 《临潼志》：字天锡，临潼人，(宏)[弘]治乙卯举人。通判郾阳府，清盗平徭，修学均赋。寻补广平，境内多盗，宪司严檄督捕，他邑多诬陷，有年开释无辜百姓，恃以不枉。既而同知兗州府，疏诸泉源，堤防运河，漕挽以济。

张 守 《马志》：字惟约，泾阳人。兄官，(宏)[弘]治乙酉举人，任云南知府。土酋经年相仇杀，前太守不能治，官至，平之。守，(宏)[弘]治乙卯举人，任封丘令。时巨寇刘六所在攻城，多被残破。守百方御之，城赖以全。升昌平知州，州多勋戚、内官，守处之得所，升永平府同知。有以民田献勋臣者，守绳以法。升成都知府。卒。

马应祥 《贾志》：字公顺，咸宁人。(宏)[弘]治丙辰进士，授河内知县。时邑多风逋，应祥考户数，躬为编次，奸滑敛手，自是输将恐后。时有杀人者不可迹，先期祷越国江公祠下，曰：“神许我得情则雨。”果雨。翼日启棺，诸人罗跪，有鼠自棺出，窜一人衣襟下，忽不见。应祥指之曰：“杀人者汝。”其人色动。推究，果服。又郊外杀一人，未绝。移县门内，许士民纵观，有一人嗟叹其侧，祥遂执之，一讯即得。召拜吏部主事，出备兵陈、睢，再改山西督屯。屯田子粒积负并征，应祥请诸抚按，许他物相准，即以给士卒。甫三月，完十七八。擢山西按察副使。乞休。

高 选 《高陵志》：字朝用，高陵人。(宏)[弘]治中进士，授户部主事，督通州粮务。出纳精密，监督草场，谢绝馈谒。忤刘瑾，致仕。以荐，复起郎中，缘事左迁钧州同知。时流寇围钧，援入城外男妇五千，俘贼数百人。屹然为郾、襄保障。升两淮运同，以清介自持。卒官，贫不能归槨。

李 济 《贾志》：三原人。(宏)[弘]治中监生，任芮城主簿。

因民为治，升本县令。改知临颖，颖民喜告讦，济至，平其讼狱。有顽悍者，即惩治之。疏壅理枉，厘弊振弱，百废俱起。后以疾去，囊篋萧然。

**张 纶** 《四川总志》：兴平人，（宏）[弘]治辛酉举人。知罗江县，善决狱，擢知绵州。

**李 伸** 《贾志》：字道甫，三原人。（宏）[弘]治壬戌进士，授临汾令。晋王府军校肆横，前令莫敢治。伸至，悉置于法。擢御史，巡紫荆等关。时矿贼作乱，伸执首恶，余党解散。《浙江通志》：伸，正德中守嘉兴，有大豪侵官钱，事觉，廉得之，即定爰书。有杀兄谋夺其官者，狱久不决，伸一讯而服。举措因民，不干声誉。

**张 镗** 《泮陂集》：字尚节，咸阳人。父英，善属文。镗举（宏）[弘]治甲子乡试，就选安邑，改静海令。静海密迩京师，天子南巡，诸郡盗起，百姓愁苦。镗供应弭捕，各有条理，境内安堵。

**周 绍** 《通志》：字克述，高陵人。幼与程汝修、吕柟同学，以圣贤相期许。举（宏）[弘]治甲子乡试，受戎县令。莅政公清，夷民敬服，调任江陵。时县有江水为害，绍创筑长堤，民获安居；又垦田千顷，至（令）[今]利赖。

**李 恕** 《贾志》：字道夫，富平人，（宏）[弘]治中进士。初任德平知县，遇事敢为，发积谷赈饥。历升四川佥事，提孤兵破大盗蓝四辈数万众，以智勇称。升贵州参议。致仕。

**史 华** 《湖广志》：渭南人，贡生。（宏）[弘]治间知潜江县，劝课农桑，葺理学校，诸所废坠，罔不振兴。

**马 璿** 《马志》：字文璿，泾阳人。以掾为平谷尉，决断讼狱，远迩称平。修葺古北口边城，御敌有功，升顺义主簿。司易州厂薪，三月，逋薪悉完。限于资格，未竟其用，人咸惜之。

**倪 璿** 《姓谱》：字公在，咸宁人。正德戊辰进士，历给事中。后以诬，谪佐嘉善。立法更化，严保甲，毁淫祠，置义冢及

社学书院<sup>①</sup>，甚有政教。《咸宁志》：升知定州，世宗入继大统，所经郡邑，咸幕以锦绣。至定州，璣独以黄布，上嘉其俭约。寻升山西口北道僉事。

**杨 淳** 吕柟撰《墓志》：字重夫，先世华阴人，明兴，徙临潼。登正德戊辰进士，授御史。时刘瑾索求科道瑕疵，适决大辟，众皆推避。淳请行，瑾恶其不附己，改工部屯田司主事。辛未，差荆州抽分，请托不行。后升员外郎，管台基等厂。寻差辽东查盘军器。甲戌，升都水司郎中，奉敕管理通州南旺河道。时中官方横，舳舻往来，陵辄州司，需索无算。有号“二刘”者，敕使西域，其艘所费万计。淳移徼，擒治其党，众敛迹去。升宝庆知府。南楚风俗尚鬼，淳首兴学校，以劝生徒，擒妖诬、毁淫祠，浮风丕变。调知郟阳，升山西副使、四川参政。次年，升本省按察使，由右辖寻升左辖。淳在蜀威茂，诸边将常因蕃夷入寇，多杀无辜以邀赏赉。淳谕以祸福，诸将感悟。生平清忠自励，慕赵清献为人，遗荣养素，居室肃然。

**曹 兰** 《咸宁志》：字德芳，咸宁人。正德辛未进士，历山西布政司。大同兵变，兰履险决策，贼不敢犯。晋山东巡抚。

子韩，嘉靖乙未进士，累升贵州参政，严敏清洁，所在有声。

**南大吉** 《明史》<sup>②</sup>：字元善，渭南人，正德六年进士。嘉靖初，以部郎出为绍兴、太平二守。吏靳塘多智讎，大吉下车，郡事多咨之。三月后，一日，召诸吏集庭下，数之曰：“若等善欺予，可亟持三月成案来。”案至，立剖数十事，人人慑服，塘骇汗齟舌。由是饬条教，颁下邑，惩奸戢暴，不挠贵势。巨豪石天禄、戴显八者，窝盗致富，官府素不能治，逮捕毙狱中。每临重囚，必朱衣象简，秉烛焚香，大开重门，望见者以为神人不可犯。王成为大吉会试举主，大吉尝于先生前自省临政多过，谓先生何无言。

① 社学书院：清嘉庆《咸宁县志》卷二十作“义学书院”。

② 今本《明史》无《南大吉传》。

文成曰：“吾已言之矣！吾尝言良知，良知固自知也。”已，自省加密，文成曰：“往镜未明，可得藏垢；今镜明矣，一尘难往。此入圣机也，勉之！”大吉为葺稽山书院，简八邑才俊讲习其中，刻《传习录》，振起绝学。大吉政尚严猛，喜任事，不避嫌怨。已浚郡河，开上灶溪，核理侵壅，以是藉藉谤腾。郡人居吏部者衔之，遂以大计落职去。

**穆世傑** 《泾阳志》：泾阳人，正德辛未进士，知乐安县。汀赣流寇攻县，世傑擒斩首恶，党与立散。居官以兴学校育材为务，邻民争归附焉。

**郭田** 《嘉兴府志》：字汝耕，长安人。正德甲戌进士，知嘉善县。政令严明，坚持冰蘖操。每见解银，指谓左右曰：“此阿堵物，能亡身败家，尔等（毋）[毋]为所污。”时有上书陈其过者，即榜县门，引以自罪。

**张幾** 《盩厔志》：字知幾，盩厔人，正德甲戌进士。司理广平，不阿权贵。民有汙田，岁苦潦，幾教之种莲，鬻以输赋。寻调真定，视广平尤剧。幾理滞达枉，决遣如流，以考最征入比部。改丞松江，职董漕运，幾飞挽先诸郡。召拜山东佥事，按察青州诸郡。青州海滨无赖者，采山煮海，恣睢睥睨，尺符不能约束。幾以间执诸豪，逮系之，众皆解散。寻乞归。

**管楫** 《贾志》：字汝济，咸宁人。正德中进士，授刑部主事，升吏部文选郎中。能以清苦自持，历任山东巡抚，整肃官方，甫五月，齐鲁肃然。母老告归，行李肃然。

**惠儒** 《长安志》：长安人。素行清介，正德时，以举人任兖州通判。有中贵毙民命，台司下儒理之，中人惧，馈金一坛，覆以酱。儒发其事，置于法。升同知河间，俸给外一钱不取。致仕归。

**李东** 《蓝田志》：蓝田人，正德丁丑进士，任丹徒令。时武宗南狩，中外汹汹，奸民乘间为奸，诈称乘輿至。东疑其伪，执而讯之，置重典。召为监察御史，巡方江北、两川，皆



以威棱著。

**穆相** 《通志》：字伯寅，三原人。正德辛丑进士，授沂水令。两遇大盗，降之。岁饥，煮粥给食，所活甚众。擢浙江道御史，巡视东城，权贵敛手。敕巡三关，筑隘口四百五十七，置器械三万余，断囚八百余案。巡按山西沁水，以通沟洫，又疏清源、太原渠，招降青羊山巨盗。复巡江西，以劳成疾，卒。

**文清** 《马志》：字洁之，醴泉人，监生。任射洪教谕，人材辈出。鄢蓝作乱，保障有功。

**南逢吉** 《贾志》：字元贞，嘉靖戊戌进士。授礼部主事，太庙、明堂诸大礼属草多出其手。出知保宁，力戢奸宄，悉与更始。暇则萃诸生之隽者督教之。民有为盗诬者十一人，冤十余年莫能白，一讯雪之。升副使，备兵雁门，慨然曰：“阵法不习，匪我制敌，敌实制我。今之边弊，有甚于此者乎？”于是谕三关将士，如令甲习之。又数巡行三关外，军声大振。条上备边便宜五事，多触忌讳，执政不喜，格弗上。及考察，用飞语，罢官。

**雒昂** 《三原志》：字仲俛，三原人。嘉靖癸未进士，累擢吏科给事中。未三年，疏凡数十奏，直声著闻。出为四川佥事，历河南布政使，升巡抚。奏议条陈，期月间六十上。徽藩不道，昂抗疏劾之，被逮，廷杖毙阙下。

**李宗枢** 《富平志》：字子西，富平人。嘉靖癸未进士，授诸城令。邑多卫弁巨室夺民田，宗枢按治，归故侵地。县邻海，夙称盗藪，宗枢在邑三载，盗皆屏迹。戊子，擢御史，宣、大有警，敕枢按之。陈边务十一事，诏用之，边境果宁。抗疏论总宪阿附及少司马副都不法事，皆坐免。出为颍州兵备，迁河南参议，转副使。上南巡，擢按察使，分督扈从之役，中官敛戢。拜佥都，巡抚河南。素性坚直廉正，尤軫民隐。陈灾疫，请赈恤，凡章奏入告，期于通达下情，无所隐讳。以病归。

**吕应祥** 《贾志》：字子和，泾阳人。嘉靖壬辰进士，以行人选吏科给事。尝曰：“朝廷以言官为耳目，苟稍有顾忌，即蔽明塞



聪，岂朝廷设官意乎？”会京师地震，上书言汰冗、赈贫、倡勇、恤谏、节赏五事。寻奉命监草场，疏发司场太监通商减刍奸状。覆宣、大边饷，尽得登耗出入之实，劾都御史以下若干人。条塞下便宜十事，皆嘉纳焉。上幸承天祔皇太后显陵，应祥以礼科都给事中从，议礼多所匡正。时选宫僚多赂进者，应祥言：“太子，国之储副，师友必慎其选，愿罢诸赂进者，会推一时贤俊。”疏上，触执事者，夺为民。

**高 节** 《通志》：字中立，西安后卫人。嘉靖乙未进士，知襄陵，擢南给事中。戆直有声，出知河南卫辉府，以廉介称。中丞某礼接少违，即挂冠去。一日，直指使者往候，节方冠襦襖，荷鋤自耘，留坐惟麦饭一盂，人服其古朴云。

**王 鹤** 《长安志》：字子皋，长安人。嘉靖乙未进士，为行人，奉使朝鲜，馈遗尽却。迁工科给事中，上疏论时政，忤旨，廷杖。当严嵩柄国，时人争出其门，鹤持正不阿，人服其介。

**李复聘** 《整屋志》：字叔征，整屋人。嘉靖壬戌进士，除闻喜令。绳奸吏，捕剧盗，三年，授南京广东道御史。抗疏论时事，劾执政一、勋贵一，荐有望大臣十，风裁赫然。出为四川佥事。四川盗沍甚，复聘推诚安辑，盗乃散，寻升参议。移疾归。用荐起，分部郾、襄，升副使，治兵蕲州。以疾卒。

**維 遵** 《三原志》：字道行，泾阳人，入籍三原。嘉靖乙丑进士，任给谏。劾权党冯保，忤江陵，谪浙江照磨。转（大）[太]仆卿，巡抚四川。有《疏稿集》《諫垣奏议》行世。

子仁，字少经。万历癸未进士，官大理评事。时神宗倦勤，进四箴以规，语触上怒，廷杖，削籍。忠直之风，父子济美。

**任 佩** 《贾志》：字伯玉，高陵人。嘉靖中，以明经授兴平训导，迁肃藩教授。藩嗣性佻达，佩严其近侍，不使私出入，多所匡正。藩校王应龙兄弟以事犯，王怒甚，下佩议死。佩封还令旨，竟得释。时又有崇王府长史刘迁，高陵人，皆随事规谏，导王以礼，二王遂有贤声。

**褚 镛** 马谿田《褚孝子墓志》：镛，字宣玉，泾阳人。祖孟昇，生珪，珪尝为乡贡士，有孝行。父歿，庐墓三年。配潘氏，生宣玉。宣玉性仁孝，于虫豸有不得所者，必加悯焉。母疾，宣玉求名医诊疗，弗愈，乃取其粪尝之，语内曰：“吾母粪苦，其得生矣。”后果愈。比歿，哀毁逾礼。既葬，庐墓。除服日，有群鹤飞集屋上。正德庚午秋，举于乡。年四十九，卒。

《贾志》：镛从弟云，字民望。母病，日侍左右。既卒，终日儿啼，庐于墓侧，朝夕哀奠。乡人尝遗以鸡卵，云置之他所，忽有牝鸡来伏之，成雏数十，环鸣墓侧。有司以闻，表其闾。

**颜 彩** 《贾志》：长安庠生。父疾，吁天愿代。及父歿，寝苦枕块，水浆不入口者三日。葬，庐墓三载。所掘坟地，得白金三镒，遂以合母迁葬，人谓孝感所致。

**唐好古** 《贾志》：渭南人。父瘫，侍汤药不离寝席者六年。

**韩 洲** 《贾志》：长安人。嘉靖间，大祲，振粟百石。尝晨出，见一人遗金，号泣欲死，而如数予之。

子灼，字以光。洲患病，灼割臂取血，和药以进，疾旋瘳。后灼贾两淮，妻许氏事翁姑亦曲尽诚孝。灼子在，居母丧，庐墓三年。事兄尤尽友敬，以恩选入史馆。

## 人物志

### 明

**杨爵** 《明史》：字伯修<sup>①</sup>，富平人。家贫，年二十，始发篋读书。兄为邑掾，以他累连爵。爵从狱中上书，白兄冤，令立出之。举嘉靖八年进士，授行人，奉使楚藩。还朝时，上方议礼，爵言：“臣至湖广，见百姓多菜色，假令周公礼文尽行，抑何补于饥馑之艰？”上为下疏发赈。改御史。乞终养，母卒，庐墓三年。起补御史，疏言：“大学士夏言欺天罔人，翊国公郭郧巨恶大奸。凡此任用，皆足失人心而致危乱。”又请“止（上）[土]木之功<sup>②</sup>，开谏诤之路，屏邪妄之术，以慰人心，以祈天佑”。上怒，逮系诏狱，杖几死。五年，上修（元）[玄]教，神降于箕<sup>③</sup>，请宥爵，上释之。未弥月，而上为箕神造台，尚书熊浹极言不可。上曰：“吾固知释爵，诸妄言者立至矣。”复逮还系狱。爵抵家，仅十日也。又三年，内殿火，上于火光中闻神语呼爵名，请释之，始释。归二年，有大鸟止于舍，爵曰：“杨伯起之鸟至矣，兆其在我乎？”越五日，无疾而卒<sup>④</sup>。隆庆初，赠光禄卿。万历中，谥“忠介”。

---

① 字伯修：《明史·杨爵传》作“字伯珍”。

② 《明史·杨爵传》载杨爵上疏有“土木之功，十年未止”语。

③ 神降于箕：《明史·杨爵传》作“神降于乩”。

④ 越五日，无疾而卒：《明史·杨爵传》作“果三日而卒”。

**邹应龙** 《长安志》：字云卿，长安人。嘉靖丙辰进士，授行人，擢御史。《纪事本末》：嘉靖四十一年五月，以邹应龙为通政司参议。时严嵩眷遇日隆，言者或死或（戍）[戍]，应龙欲具疏。一夕，梦出猎，见一高山，射之不中。东有培垒楼，俯平田，有草米覆其上，一矢中。醒而悟曰：“此小儿东楼之兆也。”遂上疏劾世蕃，数其通贿赂行诸不法状。因及嵩植党蔽贤，溺爱恶子，且曰：“如臣言不实，愿斩臣首以谢世蕃父子。”帝览之，心动，命嵩致仕，而下世蕃于理。

《贾志》：应龙后历兵部侍郎，巡抚云南，以忤江陵，致仕。

**孙丕扬** 《贾志》：字叔孝，富平人。嘉靖中进士，授行人。时分宜焰炽，走其门者如市，丕扬独不往。壬戌，授御史，升大理寺右丞。时新郑用事，以夙憾，嗾其党诋之，坐落职。新郑罢去，以台臣荐，起巡抚保定，增设紫荆关边墙一千九百余里，金汤屹然。以不能事权珰冯保，忤江陵，引疾归。又以荐，起应天府尹，转户部左侍郎，丕扬辞疾不赴。辛卯，以抚按会荐，起刑部尚书。大同变起，上入蜚语，逮总督魏学曾。乃抗言：“学曾为国家剪除元慝，忠烈茂著，大功垂成。用肘掖萋菲遽加挫辱，恐伤天下忠义之心。”上释勿问。改都察院左都御史，命各道御史会集诸事宜为书，名曰《巡方总约》，至今御史奉为功令。升吏部尚书。时党议方兴，丕扬抗疏极论，而诸臣互相倾危，国事日坏，乃挂冠归里。性亢率爽豁，与人交，不设城府，不念私怨。凡国家大政，如九边、河漕，皆确有硕画。念天下安危托于诸抚臣，再柄铨衡，独以遴选抚臣为兢兢。一时建牙拥旄，皆卓然为世名臣。

**秦 登** 《咸宁志》：字允升，咸宁人，嘉靖元举人。选昌平学正，严立课程，作兴士类。擢同知凤阳，淮决，筑堤造梁于泗，工役之费，皆所自措。会岁饥，请赈，全活甚众。寻补四川顺庆，肃清军政。升崇王府长史，以辅导自任。告归，卒。

子可久，字孟征，举嘉靖丙午乡试。谒选扬州通判，摄江都

事，廉明勤慎，升知滨州。滨城坏，可久为修筑之，屹然保障。

《贾志》：弟可大，字仲容，嘉靖中进士。授东光令。丁外艰，起补光山令。以绩最，擢兵部武选主事，历员外郎。考察武臣，不避权贵。寻升山西参议。擢四川副使，兵备建昌，值土寇沙氏乱，抚镇主剿，可大主抚，竟以抚定。升山西行太仆卿，兵备宁武，致仕。可大博通五经，尤长于《诗》。

弟可贞，字秀章，万历中进士，为富顺令，有善政。

卢 绅 《贾志》：字汝佩，咸宁人，嘉靖癸未进士。知遂宁，县有水患，筑堤植柳，水害永消。累擢湖广副使，抚治荆南。荆南界连川、贵，诸蛮构兵连岁。上怒，下守臣会议，绅曰：“蛮性蠢，尔若绳制太严，恐生他变。不若开谕利害，俾罢兵息，民足矣。”从之，兵遂解。升江西参政。瑞州寇起，单车谕散其党，擢贵州按察使。卫指挥贪暴激变，军士连结诸蛮为乱。绅至，执首恶，余悉宥之。进布政司，改顺天府尹。时有勋贵夺畿内民田数百顷，关说京兆，绅力拒之。擢户部侍郎、总督仓场，兼理西苑农事。清查积贮余米二十余万石，以裕国储。拜南京户部尚书。

阎 溥 《贾志》：字允周，兴平人。嘉靖癸未进士，授刑部主事。时光禄崔卿子杀人，其子故宰相甥。曲为请溥，谢曰：“仆与相公均有官守，朝廷法顾为相公屈耶？”竟论如律。出守保定，路当四冲，兵卫杂糅，豪右戚畹，武断渔猎。溥一切持以法，无敢肆者。癸巳，大同构变，朝命勘抚，反侧向化。晋副浙台，以为郡时与台使抗礼，捃摭旧事，论罢。

秦世显 《通志》：字子修，泾阳人。嘉靖癸未进士，任饶阳知县。饶[阳]地瘠，讼繁多盗，世显裁决如流，案无停牍。会有大盗入境，世显亲获渠魁一人，余俱生擒而还。自是境内无盗。真定数有寇患，世显一战而平。年二十三，卒。

杜世爵 《畿辅志》：泾阳人，嘉靖戊子举人，任内丘知县。会世宗南巡，供应孔繁，世爵俄顷立办。擒刁顽吕崇仁、李政等，杀于狱。筑金堤、官庄、清修、尹村四堡，置锦锈堂、鹤度岭二



口，民依赖之。

**赵瀛** 《贾志》：字文海，三原人，嘉靖己丑进士。初授章丘令，岁饥，赈济，全活甚众。除凶缉盗，民赖以安。擢知嘉兴府，转兵备易州道，边功甚伟。迁山东参政，归里，囊笥萧然。《嘉兴府志》：瀛知嘉兴府事，政尚刚毅，多所兴革。疏浚城河，以其土运之南湖，建烟雨楼。时田多逋粮，吏缘为奸，乃分田地、山荡二则，赋额均平，迄今赖之。

**马书林** 《高陵志》：字子约，高陵人，嘉靖己丑进士。初授河南辉县令，申减上税田三百余顷，改泄久潦地，为田五百余顷。有江西富民王冠者，买人童男女合药。事发，冠求书浼嘱，且馈千金，林一无所受，置之法。升河南汝宁知府。时豪宗暴虐，书林申革崇王府长史、军校，充发边卫二十余人，汝民以安。转四川保宁府，申减丝绫之累。升四川按察司副使，未任，卒。

**冯友** 《贾志》：字益卿，长安人。性孝友，笃志讲学，学者称“兑泉先生”。嘉靖甲午举于乡，历任岢岚知州。筑城浚濠，边圉以固。调忻州，以募商飞挽、缮修边垣有功，晋保定府同知。时严嵩当国，其仆严年以侍教生刺来谒，友见刺，即笞其人。年恚，嗾盐院吴某论归。

**左思明** 《耀州志》：字五河，耀州人。嘉靖甲午举人，为永城令。修城建桥、设仓改驿，立太丘书院教士，政绩卓然，升知赵州。

**王宗尧**，字汝敬。由天性，字纯夫。《富平志》：俱富平人，嘉靖时举人。宗尧知郾县，兴水利，设社学。天性判合州，擒巨盗，劝农桑。蜀人咸德之。

**崔璉** 《高陵志》：字宗商，高陵人，嘉靖中贡生。为崇庆州判，抑豪强，解冤诬。常禄外（豪）[毫]发不取。告病，贫不能归，上官为给路费，始还里。

**王三聘** 《盩厔志》：字梦莘，盩厔人，嘉靖乙未进士。授大理评事，谳狱多所平反，擢佥事河南，督屯政，兼理驿传。时南

阳诸屯半侵于豪，粮数影射，三聘厘剔一清。邮递供应困绌，规画节省。改僉事四川，会都蛮猖獗，三聘主安抚，同事者议不合，遂归里，囊笥萧然。

**薛腾蛟** 《渭南志》：字时化，渭南人，嘉靖乙未进士。授长治令，均赋役，恤鰥寡，政平民阜。累迁四川僉事，分巡川东。乡尹钱若愚贪墨无顾藉，腾蛟按劾之。大盗铜梁朱洪受、太平袁廷佐劫掠负固，腾蛟擒剿殆尽。征苗之役，腾蛟监蜀兵入楚，转饷以时，人人用命，俘斩七百级。捷闻，升山西参议，分治大同。大同遭悍卒变，当事者务为姑息。腾蛟以严治之，一军肃然。迁副使。归，不复仕。

**张绍芳** 《鄂志》：字孝先，鄂人，嘉靖丁酉举人。初仕襄陵、高平教谕，正身率士，迁沁水令，廉介自守，请托不行。调五台，筑城御寇，修学育才。比倖顺天，名誉益著。冢宰张元洲知其贤，擢河间同知。尝摄府篆，库吏进羨余三百金，叱去。归里，囊橐萧然。

**乔世宁** 《贾志》：字景叔，耀州人，嘉靖戊戌进士。授南京户部主事，以僉事按川南。时行郡县，奖良罚恶，升湖广督学。庚辰，为河南参政。有诏募兵河南，世宁部署严整。时裁损供费，诸应募恶少多道亡且掳掠，独大梁士卒无一不法者。寻督饷小滩，小滩商贾闭棗，转饷无由输官，因即其直以为利。世宁令转饷者分余旁邑，奸商失利，民甚便之。擢四川按察使，以忧归。

**王邦宪** 《贾志》：字后泉，耀州人，祥符令王志孙。嘉靖庚子举人。初授徐沟令，政声茂著，升莱州府通判。除旧守鱼户之私，去刘瑾蜡税之苦，莱人颂德，建祠。宪文章气节，关辅称美，子孙为绅士者至三十余人，年八十四卒。

《耀州志》：长子国，字伯祯，万历丁丑进士，以庶常授浙江道。有权要占民田数千亩，悉核实归之。督学江南，所拔士如朱之蕃、顾起元等，皆盖代才。复掌河南道，管京察，各牒陈封事，劾权贵，直声震朝野。乞归终养，寻起山西副使。时中使势焰熏

灼，窘辱僚佐，国开陈大义，顿令折服，由是大僚方不庭谒宦官。擢兵部侍郎，巡抚保定。岁荒赈饥，全活甚众。大盗刘应第等聚众倡乱，国讨平之。绝馈遗，肃属吏，严保甲，广积储，善政犁然。晋升苏督。疾作，乞归。

图，邦宪第三子，万历丙子解元，丙戌进士。任翰林，典试福建，多拔奇俊。历升吏部右侍郎，以谗去。起礼部尚书。泰昌登极，特召起用。会帝崩，忧畏朝事，归家，病卒。图生平立朝不耦邪党，经筵多所启沃，纂修国史，率皆实笔，谥“文肃”。

赵 忻 《整屋志》：字子乐，整屋人，嘉靖辛丑进士。授长洲令，长洲烦剧难治，忻抚恤备至，独于黠吏按罪无少贷。晋刑部郎中，出守保定，时值岁祲，忻开仓赈之。备兵冀州，饬器练士，隐负长城之望。治兵山西，巡抚应天，所至务镇静，持大体，污吏皆惴惴。以名节自饬。

师 桂 《贾志》：字近溪，临潼人，嘉靖癸卯举人。任青州守，治矿盗，决梗狱，人服其威明。时倭寇犯浙，檄令监司、守令，部六军、郡良家子往御之。桂毅然请行，亲履行间，矢石弗避。总督胡林疏荐其才，迁守大同。奏豪宗不法者九人，咸置于理。其岁禄匱乏者，以时给之，一时豪横咸畏爱焉。

任 璜 《贾志》：字伯玉，临潼人，嘉靖甲辰进士。授成都府推官，监守仓粮。时月俸皆倍支，致仓曹多累，璜厘其弊，出纳如数。有松潘指挥，坐监守盗，应抵罪。或为乞贷，许赂以金，璜置之法。时当事要功者请加兵泸、叙等卫，璜按其迹实未叛，力请罢师。后征苗兵备边，无不奉命，造衅者遂被劾去。璜得褒擢，任给事中。以母老归养，卒。

《临潼志》：兄佩，字鸣玉，达州学正，有经济才。

南 轩 《贾志》：字叔后，渭南人，嘉靖甲辰进士。除刑部主事，改吏部，较京闱试，甄拔皆时俊。擢四川副使，迁山东参议。墨吏望风解绶。以老致仕。

《渭南志》：子宪仲，字子章，万历甲戌进士。授枣强令，邑

城卑薄，宪仲修筑，遂称保障。抑豪宗，发隐盗，断武邑、宁晋疑狱，利赖甚溥。丙子秋，奉徼按边，遍历紫荆等关。凡论斥堠修废，军饷赢缩，将领贤不肖，悉当硕画。以劳卒。

**黄 宸** 《咸宁志》：字思瞻，咸宁人。嘉靖丁未进士，授卫辉府推官。时郑府以谏忤世宗，人乘机诬奏为逆，上怒，命三法司按之。宸讯鞫，独直其冤，升工部主事。居淮上，会兵变，宸通商僦运，开屯核饷，吏不敢奸，叛军帖服。升知彰德府。致仕。

**孙一正** 《渭南志》：字格卿，渭南人，嘉靖癸丑进士。授户部主事，历迁山西参政。驻汾阳时，云朔多警，一正拊民振伍，卓有方略。历顺天府尹，振刷纲纪，厘剔奸蠹，部内肃清。寻以病免。一正性负贞毅，尤笃于孝友。

《贾志》：子琚，字成玉，万历乙未进士。授东光令，兴利祛蠹。调翼城，翼城民疫俗悍，琚均徭薄赋，慈爱有加。擢水部主政，慎出纳，格积弊，以劳瘁致疾，卒。

**孟 重** 《渭南志》：字汝器，渭南人，嘉靖癸丑进士。历固始、仁和、滑县令，以才著名，累迁怀庆郡守。擒盗魁李应乾，寻升河南参政，分守大梁。复以擒巨盗，擢佥都御史，巡抚上谷。终兵部右侍郎。

**李世达** 《泾阳志》：泾阳人，嘉靖丙辰进士。授户部主事，历升佥都御史<sup>①</sup>，巡抚山东。督漕河，以宝应湖险恶，岁漂舳舻无算，请开越河，以杀水势，为百世利。晋南吏部尚书，甄汰悉当。后（人）[入]为刑部尚书<sup>②</sup>，多所平反。时权珰势张甚，世达疏先治禁近供事，徐正首恶，以杜祸源。已为左都御史，申明宪典，俾巡抚无得以问馈相遗，苞苴尽绝。卒，谥“肃敏”<sup>③</sup>。

① 佥都御史：《明史·李世达传》作“右佥都御史”。

② 《明史·李世达传》作“俄召为刑部尚书”。是李由南京返京。《明史》以下所记，即为其在京任刑部尚书事。因改“人”为“入”。

③ 肃敏：《明史·李世达传》作“敏肃”。



**朱 擢** 《渭南志》：字征庸，渭南人，嘉靖己未进士。授安邑令，政在惠民，不阿上官，以执法，左迁庐州府教授。正己率士，累擢南户部主事，榷税杭州。往司税者以羨多为能，擢独减如额。寻调户部主事，榷都门税，请托尽绝。历迁员外郎中、鄢阳太守。政务大体戒苛察，鄢人尸祝。

**刘自化** 《贾志》：字伯时，高陵人，嘉靖乙丑进士。除刑部主事，司崇文税，令商客以物自占，宽算绵额，商困大苏。司草场，却千金馈。司太仓银库，得前盗臣主名，奏治之。大司徒以漕粮过期，遣自化往督。自化并道抵淮，布宪令，漕艘争先至徐城。河忽夜决，自化披衣大呼巨舰载土塞城，城完，漕粮无恙。除岳州，临湘故无城，取关市赋成城，民不告劳。平江盗出没，吏莫能讨。自化入境，擒巨魁，散其余党。改守登州，筑城如临湘。青、登、莱三郡逋赋至万，上书陈之，司农蠲逋税而夺其俸，自化曰：“以吾俸省民脂膏，吾所受赢矣。”两调山东、浙江都运使，俱以廉称。遭父丧，归，遂不出。

**子复初**，字貽哲，万历癸未进士。授户部主事，调兵部。时有事朝鲜，大司马欲以封贡羁縻之，复必<sup>①</sup>力言不可。出守上党，岁饥，民多转徙，时苦地产之征，乃会计库藏余金补之。又省站银岁千两，以牛种给民，垦田万余亩，积粟至二千石，郡乃饥而不害。寻以飞语降广东市舶提举。粤有税银五十万，素不及额，中使持之急，复初反复开说，岁止赋十二万。擢淮安同知，后持宪泸川，川人曾良弼唆土官攻筠连城，复初计擒良弼父子，斩之。土官奢崇民与雷安民哄，复初遣人谕止之。寻敕驻阳和，顺义与索囊阴相结，七年不贡。复初至，筑城堡，练戎马，遂通贡如故。调蓟门，升太常。告归。

**赵应龙** 《泾阳志》：字时化，泾阳人，嘉靖乙丑进士。授伊阳令。伊赋轻重不均，应龙以九等定民赋，赋乃平。调临淮，有

① 复必：疑应作“复初”。



尸浮水不行，应龙密廉，得三人携一妇同舟者，收鞠之，乃妇杀其夫而投诸水也，论杀三人，政治赫然。行取湖广道监察御史，按屯牧事，减驹从，薄供亿，条奏数上，皆关治理，惜未竟其用而卒。

孙虞佐，万历丙午举人，历官汝州兵备。居官有廉操，先任扬州府[同知]，俗称为“赵不要”云。

**王继祖** 《咸宁志》：字克绍，咸宁人。性孝友，隆庆戊辰进士，授兵部主事，监税山海关。谢绝馈遗，升武库司郎中。诸司支费甚繁，继祖谨出纳，明簿记，升河间知府。政声为畿辅最。以直道不容，罢归。荐起，补南阳知府。当岁歉，流移载道，继祖多方赈济，全活数万。寻升副使。告归。

**刘四科** 《泾阳志》：字健庵，泾阳人，隆庆辛未进士。沉毅廉简，由长治令升吏部主事，累擢太仆卿。或言牧马地税可得数万金，四科三抗疏止之。群珥谗阻百端，上卒从四科议。时畿甸屡年大水，四科请宽旧逋，缓并征。又请帑金赈济，上疏言：“天下者，陛下之天下也。陛下不图安天下，天下将何所寄？”上嘉其切直。卒于官。

**韩希仁** 《泾阳志》：字孟元，泾阳人，万历癸酉举人。授高密令，劝农给种，三年，积仓谷三万余石。荒岁，民赖以生。升知颍州，平康中有阴杀游[闲]子弟者，具首子弟杀娼自刎。希仁曰：“即具首者杀之也。”竟抵死。丁艰。补滨州，滨有巨盗为院司役，或首之，希仁佯叱曰：“安有公役为盗者乎？”故毁其状。密报院司，请付法，贼党遂绝。升襄阳同知，清军伍，稽尺籍，核虚粮，积弊一清。督修老（农）[龙]<sup>①</sup>堤以捍水患，屹为江汉保障。

**晋 臣** 《贾志》：字孟荇，长安人。父爵，官西域兵马司，戢直有声。臣，万历间贡生，任光禄寺署丞，狷介自持，常俸外，

① 以上据清乾隆《泾阳县志》卷七补、改。

纤毫无所取。从孙调元，为馆陶令。救荒恤贫，多所全活。以守城功，升兵科给事中。

**李士达** 《贾志》：字伯顺，三原人，万历甲戌进士。授中牟令。擢南京江西道御史，謇谔著声。忤江陵，出为四川佥事。会天全、黎州、永宁三土司乱，平之。擢叙州参议，征贼有功，历升四川布政使，管川东事。单骑往征流贼，事甫定，以艰归，遂不复出。

**武绍祖** 《泾阳志》：字克光，泾阳人，万历壬午举人。初授济宁州学正，历迁四川保宁知府。三巴产茶，久为民患，绍祖悉蠲去。盐课故榷井，井有枯有实有鬻，按井而榷，无得免者，而新井以供他费。绍祖独以新井应榷，商困大苏。擢两淮盐运使。卒。

**贾 屿** 《渭南志》：字鲁玉，渭南人，万历壬午举人。授襄垣谕，寻令崞邑。革冗税，垦荒田，兴水利，招流移，葺庙学，缮城池。听讼公平，民以不冤。条上边务十余事，著为令。三年，移大同通判。辞归。

**张国祥** 《贾志》：字角善，临潼人，万历初进士。以《礼》学自任，生平言笑不苟，历官户、礼二垣。与杨、左诸人同心，持正抗论，危言每谏，草一出，天下争传之。

**李三才** 《带经堂集》：字道甫，临潼人<sup>①</sup>，万历甲戌进士。少负志节，与南乐魏允贞、长垣李化龙以名世<sup>②</sup>相期许。允贞为郎，抗抡时相，左迁；道甫以户部郎论救，亦谴外，自此声称籍甚。屡迁卿寺，以佥都御史<sup>③</sup>总督漕运，加户部尚书。万历中，中人出管矿税，横行恣睢，陈奉在淮尤无状。道甫悉心力与之拮据，牢

① 临潼人：《明史·李三才传》作“顺天通州人”。清乾隆《临潼县志》卷七：三才“世居（临潼）任村里，以祖入卫燕京，遂侨寓通州”。

② 名世：《明史·李三才传》作“经济”。

③ 佥都御史：《明史·李三才传》作“右佥都御史”。

笼驾驭。神庙用其言，撤奉，胥得安枕。

**孙 玮** 《带经堂集》：字以贞，渭南人，万历五年进士。由行人考选给事，累迁至保定巡抚。严法令，剔蠹弊，节浮费，广储蓄，民赖以安。升兵部尚书，管左都御史事。玮性忠纯，敢直谏，会星变，上疏言：“陛下宜猛力回心，乾乾夕惕。”疏入不报，遂乞归。天启元年，起南吏部尚书，转北，仍掌左都事。卒。玮未卒前一日，效古人尸谏，遗书上陈：“天灾迭见，民不聊生。陛下欲图治，莫如固结人心。欲结人心，莫如汲用善类，如辅臣刘一燝、宪臣邹元标、词臣文震孟等。宜听臣言，渐次简擢。”疏入不报。未几，魏忠贤用事，斥为东林党人，矫旨削夺为民。崇祯初，复原官，谥“庄毅”。

**王九仪** 《长安志》：字维邦，长安人，万历丁丑进士。为溜川令，有善政，征拜御史。以激扬自任，巡视皇城，劾中贵人不得跨马禁中，及巡视光禄条议一疏，皆人所难言。寻以佥事分巡大梁。以病告归。

**许守恩** 《泾阳志》：字诚齐，泾阳人，万历庚辰进士。授邹县令，有异政，擢河南道御史。连疏建元良正宫，体直声动海内。有宦者骄横不法，守恩愤甚，振臂殴之，诸阉夺气。出为河南驿传，寻移霸州，兼摄天津。益振刷无所畏避，有挠法者，即权幸不少贷。以言事触宸怒，逮，廷杖下狱。久之，得释归里。

**王绍先** 《通志》：字伯生，咸宁人，三原籍，万历癸未进士。任主事，监修潞府，省费巨万。奸珰忿甚，陷之，诏狱。寻谪山东运判，后复主昌平粮务。纠劾奸珰，再谪代州同知。丰稔愈峻，稍复南刑部员外郎。家居，修《陕西通志》。

**杨光训** 《贾志》：字汝若，渭南人，万历丙戌进士。授南充令，补阆中。兴学赈荒，爰书吏议，咸自为状，称“神君”焉。选山东道御史，督课两淮，请罢增引、复京掣，盐政一清。时三殿灾，上书极陈时政阙失，言多批逆。寻改巡漕，即奏：“督河、督漕，当归并一臣。”已按东省，税使马堂以峻刻激乱，光训单骑

往，谕罪首事者，余得贷，一方安堵。复疏罢矿税，备陈蠹国之害。长陵明楼灾，再上修省实政，言更剴切。迁顺天府丞。卒。

**刘芳** 《贾志》：字尔声，渭南人，万历丙戌进士。授行人，与魏大中以名节道义相尚。奉使衡、郑二藩，谢绝筐篚，清望蔚然。授湖广道御史，首劾边境失事诸臣，继陈屯田、钱法四事，皆次第报可。巡视九门盐法，劾私贩中官任兆元、任二等，论如律，轂下肃然。督长芦盐课，疏解盐法，专委解官，不更烦灶户，并著为令。山东经白莲乱，兵旱相仍，请免邹、滕<sup>①</sup>七邑岁额，山左以安。时逆珰魏忠贤（千）[干]政，芳与十三道合疏论列劾忠贤，言甚切直，不报。督学南畿，以内艰归。寻为珰陷，夺职。珰败，以台省荐还原官。

**武之望** 《临潼志》：字叔卿，临潼人，万历己丑进士。宰霍丘、江都，皆有能名。擢吏部，寻主文选，直忤当路，改兵曹。归里，闭门讲学，远近争师事之。后备兵海盖，调永平台。头营缺饷，兵噪城下，佾议藉府县别贮给之，之望持不可，曰：“万一他营效尤，又何以应？”自临贼，以温言慰散。荐历诸卿，晋大中丞，巡抚登、莱，劾总兵毛文龙骄蹇，有《登抚可裁》一疏。以少司马总督陕西三边军务。士卒缺饷，谋作乱，廉治其魁，一军肃然。卒官。

子献哲，天启进士，历四川副使。迪哲，辛酉举人。皆贤达，有父风。

**史记事** 《贾志》：字义伯，渭南人，万历乙未进士。两任邑令，教养兼举。及擢西台，直言敢谏，权贵侧目。按楚，尤多异政，迁光禄少卿。终以触忌，罢归。

**王豫立** 《贾志》：字定甫，泾阳人。万历乙未进士，历尹稷山、嵩县。擢礼部仪制司主事，主诸藩袭封事。代藩宠妃欲以支子易嫡，谋已就，独豫立不从，两疏请之，始得正名。嗣王以鱼

① 滕：当作“滕”。据《明史·地理志》，明山东兖州府有邹县、滕县。



鲋藏金报谢，豫立叱之。寻擢观察使。正己率属，墨吏皆为敛迹。由河南左辖升南光禄卿。见珙焰方炽，上疏请休，悠游林下者十年。

**李乔仑** 《贾志》：字孕秀，高陵人，乔崑弟。万历丙午举人，官永平府司理。备陈“八苦”，皆经济名言。为御史，敷奏甚多，《弹劾魏忠贤疏》其最著者。历官参政。

**薛大中** 《贾志》：字允执，三原人。万历庚戌进士，授宁陵令，调太康，补黄县。益励清操，运辽、海米豆二万有奇，开圣水、黄城、龙湾泉田千顷。擢刑科给事中，陈六事，抗疏言移宫、红丸、挺击、谥法，议奏剴切。后以疾告归。

**周文焕** 《贾志》：字尧章，富平人。万历庚戌进士，初授诸城知县，损俸赈饥，以卓异上闻，历升文选郎中。时魏珙欲相逆党崔呈秀，文焕持之不应。珙婿阎青雷欲超选，终弗得。珙怒，矫旨令冢宰自为政，弗听选郎。焕知祸及，引疾罢，竟以愤卒。

**段展** 《续表忠记》：泾阳举人。历自在州知州，转饷出关。驻沈阳时，日晕异常，展移牒经略，言天象示警，宜预饬边防。逾月，沈阳城破，展死之。

**党还醇** 《贾志》：字子真，三原人，天启乙丑进士。为良乡令，有声。己巳城破，死之，妾媵及仆死者十二人。事闻，赠光禄寺丞。

**秦三辅** 《三原志》：字陆海，万历戊午举人。令新城，值吴桥兵变，直攻新城。三辅率众守陴，身被七创而死。

**王之垣** 《愿学堂集》：字伯镇，其先临潼人，避乱泾阳。幼而通敏，父捐馆舍，年方十岁，袒而号。十四，推择为弟子员，教授里中，得糒养母，丰甘中程。母卧病，跣步不离；病剧，尝恶验甘苦；露祷中庭，请减年以益母算。歿，则哀毁骨立。葬毕，庐于墓左后土祠偃息，攀号枣树，悴而复荣，三年如故。万历元年，贡于乡。

**马理** 《贾志》：字允庄，泾阳人，贡入太学。一夕梦母病，



觉心惕。明日驰归，见母果病，遂养母不仕。郊行得遗金，坐以待，顷一人号泣至，为言卖女得此养老母，即与之，后复周以粟。父卒，哀毁骨立，丧葬以礼。服除，授苏州吴江县丞。

**赵宏祚** 《敦伦编》：三原人，年三岁，孤，母李氏誓志抚之。邑多伏莽，岁饥窃发。宏祚方五六岁，随母避匿，道遇寇，欲劫其母。宏祚号泣跪拜，贼不可。宏祚引颈披胸，乞贼手中刀，欲自杀以释其母。贼义之，舍去。稍长，不乐读书，母督之，泣曰：“家贫，无以养母，愿为贾。”母听之贾。既而有赢赀，走江淮间。未一年，欲驰归，同贾者怪之，曰：“夜梦阿母呼我而号，是必苦忆我，我心怦怦矣。”即归见母，母泣抚曰：“人传汝溺于水，余痛而呼，几不生矣。汝今固无恙耶。”宏祚大痛曰：“奈何以财故累阿母？”自是誓不离膝下。饮食衣服，晨昏起居，率先意而办。盖终其身，孺慕不改云。

**马 诚** 《贾志》：长安人，官指挥僉事。少孤，事母无违。母歿，蔬食饮水，泣血枕块者三年。及葬，庐墓又三年。冯恭定赠以《孝弟说》。

**樊天叙** 冯恭定《樊贡士传》：字敦夫，西安人，万历戊寅贡生。母病笃，忽思炉饼，苦厨无具者，求诸里舍。及归，母逝矣。遂悲悼，终身不食炉饼。庐墓数载，人多不知。年方强仕，内子见背，终身不娶。读书萧寺，昕夕必整衣冠，一言一动，自少至老，无不斤斤绳尺。

**朱蕴奇** 冯恭定《朱贫士传》：字子节，西安右卫人。家贫甚，僦屋而居，妻子织网巾为生，读书古东岳庙，并日而食。会其子因差徭下狱，天雨，四日不食，气息奄奄。时庙有大户收粮者，黄冠因取其米为粥以食，蕴奇曰：“此官米，何可窃也？”竟不食。同舍生因出其食食之，蕴奇乃食。刘孝廉必达义之，白卫官，出其子于狱。尝之市途，有遗网巾二，其子拾之，蕴奇曰：“彼之失，犹我之失也。”追而还之。父早丧，养母尽孝。母歿，毁几灭性。生平苦节笃行，一步不苟。歿之日，贫无以为葬，闻义而赙者数

百人。

**许汝清** 《贾志》：咸阳人。父疾，吁天愿代。父愈，汝清竟呕血死。

**王应臻** 《贾志》：鄠县人。家贫，贸布养亲。岁荒，养不继，潸然剪发，造其邻，易粟食亲，臻与妻啖糠。里人感其孝，周之，得脱于厄。又仇同，张彦山，俱富平人。卖菜养亲，常以饼、鱼悦亲口，而与妻同甘糟糠。

**李忍** 《通志》：富平人。贫而孝。偶狱讼当对，县役罗武、朱豪横求忍，不即得，遂系忍母以行，仍绳穿裳中，辱之。忍愤然曰：“安有辱母若此，尚可共戴天耶！”捶朱立死，自诣县请罪。县官置以法，直指重其行，改（戌）[戌]之。

**王一正** 《敦伦编》：三原人。万历十四年，出粟赈饥。抚按上其事，敕赐义士坊以旌之。

**牛应元** 《贾志》：字兆坤，泾阳人，万历癸未进士。初任光山知县，创条编法，与民休息，创建社仓，积义谷六千三百石有奇。时光岁贡葛，为民累，应元募匠自织、自解。三载，政治民和，有产麟之异。升四川道御史，按鹺两浙，力剔奸窳。巡方应天，时值权珰开矿，借端扰富室。应元捕其党，绳之法，珰稍稍戢。累迁中丞。抚南赣，饬武备、核将领、拔才能、禁苞苴、立社学，暇则坐皋比与诸生质疑问难。拜南大理卿、刑部左侍郎。予告归。

**周道直** 《贾志》：字泰宇，临潼人，万历乙酉举人。筮仕藁城，河水为患，筑堤二百余丈，民赖宁居。革行户，裁冗役，以阜民便俗为务。擢户曹，榷税浚阳县，裁船课一万三千金，以苏商困。归来，携磁器数种而已。后守阆郡，值渝州寇变，三川震动，道直亲提一旅，扼梁山之险，以障全楚。又义激石柱土兵解成都围。方叙功，引疾归。

**崔国裕** 《贾志》：字仲丰，西安右卫人，万历戊子举人。官泰州知州，招流亡，垦荒芜，擒巨盗，捐赀赈饥，全活数十万人。

子尔进，字抑庵，万历甲辰进士。授长子令，躬行化导，变悍俗为醇良。擢御史，巡盐两浙。时议增额，尔进力为请命，乃如故。按福建，闻父有疾，拜疏侍养，即日就道，后历户部右侍郎。

**黄道亨** 《畿辅志》：咸宁人，万历甲午举人。知祁州，修文庙、立社学、饬保甲、均徭役、核诡派、革耗羨，未期月而政成。岁荒，捐俸煮粥救济；招流民，开渠垦田，得数千亩。利赖至今。

**李仙品** 《贾志》：字云卿，高陵人，万历乙未进士。初知长治，长为潞郡首邑，岁贡绸疋。旧例，于道府县日送样绸，仙品力请革除。擢扬州江防同知，严缉江贼。累擢川北道，会奢贼猖獗，奉敕监军，亲冒矢石，捣穴直入，剪贼首奢崇明。迁偏沅巡抚，复讨安贼，获胜。寻告归，卒。

《河南通志》：弟仙凤，崇祯戊辰进士。巡抚河南，值流寇披猖，州邑残坏。甫下车，百方招抚。汤阴西山土贼蜂起，躬履行阵剿灭之，城得不陷。

**来俨然** 《三原志》：字望之，三原人，万历乙未进士。为太和令，躬行阡陌，劝课农桑。有孝弟力田者，表其闾。戒飭士子，蒸蒸向化。期月，邑大治。晋兵部职方主政。

**赵可行** 徐开熙撰《传》：字子达，盩厔人。究心时务、兵法、水利，无不精详。万历丁酉举贤书，为中牟令，政平治理。数月，调永城。时多盗，当事议屯兵以御，可行请罢兵，给民牛种，事遂定。又历夏邑、即墨二令。安丘盗起，擢莱州郡丞，捕魁散胁，事平。调太原，督饷宁武，招抚叛兵有功。黔南土寇起披猖，经略荐之，擢守思南。可行明于兵事，动中机宜，未竟其用而卒。

**刘士琯** 《贾志》：字翼明，三原人。万历丙子举人，少事继母至孝。天启中擢司刑，权珰专恣，士琯独不附。崇祯八年，任达州兵备，流贼寇成都，士琯总理八门，设法扼守，危城以全。晋本省方伯。

《三原志》：曰俊，字虞臣，士琯子。崇祯戊辰进士，擢谏垣。

疏通水利，捐金修渠，数邑获利。累官密云总督。

**魏良槐** 冠县《去思碑记》：三原人，万历庚子举人。初授冠县令，兼摄丘邑篆。先是，银马倭解必金派富户，有一役未终，而家产已破者。良槐至，官买官解，民无包赔之累。己未岁，大祲，煮粥救济。值兵兴，邑应出牛兵饷银，良槐轸念饥荒，不堪重困，捐助以免加派，民肖像祀之。《河中颂言录》：蒲州知州，减赋备荒，卓有善政。《平度州集》：迁知平度州。州旧有仲哥庄集，因年荒逃窜，集无人烟。良槐招抚流离，人皆复业。时有麦两岐、谷双穗之征。

**胡茂** 《贾志》：字淡明，耀州人。万历癸卯举人，为汉中教谕。值岁饥，请尹赈恤，尹弗许。茂自出衣物，率士庶以赈，全活无算。以是忤尹，罢归。

**贾师逵** 《通志》：临潼人。**王永福** 醴泉人。万历癸卯同举于乡。师逵为平原令，勤敏刚断，升知赵州。益乃心民瘼，兴利除弊。迁官，赵人诣阙请留，乃复守赵。晋郎署，升滇南参政，平吐蕃有功。永福为黎城令，极意抚循，不事操切。及归，黎人肖像祀之。

**李采** 《咸宁志》：字质轩，咸宁人，万历丁未进士。初知嘉定，不私羨金。寻督饷大同，兵备冀北、滇南。修理戎政，董劝农功，俱有成绩，进江南布政。抑权珰，肃僚吏，风裁卓然。

**武文达** 《泾阳志》：字衷懿，泾阳人。万历中进士，授郢城令。劝课耕织，听讼，先出温语，而徐以一言折之，民胥悦服。历升宁前道。

**赵于达** 《通志》：字汝仪，盩厔人，万历中进士。授行人，擢御史，巡按直隶，督漕运。时邹、滕盗起，运道梗塞，于达日夜竭蹶，废寝食者五十余日。漕事甫竣，以劳瘁卒。

**秦邻晋** 《渭南志》：字汝睦，渭南人，万历中进士，授刑部主事，多所平反。出守顺德，慈惠廉明。以才调真定，升四川副使。终养归。



**杨国柱** 《泾阳志》：字叔坚，泾阳人，万历癸丑进士，授泰兴令。泰兴田多滨江，坍涨无定。涨入豪右，坍累贫民。国柱以千亩为一区，使不得混淆，徭赋以平。历官兵备河东。时贼犯隰州，国柱整旅誓师，擒巨贼混天龙等，斩首千余级，贼乃遁。归里日，囊橐萧然。

**杨楠** 《泾阳志》：泾阳人，字毓秀，万历乙卯举人，授宁乡令。时旱荒，又流寇猖獗，征徭无虚日。楠处置得宜，转输不匮，以劳疾，卒官。

弟梧，字凤阁，万历壬子举人。任青州府同知，与兄友恭甚笃。

**寇慎** 《贾志》：同官人，万历丙辰进士。授刑部主事，调工部，出守苏州。值大水，岁饥，立法全活。复捐俸以足漕粮，开滨海淤地，请减赋额，苏人赖之。升昌平副使，转山西。剿剪毛贼，斩获四百余级。调朔州，告归。徐汧书《寇守去思碑后》：逆珰矫旨逮周忠介于吴，吴民知抚臣某，以蓄怨中忠介，欲甘心焉。某蹙甚，挟郡伯寇公为解。民见公，呼曰：“公能治吴人，不能活周吏部耶？”比民歼缙帅，公好言劝谕，抚臣乘间幸脱。既免后，心甚公得民，益逞其毒，日夜刺公短。公廉明无间，不能有所加。

**马逢乐** 《三原志》：字叔遇，三原人。万历中举人，为天雄判，迁莒州守。值大饥，捐俸赈之，全活无算。终辽州知州。

**左史** 《汤文正公集》：字子箴<sup>①</sup>，耀州人。以明经除光州训导，署遂平、固始，皆有异政。迁知扶沟，吏舞文作奸，史择小吏谨愿者补吏，延他邑老狱吏教习律令，逾月渐次通晓，手定爰书，吏俯首缮写，莫敢仰视。民多斗杀，史讲习《乡约》，用古教化法，两匝月，狱讼衰止。县故多盗，史设法购斩，盗无留迹。县西北地庠下，水潦所聚，河溢则助河为患。史疏决壅积，家各

① 字子箴：清乾隆《续耀州志》卷六作“字文箴”。



占业。县北境接鄢陵、尉氏，地势尤下，三县民互相穿穴。史躬自相度，总计三县病利，作《均水约》，刻石水畔，三县共守之。楚兵过中州，所部畏其（优）[扰]<sup>①</sup>，檄史驻襄城镇之。史遣人入楚，籍记其将领、部曲，某兵前趋，某兵后拒，车马刍牧，各有成数。乃按籍定约，僦次舍，庀糗粮，峙器用<sup>②</sup>，兵所至如归，居人安堵，市不改肆。视事浹月，以劳卒。丧西归，民庶号恸。

**马逢皋** 《三原志》：字千里，三原人。万历癸丑进士，出知襄陵。除富民供具之苦，驿递养马之累。擢御史，抗疏请正纲纪，指斥挺击、红丸，遂及墨敕、票提等事，朝端以肃。又力救杨涟，以明移宫之案。劾御史刘廷元三不忠，表提牢王之寀发觉之功。转山东参议，诏还，授御史。有为魏珣起祠真定者，逢皋束会稿不行，疏劾诸党逆者。中察典，降山西都事。后授南吏部考功主事。

**曹代之** 《咸宁志》：字若参，咸宁人，领万历乙卯乡荐。初任贵州安顺司李，持法平允，吏民畏服。时黔寇归附，代之治城、修学。还定安集，哀鸿渐至。历升工科都给事中，风岸峭厉，抗直敢言。己卯，督理秦省饷务。庚辰奇荒，斗米二千钱，力请减赋，乡人德之。

**左佩玪** 《贾志》：字左漆<sup>③</sup>，耀州人。万历乙卯举人，授沙河令，考选御史。疏蠲积逋，以假休息。速爵赏以劝军功，宽降罚以鼓士气。軫念沙河、邢台二邑疲病，特疏条陈。又上马政、屯田诸疏，以不合当事，谪应天知事，寻擢户部郎，司漕运。出守济南，岁凶盗起，攻东明，围泰安，列十三营，势甚猖獗。玪讨平之。甲申，京师陷，玪入关避地，贼欲用其子重光，不从，遂死之。玪为《思痛诗》以见志。

**刘懋** 《临潼志》：字养衷，临潼人，万历己未进士。仕项

① 据清乾隆《续耀州志》卷六改。

② 庀糗粮，峙器用：清乾隆《续耀州志》卷六作“峙糗粮，庀器用”。

③ 字左漆：清乾隆《续耀州志》卷六作“字栗仲”。

城、陵宁、新安令。擢给事中，谏止内操，荐冯恭定当柄用，劾逆珰魏忠贤，力救杨、左诸君子，中外咋舌。懋恬然不顾，坐削籍。崇祯初，韩城阎可昇为给谏，奏曰：“逆珰魏忠贤，天下皆建生祠，惟臣乡陕西无祠，岂非冯从吾廉耻之教乎？其荐从吾之刘懋，宜加优擢。”疏入，诏懋复原官。召对平台称旨，改兵垣，主驿递。时驿务费繁，懋剴切言之，上方拟大用，寻病卒。

**仇养蒙** 《贾志》：富平人。万历间，遇荒，负米养亲，与妻赵氏共厌糟糠。母病痢，躬侍汤药，衣不解带。父病足痛，輒吮脓血。亲歿，负土筑坟，庐墓六年，葷酒不茹。年八十，诣亲墓，洒泣若孺子然。崇祯三年旌表。

子桂芳，字月宾，事母至孝。母病，吁天求代病革。或云尝粪可知安危，遂尝之以告医者，知不可救，一痛几绝。既殓，乃于母卧处舐其涕唾痰涎而哭之。任涪川令，见人有哭母者，益伤其母之不逮养也。父子俱以孝称。

**袁光闹** 《渭南志》：字德征，渭南诸生。素以廉孝闻，万历间大饥，邑令怜其贫，予之粟，不受。强之，即呼邻里极贫者，尽赈之。无何，遭母丧，悲号过恸，卒于柩侧。

**萧 陞** 《贾志》：咸宁人。拾金二镒，仍还之。祖母与母歿，苦次三年。葬，又庐墓三年，墓柏生花。

**张 橘** 《贾志》：字怀陆，富平人，天启辛酉举人，任东阿知县。时邑多萑苻，橘单骑谕以利害，渠魁正法，余悉解散。升昌平守，开荒修学，迁本州兵宪。庚辰奇荒，赈米二千余石，人赖以生。转冀州少参。

**许国翰** 《泾阳志》：泾阳人，天启壬戌进士，为仪封令。开支河以泄水，又捐俸置义仓以备赈。历升岳州道，练水兵，焚贼船，洞庭积寇一清。改兗州道，用武刚车、鸳鸯阵，屡脗贼锋，兗东人心始固。终山西臬司。

**都景运** 《泾阳志》：字永泰，泾阳人。天启间恩贡，授兴济令。邑多荒屯，景运设法招垦。调青县，修城御寇，筑堤通漕。

升河间同知，条陈截漕粮、查海船、清委收、（积）[稽]招买、[劾抵扣]<sup>①</sup>诸事，悉中利弊。卒于官。

**刘含辉** 《耀州志》：字四勿，耀州人，崇祯戊辰进士，任恩县令。洁己爱民，急公敬事。升高唐知州，恩民赴阙保留。又三年，擢吏部主事，孤立独行，不付中官。十年不调。卒。

**王健** 《泾阳志》：字大龙，三原人，崇祯间中进士。风格峻整，动由礼节。授聊城令。强干清慎，请改辽粮、练饷，立折马之法，以苏俵马，民咸称便。

**张炳璿** 《泾阳志》：字仪照<sup>②</sup>，泾阳人。父鉴，太原同知，督饷偏头关，勤能有声。炳璿以贡生，崇祯时授满城令。绥辑抚循，邑称大治。以清直不合于时，归里。闭户著书，文多传世。

**郭鼎藩** 《泾阳志》：泾阳人，字翰宇，沔县教谕。时寇薄沔，令恒惧，鼎藩以城守为己任。励义勇，亲冒矢石，贼被创，去攻西乡。上使署凤县，招抚流移，歼捕盗贼，克称其职。

**辛炳翰** 《昌乐县志》：渭南人。崇祯中，由选贡知昌乐县，有御寇全城功。《渭南志》：升真定同知，驻宣府，司饷务，裁汰饷额。后并司理于饷厅，全活诬罔甚伙。擢南阳守，值兵燹后，空城茂草，流亡难复。炳翰开荒田，招户口，尽心抚恤。转副使，摄篆藩司，廉声藉甚。卒后西还，数百里哭声不绝。

**周传诵** 《贾志》：字淑远，西安左卫人。万历己丑进士，官湖广左布政。税珰陈奉肆虐，民不堪命。楚抚劾之，反被诏下狱。传诵署抚，力抗其锋，后奉竟解职。楚民肖像祀焉。

**米辅** 《临潼志》：字良佐，临潼人。由太学生判隰州，督理粮饷，纤毫不染。教民兴水利，岁收稻万余斛。又有温汤者，州及属县分耕其地，州民顽梗抗赋，闻催科者，辄持兵相向。辅至，谕以大义，自是输将恐后。及归，吏民遮留载道。

① 以上据清乾隆《泾阳县志》卷七改、补。

② 字仪照：清乾隆《泾阳县志》卷七作“字义昭”。

**史载民** 《渭南志》：渭南人，初任昌平委吏。先是，为吏者率以亏折逮捕去，载民约己敕法，报峻后，粟豆羨至千三百有奇。后任罗山九里关巡检，有豪强恃山险窝盗，载民设计擒获。罗令某素怨邑中富人，诬以通盗，当道檄载民讯其事，被诬家持金为馈，载民即唾叱掷出。鞫讯，虚，公诬者得释。有潘某者，私人妻而夫被杀，狱经年不决。复下载民，潘以金杯、白金、绮縠托隶役为寿，载民笞隶几毙，潘泊妇咸正法。

**刘序** 《通志》：长安人，正德朝吏部主事。

**雷亮** 《通志》：洪武时湖广佥事。又**王崧** 抚州知府。又**李森** 永乐时涑水知县。又**燕寿** 成化时溧水知县。又**种云龙** 正德时南宮知县。又**朱昂** 嘉靖时解州知州。又**李苏** 两淮运使。又**姚登** 隆庆时永宁知县。又**郭然** 沁州知州。又**王道纯** 万历朝四川副使。俱咸宁人。

**员鼎** 《通志》：咸阳人，成化朝隰州知州。

**刘昇** 《通志》：兴平人，永乐时襄城知县。

**裴荣** 《通志》：洪武时沂州知州。又**马焕** 郑州知州。暨子**驯**，主事。又**吕鍾** 景泰时祁县县丞。俱高陵人。

**赵勉** 《通志》：永乐时高唐州判。又勉孙**元** 辉县知县。又**胡嘉谋** 嘉靖时户部侍郎。又**王之弼** 苏州兵备。又**韩廷学** 浑源知州。又**刘三才** 万历朝佥事。又**王从谏** 信阳知州。俱泾阳人。

**焦元** 《通志》：正统时鄢陵知县。又来**贺** 万历朝莒州知州。又**秦一鹏** 布政使。又**咎云鹤** 参政。又**张善治** 南康知府。又**王家佐** 崇祯朝交河知县。俱三原人。

**朝期维** 《通志》：万历朝新郑知县。又**张（宏）[弘]襟** 主事。俱鄠县人。

**焦思刚** 《通志》：成化朝开封通判。又**王仁** 正德朝顺庆通判。又**任澄清** 万历朝知州。俱盩厔人。

**南汉** 《通志》：成化朝苏州通判。又**张经世** 万历朝户部尚书。俱渭南人。



**刘春**《通志》：天顺朝冠县知县。又**曹汝葵** 嘉靖朝蒙阴知县。俱富平人。

**韩朝江** 《通志》：醴泉人，嘉靖朝山西按察使。

**任福**《通志》：成化朝高唐知州。又**左佩琰** 崇祯朝知县。俱耀州人。

**朱国栋** 《通志》：字元培，富平人。天启壬戌进士，历仕江南芜湖、休宁、山阳、安东诸大邑，俱有政绩。及考选户垣，陈奏利弊，劾地方大吏凡十四疏，皆报可，旋摄侍郎事。册对赵邸，却其馈遗。以佥都御史出抚山永。修武备，兴屯牧，储蓄充牣，晋兵侍。壬午，出镇昌平，威望益著。武弁之贪懦者，皆自解去。中贵申之秀亦疏辞。时兵苦缺饷，国栋抗疏请饷，士卒感泣。以病告归。

**邹相**《通志》：咸宁人，正德时郎中。**萧鼎**《通志》：高陵人，洪武时给事中。**张汝栋**《通志》：泾阳人，嘉靖时给事中。**霍荣**《通志》：整屋人，永乐时工科给事中。**徐芳**《通志》：醴泉人，洪武时给事中。又**李琰** **张厚** 俱天顺时御史。

**梁体坤** 《临潼志》：字宁宇，临潼人，增广生。崇祯五年，流贼纵掠其地，令牵马。坤大骂曰：“我朝廷士子，岂为贼驱使耶？”贼举刃断其四肢，死。

**张景耀** 《整屋志》：字振兮，整屋廩生。时流氛四煽，景耀以御寇保乡闾自任。知县田时畅令主义兵，训练严肃。崇祯七年七月，贼钻天鹞等循山而至，景耀遏之西境，乘胜追至谢家滩。会天大雨，众溃，为贼所获，支解之。又同邑诸生雷一声，里民翟羽翱与叔翟三皆率乡兵御贼，众溃而死。

**王祚丕** 《泾阳志》：字念兹，泾阳人。崇祯甲戌，流寇入境，祚丕奋率乡勇战于王六十桥，手刃数贼，为流矢所中而歿。

**张国祯** 《贾志》：字荇翼，临潼人。从兄给谏国祥，讲实践之学。一夕，贼数十劫其父，国祯即持挺赴之，免父于厄。崇祯乙亥，流贼薄城，率族人避去。夜深雨雪，曰：“不可独全吾家。”



于是率仆人遍至邻家，令亟起避难。黎明，贼突至，率众御之，手刃数贼。相持至未，力疲被执。不屈，遂遇害。

**杜必殿** 《鹤雪堂集》：字宾皇，世居咸阳北杜镇。崇祯乙亥，贼薄邑，必殿倡义坚守。援兵不至，城遂陷。被执，贼有渠魁奇其貌，露刃逼降。必殿不屈，指贼骂曰：“若独非朝廷赤子，何竟反耶？”贼怒甚，遂遇害。

**苟好善** 《贾志》：字若诚，醴泉人，天启乙丑进士。历长治、兰阳令，有惠政，擢御史。建言忤旨，出知济南府。戊寅，大兵南下，好善分守北城。城陷，死之，赠太仆寺卿。

子鹤龄，字子和。闻父死，徒跣走数千里，遍觅遗骸，出于壕下，始扶柩归葬。时兵火仓皇，幼弟延龄、寿龄俱相失，鹤龄间关求访，复得完聚。盖孝友兼至云。

**武大烈** 《续表忠记》：临潼举人，强敏有干济。时令永宁，寇掠境上，数却之。至是，狱囚勾贼来攻，城守都司宵遁。大烈固守三日，贼夜半登城，执大烈。自成以同乡故，欲活之，大烈不屈。索印，又不许，乃燔灼以死。

**杜邦举** 《续表忠记》：富平人，任鄠陵典史。崇祯十四年十二月，城破被执。自成知其素得民心，欲降之。大骂曰：“朝廷臣子，岂为贼用。”自成怒，抉其舌，邦举嚔血喷之，遂遇害。

**马 飏** 《湖广通志》：字电如，陕西同官贡生。崇祯十五年，任沔阳州同知。贼陷承天，督兵堵贼。贼绕出飏背，飏驰介马疾呼，所向披靡。贼至愈众，下马奋呼家丁数人，背城与贼战，犹射杀数十贼。矢尽力竭被执，不屈。贼怒，用劲挺通中而死。藁葬城东二十一载。子来沔起殡，易棺，颜色如生。

**孙 璜** 《三原志》：字用谦，三原人，由岁荐任盐山教谕。癸未，盐山城将陷，左右促，璜曰：“临难苟免，何以为臣？”已而城破，璜自缢。

**赵希魁** 《渭南志》：渭南人，由武进士官参将，从孙传庭战歿于河南。

**焦源清** 《续表忠记》：号湛一，由进士历官至宣府巡抚。年七十，始举一子。贼入西安，勒源清往见，不屈自经。

弟源溥，号涵一，以进士由知县入为御史，历抚大同。未一年，罢归。癸未冬，闯贼入西安，召缙绅受伪职。源溥为贼党所执，见自成，授以总督衔。源溥骂曰：“尔为贼，乃欲污我？”自成闭诸空室，骂益烈，须髯皆上指，眦皆裂。贼稍近，举手击之，贼拔其舌，支解之。

同死者渭南吏部尚书南企仲，号弦蒲，进士起家，年八十三矣。骂贼不屈，曰：“老臣何惜此余年报国。”不食死。

子进士、礼部郎居业，不屈死。

从子居益，由进士历官至福建巡抚。海外有红毛夷者，俗殷富，国名贺兰，自昔不通中土。奸民潘秀、贾大泥引其人据澎湖求市，遂入犯内地，滨海大扰。居益履任，设方略讨平之。天启五年，迁督河道，晋工部侍郎。时逆奄窃柄，奄党迎合逆意，劾居益依傍门户，削籍去。福建士民诣阙留之，不听，乃立祠以祀，竖碑于澎湖平远诸山，纪其绩焉。崇祯元年，起督仓场。时陕西四镇缺饷至三十余月，贫卒蜂起为盗。居益为乡土忧，疏请以陕赋当输关门者，留三十万纾其急。报可。代张凤翔为工部尚书，以疏救曹郎，帝怒其徇私，再削籍。后叙守城功，乃复冠带。城破，自成诱降，不屈，骂贼，被炮烙而死。

**郑君爱** 《渭南志》：字锡吾，渭南人。选贡，授郧阳府推官，以忧归。复补衡州府，皆有声。事父极孝。值李自成陷渭南，坚持大节，不应伪命，不食死。

**王佩珂** 《临潼志》：临潼人。事亲色养备至，司铎商丘。归里后，值李贼肆横，预戒子孙，洁身蹈义，勿致玷污。癸未冬，贼入关中，坚卧不起，水米不入口，旬余而卒。其子及孙，贼迫胁以伪官，皆遵训守义，不为贼屈。

**白昭远** 《临潼志》：字允哲，临潼监生。崇祯癸未，闯贼围堡，堡破，昭远大呼城头曰：“城破矣！节义为重，妇人各宜入井。”

一时妇女死节者甚众，贼怒，杀之。

**陶尔德** 《咸阳志》：字太初，咸宁人，进士。仕至川北道，告归。李贼攻长安，尔德分守东城。贼至，被刃死。

**崔尔达** 《咸宁志》：字汝明，西安右卫指挥，擢秦州守备。秦藩稔其贤，疏留之。癸未，逆闯围会城，尔达擐甲侍卫，昕夕不懈。城陷，卫士皆窜，尔达独以短兵接战。贼众大集，尔达奋呼杀贼，手刃数人。贼怒，环攻之，遂死。五日，得尸，颜色如生。

**李光信** 《贾志》：咸宁学生。崇祯癸未，贼围城，光信昼夜守御，城已陷，犹持斧与贼战。贼怒，刃之，死。又诸生王召俊，投井死。

**朱谊累** 《学古堂集》：秦藩宗室，字明远，丙子乡荐。闻变，投井死。秦府舍人，不知姓名。王被执，舍人牵贼而骂，遂死。亦袁宪一流也。

**徐应魁** 《贾志》：秦藩右护卫旗官。王爱其才敏，每奏事京师、取办江南，皆特任之。应魁忠挚自矢，癸未城陷，应魁从王嗣。及王嗣为贼所劫，应魁绝粒七日死。

**祝万龄** 《学古堂集》：长安人，少受学于冯恭定，历官至副使。贼陷省会，万龄衣冠入关中书院，拜先师毕，自缢于侧。御史霍达闻于朝，蒙诏褒异。

**窦光仪** 《贾志》：长安贡生，任怀庆府通判。崇祯末，归里。闯逆陷会城，光仪衣冠东向拜，遂赴井死。又徐方敬者，万历时举于乡，授仪封知县。既归里，值会城破，正衣冠赴井死。

**孙孕芳** 《学古堂集》：字嗣香，咸宁人。与兄孕泰读书慈恩，以节义为己任。壬午，孕芳举于乡，孕泰拔贡士。贼入城，孕芳自经，孕泰寻父不见，亦投井死。

**周培忠** 《贾志》：咸宁人，兴平贡生。任隰州知州，谢政归。会李贼陷西安，一门尽节者数十人。又咸宁朱恩同，弟斗环，侄浯，俱义不从贼，投井死。

**丘从周** 《续表忠记》：都司吏也。长不满三尺，强直敢言。西安陷，从周乘醉至自成前，戟手骂曰：“若一贫贱细民，今妄踞王府，僭伪号，逆天背理。所为如此，吾见汝尸之万段也。”自成立砍杀之。

**李乔崑** 《贾志》：字孕厚，高陵人，天启乙丑进士，筮仕洪洞。洪洞多乔崑之远祖，有持家谱干以私者，谢却之。擢守真定，中官欲加以属礼，杜门不屈，人称其节。闯寇据关，污以伪司马，拒弗受。望阙拜，以死。

**王 徵** 《续表忠记》：号葵心，泾阳人，由进士除广平推官。白莲狱起，株连者数千人，徵咸理出之。浚清河水闸，溉田至千顷。母忧去。补任扬州。三王之国，护从者多所诛，求徵白王禁戢，民以无扰。天启中，徽州富民吴养春与弟养泽争产，弟赴东厂首其兄占黄山获利无数。阉提养春拷问，又遣主事吕好问追赃变产，激变徽民，事连巨室数百人，下徵按问。徵据法争之，全活甚众。各省建祠媚忠贤，扬州祠成，大吏咸往，徵不赴。父忧，服阕，升僉事。归里后，流寇大起，徵创为连弩、活桥、自行车、自飞礮，以资捍御。癸未，闯贼入关，罗致缙绅，徵先期自题墓石。又书“全忠全孝”四字，授其子永春，曰：“吾且死，死岂为名，欲汝识我心耳。”贼果遣使趣徵。往见，引佩刀自誓，乃系永春去。徵绝粒七日而卒，里人谥曰“端节”。徵素为德于乡，当永春被系时，乡人不避贼锋，请以身代者数百人。贼舍之，永春得不死。

**牛象爚** 《贾志》：字汝华，泾阳诸生。贼至其家，爚踞楼不下，贼焚楼，爚蹈火死。又泾阳民赵九筵，家居堡中。贼至，众皆惧，九筵鼓勇扞御。贼登陴，九筵拒之，中矢死。

**常道立** 《贾志》：字修之，三原人。万历间进士，仕至河南中丞，政绩著闻，归里。值李贼入秦，不屈，北望神京，稽首哀呼，不食而死。

**乔 巍** 《贾志》：字维岳，三原人。幼从冯少墟、温无知游，



践履笃实。居继母丧，哀毁骨立。登万历乙未进士，授司农郎，司饷山海关。升参政，出巡川南。时奢、安二寇叛，巍削平之。以事左迁佥事，后论平奢功，升副使。寻擢山西参政，分守冀宁道。便道过里，值逆闯陷省征索，不少屈。与表弟王伯达、仆人王崇德同日被戮，时并称之。

**袁养和** 《贾志》：字祥人，整屋人。万历戊子举人，为屏山令。火焚狱，狱中囚避于外，火熄，囚复归狱，人奇之。擢刑曹，持平不阿，出守南安。防涧贼，修水城，擢滇南宪副。有疾，归里。癸未，逆寇自成力征之，时年八十二，不屈，绝粒死。

**窦汝器** 《贾志》：字擢五，富平人。幼颖悟，长尚节义，以乡荐授城固司训。崇祯癸未冬，李闯入关，诸郡风靡。汝器说邑令增陴浚隍，简练丁壮，戮力拒守。及橈枪云集，众皆溃散。汝器度势危，归整冠带，望阙拜毕，坐明伦堂以待寇入。贼杀县令，并执汝器。汝器大骂不屈，遂遇害于泮池侧。

**王淑景** 《贾志》：耀州人，中丞国长子，荫知府。性颖敏，与三水文翔凤齐名。值闯逆陷关中，伪守欲用之，不屈，与子、生员肇祚同遇害。

**左士元** 《贾志》：耀州监生，御史永图子。闯贼破州，拘士元至省，勒银助饷，士元曰：“我乃清白吏子孙，安有此？即有，肯赍贼呼？”贼见其年少有才，欲胁降之。士元不屈，遂遇害。

**宋师襄** 《贾志》：耀州人，万历丙辰进士，仕至顺天府尹。家居，闯贼入关，师襄不屈，被虏而东。孙金台，邑诸生，知师襄必不免伏剑，尾行至闻喜。师襄尽节，金台亦从死。

**李昌龄** 《贾志》：字仁征，咸宁人。天启辛酉举人，为河南灵宝学谕。月课诸生以忠孝大义。至流寇侵城，聚诸生于明伦堂曰：“平日所讲安在？谁无父母，谁无妻子，谁不履王土，而可偷生乎？”每一生令监百姓十人，倡义坚守。贼退，升山西猗氏知县。令各村社立《乡约》，以敦风化。亲诣四乡，力田者赏，荒芜者责。时旱灾频仍，兼以黄鼠害稼，地多菅草，荒地万顷。竭诚



祈祷，霖雨时降。令构讼有罪者罚捕黄鼠，或锄菅草。不半载，悉为良田。流寇煽突，军需不继，当道有议加粮者，昌龄为民请命，绘图告减。文移，十数反，始获免。寻以失当道意，谪河南布政司检校。未几，迁知沈丘。就道，会永城刘超判凤阳督师，檄取监军。即亲赴军前，冒矢石获叛，告捷。而监军之日，贼溃沈丘，当道卸罪，诬下刑部。狱数月，神京陷，逆闯释狱内诸缙绅，令就选昌龄。坚卧不食，其子泣劝之，曰：“余为国家罪人，谊当死。余不为国家罪人，尤当死。予志决矣！”越五日而卒。

**石 隆** 《学古堂集》：字长卿，三原人。少好骑射，尤善古文词。癸未联捷，愤时政，拟上书，为权贵所遏。贼入秦，曲沃李建泰督师，公慨然请缨，愿复三边。自皇甫川渡河，联络榆中、灵、夏、曲沃，不能从，遂愤郁成疾，避地江南。甲申五月，闻北都陷，痛哭数日，不食，死。湖口友人刘湘客，经纪其丧。

**张 耀** 《贾志》：字融我，三原人，万历癸卯举人。尝从学于温恭毅，笃志力行，事亲至孝。仕至贵州布政使。值流寇张献忠檄至，耀率僚属登陴拒守，誓同一死。城破，耀率仆役犹格杀数贼，遂被执。耀骂曰：“狂贼不知天命，逞目前耳。我天朝臣子，岂从贼乎？今日惟一死耳！”贼怒，遂缚耀，磔杀之。眷属十三口，同时被害。

**王總衡** 《贾志》：字振乾，咸宁人，由荫生仕熹宗朝。不附魏珰，因失朝仪，例止罚俸，竟以革处西归。奉亲备极色养。珰败，冤白，以亲老弗仕。及闯贼入秦，授以官，不受。贼怒，加刑掠，体无完肤。贼以为死，置之，逾日复苏，避居终南山。

按：明代殉节之士甚众，《通志》中有略其事迹而岁月未详者，如：西安费邑宰，以宁羌州参将战死。鄠县诸生靳之翰，以骂贼死。鄠县吴大猷、仝调鼎、张奇英、王福、刘学鉴、王良忠、刘慎，俱以杀贼死。泾阳贡生赵友梧，以守堡陷贼，死。其姓氏亦未可没也，附载于此。

**任绍曾** 《泾阳（人）[志]》：天启间，岁饥，输粟于官，躬

为赈给，吏不得侵。素轻财，人有称贷不能偿者，常焚其券。以是义声益著。

**武 谟** 《贾志》：整屋人，父陷于贼，以身代死。崇祯间旌表。又王者辅，兴安庠生。贼克城，执其父，代父死焉。

**田而腴** 陈祜年撰《墓志》：字沃千，美原人，以孝子称。田氏阀阅雄一邑，自孝子父御宿先生始。崇祯癸未，逆成僭号，胁诸绅强受之官，稍抗即械系。以输饷为名，动累千万。御宿先生不欲屈，见贼檄下，孝子请代系。先生预决其不免，数谕意孝子。孝子曰：“父不逃，则陷父；父子并逃，则陷宗族；父子俱往，俱死无益也。”卒行，逮长安狱，击掠备至。贼东行，挟孝子去，遇害于平阳。妻徐氏，凶讐至，哀毁逾礼，棺敛皆自简视。七日，绝粒死。又宋儒周，《贾志》：临潼庠生。父应鳌，官佾事。李自成勒令输饷，儒周毅然以身代。至平阳，引颈受刃。

按：明季孝义甚多，其事迹略具，世次难稽者，略仿史例，统叙于后。孝行则有三原张辅尧；庐墓则有长安杨时敷，咸阳王汝成，临潼黄仲德，蓝田张继志、王之贾、陈养心，泾阳骆森，三原张献科，整屋王冕，渭南赵是式，富平孟国诏，醴泉王天秩、张璉，西安卫张軫，同官习显、何源、冯光升、习四科；割股则有咸宁刘溥、吴光先、李维新、郭良才、李一道、彭允中、線补章、马宰，三原梁希贄、梁应台，富平张道治、张然、唐舜相、王尚贤、窦良栋；灭性则有咸阳张延祚，整屋杨起潜、辛守仁，渭南薛绍庆、姜邻仲；让产则有长安李茂实，渭南卢崇雅、李若泰，富平李廷实；发粟赈饥则有咸宁王表、曹恭、蒲福、赵佩、陈福，高陵樊宗玉，泾阳任绍曾、张敏、曹俨、曹恪，三原刘禄、王清、杨聪，渭南姜文恭、陈显、蔺政、王祥、田云、杨茂春，富平王肃、周肃、魏广，耀州乔政、乔仲节，同官何仕能、王者为、宁希恭、孟友谅、孙霖、陈邦彦；代输逋赋则有咸阳许荣，三原侯达先；拾金不昧则有泾阳巢帝阁，渭南张腾蛟。

## 人 物 志

### 本朝

**梁化凤** 张英《梁敏壮功绩记略》：公，长安人，字翀天，丙戌科武进士。顺治四年，授山西高山卫守备。次年，以破姜瓖贼功，授大同掌印都司。

公气度恢廓，运筹制敌，取决寸心而发应如神。方授都司之明年，一岁中身经二十二战，所向皆捷。拔城拓地，斩将搃旗，而小寇剿杀不与焉。正月，攻破大同城，北窑沟败众窜据山巅，悬柴以火燔之，生擒敌将李义、张豹，而平其众。二月初十日，攻浑源州及韩村、玉合、张家三堡。二十九日，破贾庄城，擒敌帅王平。三月四日，破浑源州城，诛敌帅方三、唐虎。十三日，攻左卫之云岗、高山二城，降之。二十九日，围左卫，身先士卒，中三矢，督战益力。敌以城降，论功越六等，加都督僉事。五月七日，破敌将刘迁万余众于佳门、忻口。迁遁走太原，依敌巡抚姜建勋。十五日，公率兵攻之。次日，敌尽出其众，以致死战。公左臂中枪，右髀中箭，奋勇亟击，敌众披靡。执姜建勋并其监军，诛之。遂平太原。二十九日，引师解平阳城困。六月二日，至汾州，击敌帅沈海，败之。孝义县敌总兵张尔德来救，与战，大破之。明日，破汾州城，擒张尔德及敌平阳道张伟，驻兵北关。九月八日，沈海来袭我师，复败之，沈海遁之潞安。九月二十三

日，攻曹家堡。二十五日，攻记古寨、善信堡，皆下之。于是介休、平遥、祁县、徐沟望风悉降。十月四日，攻太谷县，苏升出战，殪其前锋。明日，城破，敌守苏升成擒。十月，引军下潞安，沈海复遁之九仙台。公至，克潞安，连拔马、苏、赵民<sup>①</sup>三寨。十一月四日，攻长子县，拔之。十一日，进攻九仙台，山势突兀，骑不得上，公以火攻之，众不能支，自诛其渠郭天佑、加友、罗真、崔海川、武二等。海势蹙，遂降。以胜兵进定泽州。盖公自五年冬从端亲王用兵至此，未尝一日解甲宁居也。次岁三月，复有牛鼻寨之战，生擒其将袁忠躬，杀其援将李虎。四月四日，尽歼其众，晋地悉平。

八年，以副将借补江南芜莱营参将，莅任之日，适石血、鹭鸶二湖大盗杨万科等作乱，公擒获之，并其党管有缙、杨天生等。十一月，授宁国副将。十二年秋，海寇张名振侵犯崇明，据泊平洋沙以窥县城。公统兵迎击于高桥、洪桥，获贼魁老寿、李七等二十二人，众贼溃散。次年冬，复师，以巨炮击碎贼舟，生擒许奇、潘忠等贼将，溺死无算，遂复平洋沙。十三年，授苏松总兵。因平洋沙悬隔海中，戍守不及，公就海筑坝，长十余里，使平洋沙接入内地，寇患乃息。且于其壩灌田千顷，厥后洪泽尽作膏腴，生民赖焉。

十六年五月，郑成功率众号百万，舳舻蔽海，先犯崇明，遣谍疑众。公斩使焚书，督兵迎击，擒贼将侯丁秀、宫龙、陈义等。复遣诸将伏巷，邀截获贼犁艚，斩贼将陈正，缚致曾进等十一人，贼溃去。七月，成功统领大舡直抵金山，进逼瓜、仪，破镇江，围江宁。烽烟千里，南北中梗；援兵不利，声息危急。公闻，即提所部三千人，星夜抵江宁。登高审视，见贼中精锐尽屯江干。于七月二十三日统兵出仪凤门，身先巷战，拔贼巨纛，毁其木寨，命勇士乘高临下，屋瓦、利矢、飞火并发，轰如天降。贼将奔溃，

① 赵民：清钱仪吉《碑传选集》录张英该文作“赵氏”。



自相践踏。追杀至龙江关，生获伪总统余自新，并擒伪总兵二人。贼之铁骑，杀溺殆尽；甲械、镗重，遗弃如山。贼前锋已败，而贼帅连营，尚屯满白土山冈，其众犹数十万。次朝，公命开神策门，亲统诸军，赴山奋击。另遣部将烧贼船只，绝其归路。贼惊扑战，我师奋勇争先，斩刈如拉枯朽。追奔逐北，血流有声，生擒伪提督甘辉。成功脱免，复逼崇明。公已先料，早遣二将回防，授以方略。及贼薄城下，二将登陴固守，而公乘胜进复瓜洲、镇江，复抵海口。贼不能得志，将为遁计，括民舟，出白茆港以渡。复与公遇，绝流奋击，炮石迷空，海波为沸，贼众尽散，成功仅以身免。

十六年八月，授三等阿达哈哈番世职。十七年，加太子太保、左都督。十八年十一月，授江南全省提督，授三等阿思哈尼哈番，世袭八次。嗣因海寇初平，游氛未息，朝议欲立界，迁沿海居民于界内。公谓以所弃地亩计之，当缺赋额若干。如以此益兵、添设营制，则国既足兵，民无废业。由是，江南沿海设兵以卫桑麻、鸡犬、耕凿、鱼盐，民到于今受其赐焉。

李因笃《梁敏壮名臣祠碑》略：公自盛壮登坛，老于战阵。干戈既靖，轻裘缓带，日与宾客饮酒赋诗。暇即临池，善草书、墨竹。又诸疏草、条议、禁令，并已刊行[世]<sup>①</sup>。崇儒重士，月课观风，咸有成书。

长子鼎，御前侍卫。次鼐，苏松水师总兵、都督同知。按：《通志》：历官浙闽总督。次鼐，广东惠潮兵巡道、按察司佥事。次鼎，官荫候选。诸孙：长祚昌，仲祚晟，余幼。

公以康熙十年七月二十三日薨，皇上震悼，辍朝。赠少保，谥“敏壮”。山西、江南两省祀名宦者数十区，陕西崇祀乡贤暨名臣祠。

按：公以功世袭八次。次子鼐，因从征有功，议叙拖沙喇哈

① 据清钱仪吉《碑传选集》录李因笃文补。



番，准袭一次。于康熙十六年承袭，遂并为二等阿思哈尼哈番，仍准袭八次。缘事革职。子祚昌，仍袭三等阿思哈尼哈番。祚昌故，子宏勋袭。年老休致，以孙秉暘袭。秉暘缘事革职，无嗣，乾隆四十二年以弟秉慎袭。

**殷化行** 潘耒《殷公武略记》：公，字熙如。明末，由山西沁水避乱，居咸阳之靳李村。八岁失父母，父友王某抚以为子。二十二，中武举；二十六，成进士。

会滇逆倡乱，黔、蜀陷没，天子命阁部莫洛为经略，自秦进讨。授公守备，募义勇以从行。次宁羌，粮不继，经略督促益严，提督王辅臣之兵遂作乱，杀经略。公陷贼中，深自晦匿。明年，官军复秦州，诏被胁官兵听归伍，陕督哈占奏复其官，从抚远大将军图海[复]<sup>①</sup>平凉郡，剿牛头山贼，复香泉。己未夏，伪将军王屏藩据汉中，遣其将陈君极引兵二万出宝鸡，攻破炮台营，围西山堡，势甚急。公至，一鼓解西山围，守红崖堡，再战再捷。贼引去，欲窥秦、陇，公扼险，贼不能过宝鸡一步。冬，官军三路进剿，奋威将军王进宝由宝鸡，振武将军鄂克济哈、勇略将军赵良栋由略阳，公从图大将军哈制军由兴安大泥峪，先驱至镇安，自龙洞川攻两河关，克之。捣兴安，复洵阳，进至汉中，与奋威将军兵会。明年，进取川蜀。公驻汉中，督军饷，全蜀平。议征滇、黔，建威将军吴丹由永宁进，振武将军、勇略将军由建昌进。未及期，贼将胡国柱陷泸州，攻永宁。授公汉中城守副将，援蜀，未至而永宁陷，退守叙州。国柱率二万众来追，公曰：“我若走，贼追蹶之，立尽。兵法云‘易地用众，险地用寡’。唯有据险待敌，犹两鼠斗于穴中，力大者胜。”遂扼险而陈，贼尽锐攻之，士殊死战。抵暮，以草人秉炬为空营，引军潜退，与大军会。夜半，追军至，公自永宁至泸州二百余里，路皆险隘，且战且退，凡十二昼夜，乃渡泸江，全军而还。众复议以公守叙州，未几，贼分三

① 据清钱仪吉《碑传选集》录潘耒文补。

路围叙州。公深沟高垒，推诚待（之）[三]<sup>①</sup>降将，与之协力固守。久之，卒不得逞而去。明年，逆孽遁还云南，公从西安将军复永宁，从哈总督进征滇。至交水，简亲王等已围云南城，以粮少，檄止秦兵，班师回蜀。公还驻汉中，时康熙二十三年也。

寻由三屯营副将升台湾镇总兵。初议筑台湾城，公言此地皆浮沙，城之不易。且孤悬海外，即有城，不足恃。然军府所在，不可无木城。亲入山相视，得木材，令麾下人致二株。不旬日，城成。分建营垒，缮甲厉兵，时训练之，遂为海外重镇。

居三年，调襄阳总兵。陛见，公奏罢台湾铸钱及秦中赈饥二事。按：赈饥，以襄阳米由丹水运至商州，转运西安，在康熙三十二年。详《食货志》。癸酉冬，调宁夏总兵，严职守，申军令，锄其骄蹇。更定部曲为分合法以练士，制子母炮、简驼马、储刍粟以待征发。乙亥冬，上将大征厄鲁特，议三路出师，陕西为西路。公时谍知噶尔丹在柯布多。西路兵期以三月中旬出肃州之镇彝，循黑河向昆都仑而进发。西安满兵三千人，汉军千人，河西提督及四镇兵六千人，深入剿寇，而以一总兵官率河西骑卒三千人驻营中，途备接应。满兵帅则将军博济，副都统四人佐之；汉兵帅则振武将军孙思克，公与凉州总兵董大成、肃州总兵潘育龙佐之。合将校凡二万二千余人，人持五月粮，马皆有副，以牛羊为一月食。进兵之期，孙将军以三月草未青，请缓至四月。旋奉上谕，西路兵毋出镇彝，改从宁夏出塞。未几，复奉旨：抚远大将军费扬古以二月二十日发京师，孙思克兵亦令二月二十左右发宁夏师，期甚迫。有司征调刍粮，仓卒未集，而本镇储积多侵耗，仅存者亦朽败不可食。诸路营驿马及捐纳之马自远而至，并羸瘦。公复念兵无厮养，则任战者少，乃令兵二人带余丁或子弟一人，供樵汲牵驱之役。又人备驴二头，供运负。其兵士应支之粮给价自买，悉得善米。又令多办糗糒、干腊及解渴药味以从。军装之

① 据清钱仪吉《碑传选集》录潘耒文改。

外，若雨具、寒具、革囊、鞞鞋、锹镰、绳索之类无弗备。及期，将军、总戎率满、汉兵相继发宁夏。二十五日辛亥，公率官兵继进，傍黄河行。可十许日，乃去河，载水束刍度戈壁。又二百余里，至一山，有古碣曰“两郎山”，或言即狼居胥也。四月四日，至郭夺力。费大将军自归化城来，期于此会兵。而大将军已过，倍道行十六日，至瓮金而得减兵之令。初，甘、凉、肃三镇兵自远驰至宁夏，即出塞，不及饲马。军士得仓粟及余马驼畜，皆不暇择。及度戈壁，马相继毙。更前，益苦乏水，而草未尽芽。会大风雨数昼夜，寒且饥，颠仆营中及道旁者相枕籍。孙将军议选精卒并粮、马以进，其麾下仅得四百人，凉、肃二镇各三百人。而檄公留千五百人，以五百人与满兵五百屯瓮金，需后粮至，守之以待还师。宁夏兵固多预备，公又善访求水草，虽踵大军后，常不渴乏。身先将卒，日步行数次节马力；遇风雨，谨覆蔽之，或温以火，马少毙者。所裹粮日检飭，不得遗弃及恣食，人有余粮，马有余力。至是，如令减遣而选锐卒千八百人，留五百人屯瓮金，余率以进。数日，及大将军。

五月四日，至土刺河。十三日戊辰，前军哨得贼，严阵而前，可二三十里。过淖至昭磨多，其北大山，千仞壁立，山下平川，广数里，林木断续，有河流其间，曲折环绕；其南山差低于北，渐陲而下，有小山横焉，战地也。小山可二十仞，自西上，为崖三层，自东崖上，仅一层。费大将军与孙将军已上山，前军与噶尔丹遇，佯北以致之。贼恃胜转斗，而前军争小山。公方将兵至山足，知贼近，急登山，遇孙将军方下山，公言：“宜急据此山巅，不可下。”语未既，费大将军亦至。大将军曰：“日将暮矣，大炮不能即至，当以来日战耳。”公曰：“战即来日，若此山为贼据，我营其下，可乎？”大将军曰：“贼甚近，不战，汝能夜守此山乎？”公曰：“愿守此！”回鞭一麾，兵皆上。甫至山巅，而贼亦登。见我师既据巅，遂止东崖下，以崖为蔽，发炮上击。时大将军布陈，令河西兵居中，满洲及蒙古兵居左、右翼。及战，宁夏兵千数百

人居左，甘、肃、凉兵共千人居右，皆登巔以阵。其右卫西安诸满兵分列宁夏、甘、肃、凉兵左右，在山下川中及南山足，而蒙古、渣萨克诸兵又分列满兵之左右。贼争小山，冲中坚，故河西兵迎其锋。公令士卒皆下马，发子母炮叠击之。噶尔丹及其嫂阿努娘子等，亦皆冒矢石，率众舍骑而斗，锋甚锐，杀伤相当，胜负未决。公使人告大将军曰：“川中兵宜从柳林出，冲其胁，贼必乱。”既又望其阵后林中人马甚众，而不出战，必妇女、辎重也。复告大将军：“宜遣一军望南，出不意劫之；贼返顾，必扰动”。大将军从之。公望见两军将薄贼，遂鼓兵控矢而下，呼声震天，贼众遂披靡。坠下山者满坑谷，弃仗如麻，杀阿努娘子，得贼旗数十，禽斩二千余。乘胜逐北，策马先驰，麾下卒拥纛继进。遇辎重，戒弗取，且射且逐，月下追三十里，回视他部，兵无至者，方使人请诸军偕进。而大将军传令收兵，乃整军而还。

上驻蹕二十八台，捷闻，大喜，遣侍卫迎劳将帅，遣诸将还镇。公引军从受降城入河套，过丰州，以八月末抵宁夏。其所留瓮金兵，孤悬单弱，遇噶尔丹之侄丹吉喇，败而西，以千余人乘之，多所杀伤，夺路以去。公知边事未已，归而益治军、善饲马。明年春，上疏：“请将兵从郭夺力深入，[务]<sup>①</sup>殄根株。今贼之仇阿喇蒲坦截西北，甘、肃大兵截西南，噶尔丹西走无路，势必东行。若过瓮金，恐复难制；急蹙之，可擒也。”疏至，上已发京师。公迎至清平堡，遂扈从至宁夏，上御阅武堂，命公指挥步骑大列阵，进退分合，练习整齐。召至座前，赐酒三爵，指示新降附人曰：“是将军，即杀败尔等者也。”御书“深沉节制”四字以赐。寻赐戴孔雀翎，俾预议政之列，且谕：“汉总兵官，从无议政例；以尔师中极其效力，费扬古来京备言之，故有此异数也”。

四月望，驾发宁夏，公率所部兵，复从大将军出塞。人持四月粮，期深入捕噶尔丹，必得乃已。噶尔丹既败，收众千余欲投

① 据清钱仪吉《碑传选集》录潘耒文补。



乌思藏，闻甘、肃兵扼之，不敢前；遣其幼子征粮于哈密，为所执，献于朝。又闻大兵复出，穷蹙无聊，遂仰药死，侄丹吉喇以其骨西行。军行至郭夺力，而闻噶尔丹自杀，进至无赖札喇，尽降其余众；追丹吉喇至大戈壁，不及而还。于是漠北无寇迹矣。

师还，大飧犒士，告成功。强寇既灭，禁旅之驻宁夏者悉撤回。近边部落若祝囊、若鄂尔都斯等，皆顿首款塞，边境宴然。乃疏浚诸河渠，引水环城，遍注诸村堡，复朔方水利。又念边地尚武，文教未敷，乃勒圣训于万寿宫，后创立义学，择良士为师，辟闲田若干顷，以其租供生徒月饩。

公以王姓入仕，至是，具疏请复殷姓，且求无夺养父母封诰。从之。戊寅夏，论平寇功，授拖沙喇哈番，予世袭，加封三代。未几，而有广东提督之命，便道过咸阳，展墓，亲党故旧欢饮十余日，为同堡人代输一年租赋。县学尊经阁废，捐五百金独成之，义声遍于关中矣。

《通志》：公广东，平翁源、长宁及琼县诸贼最。后乃议平连阳猺。既得，请与总兵刘虎分道进攻，直逼猺穴，诸猺震骇而遁。其东路一师失律，副将林芳夜失道，堕涧死。化行勒兵再进，猺始面缚乞降。廷议谓化行总统，宜坐。遂以原官世职致仕。

化行淹贯文艺，军中时，手一编，恬吟若诸生。家居后，以诗酒自娱，绰有古儒将风。

王（宏）[弘]祚 《通志》：字玉铭<sup>①</sup>，云南籍三原人。崇祯间由举人官户部郎中，督饷大同。国初，擢岢岚道，复留大同理饷务。越岁，内擢，仍官户部郎中。是时，天下甫定，图籍散逸。（宏）[弘]祚精于典故，凡直省州郡钱粮之数，综核无遗，委修《赋役全书》，颁行天下。加太仆寺少卿，迁户部左、右侍郎，晋尚书，加太子少保，再加太子太保。尝疏谓：“欲安民生，在绝私派；强

<sup>①</sup> 《清史稿·王弘祚传》作“字懋自”。乾隆《临潼县志》卷七则有“玉铭者，王大司农宏祚也”等语。



兵势，在严冒饷。至水旱灾伤，则损恤宜蚤；催科期会，则程限宜宽。”会滇南入隶版图，复条上筹滇十余事。十八年，乞假归葬。还朝，改刑部尚书，复调户部。适有议裁州县存留及改漕粮官运为民运者，（宏）[弘]祚固争之，始得寝。寻以失察胥吏，当报罢，特诏留京，补兵部尚书。康熙九年，乞休归。至金陵，感疾，卜居秦淮，以恬淡自娱。卒，谥“端简”。

**陈有虞** 《通志》：字嗣韶，富平人。顺治壬辰进士，授仙游令。十一年十二月朔，海寇陷漳、泉，欲乘虚犯会城，有虞曰：“吾城仅斗大，然兴福藩篱也。”乃集士民议固守。先是，郑成功屡经招抚，益肆淫掠。有虞至任，募乡勇二百人，又得家丁十五人，俾为长。复择乡勇一人为百总，使将之。贼至辄获，士民咸倚为重。至是，贼百道来攻，志在必克。有虞昼夜登陴，士卒日裹创泣战，贼屡败。次年正月朔，贼大进，复败。贼愤甚，即城下掘地道，实以火药，名地雷。初五日，日方旦，地雷大作，地尽裂，城颓，守兵大溃。有虞率余兵巷战，至日中，转战至城西，马蹶，遂中箭死。从死者家丁赵启逊等十四人，皆西北劲卒也。赠福建按察司僉事，予祭葬。

子常夏，以荫，官户部郎中。

**陈范** 《通志》：富平人，康熙丁未武进士。授守备，擢广东碣石镇游击。十九年二月，海寇犯甲子所，击败之。三月，进征海山、百洲二岛。四月，征磊门。五月，征瓯汀背、海口，俱有功。贼首郑鸿儒遁南澳。二十一年，大兵平台湾，沿海悉定。论功，除甘州城守参将。二十八年<sup>①</sup>，升汀州副将。巨盗朱绍嘯聚龙门山，永定、归化诸县大扰，范率兵平之。寻卒官。

**兰泗** 《通志》：耀州人，由将材授湖广兴国参将。康熙十二年，升直隶三屯营副将，未赴；因吴逆据长沙，调驻武昌。十三年，进剿岳州。又檄讨黄金龙，战于大冶之换缘桥，歼贼殆尽，

① 二十八年：清乾隆《富平县志》卷七作“三十八年”。

获马骡器械无算。十四年，还任蓟协，兼摄通协事。十八年，特擢荆州左路总兵。时逆党未靖，泗旌麾所指，屡立奇功，克思南，复龙泉，凡遵义、绥阳、桐梓等处，一时荡平。改镇安笼，安地界滇、粤，巨寇窟穴其中，最称险要。泗安内抚外，四境帖然。在镇十有六载，予告归里。

**李麟** 《通志》：字振公，延安人，徙咸阳。弱冠，从勇略将军赵良栋南征，以平滇功加守备，再以功授张家口游击，寻擢化林营参将。时打箭炉蛮人恃险不服。麟至，即列状请讨，尽平之。升副将，寻升总兵。会大兵西讨，奉旨赴军前议政，区画调遣，悉中机宜。贼将车令敦突踞中藏，麟力疏请进兵，长驱至通天河，编筏为渡，前抵博克。麟与诸将谋曰：“我师深入，且远来疲敝，贼必乘夜袭，我盍备之。”已而贼果至，陷伏中，斩获无算。其后再战再捷，贼益惧。又以计诱贼将，疑衅日生，车令敦败走，因护送达赖喇嘛归国。师还，授提督固原军务。雍正元年，授内大臣銮仪，使世袭，拜他拉布勒哈番。以年耄乞归。

**张其蕴** 《通志》：镇番卫人，徙长安。康熙十四年，由诸生从征吴逆，积功，授辰州水师营守备。二十二年征红苗，二十七年讨夏逆，俱有功。历升神木副将，改庆阳。四十六年，擢云南临沅镇总兵。云南自孙李窃踞后，民户流亡。我师入滇，即以从征者分驻其地。既而生齿日繁，粮仍故额，其蕴采谷捐金，分驻三营，曰“义谷”、“义金”，自此婚丧有资，军不告匮。五十三年，临沅饥，其蕴移檄牧宰，发官米万余石，置四城，计时计口，减价以赈。四阅月，全活无算。五十五年，卒官，祀名宦祠。一子予荫。

**徐宗仁** 《通志》：长安人。康熙六十年，由行伍授陕西督标右营把总。雍正元年九月，从大兵出西宁。十月，罗卜藏丹津寇镇海堡，又寇新城。宗仁先登陷阵，前后得首功甚伙。十一月剿郭莽寺，二年正月剿尔各隆寺，二月剿西海，俱有功。献俘，授千总，累擢山西杀虎口副将。七年四月，奉旨赴陕从征。八年，

大军进驻巴里坤，宗仁统凉州兵分驻戕仑砦。十二月初四日，贼大至。宗仁飞符请援，而身督兵拒战三昼夜，杀贼数千，获马数百匹。会各泛同时告警，因出兵御之。十八日，至卜罗砖井，遇贼堵战，夺回被掠人畜。宗仁率师前进，数遇贼，转战不息。二十二日，至红山碛，贼悉兵来迎。宗仁谓据山者胜，遂驻军以待。顷之，贼攻急，宗仁自辰至未，血战突围，为火器伤肋而殒。事闻，入祀忠勇祠，给世职，拜他拉布勒哈番。

先是，宗仁同邑**李国勋**者，雍正元年九月，由武举同宗仁出西宁，战镇海堡、战新城、战郭莽寺，俱有功，授甘肃南古城守备。八年，调巴里坤，从征于红山碛。遇贼，苦战，中火器而毙，时十二月初七也。敕赐葬祭，给世职拖沙喇哈番。

又督标中营千总**王大谟**，蒲城人；兴汉镇标中营百总**刘世勋**，兴安人。俱战歿，恩恤有加。

**李吐馨** 《通志》：同官人。顺治二年任灵丘典史。适姜瓖叛逆，土寇蜂起。吐馨招集乡勇，示以大义，兵民咸感泣御寇，城赖以全。

**寇徽音** 《通志》：字绳之，同官人。由行伍授山西都司，再擢河南参将。时嵩洛间多啸聚，徽音出奇计获之。又折节下士，多寒素交。迁长沙副将，卒于官。

**王维威** 《通志》：富平人，任江西石城典史。康熙十三年，闽逆围城，维威视事甫三日，与照磨李德明协力守御，二旬乃解。十五年，刘应麟兵至城下，维威与战，破之。尝巡城，矢中臂，弗为动。三载，危城卒以保全。

**李中楷** 《李总戎家传》：字范躬，号仪斋，长安人。雍正乙酉武举，癸丑进士，擢侍卫。乾隆二年，出任四川提标前营游击。五年，随大学士公庆复出师郭罗克，擢城守参将。九年，复随征瞻对，办理行营中协事务，调度悉中机宜。推升江苏抚标中军。适大金川不靖，川省奏请留补提标。公随大帅区处方略，旋奏肤功。十四年，补泰宁协副将。十七年，进剿杂谷闹，生擒逆酋策

旺，录功一等。十六年，上命定边将军公兆惠预办准噶尔事宜，公奉命同往。旋授宁夏镇总兵官。抵任后，抚辑兵弁，接受北口马二万余匹，皆壮健，克济师旅之用。二十年，西陲向化，公驻防哈密。二十一年，病没行署，时年四十有五。奉旨驰驿回籍，著照一品予祭。

**杨日昇** 《通志》：字旭孟，富平人。七岁丧母，不食者累日。天启辛酉举于乡。后补陈留学博，摄邑事，悉除苛政。会中原多盗，日昇练兵守陴，城赖以全。擢临晋知县，改高平首，请蠲宿逋四千余金；筑城浚池，保障屹然。顺治二年，用荐者起知辉县。五年，调繁黄冈。值湖南用兵，禁旅云集，所需糗粮、刍茭、舟车、版干，应期立办，劳绩称最。九年，大旱，日昇虔祷得雨。又捐俸劝赈，民无失业。量移嘉兴同知，未半载，乞归。家居喜宾客，矜然诺，诗文瑰丽，有六朝风。

**韩文镜** 《通志》：咸宁人，崇祯辛未进士，历官杭严道，兼榷税务。先是，浙税丛弊，文镜令依科则平纳。在官尤重礼教，尝捐俸设义学，薪水膏火之资，纤悉具备。营弁每来习礼，一时风尚彬彬如也。以亲老告归。

**郭尧京** 《通志》：字平野，高陵人，崇祯乙卯举人。顺治十年，知石城县。残毁之后，刻意兴厘。先是，大盗陈其纶与东关盗黄允会各拥众，踞砦邻界罗汉岩，剧寇复沿乡肆劫。尧京募乡勇，伏险堵截。其纶授首，余贼潜遁，民赖以安。在任八年，升祁州知州。

**周 燦** 《通志》：字旭公，临潼人。父祚永，从学冯从吾，由乡荐，令宿迁，有善政。燦，崇祯壬午举于乡。国初，授宁远教谕。顺治间，回贼乱，河西伪檄至，燦率诸生立碎之。谕众坚守，贼不敢犯。以荐擢梓潼知县。燦抵任，遍谕流民，劝以复业。有至者，为经营廛舍，散给牛种，修青龙、白马二堰，农业大兴。复设塘汛，缉奸宄，建坛壝，礼师儒，次第设施，条理井井。十一年，升雷州府同知。雷孤城濒海，巨寇王之翰等盘踞西海十余



年。燁请于台司，以招抚自任，乃直抵贼巢，谕诸贼以逆顺利害，贼罗拜听命，招降之翰等。十五年，擢守凤阳，寻卒。著有《丹垠文集》。

弟燦，字星公，顺治乙亥进士。由翰林改授刑曹，矜全甚众。奉使安南，宣布德意，封祭悉协典制。及还，记其山川风俗以献。出守南康，设救生船以拯覆溺；修白鹿洞书院，聚徒讲学，多所成就。督学巴蜀，甄拔孤寒，赏识皆知名士。奏请土司子弟照例入学。著有《愿学堂集》。

**李承尹** 《通志》：三原人，崇祯癸未进士。初督三楚学政，绰有师表。及备兵沔上，尤多惠政。沔故有岁纳官柴，后业户逃窜，遗患比邻。承尹判田还里，永蠲其征。城东有莲池，旧纳鱼课，遗累网户，承尹立碑蠲税，一方以宁。

**刘培阳** 《通志》：字敬锡，三原人，顺治乙酉举人，授建德令。时剧盗李布啸聚。培阳至，审形势，设方略。甫三月，盗平。补直隶南和。泮水溢，没田千亩。培阳筑堤捍御，人名其堤为“刘公堤”，立祠尸祝。

**王继祐** 《通志》：字植三，富平人，顺治乙酉举于乡，授镇平令。不以繁苛扰民，郡城协济夫马，旧例征折贮库，恒苦不支。继祐因事撙节，遂多余息。河东盐课，计口销引南阳，丁浮于课。镇平课浮于丁。继祐力请当事，裒益得平。有捕官误收伪引，事觉，吏白派补里甲，继祐不许，独捐俸助之。后乞归。

子象天，顺治丁亥进士。令临漳，多善政，继擢太仆寺丞。疏陈临漳三害：一协济宜恤，一经界宜明，一优免宜均。俱报可，漳民三累以除。历湖广学道，以廉名著。

**王承祖** 《通志》：字貽云，渭南人。顺治丙戌领乡荐，除晋江令。捍御海寇，城赖安全。邑濒海，有大镇最称饶沃。利其有者诬镇民与贼通，欲屠之。承祖力辨于大帅，事遂寝。寻擢兵部主事，迁郎中，累升工部侍郎。告归，值岁饥，承祖罄所有赈济，全活甚众。及歿，乡人思其德，立祠祀焉。



**杨在陞** 《通志》：字台卿，三原人。顺治丙戌进士，任河南扶沟令。扶沟地瘠民流，在陞谕令复业三年始算缗，行折亩法，给以牛种，又请免河夫四十名。由是，田塍尽辟，增赋七千石有奇。大盗张元锡等倡乱，请于中丞，擒而磔之。时有刘司马为仆刘馨所讐，被逮，在陞曰：“以仆讐主，不可训也。”直之馨嗾其党。将为乱，在陞立置于理，邑民乃安。

**韩文** 《通志》：富平人。顺治丙戌举人，授文安令。邑居畿南，下流水潦四注，赖河堤为固。文莅任，堤溃，岁大祲。捐俸易粟，民无失所。城东土寇猖獗，亲率乡兵捕诛贼首，境内以宁。又文安旗民杂处，争讼日滋。文常单骑遍历庄屯，多方开谕，俗用丕变。

**张重龄** 《通志》：字九如，泾阳人，顺治戊子举于乡。十二年，授直隶邢台令。重农息讼，除积弊，雪冤狱，报最，补工部都水司主事。督通昌草场及宝源钱局，又出督临清税务，兼摄仓储钱法，裕国通商措施悉当。会河决淮安，遴员协理，大司空以重龄名上。先是，南北河决塞不常，中河一役，九载未就，尤称危险。重龄至，遂奏绩。后以积瘁成疾，给假归，卒。

子鼎梅，康熙丁丑进士。

**刘矩宗** 《通志》：字仲旋，渭南人。顺治戊子举人，授温州司李。方海孽未靖，人心反侧，矩宗开诚抚纳，归降日众，镇以安静。有犯者，执法不少贷，民畏而怀之。海滨地久荒，矩宗亲行勘视，免其虚税。更筑长堤，以资蓄泄。开东瓯、括、婺诸驿路，行旅便之。卒于官。

**朱廷璟** 《通志》：字山辉，富平人，前兵部侍郎国栋子。闯逆据西安，多械致士大夫，攫其金。廷璟被执，俄贼败，得免。顺治乙丑成进士，改庶吉士，累迁登莱副使。时登兵以缺饷谋作乱，守欲捕之，廷璟曰：“是速乱也，不可。”阅库金，与缺额相当，立召诸弁，唱给之。饷至，仍如数纳库中，军无哗者。海寇陷瓜、仪，围江宁，声言将分兵突山左。一日夜，候骑数十至，

将吏皆失色。廷璟但密增沿海戍守，举止自如。逋寇于七，势甚炽，廷璟至，即蒲伏听约束，廷璟遣之，语人曰：“贼子瞻顾非常，宜渐除之。”会升河南参政，去后果乱海上。未几，以忧归。再补左江，遂致仕。林居后，绝口不谈世事，以鼎彝书画自娱。

**王孙蔚** 《通志》：字茂衍，临潼人。与叔元衡、元士同登顺治壬辰进士。由刑曹历官湖广按察、福建布政。以公事左迁备兵川东，视学楚省，歿于任。蔚弱冠举乡试第二，尤长于吏事。在刑曹，都下有“玉铭钱谷，茂衍刑名”之谣。玉铭者，王大司农（宏）[弘]祚也。任楚臬时值军兴，羽书旁午，台府倚重，一时绾五篆，手握朱、墨二笔，判事如风雨。诸司掾持案沓进，目览口诵，悉皆贍举。诗才婉丽，有《轺香集》。

子天宠，登贤书。

**萧恒** 《通志》字月如，三原人。顺治壬辰进士，授安福令。邑田水冲沙壅，多虚粮。恒力请直指，题减粮额千余石，至今赖之。迁邛州知州。

**习全史** 《通志》：同官人，顺治壬辰进士。初令泾县，补内江，有声，升杭州府同知。善听讼，渔临关有奸宄与关蠹交通害政，甫下车，即行剖禁。诸暨某，持两胫足，屡控不止。全史曰：“此必暮夜行窃，为主人所折，顾以诬人，可乎？”立投于江，某惊服，讼始息。后卒官，贫无以殓，制府李率泰为归其槨。

**李光宸** 《通志》：字君沃，三原人。少有远志，多大略。逆藩变作，制府哈占重其才，延之幕下，咨以机务。会蒲城令以民叛告制府，将屠之。光宸以为未实，按之，果诬。十八年，哈占奉命与奋威将军王进宝、勇略将军赵良栋分道取蜀。议未决，光宸进曰：“逆无能为也。湖南特下流地，今退屯衡州，所用皆亲属，猜嫌易起。大兵乘之，如拉朽耳！”进宝、良栋奇之，令从军入蜀，即举为广元令。广元久经兵燹，人无固志。有讹传逆党谭宏复叛者，光宸昼夜戎服行城上，语民曰：“我县令也，贼来我以身当之，汝曹无恐。”人心始定。先是，保宁兵饷悉由广元陆运，光宸请以

舟运出昭化，公私俱利。以内艰归，服阙，补金堂。初，金堂与新繁诸邑并以清白江为蓄泄，年久渠坏。光宸详视地势，复开新渠，灌溉如旧。光宸性明决而资复恺悌，故所至有惠泽。

**刘元勋** 《通志》：咸阳人，顺治己亥进士。七龄失怙，哀戚如成人。登第后，读书中秘，以祖母年高，求得终养。祖母卒，宦游所历，必奉母偕行。母卒，哀毁逾礼。服阙，分巡淮、徐。改山西粮驿道，严禁官马累民。委赈大同，无冒无偏，发粟处有槐一章，民怀其德，号“刘公槐”。寻致仕归。逢岁祲，周给里党，兼为族人输旧税，亲疏感之。

**李宏杞** 《通志》：字元文，三原人。由恩贡授永州府通判，擢知桂阳州。桂阳新遭兵燹，杞劳来安辑，凋敝顿起。时大兵进取滇、黔，转输不给。杞绘图上陈，请宽民力，竟左迁去，桂人吁留不得，勒碑以志。家居，施予不倦，浚河筑梁，倡始捐助，里人皆沐其泽。

子彦瑁、彦珣。彦瑁，字辑五，康熙丁未进士。值三藩变，参军秦、蜀，以功擢肇庆知府。抚绥厘剔，政声大著。再补黄州守，卒，祀名宦。彦珣，字重五，从学李颀，默契儒先宗旨。丁卯，登贤书，官中翰。闻兄讣，哀痛几绝，寻卒。

**任璣** 《通志》：字公义，泾阳人。少力学，工文，顺治辛丑进士，筮仕滕令。滕邑自明季流亡，保甲尽废。璣画境为八卦保，置长卿、设约。其东界连山，密箐中多伏莽，璣擒斩首恶，余令归农。其南界接境徐、碭，距县治远逾数百里，民抗不输赋。璣开诚劝谕，化为淳良。复以户口版籍无凭，力请编审，自此欺隐都绝，赋无逋额。先是，河臣令璣督浚八闸河道，如期告竣。擢兖州府倅，分司洳河，寻改运河同知。运河自黄淮以上，灌输恃七十二泉。璣遍历相视，疏源涤流，粮艘无阻。又筑漕河东堤、泗河西堤以扞水患。时奸民请筑南旺西湖，以擅水利。璣谓：“汶河秋涨，赖此泄水，筑之，则八斗必塞，运道将梗。”事遂寝。迁长芦运使，建议引盐积滞必通，销于引盐不至之地。其产盐州县，

例不食官盐者，奸商坐引至数千计，悉请罢。商力渐苏，盐课无损。升直隶守道，以良乡旗民经界未正，奉命勘验。溽暑，积劳得疾，卒。

**陈嘉绩** 《通志》：三原人，康熙癸卯举人，授濬县令。以风化为己任，作《合律圣谕解刊书》遍给，劝惩并用，民风大洽。又悉除绝户女丁钱，孤寡咸额手相庆。再补澄海，因邑居海滨，招集乡勇，严飭守望。有海寇千余，乘夜薄城，嘉绩率众登陴，矢石雨下，贼大溃，邑以无恙。擢御史，历掌河南道法司。鞫狱凡夹讯者，或至日昃散署始释。嘉绩语法司宜共体钦恤至意，得供即释。荐升大理寺少卿，扈跸西巡过濬，士民拥道，愿识旧尹陈公之面。未几乞归。嘉绩父，诸生尧道，潜心医学，制方奇效，所著《伤寒辨证》《痘疹辨证》二书，嘉绩校定付梓，以竟前人之志焉。

**梁凤翔** 《通志》：咸宁人，康熙癸丑进士。性纯孝，少失怙。母疾，日夜吁天愿以身代，疾愈。二十五年，授孝感令。履亩均赋，积弊一清。壬申、癸酉间，秦、楚荐饥，凤翔捐俸劝赈，多所全活。擢潞安太守，革除漏卮，勒石永禁，期年政成。以足疾乞归。

**郭毓秀** 《通志》：字钟山，耀州人。举人，知赣县。康熙甲寅，闽、粤之变，大兵多道赣，有蜚语谓玉田村民通逆，主兵者谋歼之。毓秀言于抚臣佟国桢、镇臣哲尔肯曰：“国初兵寇交讧，赣四境萧索，独田村、鹭溪一二井里能自保聚，遂致蕃庶。遽以大逆诬之，非惠养元元意也。”国桢、尔肯皆然之。毓秀即驰入田村，令毁其垒，村民供输刍糗，倍于他所，遂得保全。邑人述其事，至今犹有堕泪者。

**刘曾** 《通志》：字鲁如，临潼人。父秉携<sup>①</sup>，邃《易》学，有《学易寤言》八卷。曾弱冠从李颀讲学，康熙乙未成进士，授

① 父秉携：清乾隆《临潼县志》卷七作“父秉儒”。



淑浦知县。淑浦山深地僻，粮役不均，曾履亩亲丈，官无遗利，地有余力。事竣，湖南抚臣下其册于所属，俾为式。三载，擢吏部主事，迁员外。有墨吏以千金为寿，曾笑曰：“刘曾岂受暮夜金者耶？”正色却之。再迁郎中，补贵阳知府。黔地多苗犷家，尤犷悍，时窃出行劫，亦时诱其幼弱者鬻于邻境。曾为捕奸民略贩者，得数十人，正其罪。所得苗子女，悉还之。有不知所自者，令郡民无子女者抚之。苗犷闻而感泣，不复行劫。郡仓岁赢米百石，曾令别贮一仓。春秋时，有耕获不给者，补助之，郡大治。会考最，擢云南驿盐道，寻升按察使。五十六年，致仕。

**王承烈** 《通志》：字逊功，泾阳人。康熙乙酉，以五经发解。己丑成进士，选庶吉士，授检讨。雍正初，转监察御史，巡视东北两城。时有巨猾，倚宦势为奸，谋陷富贾，吞其赀。承烈搜捕之，置于理，鞫下肃然。尝召对养心殿，讲《大学》次章<sup>①</sup>，称旨。次年，以谏垣督湖北漕，从民请，就便南兑，省运费数千缗。旗丁拨运，则以保甲法联之，军民帖服。报最，擢江西布政使。司署故有通吏二人，擅窃威柄。承烈斥弗用，钩考振作，诸弊一清。累升刑部侍郎，卒。其夜有慈乌数千绕室之异。赐祭葬，有加礼。所著有《日省录》《毛诗解》《尚书今文解》诸书。

**张冲翼** 《通志》：富平人。崇祯壬午举人，授教谕，升四川平武知县。顺治十四年，擢御史，疏请复诸生岁科两试，并豁免各省滩地赔粮，巡盐、巡仓，鹾、漕肃清。康熙十二年，圣祖亲试台垣奏议，冲翼名列第一，荐历大理寺少卿。乞假归，卒。

**周之桂** 《通志》：字鹭飞，咸宁人，崇祯癸未进士。顺治初，授秀水令。多善政，行取谏垣，敷陈剴切，如请蠲直省宿逋及简学臣内升，皆见采用。陟督捕，疏请热审减等照刑部窝逃例，移顺天府发配。又隐匿旗人，初有连坐例，奸民率挟私妄计<sup>②</sup>，之桂

① 次章：清乾隆《泾阳县志》卷七作“明明德章”。

② 计：清嘉庆《咸宁县志》卷二十作“讐”。



奏请行郡县查覆，以杜诬枉。由是省释无算。后官至通政使，乞归。

**梁 鋈** 《通志》：字子远，三原人。赋姿英敏，登顺治乙未进士，选庶常，旋改给谏。遇事指陈得失，无所回护。历官三十年，僦屋而居，有劝其置买田宅者，则引“清白贻子孙”语以谢之。历仓场总督、户部侍郎。生平于书无所不读。丁外艰，悲泣伤目。母卒，哀毁逾甚，遂失明，卒。

子澐之，由诸生令湖口，再令富川。驯服苗夷，邑中向化。历光禄寺署正。

**王 焯** 《通志》：字仲骥，三原人。康熙庚戌进士，令直隶阜城，地杂旗屯民多影射，首行均税法，俾豪无匿田，田无匿税。更立征输十限，民无逋赋，境内帖然。擢刑垣，旋掌吏垣。论事多达大体，晋通政，转佥都，陟太常卿，皆著清声。寻乞归。癸未秋，銓轺西巡，钦赐御书《唐律》。

**黄建中** 王鸣盛《海州牧黄公墓志》：君字懋德，号容斋，咸宁人。雍正乙卯选拔，乾隆元年发江苏，以知县用。历震泽、嘉定、无锡、吴县、元和、长洲、阳湖七邑，所至有惠政。擢州牧，未之任，卒。方其在嘉定也，惩豪强以戢良善，储仓粟以备凶荒。浚城内清镜塘、野奴泾、吕墅沟诸水，以济行旅、资蓄泄，人称其治可继陆清献公。既调任长洲、吴[县]、元和，皆首郡，公赴事勤敏，殚心筹划利弊。城内三横四直河，岁久淤积，公设法开浚。太湖滨有滩涨田，田去粮存，久为民累，公陈请蠲免。又以社仓为积贮要务，推诚劝谕，积至万余石。吴之光福镇凤鸣冈福庆寺旁有陆坟，陆姓欲攘其地，数十年结讼不休。公亲往勘断归寺，尘案顿结。江阴恶少某诬常熟民陈姓以奸事，狱已成，公廉得实，释之。其听断明决多类此。已而，以公事罣吏议，旋得旨，仍以知县用。时海州水灾，被檄往赈。见民采食枲实、榆皮，取以告监司，复蒙加赈一月。赈务竣，补阳湖令，相继丁父母忧，扶柩归，囊橐萧然。丧葬毕，因事至江苏，适淮安被水，中丞陈

文肃奏留公赈清河、桃源、安东三县。严冬风雪，赈所在黄河岸侧，仅设一席蓬。公黎明辄步至以待饥民，全活甚众。丁卯秋，崇明海溢，漂没田庐，公复往赈。方病，星夜驰抵刘河口，风浪汹涌，土人劝止。公曰：“数万生灵待命方殷，遑惜此身哉。”毅然航海至崇。力疾视事，不遑寝食。再补阳湖邑。向有役田，起明万历间，巡抚胡公因民运为累，每图置田若干，收其租为运费，名曰“役租”。后粮入官运，役田变为民田，租额仍在，乃均摊入民田。公亟请于上官，后奉恩旨蠲免。于时，公在江苏先后十四年矣。升知海州，旧疾增剧，卒于阳湖，年四十八。身后家无儋石储，重以核减公用，逋累数千金。弟文中号呼求助，苏、常二郡民踊跃代输。洵乎！公道在人，廉吏不可为，而卒可为也。娶张氏，合葬长安后坡砦之原。

**贾慎行** 戴祖启撰《墓表》：字罗山，家世蔚州人。祖懋实，字名符，康熙辛酉科举人。为咸宁令十二年，多善政，遂家焉。先生雍正乙卯举于乡，幼以孝闻，家贫力学，教授里中。性耿介，不受友人千金之馈、一袍之赠，事皆有状，其居于乡者如此。及其令襄垣也，其地瘠民贫，俗多争讼。先生开诚劝谕，又按古方书修良药以救民之斗而伤者，曰：“一命全，则两命活矣。”复念非富而教之末，由得无讼之原也。襄邑俗不知桑，先生乃购桑高平、黎城诸邑，相隙地，躬自教民种植，为盘条压根诸法。时单骑循行村落，教妇人养蚕，或赍以钱、布。行之五年，得桑二十余万株，杼轴之声轧轧彻四境，太守下其法他邑，阖郡获其利，而襄邑为乐土焉。官九年，争讼益简，囹圄空虚，乃引疾归。襄民泣送有至平阳曲亭镇者，盖去襄三百余里也。性俭素，退食，未尝衣帛。一日，家人以帛衣进，挥之，对曰：“此所市襄垣绢也。”乃笑而服之。归逾年，卒。

子策安、策治，乾隆壬午同榜举人，壬辰同榜进士。

**刘曰锐** 《通志》：咸阳监生，事亲至孝，友爱昆仲，尤乐施予。农时必捐给籽种，以助耕耨。凡闾里婚嫁、疾病、丧葬及旅

人之流寓于咸者，曰锐随时周给，未有德色。康熙辛丑，关辅饥，曰锐出千金散赈。雍正癸丑，岁歉，复出粟六百石赈之。时所居堡垣倾圯，曰锐独捐己赀五百金修筑，守望有资，晨夜无警。又延塾师、设义学，督课里中子弟。雍正十一年，巡抚疏闻，奉旨给正六品职衔，以示奖励。

**傅 佶** 庄大中《傅君传》：字正伯，兴平人。考选州同知，入成均。时以父年迈，两弟弱，力治生计，庭闱之内，和声愉色。丧葬竭情尽慎，靡有遗悔。居乡，遇歉岁，叠劝捐，存活无算。邑有兴作，倾橐应之。今学宫翼翼，《县志》重修，皆君之力也。易箦之日，举数十年亲故称贷文券，检出给还。未至者，举而焚之。卒，葬城南。

**田佳运** 《通志》：长安人，贡生。居堡中，以耕读自适。顺治二年，贺逆犯省城，破其堡，获之，骂贼死。仲子陌亦投井死。

**许国楠** 《通志》：咸阳人。顺治三年，随征入闽，漳、泉既下，奉檄摄漳浦令。时戎马在郊，征输百出，国楠处之裕如。未几，杨学皋变起，率众袭城。城陷，国楠赴井死。

**孙一鹄** 《通志》：字图南，富平人。起家诸生，中武科，累功至参将。顺治初，迁广东水师副总兵。十年冬，进水师总兵官。十一年，李定国寇广东之新会，一鹄以舟师守江门。值陈奇策从海上突至，一鹄率兵大战，众寡不敌，遂殁于阵。赠太子太保，赐祭葬。仍月给俸米以恤其家。

**刘本善** 《通志》：字太素，高陵人，顺治辛卯武举，任湖广守备。康熙元年冬，山寇窃发，制府征兵会剿。本善帅兵三百以往，屡捷。明年秋，本善渡河迎寇，战歿。七年，录前功，加恩赐祭。

**邵廷仪** 《通志》：咸宁人，顺治甲午举于乡，授清涧教谕，寻升靖远卫教授。值王辅臣兵叛，伪檄促各官尽改旧印。廷仪独怀印不予，以死自誓。事平，闻于朝，擢香山令，有善政。

**常日暄** 《通志》：三原人。康熙十四年，滇逆方炽，庆阳土

寇作乱，犯泾原，攻冯家堡。三昼夜，将陷，日暄同魏良佐、蒋四等率乡兵一十八人往援，杀贼数十。贼撤围并全营冲杀，日暄力战，鞭死渠魁并贼党数人。众寡不敌，十八人俱战死。冯堡获全。

**王伏金** 《通志》：咸宁人，任凉州镇属西把截堡守备。雍正元年十月，随征西宁，阵亡。

**张先志** 《通志》：长安人。康熙戊子武解元，授七里关守备。雍正二年，剿卓子等山土番，先志独当加尔多寺一面。因道险，不得入，率兵十五人进规贼垒。适林中番众突出，先志奋勇冲击，矢尽力竭，遇害，尸无完肤。雍正三年，奉旨赐祭葬，荫一子以卫千总用。

**侯于唐** 《通志》：字赓明，三原人。父达先，有隐德，尝岁荒，代乡人输赋千金，请于官，取逋赋册，悉焚之，曰：“吾安敢重烦大令，为吾追逋乎？”于唐登顺治壬辰进士，由庶常擢御史。终养归，再起巡盐、巡漕，奉诏以敬慎刚方褒之。居乡，葺学宫，筑白渠堤，民赖其利。祀乡贤。

**张大龄** 《通志》：长安人。幼失怙，母黄氏守节。大龄性纯孝，少好学，家贫，改业岐黄。母病笃，百方疗之，复精诚吁天，果获愈。子永福，孙尔珙，俱登贤书。康熙四十一年旌表。

**孟学** 《通志》：长安人。幼有至性，母病危，日夜泣祷，愿减己算以增母年。母愈，时年甫十余岁。又**冯选**，亦长安人。母遘疾，选不食累日，潜割股和药以进，疾愈。俱蒙旌表。

**李文秀** 《通志》：长安人。家贫，以市楮为业。性至孝，罄日中所得子钱，悉以充养。妻子衣食财足<sup>①</sup>，虽纤毫不私也。人称“楮孝子”。

**柏覆皇** 《通志》：长安人。事祖母杨、继母高，俱尽孝。居丧有礼，笃友爱，抚犹子如己子。康熙辛未、壬申间，大荒，散

① 衣食财足：清嘉庆《长安县志》卷二十九作“衣食才足”。



粟八千余石，长、鄂两邑全活甚伙。族党贫乏者，畀以田种，除国赋外，不责其偿。童仆给产婚娶，岁稔悉遣归。一门长幼七十余人，数世同居焉。

**张我训** 《通志》：长安人。事母先意承志，年五十，孺慕不衰。性喜周恤，闾里婚葬，极力资给，无德色。尝建丰水桥，行者称便。

子勇，亦好施慕义，有父风。岁荒散赈，乡人德之。

**郑仁** 《通志》：咸宁人。十龄丧父，哀痛如成人。母朱氏安贫守节，仁色养备至。雍正三年，仁年逾五旬，母歿，庐墓三载，枕块茹蔬，未尝一归里舍。雍正八年旌表。

**孙符** 《通志》：咸宁贡生，归善令能宽长子。丧母韩氏，悲思不已，每至墓，哀号竟日。父病痲，吮之，获愈。攻苦勤学，赀志早亡，士林惜之。雍正八年旌表。先是，吴逆变起，符曾祖世选挈邻里二十余家同避白鹿原。破产周济，皆无恙。祖盛，事继母李，能孝，李病，吁天请代，复割股和药以进，里人以为世德。

**吕大猷** 《通志》：咸宁人，顺治丁亥进士，历官兵部郎，以母老乞终养。朝夕承欢，务以悦亲为事。母疾，视寝视药，心力交瘁。母歿，终身不起。居乡清介，不履城市。

子梓生，岁贡。父歿时，年甫十二，事嫡母许、生母李俱尽孝。先是梓生未育，大猷抚从子某为嗣。梓生体父志，终身兄事之，无间言。舅氏任楚藩，梓生将母命往谒，楚民有争财致讼者，以千金求关说，梓生力却之。生平好读书，尤精医术。郡邑檄赴宾筵，皆不就。

**杨宗明** 《通志》：咸宁人。赋性醇谨，事父母尤尽孝。母歿，父年迈独居，宗明朝夕侍侧，寝食不离。父再娶，宗明事后母如其母。父卒，哀毁骨立，不茹荤、御内者三年。廉使翟凤翥以孝行旌其门。

**刘祐** 《通志》：字笃生，咸宁人，康熙间岁贡。生平留心



经世大务，尝立仁义社仓以赈贫民，全活甚众。

**萧光兰** 《通志》：咸阳人。事亲克孝。盗劫父室，光兰持梃奔斗，被数创，贼遁。岁饥，光兰承父志，散金出粟，存活千人。父歿，庐墓二年余，得痺湿，强舁归，泣涕不已。愈后，日至墓拜奠。巡抚黄尔性为请旌表。

**吴珍** 《通志》：咸阳人。幼有至性，弱冠，随父渡渭，父堕水，时秋涨方盈，珍冲波救出，见者异之。有贼入室，将加刃珍母，珍冒死直前，夺母走，得免于难。值岁荒，输粟以赈里党。

**侯治经** 《通志》：咸阳监生。早失母，事父及继母陈俱尽孝。从母无子，治经迎事之如所生。遇邻里婚丧，必悉力资助。奴婢、臧获有父母独者，即焚券，令归养。屡值岁歉，散金粟以赈贫乏，全活甚众。雍正十一年，巡抚疏请议叙，奉旨以应得之缺即用。

**王曠** 《通志》：鄠县生员。家贫，事孀母至孝。遭寇变，被掳。及脱归，知母死贼手，一恸而绝。邻人救之，经夕乃苏。泣血三年，闻者无不惨切。

**王忻** 《通志》：鄠县人。顺治初，邑遭寇变，贼系忻母拷索银币，忻挺身护母，贼挥刃中其肩，几陨。贼平，家业荡尽，忻力田服贾，奉母承欢。伯兄诸生慥苦贫，忻分己产贍之。仲兄恣妻亡，遗二子，鞠之如己子。

**陈调阳** 《通志》：鄠县生员。父楼居失火，调阳方弱冠，冒火登楼负而下，两人俱无恙。父歿，兄子遗孤辅圣方八岁，季弟甫四岁。调阳知母意，以幼子孤孙为念，分析家产，悉推美者与之。复延师课学，弟侄俱赖成立。

辅圣，太学生，性行醇厚。母疾，药必亲尝，衣不解带，食息咸与母俱。母亡，以哀毁成疾，卒。

**刘龙洲** 《通志》：鄠县人。慈母张氏性严急，龙州日侍左右，略无忤色。父卒后，事之二十余年，不少衰。以明经授教职，两举乡饮宾。

**王永图** 《通志》：字伯固，鄆县生员。为文典赡博雅，性醇谨，虽盛暑，不去衣冠。接人无少长，咸以礼。居家孝友，年七旬，每念及二亲，辄痛哭。所著《永思草》《鹄鸣》《扶杜编》，皆原本至性，不事雕饰。

**张炯** 《通志》：鄆县生员。贺贼陷城，父被执。炯挺身卫父，贼斫其脑而死。

**聂宏** 《通志》：鄆县人。家贫，以卖酒为业，有所得辄易甘脆养亲。母故，宏常宿父榻旁，卧起定省。家有畜犬，客以饼啖之，犬即衔饲老犬，人皆以为孝感所致。

**王贤** 《通志》：鄆县民。家窘，为人佣，得值养亲，日用无缺。亲旧有赠以果饼者，必怀以奉亲。亲未入口，不敢遽尝。亲亡，棺衾无措，至典身以葬。

**魏惟紫** 《通志》：字青臣，鄆县孝子国成次子，嗣嫡叔国垣后。以文行选拔，授河南偃师令。招来开垦，设学课士，多惠政。时祖母年八十，失明。生父母、继父母具庆，悉安车迎养。后以罢误去官，例得复起，念两代高年，绝意仕进。奉养葬祭，靡不中礼；友爱昆季，敦睦族党，始终不倦。年七十，哭兄过哀，以疾卒。

**王先身** 《通志》：鄆县生员。贺贼陷城，奉母阎氏避贼，俱毙贼手。

**张文运** 《通志》：蓝田人。八岁失怙，母王氏孀居，家贫岁荒，竭力孝养。遭寇变，负母逃匿金山，日采果实奉母，备历险艰，卒保无恙。母寿及期颐而歿，文运哀毁逾礼。既殓，负土封筑，犹宿墓不忍去。尝建一堂，颜曰“永思”。雍正六年旌表。

**姜士珍** 《通志》：泾阳人。母孙氏早逝，继母杨性多恚且私，其前子女百计苦之。士珍怡然顺受，里人怜之，欲诉其母于官，士珍号泣挽留，杨知而自悔，爱如己出。抚军雷兴题请旌表。

**李天牖** 《通志》：泾阳人。性孝友，母病痢，尝粪，知不起，每夕跪诵《孝经》，祷天愿以身代。母歿，事父尤尽孝。兄年迈苦

贫，仍迎养于家。业师文某居三水，岁祿，尝负米百里以贍之。至于还遗金、拒奔女、焚宿券，尤多隐德。雍正八年旌表。

**李长猷** 《通志》：字丹馥，泾阳诸生。母刘得痿痺疾，长猷侍药饵十载，每至彻旦。家不甚丰而好施予，念友乏嗣，助资纳妾；邻人有逋官钱者，将鬻妻，长猷代偿之。他如施药、捐棺、赈粟、焚券，岁以为常。

**陈振烈** 《通志》：泾阳诸生。天怀孝友，居母丧，家贫未葬，日寝处柩侧，尽哀服阙，时年未三旬，须发尽白。事父及后母，曲尽孝养。性嗜学，博览群书。

子焯，以进士令漳平。

**熊 鈞** 《通志》：泾阳岁贡生。性孝友，母刘常负荷，药饵鲜效，遂究心卢扁，母症获痊。后母丧，泣血而歿。同时三原王维圻，事母有至性。亲丧，哀毁成疾，卒。

**焦之雅** 《通志》：字大雅，三原人，中丞源溥长子。为人方正，娴于礼仪。逆闯破关，父被执，骂贼死。之雅与弟之夏寻父尸，衣衰经，手持利刃，誓不得遗骸必死。果得尸，负归。葬毕，弃家隐华山，愤郁而死。之夏亦终身隐处，或劝之出，辄不应。

**房廷祥** 《通志》：字发公，三原人。年十三，补博士弟子。父建极，崇祯辛未进士，官于晋，迁兵部主事。归里，会李自成盗关中，建极知国事孔棘，星驰入都。时廷祥年十五，请从，母不许。廷祥泣告曰：“父死国，儿不当死父乎？”遂裹粮易服，为黄冠以从。至河阻贼，不得渡，乃涉洛，蹑王屋、太行诸山，匍匐行数千里。甲申四月，抵近畿，闻京师陷，建极将绝粒死，廷祥泣请曰：“吾父今道死穷山中，谁知者？且死，亦何益？”因强與归。未几，卒。廷祥恸不欲生，既葬，庐墓侧不去，旋卒。

**来淑泗** 《通志》：字圣涛，三原人。年十岁，值流寇变，扶继母左氏避难。讹传寇至，母投身井中，淑泗号泣井上，跪求途人觅纆缢救，乞人负归，闾里称为“孝童”。

**李时盛** 《通志》：字文吾，三原人。性至孝，懋迁于外，因

母寡居，弃归养母，浣衣涤器，皆躬亲焉。明季，有旧交高姓者以黄金五十两寄其家，商于外。值闯乱焚掠，时盛家室不保。阅七年而高至，悉以原封还之，人颂其义。

**申培棫** 《通志》：字林苍，三原岁贡，任两当训导。性孝友，父歿维扬，徒跣扶柩，营葬尽哀。事后母委曲承顺，所生弟妹，抚诲婚嫁，悉殫心力。尝捐金代宗族输税，至于周贫济困、掩骼埋胔，岁以为常。

**刘容** 《通志》：三原人。农家子，居嵯峨之麓。与弟俱入山，虎至，攫弟去。容追及，左手挽其尾，据其背，右手执屨撻之。虎益猛，容益力，虎乃置其弟去。容负归，得苏。

**梁澂之** 《通志》：字静海，三原人，仓场侍郎鉉庶子。幼时，常从宦四方，父以果饵赐之，辄念曰：“吾嫡母在家未食也。”因泣下。间得纨绮，辄以请于父曰：“吾将为嫡母衣也。”后归省，嫡母适患痢，粒食不进。澂之减餐泣祷，曰：“吾母食，始食。”越翌日，果瘳。性好施，解衣推食，无德色。后嫡母卒，以过哀致殒。

**刘守法 守富 守奇** 《通志》：俱三原人。兄弟友爱无间，同爨五世。又鄠县樊邦彦，四世同居。高陵裴汝清，三世同居。

**张厥** 《通志》：盩厔人。顺治四年，山寇金龙破其堡，兄厂被杀，并掠厂子灵哇以去。厥念兄止此子，今被掠，是无后也。即负己子补哇入山，易灵哇以归。冀图往赎，乏资未果。值寇移营，以补哇幼，不能从行，杀之。后厥亦复得子云。

**郝振纲** 《通志》：富平人，太学生。少失怙，日侍寡母侧，含泣读书。值岁荒，日鬻线易米为食。既长，优于幕学，所至必奉母以游。族孙信，七岁，家贫，度为僧，振纲养之，得成立。又族孙仕，有忤行，振纲令从己，日夕观事母状。阅三载，仕感悟，请归事母。族人有夫妇同逝者，葬之而育其嗣。母疾笃，焚祝求代。及卒，哀毁庐墓者三年。雍正五年旌表。

**孙文达** 《通志》：富平人，产于滇。年十岁，父歿尽哀，遵



所生母训，读书入泮，不知原籍有嫡母在也。雍正二年，富平令移文到滇，乃大恸，遂扶父柩，奉母携妻、妹万里归秦，备极艰苦。以久缺嫡母养，负罪自责。晨夕竭力以事二母。雍正四年旌表。

**唐文昭** 《通志》：字含章，富平诸生。父歿，斋居三载。继母偏爱己子，逐之。因肆力稽古，益明理数之学。顺治十年，御史何承都造其庐，赠以金，却之；赠以布，辞不得，因为母寿。母卒，悔悟，呼归。居常困于贫，每竟日不举火。岁祲，邑人重其学行，敛粟贍之。知县郭传芳创祠祀孝义三人，文昭特与焉。

**党国虎** 《归求草堂集》：国虎，富平人。六岁母亡，寄抚舅氏。父普宽、兄廉生，为族子国孝毆死。以事未露，国孝幸免。国虎恚甚，揣力弱，未能报。顺治九年，国虎年二十一，乃诱国孝于野，并其子寻儿，挝杀之。诣县自首，赴狱。县令欲加矜恤，国虎念父仇已雪，遂于狱自经死。与唐梁悦事正同。知县郭传芳创孝义祠，首肖像祀悦，而以国虎配之。

**孟孔脉** 《通志》：字祖尼，富平人，顺治乙酉举人，授稷山令。听断明允，尝割俸赎民鬻子百余人。富邑阴家河病涉，捐貲筑石桥以济行旅，又筑堡寨，联守望，里党赖之。

**赵一韩** 《通志》：富平诸生。性醇谨，亲老多病，药必先尝。及歿，哀毁骨立，乡人称之。两事继母，无异所生。待诸弟友爱，无间言。

子兆麟，巡抚郧阳，赠副都御史。

**王发祥** 《通志》：耀州学生。孝友性成，以父淑璟、兄肇祥并死闯祸，终身不饮酒茹荤，不御内。哀思痛悼，无间岁时。及死，犹泫然曰：“吾今而始得见吾父兄也。”闻者为泪下。

**刘名翰** 《通志》：长安人。幼育于伯父母，伯母病，思食肉。名翰向天默祷，剖股为羹以进，病立愈。

**王 计** 《资政录》：长安人。有孝行，于乾隆三年奉旨旌表。又同邑武举人**查继儒** **马伯知**，又咸宁**何宏图** **傅彤**，又咸阳**王珂**



魏成佩，又高陵党思睿，又鄠县屈乃绅 阎泰临，又泾阳刘继业 门丕吉，又渭南宋世亮，又醴泉生员张茂德，并以孝行于乾隆年间先后旌表。

**张 璘** 《资政录》：泾阳贡生。一门孝友，七世同居。乾隆三十一年具题奉旨旌表，并赐御制诗一章，用示优异。御制诗恭载卷首。

**韩文星** 《资政录》：富平人。同居十二世，共爨八十人。乾隆十六年具题奉旨旌表。又宋进唐，醴泉人，有义闻，于乾隆二年旌表。

**路振扬** 《资政录》：长安人。任提督，孙珣予荫。又同邑周起凤，任总兵，子廷儒予荫。

**王 鼎** 《资政录》：任副将。又张守凤，任游击。又温天鉴，任千总。俱长安人。于雍正十三年进剿黔省逆苗有功。王弟诏，张子九锡，温子育清，并予荫袭。

**扈 璉** 《资政录》：长安人，任云南督标游击。乾隆三十一年，从征缅甸阵亡。弟琚予荫。又同邑陶滨，任永昌营千总。乾隆二十一年，从军伊犁阵亡。子元龙予荫。又张继祖 王大勋 杨鹏 王权 潘应龙 王功 萨继勋 吕选 王彦，皆乾隆十二年从征金川阵亡将弁，予荫之嗣。

**马定坤** 《资政录》：咸宁人，任四川永宁协都司。乾隆三十二年从征缅甸阵亡。子大刚予荫。

**左文龙** 《陕甘资政录》：长安人，甘肃镇番营守备。又张我德，甘肃永固营千总。又王臣，陕西提标左营把总。又来思起，商州营把总。又郑仁表，甘肃金塔协把总。又杨世傑，陕西提标右营外委。又马守良，甘肃洮岷协外委。又惠太，甘肃西宁镇标前营外委。并从征金川，于乾隆三十八年六月在木果木阵亡。又赵朗，陕西提标右营把总。三十七年五月，在金川阵亡。又年大银，陕西提标前营千总，三十八年六月，在大坝沟阵亡。

又金川阵亡马兵：王贤 李建才 李大功 刘忠 李光现 史自魁

刘嘉宾 张勋 蒋大功 吴英 雷斌 党世林 李世淳 雷天相 朱文升 赵自建 张得功 郭成 郭印 刘天培 余朝龙 刘成 宋喜 许伏 夏耐 刘振 王世贵 孙成功 郭永伏 亢文茂 卢文元 朱天麒 刘攀龙 李鼎 石英 杨奇 赵鹏举 王勇 侯科 郭宣 杨宗智 张秦元 张林福 张升 李茂 张豹 张世友 刘文华 雒贵

**阵亡步兵：**贾天受 李万清 屈进朝 马得功 王仲元 王奉得 张伏得 张义 董得 王得喜 张中和 武振兴 王须刚 刘林 董保 雷文升 朱振夺 孙顺 顾永傑 张士魁 袁亨 方定边 孙晔 杨明 张世瑞 朱元功 吴千户 史孝 林升 杨宏得 韩其龙 侯彦 支应魁 吴可玉 李自花 牛荣 刘功 刘永治 寇世德 黄登科 马成功 郭彪 方爵 罗文焕 牛元正 杨天寿 何金 张必辉 刘明 杨智 张起 周宗喜 王文彩 武成林 李荣 周奇祥 陈端 高文奇 乌希才 郑发惠 刘世忠 郭良寅 何乃敬 王朝宣 肖文魁 张永贵 郭傑 屈斗 刘丰年 王尚斌 余豹 李重阳 胡昇远 郭得 滕甲英 周镇 杨兴 李自文 王万清 卢应元 张行琮 王仁 李文忠 何超 卞景文 童得福 田应选 樊俊

按：《会典》：阵亡守备，恩例恤赏银三百两；千总，一百五十两；把总、外委，并一百两；马兵，七十两；步兵，五十两。余州县并视此。

**党国栋**《资政录》：咸宁人，陕西提标中营把总，乾隆三十七年五月在日旁伤亡。又**梁廷云**，陕西提标后营千总，三十八年六月在空喀阵亡。

**又五营阵亡兵丁：**赵文魁 张义 朱嗣连 萧得 杨金良 袁喜 赵自建 马荣 罗进信 王珍 王须刚 张成贵 马云 张登科 梅玉 崔振邦 薛成 侯自良 王伯汉 林升

**又五营病故兵丁：**盖云 高永太 汪景升 胡广禄 王智 张有忠 张太 臧建 张傑 刘世傑 杜文昭 杨宗 张学得 白忠 郭起禄 来思宗 韩文 张建 妙进道 朱得

**陈化龙 贺太 豆加臣 薛忠鉴 高廷仁**《资政录》：并咸阳人，

守兵。又**古珍** 醴泉汛守兵。又**王克性** 金锁关守兵。并从征金川，阵亡。

**高彩** 《资政录》：兴平守兵，乾隆三十九年八月，在金川达尔图阵亡。

**樊克铭** 《资政录》：高陵人，督标右营马兵，乾隆十二年从征金川阵亡。又旧县关营守兵**永瑞彪**，三十七年从征金川阵亡。

**姬大谋 鲁复德 邵廷信** 《资政录》：并鄂县人，以守兵从征金川，阵亡。

**李花 朱寅 朱大伦 朱大成** 《资政录》：并蓝田人，以守兵从征金川，阵亡。

**贺英** 《资政录》：泾阳人，从征金川，乾隆三十八年六月在当噶拉阵亡。又**苏毓秀**，四十年正月攻促侵河岸寨阵亡。又**刘孟**，四十年六月在黑山梁阵亡。三人俱泾阳汛兵。又**张增福**，富平营兵，三十八年五月在宜喜阵亡。

**潘世济** 《资政录》：三原人，云贵督标中营把总，乾隆四十年四月，在金川克甲索阵亡。又**李天必**，提标前营步兵，四十一年二月在金川阵亡。

**张孝模** 《资政录》：盩厔人，乾隆庚辰举人，西宁镇标前营千总，三十八年六月在木果木阵亡。又盩厔营马兵**王正刚**，守兵**雷弼朝 郭进才 鲁信 安文正 孙士才 侯俭 张昇 刘忠义**，并于金川阵亡。又守兵**萧生云 赵玉 胡守信**，并于金川伤亡。又**赵绍隆**，醴泉汛守兵，从征金川未出。

**张世永** 《资政录》：渭南人，乾隆丁卯举人，河南济源县知县。丁忧，服阙，赴补。三十八年二月，奉旨发往四川军营。六月，在木果木阵亡，恩加道衔，并给祭葬银两，予子德标荫袭。又**李玉敬**，西宁镇标前营步兵，三十七年在木丫山石卡阵亡。又**刘长荣**，汉中城守营守兵，三十八年二月在昔岭阵亡。又**李广升**，固原镇标右营马兵，三十八年六月在木果木军营未出。

**程麟** 《资政录》：富平人，高陵汛守兵，乾隆三十八年三

月在日旁阵亡。又毛讳秀，永丰汛守兵，三十八年闰三月在空喀伤亡。

薛育忠 《资政录》：醴泉汛守兵，于金川阵亡。又王即鹏 张居仁，并于金川病故。

王吉安 《资政录》：同官守兵，在日旁阵亡。又刘孝，在金川伤亡。

按：已上并从征金川者，西安属内惟临潼并无伤亡员弁。

张力田 《资政录》：耀州人，金锁关守兵，乾隆二十五年从征西路，防守阿斯图阿尔什等处，卡伦伤亡。又雷兴太 任得治 刘文魁 张明德，并金锁关守兵，于金川阵亡。又伤亡兵丁郑世隆，未出兵丁胡现。

## 人物志 儒林 文苑

### 儒林

#### 汉

**田 何** 《高士传》：字子庄，齐人。孔子授《易》，五传至何。汉兴，何以齐诸田徙杜陵，号曰“杜田生”。以《易》受弟子，东武王同子仲、洛阳周王孙丁宽、齐服生等，皆显当世。惠帝时，何年老家贫，守道不仕，帝亲幸其庐以受业。终为《易》者宗。

**施 雠** 《汉书》：字长卿，沛人。从田王孙受《易》，后徙长陵。田王孙为博士，复从卒業，与孟喜、梁丘贺并为门人。及梁丘贺为少府，事多，乃遣子临分将门人张禹等从雠问。于是，贺荐雠：“结发事师数十年，贺不能及。”诏拜为博士。甘露中，与五经诸儒杂论同异于石渠阁。

**惠 庄** 《西京杂记》：长安儒生。闻朱云折五鹿充宗之角，乃叹息曰：“[蚩]<sup>①</sup>栗犊反能尔耶！吾终耻溺死沟中。”裹粮从云，云与言，庄不能对，逡巡而去，[拊心]<sup>②</sup>谓人曰：“吾口不能剧谈，而此中多有。”

**韦 贤** 《汉书》：字长孺，邹人。质朴，笃志于学，兼通《礼》《尚书》，以《诗》教授，征为博士、给事中。进授昭帝《诗》，

① 据周天游校《西京杂记》卷二补。周校勘记：孔本脱“蚩”字，据报经堂本补。

② 据《西京杂记》卷二补。



迁光禄大夫詹事，至大鸿胪。宣帝即位，以先帝师，甚见尊重。本始三年，代蔡义为丞相，封扶阳侯。为相五岁，以老病乞骸骨，赐第一区。丞相致仕，自贤始。薨，谥“节侯”。

少子（元）[玄]成，字少翁，以明经擢谏大夫，迁大河都尉。初，（元）[玄]成兄（宏）[弘]为太常丞，职奉宗庙，典诸陵邑，烦剧多罪过。及贤病笃，（宏）[弘]竟坐宗庙事系狱。室家问贤当为后者，贤恚恨不言。门下生与宗家矫贤令，以（元）[玄]成为后，（元）[玄]成知非贤雅意，即阳病狂。征至长安，不得已，受爵，宣帝以为河南太守。初，帝宠淮阳宪王，欲以为嗣，久之，欲感风宪王，辅以礼让之臣，召拜（元）[玄]成为淮阳中尉。诏与萧望之及五经诸儒杂论同异于石渠阁，条奏其对。永光中，代于定国为丞相七年，守正持重不及父贤，而文采过之。建昭三年薨，谥“共侯”。初，贤以昭帝时徙平陵，（元）[玄]成别徙杜陵。死，归葬父墓。《儒林传》：韦贤治《诗》，事博士大江公及许生，又治《礼》，传子（元）[玄]成。（元）[玄]成及兄子赏以《诗》授哀帝，至大司马车骑将军。由是，鲁《诗》有韦氏学。

**张山拊** 《汉书》：字长宾，平陵人。事小夏侯建，为博士，论石渠，至少府。授同县李寻、郑宽中少君、山阳张无故子儒、信都秦恭延君、陈留假仓子骄。由是，小夏侯有郑、张、秦、假、李氏之学。

**郑宽中** 《汉书》：平陵人，以博士授太子。成帝即位，赐爵关内侯，食邑八百户；迁光禄大夫，领尚书事。会疾卒。谷永上疏曰：“郑宽中有颜子之美质，包商、偃之文学，总五经之妙论，直<sup>①</sup>师傅之显位。卒然早终，宜加葬礼，赐之令谥。”

**士孙张** 《册府元龟》：字仲方，平陵人。受《易》于五鹿充宗，为博士，官至给事中。家世传业。

**郭威** 《西京杂记》：字文伟，茂陵人。谓《尔雅》周公所

① 直：《汉书·张山拊传》作“立”。

制，而《尔雅》有“张仲孝友”。张仲，宣王时人，非周公之制明矣。尝以问扬子云，子云曰：“孔子门徒游、夏之俦所记，以解释六艺者也。”家君以“《外戚传》称‘史佚教其子以《尔雅》’，《尔雅》，小学也。”又记言：“孔子教鲁哀公学《尔雅》。”旧[传学者，皆]<sup>①</sup>云周公所记，“张仲孝友”之类，后人所足耳。

**苏 竟** 《后汉书》：字伯况，平陵人。平帝时以明《易》为博士讲《书》祭酒。善图纬，能通百家之言。王莽时，拜代郡中尉。时匈奴扰乱北边，竟终完辑一郡。光武即位，就拜代郡太守。建武五年，诣京师，拜侍中。以病免。初，延岑护军邓仲况拥兵据南阳阴县为寇，刘歆兄子龚为其谋主。竟时在南阳，与龚书晓之，仲况与龚遂降。

龚字孟公，长安人。善议论，扶风马援、班彪并器重之。竟终不伐其功，潜乐道术，作《记海篇》及文章传于世。年七十卒。

**许 商** 《汉书》：长安人。善为算，著《五行论历》，四至九卿，号其门人沛唐林子高为德行，平陵吴章伟君为言语，重泉王吉少音为政事，齐炔钦幼卿为文学。王莽时，林、吉为九卿，自表上师（家）[冢]<sup>②</sup>、大夫、博士、郎吏为许氏学者，各从门人，会车数百两，儒者荣之。钦、章皆为博士，徒众尤盛。

**杜 林** 《后汉书》：字伯山，茂陵人。博洽多闻，初为吏，王莽败，盗起，林与弟成俱客河西，隗嚣以为侍书。林虽拘于嚣，而终不屈节。弟成物故，林持丧东归。既遣而悔，追令刺客杨贤于陇坻遮杀之。贤见林身推鹿车，载致弟丧，乃叹曰：“我虽小人，何忍杀义士！”因亡去。光武征拜侍御史，引见，问以经书故旧及西州事，甚悦之。为光禄勋，内奉宿卫，外总三署，周密敬慎，选举称平。群臣上言宜增科禁，林奏曰：“人情挫辱，则义节之风损；法防烦多，则苟免之行兴。臣愚以为宜如旧制。”帝从之。顷

① 据《西京杂记》卷三补。

② 据《汉书·儒林传》改。

之，代朱浮为大司空。明年，薨，帝亲自送葬。除子乔为郎。

《东观记》：林从张竦受学，于西州得漆书古文《尚书》。卫宏、徐巡皆受林学。出示宏曰：“林流离兵乱，常恐此经将绝，何意卫子、徐生复能传之。古文虽不合时务，然礼失求之野，古文不犹愈于野乎。愿诸生无悔。”所学古文，遂传于世。

**贾逵** 《后汉书》：字景伯，平陵人。父徽，从刘歆受《左氏春秋》，兼习《国语》《周官》，又受《古文尚书》于涂（煇）[恽]<sup>①</sup>，学《毛诗》于谢曼卿，作《左氏条例》。逵传父业，弱冠能诵《左氏传》，兼通五家《穀梁》之说。自为儿童，常在太学，不通人间事。身長八尺二寸，诸儒为之语曰：“问事不休贾长头。”性恺悌，多智思，倜傥有大节。尤明《左氏传》《国语》，为之《解诂》，上疏献之。显宗重其书，写藏秘馆。时，有神雀集宫殿、官府，帝召逵问之，对曰：“昔武王终父之业，鸛鷩在岐。宣帝威怀戎狄，神雀仍集，此胡降之征也。”帝敕兰台给笔札，使作《神雀颂》，拜为郎。肃宗立，降意儒术，好《古文尚书》《左氏传》。召逵入讲，善其说，使发出《左氏传》大义长于二传者。逵条奏曰：“《左氏》义深于君父，《公羊》多任于权变。”帝嘉之，令逵自选《公羊》严、颜诸生高才者，教以《左氏》。和帝即位，以逵为侍中，领骑都尉。内备帷幄，兼领秘书近署，甚见信用。逵所著经传义诂及论难百余万言，学者宗之。

**赵岐** 《后汉书》：字邠卿，长陵人。少明经，有才艺。仕州郡，以廉直疾恶见惮。永兴二年，辟司空掾，议二千石得去官为亲行服。后为大将军梁冀所辟，为陈损益求贤之策，冀不纳。举理剧，为皮氏长。会河东太守刘祐去郡，而中常侍左馆兄胜代之，岐耻疾宦官，即日西归。中常侍唐衡兄玠为京兆虎牙都尉，岐数为贬议，玠深毒恨。延熹元年，玠为京兆尹，岐惧祸及，逃难四方，自匿姓名，卖饼北海市中。后诸唐灭，乃出，擢拜并州

① 据《后汉书·贾逵传》改。

刺史。岐欲奏守边之策，未及上，会坐党事免，因撰次为《御寇论》。中平元年，征拜议郎，迁太仆卿。李傕专政，使太傅马日磾抚慰天下，以岐为副。行至洛阳，日磾表别遣岐宣扬国命。时，袁绍、曹操与公孙瓒争冀州，绍及操闻岐至，皆自将兵数百里奉迎。岐深陈天子恩德，又移书瓒，为言利害。各引兵去。兴平元年，诏书征岐，会帝当还洛阳，先遣卫将军董承修理宫室。承表遣岐使荆州，岐至，刘表即遣兵助修宫室，军资委输，前后不绝。于是拜岐为太常。建安六年卒。著《孟子章句》《三辅决录》传于时。

《续文献通考》：《孟子》得立为博士，实自岐始。

《魏志·荀彧传》注：严象，字文则，京兆人。少聪博，有胆智，为扬州刺史。同郡赵岐作《三辅决录》，恐时人不尽其意，故隐其书，唯以示象。

**杨 政** 《后汉书》：字子行，京兆人。少从范升受《梁丘易》，京师语曰：“说经铿铿杨子行。”教授数百人。范升尝为出妇所告系狱，政乃肉袒，以箭贯耳，抱升子伏道旁，候车驾，持章叩头曰：“范升一子，今适三岁，孤子可哀。”武骑虎贲举弓射之，不肯去。旄头又以戟叉政，伤胸，犹不退。泣请感帝，诏出升，政由是显名。为人不拘小节，果敢自矜。时，帝婿梁松、皇后弟阴就，皆请与交友。政每言论切磋恳至，不为屈挠。建初中，官至左中郎将。

**鲁 丕** 《后汉书》：字叔陵，恭弟，平陵人。兼通《五经》，以《鲁诗》《尚书》教授。建初元年，举贤良方正，除议郎，迁新野令。期年，州课第一，擢拜青州刺史。元和元年，拜赵相。就学者常百余人，关东号曰“《五经》复兴鲁叔陵”。永元二年，迁东郡太守。丕在二郡，为人修通灌溉，百姓殷富。数荐达幽隐名士。明年，拜陈留太守。十三年，迁为侍中，免。永初二年，诏公卿举儒术笃学者，大将军邓鹭举丕复为侍中、左中郎将，再为三老。七十五，卒于官。



**挚恂** 《高士传》：字季□<sup>①</sup>，伯陵十二世孙。明《礼》《易》，遂治五经，博通百家。又善属文，词论清美。扶风马融、沛国桓麟等自远方至者十余人。既通古今而性复温敏，不耻下问，学者宗之。隐于南山之阴。永和中，博求名儒，公卿荐恂“行侔颜闵，学拟仲舒，文参长卿，才同贾谊”。由是公车征之，不诣。大将军窦武举贤良，不就。以寿终。

**宋登** 《后汉书》：字叔阳，长安人。父由，为太尉。登少传《欧阳尚书》，教授数千人。为汝阴令，政为明能，号称“神父”。迁赵相，入为尚书仆射。顺帝以登明识礼乐，使持节临太学，奏定典律。转拜侍中，数上封事，抑退权臣，由是出为颍川太守。市无二价，道不拾遗。病免，卒于家。汝阴人配社祠之。

### 三国

**吉茂** 《三国志·常陵<sup>②</sup>传》注：字叔畅，池阳人。好书，不耻恶衣恶食，而耻一物不知。建安初，关中始平，茂与扶风苏则共入武功南山隐处，精思数岁。州举茂才，除临汾令，居官清静。转为武德侯庶子，后又为武陵太守，不之官。转鄠相，以国省，拜议郎。黄初中病亡<sup>③</sup>。茂修行，冬则被裘，夏则短褐，行则步涉，食则茨藿，臣役妻子，室如悬磬。虽不以此高人，亦心疾不义而富且贵者。

**董遇** 《魏略》：字季直，性质讷而好学。兴平中，关中扰乱，与兄季中依将军段煨。采梠负贩，而常挟持经书，投间习读，其兄笑之，而遇不改。建安初，王纲小设，郡举孝廉，稍迁黄门侍郎。旦夕侍讲，为天子所爱信，转为冗散常侍。黄初中，出为郡守。明帝时，入为侍中、大司农，病亡。初，遇善治《老子》《左

① 此处原缺一字。晋皇甫谧《高士传》卷下作“字季直”。

② 常陵：当作“常林”。《三国志·魏书》有《常林传》。

③ 《三国志·魏书·常林传》裴松之注作吉茂“景初中病亡”。



氏传》，更为作朱、墨别异，人有从学者，遇不皆<sup>①</sup>教，而云：“读书百遍而义自见。”又言：“为学当以三余”，谓“冬者岁之余，夜者日之余，阴雨者时之余也。”

《世（说）[语]》<sup>②</sup>：遇子绥，位至秘书监，亦有才学。

**隗 禧** 《三国志·王肃传》注：字子牙，京兆人。世单家。少好学。初平中，客荆州，担负经书采椽，暇则诵习之。太祖定荆州，诏署军谋掾。黄初中，为譙王郎中。病还，拜为郎中。年八十余，以老处家，就学者甚多。禧既明经，又善星官，常仰观天文，叹息谓鱼豢曰：“天下兵戈尚有<sup>③</sup>未息，如之何？”豢尝问《左氏传》，禧答曰：“欲知幽微莫若《易》，人伦之纪莫若《礼》，多识山川草木之名莫若《诗》。《左氏》直相斫书耳，不足精意也。”豢因从问《诗》，禧说齐、韩、鲁、毛四家义。又撰作诸经解数十万言，未及缮写而聋，后病亡。

## 北魏

**梁 祚** 《魏书》：泥阳人。父邵<sup>④</sup>，为济阳太守。祚笃志好学，历治诸经，尤善《公羊春秋》、郑氏《易》，常以教授，有儒者风。与幽州别驾平恒有旧，侨居于蓟。积十余年，虽羁旅穷窘而著述不倦。辟秘书中散，稍迁秘书令。后出为统万[镇]司马，征为散令。撰并陈寿《三国志》，名曰《国统》。又作《代都赋》，颇行于世。清贫守素，不交势贵。年八十七卒。

子元[吉]<sup>⑤</sup>，有父风。少子重，相州镇北府参军事。

## 唐

**颜师古** 《唐书》：字籀<sup>⑥</sup>，其先临沂人。祖之推，自高齐入

① 皆：《三国志·魏书·王肃传》裴松之注作“肯”。

② 据《三国志·魏书·王肃传》裴松之注改。

③ 有：《三国志·魏书·王肃传》裴松之注作“犹”。

④ 邵：《魏书·梁祚传》作“劭”。

⑤ 以上据《魏书·梁祚传》补。

⑥ 此处据《新唐书》卷一九八。《旧唐书》卷七十三：颜籀，字师古。

周，终隋黄门郎，遂居关中，为万年人。父思鲁，以儒学显。武德初，为秦王府记室参军[事]。师古少博览，精故训学。仁寿中，李纲荐之，授安养尉。高祖入关，授朝散大夫，累迁中书舍人，专典机密，诏令一出其手。太宗即位，拜中书侍郎，封瑯琊县男。帝尝叹《五经》传习浸讹，诏师古于秘书省考定，多所厘正。俄拜秘书少监，专刊正事。古篇奇字世所惑者，讨析申（熟）[孰]<sup>①</sup>，必畅本原。与撰《五礼》成，进爵为子。又为太子承乾注《汉书》。迁秘书监、（宏）[弘]文馆学士。从征辽，道病卒，谥曰“戴”。

弟相时，字睿，亦以学闻。贞观中，累迁谏议大夫，有争臣风。转礼部侍郎。师古死，不胜哀而卒。

师古叔游秦，武德初，累迁廉州刺史。时刘黑闥初平，人多强暴，游秦至，礼让大行。终郢州刺史。撰《汉书决疑》。

萧德言 《唐书》：字文行，系出兰陵，陈亡，徙关中。贞观时，历著作郎、（宏）[弘]文馆学士。太宗欲知前世得失，诏魏征、虞世南、褚亮及德言哀次经史百氏帝王所以兴衰者上之，帝曰：“使我稽古临事而不惑者，公等力也！”德言晚节学愈苦，开经辄被濯束带危坐。诏以经授晋王。王为太子，又兼侍读。请致仕，不许，进秘书少监，久乃得谢。高宗立，遣通事舍人即家致问。乘輿至肃章门引见，礼遇隆重。卒，谥曰“博”。

韦叔夏 《唐书》：安石兄，通《礼》家学。叔父太子詹事琨尝曰：“尔能继汉丞相业矣。”擢明经第，历太常博士。高宗崩，恤礼亡缺，叔夏与中书舍人贾大隐、博士裴守真撰定其制，擢春官员外郎。武后拜洛，享明堂，凡所沿改，皆叔夏等裁讨。累迁成均司业，后又诏：“五礼仪物，司礼博士有所修革，须叔夏等评处，然后以闻。”进位春官侍郎。中宗复位，转太常少卿，为建立庙社使，进银青光禄大夫，累封沛郡公。卒，谥“文”。

子縉，开元时历集贤修撰，迁太常。初，帝诏岁率公卿迎气

① 以上据《新唐书·颜师古传》补、改。

东郊，至三时，常以孟月读《时令》于正寝。二十六年，诏縉奏《月令》一篇。朔日，于宣政侧设榻，东向置案，縉坐读之，诸司官长悉升殿坐听。高宗上元三年，将祫享，议者以《礼纬》三年祫，五年禘；《公羊》家五年再殷祭。二家舛互，诸儒莫决。太学博士史（元）[玄]议禘后三年祫，又二年而禘，议遂定。后至开元二十七年，禘祭五，祫祭七。縉奏：“四月已禘，孟冬又祫，祀礼丛数，请以夏禘为大祭之源。”自是相循，五年再祭。后终太子少师。

**啖 助** 《唐书》：字叔佐，赵州人，后徙关中，淹该经术。天宝末，调临海尉、丹阳主簿。善为《春秋》，考三家短长，缝绽漏阙，号《集传》，复撮其纲条，为例统。门人赵匡、陆质，其高弟也。助卒，质与其子异录助所为《春秋集注总例》，请匡损益，质纂会之，号《纂例》。

**韦 彤** 《唐书》：京兆人，名治礼，德宗时为太常博士。先是，天宝中，诏尚食，朔望进食太庙，天子使中人侍祠，有司不与也。贞元十二年，帝诏朔望食，畀宗正、太常合供。彤与裴堪议曰：“礼，宗庙朔望不祭，[园]寝（园）则有之。王者弗敢以孝思之极而溢礼，弗敢以肴品之多而剩味。愿罢天宝所增，奉[园]寝（园）<sup>①</sup>以珍，奉宗庙以礼。”后<sup>②</sup>，帝以是礼先帝所定，卒不废。

**韦公肃** 《唐书》：隋观城公约七世孙，万年人。元和初，为太常博士兼修撰。宪宗耕籍，诏公肃草具仪典。太子（太）[少]傅判太常卿事郑余庆（言）<sup>③</sup>庙有二祖妣，疑于祔祭，请诸有司。公肃议：“古诸侯一娶九女，故庙无二嫡。自秦以来有再娶，前娶后继，皆嫡也，两祔无嫌。”诸儒不能异。初，睿宗祥月，太常奏朔望弛朝，尚食进蔬具，止乐。后遂为常。公肃上言：“《礼》，忌日

① 以上据《新唐书·韦彤传》改。

② 《新唐书·韦彤传》无“后”字。

③ 以上据《新唐书·韦公肃传》改、删。

不乐，而无忌月。王者不以私怀逾礼，故禋礼徙月乐，渐去其情也，不容追远，而立礼反重。今太常，虽郊庙，乐且停习，是谓反重以慢神也。有司禁中外作乐，是无故而彻也。愿依经谊，裁正其违。”制可。以寿卒。

**韦表微** 《唐书》：字子明，万年人。擢进士第，为翰林学士。时，李绅忤宰相，贬端州，庞严、蒋防皆谪去，学士缺，人争荐丞相所善者，表微独荐韦处厚，人服其公。进知制诰。后与处厚议增选学士，复荐路隋。处厚以诸父事表微，因曰：“隋位崇，入且翁右，奈何？”答曰：“选德进贤，初不计私也。”文宗立，进户部侍郎。开志沼<sup>①</sup>叛，诏李听率师讨之。天子忧无成功，表微曰：“以听军势，不十五日必破贼。”及捷书上，止浹日。以病瘕罢学士。卒。始被病，医药不能具，所居堂寝隘陋。既没，吊客咨嗟。笃故旧，虽庸下，语笑无间。尤好《春秋》，病诸儒是非纷然，著《三传总例》。又以学者薄师道，不如声乐贱工能尊其师，著《九经师授谱》。

**柳璞** 《唐书》：字韬玉，华原人。学不营仕。著《春秋三氏异同义》，又述《天祚长历》，断自汉武帝纪元，为编年，以大政、大祥异、侵叛战伐随著之，闰位者附见其左。常谓“杜征南《春秋后序》述纪里历<sup>②</sup>为得实，自余史家皆差”。终著作郎。

## 宋

**张载** 《宋史》：字子厚，长安人。少喜谈兵，欲结客取洮西之地。年二十一，以书谒范仲淹，乃警之曰：“儒者自有名教可乐，何事于兵！”因劝读《中庸》。载读其书，又访诸释、老，累年究极其说，知无所得，反而求之《六经》。尝坐虎皮讲《易》京师。一夕，二程至，与论《易》，次日语人曰：“二程《易》道，吾所弗及，汝辈可师之。”撤坐辍讲。与二程语道学之要，涣然自

① 开志沼：《新唐书·韦表微传》作“开志沼”。

② 述纪里历：《新唐书·柳公绰传附柳璞传》作“述纪甲历”。



信曰：“吾道自足，何事旁求。”于是尽弃异学，淳如也。举进士，为祁州司法参军，云岩令。政事以敦本善俗为先，每月吉，具酒食，召乡人高年会县庭，亲为劝酬，使人知养老事长之义。熙宁初，御史中丞吕公著言其有古学，神宗召见，问治道，对曰：“为政不法三代，终苟道也。”帝以为崇文院校书。他日，见王安石，问以新政，载曰：“公与人为善，则人以善归公；如教玉人琢玉，则宜有不受命者矣。”明州苗振狱起，往治之。还朝，即移疾屏居南山下，终日危坐一室，左右简编，俯而读，仰而思，有得则识之。敝衣蔬食，与诸生讲学，每告以知礼成性、变化气质之道。为学<sup>①</sup>知人而不知天，求为贤人而不求为圣人，此秦、汉以来学者大蔽。故其学尊礼贵德、乐天安命，以《易》为宗，以《中庸》为体，以孔、孟为法，黜怪妄，辨鬼神。其家昏丧葬祭，率用先王之意而傅以今礼。又论定井田、宅里、发敛、学校之法，皆欲举而措诸事业。会秦凤帅吕大防荐其学，宜还其旧职，以备谘访。乃诏同知太常礼院。与有司议礼不合，复以疾归，中道沐浴更衣而卒。贫无以敛，门人共买棺奉其丧还。翰林学士许将等乞加赠恤，诏赐馆职半赙。载学古力行，为关中士人宗师，世称为“横渠先生”。淳祐元年，封郿伯，崇祀孔子庙庭<sup>②</sup>。

弟戡，字天祺。起进士，知金堂县。养老恤穷，召父老使督教子弟。民有小善，皆籍记之。月吉，召老者饮劳，使其子孙侍，劝以孝弟。民化其德，所至狱讼日少。熙宁初，为监察御史[里行]<sup>③</sup>，累章论王安石乱法，乞罢条例司及追还常平使者。劾曾公亮、陈升之、赵抃依违不能救正，韩绛左右徇从，与为死党，李定以邪谄窃台谏。且安石擅国，辅以绛之诡随，台臣又用定辈，继续而来，芽蘖渐盛。吕惠卿刻薄辩给，假经术以文奸言，岂宜劝讲君

① 为学：《宋史·张载传》作“以为”。

② 崇祀孔子庙庭：《宋史·张载传》作“从祀孔子庙庭”。

③ 据《宋史·张载传附张戡传》补。



侧。书数十上，又诣中书争之，安石举扇掩面而笑，戡曰：“戡之狂直宜为公笑，但天下笑公者不少矣。”遂称病待罪。出知公安县，徙监司竹监，至举家不食笋。常爱用一卒，其卒盗笋箨，治之无少贷；罪已正，待之复如初。卒于官。

**吕大钧** 《宋史》：字和叔。大防弟，蓝田人。中乙科，调秦州司理参军，改知三原县，请代父蕢入蜀，移巴西县。蕢致仕，大钧亦移疾不行。丁外艰，家居讲道。数年，起为诸王宫教授，改宣义郎。会伐西夏，鄜延转运使檄为从事。既出塞，转运使李稷馈饷不继，欲还安定取粮，使大钧请于种谔。谔曰：“吾受命将兵，安知粮道！万一不继，召稷来，与一剑耳。”大钧性刚直，曰：“朝廷出师，去塞未远，遂斩转运使，无君父乎？”谔意折，始许稷还。未几，道得疾，卒，年五十二。大钧从张载学。居父丧，衰麻葬祭，一本于礼。后乃行于冠昏、膳饮、庆吊之间，关中化之。尤喜讲明井田、兵制，谓治道必自此始。虽皆本于载，能自信力行，载每叹其勇为不可及。

弟大临，字与叔。学于程颐，与谢良佐、游酢、杨时在程门，号“四先生”。通《六经》，尤邃于《礼》。每欲掇习三代遗文旧制，令可行，不为空言以拂世骇俗。元祐中，为太学博士，迁秘书省正字。范祖禹荐其好学修身如古人，可备劝学，未及用而卒。

## 金

**杨天德** 《关学编》：字君美，高陵人。肄业太学，登进士第，释褐补聊城丞，累迁转运司度支判官。京城不守，流寓宋、鲁间，十年而归。自读书至晚岁，风节矫矫，始终不少变。晚读《大学解沿》及伊洛诸书，常语人曰：“吾少时精力夺于课试，殊不省有此。今而后，知吾道之传为有在也，理没篆刻中，几不复见天日。”目昏不能视书，使其子讲诵，朝夕听之，以是自乐。及有疾，歌咏不衰，曰：“吾晚年幸闻道，死无恨矣。”卒，年七十九。

## 元

**萧 𣎵** 《元史》：字惟斗，奉元人。性至孝，出为府史，上官语不合，即引退。读书南山者三十年，博极群书，天文、地理、律历、算数，靡不研究。世祖分藩在秦，辟𣎵侍秦邸，𣎵以疾辞。授陕西儒学提举，不赴。后累授国子司业，改集贤侍读学士，皆不赴。大德十一年，拜太子右谕德，扶病至京师，入觐东宫，书《酒诰》为献，以朝廷时尚酒故也。寻以病去职，卒，谥“贞敏”。𣎵制行甚高，真履实践，教人必自小学始。为文辞，立意精深，言近指远。以洙、泗为本，濂、洛、考亭为据，关辅之士翕然宗之。

**同 恕** 《元史》：字宽甫，奉元人。安静端凝，羈屣时，日记数千言。年十三，以《书经》魁乡校。至元间，三召不起。陕西行台[侍]<sup>①</sup>御史赵世延请奉元置鲁斋书院，中书奏恕领教事。延祐六年，以奉议大夫、太子左赞善召，入见东宫，赐酒慰问。继而献书，历陈古谊，尽开悟涵养之道。明年春，英宗继统，以疾归。恕之学，由程、朱上溯孔、孟，务浹洽事理，以利于行。教人曲为开导，使得趋向之正。性整洁，平居虽大暑，不去冠带。母张夫人卒，事异母如事所生。父丧，哀毁致目疾，时祀斋肃详至。尝曰：“养生有不备，事犹可复，追远有不诚，是诬神也，可追罪乎！”恕自家居十三年，缙绅望之若景星麟凤，乡里称为先生而不姓。至顺二年卒，年七十八。制赠翰林直学士，谥“文贞”。所著有《渠庵集》。

**第五居仁** 《关学编》：泾阳人。《元史·同恕传》：字士安，幼师萧𣎵，弱冠从同恕受学。博通经史，躬率子弟致力农亩。尝行田间，遇有窃其桑者，居仁辄避之。乡里高其行义，率多化服。游其门者，学明行修。卒，门人私谥“静安先生”。

**韩 择** 《元史·萧𣎵传》：字从善，奉元人。天资超异，信

① 据《元史·同恕传》补。

道不惑，其教学者，虽中岁以后，亦必使自《小学》等书始。常曰：“人不知学，白首童心，且童蒙所当知而皓首不知，可乎？”尤邃《礼》学。有质问者，口讲指画无倦容。士大夫游宦过秦中，必往见择，莫不虚往实归。世祖诏赴京，疾，不果行。卒，门人为服缌麻者百余人。

**侯均** 《元史·萧𣒎传》：字伯仁，奉元人。父母早亡，独与继母[居]，卖薪以给[奉养]。积学四十年，群经百氏，必熟诵乃已。尝言：“人读书不至千遍，终于己无益。”故其答诸生所问，穷索极深，如取篋笥，关中学者宗之。荐起为太常博士。后上书忤时相意，不待报可，即归田里。均貌魁梧而气刚正，[人]①多严惮之。及应接之际，则和易款洽。虽方言古语，人所未晓者，莫不随问而答，世咸服其博闻。

**程瑁** 《关学编》：字君用，泾阳人。隐居不仕。弱冠即以古学自力，讨论六籍，寒暑未尝少辍。三原李子敬创学古书院，延瑁讲学其中，从游者百余人。循循然乐道②不倦，学者称“悦古先生”。尝戒诸子曰：“人性本善，习之易荒，古圣贤皆以骄惰为戒，况凡民乎？”集《家戒》一卷，以遗子孙。

## 明

**马尚宾** 《苑洛集》：名贵，以字行，三原人。光禄卿理祖也。生而颖敏，祖母徐教之，奉书昼夜，读能尽识大意。及长，专意《中庸》，与时处士师敏相与研极。永乐中，诏求遗逸，不就。尚宾用《周易》《六壬》《皇极》诸书占事，知来皆奇验，说者谓当与君平、尧夫并传云。

《雍大记》：子江，字文渊，博学好古，事亲中礼，隐居教授，吕柟谓其得君子之道有九焉。

**宋玉** 《通志》：字廷珍，长安人。自幼好学，人号“宋五

① 以上据《元史·儒学传》补。

② 乐道：《关学编》卷二《悦古程先生》作“乐教”。

经”。正统三年乡举，任双流训导，以贤能行取赴部。时王振当权，玉独不为礼，授瀋府教授。瀋王敬之，动静言语必禀而后行。致仕归，教授乡间，从游甚众。

**姚 显** 《雍大记》：字微之，咸阳人。正统甲子乡荐。传业成均时三上封章，大略皆辟异端、崇正道、安社稷之谋，言甚切直，大名著天下。大兴龙寺者，朝廷习仪之所，外题额曰：“天下第一丛林”，以显奏毁除。擢言职，不利己者黜之。出宰齐东，民歌曰：“清似水，明似镜，齐东之人何其幸。”转武城，民亦歌曰：“先有子游，后有姚公，律己治人，同一古风。”丁内外艰俱庐墓侧，以教乡社子弟。寻升太仆丞，卒。显为人刚正，制行一以圣贤为法，人与之接，邪僻自为之消。

**李 锦** 《关学编》：字在中，咸宁人。九岁读书，知大义，后遇秦州周廷芳，得闻周、程、张、朱为学之要，遂弃词章，专以主敬穷理为事，践履醇茂，关中学者咸敬服之。天顺壬午举于乡，游成均，大司成邢让器之，后邢坐事下狱，锦倡六馆士伏阙抗章，明其无罪，名重京师。锦解经平正通达，不为凿说，且善诱后学，谆谆忘倦。仕松江府同知，卒于官。贫不能为棺殓，其僚友赙之，始克归云。

**薛敬之** 《关学编》：字显思，渭南人。十一岁解属文，言动必则先贤。以积廩贡太学。二尊人相继歿，徒跣奔葬，风雪不避，后遂病足，值冬月辄发。母嗜韭，母歿，终身不忍食韭。成化丙午，选山西应州知州，首劝民耕稼纺绩。时当东作，巡察田野，民艰于耕种者，赍以牛种。又务积蔬粟，不三四岁，粟至四万余石，干蔬数万余斤。寻当饥馑，应民免于死亡，既窜而复归者三百余家。南山有虎患，为文祭之，旬日间，虎死于壑。己酉春，萧家寨北平地暴雨涌出，一寨几至淹没，亦为文祭告，水即下泄，声如雷鸣，民免于溺。尤重学政，数至学舍为诸生言孔孟之旨，由是应人知身心性命之学。奏课第一，升金华府同知。居二年致仕，卒。敬之嗜道若饴，老而弥笃，有所得即以札记，所著《思



(录)[庵]<sup>①</sup>野录》诸书，其言多有补于名教。

**吕 枬** 《关学编》：字仲木，高陵人。少(授)[受]《尚书》于邑人孙昂，有志圣贤之学。大参熊公、李公延教其子，馆于开元寺。闻父疾，徒步归，二公以夫马追送不及。父愈，构“云槐精舍”聚徒讲学。(宏)[弘]治辛酉举于乡。明年，游成均，与诸同志讲学宝印寺。正德戊辰，廷对第一，授修撰。时阉瑾窃政，以枬榆故致贺，枬却之。会西夏构乱，疏请上御经筵、亲政事。不报，乃引去。瑾败，荐起旧职，上疏劝学，上嘉纳。未几，乾清宫灾，应诏言六事，不报，复引疾去。父病，侍汤药，昼夜衣不解带，履恒无声。一年，须发为白。及卒，哀毁逾礼，既葬，庐墓侧旦夕焚香号泣。释服，复讲学东林书屋。镇守阉(寥)[廖]<sup>②</sup>素张甚，戒使者过高陵勿扰，曰：“有吕公在也。”世庙即位，诏起原官。上御经筵，枬进讲，值淳皇后忌辰，口奏宜存黻服，礼罢，赐酒馔。朝论黜之。甲申，复以十三事上，言过切直，谪判解州。既至解，以作士变俗为任。会守缺，枬摄事，善政犁然。建解梁书院，选俊秀者歌诗、习小学，朔望令耆德者讲会典、行《乡约》，廉孝悌节义者表其庐。求子夏后教之学，政举化行，俗用丕变。转南吏部郎，迁国子祭酒。以师道自任，取《仪礼》诸篇，令按图习之。登降俯仰、钟鼓管籥，有古辟雍之风。晋南礼部右侍郎，署南吏曹掾。疏荐何瑭、穆孔晖、徐阶、唐顺之等二十人。入贺，会庙灾，自陈，遂致仕归。卒之日，高陵人为罢市，四方门人闻者皆为位而哭。谥“文简”。《学翼》：枬在南都八年，四方士环趋讲下。是时，海内讲学者各守一先生言，枬独集取周、程、张、朱语为《四子抄释》，令学者身体力行，曰：“必如是，乃为吾实学，无他法门也。”

**马 理** 《丰川集》：字伯循，三原人。(宏)[弘]治十一年以

① 据《关学编》卷三《思庵薛先生》改。

② 以上据《关学编》卷四《泾野吕先生》改。



《春秋》魁乡试。游太学，与吕柟、崔铣切劘文章德义。正德九年登进士，授稽勋主事，改文选。与郎中不合，引疾归。居三年，复任。与黄巩谏南巡，被杖。未几，送母还乡，设教“嵯峨精舍”。寻起考功郎中，力持公论，历迁光禄卿。生平学准程、朱，以主敬穷理为主，四方学徒转相授受，自缙绅、士子以至田夫、野叟，无不欣慕。四夷亦闻其名，安南贡使至，问部郎黄清曰：“远闻马道学名，所愿一见，今何不在仕列？”高丽使至，亦闻马主事为圣朝第一人，宜加厚遇，乞颁赐所为文，使国人矜式。卒年八十余，谥“忠献”。

**管如心** 《万姓统谱》：字子推，三原人。性颖悟，厌科举之学，尝衣冠危坐，整心飭身。言动应酬，悉遵道义。年二十九卒。

**吕潜** 《关学编》：字时见，泾阳人。师事吕柟，言动率以为法。嘉靖丙午荐乡书，卒業成均。先是，母栢病于京，潜扶病西归。病革，以潜且壮，命之娶。潜娶而不婚，日也苦处丧次，服除乃婚。尝与郭鄂讲学谷中洞口<sup>①</sup>，四方从学者甚众。辟授国子学正。时马文庄公为祭酒，鄂为助教，议以吕柟所布学约力举行之。调工部司务，卒年六十二。

时从柟学者又有**张节**、**李挺**。节，字介夫，泾阳人。父幡，官通州同知，节随父之任。从湛若水游京师，湛教以随处体认天理。父幡致仕，节归，受学于柟。不妄交游，独与吕潜、郭鄂相切劘。日坐南园草屋读书穷理，涵养本源，恶衣粝食，淡如也。挺，字正立，咸宁人。西安郡学生，性孤直，不随时俯仰，尝自诵曰：“生须肩大事，还用读《春秋》。”柟歿，又讲学于马理，往来三原，道中以盗死，人皆惜之。

**郭鄂** 《关学编》：字惟藩，泾阳人。父母相继逝，居丧竭力尽瘁。家计窘甚而处之裕如，朝夕攻苦，潜心性命之学。或有以千金求居间者，峻拒不纳。嘉靖戊午举于乡，选河南获嘉学谕，

① 谷中洞口：《关学编》卷四《愧轩吕先生》作“谷口洞中”。

与诸生讲学，课艺多所造就。擢国子助教，迁户部主事。榷税九江，剔弊除奸，商旅胥悦。出守马湖，未三载，投牒归田。读书讲学外，他无所事。卒年八十八，门人私谥“贞懿先生”。

**王之士** 《贾志》：字欲立，蓝田人，嘉靖戊午举人。潜心理学，为《养心图》《定气说》，书座右，闭关不出者九年。行己必恭，与人必敬。立《乡约》，为十二会，赴会者百余人。设科劝纠，身先不倦。诸洒扫、应对、冠婚、丧祭礼久废，每率诸宗族子弟敦行之。己卯如京，与诸同志讲学，崇正辟邪，力肩斯道。生平著述皆根理窟，一时学者翕然宗之。

**冯从吾** 《二曲集》：字仲好，长安人。甫髫龄即深契王文成“人心有仲尼”句。举进士，由庶常改御史，巡视中城。有中贵投刺者，必峻却之。时神宗临御久，经筵几席尘封，从吾疏请朝讲，且谓：“今当入覲之期，万方毕集，咸欲一睹清光而不可得，必相疑议。不曰皇上困于曲蘖而欢饮长夜，必曰倦于窈窕而晏眠终日。虽近颁敕谕，谓圣体违和，不知钟鼓于宫，声闻于外，天下人心岂可尽诬！望皇上勿以天变为不足畏，勿以人言为不足恤，勿以目前之晏安为可恃，勿以将来之离乱为勿虞。”上怒，欲杖之，以长秋节获免。又疏逐相门狎客胡汝宁。出督芦盐，忤要人，削籍，不出门九年。燕寝三楹，竟日危坐，惟问学者至，一稚子肃而入坐。久碾来牟、翦葵韭为供，更端问难，亹亹忘倦。天启即位，与邹元标同赴召，适京师戒严，朝官争遣其孥，从吾独尽室以行。无何，广宁陷，经抚携手入关。从吾谓：“国家无事，士大夫不知节义，唤起亲上死长之心，非讲学不可。”因与元标倡立首善书院，集同志相切劘。群小侧目，于是兵科朱童蒙疏劾建坛讲学之非。从吾疏乞休，予告回籍。继而起从吾总留台，不赴。即家拜工部尚书，疏辞。阉祸益烈，寻遭削夺。会秦抚亦阉党，借从吾以媚阉，日以窘迫为事，毁书院，掷夫子（象）[像]于城隅。从吾痛切剥肤，吁嗟跌坐二百日不就寝，饮恨而卒。崇祯改元，赠宫保，谥“恭定”。

按：关学自横渠二张、蓝田诸吕而后，明代最盛。其有闻望、素著德业未详者，洪武时有蓝田李恒，宣德时有三原雒守一，（宏）[弘]治时有高陵孙昂，成化时有长安吉人，万历时有长安宋学、三原杨春芳、盩厔杨楠，崇祯时有长安杨复亨，附识于次。

## 本朝

**李 颙** 《通志》：字中孚，盩厔人。父可从，崇祯十四年从总督汪乔年出关征闯贼，败于襄城，陷阵死。颙时年十五，母子号咷，日不再食。既长力学，尤笃信濂、洛、关、闽诸书。性纯孝，事母色养，及歿，哀毁几绝，葬祭如礼。服阙，访父遗骸于襄城，不获，为位痛哭招魂而归。康熙十二年，总督鄂善修复关中书院，邀颙主席，人称“二曲先生”。督抚荐剡交上，先后奉旨特征，以疾辞。康熙四十二年冬，翠华西幸召见。时颙已衰老，遣子慎言诣行在陈情，复进呈所著《二曲集》《反身录》。赐御书“操志高洁”以奖之。年七十有九卒。

颙门人罗魁，咸宁人，笃志力学，得知行合一之旨。

## 文苑

### 汉

**司马谈** 《汉书》：秦人，为太史公。学天官于唐都，受《易》于杨何，习道论于黄子，仕于建元、元封之间。愍学者不达其意而师悖，乃论六家之要指。

子曰迁，生龙门，耕牧河山之阳。十岁诵古文，二十南游江、淮，上会稽，探禹穴，窥九嶷，浮沅、湘；北涉汶、泗，讲业齐鲁之都，观夫子遗风。仕为郎中，奉使西征巴、蜀以南，略邛、笮、昆明，还报命。太史公卒，迁为太史令，（拙）[紬]<sup>①</sup>石室金匱

① 据《汉书·司马迁传》改。

之书，述陶唐以来至于麟趾，著十二本纪、十表、八书、三十世家、七十列传，凡百三十篇，成一家言。迁死后，其书稍出。宣帝时，迁外孙平通侯杨恽祖述其书，遂宣布焉。至王莽时，求迁后，封为史通子。

**冯商** 《汉书·张汤传》赞注：如淳曰：长安人，成帝时，以能属书，待诏金马门，受诏续《太史公书》十余篇。师古曰：阳陵人，治《易》，事五鹿充宗，能属文，博通强记，与孟柳俱待诏。颇序列传，未卒，会病死。

**庆虬之** 《西京杂记》：长安人，善赋，尝为《清思赋》，时人不之贵也，诤以相如所作，遂大见重于世。

**班旂** 《汉书·叙传》：况子，长安人。幼博学有俊才，左将军史丹举贤良方正，以对策为议郎，迁中郎将，与刘向校秘书。每奏事，旂以选受诏进读群书，上器其能，赐以秘书之副。早卒。

有子曰嗣，显明当世。嗣虽修儒学，然贵老、严之术<sup>①</sup>，桓生欲借其书，嗣报曰：“夫严子者，绝圣弃智、修生保真、清虚澹泊、归之自然。渔钓于一壑，则万物不奸其志；栖迟于一丘，则天下不易其乐。不絙圣人之罔，不嗅骄君之饵。今吾子已贯仁谊之羁绊，系名声之纆锁，伏周、孔之轨躅，驰颜、闵之极挚，既系挛于世教矣，何用大道为自炫曜？昔有学步于邯郸者，曾未得其仿佛，又复失其故步，遂匍匐而归耳！恐似此类，故不进。”嗣之行己持论如此。

**张禹** 《汉书》：字子文，轺人，父徙家莲勺。禹从沛郡施雠受《易》，琅玕王阳、胶东庸生问《论语》，举为郡文学。甘露中，诸儒荐禹，诏萧望之问，禹[对]<sup>②</sup>《诗》<sup>③</sup>《易》及《论语》大义。望之奏禹经学精习，有师法，可试事。试为博士。初元中，

① 《汉书·叙传》注：“师古曰：‘老，老子也。严，庄周也。’”

② 据《汉书·张禹传》补。

③ 《汉书·张禹传》无“诗”字。



立皇太子，诏令禹授太子《论语》。出为东平内史。成帝即位，赐爵关内侯，拜给事中，领尚书事。河平四年，代王商为丞相，封安昌侯。鸿嘉元年，以老病乞骸骨，罢就第。禹为人谨厚，内殖货财。虽家居，以特进为天子师，国家每有大政，必与定义。永始、元延间，日蚀、地震尤数，吏民上书言王氏专政所致。上亲问禹，禹曰：“灾变之意，深远难见。新学小生，乱道误人，宜无信用。”上由此不疑王氏。建平二年薨，谥“节侯”。

长子宏，官太常。三弟皆为校尉、散骑、诸曹。

初，禹为师，以上难数对己问经，为《论语章句》献之。诸儒为之语曰：“欲为《论》，念张文。”由是学者多从张氏，余家寝微。

**谷永** 《汉书》：字子云，长安人。父吉，为卫司马，使送郅支单于侍子，为郅支单于所杀。永博学经书，御史大夫繁延寿举为太常丞。建始三年冬，日食、地震同日俱发，诏举方正直言极谏之士，太常举永为上第，擢光禄大夫。元延元年为北地太守。时灾异尤数，永对奏，天子感其言。永于经书，泛为疏达，与杜钦、杜邺略等，不能洽浹如刘向父子及扬雄也。其于天官、《京氏易》最密，故善言灾异。前后所上四十余事，专攻上身与后宫而已。党于王氏，上亦知之，不甚亲信也。永所居任职，征入为大司农。卒于家。

**杜邺** 《汉书》：字子夏，本繁阳人，武帝时徙茂陵，少孤。母张敞女，邺从敞子吉学问，得其家书。以孝廉为郎。与车骑将军王音善。邺见音前与平阿侯谭有隙，说音与成都侯商亲密，二人皆重邺。后以病去郎。元寿元年正月朔，日食，诏举方正直言，扶阳侯韦育举邺方正。邺对，未拜，病卒。初，邺从张吉学，吉子竦又幼孤，从邺学问，尤长于小学。

邺子林，清静好古，有雅材。建武中历位至大司空，其正文字过于邺、竦，故世言“小学者，由杜公”。

**冯衍** 《后汉书》：字敬通，杜陵人。幼有奇才，九岁能诵《诗》，二十博通群书。王莽时，诸公荐之，衍不肯仕。天下兵起，



莽遣将军廉丹讨山东。丹辟衍为掾。丹战死，衍亡命山东<sup>①</sup>。更始[二年]<sup>②</sup>，遣鲍永安集河北<sup>③</sup>，衍说永以镇太原、抚上党。永以衍为立汉将军，扞卫并土。世祖即位，遣使者招衍，衍不肯降。后审知更始已歿，乃罢兵降于河内。帝怨衍不时至，遂黜为曲阳令。斩剧贼郭胜等，论功当封，以谗故，赏不行。卫尉阴兴、新阳侯阴就，深与之交结<sup>④</sup>。寻为司隶从事。帝惩外戚宾客，以法绳之，衍由此得罪，西归，作《显志赋》自励。居贫年老，卒于家。所著赋、诔、铭、说、《问交》《德诰》《慎情》、书记说、自序、官录说、策，凡五十篇。

**杜 笃** 《后汉书》：字季雅，杜陵人。博学，不修小节。居美阳，与美阳令游，数从请托，不谐，颇相恨。令怨，收笃送京师。会大司马吴汉薨，光武诏诸儒诔之，笃于狱中为诔，辞最高，帝美之，赐帛免刑。笃以关中表里山河，先帝旧京，不宜改营洛邑，乃上奏《论都赋》。后仕郡文学掾，以目疾，二十余年不窥京师。建初三年，车骑将军马防击西羌，请笃为从事中郎，战没于射姑山。所著赋、诔、吊、书、赞、《七言》《女诫》及杂文，凡十八篇，又著《明世论》十五篇。

子硕，豪侠，以货殖闻。

**王 隆** 《[后]<sup>⑤</sup>汉书》：字文山，云阳人。王莽时，以父任为郎，后避难河西，为窦融左护军。建武中，为新汲令。能文章，所著诗、赋、铭、书凡二十六篇。

**田 邑** 《东观记》：莲芍人，有大节，涉学艺，善属文，为渔阳太守。道病，征还为谏议大夫。

① 亡命山东：《后汉书·冯衍传》作“亡命河东”。

② 据《后汉书·冯衍传》补。

③ 河北：《后汉书·冯衍传》作“北方”。

④ 《后汉书·冯衍传》：卫尉阴兴、新阳侯阴就以外戚贵显，深敬重衍，衍遂与之交结。

⑤ 王隆，传在《后汉书·文苑传》，据补。

**傅 毅** 《[后]<sup>①</sup>汉书》：字武中<sup>②</sup>，武陵人<sup>③</sup>。少博学。永平中，于平陵习章句，作《迪志诗》。以显宗求贤不笃，士多隐处，故作《七激》以讽。建初中，肃宗博诏<sup>④</sup>文学之士，以毅为兰台令史，拜郎中，与班固、贾逵共典校书。毅追美孝明皇帝功德最盛，而庙颂未立，乃依《清庙》作《显宗颂》十篇奏之。由是文雅显于朝廷。毅早卒，著诗、赋、诔、颂、祝文、《七激》、连珠凡二十八篇。

**马 融** 《后汉书》：字季长，茂陵人，美辞貌。初，京兆挚恂以儒术教授，融从其学，博通经籍。恂奇融才，以女妻之。永初二年，大将军邓骘召为舍人，不应命，客凉州武都、汉阳界中。会羌虏飘起，米谷涌贵，关西道殣相望。融饥困，乃往应骘召。四年，拜校书郎，诣东观典校秘书。邓太后监朝，骘兄弟辅政。俗儒以为文德可兴，武功宜废，融上《广成颂》以讽。忤邓氏，十年不调。因兄子丧，自劾归。太后怒，令禁锢之。安帝亲政，召还郎署，复在讲部。出为河间王厖长史。时车驾东巡岱宗，上《东巡颂》，召拜郎中。北乡侯即位，融移病去。阳嘉二年，诏举敦朴，征诣公车，对策，拜议郎。大将军梁商表为从事中郎，转武都太守。时西羌反叛，融上疏乞自效，朝廷不能用。桓帝时，为南郡太守。先是，融有事忤梁冀旨，冀讽有司奏融在郡贪浊，免官，髡徙朔方。赦还，复拜议郎，重在东观著述，以病去官。融才高博洽，为世通儒，教养诸生，常有千数。坐高堂，施绛纱帐，前授生徒，后列女乐弟子，以此相传，鲜有入其室者。初，融怨于邓氏，不敢违忤势家，颇为正直所羞。年八十八，卒。

**苏 顺** 《后汉书》：字孝山，霸陵人。和、安间以才学见称，

① 傅毅，传在《后汉书·文苑传》，据补。

② 字武中：《后汉书·傅毅传》作“字武仲”。

③ 武陵人：《后汉书·傅毅传》作“扶风茂陵人”。

④ 诏：《后汉书·傅毅传》作“召”。

好养生术，隐处求道，晚乃仕，拜郎中。所著赋、论、诔、哀辞、杂文，凡十六篇。

## 魏

**杜宽** 《杜氏新书》：字务叔，理子<sup>①</sup>，杜陵人。以名臣门户，少长京师，而笃志博学，绝于世务。显名，当涂之士多交焉。举孝廉，除郎中。年四十二，卒。经传之义多草创未就，惟删集《礼记》及《春秋左氏传解》存于世。

**贾洪** 《三国志·王肃传》：字叔业，新丰人。好学有文才，精于《春秋左传》。建安初，仕郡，举计掾，应州辟。时州中自参军以下百余人，唯洪与冯翊严苞交通，才学最高。洪历守三县令，所在辄开除廨舍，亲授诸生。后马超反，劫洪，将诣华阴，使作露布。司隶钟繇在东，识其文，曰：“此贾洪作也。”及超破走，太祖召洪署军谋掾。犹以其前为超作露布文，故不即叙。晚乃出为阴泉长。延康中，为白马王相，[王]<sup>②</sup>彪亦雅好文学，常师宗之。

## 晋

**摯虞** 《晋书》：字仲洽，长安人。父模，魏太仆。虞少事皇甫谧，才学通博，著述不倦。举贤良，策为上第<sup>③</sup>，拜中郎。时，吴寇新平，海内义安，上《太康颂》以美晋德。以母忧解职。久之，召补尚书郎。元康中，迁吴王友。时荀顗撰《新礼》，使虞讨论得失。后历秘书监、卫尉卿，从惠帝幸长安。及东军来迎，百官奔散，流离郿、杜之间，转入南山中，拾橡实而食之。后得还洛，历光禄勋、太常卿。时怀帝亲郊。自元康以来，不亲郊祀，礼仪废弛。虞考正旧典，法物粲然。及京洛<sup>④</sup>荒乱，人饥相食。虞

① 据《三国志·魏书·杜畿传》，杜畿有子：杜恕、杜理、杜宽。则杜宽应为“理弟”。

② 据《三国志·魏书·王肃传附贾洪传》补。

③ 策为上第：《晋书·摯虞传》作“与夏侯湛等十七人策为下第”。

④ 京洛：《晋书·摯虞传》作“洛京”。

素清贫，遂以馁卒。撰《文章志》四卷，注解《三辅决录》，又撰古文章，类聚区分，为三十卷，名曰《流别集》，各为之论，辞理愜当，为世所重。

**韦（元）[玄]**<sup>①</sup> 《十六国春秋》：字祖思，京兆人。隐居养志，博涉经史，尤善属文。姚兴备礼致之，见兴不拜，兴亦重其志操，厚为之礼。刘裕辟为相国掾，亦不就。

**韦 謏** 《晋书》：字宪道，京兆人。雅好儒学，善著述，综群言秘要，尝著《伏林》三千余言，演为《典林》二十三篇。凡所作述，皆深博，有才义。

严观按：謏载《晋[书]·儒林传》。但考其生平，始仕刘曜，又仕石勒，又仕冉闵，历仕三姓，又不能容默自保，卒杀身于凶暴之手。所谓名儒而行非者。但所著述，尚称博雅，故仍列入《文苑传》中。

## 南齐

**韦 纂** 《南史·韦叟传》：叟兄，杜陵人。仕齐，位司徒记室。沈约尝称于上曰：“恨陛下不与此人同时，其学非臣辈也。”

## 梁

**韦 稜** 《梁书·韦叟传》：正弟，杜陵人。性恬素，以书史为业，博物强记，当世之士咸就质疑。位光禄卿，著《汉书续训》三卷。

## 北周

**颜之仪** 《北史》：字升。三岁能读《孝经》。及长，博涉群书，好为词赋。（常）[尝]献梁元帝《荆州颂》，辞致雅贍。江陵平，之仪遂例迁长安，周明帝以为麟趾学士。武帝初建东宫，盛选师傅，以之仪为侍读（太师）<sup>②</sup>。宣帝即位，进爵为公。帝后刑政乖僻，之仪犯颜骤谏，虽不见纳，终亦不止。宣帝崩，刘昉、郑铎

① 韦玄，《宋书·索虏传》有载。

② 以上据《北史·颜之仪传》改、删。

等以隋文帝为丞相辅少主，之仪拒而不从。昉等草诏，署讫，逼之仪署，不可。文帝后索符玺，之仪曰：“此天子物，宰相何故索之？”文帝将戮之，以其人望，乃止。开皇五年，拜集州刺史。在州清静，夷夏悦之。有文集十卷行于世。

## 隋

**常得志** 《北史》：京兆人，隋秦王记室。及王薨，过故第，为五言诗，辞理悲壮。复为《兄弟论》，义理可称。

## 唐

**姚思廉** 《唐书》：陈吏部尚书察之子。陈亡，察自吴兴迁，遂为万年人。思廉少受《汉书》于察，尽传其业。初，察尝修梁、陈二史，未就，死，以属思廉。炀帝又诏修《区宇图志》。迁代王侍读。高祖定京师，府僚皆奔亡，独思廉侍王，兵将升殿，思廉厉声曰：“唐公起义，本安王室，若等不宜无礼。”众却，列阶下。帝义之，听扶王至顺阳阁，泣辞去。观者叹曰：“仁者有勇，谓此人乎！”俄授秦王府文学。时思廉在洛阳，王遣使遗物三百段，致书曰：“景想节义，故有是赠。”王即位，改著作郎、（宏）[弘]文馆学士。诏撰梁、陈书，思廉采谢灵运、顾野王等诸家言，推究综括，为梁、陈二家史，以卒父业。加通直散骑常侍。凡政事得失，许密以闻，思廉亦展尽无所讳。拜散骑常侍。卒，谥“康”。

**袁朗** 《旧唐书》：长安人，陈尚书左仆射枢之子。陈亡，徙关中。朗勤学，好属文。在陈，释褐秘书监<sup>①</sup>，尝制千字诗，当世以为盛作。陈后主召入禁中，使为《月赋》，又为《芝草》《嘉莲》二颂，深见优赏。武德初，授齐王文学。贞观初卒官，太宗为之废朝一日，谓高士廉曰：“袁朗在任虽近，然其性谨厚，特使人伤情<sup>②</sup>。”因敕给其丧事。有文集十四卷。

从父弟承序，武德中，齐王元吉闻其名，召为学士。高宗在

① 秘书监：《旧唐书·袁朗传》作“秘书郎”。

② 伤情：《旧唐书·袁朗传》作“伤惜”。



藩，太宗选学行之士为僚属，召守晋王友，仍令侍读，加授（宏）[弘]文馆学士。卒。

**杜淹** 《唐书·杜如晦传》：字执礼，如晦叔，杜陵人。材辩多闻，有美名。秦王引为天策府兵曹参军、文学馆学士。尝侍宴，赋诗尤工。及践祚，召为御史大夫，敕东宫仪典[簿最]悉听淹裁订。俄检校（礼）[吏]<sup>①</sup>部尚书，参预朝政。贞观二年卒，谥“襄”。

子敬同，官鸿胪卿。

**令狐德棻** 《唐书》：华原人，博贯文史。高祖入关，引直大丞相府记室。武德初，迁秘书丞。是时，乱后经籍亡散，德棻请帝购求遗书，置吏补录。不数年，图典略备。贞观三年，诏撰定五家史，德棻次《周史》。书成，迁礼部侍郎，兼修国史。坐事免。会修《晋史》，房（元）[玄]龄奏起之。德棻为先进，类例多所讫定。除秘书少监。永徽初，复为礼部侍郎、（宏）[弘]文馆学士，兼修国史。高宗尝问王、霸孰先，德棻曰：“王任德，霸任刑。”又问禹、汤、桀、纣所以兴亡，对曰：“《传》称：禹、汤罪己，其兴也勃焉；桀、纣罪人，其亡也忽焉。”帝悦。迁国子祭酒、崇贤馆学士，爵为公。卒，谥“宪”。

**峒**，德棻五世孙。天宝末，及进士第。遇乱，隐南山豹林谷。杨绾微时，数从之游。绾修国史，荐峒，拜右拾遗，兼史职。撰《（元）[玄]宗实录》，哀掇诏策，备一朝之遗。大历中，迁司封郎中，知制诰，兼史馆修撰。建中初，为礼部侍郎。贞元五年贬，卒。初，受诏撰《代宗实录》，未就。会贬，诏听在外成书。元和中，其子太仆丞丕献之，赠工部尚书。

**江融** 《旧唐书·魏元忠传》：整屋人，撰《九州设险图》，备载古今用兵成败之事。

**李适** 《旧唐书》：万年人。景龙中为中书舍人，转工部侍郎。睿宗时，天台道士司马承祯征至京师。及还，适赠诗，叙其

① 以上据《新唐书·杜如晦传附杜淹传》补、改。

高尚之致。朝廷之士无不属和，凡三百余人。徐彦伯编而叙之，谓之《白云记》。寻卒。

适子季卿<sup>①</sup>，亦能文，举博学宏辞。肃宗时，为中书舍人。代宗立，进吏部侍郎，河南、江淮宣慰使，号“振职”。大历中，终右散骑常侍。遗命以布车一乘葬。季卿在朝，荐进才髦，与人交，有终始，恢博君子也。

苏晋 《唐书》：珣子，蓝田人。数岁知为文，作《八卦论》。举进士及大礼科，皆上第。先天中，为中书舍人。（元）[玄]宗监国，所下制命，多晋及贾曾稿定。屡献谏言，天子嘉允。始，晋与洛人张循之、仲之善。循之上书忤武后，见杀。仲之神龙中谋去武三思，为宋之慈等所发，死，晋厚抚其子渐，为营婚宦。晋卒，渐丧之若诸父云。

邓（元）[玄]挺 《旧唐书》：蓝田人。善属文，为顿丘令。有善政，累授中书舍人。性俊辨，机捷过人。出为澧州刺史，以善政闻，召拜天官侍郎。

祝琳 《唐书·祝钦明传》：字叔良，钦明父，始平人。少通经，颇著书，终无极尉。

韦述 《唐书》：（宏）[弘]机曾孙，杜陵人。家厨书二千卷，述为儿时，诵忆略遍。父景骏，神龙中为肥乡令，述从到官。元行冲，景骏姑子也，为时儒宗，与语前世事，详谛如指掌。使属文，授纸辄就。行冲曰：“外家之宝也。”举进士，时方少，仪质陋拙，考功员外郎宋之问曰：“童子何业？”述曰：“性嗜书，所撰《唐春秋》三十篇，恨未毕，他惟命。”之问曰：“本求茂才，乃得迂、固。”遂上第。述好谱学，故于百氏源派为详，撰《开元

① 李季卿，《旧唐书》以李适之之子，附传于《李适之传》，而非《李适传》；《新唐书》则以李适子，附传于《李适传》。所述事迹略同，而其父别为二人，实相抵牾。《旧唐书》卷九十九“考证”云：“李适之子季卿传，《新书》作李适子，见《文苑传》中，未知孰是。”《新唐书》卷二百二“考证”云：“《李适传》：‘子季卿，亦能文’，《旧书》作李适之之子。”

谱》二十篇。张说领集贤院，荐述为直学士，迁起居舍人。先是，诏修《六典》，徐坚构意岁余，未有所适。述摹周六官各领其属，事归于职，规制遂定。初，令狐德棻、吴兢等撰武德以来国史，皆不能成。述因二家，参以后事，遂分《纪》《传》，又为《例》一篇，文约事详，萧颖士以为谯周、陈寿之流。改国子司业，充集贤学士，累迁工部侍郎。

弟迢、迪，学业亦亚述。述与迢对为学士，与迪并礼官，搢绅高之。

**于休烈** 《唐书·于志宁传》：志宁曾孙，高陵人。机鉴融敏，善文章。开元初，第进士，又擢制科，迁比部郎中。肃宗立，迁太常少卿，知礼仪事，兼修国史。时经大盗后，史籍燔缺，休烈献《五代论》，讨著旧章，天子嘉之。代宗立，拜右散骑常侍，兼修国史，累进工部尚书，封东海郡公。虽历清要，性恭俭仁爱，无喜愠之容。乐贤下善，推毂士甚众。老耽经籍，卒年八十一，谥曰“元”。

二子：益、肃，及休烈（一）<sup>①</sup>时相继为翰林学士。益，天宝初及进士第。肃，终给事中。

肃子敖，字蹈中，擢进士。元和初，拜监察御史，迁户部侍郎，出为宣歙观察使。敖修谨，家世用文学进。四子：球、珪、瓌、琮，皆清显。

**于邵** 《唐书》：万年人，天宝末，第进士。以书判超绝，补崇文校书郎。由比部郎中为道州刺史，未行，徙巴州。会岁饥，部獠乱，薄城下，邵励兵拒战，且遣使谕晓。獠丐降，邵儒服出，贼见皆拜，即引去。授兵部郎中，俄以谏议大夫、知制诰，进礼部侍郎。朝有大典册，必出其手。邵孝弟有行，晚涂益修洁。樊泽始举贤良，邵望见曰：“将相材也。”崔元翰举进士，年五十矣。邵以其文擢异等，曰：“后当司诏令。”已而皆然。

**窦叔向** 《全唐诗话》：字遗直，京兆人。代宗时，常袞为相，

<sup>①</sup> 据《新唐书·于志宁传附于休烈传》删。

用为左拾遗、内供奉，出为溧水令。

四子登第。[子]群，以处士隐毘陵。韦夏卿荐之朝，德宗擢为左拾遗，代武元衡为中丞。群与兄常、牟，弟庠、巩，皆为郎，工词章，为《联珠集》，传于时，[义取昆弟若五星然]<sup>①</sup>。

**韦 绶** 《唐书·韦贯之传》：贯之兄，杜陵人。举孝廉，又贡进士，后擢明经。德宗时，以左补阙为翰林学士，密政多所参逮。以母老自解职，每请，帝辄不悦。出入八年，性谨甚。晚感心疾，罢还第。九月九日，帝为《黄菊歌》，顾左右曰：“可示韦绶！”绶遽奉和。帝曰：“为文不已，岂颐养耶？”敕自今无复尔。终左散骑常侍。

弟纁，有精识，为士林器许。

**韦 顗** 《唐书》：字周仁，谔弟益之子，万年人。通阴阳象纬，博知山川风俗，论议典据。以荫补千牛备身，历御史、补阙。裴垪、韦贯之、李绹、崔群、萧俛皆布衣旧，继为宰相，朝廷典章多所（资）[咨]<sup>②</sup>逮。累迁御史中丞，为户部侍郎，徙吏部，卒。所著《易缙解》，推演终始，有深谊。

**杜 牧** 《唐书》：字牧之，惊从弟，万年人。善属文，第进士，举贤良方正。沈传师表为江西团练府巡官，又为牛僧孺淮南节度书记府。擢监察御史，拜殿中侍御史。是时，刘从谏守泽潞，何进滔据魏博，颇骄蹇，不循法度。牧追咎长庆以来朝廷措置亡术，故作《罪言》。历黄、池、睦三州刺史，入为司勋员外郎，常兼史职。复乞为湖州刺史，迁中书舍人。牧刚直有奇节，敢论列大事，指陈利病尤切至。从兄惊，更历将相，而牧困蹶不自振。卒年五十。自为墓志，悉取所为文章焚之。牧于诗，情致豪迈，人号为“小杜”，以别杜甫云。

弟顗，字胜之，举进士，礼部侍郎贾餗曰：“得杜顗足敌百

① 据《全唐诗话》卷二补。

② 据《新唐书·韦湊传附韦顗传》改。



人。”李德裕奏为浙西府宾佐。德裕贵盛，宾客无敢忤，惟顗数谏正之。及谪袁州，叹曰：“门下爱我皆如顗，吾无今日。”太和末，召直史馆。顗亦善属文，与牧相上下。

## 五代

**李 恽** 《五代史》：京兆人。少好学，工文辞。唐末举进士，为秘书省校书郎、集贤校理。天成中，为中书舍人、翰林学士，累迁尚书右[丞]<sup>①</sup>承旨。时右散骑常侍张文宝知贡举，所放进士，中书有覆落者，乃请下学士院作诗赋为贡举格，命恽为之，恽曰：“予少举进士登科，盖偶然尔。后生可畏，来者未可量，假令予复就礼部试，未必不落第，安能与英俊为准格？”闻者多其知体。迁刑部尚书分司洛阳。卒。

## 宋

**李 瀚**<sup>②</sup> 《宋史·李涛传》：字日新，涛弟，万年人。幼聪敏，慕王、杨、卢、骆为文章。后唐长兴初，吴越王钱镠卒，诏兵部侍郎杨凝式撰神道碑，令瀚代草，凡万余言，文彩遒丽，时辈称之。晋天福中，召为翰林学士。契丹入汴，瀚陷塞北。应历十二年卒。兄涛收瀚文章编之为《丁年集》。

子承確，主客郎中；承续，职方郎中。

**韩 溥** 《宋史》：长安人，唐相休之裔孙。少俊敏，善属文。周显德初，举进士。开宝三年，自静难军掌书记召为监察御史，三迁至库部员外郎，再转司门郎中。淳化二年病，请辞职。溥博学，善持论，详练台阁故事，多知唐朝氏族，与人谈，亹然可听，号为“近世肉谱”。尤善笔札，人多藏其尺牍。

弟洎，亦进士及第。

**杨 砺** 《宋史》：字汝砺，郾人。曾祖守信，唐山南西道节

① 据《新五代史·李恽传》补。

② 李瀚事迹主要在五代，卒时北宋立国仅三年，且此人身陷辽国，未曾仕宋，当入“五代”，不当入“宋”。



度使。祖知礼，后唐均州刺史。父仁俨，永和令。砺，建隆中举进士甲科。父丧，服除，以禄不足养母，闲居无仕进意。开宝九年，诣阙献书，授陇州防御推官。真宗尹开封，砺为推官。[即位]，拜给事中、判吏部[铨]<sup>①</sup>。未几，召入翰林为学士。咸平初，拜枢密副使。卒，真宗辍悼曰：“砺介直清苦，方当任用，遽此沦谢。”即冒雨临其丧。砺僦舍委巷中，乘舆不能进，步至其第，嗟悯久之。砺为文，无师法，每诗一题或数十篇。有文集二十卷。

子峤，祠部郎中；峰，太常博士；峭，太子中舍；少子嵎，至道初，刊校真宗储邸书籍，赐进士出身，直史馆。

**宋 湜** 《宋史》：字持正，长安人。曾祖择，牟平令。祖赞，万年令。父温故，左补阙；弟温舒，职方员外郎。湜幼警悟，早孤，与兄泌励志笃学，事母以孝闻。温舒典耀州，湜侍行，代作笺奏，词（钦）[敏]<sup>②</sup>而丽。温舒曰：“此儿真国器也！”太平兴国五年进士，释褐将作监丞。咸平元年，充枢密副使。卒，谥“忠定”。湜风貌秀整，器识冲远，好学，美文词，笔法道媚，人多传效。喜引重后进有名者，又好趋人之急，当世士流，翕然宗仰之。有文集二十卷。

兄泌，至起居郎、直史馆。

温舒子沆，州倅<sup>③</sup>，喜[谈兵。京]西（京）<sup>④</sup>提点刑狱。

**金**

**冯 辰** 《中州集》：字驾之，临潼人，贞祐三年进士。九岁知作诗。

**元**

**唐 堃** 《富平志》：富平人，元进士。博极群书，抱负宏博，

① 以上据《宋史·杨砺传》补。

② 据《宋史·宋湜传》改。

③ 《宋史·宋湜传附宋沆传》：“吕蒙正罢相，沆坐亲党，贬宜州团练副使。”

④ 据《宋史·宋湜传附宋沆传》补、删。

学者宗之，称“犀峰先生”。

**第五昌言** 《贾志》：富平人，博通经书，为奉元路儒学学正。

**董立** 《雍大记》：字植夫，以明经中经元。隐居教授，征拜翰林修撰，辅导储副，迁司业。以绩著，累擢陕西行台侍御史。卒，谥“文定”<sup>①</sup>。

## 明

**赵璧** 《贾志》：字子深，醴泉人。沉静好学，综揽百家，尤精于《大学章句》。洪武时，辟本学训导。

**刘顺** 《贾志》：字孝夫，富平人。天资英慧，少家贫，灌园养母。遇方士，授以《易》。构文时以木画地代纸笔。岁不给，尝负米同官山中。值县尹索诸士子章，莫应也，乃授粲于顺，授笔立成。尹奇之，督学者列高等，荐于乡，为夏县知县。

**魏浩** 《马志》：咸阳人，隐居龙岩，号“龙岩先生”。博闻强识，综贯百家，尤长于诗赋。又同里李俨，号“渭滨散人”。性刚直，嗜学通经。乡先生刘源授以《大易图序》，遂明数学，吉凶无不应。所著有《击壤后尘》十卷。

**王九思** 《(元)[玄]麓堂文集》<sup>②</sup>：字敬夫，鄠人，(宏)[弘]治丙辰进士。李东阳当国，为清新流丽之诗，和平畅达之文。九思亦学其体，考选庶吉士，授翰林检讨。及李梦阳起而倡古文辞，九思一洗旧习从之。东阳以其文异己，出为寿州同知。至则与州人士评说古文辞，州人士翕然乐向。九思闲美风流，谈论典雅，下及艳曲、小令，皆工美，极人情之致。

**张治道** 《丘隅集》：字孟独，长安人。娴于诗赋，议论如悬河，而性刚气豪，尚奇节。正德甲戌登进士，授长垣令。三年，以治行擢刑部主事，与部僚薛蕙、刘储秀、胡侍并以诗名都下，号“西翰林”。梦其母病，乃上疏引疾归，遂不复仕。与王九思、

① 文定：《雍大记》卷二十八作“文贞”。

② 《明史·艺文志》有“南师仲《玄麓堂集》五十卷”。

康海纵论诗文，遨游终南鄠、杜间，遇山水胜处，辄命酒歌咏。语及天人古今之际，浩渺闳肆，时人莫测也。家居四十年，著述甚富。

**胡廷器** 《三原志》：字含素，三原人。博览群籍，旁及书画，无不精妙。与同县梁尔升相友善。尔升字君旭，有《（元）[玄]扈山房文集》行世。

**李 兰** 《咸宁志》：字幼滋，咸宁人。幼聪敏，称“神童”，举进士，官户曹员外郎，督通州粮储，以谗归。所著诗文、乐府，皆传于世。

**刘士龙** 《贾志》：字甫化，富平人，万历癸卯解元。博学善属文，隐居盘龙寺。凡经、史、子籍，悉手录评次，几与身等，南北宿师大儒皆服其精。治躬严谨，与人交，有汪洋万顷之度。著有《上杨制台藿议》《宋书经济》《御寇策》与诸《游记》《香律》《月令》等集行世。

**南师仲** 《贾志》：字子兴，渭南人，万历乙未进士。善古文词读，中秘书，己酉典试留都，得人称“盛拜南大宗伯”。师仲质素癯，腰不满围，隔膜见腑脏，而目精炯烁，神气倍旺，燃藜校录，夜分不倦。所撰制词，仿《伊训》《虺诰》，不作近时体。

**张学道** 《贾志》：字致卿，长安人，自称竹逸山人。聪颖好学，于书无所不窥，尤长于《诗》。所著有《绿云山房稿》《国华录》。

**赵 岫** 《陇蜀余闻》：字子函，一字屏国，盩厔人，万历己酉举人。家有傲山楼，藏书万卷，所居近周、秦、汉、唐故都，古金石名书多在。时跨一驴，挂偏提，拓工挟楮墨以从。每遇片石阙文，必坐卧其下，手剔苔藓，椎拓装潢，援据考证，略仿欧阳公、赵明诚、洪丞相三家，名曰《石墨镌华》。自谓穷三十年之力，多都元敬、杨用修所未见也。

**周 宇** 《咸宁志》：西安左卫人，嘉靖己酉举人，官户部主事。精识古文奇字，善临池草书，为世所重。

**来复** 《溉堂集》：字阳伯，三原人，万历丙辰进士。诗文敏捷，为人重气好客，泛交道广。起家户部郎，历官布政使、兵备扬州。归田，病卒。阳伯性通慧，诗文书画之外，琴棋剑器、百工伎艺无不通晓。有诗集十余卷。

《三原志》：来临，字驭仲，复弟也。博学宏才，二难齐名。以明经任屯留县，升蔚州守。归里。有《丛笙斋集》三十卷。

**党忠** 《富平志》：富平人，以举人训磁州，迁榆次谕。淹贯六籍，尤长于《诗》，下至法律，靡不究心。升伊府审理。

**许傑** 《贾志》：咸阳人，学不师授，自解《孝经》《论语》及史、鉴诸书，尤长于诗歌，自成一家。乡社子弟多所起发。周贫恤孤，尊贤敬老。有遗稿数卷传里中。

## 本朝

**韩诗** 《通志》：字圣秋，三原人。崇祯己卯举人，官至兵部郎。学问渊邃，诗文颖异，寓居江南，交游皆知名士。尤矜尚气节，著有《学古集》《明文西》行世。

**张恂** 《通志》：字穉恭，泾阳人。甫冠，发先世所藏书，键户篝灯读之。又博综《诗》学，稍暇，辄仿法书名画。崇祯癸未，成进士，会逆闯踞关中，恂遁迹壶山。顺治二年，以先世策鹾维扬，思整旧业。遂南游刊上，遍交吴越诸名士。十二年，补授中书舍人。世祖稔其名，命兼给事毫素。尝有故人中隙者久之，复来谒，恂欢然道故。其人方三丧未葬，子女婚嫁俱未办，恂立挥五百金以赠。人以是知其长者。暮年所著有《樵山堂诗》《西松馆诗》及《雪鸿草诗文》。

**孙尔思** 《通志》：字睿生，西安人。顺治丙戌举于乡，授凤翔教谕。尝摄邑篆，剖疑决狱，邑称“神君”。性坦易世，味泊如家。居临灞岸，日徜徉山水间，有得即录，置奚囊中，久之成帙。有《灞上集》。

**温树珖** 《通志》：字虞白，三原人。顺治丁亥进士，授堂邑令，甫三月，罢归。家居事亲，备极色养。宁夏巡抚黄图安荐之，



树珧以亲老辞，不赴。性好学，尝取天文、地志、国典及河漕、关榷、兵防、刑法诸书，精核条列之，为用世具。甲寅、乙卯间，秦中不靖，树珧倡邑人修城浚壕，集乡勇为守御。逾年，卒。人知其用之未竟也。

子德嘉，康熙戊午举人，读书有经世略。

**杜恒燦** 《通志》：字苍舒，三原人。年十七补弟子员。值寇乱，家中落，尝走四方，负米养亲。乡试中副车，遂入太学，念老亲家居食贫，因策蹇南游。先是，恒燦居京师，与中翰吴炜同订观文大社，以振兴古学为志。及炜使关中，过焦获，复广其社于邑中学古书院。炜去，恒燦主盟，学者多宗之。初，梁敏壮公镇崇明，遣迎恒燦。既至，化凤以堤成出猎，恒燦陪副乘，即事作《平洋沙》十章。化凤立命谱入铙歌，持千金起为寿，欢声溢军中。寻游楚、滇，复入吴。久之，归，卒。恒燦性好客，所居滨白渠南，车骑冠盖恒辐辏。每酒酣耳热，泼墨挥毫，无不厌所欲而去。有《春树草堂集》，弟焞传之。

**李念慈** 《通志》：字劬庵，泾阳人，顺治戊戌进士。初授推官，改知县。缘逋赋事，罢归。康熙十三年，滇逆作乱，大兵驻荆襄，念慈捧檄入楚，以僦运有劳，再补天门知县。十七年，举博学宏词科，复报罢，遂绝意仕进。好吟咏，诗酒唱酬，一时诸名士皆倾倒。著有《谷口集》。

**张调燮** 《通志》：字元宰，咸阳岁贡生。嗜学能文，著有《秋水编》。

**孙枝蔚** 《通志》：字豹人，三原人。性豪宕，敦气节，博学工诗。明末闯逆踞关中，枝蔚感激时势，谋结乡曲诸豪士起义讨贼，卒不果。后遂南游吴下，流寓邗关，遍交吴越诸名宿。笔床砚匣，倡和无虚日。康熙十七年，举博学宏词，入都。以年老求免试，不许。及试，被落南归，会诏下吏部，令视与试诸人有年高学赡者，授京衔以宠其行。部拟初授正字，特授内阁中书舍人以归。枝蔚为诗，不事雕饰而意致洒如，所著有《溉堂集》。



**李因笃** 《通志》：字子德<sup>①</sup>，富平人。年十一，为邑诸生。丁明季之乱，遂谢去。肆力为古文辞，尤长于诗歌，尝游长安，仿少陵作《秋兴》诗八首，见者多击节。时往来秦、晋间。康熙十七年，诏集诸儒纂修《明史》，廷臣以因笃名上。十八年，授翰林院检讨<sup>②</sup>，未两月即疏乞终养，疏略曰：“臣母年逾七旬，属岁多病。随经具呈吏部，吏部谓称亲援病，恐有推诿。窃思己病或可伪言，亲老岂容假托？臣虽极愚不肖，讵忍藉口所生，指为推卸之端。臣仰图报君，俯迫谕母，欲留不可，欲失未能，瞻望阙廷，进退维谷。”疏三十七上，始允归。抵家后，寝食汤药，每事躬亲。越五年，母歿，遂不复仕。性敏绝，博极群书，又好汲引后学。有文集十五卷，诗集三十五卷，《广韵正》四卷。

**刘 芬** 《通志》：字学海，三原人。幼聪颖，长益奥衍。学使吕云藻荐之，不起。著有《檐曝琐言》八卷、《蓬窗杂咏》十卷。

**杨生芝** 张祖武《杨迂庵行略》：字符远，咸宁岁贡生。少与华阴王山史、郃阳康乃心游，乃心题其庐曰“杨子居”。会修《县志》，极该博而未尝一字及乎己。总制博公钦其名，延课其子。一日，博公燕见，未及冠，先生力求去。以千金为赠，不受。时，博公将南旋，以书籍与彝鼎寄先生家，及南归，乃以札致先生，云：“前所寄先生者，乃赠先生者也。若预言，先生必不受矣。”其生平清介多类此。

① 清乾隆《富平县志》卷七作“字天生，号子德”。

② 检讨：清乾隆《富平县志》卷七作“检讨”。

